






XXIV

F

5.





121

CONFUCIUS SINARUM PHILOSOPHUS.

SIVE
SCIENTIA SINENSIS
LATINE EXPOSITA.

Studio & Opera { PROSPERI INTORCETTA,
CHRISTIANI HERDTRICH, } Patrum Societa-
FRANCISCI ROUGEMONT, } sis Jussu.
PHILIPPI COUPLET, }

JUSSU
LUDOVICI MAGNI

Eximio Missorum Orientalium & Litteraria Reipublice bono
E BIBLIOTHECA REGIA IN LUCEM PRODIT.
ADJECTA EST TABULA CHRONOLOGICA SINICÆ MONARCHIÆ
AB HUIUS EXORDIO AD HÆC USQUE TEMPORA,



PARISIIS,
Apud DANIELEM HORTHEMELS, viâ Jacobzâ,
sub Mæcenate.

M. DC. LXXXVII.
CUM PRIVILEGIO REGIS.

21131

21131

21131

21131

21131

21131

21131

21131

21131



21131

21131

21131

21131

21131



LUDOVICO
MAGNO.
REGI CHRISTIANISSIMO.

POSTQUAM ab altero non ita pridem Orbe;
Majestatem tuam, REX MAGNE, adierunt
cum insigni apparatu potentissimi Siamensium
Regis Legati, excitati videlicet virtutis ac sapien-
tie tue famâ, qua remotissimas in oras jamdudum penetra-
verat; adest nunc ab extremo procul Oriente Princeps è
A ij

E P I S T O L A.

Regio Sinensium Imperatorum sanguine , Confucium appellant , uno Sinensium consensu habitus omnium , qui unquam apud eos floruerunt , Sapientissimus & Moralis Philosophia pariter ac Politica Magister & Oraculum.

Ab hujus ore , sicuti quondam pendeant tria Discipulorum millia , ita modo ex ejus effatis amplissimum gubernatur imperium , Statuuntur leges , Gentis mores & civilia componuntur officia , denique in ejus doctrina perdiscenda summorum Reipublice honorum ac Magistratuum obtinendorum spes una & ratio continetur. Hujus memoriam , libros , nomen ipsum Sina omnes , mirifice colunt , ipsique adeo imperatores qui ad eas , ubi docebat alim , ades (que tanquam sapientie sacraria servantur) ejusque gymnasia venerabundi ventitare non dedignantur ; nec sane immerito ; quippe qui ab tanto Magistro didicerint Summum cæli , ut vocabat ipse , Imperatorem Regnorum omnium ac Imperiorum moderatorem & arbitrum adorare ac timere , subditos sibi populos æquitate magna & charitate regere , fovere artes , orbem denique Sinensem domi tot jam annos ac militia florentem , sanctissimis institutis legibusque moderari.

Hic igitur ille Confucius tibi se sistit , REX MAGNE , curis tuis & Regia liberalitate in Gallias veluti deportatus , & ad Majestatis Tuæ pedes provolutus accedit , palam admiraturus sapientiam tuam , & suam illam , etsi apud populares suos incredibili fama & existimatione jactatam , Tuam tamen nibilo secius , quam Soli Stellas , decedere confessus.

Harebit ille , opinor , ad primum aditum atque conspectum , & admiratione simul gaudióque defixus repertum sibi tandem

E P I S T O L A.

tandem Principem illum dicet, ad quem videndum nequidquam hæcenus tanto studio exarserat. Cum enim egregius ille vir eximium, & qualem informabat animo, Imperatorem suis in libris adumbrasset, ac neminem sanè votis suis parem ex arctis Imperii Principibus reperire potuisset, in quem unum omnes regia illa dotes conspirarent, quique illam numeris omnibus absolutam formam ideamque perfectissimi Principis referret, tunc in eas erupit voces Tâi Kî Gîn Expectandus hic Vir hic est, qui veniet aliquando, & divina quadam & admirabili sapientia præditus talem se exhibebit, in quo nihil nostra, nihil publica desiderare vota possint.

Nonne ille, si modo revivisceret, ac Te, REX MAGNE, contemplaretur, illum ipsum esse Te agnosceret, quem propexisset animo, & incredibili gaudio persusus, voti se compotem esse factum exclamaret? Nonne tuam in administrando Regno amplissimo sapientiam regibus omnibus proponeres, exempla tuis è moribus, leges ex effatis peteret? Tuam denique pietatem, clementiam, æquitatem, illam æquabilem in tanta rerum maximarum & negotiorum mole mentis ac vultus serenitatem atque præsentiam cum tanta Majestate conjunctam, Principibus universis pro norma & regula esse vellet?

Quoniam vero Philosophus ille sapientissimus, solo natura ac rationis lumine cognoverat, nihil religione antiquius homini esse oportere, ad eumque scopum unum suam ipse doctrinam disciplinamque referebat, ut mortales vitam omnem è supremi Numinis legibus præceptisque componerent, idcirco nihil ipsi prius aut potius fuit, quam ut sectas & pere-

E P I S T O L A.

grina dogmata, qua in populorum exitium, ac Monarchiarum perniciem nata esse dictitabat, penitus profligaret. Hinc ejusdem ea vox, hodieque inter Sinas celebratissima: Cum hu y tuon, Oppugna heretica dogmata. Quantam igitur afferret homini pietatis amantissimo latitiam, siquidem ad hac felicissima legis gratia tempora pertingere potuisset, tua illa Rex tutanda & amplificanda Religionis, extirpanda haereseos, pietatis propaganda cura? Quibus Te laudibus efferret, cum haesim, hostem illam avita fidei ac regni florentissimi teterrimam, proculcatam & attritam, edicta, quibus vitam, ducere videbatur, abrogata; disiecta templa, nomen ipsum sepultum, tot animarum millia pristinis ab erroribus ad veritatem, ab exitio ad salutem, tam suaviter, tam fortiter, tam feliciter traducta, Galliam denique universam sub Rege Maximo & verè Christianissimo Christianissimam aspiceret?

Non ille tantum profectò miraretur ac predicaret cetera Galliae tuae miracula, non tot arces omnibus & artis & naturae praesidiis permunitas partim à Te dejectas & captas, partim extructas & erectas; non potentissimas & numerosissimas classes quibus Asia & Africa terrorem astulisti; non tot victorias de hostibus reportatas, quibus coronidem gloriosissimam imposuisti publicae trophaeum pacis: non visenda illa, in quibus Regium splendorem & magnificentiam tuam explicas, Palatia; non flumina ultra montes transvecta; aperta & juncta maria; non tot artium & scientiarum gymnasia & seminaria: hac, inquam omnia, tantam admirationem sapientissimo Philosopho non injicerent, quantam hac una Religionis, duce Te atque auspice, de Haeresi triumphan-

E P I S T O L A.

tis victoria, quam nec tentare quisquam antea sibi ausus erat, nec sperare; credere vero vix olim poterit sera posteritas, admirari quidem certe ac predicare nunquam satis poterit.

Ego vero hujus unius rei & victoria tam incredibili fama precipue percussus huc ab ultimis Sinarum oris adveni, magnum me longissimi Oceani feliciter emens opera pretium fecisse ratus, quod his oculis ea videre mihi contigerit, qua fama ubique sparserat, quam tamen ipsa re minorem esse deprehendi. Quam dulce mihi jam accidet, favente Deo, renavigare tot maria, revisere optatissimam Sinam & illic ista miracula, quorum testis oculatus extiti, predicare! vel eorum certe recordatio tot laborum ac periculorum absterget sensum, memoriam delebit, viam redeunti efficiet faciliorem; & quasi complanabit. Jam mihi videor in medio Neophytorum ad me convolantium latissimo confessu, atque ipsorum etiam Ethnicorum, renarrare, qua hic viderim, illos arrectis auribus animisque adstare suspensos, obstupescere ad rerum magnitudinem ac novitatem, simulque Tibi, REX MAGNE, Religioni, & Gallia congratulari.

Quibus porro incedent latitiis, cum accipient suum illum Confucium tanto à Te in pretio & honore habitum fuisse, ut ei ceteros inter Bibliotheca Regia libros locum esse volueris? eundem latio sermone donatum, ejus effigiem ac libros necnon etiam & acta principum suorum, non ligneis tantum illis, quibus Sina utitur, tabulis, sed areis & elegantissimis excusos; cum denique, qui Sinico tantum in Imperio hactenus erat cognitus, jam per Galliam atque ex Gallia per omnem latè Europam brevi spargendum, ac tanti ab omnibus, quanti par est, ubique faciendum. Quas illi tum Ma-

E P I S T O L A.

*jestati Tua gratias agent, quibus Nomen tuum laudibus
universi, quam fausta comprecatione prosequuntur! qua vota
Neophyti certatim pro tua incolumitate; pro felici rerum
omnium, quascumque fueris aggressus, exitu; pro florentissimi
Regni ac Religionis Catholica secundissimo illo cursu nuncu-
pabunt? Et audiet illorum vota fortunabitque Deus Opti-
mus Maximus, talemque Te Gallis & Orbi Christiano diu
servabit, qualem Catholica res & Ecclesia tota, qualem
probi omnes tam tui, quam exteri voverent ac precantur, at-
que imprimis, qui prater ceteros esse amat gloriaturque,*

MAJESTATI TUÆ.

Devotissimus atque addictissimus;
PHILIPPUS COUPLET
Societatis Jesu.

OPERIS





urbem BEIJING continet Ur-
bis 6. civitas 22. famul. 770 885
familias 470 000 collegia
Templa Regia fauore erec-
ta aulam templa 4. et mu-
ni-
u. XANBI continet Urbem 5.
Civitas 22. famul. 220 000. Templa
22. Denas 3. oratoria et mu-
ni-
u. XENBI continet Urbem
civit. 107. famul. 13 100.
Templa 6. Residentas 3. oratoria
et missiones 27.

Prou. YANTUM continet Ur-
bis 6. civitas 22. famul. 770 885
Templa 2. Residentiam 1. oratoria
et missiones 10.
Prou. HONAN continet Urbem
6. civitas 100. famul. 512 000.
Templa et Residentiam.
Prou. SICHUEN continet Ur-
bis 8. civitas 120. famul. 440 000.
Templa 1. Residentas
et om. 2.
Prou. HUQUAN continet
Urbem 18. civitas 108. famul.
832 884. Templa 6. Resid.
missiones 8.

Prou. NANKIN continet Ur-
bis 14. civitas 100. famul.
1088 885. collegium. Resid.
intra Urbem et civitas Templa 18
in pagu Templa 108. Mus. 68.
Prou. CHEKIANG continet Ur-
bis 11. civitas 83. famul.
10 423 100. collegium, tyronum
sum Templa 5. et item alia
Templa 2. et Resid.
Prou. KIANGSI continet Ur-
bis 13. civitas 87. famul. 108 885.
Templa 7. Residentas 3. mis-
siones 15.

Prou. FOKIEN continet Ur-
bis 8. civitas 41. famul.
10 82 000. Templa 44. Resid.
missiones.
Prou. QUANTUM continet
Urbem 10. civitas 71. famul.
1132 880. Templa 7. Residentas
et om. 3. et missiones.
Prou. QUAMI continet Ur-
bis 10. civitas 18. famul.
18 779.
Templa et om. et Residentas.
Prou. YUNNAN continet Ur-
bis 22. civitas 84. famul.
132 951.
Prou. QUEYCHEU continet
Urbem 8. civitas 10. famul. 832 885.

XF Provinas Summam conti-
nent Urbem Metropolitana 150
Civitates 1312. Prater oppida
militaria 2357.
Familias 1012 878.
Vironum copia 22 82 878.
Templa a Societate Jesu primo
saeculo erecta circiter 200.
Residentas publicas sigilla mu-
nitas 24. prater tra. scholas.
Collegia. oratoria. Missiones.

**AD MAIOREM DEI
GLORIAM.**

Philippus Comites S. J. Summa
Missionis Praeparant.

urbi. apud Siamen. Nihil
ut Jacobus sub Signo Platan
utitur. Cum Privilegio Regis.



OPERIS
ORIGO ET SCOPUS
NEC- NON

SINENSIIUM LIBRORUM, INTERPRETUM,
SECTARUM, ET PHILOSOPHIÆ, QUAM
NATUTALEM VOCANT,

PROËMIALIS DECLARATIO.

VENIAM nobis dabit Europæus Lector, uti spero, si toto hoc opere, sed hic in primis dum totius operis quasi fundamenta jacimus, multa sollicitè persequamur, & quidem minutius fusiùsque quàm perspicacia multorum ingenia, & talia cum sint, brevitatis quoque studiosa fortasse desiderent: Quamvis enim placere his lucubrationem nostram sanè optemus, & verò speremus eruditæ multorum curiositati non displicituram, præsertim cum de tantâ tamque politâ & ab oculis terrisquæ suis adeò remotâ antiquitate agatur; quoniam tamen (ut hoc semel clareque profiteamur) propositum nobis est non tam sèrvire oblectamento & curiositati eorum qui in Europa degunt, quam utilitati eorum qui ex Europa lucem Evangelicam ultimis hisce tertis allaturi navigant; prolixitatem quampiam, quæ alias vitio daretur, in hac Laconicæ peregrinæque gentis tanta caligine, non modo veniâ dignam; sed planè necessariam esse duximus, & minimarum quoque rerum habendam nobis esse rationem; eò etiam magis, quòd placuit non huic tantùm explanationi, sed omnibus quas in hoc genere alii deinde suscipient, faciem præferre, & ea jacere fundamenta, quæ substructionem istam, quantumvis aliorum deinde operâ

vel educatur altè, vel amplificetur, sustinere queant. Ad quæ priusquam progrediamur, non injucundum Lectori fuerit, occasionem suscipiendi operis causasque cognoscere.

Quo primum tempore Societas Jesu aditum sibi aperuit in Sinarum Imperium (anni sunt centum eoque amplius) conati sumus, eo planè modo quo apud alias omnes Nationes Evangelici Præcones usi fuerant, Evangelium apud Sinas quoque promulgare; homines scilicet Religiosi, more, habitu, rituque religioso: Verumtamen usus ipse ac successus rerum haudquaquam votis respondens, brevi nos docuit, aliam planè viam, si quod operæ pretium vellemus facere, tenendam esse; propterea quod apud hanc gentem, cum Religio omnis jaceat, tum verò iis qui severiorem quamdam sanctioremque vitæ rationem nostratum Cœnobitarum non absimilem palam profitentur (profitentur autem plurimi, & Bonzios vulgò nominamus) exiguus honor habeatur, sintque ipsi ferè ex infima facie hominum, nec modò litteris nullis, sed ne iis quidem virtutum simulachris, quibus Ethnici gloriantur, insignes: Fuerunt itaque è Sinis Viri gravissimi, quos ipsi nobis privatà jam consuetudine devinxeramus, quique ad eò res nostras & consilia propius penitusque inspexerant, qui nos magnopere hortati sunt, ut quando tot essemus litteris scientiisque, uti jam ipsi compererant, exculti, suo nos literatorum ordini aggregaremus, severioris vitæ sanctitatem, quam suæ gentis Sacrificuli mentiebantur, nos citra externam cultûs asperitatem ipsâ vitæ morumque sanctitate satis superque tueri & profiteri posse; sic spem fore tandem proficiendi, & ipsis quoque Provinciarum Gubernatoribus, Virisque Principibus persuadendi quæ maximè vellemus; neque deinceps obnoxios fore vexationibus illis & contumeliis quibus improborum hominum petulantia peregrinos homines, & vel ideo quia Bonziorum speciem referebamus, despicabiles insectari consuevit, & quas jam tum primi Socii non paucas, nec ullo tamen rei Christianæ emolumento pertulerant.

Haudquaquam difficile fuit persuadere quod ratio & usus jam pridem suaserat, iis præsertim quibus aliud nihil erat propositum quam omnes Christo lucrifacere, & hujus rei gratiâ non modò literatæ Sinarum genti literatos, sed omnibus omnia fieri. Igitur ex illo tempore personam induimus cultumque Literatorum hominum; vixque induimus (quod incredibile videri multis possit) quando nos summi pariter infimique, hi quidem vereri, illi verò colere quasi novos homines cœperunt, ipsique adeo Magistratus ad nos videnti gratiâ cum splendido comitatu crebrius adire. Sed enim solo cultu externo & testimonio paucorum, qui familiarius nobiscum agebant, diu tueri literatorum nomen ac famam difficile erat, maxime

quidem apud eos, qui per insignem plenamque superbiz ignorantiam quidquid esset terrarum extra fines suos rudem esse barbariem existimabant: Quocirca necessarium fuit, præter idioma gentis literas quoque perdiscere, & laborem labore cumulare. Est omnino Sinarum idioma, si quod aliud orbe toto, difficillimum: Multis grammaticæ præceptis continetur: vocabulis gens utitur monosyllabis, iisque paucissimis, quæ admodum subtilissimo linguæ flexu, sibilove, necnon tono (propè musico) modò hoc, modò illo affectæ, vim significandi aliam atque aliam, & sæpè rerum maximè contrarium, accipiunt: Itaque dici vix potest quantum res. hæc negotii facessat. externis hominibus.

Tanta porro vocabulorum penuria literarum copiam genuit; harum quippe summâ varietate vocum suarum similitudinem atque identitatem distinguunt: Numerum quæris? Fidem superat. Unum dixisse satis sit, tantum esse ut nullus dum Sinarum memoriâ tenere omnes valuerit, cum tamen multi illorum à sexto ætatis suæ anno exorsi vitam deinde totam in eis consumant. Quamquam celare hoc nolim, eum qui quinque aut sex literarum millibus uti noverit appositè, non solum intelligere posse plerosque librorum, quos Sinae de moribus, & Officiis, & Republicâ, rebusque olim gestis plurimos conscripserunt; sed ipsum quoque, tametsi Europæus sit; commodè scripturum de quovis argumento, de quo nos inter & Sinenses disputandum fuerit.

Homines ergò iustæ ætatis, nec pauci jam provectæ, & patriis in sedibus rude literariâ si non lauræ pridem donati, cœnæ majorem partem Orbis terrarum repuerascebant inter Sinas amore Christi, & ab elementis ipsis exorsi cum incredibili labore & constantiâ paucis annis, aspirante semper Numine, eam consequabantur & linguæ & literarum peritiam, ut typis quoque scientias Europæas, ac sanctissima Religionis Christianæ mysteria vulgarent, intelligerentque stupentes Sinae, literatorum utique nomine dignos esse, qui literas suas tam citò perdiscerent, ac tot essent tamque præclaris scientiis ac disciplinis instructi; secumque ipsi statuerent, haudquaquam veras esse suspiciones (quæ ut in gente politica multorum animis principio infederant) nos venisse in terras suas specie quidem peregrinæ legis promulgandæ, re autem verâ lucri vel honorum cupiditate impulsos, maximè quando de terris admodum longinquis profecti sic inter ipsos vivebamus, ut nulli indigenarum essemus oneri, quin & pecunias muneris loco oblatas constanter repudiaremus, ultro etiam profitentes nihil rerum ad vitam necessarium nobis deesse.

In hunc modum primas gentis tenebras ac suspiciones primæstille Sociorum labor atque industria feliciter discusserat, & jam de

Europæis, non hominibus modò, sed etiam scientiis ac disciplinis multi sermones erant; verumtamen non adedò secundi, ut non & nostra plerique ipsorum præ suis adhuc contemnerent, & non tam ad laudem sapientiæ suæ nos accedere, quàm ab inertia & ruditate cæterorum barbarorum longiusculè recessisse dictarent: Itaque festivè nonnulli, cùm prisco gentis proverbio solos Sinas utroque oculo præditos esse dicerent, cæteros autem mortalium planè cæcos, Europæis tamen hominibus unum jam oculum tribuebant. Placuit ergo Sociis arcana quæque gentis explorare, atque uti jam in terras ipsas tot claustris & custodiis communitas penetraverant, sic in intima quoque adyta tumidæ illius atque de se sentientis Philosophiæ, si quomodo possent, adytum sibi facere: Eo quidem consilio, ut omnibus eorum placitis, institutis, maximeque vetustis monumentis probè cognitis ac perspectis, si quid inde lucis ac roboris ad annuntiandam ipsis & confirmandam Christianæ Philosophiæ veritatem peti posset, Apostolum imitari, utique peteremus, tumidique homines tandem vel inviti cognoscerent (nisi quos fortè improbus sui amor prorsus obcecaret) sibi deesse verius quàm nobis, oculatorum alterum, quando ipsi penitus ignorarent nostrates scientias, ad quas nos jam suam ipsorum Philosophiam adjunxissemus.

Re ergo diligenter examinata cognoverunt Socii Philosophiam Sinicam propè totam; florem certè ac medullam totius Philosophiæ quatuor maxime libris contineri; hos nullum esse literatorum quin adolescens memoria jam teneret; ex his quo quisque plus hausset scientiæ politico moralis, eò citius ad gradus literarios, ad honores, ac Magistratus promoveri: Ex his denique præcipua peti gentis oracula, & quasi æternas Sinarum veritates. Itaque maximis animis rem aggressi hoc primùm egerunt, ut intelligerent libros istos; in quò dici non potest quantum laboratum sit ac sudatum; cumque nihil in eis requirerent quod adversaretur rationi legique Naturæ, multa verò quæ mirificè faverent, ediscere etiam atque in usus suos convertere placuit. Respondit autem labori magno fructus item magnus: Veritates enim Christianas ex principiis (ut opinabantur) suis deductas, suis præcorum Regum & sapientum stabilitas & illustratas autoritatibus testimoniisque, verbis denique & sententiis suis propositas atque adornatas, Sinæ jam non ut peregrinas & barbaras cum formidine quadam vel contemptu, sed ut suas secundis auribus, & quidem venerabundi excipiebant: Neque pauci, quibus divinæ lux benigniùs affulgebat, promptis animis sequebantur; & mox cognatis & amicis, ut eidem Philosophiæ nomen darent, hortatores ac duces erant: Alii vero qui avaritiæ libidinumque vinculis implicati, vel studio superstitionum à nobis erant alieniores, suspiciebant tamen ingenium, memoriam, sapientiam Europæorum hominum

PROEMIALIS DECLARATIO. xiiij

hominum : Certatim denique viri Principes, Gubernatores Urbium, & Provinciarum, quin & Colai, quorum dignitas autoritasque prima est ab Imperatoriâ, libros nostros suis Prologis cohonestabant, mirandi sanè præconiis, cum nostros homines, tum verò legem divinam (quod unum nobis in votis erat) persequentes.

Quandoquidem igitur nulli unquam Philosophorum apud Europæos homines, imo nec ipsi quidem (ut opinor) Delphici Apollinis Oraculo tantum fidei vel autoritatis prisca ætas tribuerit. quantum China tribuit *Confucio* suo, ad hæc cum Philosophus iste adeo non adversetur doctrinæ lucique Evangelicæ, ut è contrario non vanè putemus futuros qui favere potius dicant, atque ad illam populares sups quodammodo manuducere, quando in libris ejus tot intermicantes rectæ rationis scintillas non sine admiratione & voluptate observabunt : cum ea, inquam, sit *Confucii* autoritas etiam apud vicina Sinarum regna, quis non videt, Evangelico Præconi eximios quosdam usus hinc posse existere, dum is. notitiam Veri Summiqûe Numinis allaturus hisce gentibus, doctrinæ suæ veritatem confirmabit, non Poëtarum autoritate (quod tamen Doctor ille Gentium, & quidem apud Athenienses, facere non dubitavit) sed autoritate Philosophi istius, quo nihil ad nostra usque tempora veracius sapientiûsque gentes istæ cognoverunt. Convictos ergo testimonio Magistri sui, suisque ipsorum armis feliciter expugnatos, ecquis non speret (proptio semper Numine) manus Evangelicæ veritati aliquando duros ? Manus certè is dederat qui sapientiâ quondam Sinicâ, & per hanc partâ dignitatē post Imperatoriam supremâ perillusttris, sed tamen virtutibus Christianis sapientiâque cœlesti multo illustrior, & nascentis Ecclesiæ columen *Sin* Paulus quondam Sinici Imperii Colaus cum ab eo quis sciscitaretur ecquid efficere nova illa, quam Europæi homines afferebamus, doctrina ? Proprio gentis hujus Laconismo respondens & voce & scripto *Pu ju*, *qiv se*, inquit, hoc est, *Supplet illa & perficit quod Magistro nostro Confucio, nostraque litterarum Philosophia deest; nefarias verò superstitiones cultumque demonum tollit ac radicatus extirpat.*

His ergo de causis lucubrationem hanc nostram luci publicæ damus, non ut Europæis hominibus Sapientiam Sinicam ostentemus, sed ut consultum foret Missionum Orientalium Candidatis, ut arma subministrarentur militibus, quibus istæ gentes, Duce Christo & auspice, vinci à vobis non modò possent, sed etiam gauderent ; ut elcas haberent in promptu piscatores hominum, quibus inescari Sinę in retia agerentur, ut denique sacri negotiatores iis instruerentur mercibus, quibus istas nationes vehèmenter capi & delectari usus centum & ampliùs annorum nos docuit. Et vero in Europa illa, ubi jam Socrates, & Platones, ubi Senecæ, Plutarchi propè vilue-

xiv PROEMIALIS DECLARATIO.

runt, an speremus fieri posse ut plausum referat Sinicus noster Epicætetus? Nisi tamen Europæi, dum prisca Scriptoris canos attentius contemplabuntur non audeant ætatem tantam non venerari. Et ætas certe quidem suum rebus etiam vilioribus non raro dat pretium, sic prorsus ut fragiles quoque testas, æreosque nummos Viris etiam Principibus, & illis qui non minus sapientiâ suâ; quàm purpurâ resplendent, in pretio faciat esse. Quibus adeo si munusculi loco attulissemus nummos cupreos vetustiores Sinæ Imperatorum characteribus insignitos; si item instrumentum illud magneticum, quod olim *Cheu cum* Sinici Imperatoris frater dono dedit legatis Cochinchinæ Regis, ut hoc austrum quò tendebant indicante, securius certiusque in patriam remigrarent, magnum utique munus cultoribus antiquitatis attulisse videri possemus, quamvis fortè rude & invenustum foret instrumentum illud, multaque jam ferrugine propemodum exesum, & nequaquam cum nitore elegantiaque eorum, quibus Europa nunc abundat, comparandum: Sed nimirum juvaret Europæos homines illud videre, quod annis bis mille & quadringentis in ultimo Oriente extitisset.

Esse rude quid atque impoliticum *Confucii* nostri opus, si quidem cum elegantia & venustate Europæâ conferatur, nec ipsi inficiari possumus. Tamen enim *Confucius* 51. suprà 500. ante Christum annis sit natus, doctrina tamen illa & principia politico-moralia, quæ ab eo posteritati traduntur, identidem affirmat ipse non esse sua, sed à *Tao* & *Xun* Legislatoribus accepta; qui Principes cum ante annos ter mille & octingentos vetustissimam Monarchiam gubernarint (uti etiam Tabula Chronologica, quam huic lucubrationi nostræ atrexiimus, Lectori declarabit) omnino fatendum erit, doctrinam hanc apud Sinas viguisse. Atque ita, quam nobis propè certa spes est lucubrationem hanc nostram Missionarius quidem propter uberrimos quos ex ea percipient fructus, gratam fore acceptamque, tam etiam speramus apud eos omnes qui antiquitatem venerantur in aliquo saltem pretio futuram. Atque hæc de causis suscipiendi operis, dicta sufficiant.



PARAGRAPHUS PRIMUS.

QUI LIBRI CLASSICI ET PRIMÆ

Authoritatis.

NUNC ad ea, quæ instar fundamenti nobiserunt descendamus Libros in primis, & præcipua gentis monumenta, Autores eorumdem atque Interpretes; ut constet Europæis hanc olim culturis vineam, qui librorum primæ, qui secundæ sint classis; ex his quosnam pede propè inoffenso liceat decurrere, quos dubio lentoque gressu seu explorare, quos apocryphorum instar rejicere, quos uti pestilentes impiosque nec eminùs quidem salutare: de Interpretibus similiter (quorum ingens copia, varietas, differentia) quos fugere, quos sequi par sit; quid cuique fidei, quantumque sittribuendum, & in quibus potissimùm rebus. Etenim cum ipsis *Confucii* temporibus & fides, & pietas, & familiæ Imperatoriæ majestas à multis negligeretur, & multum sanè deflexisset de spatio curriculoque suo consuetudo Majorum; nec multò post civilia Regulorum bella alia ex aliis exardescerent, quibus deinde regiæ domus propè omnes implicatæ fuerunt; commune etiam maximeque atrox librorum incendium extitisset, quale nec Alexandria, nec ulla pars orbis vel sensit unquam, vel audivit: Silentibus, uti fit, inter arma legibus, & in magna armorum vitiorumque licentiâ & impunitate, credi vix potest, quot Sectæ, quot errores, & hæreses, quot opinionum monstra, pestesque superstitionum in hoc medio terrarum hortò (sic namque Imperium suum Sinæ vocant) ceu inutiles noxiæque herbæ in agro jam neglecto desertoque succreverint, uti infra uberius declarabitur.

In hac gente nec librorum, qui jam scripti sunt, est numerus, nec scribendorum finis: Principes tamen omnium & primæ classis partim ii sunt semperque fuerunt, qui per antonomasiam *U kim*, id est, *quinque volumina* dicuntur; partim qui *Su xu*, id est, *Tetra-biblion*; quatuor illi scilicet libri, de quibus ante sumus locuti, & quorum explanationem Latinitate donavimus: Hi porrò cum sint Interpretes illorum, tamen vincantur autoritate & antiquitate; usu tamen atque utilitate vincunt: Jam verò primum, idemque præcipuum inter quinque memorata volumina *Xu kim* dictum, sex libris constat; res trium maximè Regum *Tao*, *Xun*, & *Tu* complectitur; è quibus hic quidem familiæ *Hia*, primæ familiarum Imperialium, Princeps fuit; illi vero Legillatores, & veri Solones gentis Sinicæ.

Singulorum itaque præclara plenaque prudentiæ politicæ documenta, leges, instituta; nec non eorum qui à consiliis erant monita sententiaque literis diligenter consignatas fuisse constat, tametsi nunc desiderentur multa. De Operis vetustate nihil attinet dicere, quando fatendum est, ea quæ prioribus duobus libris referuntur, longè ante Moysen fuisse conscripta.

Quæ igitur ab Rege *Tao* gesta sunt & constituta spatio centum annorum (tot namque tenuit Imperium, quod & auspicatus fuerat annis 2357. ante Christum) ii, qui *Xm* Successori à commentariis erant, memoriæ posterorum prodiderunt: Quamquam vitio deinde temporum, interierunt propè omnia; quæ extant, de Kalendatio potissimum agunt, & intercalaris anni usu atque ordine; item de diluvio novennali, cui mederi bonus Princeps conatus est: multa similiter intercederunt quæ de *Xm* Rege Optimates sui literis mandarunt; Quæ ad nos autem pervenerunt eâ ferè sunt, quæ dum illustrat Imperii sui Regiones modo has, modo illas, pio & salubri exemplo observabat; sicè semper castèque *Xam ti Supremo calorum Imperatori*, necnon nobiliorum montium fluminumque Præsidibus, sed his inferiore ritu, sacrificans. Extant item non pauca quæ ad ritus in Sacrificiis observandos, ad musicam, ad reorum supplicia, & rectam subditorum gubernationem spectant. His autem uberiora quoque sunt quæ de *Tu* Rege traduntur; ac primum quidem quo labore & industria diluvii Sinensis aquas in mare derivavit; quo pacto in Provincias oratione novem divisèrit Imperium, & docuerit quæ cuique eorum Regio, quæ constellationes responderent; quid unaquæque Provinciarum tributi nomine deberet pendere, & alia generis ejusdem; Præter insignia quædam documenta quæ ad subditorum commune solatium atque institutionem tum ipse tum Optimates ejus protulere. Et hi quidem tres Principes, uti non alio jure vel nomine quam virtutis ac sapientiæ ad Imperium fuerunt evecti, ita sunt ab utrâque laude celebratissimi, & quæcumque posteris suis reliquerunt vel exempla vel documenta Oraculorum ferè legumque vim tenent.

Tertio libro continentur ea, quæ imperante Secundâ Familiâ, seu domo Imperatoriâ, *Xam & Tu* dictâ, constituta sunt, præsertim ab illius Conditore *Chim tam*, qui 1776. annis ante Christum Imperium adivit, postquam scilicet vicerat ejeceratque impium *Kie*, cujus quoque facti sui rationem dat in Comitibus operosa gravique oratione. Referuntur eodem libro documenta Colai *Chum hœi* ad ipsum Principem, & ad hujus nepotem *Tai kia*: Alterius item Colai *Tu* monita, digna quæ Principes Europæi meritò audiant & suspiciant, vel hoc nomine, quod annis circiter mille ante urbem conditam prolata fuerint. Exinde legitur Imperatoris ex eadem Familiâ decimi-

PROEMIALIS DECLARATIO. xvij

decimi-septimi, *Puon Kem* dicti, oratio, qua suos aliò commi-
grandi necessitatem edocet, ne sedes & aula Regia tam cre-
bris eluvionibus fluminis *Hoam bo* tandem obruatur: translatà ve-
rò jam Aulà, quæ cujusque sint officia sapienter edicit, & ad
Præfcorum Regum imitationem cunctos hortatur. His proxima sunt
Fu yve Colai documenta, cujus viti species cùm Imperatori *Vu timi*,
aliàs *Cao cum*, Principi religiosissimo divinitus (ut ipse quidem af-
firmabat) oblata fuisset per somnum, effigie coloribus expressà,
conquiti hominem, tandemque cæmentarios inter repertum, sibi à
consiliis & secundum ab se esse voluit, ac plurimum ejusdem sapien-
tià prudentiæque profecit. Sequuntur deinde Principis *Vi-su-ki*, &
Gu-y Colai præclara monita.

Tribus posteris libris Tertia Familiarum Imperialium, *Chen* dicta,
præbuit argumentum: Referuntur autem maximè illa, quæ sub pri-
mis quinque Principibus, necnon duodecimo, vel gesta sunt præ-
clare, vel dicta. Extant itaque varix orationes, tum à *Vu vam*, qui
familix fuit Conditor, variis in comitiis pronuntiata; quarum titu-
lus (*am xo*, *Chao cum*, &c. tum verò lucubrationes & documenta
celebratissimi *Chen cum*, qui cum esset *Vu vam* Imperatoris frater &
deinde tutor pupilli Principis *Chim vam*, admirabile fidei, pruden-
tiæ sapientiæque specimen dedit; Libellus etiam Reguli *Ki su*, qui
Coreæ Rex creatus est; præter multa multorum documenta ad rectam
subditorum gubernationem, ad Religionem, & alias virtutes spe-
ctantia quæ dictis libris continentur. Et hæc quidem hætenus de
voluminum primo & præcipuo *Xu-Kim* ex quo, quoniam primæ est
authoritatis in explanatione nostrâ quædam subinde interse-
remus.

Nunc de secundo, quod ab Odis & Poëmatibus, quibus totum
constat, (*Ki Kim* dicitur) sed brevius agendum. Odarum pleræque
imperante tertiâ Familiâ *Chen*, paucæ, cum domus *Xam* sive *Yu*
rerum potiretur, in lucem prodierunt. Mores hîc & statuta refe-
runtur duodecim ferè Regnorum, quæ uni omnium principi, penes
quem erat summa rerum, sic parebant, ut tamen suis singula di-
tionibus imperitarent: In eis multa virtutis laus & commendatio:
Multa graviter, & severè, sapienterque dicta; quamquam non dif-
fitendum non pauca hîc ab Interpretibus reprobari tanquam spu-
ria & merè fabulosa: Ut est ridicula nativitas *Sie & Heu-ciè* (à qui-
bus ortum ducunt binæ familiæ Imperiales) ab Interpretibus pro
fabulis habentur, ut nihil hîc dicam de figuris hyperbolicis in
gratiam principum ex licentiâ poëticâ insertis, quin etiam & blas-
phemiis in cælum & Deum tanquam injustum & de rebus huma-
nis minimè providum ab impiis scilicet evibratis, ex quo non im-
merito opinantur Interpretes quædam in iis apocrypha & nullius

fidei habenda. Certè Odarum prisca monumenta immunia fuisse ab huiusmodi labe vel unico *Confucii* testimonio convinci potest dum ait: *Trecentorum Poëmatum doctrinam totam eò dumtaxat reduci, ut Sa Uu Sic, hoc est: Ne quid prævum, aut turpe cogitetur.* Est tamen horum Poëmatum magna autoritas; at stylus sanè difficilis & obscurus; obscurum facit brevitatis semper Laconica, & sæpè metaphórica, & Proverbiis antiquissimis ornata: quamquam obscuritas hæc ipsa reverentiam & auctoritatem (uti fanis quibusdam videmus usuvenire) Poësi tam arcanæ priscæque conciliat.

Tertium volumen (si tamen volumen) *Te Kim* dicitur, odis quas dixi, multo etiam obscurius, quippe merum ænigma; omnium omnino voluminum, si Commentarios exceperis, antiquissimum; quippe cuius Author fertur *Fo bi* Fundator ille gentis Sinicæ, & rudium agrestiumque hominum primus Magister & alter Orpheus. Lineolis & quidem paucis tota res constat: Nos eas proximè hic depingemus, unàque declarabimus, quoties & quomodo variatæ figuras novas, & quasi nova rerum significata conficiant. Annis mille & octingentis Monarchia steterat, cum tandem Oedipus apparuit, Regulus, inquam, *Ven nam*: hic lineolis octo octies inter se mutuo commutatis conatus est, octo rerum principalium mutuas vicissitudines exponere: Conatus est idem *Cheu cum* filius, & quidem copiosius quam pater, sed reverà tam hic quàm ille perobscurè omnia mysteriis & ænigmatibus, hieroglyphicis notis, novisque ænigmatibus ænigmata implicantes, quoad tandem quingentis ferè post annis ipsemet *Confucius* nodum aggressus solvere; sic arcanas Fundatoris Lineolas & interpretationes ipsas interpretatus est, ut omnia partim ad naturas rerum, maxime elementorum, & quæ cuiusque propriæ sunt affectiones & qualitates, partim ad mores ac disciplinas hominum retulerit. Quamvis igitur radix operis, ut dixi, antiquissima sit, quoniam tamen reliqua omnia longo post tempore prodierunt, memorati tres Interpretes Authorum potius nomen & auctoritatem, quam Interpretum hic obtinent: Ad hæc, cum obscura sint omnia captrique difficillima, existimavimus, librum hunc nonnisi tertio loco recensendum esse. *Confucius* certè cùm primis illis Commentariis suis haud acquiesceret, jam senior denuò Commentari ænigmaticum opus cupiebat; sed mors Viri conatus & vota antevertit.

Cæterùm obscuritas tam antiqua, & antiquitas tam obscura vanæ superstitionisque posteritatis erroris non unius ansam præbuit: Rati quippe tanto plus ibi mysteriorum latere quanrò minùs percipiebant, ad sortes & auguria Lineolis ænigmaticis abuti cœpere: Nec ad hoc defuerunt ex Sectis *Tao* & *Fe* patroni erroris insanis que Magistri. Sed de hoc ænigmatico opere infra copiosior erit agendi locus.

PROEMIALIS DECLARATIO. xix

Quarti voluminis titulum *Chun tien*, quæ voces *Ver & Autumnus* significant, *Confucius* esse voluit; à quo jam admodum sene conscriptum fuit. Hic ille variorum Principum res gestas, vitia, virtutes, pœnas, & præmia narratione historicâ persequitur: Orditur autem ab anno 49. Imperatoris *Pim nam* ex domo familiaque *Chen* decimi-tertij, eamque ab *Tu cum* Regulo, qui eadem tempestate Regnum *Lu* (quod & natale solum Philosopho præbuerat) clientelari jure obtinebat, per hujus successores Regulos omnino decem, & annos 241. perducit ad *Ngai cum* Regulum duodecimum, cum quo & historiam terminat. Titulum operis sui petivit ab Vere & Autumno, propterea quod cum virtute sapientiæque Principis, efflorescat, amœnissimi Veris instar, Respublica; uti è contrario cum ejusdem stultitiæ & improbitate, ceu Autumnalicoelo frondes ac flores, diffuere totam, marcescere, & consenescentis instar, tandem emori necesse est. Solebat autem, non defuturos olim qui perfectâ lucubratione istâ se noscerent, id est, studium suum publicæ utilitatis ac veritatis perspicerent; sed & futuros qui odissent ac damnarent; utique non alii quàm qui se & turpitudinem suam vivis istic coloribus expressam, & justas pœnas libidini, crudelitati, tyrannidi suæ propositas vel inviti contemplarentur. Commentatus est hunc librum perquam eruditè *Go xi*, qui fertur fuisse *Confucii* discipulus, ediditque insuper aliud opus, cui titulus *Que-yu*; id est, *Regnorum Placita* sive axiomata.

Quintum denique Volumen, quod *Li-ki* inscribitur, (quasi dicant) *Rituum & officiorum memoriale*, decem libris constat: Collegerat hos *Confucius* ex variis Præscorum libris ac monumentis; sed quoniam trecentis circiter pòst annis, hujus quoque exempla omnia jussu barbari Imperatoris *Xi hoam ti* concremata sunt; neque aliter deinde quam consultâ grandævorum memoriâ restaurari potuerunt; dubium non est (& verò sic affirmant Interpretes) quin desiderentur aliqua; nonnulla etiam senilis memoriæ vitio, ne dicam industriâ quorundam & malitiâ, irrepsérint, quæ aliena sunt & apocrypha. Cautus igitur & prudens Lector apum hîc industriam imitabitur, & quæ ad rem faciant, rejectis aliis, sibi seliget. Agitur autem toto hoc volumine de ritibus tam sacris, quàm profanis: de officiis item cujusvis generis quæ tempore trium Familiarum principum *Hia*, *Xam*, *Chen*, sed hujus maximè (qua imperante vixit *Confucius*) in usû fuerunt; quæ scilicet parentum sint erga liberos, quæ horum vicissim erga parentes, quæ conjugum inter se, quæ amicorum, quæ hospitum domi, foris, inter convivia, &c. Rursus quæ vasa, quas cælo victimas, quibus in sacrificiis ac Templis, quæ maioribus jam defunctis fercula, quas dapes ac munera in funebribus eorum Aulis, quo ritu, quove apparatu, vel Reges, vel Opti-

mates, vel ipsum quoque promiscuum vulgus adhibere oporteat; quin & artes liberales, musicam in primis, item militarem jaculandi, regendi currus, studiosè persequitur; & claritatis gratiâ suis singula titulis distincta. Ad extremum miscellanea quædam leguntur à *Confucii* discipulis inserta, quorum Authores tum ipsi, tum Magister ipsorum fuisse perhibentur ab Interpretibus, tametsi ab aliis quoque velut apocrypha rejiciuntur, quæ quidem P. Francisc. Xaverius Philippucci singulari tractatu eruditè pertexuit, quo Interpretum judicia & criticas annotationes circa prætatos 5. libros classicos è Sinico Latine in medium producit.

Atque hæc sunt quinque illa primæ classis & autoritatis volumina, & quasi primi fontes scientiæ politico moralis Sinarum; quibus deinde proximi sunt quatuor libri, *Su xu* dicti, Philosophorum *Confucii*, *Memii*que opus: Hi porò tametsi censeri possint Interpretes 5. voluminum, utpote ex quibus hauserunt doctrinam suam propè omnem, maximo tamen in pretio sunt eorum libri, & memoratis 5. classicis Priscorum voluminibus, quæ utilitate procul dubio vincunt, autoritate etiam pares sunt, unde & *Lo kim*, hoc est, sex volumina dicuntur, vel *U kim su xu*, id est, 5. volumina & 4. libri. Certè quisquis ad litterarios gradus & laureas adspirat, cum necesse est de quinque voluminibus nonnisi unum dumtaxat, cui pro arbitrio suo operam ipse dederit callere; at verò quatuor hosce libros nullus omnino esse potest, quin totos memoriâ & intelligentiâ complectatur: Cujus quidem legis plures causæ extiterunt; prima, quòd quidquid ferè est succi melioris in Priscorum voluminibus excerptum, suumque fecerint ambo Philosophi; altera, quòd inventis Majorum suorum addiderint ipsi quoque non pauca; tertia, quòd multò planius quàm illi, multòque clariùs doctrinam suam proponant; postrema denique, quòd expoliverint primævam ruditatem, & stylo cultiore ac citra fucum tamen & fastum nudam aureæ ætatis simplicitatem exornarint. Itaque perpulerunt nos eadem causæ, ut hosce libros ex quibus de totâ Sincensium Philosophiâ statuere possent Europæi, potiùs, quàm alios è Sinico in Latinum converteremus; quamquam nec illos sic dimittimus, ut non identidem, quando res postulat, consulamus, & fontes adeamus per nos ipsi, purasque derivemus aquas in lucubrationem nostram.

Tetrabiblii porò quatuor omnino sunt partes seu libri: Primus, qui *Ta his*, id est *Magna scientia* inscribitur; estque reliquorum comparatione minimus; docet Viros Principes ut benè feliciterque imperent; ab animi primum, necnon sui totius curâ cultuque initium sumere, deinde per familiæ suæ Aulæve domesticæ rectam institutionem, ad Regni, ac denique Imperii totius administrationem,

si cò

PROEMIALIS DECLARATIO. xxj

si cò cælum provehat, gradum facere. *sem-cu Confucii* discipulus hunc in lucem edidit.

Alterius libri *Chun-yum* dicti, titulus & argumentum est, medium sempiternum seu medi vel aureæ mediocritatis constantia. *cu su Confucii* nepos ex filio, *Cemci*que discipulus, idemque Magister *Mem-cii* hunc vulgavit, & quædam de suo addidit; sed & desiderantur multa; sic ut fragmentorum veriùs quàm libri speciem habeat, & quia doctrinæ quæ traditur sublimitas quandoque naturæ ipsius limites videtur excedere, cum Sinæ Magistri tanquam subobscurum captuque difficilem, cùm numero secundus sit, postremo tamen loco in Scholis exponunt.

Usus quoque mitificos habet, & hoc secundo libro multò facilius, magisque perspicuus est Tertius 10. partibus constans qui *Lun-yu* (quasi dicant *Ratiocinantium colloquia* seu sermones inscribitur, propterea quod apophtegmatibus *Confucii*, necnon discipulorum ejus, & variis hinc arque hinc quæsitis ac responsis totus constet. Itaque multus hic sermo de vitiis, de virtutibus, de officiis, de recto regimine; multa etiam, ne dicam justò plura, quæ, in Magistro suo *Confucio* cum observassent discipuli, memoriæ posterorum, ut hi vel imitarentur, vel certè admirarentur, prodiderunt.

Quartus liber, si molem spectes, tres reliquos unus æquat; Author illius *Mem-cu*, seu *Memcius* jam sapiùs à nobis memoratus: de naturâ, ritibus, moribus, officiis disputat; nullusque Priscorum propius ad nostram philosophandi rationem accessit: acutus est, multoque copiosior quàm *Confucius*: Et verò vicit hunc ipse procul dubio facundiâ, ac non item vitæ innocentia, modestiâ, severitate ac probitate. Atque hæc de authenticis ac primæ notæ libris dicta sufficiant à quibus proximum locum & auctoritatem obtinent chronica Sinensium, & ab his proximum rursus, sed longo proximum intervallo, locum obtinent alii libri quos inter *Kia-yu*, id est, domesticorum sermones, *Siao bio* parvulorum documenta, *Hiao-Kim* de obedientia, *Chun-Kim* de fidelitate quorum pars *Confucio* & ejus discipulis attribuitur, quæ omnia cum grano salis legenda, & consideratè nostris usibus accommodanda sunt.



PARAGRAPHUS SECUNDUS.

DE LIBRORUM CLASSICORUM

Interpretibus.

NON potest non esse copia Interpretum, ubi tanta est librorum, qui scripti sunt, & qui scribuntur copia. Certè nulla non ætas suos habuit. Eorum quidem librorum, qui *U Kim*, & *Su xu*, quinque scilicet antè memoratis Voluminibus & Tetrabiblio continentur, & quos deinceps per antonomasiam *Classicos* vocabimus, Interpretes omnino sexcentos eoque plures extitisse fama est: Non omnium singulos, sed alios aliorum; sic, ut hi *Xu Kim*, sive libros historiales; illi *Odas*; alii libros de Ritibus & officiis; alii denique alios; nec pauci partem dumtaxat unius libri interpretati fuerint: Mendacii tamen suspectam faciunt hanc famam qui operis *Sim li ta gien*, dicti, hoc est, naturalis Philosophiæ pandectæ, Auctores sunt; hi quippe classicorum Voluminum non plures quam viginti numerant Interpretes, quos imperantibus Familiis *Chen*, *Han*, *Tam*, &c. vixisse perhibent; in quibus ipsis cum multa rursus desiderari doceant, fugillant multa; cis tandem (quod adulterinos esse vel plene censent, vel certè suspicentur) Neotericos Interpretes ætatis suæ tanquam legitimos haud dubitanter anteponunt; suos interim citant omnino centum supra octodecim, qui sub duabus postremis Familiis *Sun* & *Tsen* floruerunt. Enimverò si de antiquioribus agatur, iis scilicet, qui sub occasum tertiæ Familiæ, *Chen* dictæ, scripsere; quandoquidem *Mencius* qui pertinuit ad eandem familiam & *Confucium* uno post sæculo secutus est, suorum temporum calamitatem deplorans testetur, hæreses *Tam* & *Me* invalescere; Priscorum verò Regum & Sapientum doctrinam negligi & obliterari: Non injuriâ suspecti nobis sunt Scriptores & Interpretes illius temporis quo non errores solùm grassabantur, sed his arma quoque (septem Regnis inter se de Imperio decertantibus) licentiam & impunitatem dabant. Duos quidem cæterorum facile principes, quibus *Lie-gu* & *Chuam gu* nomen, Interpres posteriorum temporum, *Chin-gu*, dictus, alique non dissimulanter erroris arguunt ac damnant, quod Commentariis suis permisceant haud pauca deliramenta ex *Lao-Kium*, aliorumque Sæctis quæ vigeant eâ tempestate deprompta.

Succesit Imperiali Familiæ *Chen* Quarta *gin* dicta; bellatrix in primis & triumphatrix Regulorum omnium, quorum aded ditiones & Regna tandem in Provincias redegit; sed eadem de literis &

hominibus litteratis pessimè merita: Quamquam peccatum hoc non tam Familix fuit, quam unius hominis cum quo illa dici potest & ortum habuisse, & pariter occidisse: Fuit is *Xi hoam ti*, muri Sinensis Author, bellis & victoriis nulli Regum Sinensium secundus: Hic furiis nescio quibus agitatus, & fatali prorsus odio litterarum, cremari iussit per Imperium totum libros omnes, exceptis iis qui de Agriculturâ, de arte medendi, & de fortilegiis agerent, Authorem scilicet *Lao Kiun*, vel potius Sectatorum ejus quibus eo favebat impensius, quò magis impostorum deliramentis & mendaciis oblectabatur. Cum ergò propositâ penâ capitali imperata fierent, Libri omnes Priscorum Regum & Philosophorum, *Confucii* in primis, nec non eorum qui hos interpretati fuerant, cum irreparabili damno rei literariæ flammis ubique terrarum absumpti; & ne quid immanitati facinoris deesset, multi etiam hominum litteratorum collatus humo defossi, partim gladio, partim sagittis perierunt. Verùm paucis post annis exinctâ cum Principe familiâ, ea quæ successit, *Han* vulgo nominata, ordine jam quinta, quamvis & ipsa Sectæ *Lao Kiun* studiosa fuerit: fuere tamen ex eâ Principes qui à literis & dogmatibus moribusque Priscorum adeo non fuerunt alieni, ut semivultas librorum reliquias, si quæ usquam persisterent, confestim jusserint colligi; parietibus item & sepulchris abditos, quamvis jam semicos sitruque perditos in lucem proferri, consuli præterea grandes natu, si qui fortè quæ memoriæ quondam commendaverant pueri, etiamnum tenerent; nihil denique non adhibere operæ vel industriæ, quo tantæ litterarum jacturæ mederentur. Remedii itaque plus etiam quàm speratum fuerat, allatum est: Non sic tamen ut non multa remanserint vel hiantia fragmentis suis & quasi parte membrorum mutilata, vel alienis verbis atque sententiis, seu telictis à vulnere cicatricibus, deformata, quæ tamen Sinensis politica voluit manere intacta, sic ut ne apicem quidem in iis immutare aut addere per leges unquam licuerit.

Sub hac interim Familia floruerunt librorum aliquot Interpretes, *Lien*, *Cham*, *Pan*, *Kia*, *Chim*, *Vam*, alique: Quos omnes Interpretes, *Hu* dictus, enumerat qui scripsit imperante *Sum* Familia sed anrequam ad posteriorum temporum Interpretes descendamus, operæ pretium fuerit præmittere notitiam aliquam duarum sectarum quæ maximè hoc Imperium infecerunt, & litteratorum quoque sensum & animos aut omnino depravaverunt, aut ex parte saltem corruperunt: Sic enim Europæus facilius discernet, qui tandem Interpretes sint sequendi, qui verò procul exterminandi.

PARAGRAPHUS TERTIUS.

BREVIS NOTITIA SECTÆ

Li lao Kiun *Philosophi*, ejusque *Sectariorum*, quos in Sinis
Tao su vocant.

UT uberiores notitiam Lectori demus sciendum est, Authorem
Sectæ hujus extitisse Philosophum *Li lao Kiun* vulgo dictum
aliàs *Pe jam*, vel *lao tan*. Coævus hic fuit *Confucio* tamen hoc ali-
quanto senior: fabulantur autem, post annos unum & octoginta,
quàm cum sua mater utero gestaverat, tandem ex sinistro hujus la-
tere viâ sibi factâ prorupisse in lucem; genitricem verò ex tam pro-
digioso partu mox periisse. Extant illius libri; sed à sectariis (uti
creditur) haud uno loco viriati. Nonnulla scripsit, quibus dignas
Philosopho sententias inseruit de virtutibus, honorum fugâ, con-
temptu opum rerumque humanarum, & de beata illa solitudine qua
Animus, humanis rebus superior, frui queat. Ubi verò de produ-
ctione rerum agit, hanc inter cæteras affert sententiam, quam tan-
quam nobilissimum Philosophiæ suæ axioma Sectatores assidue de-
cantant, videlicet *Tao sem ye*, *Ye sem ulb*, *Ulb sem fan*, *San sem van*
we, id est, *Lex*, sive *ratio produxit unum*, *unum produxit duo*, *duo*
produxerunt tria, *tria produxerunt omnia*. Quod hominis pronuncia-
tum, quamvis ambiguum sit atque obscurum, uti ferè illa Prisco-
rum oracula esse solent; una res tamen certa est, primi ac supremi
cujusdam Numinis habuisse notitiam, quamquam aberrantem re-
verà notitiam, ut qui existimarit, Numen esse corporeum, tamen si
aliis quoque Numinibus, cœu Regem suis clientibus, dominari fate-
retur. Eum artis quoque Chemicæ Principem atque Authorem
fuisse passim tradunt.

Cæterum qualiscunque demum Magister ipse fuerit, hoc quidem
extra controversiam est, post aliquot deinde sæcula multos eorum
qui discipuli illius erant, aut esse mentiebantur, pravos ac perditos
homines extitisse, quippe attis Magicæ vel inventores inter Sinas,
vel certè propagatores. Etenim quamvis haud desint qui Magicæ du-
cant initium ab Imperatore quartæ Familiæ *gin*, *xi boam ti* dicto,
famoso illo literatorum hoste, adeoque & librorum quos propè
omnes concremari jussit; proptet eà quod is à Magis & impostori-
bus discipulis dicti *Li-Lao-Kiun* persuaderi sibi passus sit, immorta-
litate pharvacum reverà dari (*Cham sem yo* dictum) potum videlicet
qui

qui perennem vitam mortalibus conciliaret, quem proinde per insulas conquiri iussit: Magia tamen si non initium, maxima quidem cepit incrementa temporibus proximæ familiæ *Han* dictæ, quando sextus illius Imperator cognomento *Vu ti*, Magistro cui *Li xao kium* nomen erat, totum se nefariis Magiæ studiis dedit; in Imperatricis fortè gratiam, quæ cum Priscum literatorum & *Confucii* Philosophiam aspernaretur, anteponebat huic alteram Philosophi *Li lao kium*, atque, ut credibile est, jam depravatam; sed vel hac de causâ femineæ curiositati libidinique magis acceptam: Quod uti vulgatum fuit, magnus illico in Aulam concursus extitit eorum hominum qui novam Sectam istam profitebantur: cumque per illud tempus obiisset Reginarum una, quam Princeps deperibat, neque jam ferre posset amissæ desiderium, fuit ex illo Magorum grege qui umbram demortuæ præstigiis suis attonito pavidoque Regi spectandam obtulit. Irretitus itaque tam perniciosæ artibus Rex, postquam multas insanivit insanias, & hausto sæpius immortalitatis potu, tandem tamen mortalem se esse sensit; morti jam proximus credulitatem suam, seris scilicet lachrymis deploravit, nefarias artes & artium Magistros detestatus. Haudquaquam tamen cum Rege extincta pestis hæc fuit; quinimò si non ex eadem schola prodiit, certè quidem vixit eadem imperante familiâ nominatus ille *Cham tao lin*; cujus deinde posteri diabolicas artes longè latèque divulgavit: Quos inter, præcipuum rursus nomen ac famam quidam *Cham tao yuen* consecutus fuit. Demandata sunt igitur creditaque amborum curæ jamque ad eò tutelæ quotquot extant Imperio toto Sectæ huius Fana portentis istis consecrata; uti patet ex tabellis atque icuniculis passim venalibus, quæ exhibent totum illum unà cum assecclis suis demoniorum, hominumque gregem quos in deorum numerum conscripserunt & *Sien gin*, hoc est, *immortales* vocitant: Et quidem Sectæ huius Ministros perhonorifico titulo *Tien su*, id est, *celestis Magistri* Imperatorum sub familiâ *Tam* supersticio & insania decoravit. Cujus quidem familiæ conditor Templum *Lao Kium*, velut idolo, consecravit, & is qui fuit ordine sextus *Hiven cum* Imperator ejusdem statuam in Palatium suum introduxit. Jamque adeo posteri quoque impostorum horum haud in vulgari sunt honore, maximè quidem ii qui oriundi ex prima stirpe primo quoque loco sunt geniti, gaudent enim perpetuâ dignitate Mandarinici quodammodo ordinis, peramplas in habitant ædes ac splendidas in quodam pago Provinciæ *Kiam si* dictæ; frequentant hunc sanè multi, vel morbis suis petentes remedium, vel cupientes fatum suum, vitæque totius feriem edoceri: Quos ille, qui tunc *Tien su* dignitate ac munere fungitur, mendaciis suis atque præstigiis elusos, in syngrophâ suâ hieroglyphicâ aliisque diabolicis artibus instructos, lætos plerumque.

xxvi PROEMIALIS DECLARATIO.

& quamvis nummis, quos largè expendunt, propè vacuos, spei tamen plenos donum remittit.

Ceterùm maximè videntur invaluisse diabolicæ artes istæ temporibus familiæ *Sam* sub tertio hujus Imperatore *Chin cum* dicto, qui anno sui Imperii undecimo, & post Christum 1011. præstigiis aliorum somniisque suis illusus, librum à cælo delapsum credidit, quam impostores ac Magi, vel horum administri cacodæmones, ex nobiliori portâ urbis regiæ noctu suspenderant: Quem adedò librum magiis refertum pedes quæsitit credulus, & magnâ cum venetatione exceprum atque in interiora sui Palatii regiâ cum pompâ illatum, aureo reclusum scrinio servari iussit.

Ex quibus omnibus sit perspicuum semper in deterius abiisse miserabile Sinarum Imperium, & (quod initio dicebamus) plenos esse superstitionum, ac multiplici dæmonum pacto illigatas artes atque observationes, quibus pestifera ista hominum secta nunc utitur. Tales autem cum sint, non pauci tamen ex Sinis adeo illas non aspiciunt, ut post invectam deinde Idololatriam, hæc imprimis magistrâ, multò etiam studiosius eandem sectati fuerint, & veteres novarum quoque accessione, cumularint, sic prorsus ut creber & maximè vulgaris earum hodieque apud Sinas sit usus: Quarum si specimen aliquod sibi dari Lector expetat: Illi, modò quidem figuras tum *Heretarchæ* sui, tum Idolorum suorum vacuò in aère spectandas offerunt attonitæ credulæque turbæ modo in prægrandi pelvi aquis plenâ mutationum imperii & sectatorum suorum dignitates phantasticas & novas præfecturas tunc obtinendas repræsentant. Modò post consultas sortes & invocatos cacodæmones penicillo ex aère pendulo nescio quæ literarum monstra vel in subjectâ chartâ, vel in ipso pariete, vel in cinere describunt, aliasque hujuscemodi præstigias & superstitiones exercent, quas inutile sit hæc pluribus referri.

At profecto: tantæ pravitatis, non expers tantùm, sed ignara quoque fuit Præcorum Sinesium ætas. Verumtamen qualiscumque demum illa fuerit, nos certè ab ipsis Sinicæ Missionis exordiis hoc semper egimus, ut omnes omnino tam pœtice, quàm hujus ætatis observationes penitus extirparemus: & idem Christianorum quoque Scriptorum nostro consilio atque hortatu conatus fuit. Et hujus quidem sectæ consilio & industriâ, paulatim jam præfici Reges quidam facti velut numina & alii atque alii spiritus jam antea incogniti prodierunt, & quidem sub titulo *xam ti* seu supremi cæli Imperatoris qui singulis præcessent singuli elementis, nullâ cum relatione vel dependentiâ ad supremam & unam in cælo potestatem: Quin imò, quod longè, detestabilius est, hominem (cui *Cham* & nomen) ex eadem sectâ maximè sub *Han* familiâ celebratum *To hoam xam ti*,

PROEMIALIS DECLARATIO. xxvij

hoc est, *preciosi Augusti supremique Imperatoris* titulo condecorare, creditis ubique ei statuis & Templis, non dubitavit familiæ *Sun* (non octava sed ejus quæ fuit decima nona) Imperator numero octavus *Hoei* cum dictus: quo factum est ut iusto Dei Judicio domus Regia ruinam agere cœperit, & talem quidem ruinam, ut Imperium, quod sub principibus patriis jam steterat annis quater mille supra ducentos, ad alienigenarum Gentium, Tartarorum, inquam, Occidentalium jugum & potestatem tum primum transierit, cui servituri per annos 89. turpiter coactum est parere: quod quidem gravissimis verbis expendit *Kien Kium xan* Colaüs imperante 21. familiæ *Tai mim* dum scribit in hunc modum; hoc tempore *Hoei* cum Imperator per summam injuriam vili homuncioni attribuit titulum *Xam ti* (seu supremi Imperatoris.) Hic verò cum sit omnium cæli spirituum summè augustus & venerandus spiritus; utique tam gravi affectus injuriæ non potuit non gravissimè commoveri, & justissimis pœnis affligere Principem hunc & familiam denique ipsius funditus extinguere. Sed de hac Sectâ jam satis: nunc ad alteram, quæ dein subsequuta est, progrediamur

PARAGRAPHUS QUARTUS.

BREVIS NOTITIA SECTÆ

Foe kiao dicta, ejusque Sæctatorum.

DUCENTIS septuaginta post annis quàm *Han* Familia rerum potiri caperat; post Christum verò annis quinque & sexaginta, terribilissima pestis, & quovis incendio perniciosior, regni authoritate, Sinas invasit, Idoli *Fe* Secta nefaria; simul cum Pythagoricâ metempsychosi, cum plurimis fabulis ac superstitionibus, cum atheismo denique, & plurimis libris, quibus Sectæ principia, placita dogmata continebantur, ex Indiis in Chinam deportata. Quæ pestis quoniam hoc tempore grassatur latissimè; & libros fere omnes Sectasque Sinenſium, si Mahometanâ fortè excipias, jampridem infecit; imò plurimarum ipsa mater est; Ad hæc, Christianæ veritati nostrisque conatibus vel maximè contraria, necessarium esse puto brevem hinc notitiam Lectori dare, & quæ illius apud Indos fuerit origo; quæ apud Sinas incrementa, quæ dogmata invexerit, aliis aliquantò repeterè.

Obtinebat Indiæ partem illam & Regionem, quæ Borealem inter & Australem media est, & à Sinis *Chum tien tho* dicitur, Regulus in *ſan van*, ejus uxor *Mo-ye* nomen erat: Ex hac natus est illi

xxviii PROEMIALIS DECLARATIO.

filius, *Xe* primum, sive *Xe Kia* dictus (quo etiam nomine tota Bonziorum colluvies ac superstitio significatur; Japonii tamen corrupto vocabulo Sinico *Xaca* fecere) deinde, cum trigésimum attigit ætatis annum, *Fæ* nominatus; qui an reverà homo fuerit, an merum diaboli portentum (quod Apostolus Japoniæ Franciscus Xaverius opinabatur) ancipitis controversiæ est. Certè si fabulosa non sunt quæ Sectatores de ortu ejus commemorant, cum S. Xaverio sentiendum erit: Narrant autem Matri per somnum oblatam fuisse speciem Elephantis albi, qui se per os in ejus uterum insinuarit; unde etiam fama, conceptum fuisse ex Elephantè; & aliorum multò verior suspicio, ope dæmonis ex humano semine aliunde deportato sub belluæ illius specie fuisse conceptum. Apud Indos quidem albi coloris Elephas non tantum in pretio est, sed etiam in veneratione, usque eò ut si dubia fuerit illius possessio, Regna quandoque bellis committat, nec nisi cum multo sanguine controversia finiatur. Narrant rursus in lucem fuisse editum ex latere dextro Matris suæ, quæ ad eò mox à partu interierit: Sic ut Salvator ille (quemadmodum Sectatores jactant) generis humani, ne Matris quidem salutem consulere potuerit: Nimirum vel hinc intelligas, plus viperæ quàm hominis habuisse hoc monstrum hominis. Et vero character *Fæ* compositus ex *non* & *homo*, id innuit. A partu mox pedibus constitit, & passus omnino septem progressus, alterà manu cælum, alterà terram indicans, *Tien xam, Tien bia to ngo guai gun*, id est, *in cælo, terraque solus ego sum venerandus*, clarà voce pronunciavit, ne cuiquam dubium posthac esse possit, quo tandem Patre sit progenitus.

Acciderunt hæc anno Monarchiæ Sinicæ 1909. ante Christum 1026. quo tempore *Chao vam* quartus è tertiâ Familiâ *Chen* dictâ Imperator rerum apud Sinas potiebatur. Anno 17. ætatis suæ *xe kia*, sive *xaca*, tres uxores duxit. Filium genuit, cujus nomen tribus literis *Lo heu lo* Sinenses exprimunt: Nec multò post humanis rebus curisque renuntians, & penas scilicet daturus extinctæ suæ causâ Matris, concessit in solitudinem novemdecim jam natus annos. Hic se, quatuor Gymnosophistis, qui *Jogues* in India vocantur, instituentum tradidit; quoad ætatis suæ anno trigésimo, dum fortè prænuntium Solis bosphorum contemplatur, unico illo sideris intuitu totam repente essentiam Primi Principii perspectam habuit, & divinitate nescio qua de repente afflatus, *Fæ*, sive Numen (in Indiis *Pagode* dicitur) evasit. Ex discipulo itaque Magister, ex homine jam Deus, doctrinam suam impertiri cæpit mortalibus. Neo defuit hinc filio (certè quidem Ministro suo) malus dæmon, cujus ope multiparavit quæ detinerent cæcos mortales vel rei novitate, vel miraculo prorsus attonitos: Quæ ipsa multis magnisque Voluminibus & iconibus prorsus elegantibus expressa Sinæ vulgaverunt. Annos

omnino

PROEMIALIS DECLARATIO. xxix

omnino novem supra quadraginta dirus impostor dogmata sua longè lateque per Orientem vulgavit, quo ipse tempore *Salomon* Rex fluentis Sapientiæ suæ rigabat Occidentem.

Fidem superat quod de multitudine discipulorum ejus traditur, extitisse scilicet octoginta millia, quorum singulis suis vel Gymnosophiæ, vel Idololatriæ dignitatis gradus fuerit: Atque universum tota colluvies eorum hominum qui impensius ac religiosius sectantur hunc impostorem, apud Sinas quidem *Sem* & *Ho xam*, à Tartaris *Lama sem*, à Siamesibus *Talepoi* denique à Japonibus, vel potius ab Europæis hominibus *Bonzii* nuncupantur. Narrant autem ex portentosa multitudine illà selectos fuisse quingentos; ex his centum; ex centum rursus alios decem, qui deinde Magnatum nomine & dignitate insignes encomia Magistri sui, postquam is excessit è vitâ, quinque millibus Voluminum complexi sunt.

Etenim sentit tandem aliquando novus hic Deus ex immortalium numero se non esse, cum 79. ætatis anno deficere se viribus, urgeri morbo fatoque sensit. Cæterum nunquam perniciosior humano generi, quàm cum perniciosus esse desinebat: Tetterimum quippe virus Atheismi jam moriturus evomuit, disertè professus, se per annos quadraginta eoquæ amplius non declarasse mundo veritatem; sed umbratili & metaphoricâ doctrinâ contentum figuris, similibus, & parabolis nudam veritatem occultasse: At nunc tandem, quando esset morti proximus, arcanum sensum animi sui significare velle: extra vacuum igitur & inane (*Cum biu* Sinæ vocant) primum scilicet rerum omnium principium, nihil esse quod quæretur, nihil in quod collocentur spes nostræ. Hæc diri impostoris ultima vox; & Atheismi prima radix; quamvis hodieque mendaciorum ac superstitionum tenebris abdita, ceu humo defossa vulgus imperitum lateat: Hinc etiam celebris illa doctrinæ in *exteriorem* & *interiorem* distinctio, quam mox declaraturi sumus.

Cadaver odoratis lignis pro more gentis concrematum fuit, cineres verò, in homines, spiritus, dracones maris (ut aiunt) dispersi: Ad Insulæ Ceilani Regem dens unus dono missus: Quem dein de Constantinus Brigantini Ducis frater, dum res & arma Lusitanorum in India procurat, cætera inter spolia fortè captum flammis tradi jussit, ac redactum in cineres in profluentem dispergi, immensâ vi auri, quam tunc redimendo per legatum suum Rex barbarus offerebat, Christiano regioque animo contemptâ. Quod autem dicatur à Maffeo cæterisque nostratibus historicis, simiæ cujusdam, quæ magnâ superstitione coleretur, cum dentem fuisse, non errori tribuendum est; sed quod nefarius ille dæmon, cum aliis atque aliis formis ac nominibus alibi colatur, tum in eis terris, unde Lusitani dentem sustulerunt, simiæ figura in veneratione sit. Etenim

præter alias ineptissimas fabulas hoc quoque Sectatores credulæ multitudini persuadent, Magistrum hunc suum per metempsychosim octies millies natum fuisse, modò sub his, modò sub illis beluarum aliarumque rerum formis; novissimè verò specie Elephantis albi conceptum, mortalibus opitulandi causâ rediisse.

Is ergò præter eam, quàm dixi, discipulorum turbam, discipulum unum longè sibi charissimum, impietatis suæ primum hæredem & propagatorem reliquit; nomen illi *Mo o Kia ye*; cui etiam in mandatis dedit, ut libris omnibus, quos de doctrinâ suâ in lucem ederet, præfigeret hæc verba *Ju xi ngo wen*: Sic ego accepi: Neque aliis rationibus aut argumentis utcretur; ut planè videatur, hunc quoque factum præter insanias alias didicisse ab hoc Magistro quæ quinque circiter pòst sæculis secuta est Pythagoræorum Schola.

Alterius item Magistri se antiquioris (reverà cacodæmonis) ipsemet *Fæ*, sive *Xaca*, facit in suis libris mentionem; Sinis *O-mi-to*, Japonibus corrupto rursùs vocabulo *Amida* vulgò dicitur. Vixit is in Orientali India, sive Bengala, Ubi & Elysios esse campos, Sinicè *sim tu*, Bonzii fabulantur. Amidæ vero tanta perhibetur esse Sanctitas, & tot ejus tantæque merita, ut quisquis eum deprecatus fuerit, criminum suorum, quamvis innumerabilia sint, veniam consequatur: Nihil ergo crebrius in ore plurimorum Sinenesium, quàm duo hæc monstra *O mi to, fæ*, quo sociatis amborum nominibus ac meritis purgatissimi evadant; mox scilicet eorundem impulsu iterum atque iterum pristinæ libidini, avaritiæ, perfidiæ, nullisque non flagitiis habenas omnes impunè laxaturi.

Duplicis porro doctrinæ, cujus ante mentionem fecimus, vis hæc & ratio est, ut *exterior* ad *interiorem* quasi manuducat; & tamdiu in usu sit illa (quam adeo *substitutam*, Sinicè *Ki-ven* vocant), quoad altera, quam *xe*, id est *verum* solidamque esse docent, in animis eorum qui capaces fuerint (sunt autem è plebe paucissimi) firma constiterit: simili rem declarant: Lapidum fornacem molitur quispiam; ligneum procul dubio primum excitat qui lapideo, quoad is perficiatur ac firmitatem obtineat, fulcri sit instar: illo perfectò firmoque, ligneus utique dissolvitur & abjicitur; quippè cujus jam nullus sit usus.

Exterioris ac supposititiæ doctrinæ hæc summa est: Boni & mali, pravi rectique discrimen dari: adeoque & præmiũ & pœnam, & sedes huic & illi destinatas: Beatitudinem triginta duabus figuris, & octoginta qualitatibus obtineri: ipsum *Fæ*, sive *xaca*, numen esse, & Salvatorem mortalium; horum quippe causâ, quod aberrantes à via salutis miseraretur, natum esse; horum criminum per ipsum expiari; quibus expiatis salutem à morte consequi, & in altero Mundo feliciùs renasci: quinque dari præcepta: primum, ne rei viventi

dematur vita : secundum , ut abstinence farto : tertium , flagitio & turpitudine : quartum , mendacio : quintum , vino. Sic nimirum salutis nostræ hostis honesti rectique specie fraudes & insidias suas occultat. Sex item opéra misericordiæ Sectatoribus præscribuntur : Hoc in primis , ut benignè foveant alantque Bonzios , exedificent eorum Cœnobîa & Fana ; sic quippe non defuturos qui precationibus suis pœnisque spontaneis debita peccatis supplicia exsolvant : papyraceas item massas auri vel argenti speciem referentes , (inventum posterioris ætatis) ad hæc , vestes sericas , aliaque id genus in funeribus cremant ; fore enim ut in alterâ vitâ tantumdem veri metalli veræque suppellectilis inveniant , & copia suppetat earum rerum quibus ibidem ad amictum victumque opus sint habituri , & quibus truces illos & alioquin inexorabiles custodes claustrorum octodecim (tot namque apud inferos constituunt) placare possint ac sibi conciliare : Hæc autem si neglexerint , proculdubio ad inferos per sex viarum unam præcipites ituros ; & sic ituros , ut in perpetuâ quadam metempsychosicos rotâ , modo belluarum ; modo hominum , aliisque formis innumeris misere renascantur : viarum quoque singulas operosè describunt , & multas alias nugas ; & anilia planè deliramenta congerunt , quæ longum foret hic commemorare : Præconi tamen Evangelico perspecta esse prorsus uide futurum cenfeo ; cum magni referat , eorum , quibuscum tibi perpetua dimissio est , exploratas habere res omnes.

Verùm nunc ad *interiorem* doctrinam , & occultissimas fraudes insidiasque gradum faciamus ; & dejectâ substructione metaphoricâ speciosum illum veritatis arcane fornitem , cujus firmitatem (cum sit inanissimus , ipsaque inanitas) tantopere tamen deprædicant , studiosius contemplemur. Sed arceatur hinc primùm rude vulgus ; (hæc est nequissimorum hominum prima cautio) simplex enim & credula multitudo tartari metu similibusque fabulis utique debet in officio contineri : Soli mobiles ac literati spectatum veniant , arque ex cœnobitis ipsis ac Bonziis illi dumtaxat qui secreti capaces sint ac perspicacitate ingenii ceteris antecellant.

Summa doctrinæ , quam vocant *interiorem* , solidam , veram , hæc est , *Cum bis* , *vacuum* nescio quod , & *inane* ; principium esse finemque rerum omnium. Ex hoc primos humani generis parentes originem duxisse ; in hoc , ubi vivere desierunt , reverbos esse ; neque aliam totius esse generis conditionem. Imo vacuum ipsum (inquit) nostrum esse , nostraque substantia est , sic , ut ex illo pariter & elementis quidquid usquam rerum est producatur ; & in idem per iterum deinde resolvatur ac redeat : omnino solis figuris & qualitatibus distingui ac differre omnia , ceu aquam vasis aliis atque aliis impositam : Nunc item per floccos in nives extenuatam , nunc ci-

xxxij PROEMIALIS DECLARATIO.

nerum instar effusam in nebulas, aliquando procusam in loricas congelascentium aquarum, aliquando in lapides grandinis sese constringentem; similiter quoque ut æs, & aurum, ex quo modo hominem modo leonem, modo quamcumque aliam supellestem conflet Artifex, utique diversa; verumtamen liquefacto dein metallo, prorsus unum quid idemque. Sic ergo quæcumque existant, vitâ, sensu, mente prædita, quamvis inter se usu & figurâ differant; intrinsicè tamen unum quid idemque esse, quippe à principio suo indistincta.

Hoc autem principium; cum doceant esse prorsus admirandum quid, purum, limpidum, subtile, infinitum quod nec generari possit, nec corrumpi, quod perfectio sit rerum omnium, ipsumque summè perfectum, & quietum, *negant* tamen, *corde*, *virtute* *mente* *potentiarve* ullâ instructum esse. Imo hoc esse maximè proprium essentiae ipsius; ut nihil agitet, nihil intelligat, appetat nihil. Quocirca quisquis benè beatèque vivendi sit cupidus, huc assiduâ meditatione, sui que victoriæ eniti oportere, ut principio suo quamsimillimus affectiones omnes humanas domet ac prorsus extinguat; neque jam turbetur, vel angatur re ullâ, sed extatici prorsus instar absorptus altissimâ contemplatione, sine ullo prorsus usu vel ratiocinio intellectûs, divinâ illâ quiete, qua nihil sit beatius, perfruatur: quam ubi nactus fuerit, communem vivendi modum, & doctrinam tradet aliis, & ipsemet specie tenus sequatur, clam vero sibi vacet ac veritati; & arcanâ illâ quiete, vitæque cælestis instituto gaudeat. Hæc mysteriû summa. Nulla interim pravi rectique mentio, nulla præmii vel pœnæ, nulla divinæ providentiæ, vel immortalitatis animorum. Unum loquuntur *vacuum*, & reale *nihil*; idque, ut vidimus, confusissimum: ad hoc rerum ortum interitumque referunt; imo hoc ipsum esse res omnes, in quas assiduè transmigret ac transformet sese per quatuor viarum unam, vel *uteri*, vel *ov. rum*, vel *seminis*, vel *mutue conversionis*: Sic ut unum idemque chimæricum principium sit homo, leo, lapis, omnia. Ex illius ergo contemplatione chimærx tota (quemadmodum narrabam) beatitudo petitur: cui contemplationi qui vacant impensius, censentur ad propriam novamque rursus Sectam pertinere.

Hæc alio nomine *Vu guei Kiao*, sive nihil agentium secta dicitur, nec multum dissimilis ab ea cujus jam meminimus, quæ quidem cum diu antè viguisset inter Gymnosophistas Indiæ, tum apud Sinas quoque florere cepit imperante *hoi si*, qui fuit secundus è septimâ numero Familiâ, *cin* dictâ, ducentis nonaginta circiter annis post Christum: Quod autem magis admiretur, Optimates ipsos Imperiû, & Summos quosque Viros invasit exercuitque hæc infania, sic prorsus ut quò quisque propius ad naturam saxi truncive accedebat, horas complures sine ullo corporis animique motu persistens, sine ullo

ullo vel sensuum usu vel potentiarum, eò profecisse felicius, propiorque & similior evasisse principio suo aërio, in quod aliquando reversurus esset, putaretur.

Ferunt itaque, *Ta mo* ipsiusmet *Xa ce* ex stirpe vigesima octava nepotem annos omnino novem consedissee obversum parieti; quo omni tempore nihil præter chimæricum illud principium suum *vacuum & nihil*, contemplatus fuerit; eique tandem conformatum, Numen evasisse: Numinis certè venerationem apud Sinas jam pridem obtinuit, extructis ei Fanis peramplis atque magnificis: Quamquam honores longè præcipuos, & cognomentum *Fæ*, duobus maxime deferunt, *Anide* scilicet ac *Xa ce*, quod eos extitisse dicant imagines quasdam primi principii planè perfectas, numerisque omnibus absolutas. Alios, qui ejusdem principii unum dumtaxat Attributum referant, *Pu sa* nuncupari volunt: talis est *Quon in pu sa*, quod Idolum specie Matris simul & virginis parvulum complexæ filium, *miseriardiæ* solius imago est: His rursus inferiores, & priscis apud Romanos Diis minorum Gentium haud longè absimiles, *Lo han* vocant.

Oppugnavit interim contemplantium Sectam scripto volumine Colaüs *Poei guei Confucii* Sectator, & copiosè probat Aristotelicum illud *ex nihilo nihil fieri*; ex quo deinde conficit, extitisse procul dubio diu antè principium illud à quo tot res, quas maxime videamus existere, proflexerint. Cæterum non ita refellere potuit vir egregius errorem istum, ut non manarit latissimè, & multi nostra quoque ætate, contemplationibus tam insanis vacent. Amplius dico Literatorum plurimos tam patrio *Lao Kium* quam Indico *Xa ce* toxico afflatos fuisse & etiamnum esse: multi ipsorum è rustica & superstitiosa plebeiorum fœce progeniti educatique, tamen ingenio suo ad summa quæque in Republica munia & dignitates emergant, vix aut ægre sanè exuunt nativas illas ac domesticas superstitiones, quas à teneris unà cum materno quodammodo lacte suxerunt, præcipuè cum etiam principum suorum, quorum gratiam aucupantur, exemplis provocentur & confirmantur. Damnant alii quidem peregrinam novitatem, & gravibus verbis atque sententiis hæreticam & perniciosam esse docent; reverà tamen mihi non tam videntur lapideum fornicem, quàm ligneum censuris suis demoliri velle: Et cum *exterioris* doctrinæ placita, ritusque plurimos, & carnis vinique abstinentiam, & tot idololorum monstra, & otiosam inutilium Reipubl. Bonziorum turbam odissent; *interiorem* tamen & arcanam doctrinam non pauci amplexi, in profundam Atheismi voraginem, in quam superbi-tumoris ac vitiorum suorum pondere proni jam pendebant, tandem præcipites abivisse.

Quamquam voraginem hanc ipsam & præcipitium specioso rur-

XXXIV PROEMIALIS DECLARATIO.

lus *Sim-li* nomine, *naturalis* scilicet *Philosophie*, quasi viæ cujusdam jam olim traxe, planæ, regizque occultant improbi; & cum hallucinantur errentque gravissimè, adeò tamen expertes erroris omnis videri volunt, ut tanquam Censores ac Judices non suæ modo ætatis, sed omnis etiam retrò antiquitatis cum intolerabili quadam arrogantiâ per vim, & nefas Classicos gentis libros ad sententiam suam temerè exponant, nec dubitent autoritate Majorum suorum, quorum tam eximia virtus fuit ac sapientia, impietatem suam stulticiamque confirmare.

Qui in hoc genere, non quidem primè, sed plurimum tamen peccaverunt, *Chen*, *Cham*, *Chim*, *Chu*, quatuor Interpretes, cum imperante Familiâ 19. *Sun* (ut tandem revertamur, unde fuëramus digressi) Classicos libros illustrassent commentariis suis, aut verius multa ex iis obscurassent ac fœdè contaminassent; eos tamen veluti Magistros secuta deinde posterior est ætas: Et in exordiis quidem *Taiminge* Familiz nova perniciozæque doctrina mox prodiit, non aliorum magis, quam quatuor istorum Interpretum sententiâ & auctoritate stabilita.

PARAGRAPHUS QUINTUS.

DE SECTA LITTERATORUM;

seu Philosophorum propriâ, quod illius fundamentum aut principium veteres, quod moderni Interpretes constituerint.

PRISCA Sinarum ætas, sapientiæ, prudentiæ, ac reliquarum virtutum sincera cultrix & Magistra, cum admirabilem cæli terreque ordinem & constantiam semper admirata fuit, tum etiam perquam sollicitè studiosèque conata est imitari: Hinc petivit illa Monarchicum suum regimen, quod annos quater mille jam vixit; hinc infimorum per media, mediorum per summa, tam aptum facilemque gubernandi modum: prorsus ut videantur Prisci gentis Reges ac Sapientes in hoc uno totâ contentione mentis & corporis laboravisse; sublimiores verò magisque remotas à sensibus philosophantis Græciæ delicias, ne primoribus quidem labris unquam delibasse, fortassis etiam averfaturi animo, & non aurium modo, sed finium quoque aditu prohibitori, si quis inde vel Aristoteles, vel arguior quicumque Sophistes è Stoicorum vel Peripateticorum Scholis in Chinam commigrasset: Una pax scilicet & constans, æquabilisque tam morum quàm legum ratio in votis erat: Hoc autem ut assequerentur, Religioni primùm, deinde politicæ guber-

PROEMIALIS DECLARATIO. xxxv

nationi dabant operam : Illâ Supremum aliquod Numen , quod *Xam si Supremum cali Imperatorem* nuncupabant ; nec non alios spiritus , sublunarium rerum præfides , ritè venerabantur ; arcana verò naturæ illius , quæ tam sublimis est , & ab humanis oculis tam remota , ad eò non scrutabantur curiosius , ut disertis quoque verbis id verarent , ne veritati scilicet pacique publicæ officerent hæreses in gente ingeniosa quidem , sed instabili , & novitatum cupidissima faciles oriri : Politicæ verò prudentiæ industriæque summa hæc erat , ut qui imperabant , filiis imperare se crederent ; qui parebant , patribus se parere. Et hæc quidem Priscæ ætatis ratio omnis ac Philosophia , de qua copiosius in scientia Sinica ad (quam suscepimus explanandam) pertractandum erit.

Superest igitur examinandum , num alia quædam posterioribus temporibus inuenta sit Philosophia , quam Prisci Sapientes omnino ignoraverint , & soli Neoterici Interpretes quadraginta sæculis ut aiunt , sepultam , in lucem orbis sui Sinici tandem produxerint. Ut autem ordinatè procedamus ; in primis qui illi , & quantæ autoritatis , & quo tempore prodierint Interpretes , disquirendum , deinde ex quo hauserint fonte doctrinam illam suam seu novam Philosophiam , & ad extremum quod tandem totius doctrinæ suæ , aut naturæ principium ac fundamentum stabilire contenderint : Sic etenim facile erit statuere quam potissimum sententiam homo Europæus sequi debeat , an eorum , qui pro Priscorum innocentia , rectitudine , & sinceritate dimicant , an verò eorum , qui vix ulla illius ratione habitâ , corruptissimis temporibus novam doctrinam machinati sunt , & ad posteros transmiserunt.

Porro ad Neotericos Interpretes quod attinet , eos hic voco qui extiterunt imperante familiâ *Sum* (non eâ quæ fuit ordine octava , sed quæ fuit ejusdem characteris ordine decima nona) cui equidem familiæ initium dedit annus à Christo nato nongentesimus sexagesimus , nongentis , uno minùs , annis post idololatriam unâ cum Ioniis Pythagoricis regiâ autoritate ex Indiis inventas in Sinas , è quâ deinde Sectâ aliz atque aliz exortæ sunt , ut nihil jam dicam de propriis & quasi domesticis gentis Sectis & Hæresibus , *Lao Kiam* , *Tam & Me* , olim jam dominantibus in Chinâ. Imperialis ergo familia *Sum* cum esset præ omnibus retrò familiis Litterarum simul ac Litteratorum studiosissima , adeoque & fecundissima , Interpretes habuit admodum præstantes ingenio & dignitate , qui non solum quinque librorum Classicorum & Chronicorum interpretationem , sed etiam ipsorum Interpretum *Confucii* scilicet *Mencii*que & aliorum Commentarios , & proprias lucubrationes multò copiosius disertiusque explanandas suscepunt.

Hos inter autem præcipui sunt nominis *Cheu cu* & fratres duo

xxxvj PROEMIALIS DECLARATIO.

Chim qu dicti qui anno Christi 1070. circiter scripserunt imperante *Xin cum* sexto Familix *Sum* principe ; quos deinde secutus est, quanivis eos idem longè antecesserit famâ & autoritate, *Chu qu* (alio nomine *Chu hi* dictus) qui diem obiit anno post Christum 1200. *Nym cum* Imperatoris decimi tertii anno sexto. Interpres iste maximis quodque perfunctus est muneribus in Imperio , & quia de litteris usque adeo bene meritus, titulo *Ven cum* litteratorum principis condecoratus est. Porro tamen si floruerint omnes sexcentis ferè ab hinc annis , fidenter tamen eosdem Neotericos esse dicimus, quatenus scilicet cum veteribus, quos suprà citabamus , & qui annis mille supra quingentos , eos antecessere , comparantur : Quò etiam intervallo temporum Familix Imperatrices omnino 15. ortum suum & occasum habuerunt, bellis ardentes civilibus poenè perpetuis , & dolis, insidiis, cædibus, parricidiis per fas per nefas supremum sibi jus vindicantes : Ad hæc miserabiliter implicatæ & contaminatæ variis idololorum sectis, quæ ex unâ ferè, quam supra diximus , hydræ ad instar pullulabant in dies : quas inter tenebras, & perturbationes æquis tandem locus fuerit bonis artibus & studiis litterarum ? Vix ullum sanè fuisse & fatentur ipsimet & verò plorant; quò minùs mirandum est scriptores illorum temporum (fuerunt enim aliqui) tam raros fuisse, tam mutilos, & tam succinctos, ut non dubitarint *Chu qu* aliique dicere per annos mille & amplius non existisse hominem verè litteratum. Cæterùm de Neotericis hisce, quos modò dixi Interpretibus Imperatores aliqui Familix *Sum*, disertè affirmant, quod post obitum *Confucii*, *çemcii*, *çusu*, *Memcii* antiquorum Interpretum, non alii deinde extiterint qui sensum librorum veterum feliciùs, & magis dilucidè explicarint, & suscitaverint quodammodo sepultam per tot sæcula doctrinam Priscorum, quam hi ipsi sub Familia *Sum* posteriores Interpretes : atque ea etiam est causâ, quod alii Interpretes his ipsis longè rursus recentiores ; ii scilicet, qui floruerunt Imperante *Tum lo* tertio ex Familia prima & vigesima *Tai nim* (quæ hanc, sub quâ scribimus proximè antecessit) dum mandato ejusdem, nec non opera studioque duorum & quadraginta Litteratorum selectorum ex aulâ , quinque libri veterum seu opera doctrinalia operosè recognita in lucem publicam novo prælo eoque regio prodierunt; communi planè sententiâ statuerunt non alios ferè Interpretes sequi & in scholis exponere, quam memoratos *Chim qu* & *Chu qu* : sic prorsus ut reliquos ab his Interpretes ad duos istos adjungere sint conati, & in verba duorum tandem hominum tantùm non jurare voluerint omnes. Itaque lucubrationes multis distinctæ voluminibus tandem editæ sunt in lucem anno post Christum 1415. qui annus erat decimus tertius memorati *Tum lo* Imperatoris. Præter explanationem autem quinque Classi-

corum

PROEMIALIS DECLARATIO. xxxvij

corum librorum quibus & explanationem tetrabiblíi five operum *Confucii*, *Mencii*que addiderunt, aliud præterea fabricati sunt opus, quod continet viginti non exigua volumina, quæ inscribuntur *Sim li ta çiven*, id est, *de Natura* seu Philosophia naturali *Pandetta*: cujus Operis Auctores quadraginta sic insistant vestigiis duorum Interpretum quos paulò antè meminimus; (cùm tamen isti quoque Interpretes nullà sint antiquitate insignes, utpote qui trecentis circiter antè annis floruerunt) sic inquam, sectantur illos & colunt, ut quamvis videri velint haudquaquam discedere à doctrina in Priscis Majorum suorum monumentis contentà (quæ adeo quasi oborto collo in sententiam suam pertrahunt assidue) reverà tamen longissimè discedant, ac planè videantur in Neotericorum, quos diximus, verba jurasse. Manavit autem mali labes ad nostram usque ætatem, qua videmus haud paucos è Litteratorum ordine novis illis commentis operam dare; & quamvis Classica nulla ratione censeantur, suum tamen pondus atque auctoritatem, quam minimè merentur, attribuere. Errori nimirum causam præbuit speciosa rei novitas; quippe cùm disputaretur ibi de procreatione rerum de principiis & causis, nec sine ingenio copiaque sermonis & elegantia disputaretur; ad hæc, auctoritate Regià, necnon operà duorum & quadraginta Virorum, qui omnes erant litteris & dignitate primi, perfectum sit opus; Sinarum aliqui magis creduli novam hanc & mendacem Philosophiam (si tamen Philosophiam) tanquam cœlo delapsam, eò cupidius amplexi, quò certius existimabant amicam esse veritati & cœlo; cum reverà esset tam huic quàm illi inimicissima: Quid enim? An dici potest, aut etiam fingi quidquam magis contrarium veritati, quodque sit à lumine rationis cœlitus nobis infuso magis alienum, quàm si negetur existere, qui cœli, qui terræ, qui rerum omnium effectior, & Dominus, & Moderator sit? Negetur autem apud eam gentem, quæ constantissimo usu & consuetudine quater mille annorum, ceu disertissimâ quadam oratione professà fuit, cuivis corpori suo capite, cuivis hominum cœtui suo Principe, ut diu conservari possit ac regi, opus esse: Nisi fortè dicamus Priscos Sinas, cum sua omnia ad normam cœli terræque tam studiosè exigent, existimasse tamen hoc ipsum deesse prototypo, quod erat in exemplo prototypi longè maximum; cœlum, inquam carere suo Rege ac Domino, quo imitatrix cœli Monarchia carere nunquam potuerat; pulcherrimumque illum, & maximè constantem cœli statum, motum, ordinem, à nullo Numine nullove consilio proficisci, sed casui ac temeritati deberi omnia; cùm tamen, ut statum illum motumque & ordinem quadantenus imitarentur, nihil æquè necessarium sibi esse ducerent, quam consilium prudentiarumque adhibere, & uni capiti, unico Regi summam rerum suarum

xxxviii PROEMIALIS DECLARATIO.

cum potestate propè divinâ committere. In Barbaros, vel amentes potius, & quibus una dominetur stultitia atque temeritas, dicamus errorem hujuscemodi potuisse incidere, non in eos qui tantâ Sapientiæ laude, quanta fuit Præcorum Sinensium, florêre.

PARAGRAPHUS SEXTUS.

EX QUO FONTE HAUSERINT

novum Philosophiæ genus Neoterici Interpretes.

RADIX totius doctrinæ una est atque eadem, unumque planè fundamentum, liber scilicet *Yekim* sive mutationum quem supra inter 5. Classicos libros tertio loco posuimus si tamen libri nomen merentur hieroglyphicæ linæ ac figuræ, eæque perpauca, quas *Fo hi* Sinicæ gentis conditor, cum Litterarum tunc nullus esset usus, posteritati suæ, ceu alterum nodum gordium explicandas reliquit. Et quoniam ab hoc libro pandectas suas ordiuntur Interpretes in eoque præcipue totam suam fundant doctrinam, antequam ulterius provehamur, operæ pretium videtur exponere curioso Europeo, hujus libelli quoddam summarium & paradigma. Et Authoris quidem consilium non aliud fuisse constat, quàm ut rerum creaturarum mutuos vel nexus ac societates, vel dissociationes ac pugnas, ad hæc, influentias, ordinem, vicissitudinem mortalibus ob oculos poneret, & per istos veluti gradus rudem Sinicæ gentis infantiam ad sui principii ultimique finis supremæque spirituum intelligentiæ notitiam paulatim manuduceret. Cui proinde vota & sacrificia jam tum offerbantur, & quam ob rem *Fo hi* alio nomine dictus *Pao hi* quasi, complectens victimas, nominatur, quò evidentissime convincitur veri numinis cultum in ipso gentis exordio extitisse.

In primis autem videtur, illa quæ *caelo, terre, homini* accidebant, posteris consideranda proposuisse; quippe dum contemplaretur horum trium mirabilem quamdam societatem, & quasi mutuam affinitatem ac symmetriam, descripsit ipse *Figuras octo* Sinicè *Pa qua*, id est, *octo pendulas imagines* vel figuras; his quippe vocibus *Quahien-chi-sium* Interpres litteram *Qua* exponit, tametsi nunc vulgo pro sortibus per abusum accipiat. Et sic quidem eas figuras descripsit, ut singulæ ternis quoque lineolis partim integris, partim interruptis constarent: Ex quo deinde combinationes octo consurgunt: Ad eum ferè modum quo artis nostræ metricæ pedes trisyllabi combinantur, si loco integræ linæ syllabam longam, interruptæ duas breves concipias. Ex his autem ternariarum com-

PROEMIALIS DECLARATIO. xxxix

binationum ductibus duplicatis, octiesque inter se multiplicatis quatuor & sexaginta figuræ tandem existunt, quas ipsas dum curiosa deinde posteritas disponit alio atque alio situ sive structurâ, illæ situ suo atque varietate variam ac multiformem rerum naturam, motum, ordinem, ceu rudî quapiam picturâ quadamtenus adumbrant.

Quod ut penitus cognoscatur, scire oportet; ab omni retrò ætate sic censuisse Sinas; duplex dari rerum omnium materiale principium, alterum *Perfectum*, alterum *Imperfectum*, hoc *Tu*, illud *Tam* nominant: quæ quidem duo, à *Tai Kit*, id est, *Magno axe* producta sunt, qui videtur chaos quoddam aut massâ quædam materialis complectens omnia, aut quemadmodum Doctores Sinenſes, & inter Ethnicos non pauci & quotquot fidei lumine collustrati unanimiter nobiscum exponunt *Tven cho*, hoc est, *Materia prima*: videntur autem multi Interpretum, cum de prima rerum productione disputant, complecti animo & cogitatione suâ quoddam velut ingens mare, quod bipartitum in duo maria minora (& sic bipartitum, ut in alterò persistat quidquid est mobilius, levius, purius, atque perfectius; in altero quidquid est minus mobile, & gravius magisque fœculentum atque imperfectum) totidem rerum principia veluti secundaria constituat: Hæc autem duo principia quasi duo maria, sed jam minora, abire rursus atque subdividi singula in alia duo, & quidem cum eâdem secretione *puri perfectique* ab eo quod *fœculentum* est atque *imperfectum*: Ex his porrò quatuor, octo similiter divisa discretæque existere; octo mox abire in sedecim veluti spatiosa jam flumina: hæc in duo & triginta; tum in quatuor & sexaginta; ac tandem in plurima & veluti fluentia rivulosque dispersita (servarâ semper primæ divisionis atque secretionis normâ) spectabilem hunc Mundum constituere: Etenim ut ab hoc simili tranſeamus ad rem ipsam, sic passim Philosophantur Sinæ, ut dicant, ex *Tu*, & *Tam* utriusque vi & virtute, ceu multiformi qualitate constare omnia, eoque rem quamlibet magis minusve perfectam esse, quò plus minusve de alterutro principiorum obtineat.



Totaigitur mappæ seu tabulæ constructio ex duabus, ut dixi,
Lincis conflatur,

unâ non interruptâ, alterâ interruptâ,

ex Lincæ, quæ non interruptæ, sed perpetuæ sunt atque integræ; perfectum quid ac solidum, & quod in eodem genere vincat alterum, necnon felix ac fortunatum quid significant: His autem contraria designant ex quæ sunt non integræ seu interruptæ: Interruptis ergo *imperfectum*, ex. gr. terram, lunam, aquam, frigus, noctem, fœminam, humorem nativum quem vulgò radicalem dicimus, morbos, & calamitates designant: *Perfectum* verò, ex. gr. cœlum, solem, ignem, calorem, diem, masculum, nativos ignes seu calorem primigenium, prosperam valetudinem, ac fortunam perpetuis integrisque. Docent præterea, perfecti proprium esse manifestare se, prodire foras, movere, dilatare, rarefacere, ascendere, augere, aperire; contra verò imperfecti proprium esse abscondere se, introire, quiescere, restringere, condensare, descendere, imminuere, claudere. Ex horum autem duorum principiorum singulis alia rursus duo principia veluti subalterna docent existere; duo quidem ex *Perfecto*, quarum alterum sit perfectum majus, alterum sit imperfectum minus. Duo autem ex *Imperfecto*, quorum alterum sit perfectum minus, alterum sit imperfectum majus.

Has autem quatuor ex duobus principiis emanationes, *Su siam*; id est, *Quatuor imagines* vocat *Confucius*: Quibus, ex Interpretum quidem sententiâ, *Sol*, *Luna*, *Stellæ majores* seu magis coruscantes, & *minores* seu minus coruscantes denotantur. Quam sententiam quo pacto probare queant ac tueri non satis constat. Mutuam certe hic radicem, seu uti nos loquimur, causalitatem nescio quam hic admittere videntur, exempli gratiâ, ex calido nasci frigidum, seu saltem consequi, & rursus ex frigido calidum: quam sententiam tamen, dum tueri ac probare conantur Interpretes, exemplo utuntur hujusmodi: aqua & metallum frigida sunt (inquiunt) naturâ suâ; sed negari non potest, fulgorem & claritatem quæ utrique inest effici à calore, utique non ab alio calore quàm qui aquis omnibus & metallis insit: Ignis similiter naturâ est calidus; at nigricans illud ac cæruleo non ab simile, quod in undante flammâ solet observari à quâ causâ procedit, si non à frigore: quod igne continetur procedit? Calor nimirum cum intensissimus est gignit quodammodo frigus; Frigus item, cum supremum efficacitatis suæ gradum obtinuit, gignit calorem; adeoque cum frigus in Septentrione sit intensissimum, sit (inquiunt) ut hoc ipso in loco calor sumat initium, qui
deinde

PROEMIALIS DECLARATIO. xlj

deinde dextrorsum procedens, incrementum capit in Oriente; vim summam perfectionemque obtinet in meridie: Frigus è contrariis nascitur in meridie, mox sinistrorsum gyrans augetur in Occidente; Perficitur denique in Septentrione. Sic illi.

Geminatis rursus supradictis principiis subalternis, seu imaginibus, existunt *Pa qua*, *Osto* scilicet *Figure*; quas & Interpretatus fuit *Veniam Rex*, indito singulis suo nomine seu charactere. Tribus lineis, vel integris, vel interruptis singulæ constant. Paradigma quod subijcimus, rem declarabit.



DUO RERUM PRINCIPIA.

Perfectum.

Imperfectum.

Yam.

Yn.

Quatuor Imagines ex duobus Principiis proximè natæ.

Majus Perfectum.

Minus Imperfectum.

Minus Perfectum.

Majus Imperfectum.

Tat-yam.

Xuo ya.


Xao yam.

Tat ya.

Ocho Figuræ ex quatuor Imaginibus promanantes.

Xim. Cælum.	Ym. Aque mœstia.	Li. Ignis.	Chia. Tonitrus.	Suan. Venti.	Cao. Aqua.	Fou. Mors.	Tsun. Terra.
☰	☷	☲	☳	☴	☵	☶	☱
1	2	3	4	5	6	7	8

Has ocho Figuræ, ex quibus quatuor ad perfectum, quatuor ad imperfectum pertinent, in Orbem quoque describunt, cum miris inter se, nec non vario, ad quatuor Mundi Cardines aspectu: Quibus etiam Cardinibus quatuor Zodiaci puncta, & Solistinalia scilicet, & æquinoctialia, quibus dum media rursus jungunt, ocho Zodiaci quoque puncta & quasi Mundi Cardines describunt. Figuræ interim sic describunt, ut a capite primoque numero semicirculum quatuor constantem Figuræ ac numeris, producant ad levam, & mox alterum à capite (seu quinto numero) rursus ois cum totidem numeris ac Figuris ad dextram describant, Orbemque totum consiciant, hoc modo,



De harum mutis vel conjunctione, vel oppositione Confucius ad Libram *Te kin* (interprete *Cham Ce-lao*) exponens: Cælum (inquit) & Terra certam ac determinatam *sedem* locumque obtinent, hæc inferiorem, illud superiorem. *Aeris & Aquæ* certum se mutuo penetrant per humores tam eos, qui in vaporibus resoluti ascendant ex aquis localique subterraneis (unde nubes & pluvie) quam eos, qui densiores cum sint, descendunt, ex quibus deinde fontes exsunt, & fluenta, & stagna. *Terræ* seu exhalationes sicca & calida, & *Venti* seu vapores & halitus venosi frigique circumflans, se mutuo compriment aque vapores, necnon unica permixtura se mutuo fovent ac juvant: Quare & Tonitrus majorem cum impetu deorsum ruunt, & venti vicissim ab ignitis exhalationibus magis ac magis exsurgunt, *Aqua* similiter, & *Ignis*, dum hic illius frigus, illa vicissim hujus ardorem temperat, adeo non inter se pugnant sedque mutuo deservunt, ut contra cum indigni quodam emolumento rerum omnium societur identidem, ac mollescantur: Planè ut perspicuum sit, *ocho Figuræ* sic aliis aliis oppositæ, ut non tam ceteri possit oppositis rerum contrariarum, quam earum, quæ, vel permiscantur, vel *seu mutuo succedant aque* opulentur, amice societur.

PROEMIALIS DECLARATIO. xliij

De octo figuris jam memoratis earumque inter se communicatione aut dissociatione, alio rursus loco ejusdem libri *Tō kim*, ex sua ipsius, necnon *Ven nam*, & *Cheu cum* Interpretum sententiâ describit idem Philosophus rerum productionem per æquabilem totius anni circulum perenni quodam cursu & imperturbato ordine, per quatuor hujus tempestates & per octo mundi plagas, seu cardines, in se recurrentem.

Cali Imperator (inquit) in prima rerum productione prodiit & manifestavit sese ab ortus regione in pleno vere: Prosecutus deinde quodammodo cursum & opus suum disposuit rectè omnia in ea regione, qua est ortum inter & austrum media, sub æris finem quando hoc cum astate conjungitur: Effecit deinde ut exerent sese omnia & in mutuum conspectum prodirent, vividaque & vegeta confisterent in ipso videlicet austro, & fervore seu medio æstatis: Post hæc, vegetavit omnia & sustentavit per terram & elementa; & in ea quidem regione qua occasum inter & austrum media, finem æstatis cum principio autumnii conjungit: Exinde cuncta exhilarasse dicitur, cum jam qualibet res quod exigebat consecuta, in fine suo quodammodo conquiesceret; idque in occasu ipso medio autumnii tempore: At verò sub exitum autumnii; quando hic cum bruma principiis misceri incipit, pugnas & bella quoque miscuit, & in ea regione qua aequali intervallo ab occasu & Septentrione distat; caloris nimirum cum frigore, quod illi dominatur, hæc pugna erat, cessante jam pugna; & predominante scilicet frigore, pacavit rursus omnia in ipso Septentrione, mediaque hyemis tempestate: Ad extremum pertexuit perfectique annia, finem principio connectens, in ea regione, qua Septentrionem ab Oriente media dividit, & exeunte jam hyeme, quando hujus extrema cum veris initio conjunguntur.

Hæc Confucius, juxta explanationem Interpretis *Cham Colai*: qui quidem deinde sic concludit: *Kiai xam ti chi chu gai*, id est, hæc omnia sunt à supremi Imperatoris dominio ac gubernatione. Explicatis utcumque octo Figuris earumque mutuâ conjunctione aut oppositione restat, ut ab his octo, dum singulæ geminantur, existant sedecim: à sedecim item geminatis duæ & triginta: à duabus denique & triginta, quatuor & sexaginta: Harum singulæ conficiuntur ex duabus dictarum octo Figurarum, dum hæc alio atque alio situ & ordine disponuntur, atque inter se mutuo permiscuntur.



Tabula sexaginta quatuor Figurarum, seu Liber mutationum *Te kim* dictus.

1. Caelum.	2. Terra.	3. Aqua.	4. Montes.	5. Aqua.	6. Caelum.	7. Terra.	8. Aqua.
Caelum.	Terra.	Tonitrus.	Aqua.	Caelum.	Aqua.	Aqua.	Terra.
9. Venti.	10. Caelum.	11. Terra.	12. Caelum.	13. Caelum.	14. Ignis.	15. Terra.	16. Tonitrus.
Caelum.	Aqua m.	Caelum.	Terra.	Ignis.	Caelum.	Montes.	Terra.
17. Aqua m.	18. Montes.	19. Terra.	20. Venti.	21. Ignis.	22. Montes.	23. Montes.	24. Terra.
Tonitrus.	Venti.	Aqua m.	Terra.	Tonitrus.	Ignis.	Terra.	Tonitrus.
25. Caelum.	26. Montes.	27. Montes.	28. Aqua m.	29. Aqua.	30. Ignis.	31. Aqua m.	32. Tonitrus.
Tonitrus.	Caelum.	Tonitrus.	Venti.	Aqua.	Ignis.	Montes.	Venti.
33. Caelum.	34. Tonitrus.	35. Ignis.	36. Terra.	37. Venti.	38. Ignis.	39. Aqua.	40. Tonitrus.
Montes.	Caelum.	Terra.	Ignis.	Ignis.	Aqua m.	Montes.	Aqua.
41. Montes.	42. Venti.	43. Aqua m.	44. Caelum.	45. Aqua m.	46. Terra.	47. Aqua m.	48. Aqua.
Aqua m.	Tonitrus.	Caelum.	Venti.	Terra.	Venti.	Aqua.	Venti.
49. Aqua m.	50. Ignis.	51. Tonitrus.	52. Montes.	53. Venti.	54. Tonitrus.	55. Tonitrus.	56. Ignis.
Ignis.	Venti.	Tonitrus.	Montes.	Montes.	Aqua m.	Ignis.	Montes.
57. Venti.	58. Aqua m.	59. Venti.	60. Aqua.	61. Venti.	62. Tonitrus.	63. Aqua.	64. Ignis.
Venti.	Aqua m.	Aqua.	Aqua m.	Aqua m.	Montes.	Ignis.	Aqua.

Has ergo sexaginta quatuor Figuras, quarum tabulam modò attulimus, omnium primus Rex *Ven-vam* conatus explicare. Singulas earum interpretatus est quidem, sed admodum Laconicè, adeoque perobscurè; cum autem singulæ figurarum constent lineis omnino lèx, ut hîc videre licet, tota earumdem series tot planè constat lineis quot dies sunt anno quem Sinæ intercalarem vocant, nimirum trecentis quatuor & octoginta. Porro figurarum lineas singulas conatus est explicare memorati Regis filius *Chen cum*; & hic quidem considerans eas prout summæ cum mediis infimisque, & hæc rursus cum mediis, mediæ denique cum infimis ac summis alium atque alium nexum, ordinem, & relationem, ut dicitur, obtinent; adeoque plûs minusve inter se mutuo communicant, perfectique vel imperfecti redduntur participes; hæc inquam dum studiosè considerat, & similibus non raro utitur, feliciùs aliquanto quàm Pater; non sic tamen, quin & ænigmaticè pleraque interpretetur. Dum itaque figurarum singulas, sive potius linearum singulas declarat, ab infimâ lineâ ad sextam, id est supremam gradatim semper ascendit: Suos item numeros adscribit linearum singulis; integris quidem novenarium, seu ternarium ter geminatum; non omillis interim numeris aliis quos ordo linearum postulat: Hæc autem omnia non vacare mysterio vel inde potest intelligi, quòd ex Sinarum sententiâ numerus impar sit perfectus, par imperfectus: Hunc ergo ad *Tn* referunt seu imperfectum, hunc frigori, nocti, lunæ, aquæ, terræ, &c. adscribunt; illum, quem docent ad *Tam* seu perfectum pertinere, calori, diei, soli, igni, cælo tribuunt: Ex quo deinde principio rursus docent, numero cæli, qui ternarius est, ac terræ qui binarius, existere quinarium, qui si geminetur denarium conficiat: Ad denarium verò numeros omnes velut ad radicem & complementum suum reduci.

Atque hæc est demum illa sexaginta quatuor Figurarum tabula tot ingeniorum Sinensium tetrica, ne dicam inutilis exercitatio aut labyrinthus, è quo unicus *Confucius* præcipuâ cum laude conatus est sese expedire; Licet idem jam senior fassus sit, se illius iterum accuratius investigandæ desiderio teneri. Ipsos igitur Principes Interpretum Regem *Ven-vam*, & hujus filium *Chen cum* interpretatus, sanè luculenter & copiosè morali sensu declarat omnia: sic ut ex naturali rerum inter se nexu, ordine, vicissitudine, vique efficiendi, pulcherrima petat documenta, tum ad privatos cujusque mores, & domesticam institutionem, tum præcipuè ad publicam Urbium, Provinciarum, & Imperii totius administrationem. Ad sortes interim & auguria quod spectat, non ille quidem negat existimasse Priscos Sinas, cum rebus quibusdam inditam esse vim ac naturam, qua eventus rerum vel faustos vel infaustos diù ante mortalibus enun-

xlvj PROEMIALIS DECLARATIO.

ciare valeant, uti ferè solet ab Horoscopo cujusque peti scientia aliqua futurotum, eaque Sapientum quoque iudicio non usquequaque vana vel aberrans: Verumtamen *Confucius* ipsemet (quemadmodum testantur Interpretes) nullâ sortium vel auguriorum habitâ ratione, non secus ac si vanum quid essent ac prorsus inutile, certè quidem ad se neutiquam pertinerent, sic rationis unius ductu contentus ac lumine de unâ virtute hîc laboravit, huic uni dedit operam: Quæ res ut sileretur ab Interpretibus, *Confucii* tamen ipsius testimonio satis constare nobis posset; hic lib. *Te kim* p. 3. disertè dicit, *Priscos sanctos* eo maxime consilio librum illum scripsisse & illustrasse commentis suis, non ut auguriis ac divinationibus esset usui; sed (quemadmodum *Cham Colaüs* exponit) ut cognoscerent homines quam à cælo acceperunt naturam, eamque ceu ducem & magistram sequerentur, deinde verò & cæli mandatum, seu supremi Numinis providentiam, à qua natura processit, perspectam haberent. Quod ut clarius omnibus constet, lubet asserre quod in ipso statim exordio ad tabulam illam 64. mutationum disectis verbis prænotarunt duo illi & 40. Interpretes dum præmuniunt Lectorem totique posteritati cavent, docentes dari supremum Dominum quemdam & Gubernatorem cui nomen Imperator: quis autem is est (inquiunt) qui Dominus dicitur & Gubernator? Et protinus respondent, per se est Dominus & Gubernator: Nam cælum quidem res est quæpiam summe solida & perfectâ, quæ naturaliter volvitur absque interruptione; quod autem ita semper volvetur, procul dubio est ab aliquo Domino & Gubernatore qui id efficit: hoc posito fundamento necesse est ut homines eum per se noscant: non enim suppetunt verba, quibus possimus pertingere ad eum explicandum.

PARAGRAPHUS SEPTIMUS.

SPECIMEN ALIQUOD EXHIBETUR

prædictæ Tabula 64. Figurarum.

VERUM ut cernat Lector oculis suis rei veritatem, & simul ex unâ Operis particulâ de opere toto iudicium ferat, ac tandem intelligat quò tendat hæc Sinarum Philosophia, iis qui rem non examinerunt usque ad eò suspectam; operæ pretium fuerit ex Figuris 64. unam, quæ numero 15. est ac reliquis brevior, & quam Sinae laudant in primis, & cuiuscumque felicitatis prognosticum esse statuunt, in medium proferre, commentis duorum Principum *Venram* & *Chen cum*, necnon *Confucii*, & *Cham Colai* è Sinico in Latinum versis.

PROEMIALIS DECLARATIO. xlvij

Hæc figura *Kien* dicitur. *Kien* humanitatem significat, sive modestiam demissionemque animi : Et quoniam ad hanc priores figuræ quatuordecim quasi totidem gradus deducunt, necessarium videtur nos hic graduum quoque singulos suo ordine & numero, quo in tabulâ designantur, verbo saltem attingere, prout eos ferè in appendice suâ *Hi* cum dictâ *Confucius* decurrit, si quidem clari esse volumus, & ab exemplo figuræ unius, quænam reliquarum omnium ratio sit, Lectori constare. Exordium porro sumitur à cæli & terræ procreatione dum ad hunc ipsum librum *Te Kim* sic loquitur *Confucius* : *Postquam exiit cælum & terra, tum deinde existerunt res omnes : Ubi existerunt res omnes, tum deinde exiit mas & femina : Ubi exiit mas & femina, tum deinde exiit maritus & uxor : Ubi exiit maritus & uxor, tum deinde exiit pater & filius : Ubi exiit pater & filius, tum deinde exiit Princeps & cliens : Ubi exiit Princeps & cliens, tum deinde exiit superius & inferius : Ubi exiit superius & inferius, tum deinde fuit situs officii & iustitiæ locus & ordo.* Hactenus Philosophus. Nunc ad rem propositam veniamus.

Prima figurarum *Kien* dicitur, & utrâque sui parte tam superiori quàm inferiori, designat *Cælum* materiale ; à quo, cetero emblemate quopiam, formam Regis ac regiarum virtutum *Confucius* petit.

Secunda *Quen*, tota similiter designat *Terram*; estque subditorum emblemata quodpiam sive symbolum : Cælum vero ac terra ambo sunt fundamenta quædam, & quasi principia naturalia rerum omnium, quibus adeo per metaphoram patris matrisque nomen tribuitur. Exemplum vero institutionis Regum & subditorum Philosophus perivit in primis à cælo & terrâ; hoc est, ab illâ tam perenni firmitate, tam æquabili ordine cursuque rerum omnium, qui ordo quatuor literis *Twen, hem, li, chim*, hoc est, *amplo ac perpetuo, clavo ac manifeste, congruo ac decenti, recto ac solido*, exprimitur. Hæc autem per quatuor veluti virtutes Cardinales videlicet *Gin, li, y, chi*, id est, *pietatem, convenientiam, iustitiam, prudentiam*, Philosophus studet explanare.

Constitutis ergo cælo ac terra, & passivis activa miscentibus, mox universarum rerum existunt quædam semina : Sic tamen, ut lareant, quasi utero quodam excepta cohibitaque : quod ipsum tertia figura, *Chun* dicta, significat.

Paulatim deinde fota complexu illo materni uteri formantur in forum, ac tandem aliquâ sui parte prodeunt in lucem, sicut à geminâ suâ solet oriens uva se ostendere : docet hoc Quarta Figura, cui à literâ *Mum*, quæ infantiam sonat, nomen est.

Verumtamen sicut uvæ jam orienti, ut augetur, necessarius est terræ succus & Solis calor, ita communis hæc rerum omnium infantia, ne vix dum nata, mox arescentis instar intercat, primum qui-

xlviij PROEMIALIS DECLARATIO.

dem suo quasi lacte succoque opus habet(quod adeo Quinta Figura vocabulo *Sin* subindicat) deinde verò alimentis robustioribus, aliisque vitæ subsidiis & commodis, ut feliciter adolescat ; & consequatur maturitatem suam & perfectionem.

Hic igitur dum res quælibet conservare se nititur, & quod unius usui commodique accedit, alteri plerumque necesse est decedat, non possunt non existere contentiones, lites, & bella, præsertim inter homines quorum natura, quàm paucis contenta est, tam est inextinguibilis cupiditas : Atque hoc Sexta Figura, *Sum* dicta, designat.

Esset itaque jure aliquo & iudicibus hic opus, qui lites dirimerent, & quod æquum sit justumque decernerent : Verùm cum sæpè vel dubium sit jus, vel privata rationes & commoda juri anteponantur & æquitati, maximè ubi nulla dum civitas, nulla Respublica, commune nihil ; facillimè solent mortales primum ferè sententiis, mox etiam studiis ac voluntatibus inter se dissidere ; dum rupta illà qualicunque societate distrahi in partes & factiones, consilii utrimque exercitus, & tandem unius naturæ homines castris armisque divelli : Cujus rei typus est *Su* littera, quæ exprimitur Septima Figura.

In hujusmodi ergo discrimine rerum ac perturbatione nisi homines aliqui præsto sint, quorum virtus ac sapientia contineat inconditam multitudinem, faciatque, cætus istos temerè conglobatos coalescere singulos in unum corpus, pronissimum erit, ut vel se mutuo ferarum instar absumant, vel certè dum singuli sibi unis student, marcescant omnes paulatim atque intereant ; quapropter egregiis quibusdam viris hic erit opus, qui, uti denotat Octava Figura, *Pi* dicta, animos hominum conciliare sibi norint, mox industriam suam, prudentiam, auctoritatem tumultuantes componere ac moderari ; quibus adeo singuli deinde cætus, tanquam Magistris suis ac Dominis, morem gerant, quosque veluti Duces ac Pastores sequantur.

Ex quo statim existet arctior quædam omnium inter se colligatio & societas ; & dando vicissim & accipiendo permutandisque facultatibus & commodis, non erit qui egeat re ullà, sed copia quædam suppetet earum rerum quæ sunt ad tuendam ac sustentandam vitam necessariam, atque adeo principium cernetur Urbis atque Reipublicæ ; cujus typum exhibet Nona Figura, *Siao cho* dicta, id est, *Parva* quædam *unio & colligatio*.

Neque erit difficile vincere etiam paulatim legibus officiisque illos, quos novæ societatis utilitas atque jucunditas jam cæpta percipi, nec non mutua charitas atque observantia, tum omnium inter se, tum etiam suo cum capite conjunctos devinctosque teneat. Efflorescet

refcet itaque genus omne officiorum, in quorum semitis vestigia sua ad id usque tempus seu vacillantia (quod Decima Figura *Li* designatur) firmare queant.

Non poterit etiam non ingens alacritas animorum existere, & amplitudo quædam (quam *Tai* Undecima numero Figura notat) pacis atque concordie, ubi suum cuique tribuetur, ubi tam studiose consulitur commodis animi corporisque, ubi tanta vigeat conservatio & legum & officiorum.

Vetumtamen quoniam brevis admodum & caduca solet esse humana felicitas fieri non poterit, uti nos docet littera *Pi* Duodecimæ Figuræ præfixa, quin serenitatem diuturnæ pacis atque concordie turbo quispiam discordie bellicue excipiat, quamquam brevis, ut inter cives & fratres; sic ut non tam fuisse discordia, quam redintegratio quadam censei possit pristini amoris atque observantia.

Quæ ubi semel contentione quapiam ceu vento fuit agitata, multo soler altius radices jacere, & arctius subditos inter, se ipsoque cum Principe colligare: Hinc Decimæ tertie Figuræ à *Tum gin*, id est, *unanimitate* nomen.

Hæc autem unanimitas si deinde constans fuerit, si cum studio publicæ utilitatis, & charitate Patriæ conjuncta, mirabiliter efflorescet ac firmabitur Respublica, & quod Decima quarta Figura, *Ta yeu* dicta, sperare nos jubet, *ingens erit opum* ac divitiarum copia, ingens splendor & amplitudo dignitatis; ad hæc, immensa quædam Imperii optimè constituti fama, qua commotæ nationes finitimæ, & quæ in longinquis etiam Regionibus versantur, ultrò expectent amicitiam & societatem nostram, subdentque se nobis, ac patrociniū fidei atque æquitatis nostræ libertati suæ anteponent.

Verum ubi tam prosperè fluent omnia ad voluntatem nostram, ubi res Imperii in tam sublimi apice felicitatis ac gloriæ constiterint, una omnibus adhibenda erit cautio (maxime quidem ei qui omnium Princeps erit ac caput) ne superbia elati, quod in sublimi positus evenire solet, evanescamus ac ruamus eo gravius quo altius fuerimus evecli. quocirca superbia omnis, fastigium, arrogantiaque fugienda erit; moderationi verò, modestiæ, demissionique animi impensè vacandum. Hujus autem virtutis ac doctrinæ Magistra est Figura 15. ab *Kien*, id est, *humilitate* nomen petens. Ea sicut & reliquæ omnes, ex duabus figuris conflata est, quarum inferior tribus constat lineis, duabus scilicet interruptis, & unâ perpetuâ: *Ken* ipsa dicitur & *Montes* designat; mons porro celsitatis symbolum, hic etiam symbolum est summæ cujusdam ac præcellæ virtutis; at quæ radicem suam montis instar desigat in *Terra*, id est, *Humilitate*, adeoque lateat & quasi conspulta jaceat: Terra etiam,

Terra.

— —

— —

Montes.

— —

— —

1 PROEM. DECLARATIO.

quam figuræ superioris lineæ tres interruptæ designant, præcellæ virtutis, quatenus ea cum humilitate conjungitur, imago quædam est ac symbolum: in infimum quippe locum humillimumque depresso, & intra se quodammodo collecta abditaque immensas opes, & pretiosissima quæque quamvis obscuro sinu complectitur, & per effecta sua fructusque pulcherrimos ac maximè salubres, humano generi vim suam virtutemque prodit.

PARAGRAPHUS OCTAVUS.

FIGURÆ DECIMÆ QUINTÆ

Explanatio.

HIS ergo summatim expōitis, veniamus ad explanationes trium, quos diximus, Interpretum: Et quoniam unicum reliquarum omnium exemplum Figura hæc erit, afferamus in medium quicquid illi sunt commenti. Rex itaque *Ven-vam*, qui omnium primus nodum aggressus est solvere, sic ait: *Humilitas virtus est quæquæ patens latissimè: Vir perfectus tamen si principio lateat jaceatque, obtinebit tandem successum exitumque prosperum.*

Laconicam interpretationem declaraturus *Confucius*, *Kien hem* binas voces exponit in hunc modum: *Substantia* (seu vis & significatio duarum vocum) sic ait: *Humilitas quæquæ patens latissimè, ea celi ratio est ac natura, ut cum præcellsum sit emineatque super omnia, tamen per suos influxus descendat quodammodo ac demittat sese, & cum humili terræ societur, atque ita virtus illius & efficacia per effecta sua in procreandis & conservandis rebus magis ac magis elucescat, omnibusque tandem sit manifesta: Terra vero non absimilis hac in parte ratio est, nam etsi infimo loco velut intra se collecta delitescat, exerit tamen sese effertque in altum per effecta sua, quæ cum calo consociat. Rursus ea celi ratio & natura est, ut minuat exuberantiam, tumentia deprimat, luxuriantia recidat: Forveat verò & benigno influxu fecundas, augeatque magnis incrementis id quod humile ac depressum, vacuque est instar. Terra similiter eadem est ratio, reprimat enim ac destruit quæ redundant & tument immodicè: Contra verò augeat ac perficit quæ modica sunt, quæ humilia.* (Hæc ipsa copiosè declarat *Cham* Colaus ex naturalibus cæli terræque effectis, sed quoniam Europæus Lector ea per se facile assequetur, & nos in hoc quamvis unico plurimorum exemplo, brevitati tamen studere par est, ea consulo præterimus) ipsi denique *Spiritus* pessimèdant tumidos beantque humiles, simillima quoque hominum ratio est, odisse nimirum tumidos; & amare humiles. *Vir mode-*

huius & *humilis in dignitate constitutus hoc ipso clarescit ac celebratur, quamvis id non expectat, luce virtutum ejus ex loco tam sublimi feliciter coruscante: Idem si positus fuerit in humili obscuroque loco, cum virtus luceat ipsa per se, non poterit ipse non esse clarus & felix, & cujus laudas felicitas nihil possit addi: Atque hic est viri humilis adeoque perfecti felix & gloriosus exitus. Hæc Confucius, qui sententiam seu doctrinam figuræ totius summatim colligens, magna imaginis, que nobis exhibet memoratam virtutem, hæc (inquit) significatio est: E terre medio existunt montes; humilitas illi sunt, symbolum, inquam, evectæ humilitatis, dum ex humili infimoque telluris sinu ad nubes & astra sublimi vertice pertingunt: Quocirca, *Vir perfectus*, haud ignarus, vitium hoc esse mortaliū, ut se suæque magnificiant, spernant aliena, quotidiana sapientius victoria deprimendo tumorem animi sui & providendo primum quidem in se, deinde etiam in aliis quidquid est nimium, & natum copiam suam vel splendore fastum arrogantiamque gignere: Contrā verò studiosè supplendo & accumulando quæ sibi vel aliis deesse intelligit, prorsus ac si aquā lance appenderes res omnes sum suas cum alienas, sic admirabili cum aequitate suum cuique tribuit, sequæ omnibus accommodat attemperatque, & humiles prudenter extollens, & tumidos pro ea, quæ pollet auctoritate, salubriter deprimens, complanat omnia, & perquam feliciter res administrat. Hactenus Veniam Rex Interpretæ Regis Confucio, ipsius verò Confucii Interpretæ Cham Colao.*

Audiamus nunc Regis filium *Chen cum*; est ille quidem patre suo aliquanto copiosior, non ita clarus tamen quam Interpretibus isdem quibus antea sumus usi, hæc quoque futurum sit opus: Interpretatur autem non complexum sex linearum, uti fecerat pater, sed linearum singulas ab infima gradatim ascendens, cumque interpretationes singulas Confucius rursus explanet, explanatio hæc minor imago dicitur, ut ab illa scilicet, quæ major imago est, sive totius complexi, distinguatur.

Sic ergo *Chen cum* ait: *Linea prima ex senariis* (primam vocat quia est infima: Senariam, quia interrupta) designat virum humilem iterumque humilem, adeoque probum & perfectum: Hujusmodi ergo viro dum virtutis dat operam trananda & enaviganda sunt quidem spatiosa & magna flumina certaminum ac laborum; animis tamen ne cadat; quippe tandem feliciter pervinget ad portam meritorum.

Commentarium hunc suis rursus notis illustrans Confucius, imaginis minoris sensus est (inquit) virum prorsus humilem & perfectum modestè ac demissè se gerere quovis tempore & loco, & ascendere in primis sibi, secumque habitare, quo fiat ut se ipse pasciat felici virtutum pabulo, meritisque proficiat. *Chen cum* ad proximam ab infimā lineam gradum faciens, *Senarium secundum*, inquit, designat hominem, cujus

jam pateſcit, ac ſermonibus hominum celebrari incipit humilitas : quæ ſi pura & ſincera fuerit, ut lucem hanc & famam non ſeſſetur nec expetas, tum quidem præclarè agetur cum illo.

Addit Confucius : Quod uti imago ſignificat, pateſcat ac celebretur humilitas illa, quod pura, quod germana ſit ac ſolida, quod præclarè agatur cum eo qui illà ſit præditus, ideo ſit, quia in medio corde, & non in ore dumtaxat, vel exteriori quadam ſpecie inani virtutis ſimulachro illam obtinet.

Chen cum exponens lineam tertiam, ſive antepenultimam (quæ perpetua cum ſit, ad id quod perfectius eſt refertur, adeoque numero impari & nonario inſignitur, ac nonaria vocatur) docet nos, inquit, linea tertia nonaria, ſi quis magnis meritis erga Regem & populum conjungat humilitatem, vir perfectus ſine faſtu inſolentiaque perſeverans, is procul dubio ſeriùs ocyus proſperum habebit exitum rerum ſuarum, & dignum laborum præmium.

Imaginis ſenſus eſt, inquit Confucius, ſi tam præclarè meritis nunquam tamen à ſtatu moderati modeſtæque hominis diſceſſeris vir ille perfectus, fore ut omnes omnino populi æquo animo pareant ſubdantque ſe ea ta virtuti.

Senarium quartum (inquit Chen cum) Virum nobis designat, qui proximè antecedentem virtute quidem vincat ac dignitate ; verumtamen nullis dum de Republica meritis inſignis ſit ; ipſe tamen ex nulla re non proficiat ; in quacumque rerum temporumque viciffitudine fructum capiens virtutis ſuæ : Quoniam vero ſe meritorum expertem eſſe intelligit, magis ac magis prodiſt ac manifeſtat modeſtiam ſuam animique demiffionem ; adeoque nullo vel iracundie vel invidie motu concitatur.

Imaginis ſenſus eſt (inquit Confucius) Virum, qui tantis cum ſit, & ex nulla re non proficiat, adeoque magis ac magis demiffè humiliterque ſe gerat, non facile peccare ; & quidpiam admittere quod cum legibus & ratione pugnet.

Chen cum ad Senarium quintum (hic autem numerus plerumque tribuitur ei qui cæteris imperat) Princeps, inquit, illa moderatione animi modeſtiaque præditus non expendit opus ac vires Imperii, ut ſuos habeat ſibi devinctos & obſequentes, quia ſcilicet tanta virtus liberalitate quamvis profuſa, & quotvis robore militari potentior, omnium animos, & ſtudia, & voluntates ei conciliat ac ſubdit : Quod ſi tamen exiſtant qui exuant humanitatem, abſciant jus omne, tantaque virtuti parere nolint ; tunc certè par erit adhibere opes & arma domandis ac frangendis rebellibus ; & tum quidem nihil non perficiet armata virtus, & virtus tanta.

Confirmans hanc doctrinam Confucius, imaginis ſenſus eſt, inquit, fas & æquum eſſe regi cum poteſtate belloque & armis debellare ac frangere contumaces ac rebelles, quando illos æquitas & ratio, virtusque ſui Prin-

PROEMIALIS DECLARATIO. liij

sui Principis band flectit, quanquam (uti notat Interpretes) non ille tum quidem regiae humilitatis fructus est, sed effectus quidam duræ necessitatis.

Exponit denique *Cheucum* lineam supremam & ultimam: *supremo Senario* designatur *privati Principis* magna quidem illa & quæ latè resplendeat ac celebretur, *humilitas*; ceterum, quod ad usum spectat, *limitibus angustioribus conclusa*; *privata scilicet modicaque ditionis* (quas ipsas angustias & defectum potestatis lineæ interruptio significat) quippe cum cælum ei non destinet supremam dignitatem, quæ propria Imperatorum est; caret utique amplitudine illâ tam opum quam terrarum, & clientum ac subditorum multitudine; quæ omnia sequi solent Imperatorum maiestatem: quocirca si quando statuat is de re sua esse conscribere militem, habere exercitus in armis; non alio sane consilio id faciet, quam ut debelles rebelles, contineatque in officio sua ditionis & Regni populos.

Huic sententiæ & expositioni subscribens Confucius sic ait: *Sexta & suprema imaginis sensus hic est, virtutem magnam quidem esse, nec minorum virtute famam; quoniam tamen deest illi dignitas suprema, aliaque desunt præsidia, fit, ut quas agitat animo res maximas atque pulcherrimas, nequeat perficere: Quare unum hoc agit, & si quando res postulaverit etiam adhibito exercitu & armis agit, ut in officio contineat privata sua ditionis & Regni subditos.*

En brevis expositio Figuræ decimæ quintæ non obscurum specimen reliquarum omnium; sic enim & quatuordecim quæ præcedunt, & quadraginta novem, quæ deinde sequuntur, non alio fere sensu quàm morali & politico exponuntur; ita prorsus ut omnia quæ spectant ad mores & officia Principum, Clientum, Parentum, Liberatorum, Conjugum; quæ item adversus Hospites, Exteros, Hostes servanda; qualis denique & quanta veneratio Spiritibus debeat; quantâ cum religione & constantia par sit obtemperare cælo; hæc, inquam, omnia tractentur hoc loco, alia aliis quidem copiosius, verum tamen nulla non attingantur.

Ea igitur Figura, quæ proximè sequitur Decima & sexta numero 7^a dicta, ponit ob oculos communem maximèque festivam lætitiâ, quæ à tantâ tam moderatâ tamque modesti Principis virtute dimanet in subditos, & quasi à capite in totum corpus diffundatur.

Decima septima, *sui dicta*, docet subditos imperata facere sui Principis omnibus in rebus, & alacriter ac promptè, tanquam membra scilicet, sequi nutum capitis sui. Et sic deinceps.

Ut planè dici possit totum primi conditoris opus aliud nihil fuisse quam ænigmaticum emblema, vel ænigma emblematicum, ex quo deinde curiosa posteritas varia sibi documenta petiverit; inter quæ si quidpiam reperiat apud primos quoque Interpretum, quod forte;

nescio quas, & auguria divinationesque redoleat, erit profecto quod Europæus Lector condonet antiquæ Sinarum gentilitati, si consideret Europam suam, quanto scilicet tempore, & quantis errorum ac superstitionum tenebris involuta fuerit, priusquam ei Sol Justitiæ CHRISTUS affulgeret.



PROEMIALIS

DECLARATIONIS.

PARS SECUNDA.

PARAGRAPHUS PRIMUS.

EXPLICATUR QUOD PRINCIPIUM

*rerum tam materiale quàm efficiens constituerint Sina
tam Prisci quàm Moderni.*

POSTQUAM exposuimus quadamtenus Sectarum Sinensium originem & diversitatem, superest, ut tandem provchamus altius, & explicemus idipsum, cujus potissimum gratia superiora propè omnia attulimus; ecquod videlicet principium tam materiale, quàm efficiens & quam basim & quod fundamentum tam cæli & terræ quàm elementorum, rerumque omnium constituerint Sinarum sapientes, ut & nos statuamus scilicet, an ipsi, & quam, qualemve de supremo quodam Numine, primoque rerum effectore habuerint notitiam: An item noster Matthæus Riccius Missionis Sinicæ Fundator haudquaquam temerè, sed prudenter & justo cum fundamento conatus fuerit errores hodiernos Sinarum suis ipsorum testimoniis & autoritatibus oppugnare; & convellere, & sic principia quædam Christianæ veritatis ex ipsismet antiquæ gentis, antiquis item libris monumentisque petere, parvâ interim posteriorum Interpretum & ætatis hujus habitâ ratione; sed litterarum dumtaxat, & illarum præcipuè, quas ipsi fatentur esse suas, & licet moribus vitæque dissentiant, colunt tamen ut avitas & uti sacrosanctas venerantur.

PROEMIALIS DECLARATIO. lv

Quod spectat in primis ad principium rerum materiale, memoratus quidem liber *Sin li ta çiven*, seu de naturâ ab hoc suum sumit exordium, deque eo per aliquot deinde capita copiosissimè disputat. Principium verò istud suum *Tai kie* nominant Neoterici: & quoniam (uti *Cbu çu* inquit) nec *Fohi* conditor gentis Sinicæ, nec *Ven vam* primus fohianæ tabulæ Interpres, nec hujus filius *Cben cum* hujusmodi nominis meminerunt, non alia utique nituntur autoritate novatores, quam libri unius, seu vetiùs appendicis atque additamenti *Hi çu* dicti, quod adjecit *Confucius* ad eum, quem interpretatus est, *Librum Mutationum*: Quæ appendix ejusdem est cum reliqua interpretatione autoritatis: Ibi autem leguntur expressa hæc verba *Te yen tai kie: Xi sem leam y: leam y sem su sian sem su sian: su sian sem pa qua*, id est, *Mutatio continet magnum axem seu cardinem*: Hic produxit duas virtutes, puta perfectum & imperfectum ut cælum & terram. *Due virtutes produxerunt quatuor imagines, quatuor imagines produxerunt octo figuras pendulas*. Extra hunc textum nulpiam in quinque libris classicis aut retrahibilibus ulla fit hujus *Tai Kie* mentio, adeoque quidquid asserunt, aut quomodocumque disputent de suo illo rerum principio, totum scilicet effinxerunt ipsi: quam etiam ob causam laus omnis Philosophiæ tam novæ unis ipsis tribuitur ab Interpretibus penultimæ Imperialis Familiæ *Ta mim*; fatentur enim & verò prædicants duo illos præcipuè Interpretes *Chim* & *Cbu* sub Familia *sum* invenisse, quod tota ignoraverit antiquitas, adeoque post *Confucium* *Memciumque* non alios extitisse qui reconditam tot sæculis doctrinam produxerint in lucem.

Tamet si porro dicant quod *Tai Kie* sit humanis ingeniis inexplicabile quid, quod spiritale quid, quod potentia quam investigare non possimus, neque esse nomen quo queat exprimi: Operosè tamen cumulant complura similia quibus conantur probare opiniones suas: Etenim quia binæ voces *Tai Kie* ex primævâ suâ institutione denotant magnum terminum seu polum, simile mutuati sunt ab axe mundi, seu polo, item ab axe domûs, quæ est trabsilla transversa, quæ nexus ferè omnes ac membra Sinicæ constructionis una continet. Alibi etiam radici arboris, axi currus id comparant: idem basim, rerum cardinem, columnam & fundamentum vocant, & planè negant esse quid merè imaginarium, aut simile ei quod Bonziorum secta *vacuum* & *inane*, vel quod Secta *Tao nihilum* nuncupat: Asserunt ergo rem esse veram verèque existentem, esse id quod concipi quidem debeat fuisse ante omnia, re autem ipsâ non distinguatur à rebus ipsis, ut perfecto & imperfecto cælo & terra & s. elementis, sed quid unum idemque sit cum illis; sic ut singulæ res dici possint suo modo esse *Tai Kie*; non aliter ferè quam delirans Servetus Epistolâ 6. ad Calvinum assererat Deum in lapide verè &

propriè esse lapidem, in trunco truncum, &c. unde ipsi concludunt tandem omnia unius esse substantiæ. Alibi etiam dicunt *Tai Kie* concipi debere ut quid immobile & quietum in actu primo; dum autem movetur, producere *Tam* seu perfectum, à quo motu dum rursus sistit seu quiescit, producere *Tu* seu minus perfectum, non aliter ferè (inquiunt) quam homo secum ipse meditans quiddam ac volvens animo, & mox deinde, quæ meditatus est, eloquens; vel sicut affectio animi quæ priusquam exerat sese, radicis ad instar in animo residet immota: simili denique illustant hæc omnia petito à massâ argenti vivi quod capsâ rotundâ laret inclusum & immotum; hæc verò statim atque recluditur, mercurius ilicò diffluit ac dispergit sese in mille veluti radios ab ipsamet Mercurii materiâ & formâ indistinctos: Motûs autem huiusmodi & quietis in hoc universo vicissitudinem docent esse perpetuam, circuli rotæque ad instar, aut anthleæ aquaticæ perenni motu circumvolutæ: Sicut verò negant assignari posse tempus quo perennis ista circumvolutio rerum non extiterit; ita motum earundem & quietem (si tamen quies est seu interpolatio) declaraturi, simile rursus petunt ab diei noctisque, à systoles item diastolesque perpetuâ vicissitudine dum respiramus & dum nox diem, dies noctem excipit, aut hyemem æstas, æstatem hyems. Et quamquam integro decursui & quasi plenæ ætati rerum omnium tribuant annos 29. mille 600. post quos volunt eas denuò ordiri cursum & ætatem suam, tamen modo suo loquendi satis indicant æternitatem quamdam rerum orientium occidentiumque antecedentem se agnoscere numero illo, quem diximus, annorum cursu infinitis vicibus repetito; in quo pugnant equidem cum sensu communi antiquitatis Sinicæ ut quæ ex traditionibus saltem suis censuit cælo & terræ primoque homini & scæminæ suum fuisse principium; sic prorsus ut & horam ipsam quâ cœperint existere, non dubitanter assignent.

Miranda sunt interim ac divinis propè similia quæ suo illi *Tai Kie* fidenter tribuunt novi isti Commentatores: capacitas, & magnitudo, extensio visque penetrandi, convenientia quædam cum rebus omnibus. Quid multa? primum vocant & à se, altissimum, subtilissimum, purissimum, pulcherrimum, summè medium, summeque perfectum, ac bonum, exemplar & ideam rerum omnium, principio carens ac sine: quin imo & vitam ei videntur alibi tribuere cum animi spiritusque nomen ei tribuunt: Ad extremum, si modo constarent sibi, vix dubitaret Lector, quin subinde de vero eoque primo ac supremo Numine agerent; & verò sunt non pauci, qui id existiment & sic intellexisse aliquos, argumento possunt esse sana nonnulla ipsius *Tai Kie* nomine consecrata.

Sed enim quod meram materiam primam cum Philosophis quoque

PROEMIALIS DECLARATIO. lvij

quæ nostris intelligant, confirmatur ex eo quod aliud quoque nomen suo illi *Tai Kie* adscribant *Li* illud vocant ? Quæ vox apud Sinas haud secus, atque *To ratio* apud Latinos, pater latissimè : Hic autem dicto vocabulo sic rursus exponunt dictum *Tai Kie* ut essentialiter rerum differentias ab hac unâ *ratione* dicant promanare de quâ sic etiam philosophantur, ut videantur universale quoddam à parte rei constituere, quod idem per species individuae rerum sese insinuat : Quo probabilius est, eos sicut per *Tai Kie* rectè intelligunt materiam primam, sic per *To li* vere rationem quamdam seu formam rerum constitutivam & ab aliis distinctivam intelligi. Sic enim ratiocinantur : Id quod sedem, ex. gr. constituit in ratione sedis, est *Li*, quod mensam in ratione mensæ, idem rursus *Li*, & sic de reliquis : Frange sedem, mensam resolve, jam *Li* seu ratio sedis mensæque desit. Nec dubitant de Moralibus eadem prorsus, quâ de Physicis ratione philosophari, ex. gr. rationem juris officique mutui quæ est Regem inter & subditum, quæ patrem inter ac filium, maritum inter & uxorem, & quamcumque demum rationem virtutis constitutivam *Li* vocant, quin & affectiones seu animi seu corporis, imo & ipsam animam quatenus informativa est corporis, similiter *Li* nominant, quod adeo *Li* suo modo destruat, ubi illa informare desinit ; sic ferè (inquit) uti aqua in glaciem concreta dum calore denuò resolvitur, pristino quidem liquori suo statuique restituitur, at glacies esse desinit. Sed hic ipsi non sistunt, sed ab hoc discursu ad errorem longè maximum turpissimumque tandem provchuntur : Nam ubi multis de suo *Li* & de *Tai Kie*, sed. admodum intricatè perturbateque, disputaverunt, sensim delabi videntur in Atheismum, quatenus excludunt omne principium efficiens supernaturale, & quamvis subinde abstrahere videantur ab sensu & materiâ, reverà tamen in materiâ persistunt : Spiritibus cèrte & effectibus spirituum, qualescumque demum illi sunt, vim quidem tribuunt agendi subtilius efficaciusque, verumtamen sic rursus, ut nunquam sphæram illam, quam Philosophi nostri activis simul & passivis tribuunt, ipsi videantur excedere : Quo magis laborant deinde, ut tot textus illustratissimos librorum veterum ubi de spiritibus rerum præsidibus, de justitiâ providentiâque supremæ mentis tam crebrò tam, disertè agitur per fas & nefas ad suam illam tam materialem crassamque sententiam detorqueant.

Sed & alibi rursus videntur sibi contradicere dum disertè docent unumquemque mortalium ex suo ipsius corde, quatenus hoc habet imperium quoddam in motus omnes & affectiones vel animi, vel corporis, devenire posse in cognitionem magni illius & supremi cordis ; mentis utique divinæ supremique moderatoris. Docent rursus ex admirabili nexu illo rerum & propagatione, quâ fit ut tam

lviii PROEMIALIS DECLARATIO.

constanter simile producat sibi simile, evidenter probari posse dari quoddam *Ta seu nao*, id est, *Magni capitis cerebrum* quod omnia illa tam æquabili cum vicissitudine conservet ac regat & ad finem cuique consentaneum perducatur. Negant itaque (& hoc sanè consequenter) quod ejusmodi sit mortuum quid; negant esse materiale; quin & afferunt alibi esse spiritum, eumque independentem, complectentem bonitatem omnem, omnesque (ut aiunt) rationes rerum omnium. Platones subinde aliquos audire te credas, aliosve Philosophos haudquaquam malè sentientes de Deo.

Quo magis etiam cunctandum mihi esse censeo, nec illicò damnandos Atheismi nisi fortè materialis ac negativi (ut dicitur) novatores istos, quanvis fortasse suspectos etiam formalis ac positivi, certè quidem tales ut suo illo tam novo tamque inusitato loquendi modo non paucos Lectorum suorum in Atheismi positivi præcipitium deduxerint: Nam cum, quæcumque de summa quadam mente ac providentiâ in veterum textibus reperiunt, omnia ad suum illud *Tai Kie & Li* reducant; ad hæc cum non distinguant inter causas materialem, formalem, efficientem, idealem, instrumentalem omnia scilicet illa nominibus tantum inter se distingui docent, adeoque & *Calum & Xam ti* supremum illius Imperatorem ejusque attributa omnia, idem esse contendunt cum suo *Li & Tai Kie* sive cum suo illo influxu & virtute naturali cœli & terræ; unde si quando sic loquantur de virtute illa cœlesti, ac si reverà de mente quapiam divinâ sermo foret, merito tamen suspiceris ritu magis Poëtarum quam Philosophorum nec aliter ferè quam metaphoricè loqui: Quocirca etiam jure merito censemus pestiferam esse doctrinam ipsorum quæque ad formalem quoque Atheismum deducat, politicos præsertim illos & carnales homines: Adeoque ab Evangelico præcone rationum armis ac telis quàm acerrimè, uti semper factum, oppugnandos esse novatores istos, & vel ex ipsismet ipsorum Commentariis adeo inter se pugnantibus, errorum suorum convinci posse, & quemadmodum Lactantius dicebat à nullo Ciceronem, quam ab ipso Cicerone vehementius posse refutari, ita nec hos novatores à nullis certius, quam à seipsis refutari posse.

Verum enimverò quam senserint diversa, quàm longè discesserint à majoribus, quam inani fundamento nitantur omnia, quæ novatores excogitarunt, non aliunde magis quàm ex serie ipsa temporum, quâ conscripti sunt editique libri probati evidenter potest: Quo enim vetustior est quisque liber, hoc magis adversatur ipsorum novitati. Patebit hoc ex testimoniis sanè luculentis quæ *Xu kim* (per antonomasiam *Xam xu* dictus quia liber primus ac vetustissimus inter omnes authenticos) non uno loco nobis suppeditabit. Frustrà, inquires; nam vetustiore illa producent novatores. Quam

PROEMIALIS DECLARATIO. lix

obsecro ? *Te kim*, sive cum qui de mutationibus inscribitur; quippe cujus author est idem qui gentis Sinicæ Fundator *Fo hi*. Rectè tu quidem : At, amabo te, quid tandem libri fuit, cujus Authorem *Fo hi* prædicas ? Figuræ ænigmaticæ quatuor & sexaginta, sive lineolæ 384. partim continuæ partim interruptæ & præterea nihil. Bene habet. At si ænigmaticæ, ergo perobscuræ; si tam obscuræ, ergo ædipo fuit opus qui lucem afferret. Ecquis ille ? Num idem fortè qui author fuit ? Authoris quidem nihil extat, inquires, sed ædipi fuerunt magnus ille Princeps & quasi conditor *Chen* Familiæ tertix Imperialis *Ven vam* dictus, nec non ejusdem filius *Chen cum*. Hi solverunt ænigma, & figuras interpretati sunt : Sed an hi coætanei fortasse fuerunt ipsiusmet *Fo hi* ? Immò verò mille septingentis annis posteriores : Tandiu scilicet in tenebris jacuit prima illa fundatoris lucubratio, prorsus ac si non exstitisset in rerum naturâ. Num igitur omni illo tempore litterarum rudis & experts fuit China ? Minimè verò : sed quàm dives & fecunda tum fuerit luculentè restantur illustria litterarum monumenta quibus res gestæ primorum Regum ac temporum, tum ferè cum gerebantur, posteritati commendatæ sunt : At in his litterarum monumentis nihil profectò invenient novatores, quod novitati suæ faveat; invenient autem quod adversetur, plurimum : Quærant sanè vocem illam *Tai Kie* ex quâ tot eruunt mysteria; ne semel invenient; uti nec alteram vocem *Li* in eâ, quam ipsi effinxerunt acceptione, & tamen quàm crebrò, quàm clarè, quàm graviter de sapientiâ providentiâque unius suprèmi Numinis, de cultu & sacrificiis eidem & spiritibus exhibendis isthic agitur ? Quid quod ipsimet Principes *Ven vam* & *Chen cum* tabulæ illius ænigmaticæ Interpretes primi, ne semel quidem istius vel *Tai Kie* vel *Li* mentionem faciunt ? Unus, inquam, *Confucius*, sed & hic sexcentis rursus annis, ipsis modò dictis *Ven vam* & *Chen cum* posterior, in appendice suâ & semel dumtaxat binas illas voces *Tai Kie* profert in medium, ubi hoc unum dicite : *Mutatio continet Tai Kie, sive magnum cardinem. Hic produxit duas virtutes &c.*

Annis ergo post *Fo hi* Fundatorem gentis Sinicæ bis mille trecentis tandem, veluti Deus è machinâ, sic *Tai Kie* prodivit, nec malè tunc quidem secundum interpretationem doctissimorum hominum, qui asserunt nihil hîc aliud intellexisse Philosophum, quam materiam primam, uti ex modo ipso loquendi jam allato satis innuitur : At mille rursus & sexcentis annis post ipsam *Confucium*, vos demum boni novatores, prodivistis, & prodire fecistis talc *Tai Kie* quale tota retro antiquitas nunquam audiverat : Quodque multo magis absurdum fuit ac intolerabile, accommodare voluistis ad caput infantix vestræ antiquitatem totam, & eam quasi obtorto collo in

IX PROEMIALIS DECLARATIO.

sententiam vestram pertrahere , posterisque persuadere quod per annos ter mille , nihil aliud de Deo deque spiritibus senserint scripserintque majores vestri quàm quod assereratis ipsi de mutâ aliquâ virtute , & ætæis fortuitisque cœlotum influxibus quos speciosis nominibus *Tai-Kie* & *Li* nuncupabatis.

PARAGRAPHUS SECUNDUS.

*QUAM PERPLEXOS HABUERIT
& sollicitos primos divina Legis Pracones (Riccium
maximè) tanta varietas , & confusio dogmatum ,
Sectarum, Librorum, Interpretum.*

HOC erat porrò chaos profundum Nationis Sinicæ , hic labyrinthus , hi scopuli , quorum prima facies perculit sanè Mathæum Riccium ejusque Socios qui Sinicæ Missionis fundamenta jecerunt , eosque gradu perquàm lento suspensoque progredi coëgit : cum itaque post emensa tot maria & tam feliciter perrupta tot sæculorum claustra in novum hoc Pelagus variorum dogmatum invherentur , imitati navarchos solertes ac prudentes suspensa semper bolide sunt progressi : explorare diligenter omnia , qui sinus & æstuaria essent novæ regionis , quæ syrtes , ac vada : examinare , inquam , quæ maximè vigerent dogmata , quibus nixa fundamentis , quàm tuta , quàm certa. Primum itaque non sine admiratione & gemitu crebra ubique idolorum monstra conspicati sunt , illa scilicet ipsissima , quibus Indiæ regionès scatère viderant , à Bonziis utique eo , quo memoravimus , tempore & modo in Chinam inducta. Frequentissima ubique fana , numerosi greges sacrificulorum , errorum varietas summa , ex unâ sectâ prognatæ complures aliæ , auctoritas & gratia Bonziorum apud imperitum vulgus , quamvis iudem à litteratis plerisque & honoratioribus ferè negligenter , acres eorum animis curas injiciebant. Præter hanc , alia novæ sectæ facies haud minus tetra sese offerebat , *Tao* vulgo dicta , priore hîc antiquior , & in ipsis nata visceribus Imperii , quam ad eò litteratorum quoque non pauci sequebantur , non illa spirituum tantum , sed & hominum Numen & immortalitatem quamdam in terris tribuit superstitionosa cultrix , ut de sortilegiis magicisque artibus , quibus addita est , nihil dicam. Augebant hanc colluviem frequentes ubique Mahometani , qui una cum suis erroribus ante annos ferè septingentos magno numero & licentiâ ingressi in Chinam , eas ubique radices fecerant , ut humanis viribus desperanda videretur eorumdem extirpatio.

Cæterum

PROEMIALIS DECLARATIO. lxj

Cæterum una maximè secta *fu Kiao* dicta eminebat inter has omnes opulentia, dignitate, authoritate: authoritatem antiquitas, & opinio sapientiæ conciliabat: opes, honores, imperia litteræ conferabant, eratque & re & nomine secta litteratorum: contemprix illa quondam, quin & insectatrix earum quas 1. & 2. loco retulimus, quamvis alioquin & hanc & illam varii gentis Imperatores, & horum exemplo adulatores Ministri privato quodam studio benevolentiaque fuerint complexi: Cum Mahometanis etiam (credo quia origine exteris) sua ipsis fuere certamina; at neque tam crebra, nec æquè semper, uti cum aliis acris & acerba; ideo fortasse, quia (uti scribunt qui mores ipsorum & religionem describunt) Mahometani *Su tien*, hoc est, *serviunt cælo* quod & ipsi de sectâ suâ magnificè profitentur litterati: ex quo etiam non obscurè colligi posset ipsos Sinas Litteratos, quando ab se coli cælum & adorari dicunt, utique non cælum sed Dominum cæli, quem colunt Mahometani, intelligere.

Quoniam verò nonnisi per litteras aditus patet ad honores ac Magistratus: In his autem qui per litteras emergunt, complures sunt humili loco nati & ex infimâ quandoque fæce plebeiorum: Plebs verò, uti dixi cultrix ferè idolorum est: Hinc fit ut multi sic transcant ad Litteratorum sectam, ut tamen nativas illas superstitiones non penitus respuant: Quam etiam fuisse causam autumo, quod ex ipsis tandem aliquando litteratis, amicum fædus (ut ita loquar) & societatem aliqui cum duabus sectis idolorum inire non dubitaverint; studio quoque uniformitatis ac tranquillitatis publicæ eo perpellente politicos homines: Unam itaque doctrinam sive sectam ex tribus, sua videlicet, Indicâque Bonziorum, & patriâ quæ *Tao* dicitur coalescere voluerunt; ansam (credo) præbentibus ejusmodi novitati somniis illis, & erroribus, quos imperante familiâ *Sum* litteratorum secta produxerat, quamvis hæc illo quidem tempore sectas idolorum scripto tunc oppugnaret, uti suprà notavimus: cum enim sic illi Philolophentur de suo *Tai Kie & Li* ut quandoque nihil videatur esse inanius, quandoque rursus nihil æquè solidum ac sublime, mirandum non est uberem dictæ novitati materiam præbuisse & placuisse Bonziis vacuum nescio quod minimè vacuum & interiorem suam doctrinam prædicantibus, nec displicuisse alteris nihilo suo non minùs chymerico gloriantibus: Maximè quidem dum supersticiosos quoscumque ritus, & exteriorem doctrinam unâ cum idolis ipsis ac sacrificulis idolorum, in gratiam scilicet imperiorum multitudinis perseverare patiuntur; ipsimet interim in Atheismum turpiter prolabentes.

Quid hîc ageret noster Riccius annuntiaturus orbi Sinico Christi legem quò se verteret in tantâ dogmatum religionumque varietate

simul ac perversitate : Obversabantur animo dura certamina sibi ineunda, nec jam cum idololatriæ tantum, & Mahometanis promiscuaque plebe, sed ipsis cum Magistratibus cum tota propè classe Litterarorum, è quibus suprà centum millia gradibus suis insignes erant, cum ipso, inquam, flore, robore ac firmamento Imperii, hominibus Atheopoliticis, à quibus cæteri jus ac leges petebant, atque adeo fastu potentiâque tumidis, contentis virtutum specie, re autem verà cæno flagitiorum majori ex parte coopertis. Dimicandum erat cum Scriptoribus primi tunc nominis, & cum librorum veterum & classicorum Interpretibus tametsi Neotericeis, atramen Classificis (uti vulgò quidem censèbantur) quorum adeo commentarii manibus omnium terebantur : Convellenda ipsorum authoritas, dispellendæ fraudes ac tenebræ, & si quidem verum erat quod Novatores tam studiosè docuerant, eandem scilicet cum suâ fuisse mentem ac sententiam Priscorum omnium, profectò contrà torrentem totius antiquitatis, autoritate quadraginta & amplius sæculorum roboratæ vel proposito capitis periculo fortiter erat enitendum : Damnandi consequenter auctores errorum : Prisci, inquam, Reges ac Sapientes, & ipse magister imperii, *Confucius*, quos ut oracula quædam mundi sui, & illustria virtutis ac sapientiæ prototypa posteritas omnis hodieque veneratur, de quibus si quidem nos juridicè, quid sentiremus, interrogarent, fidenter ac disertè respondendum erat, erravisse omnes ac æternum periisse : Quod quo tandem ferret animo gens superbissima retinentissimæque prisce moris & majorum observantissima? utique novitatem tam invisam detestati, constanter affirmarent nequaquam erravisse suos, sed nec errare per tot sæcula, tot millenos tanti nominis sapientes tam constanter potuisse : Ut ut esset, malle se cum erroris periculo insistere vestigiis majorum, quàm opiniones sequi paucorum hominum exterorum ad id usque tempus inauditas.

Meminerat quoque Riccius exterum se esse, hoc est, Sinenfium opinione, Barbarum : Meminerat Religionem, quam propagaturus venerat, esse hinc novam, novoque ex orbe advectam : Quod si vel nomen ipsum exterorum esset despectui; si suspecta novitas omnis, & vel adeo quia tranquillitatem publicam turbare nara, politice genti Priscarum suarum legum ac consuetudinum tenacissimæ semper invisa : Immo si Magistratus & Consilarii Principum Religiones & Sectas ad unum omnes, præter suam litteratorum, penitus abolendas esse non semel senserant, reque ipsa contra Sectatores earum (cum tamen inquilinæ jam essent, & tot Imperatorum privatâ superstitione vehementer auctæ & corroboratæ) Principes alii arque alii ferro flammæque favierant : Quid sperari tandem posse de illâ quæ tam nova esset ac peregrina, quæ mollis ac superbæ gentis in-

PROEMIALIS DECLARATIO. lxiiij

genio tam contraria, res annuntiaret tam prima specie incredibiles, uti est Homo-Deus & hic crucifixus.

PARAGRAPHUS TERTIUS.

RICCII DELIBERATIO DE MODO

*veritatis Evangelica Sinis annuntiando. Priscorum
Monumenta & Annales legit & examinat.*

DESPONDERET animum procul dubio tot inter curas ac metus quisquis haud aliis niteretur viribus quàm humanis: Sed enim fretus Deo constitit sibi Riccius, qui cum multa diu noctuque versaret animo de institutis ac legibus Monarchiæ tantæ & tam antiquæ, in hunc ferè modum secum ipse ratiocinatus est: Si verum est quod mihi tam constanter affirmant omnes, anni sunt mille quingenti eo-que amplius quod idola cum idolorum cultu autoritate Regiæ ex Indiâ primum inducæ sunt in hanc Chinam: Constat autem iterisse hoc Imperium per annos quater mille eo-que amplius, si quidem fas est annalibus Imperii fidem dare, dignis utique non minori fide, quàm quos de rebus suis Græci ac Romani conscripserunt: Quid ergo dicemus de omni illo tempore quod idololatriam antecessit, annis scilicet bis mille quingentis? An ignoravisse numen omne tam verum quam falsum? Quod quidem de gente quantumvis immani ac barbara (teste Tullio) vix est auditum: Vox illa generis humani *Numen est aliquod* an sola fugerit aures Sinarum? Soli Sinarum ad lucem illam, speciemque & magnitudinem creaturæ, per quam Paulo teste, tam cognoscibiliter Creator omnium potest videri, soli, inquam, Sinarum ceteroqui tam perspicaces semper cæcutiverint? An insania ista, & intestinum murmur dicentium in corde suo: *Non est Deus*, quam Augustinus paucorum esse dicit, omnium omnino Sinarum mentem semper occupaverit? Quod illitterati, quod agrestes ac feri semper cognoverunt, homines sapientes, culti, mites semper ignoraverint? Qui motus illos tam constantes & æquabiles Astrorum, qui cælorum conversiones semper admirati, semper id egerunt ab ortu suæ Monarchiæ, ut æquabilitatem & constantiam illam & ordinem inviolatum in administratione Monarchicæ sui Imperii observarent; nunquam de motore cælorum ac Domino, nunquam de Monarchâ illo supremo utpote invisibili & in corporeo cujus (Monarcham suum Vicarium & veluti filium adoptivum esse crediderunt ad sublunarem hunc orbem administrandum) cogitavisse, credi potest? Atenim si hic subobscura saltem veri Numinis fuit notitia, unde tanta deinde

lxiiij PROEMIALIS DECLARATIO.

perverſitas opinionum ac morum, tot Sectarum colluvies quantam videmus hodie, unde tot artes nocendi fallendique? In promptu cauſa eſt: ab inconstantia naturæ depravatæ, nominatim verò à peſtiferâ ſervitute idolorum. Quoties ipſimet apud nos prædicant Præſcorum temporum innocentiam, fidem, ſanctitatem! citò nimirum confeſſeſcit virtus omnis, & imbecillitas humana ſuapte ſponte ruit in pejus, tametſi nemo ſit qui impellat: ſatis ſevera ſimplex & innocens prima ætas Romanorum, ac quanta deinde morum corruptela cum triumphis Aſiaticis in urbem inveſta eſt! Quid? ipſa Chriſti Eccleſia, quot & quantas viciffitudines ſubiit? Quàm citò deſerbuit ardor ille ſpiritus ſancti, quo in ortu ſuo rapiebatur inflammata? Id ergo quod nunc jacet, haud rectè dicas ſteſſiſſe nunquam. Humanum quid eſſe & naturâ ſuâ caducum rectè quidem dixeris. Depravata gens eſt, ſit ſanè. Corruptiſſimi mores, non inſicior; ſed vel hinc liquère dico, ſynceri quid integrique habuiſſe aliquando. Omnino ſic res habet: non ea fuit olim China, quam nunc videmus eſſe, ſed quod extremis hiſce temporibus uſuvenit Europæ noſtræ, ut poſt inſignem corruptelam opinionum ſimul ac morum, poſt tot hæreſum quotidie hydrarum inſtar pullulantium examina, Atheiſmus quoque nonnullos infecerit, hoc uſuvenit & Chinæ, luc tam execrabili graſſante hic tantò ſævius, quanto minus adeſt remedii, & plus ſuppedit ſemper alimenti.

Quid ergo conſilii in re tam deſperatâ? Ratione primùm ac Philoſophiâ mederi incipiamus? At in hac, ut ab ipſis, cœu Magiſtris, excolamur, ex Europâ nos veniſſe exiſtimant. Pugnabimus igitur armis ſanctioribus quæ plurima ſuppeditant paginæ divinæ? Sed enim divinis ſimiles ſuas item eſſe ſtultè contendent; & ſi quidem vetuſtiores quoque eſſe dixerit, erroris illos arguere difficiliſſimum ſanè erit: quin ergo freti magno Deo arripimus Chriſti Salvatoris noſtri è cruce pendentis imaginem, & provolamus in publicum animoſi, fideique noſtræ trophæum circumferimus per compita & fora: aderit piis conatibus ipſe Dominus, & ſi prodigiis ſignisque doctrinam ejus confirmare non potuerimus, ſanguine vitæque certè confirmabimus. Utinam hoc quidem! Verumtamen ne ipſum quidem Apoſtolum Gentium quamvis arderet mori pro Chriſto, prædicaretque Chriſtum & hunc crucifixum, accepiſſemus iniviſſe viam hanc & rationem, Chriſti prædicandi in Sapientum Areopago, ubi quantumvis incitaretur ſpiritus ejus in ipſo videns idololatriæ deditam civitatem, ſic tamen Chriſti Redemptoris & hominis mentionem facit, ut primùm Creatoris ac Dei, & ſic rurfum Redemptoris, ſed ut à mortuis prodigioſè ſuſcitati, ſed humanum genus glorioſè judicaturi: Idem verò Apoſtolus cùm apud gentes alias tot ſigna tamque miranda patravcrit, in hoc tamen ingeniorum & ſapientiæ theatro

theatto judicavit solidis rationum ponderibus, Deo adspirante esse permovendos.

Quid si ergo imitemur Apostolum in Arcopago differentem, & quando non dubitavit is ex ipsâ Poëtarum caligine tenuissimum primæ lucis radium elicere, nos similiter ex vetustioribus saltem Sinarum Philosophiæ monumentis petamus aliquid quod crepusculi sit instar, & auroræ feliciori solique justitiæ quadantenus viam pandat. Veterum quidem librorum copiam non deesse, satis jam constat: Iique fortasse quò propius ab origine fontibusque veritatis abfuerunt, hoc etiam purius liquidiùsque de eâ disseruerint. Sed enim verendum ne si veteres hîc nobis favcant, Interpretes veterum adversentur: Sic enim audio non minùs copiosè quàm ingeniosè explanari libros veterum ab Interpretibus quibusdam, qui cum vix à quingentis annis prodierint, admodum tamen fidenter judicium ferant de quadraginta sæculorum sensu & doctrinâ. Accedit hoc indigenas ipsos esse versatissimos patriis in litteris, & quia de his tam præclarè (uti vulgò dicitur) sunt meriti, eoque nomine maximis olim perfuncti muneribus, idcirco lucubrationes ipsorum singulari cum studio, plausuque læctitari ab summis pariter infimisque. Quid ergò deferent uni homini præfettim extero, qui præ uno magistrorum suorum & Interpretum, exteros (opinor) omnes floccifaciant? quamquam jure merito quis dubitet, an qui scripserunt postremis illis corruptissimis temporibus Priscorum mentem germanamque doctrinam sint assecuti, præfertimque iis in rebus quæ ad Religionem Priscorum pertinent, vel sunt ab sensu nostro vulgique opinione remotiores. Constans quidem Interpretum concordia, maxime si plures fuerint, nec unius ætatis, admodum rara est & miraculo proxima. Gaudet ferè ætas posterior priori vel addere quidpiam vel detrachere: Sic Litterati Sineses ætatis nostræ novam illam commenti sunt Religionem ex tribus conflata, quarum duas ii, qui Impetante familiâ *sum* floruerunt, uti falsas pravasque oppugnaverunt acerrimè. Cur ergo hi ipsi non æquè hallucinati fuerint & multò etiam longius à primis illis temporibus dogmatisque majorum discesserint? Maxime cum ultro fateantur intercessisse noctem illam tam spissam annorum mille & amplius, per quos prisca Sinarum Philosophia consopitæ similis extinctæque jacuerit?

Has ergò similesve cogitationes diu noctuque revolvens animo Matthæus Riccius cum vehementer optaret sedem figere quamprimum in ipsa arce Imperii; Regia, inquam, Pexinensi, quæ Monarchiæ rotius caput est (quod & magnus Xaverius tantopere experierat) quoniam tamen necdum sibi videbatur satis esse maturus ad illam expeditionem, & nisi via aliqua paulatim eo sterneretur, acceletatio tam præceps multò plus damni quàm commodi asferre po-

terat : Satiùs esse duxit festinare leniùs , & ex proximis quibusque locis arque Provinciis qualemcumque fructum petere , extraque Regiam præludere quodammodo certaminibus illis quæ in ipsâ deinde Regiâ esset initurus. In Provinciis itaque Chinæ Meridionalis annos versatus omnino 16. ipse tum per se tum etiam per socios non uno loco felicia posuit fundamenta rei Christianæ , & quamvis omni illo tempore variis gravibusque laboribus ac periculis exerceretur , nunquam tamen fractus est animo , sed Deo fretus è rebus etiam adversis animos & opes sumpsit , unum interim singulari quodam studio solertiâque agens assiduè , ut indagaret omnia secumque tacitus expenderet , eoque consilio consulens identidem gentis libros , & quotquot ex amicis nancisci poterat homines litteris præstantes : quoad anno 1598. jam maturam ratus Pekinensem expeditionem eam alacer suscepit ; Sed ecce Pekinum delatus recentis cujusdam belli terrore & apparatu fervere videt omnia : quare prudenter hîc difficultati cedens ac tempori Nankinum repetit , sive Regiam Meridionalem : Ibi autem non paucis Christo aggregatis fundat Ecclesiam simulque domicilium Societatis JESU & exacto circiter bienio rebusque jam pacatioribus Pekinensis Regiæ ; post multas deprecationes & lachrymas coram Deo , cujus unius causa hîc agebatur , profusas , plenus admodum spei fiduciæque cœlestis (divinitus quippe factus erat certior Christum sibi propitium fore Pekini , similiter , ut Ignatio olim Romam petenti) tandem anno Christi 1600. denuò proficiscitur erecturus in arce illâ , tam florentis Imperii trophæum Crucis Christi , & sub hujus auspiciis depugnaturus cum Idololâtris , Atheis , Mahometanis , & , si Deo cordi foret , de his Inferisque totis triumphaturus , quin adeo , per calcatam , si necesse foret , quatuor & 40. sæculorum auctoritatem , monumentum æternæ veritatis positurus , & , si veritas id postularet , obsignaturus etiam suo sanguine.

Anno itaque salutis humanæ 1601. mense Januario (qui postremus erat mensis anni Sinici 28. Imperantis *Van lie* ex Familiâ *Taimim* ordine decimi tertii , ingressus Pekinensem Regiam Matthæus Riccius offert munera Principi , non alia re magis quam novitate suâ pretiosa acceptaque ; & primo quidem loco effigiem Christi Salvatoris Deiparæque Virginis coloribus eleganter expressam necnon ipsum Crucis trophæum : Omnia suscipit Imperator (raro favoris ac benevolentię argumento) sacratas autem Imágenes cum singulari quadam venerantis animi significatione. Vulgato favore tam inusitato accenduntur omnium studia ad novum hospitem consalutandum : Concurrere certatim omnes cujuscumque ferè ordinis ac dignitatis ad diversorium Matthæi , avidissimi cognoscere quid afferret hospes tam novus & advena ex iis terris , quas ipsi ad id tempus sub cœlo

PROEMIALIS DECLARATIO. lxvij

existere, nunquam existimaverant. Multi multa sciscitari; multa Matthæus ipse ultrò prudens ingerere; audiunt de elementis, de cœli ac terrarum vel situ vel motu, & in his nova permulta profusus inaudita, non minus ingeniosè quàm perspicuè, patrio ipsorum sermone differentem. Amant etiam vehementerque suspiciunt gravitatem morum comitate modestiæque tam singulari temperatam. Inter hæc vir prudentissimus gradum facere identidem ad sublimiora, à terrâ cœloque scilicet, ad conditorem utriusque & Dominum: Mox etiam naturam hujus divinalque perfectiones, unitatem, providentiam, sapientiam, omnipotentiam, bonitatem solidis demonstrare rationibus. Differenti porro de primo rerum principio seu effectore assentiri facilè omnes & non pauci fidenter etiam asserere esse illum ipsam quem Prisci gentis suæ Reges ac sapientes perapposito nomine *Xam ti*, hoc est, *Supremi Imperatoris* nuncupassent, & verò coluissent: Neque tamen deesse rursus alii, qui principium longè diversum, chimæricum illud scilicet novatorum, de quo supra, *Tai kie, li*, cum *et c.* id est, *Magnum terminum, rationem entis universalem, item vacuum & inane*; alii rursus qui *Fæ* idolum ex Indiâ advectum, alii denique qui patriam sectam *Tao* dictam identidem obtrudant: Quorum quidem omnium errores inaniaque dogmata Matthæus rationibus, è naturali simul & supernaturali petitis veritate, non minùs fortiter quàm suaviter oppugnat expugnatque: Audit eos interim non minùs quàm alios, quibuscum familiariùs egerat in China Meridionali, miris extollentes laudibus Priscorum temporum suorum innocentiam & simplicitatem, audit Priscas auctoritates & vetera citari ab ipsis litterarum monumenta, in quibus tum legis naturalis, tum aliarum rerum quas Riccius prædicabat, mentio fiebat non obscura, ipsismet interim fatentibus diu esse quoddam desierat aureæ illius ætatis integritas & candor; nam suæ quidem ætatis sapientes plerosque tantum nomine tenùs discipulos esse *Confucii*: urpote qui præter opes dignitates deliciasque hujus sæculi & fucatæ eloquentiæ gloriam vix aliud quidquam haberent cordi, parum utique solliciti quid olim futurum esset, quia nihil ferè, nisi quod sensu perciperetur, credentes: Ex hujusmodi quidem sermones ac querimonix illorum ferè erant, qui nativum lumen veritatis vitis & erroribus minus habebant offuscaturum, quos inter etiam quidam primi nòminis litterati, instinctu, opinor, plusquam humano, tam singulari doctrinâ Matthæi nostri, tantaque doctrinæ firmitate capti convictique adhærescere jam ipsi studiosius, & ad delibandos saltem gentis suæ libros, verustiores imprimis ultrò invitare, se namque ipsos post institutum bis terve cum illo sermonem, multò quàm unquam antèa clariùs jam percipere nonnulla quæ veterum monumentis continebantur, quæ adeo delibare ne gravaretur & ipse: Sic

lcvijj PROEMIALIS DECLARATIO.

e nim perspicuè cogniturum esse, quid olim naturâ duce ac Magistrâ senserit antiquitas tota, quid de supremo cœlorum Imperatore ac Domino, quid de spiritibus & Religione judicarint viri Principes iidemque sapientes ætatis Priscæ *Tao, Xun, Tu, Tam, Ven-vam, Vu-vam: Chen-cum, Cum-cu*, sive *Confucius* quos omnes tota posteritas si minùs imitata feliciter, at certè constanter sit venerata; qui utique si viverent modo novas illas veritates, veluti cœlitus annuntiatas, approbaturi essent, & quidni etiam amplexuri. Quod si jam semina quædam & scintillas ejusdem luminis ac Religionis in monumentis Priscorum suorum Matthæus ipse reperiret, tum rogare se, ut susci- ter benignus, quod tamdiu latuit consopitum extinctoque simile, priscumque lumen nativæ veritatis fulgore novo doctrinæ cœlestis accendat atque perficiat.

Quam simillima fueraut aliorum etiam gravissimorum virorum quibuscum egerat per annos superiores hortamenta & vota, quibus adèò jam tum morem gerens, non parum scilicet hac in parte elabo- rarat: quod ipsum tamen prudenter hîc dissimulans, humanissi- mè respondit se quando sic juberent, utique paritutum, non sine magna spe discendi proficiendique ex libris gentis litteratissimæ conscriptis eâ præsertim ætate, cujus ipsi sapientiam ac sanctitatem usque adèò deprædicarent. Torus interim tacitis exultabat lætitiis Christoque duci & auspici gratias agebat immortales quod cerneret aperiri disseminando Evangelio ostium ingens, quod idem tamen rursus intelligebat penitus iri oclusum, si forè totam litteraræ gen- tis antiquitatem condemnaturus omnium in se litteratorum adeo- que & Magistratuum infestis animos, & arma concitasset, quos uti- que devincire potius oporteret similitudine quadam studiorum at- que sententiarum, quàm abalienare novitate nimîa & diversitate, ut sic, fundamenta Christianæ Religionis in hoc Imperio non divi- nâ tantùm firmitate (quæ quidem longè potissimum procuranda semper est) sed etiam humanâ, quoad fas & ratio sineret, nite- rentur.

Doctoribus itaque primi nominis, & hortatoribus, & ducibus novo rursus ardore ac studio placuit explorare penitus omnia, adire (inquam) fontes ipsos doctrinæ Sinicæ, & monumenta Priscorum dogmatum, necnon annalium vetustissimorum, iterum iterumque revolvere: ad hæc obscuros dubiosque locos examinare diligenter, consultis partim commentariis, tam veterum quam recentiorum Interpretum, partim etiam illis, qui tunc vivebant literarum Magi- stris atque Philosophis (ex quibus septem & viginti annorum spatio, quibus in Chinâ commoratus est Riccius recensita sunt amplius quinque millia) à quibus & ipse viscebatur, & quos vicissim viscebat & de omnibus consulebat. Quid multa? vidit, audivit, legit, & maximâ

PROEMIALIS DECLARATIO. Ixi

maximâ cum voluptate animi sui perspicuè tandem cognovit, quin & convictus est, Sinenſes olim non uno ſæculo, ſed pluribus habuiſſe notiſſimam veri Numinis ac ſimul præſtantia quædam lumina legis naturalis; ad quæ ſi modò revocarentur ii, qui nunc viverent, ſperandum utique fore, ut ad Evangelicæ legis, quam venerat annuntiaturus, gratiam & ſanctitatem ſuaviter admodum (propitio ſemper Numine) adducerentur, ii quidem imprimis, quos inveterata quædam cecitas ac ſuperbia vitæque depravatæ conſuetudo non uſquequaque impediret: & verò cum gens iſta ſuæ antiquitatis ſuarumque litterarum uſque adeo ſtudioſa ſit & tenax, prorsus adhibendam videri hanc induſtriam, ut ſuſcitarentur ea, quæ ipſimet in primordiis ſuis habuerant prima naturæ lumina, quamvis hac ætate vitiorum & errorum tenebris propè jam extincta, exemplo ſcilicet Doctōris & Apoſtoli Gentium, qui non dubitaverat authoritatibus & quidem Poëticiſ Ethnicorum uti inter evangelizandum: exemplo etiam primitivæ Eccleſiæ in quâ Doctōres ac ſcriptores ſacri omnes (uti teſtatur S. Hieronymus citatus à D. Thomâ in opere contra impugnantes Religionem cap. 12.) à tempore Apoſtolorum uſque ad tempora ipſius Hieronymi immiſcuerunt ſacræ Scripturæ ſapientiam & eloquentiam ſecularem.

PARAGRAPHUS QUARTUS.

EX LIBRIS SINARUM AUTHENTICIS

concluditur nullum eiſdem fuiſſe cum aliis Nationibus commercium.

HÆC igitur quàm ſolido nixus fundamento fecerit Riccius noſter quantâ cum authoritate, fructu, plaufuque operæ præſtatum fuerit hîc declarare. Intellexit imprimis vir æquè perſpicax ac prudens, magnam eſſe fidem annalium Sinicorum, raram prorsus authoritatem ſimul, & antiquitatem: intellexit, eos à quibus annales conſcribuntur, ab ipſo deligi gentis Imperatore, unoque ſerè tempore res omnes & geri apud Sinas & ſcribi; quamvis eadem non niſi multo deinde poſt tempore, poſt occaſum videlicet imperantis familiæ & novæ incuntis initia, typis edi conſueverint. Itaque ſic ſtatuit corrigendam prorsus eſſe opinionem illam, quâ venimus ſerè omnes ex Europâ noſtrâ imbuti occupatique, nationes ſcilicet ad unam omnes (excipiamus ſemper Hebræam) veri Numinis amiſiſſe notiſſimam, idque paucis à diluvio ſæculis, & inter ſua ſerè cuiuſque nationis exordia: Neque enim ſic rem habere, & quidquid de aliis

Ixx PROEMIALIS DECLARATIO.

sit nationibus, de Sinica tamen haudquaquam ferri posse tale iudicium; utpote quæ ab aliis gentibus fuerit, non terrarum spatio dumtaxat, sed moribus, habitu, litteris semper fuerit hodieque sit diversissima, & ita quidem ut putaverit præ suâ non aliam sub cælo & sole inveniri nationem, præter vicinas aliquot barbarorum Gentes & Insulas: sic enim verbo & scripto Imperium suum *Tien bia*, vel *Su hai thi my*, id est, *quod sub cælo est*, aut *quidquid intra quatuor maria continetur* appellare consueverunt.

Quod quidem Imperium siquidem per bis mille primos ann. habuisset cum remotiorum terrarum & nationibus commercium, an tot Priscæ aliarum gentium Aegyptiorum, Hebræorum, Græcorum aut Romanorum monumenta, id dissimulare aut non commemorare potuissent? an ipsa quoque Sinensium Chronica non memorent, quemadmodum memorant de quinto Imperatore *Pu si* è quintâ *Han* familiâ circa annum ante Christum 200. arma sua ultra murum & desertum *Lop* proferens Pegu, Cambojam, Siamum, Bengalam usque penetravit, & annis rursum post Christum circiter nonaginta decimus sept. ejusdem familiæ Imperator *Ho si* duce *Pan chao* in Indiam & ultra progressus 200. dierum itinere Regna 40. numero Sinarum subjecit imperio.

Ut autem id magis perspicuum sit si quidem de Assyriorum vetustissimo agatur Imperio, quod à Nemrodo Chami nepote duxit initium, satis constat illud inter ipsa propè exordia sua descivisse à cultu vero ad idololatriam, & crudelitatem, libidine, aliisque sceleribus adeo fuisse contaminatum & obscuratum, ut nihil ferè præter inania Principum nomina ad posteritatis notitiam pervenerit: Quod quidem Imperium, cum deinde ad Medos, & ab his ad Persas, à Persis ad Græcos sive Macedonas, à Græcis denique ad Romanos devolutum fuerit, quis non intelligat etiam vitia, & vitiorum omnium parentem ac nutricem idololatriam simul cum spoliis ac triumphis unâ transiisse: Quâ quidem Idololatriâ Romanum deinde Imperium orbem reliquum infecit, adjunctis etiam sibi iis idolorum monstris, quæ propria singularum gentium superstitio fabricata fuerat.

Ab hoc igitur Imperio gentis Assyriæ licet vetustissimo, & quod in Asiæ visceribus fundatum ad Arabiam, Aegyptum, Indiamque extendit sese, nemo tamen suspicabitur derivatum fuisse Asiæ extremæ sive Sinarum Imperium, qui modo expenderit hoc ipsum 4222. annis sub patriis Principibus perstitisse: antequam jugum Tartarorum Occidentalium subiverit, quique etiam hujus & illius gentis mores linguam, ritus, litteras ceteraque omnia usque adeo inter se diversâ diligenter observaverit: Et tamen fieri non potuisset, ut rivus tam magnus nihil haberet cum fonte suo commune, & præsertim virus illud quod tam celeriter manat vitiorum, & ex vitiis idololatriæ: atqui

PROEMIALIS DECLARATIO. lxxj

si modo vel obiter quis consuluerit Sinicæ gentis annales, protinus ei constabit idololatriæ pestem non fuisse Regiâ autoritate huc introductam, nisi post annos fermè ter mille post conditam Monarchiam Sinarum, annis verò amplius nongentis post extinctam Assyriorum.

Quod si verò Chinam removerimus ab Assyriorum commercio, multo magis removenda Ægyptus: & quamvis aliquæ hieroglyphicæ litteræ Sinenses cum Ægyptiis similitudinem habere à quibusdam asseratur, cur non potius Ægyptios à Sinesibus, qui aliquot sæculis præcesserunt, quam ab Ægyptiis Sinenses originem trahere debere contenditur? Ad hæc quid obest quin aliquæ gentes quædam invenerint eadem omnino & communia cum aliis gentibus maximè diffitis? Et quid demum facilius & magis obvium quam pingere characteres aliquot referentes similitudinem rei, ut Solis, Lunæ avium arborum, &c. ut pueros doceant quæ quid significant? An propter eà ex gente Ægyptiâ in Sinam per totam Asiam fieri debuit transitus & transmigratio?

Sed neque dici potest ab Indorum Gymnosophistis quidpiam vitii vel erroris apud Chinam fuisse propagatum antequam hic propagaretur ipsamet Idololatria: Nam præcipuus hujus sæcæ propagator *Foe* dictus in Indiâ natus fertur anno 16. imperantis *Cheu wam* (qui quartus fuit à 3. *Cheu* familiâ) anno ante Christum 1308. & annis 400. circiter ante natum Pythagoram & Confucium; quando jam steterat hæc Monarchia annis 1600. & amplius, legibus ritibusque non peregrinis, at suis constanter administrata; dogmata verò hominis pessiferi nonnisi nongentis circiter annis post ejusdem interitum una cum formali idolorum cultu autoritate Regiâ in Chinam inducta sunt.

Multo minus etiam credendum est Sinicæ gentis originem peti posse à Japonibus (quos superba Sina *Vo nu*, hoc est, *Vo* mancipia vocabat, quamvis ii litteras habeant multaque alia cum Sinis communia: Steterat enim Sinarum Imperium annis bis mille supra quingentos quando (sicut annales eorundem memorant) migraverunt ex Chinâ millia aliquot familiarum ad Insulas Orientales, annis scilicet ducentis ante Christum: Ex quo tamen conficere ego nolim Japoniam esse coloniam Sinarum, maximè cum constet ab anno 660. ante Christum cepisse Japones numerare Reges suos, qui usque ad sæculi hujus 1608. numerantur octo supra centum; uti constat ex libro Sinico in Japoniâ impresso, qui in Bibliothecâ Regiâ asservatur: quo etiam probabilior mihi est opinio altera, Japones à Tartaris potius (qui accolunt eorum mare Borealius) traxisse originem, eamque perantiquam; quippe sub annum circiter 1196. ante Christum, quando (sicut annales testantur) Barbari Boreales (puta Tartari) mul-

lxxij PROEMIALIS DECLARATIO.

titudinē suę gentis id flagitante ad Eoi maris Insulas se contulerunt: quod ut promptius credamus, suadet etiam Japonicę gentis indoles perquam bellicosa & robore animi constantiaque prę Sinis longē pręstans, quodque linguā utantur à Sinenſi diverſiſſimā.

Confirmant hæc tot legationes, uti aliorum barbarorum, ita & Japonum: harum quidem prima in Sinam legatio facta scribitur anno 2. Imperatoris 14. *Quam tu ti* è 5. *Han* familia (qui annus à Christo nato erat 28.) anno verò ejusdem Imper. 33. secunda fuit legatio, quā primū sigillo Regio donati sunt. Tertia legatio an. 1. Imperantis *Ngan ti* decimi noni constabat 160. capitibus, interruptę deinde per multos annos ob bella isthic civilia legationes: donec iterum resumptę & continuatę sub septem Familiis imperantibus: & una quidem sub 2. Imper. *Tai sum* è Familiā *Tam* decimā tertiā, imperii sui anno 5. (tribus scilicet annis ante adventum Evangelii præconum è Syriā) & sub sequenti *Cao sum* quando primum mutata est Regni ipsorum appellatio: Nam deinceps *Ge puen que*, id est, *Solis oriūs Regnum* (quod nobis Japonia est) nominatum est, 19. Familię *Sum* 2. Imp. *Tai sum* anno nono primum Bonzii legatione functi sunt & deinceps. Sub *Tum lo* Imp. 3. Familię *Tai mim* jussi sunt, ut singulis tantum decenniis semel ad aulam venirent. Ex quibus cognoscet Lector unde potissimum per mutuum ferē commercium & mores patrios & litteras cum Typographia, & vitiorum quoque superstitionumque contagia transiverint. Quemadmodum etiam constat, inter tot imperii vicissitudines, tumultus publicos & calamitates variis temporibus Sinas perfugisse ad vicinas terras & insulas ut Tibetum, Cambojā, Siamum, Tunkinum, Malacā, insulam formosā, Molucas, Javam, & præcipuē, uti jam diximus, Japoniam. Verumtamen ex supradictis haudquaquam rectē ratiocinati sunt Europęi nostri, qui præter ea, quę apud Japones observarant atque didicerant, Sinicarum quoque rerum & (quod magis admireris) originum ac librorum Sinenſium Interpreteres ac judices sub initio hujus sæculi esse voluerunt, Et ex ætate Japonum præſenti, sententiam ferre de tota antiquitate & doctrinā Sinenſium.

Sed erit fortasse qui existimet ab Hebręorum populo propagatum fuisse populum extremę hujus Asię, utpote qui ab uno eodemque *Sem* Patriarcha Asięque fundatore stirpem suā ducant. Hebręos quidem aliquos eosque sacris instructos voluminibus in Chinā repertos fuisse testantur ii, qui ex Europā huc primum advenērunt: Et verò nihil ut dicam de moribus ingenioque Sinarum, qui toti ferē inhient terrenę felicitati, divitiis, commodis, honoribus, prorsus ac si non aliam expectent benedictionem quam quę de rore cęli & de pinguedine terrę proveniat; usus quidem polygamie tametsi

PROEMIALIS DECLARATIO. Lxxix

tametsi primas semper deferant primæ & legitimæ conjugii, apud Sinas videtur permissus, quippe sterilitatem & stirpis suæ interruptionem, quodque post fata nemo ipsorum memoriam in parentali-
bus officiis sit renovaturus, ipsi in summis humanæ vitæ malis reputant; ad hæc eo sunt fastu & arrogantia, ut sicut Hebræi olim ob singulares cœli erga se favores, reliquos orbis mortales habebant despectui, ita & ipsi vanitate plusquam Græcâ Barbaros vocarent populos, quotquot norant, nec ante desisterent à convicio, quam iidem mores peregrinos & barbariem exuissent, moresque Sinicos induissent, quos in civium suorum numerum, ceu pupillos adoptabant. Augere posset opinio istius probabilitatem singularis quoque illa Sinicæ gentis erga defunctos majores pietas, quam nitore & curâ sepulchrorum, variisque ritibus & plandibus funebribus, nec non oblationibus, quas peragunt statò tempore, testari consueverunt. Revera ritus tot ac ceremoniarum, tot in victimis ritè apparandis observationes ac minutiarum, ad hæc sacrificia tot tamque varia ex tauris, arietibus, pane, vino, imò & holocausta quibus supremo Imperatori cœlorum litabatur consumptis victimis & rebus pretiosis: Sacerdos item unus & supremus (qui & erât Imperator) cui soli fas erat sacrificare supremo cœlorum Imperatori; quoties rei necessitas id postulabat: quod plerumque dum imperium Iustrabat, in ipsis montibus & collibus faciebat; ad extremum, quod Sinenſes præ reliquis gentibus, veri Numinis notitiam longè diutius conservasse videantur: hæc certè omnia præbere possent Europæo homini an-
sam dubitandi, an non ex Judæa multi ritus ac mores in Chinam transiverint, gensque ipsa ab Hebræorum propagata gente fuerit. Sed huic opinioni obstant annalium Sinicorum monumenta (ad quæ dumtaxat appello Lectorem in toto hoc opere, præterquam enim, quod diu ante dispersionem Tribuum Israëlitarum China fuerit cultissima, & à legibus ritibusque tam sacris quàm profanis maximè instructa, unum hoc sufficiat quod annis omnino centum & amplius priusquam Moyses legem à Deo accepit, pius ille Imperator & *Xam* familiæ secundæ conditor *Chim tam* octogenario jam major, septimo sterilitatis anno (quam *per orbem univèrsū invaluisse* Sacre testantur paginæ) victimam sese pro salute populi solemniter cum ritu concepitque verbis cœlo devovit: Quid quod etiam ducentis & amplius ante Abrahamum annis memoratur non semel *Xam* Imperator holocaustis aliisque sacrificiis supremo litasse Imperatori, aliisque deinde inferioris nominis & ordinis sacrificiis, coluisse spirituum montium fluminumque præfides? Uti refertur in libro *Xu kim* ab illius propè temporibus historico Regio primæ imperialis familiæ *Hia* anno circiter ante Christum 2200.

PARAGRAPHUS QUINTUS.

PROBATUR SINAS DILUVIO FUISSE

*proximos, adeoque notitiâ cultuque veri Numinis
in ipso ortu imbutos.*

PRORSUS itaque vel deroganda fides & annalibus perſonas (ut ita loquar) olympiadas vel periodos 60. annorum tam accurate digeltis, vel certe rursus ascendendum est altius & ad ipsa proximè diluvii tempora revocanda sunt exordia Sinarum : Quod quidem si fecerimus, tum denique constabit, ex aliâ nulla orbis natione, Sinarum leges, scientias, & pleraque institutâ proficisci potuisse, præterquam ab ipso Patriarchâ Noëmo, aut filiis ejusdem, aut nepotibus. Quod ut clarè constet, adeamus, si placet, ipsum gentis Sinicæ conditorem, cui *Fo hi* nomen : Hujus quidem genus & patria non exprimitur in Chronicis Sinarum, nisi quod hanc in Provinciâ maximè occidua & Boreali videlicet *Xen* fuisse referatur : & ad hanc ipsamquidem provinciam primum appellere necesse erat, si quidem in dispersione linguarum & gentium ex Mesopotamiâ, seu terrâ *Sennaar* migrandum fuit, & deveniendum ad Sinarum meditullium Provinciam, inquam, *Ho nan*, ubi aulam primum constituisse scribitur in eâ regione, ubi nunc situm est oppidum *Chinden* quod subjectum est ejusdem Provinciæ Metropoli *qui sum fu*, alio nomine *Pien leam*. Nisi fortè aliquis opinari velit *Fo hi* & primos Sinarum incolas non convenisse cum cæteris gentibus in terram *Sennaar* nixus videlicet autoritate Cardinalis Cætani ad ea verba cap. 11. v. 1. *Erat autem terra labii unius & torundem sermonum*, ubi his verbis scribit : *non intelligas universum genus humanum profectum ab Oriente & ivisse in regionem Sennaar, quia nec littera hoc sonat, nec rationis hoc consentaneum est.*

Quod si verò jam tempus quæritur, quo fundamenta Reipublicæ jacere cœpit, proximè id abfuit à diluvio ; & si quidem rigorem sequeris computi Sinici simul & 70. Interpretum (hos enim sequi non hîc cogerent Annales) cœperit is fundare hanc gentem 100. circiter post diluvium annis vivente etiamnum Noëmo Patriarchâ, adeoque ab ipso Asiatici populi, secundum omnes, fundatore *Sem* (quæ vox *Sem* & procreare, & vitam apud Sinas, necnon, sed alio caractere, *victimam* denotat) ortum & originem suam merito traxisse existimandus est : Quod si cuiquam videatur non tantum autoritatis tribuendum annalibus tam vetustis, ut coga-

PROEMIALIS DECLARATIO. lxxv

tur sequi computum 70. Interpretum, relicto vulgato qui in tanto est usu apud omnes, præcipue quod quædam hæc recenscantur, iudicio quoque Sinenſium Interpretum apocrypha & meæ traditiones impetite multitudinis; nos haud equidem magnopere repugnabimus. Expunctis itaque sex illis imperii conditoribus à septimo (cui *Tao* nomen) Monarchiæ, si placet, primordia auspicare; at neque sic tamen exiñces, ut à diluvio longius removeantur Sinicæ gentis exordia: imo vereor, ne vel ultra diluvium ea producas imprudens: Etenim annorum computus saltem ille qui ab *Tao* Rege usque ad hæc tempora decurrit, adeo ordinatus, & tanto consensu scriptorum omnium exactus ad suas periodos seu cyclos sexaginta annorum, ut non magis dubitari queat de illius integritate, quàm de Græcorum per olympiadas suas supputatione, cui tantum fidei & autoritatis tribuitur. Ab huius itaque Legislatoris ac Principis *Tao* anno primo initi Imperii, qui fuit cycli qui tunc currebat, annus 41. *Kia xin* dictus, ulque ad annum sæculi huius 1683. qui est quadragesimus tertius Tartaricæ huius familiæ, sub quâ scribimus, numerantur anni omnino quater mille 43. per illas, quas dixi, periodos supputati.

Hoc igitur supposito firmiterque stabilito, quod gens Sinica removeri nequeat longius ab ipso diluvio, quemcumque tandem quis inear annorum computum, sive contractiorem, qui vulgatus dicitur, sive ampliorem, qui Interpretum 70. Supposito item, quod sit verissimum id quod non dubitanter asserunt sancti Doctores atque Theologi; *Normum* scilicet Patriarcham sanctissimum veri Dei notitiam, & cultum cæteraque eo spectantia tam exemplo quam verbo filiis ac nepotibus tradidisse; quam quidem Religionem ac pietatem post linguarum, gentium, terrarumque divisionem alii quidem ut maledicti *Cham* nepotes per scelera & dissolutionem contaminarint, brevique etiam extinxerint; alii verò, ut *Sem* & *Japhet* filii utique obedientiæ ac benedictionis, eorumque filii, ac nepotes diutius conservaverint & ad posteros longius propagaverint, planè sequitur in primordiis primatum gentium prius extitisse veri Dei notitiam & cultum, quam falsi. Unde merito Lactantius, errant, inquit, qui *Deorum cultus ab exordio rerum fuisse contendunt & priorem esse gentilitatem quam Dei Religionem*. Et alibi, regnante, inquit, Saturno, nondum *Deorum cultibus institutis, nec adhuc ullâ gente ad divinitatis opinionem consecratâ; Deus utique colebatur*.

Quo etiam spectat illa à Poëtis tam decantata aurea ætas, quâ exactâ finxere iustitiam offensam vitiiis hominum cessisse è terris & in cælum remigrasse. Quod si ita est, ecquis obsecro dubitare queat quin apud primos Sinas *Noemi* ipsius coævus fuerit veri Dei notitia & veneratio, quando hanc nulli tunc defuisse cæterarum gentium

communis consensus docet? An filii & nepotes *Sem* deterioris fuerint conditionis, quàm filii & nepotes *Chami*? Et tamen ne *Cham* quidem, quantumvis maledictus, neque filius ejus ac nepos eam de repente amisisse credendi sunt: nam cum passim Historiographi initium idololatriæ sub *Nino* constituent, hic verò *Chami* pronepos extiterit, & regnare cœperit 350. circiter annis à diluvio (juxta vulgatum computum) patet utique veri antea Numinis notitiam aliquam apud illos adhuc extitisse. Quod si ne in semine quidem illo maledicto mox extincta fuit, an fuerit in semine benedicto derepente oblitterata & extincta? Quod si nefas sit id existimare, tamen si fore annales Sinici nil præter mera nomina primorum gentis suæ conditorum commemorassent, tamen ex annorum computo quos tam unanimi consensu illis tribuunt, & tam propinquâ, quæ ex illo computo conficitur, ad diluvium accessione, veri Dei notitiam habuisse jure merito præsumendi sunt; quanto vero magis id erit existimandum de primo Sinicæ gentis *Fo hi* Fundatore, cum vel ipsum nomen quo ipse *Confucius* & tota retrò posteritas eum compellat *Pao hi*, quod *victimam* sonat, disertè id significat: quia (ut Interpretes aiunt) primus ipse victimas instituit ad eas cœli terræque spiritui supremo ritè immolandum, in quem etiam finem textus refert, quod sex omnino animalium species aleret. De eodem quoque refertur, quod ex cœli terræque contemplatione sibi normam præscripserit ad populi & Reipublicæ rectam administrationem, quam expresserat tabulâ illâ 64 Figurarum (de qua supra) quod item rerum omnium, quarum naturas explorabat, contemplationem direxerit ad superiorem creatis omnibus *spiritualemque intelligentiam* (quæ per binas voces *Xin mim* denotatur) cognoscendam, uti disertè textus ipse, & *Confucius* Philosophus asserit in suâ ad librum mutationum appendice, & nos supra innuimus.

Certum itaque debet esse, & apud omnes indubitatum, quod primi Sinæ, maximè quidem Fundatores ipsi gentis Sinicæ verum Deum agnoverint & adorarint: convincit hoc enim ratio ipsa temporis diluvio proximi, nec leve pondus addit ac testimonium illa, quam declaravimus *Pao hi* nominis (quod *victimam* sonat) etymologia. Sit ita sanè, dicet aliquis, at quantuli temporis fuerit ista Dei notitia & cultus? Nam in Assyriis quidem & Ægyptiis, & Europæis omnibus, admodum citò, lumen illud tor tenebris superstitionum, aliorumque scelerum fuit extinctum; sic ut dubitem, an vel duobus sæculis perstiterit apud illos notitia veri Numinis: Atqui nonne par ratio & inconstantia fuerit etiam Sinarum? Utrique, si tamen pares fuerint & tenebræ, paria scelera, pares superstitiones: sed hæc dilucidè probari abs te necesse erit, priusquam portionem tam magnam generis humani vel idololatriæ condemnes, vel

PROEMIALIS DECLARAT. lxxvij.

vel Atheismi : Alioqui manebunt profectò Sina (de Priscis loquor) in possessione suæ innocentie, ejusque simul notitiæ, quam natura ipsa & ratio, & rerum omnium ob oculos versantium ordo, varietas, & harmonia animis hominum agrestium etiam & Barbarorum inseruit; nec quisquam in re tanti momenti præsumendus est nocens, nisi constet ipsum à primævâ illâ innocentia, & cælitus indito lumine descivisse, & in barathrum impietatis ruisse præcipitem; cumque hoc inferri nequeat ex hodiernâ posterorum depravatione, uti supra docuimus (quid enim frequentius quam ex bonis non jam dico atavis, sed etiam patribus malos nasci filios, & ex heroibus, uti dicitur, noxas) debet utique rei veritas ex ipsorummet monumentis vetustissimis potissimum peti, & indagari; maxime quando dictis respondent tam ea, quæ ad virtutem & pietatem, quàm ea, quæ ad scelera & impietatem spectant, planè & candidè pro priscæ illius ætatis simplicitate litteris commendata, posteritati vel ad exemplum, vel ad cautionem sunt proposita. Sed neque hinc cum de Religione agitur, quarimus, quid privati olim Philosophi ac sapientes de Deo senserint; nam & inter Agyptios Trismegistus, & apud Græcos Socrates, Pythagoras, Plato, Epictetus; & apud Latinos, Varro, Tullius, Seneca alique Philosophi de Deo multa rectè senserunt, atque scripserunt, tametsi gens tota, cujus & ipsi pars erant, gravissimorum errorum, necnon idololatriæ tenebris jaceret involuta; quarimus hinc igitur quid olim communiter senserint Reges ipsi, quid viri Principes ac Magistratus, quid secta eruditorum universa, & quæ ab his regebatur Sinica gens, præsertim quando hæc (instar unius propè familiæ) iisdem legibus, habitu, ritibus, litteris, sic tota pendebat ab Imperio nutuque sui Principis, & communis parentis, ac Magistratuum, uti alia fortasse nulla ulpiam terrarum.

PARAGRAPHUS SEXTUS.

QUOD IN VERI DEI NOTITIA

probabiliter perseveraverint Sina per aliquot sæcula.

PERCURRAMUS itaque, & oculis omnium exponamus avitæ Sinarum Religionis initia, incrementa, & decrementa, ut de eâ judicium ferat & sententiam Europæus Lector. De primo quidem Fundatore *Fo hi*, jam satis, ut arbitror, liquet: de eo qui ordine tertius fuit *Hoam ti* dictus annales constanter referunt quod ædificaverit Templum (fortasse totius or bis primum) *Xam ti*, hæ

est, *Supremo Imperatori*. Sed ecce sub hujus successore *Xao hao* initium jam aliquod invecitæ superstitionis, dæmone proculdubio, quas ubique moliebatur, etiam hic struente infidias, & concitante rebelles dynastas omnino novem, qui sacrificiorum ordinem perturbantes, inanes nescio quas superstitiones, & spirituum larvas & spectra invexerunt, quibus populum terrefacerent, & timore illo panico correptum, in societatem rebellionis pertraherent. Et hic quidem initium aliquod fuisse ruinam minitantis Imperii fatentur interpretes: Sed videlicet occurrit protinus tanto malo *Chuen hio* proximè sequens Imperator, qui domitis rebellibus, sacrificiorum formam & ordinem, sublati erroribus, restituit splendori pristino, præfectosque per Imperium instituit, qui cultum pristinæ Religionis, cum omni nitore ac puritate ubique procurarent. De *Ti co* verò, qui successit, Imperatoris lætissimâ, sed sterili conjuge *Kiam yuen* refertur, quod cum unâ cum marito ardentè admodum supplicaret inter sacrificandum *Xam ti supremum Imperatorem* prolis obtinendæ gratiâ, voti compos facta conceperit, & enixa deinde sic filium, cui *Hœu-çie* nomen, ex cujus stirpe quadragesimâ per filios & nepotes propagatâ, prognatus fuit *Vu nam* conditor Imperatoriæ familiæ *Chœu*, quæ ordine fuit tertiâ, cœpitque rerum potiri post annos mille & trecentos, quam dictus *Hœu çie* natus fuerat.

Quid nunc dicam de consecutis duobus Imperatoribus simul & Legislatoribus *Tao* & *Xun* in hodiernum usque diem, tam celebratis, & omnibus posteriorum temporum Principibus in exemplum rectè & piè vivendi regnandique propositis? De quibus agere hîc supersedemus, quod in libris *Confucii Memoriarum* (quos explanamus) crebra ipsorum mentio occurrat.

Quod si jam descendamus ad tres familias Principes (quæ sex primorum gentis conditorum, necnon duorum Legislatorum ætatem proximè sublecutæ sunt) *Hia*, *Xam* & *Chœu* dictæ, quæ quidem Familiæ totius posteritatis perenne sunt desiderium, & quas omnes libri adeo semper & ubique deprædicarunt: ex cum consliterint Imperatoribus omnino 80. idque per annos 1975. videndum erit, an, & quo tempore, & sub quibus Principibus veri Numinis cultum ac notitiam amisisse, & in idololatriæ, aut atheismi barathrum ruisse dicendi sint: etenim si verum est, quod gravissimus vir *Lin ô* dictus in libello supplici oblato *Tm Hoam ti* Imperatori ex Familiâ *Mim* octavo asserit: *Ante investitæ cum idolo Fœ ex Indiâ superstitionem* (anno scilicet post Christum 65.) *nullum vanorum Deorum simulachrum, statuum nullam in Sinis existisse*, alterutrum profecto fatendum erit, aut atheos fuisse tunc Sinas, aut certè notitiam veri Numinis etiam tum conservasse.

Non est hîc consilii mei in medium proferre, quæ in libris Offi-

PROEMIALIS DECLARATIO. IXXIX

ciorum & Odarum referuntur , præcipuè verò in libro primi nominis , qui *Xu kim* inscribitur , quo triem dictarum familiarum & duorum Legislatorum *Tao* & *Xun* res gestæ , inonita , consilia , ordine suo ac temporum commemorantur , etsi carptim & mutilè , quippe cum vitio temporum & communi illo gravissimoque incendio multa sint desiderata : Sufficiat hic dicere ex testimonio totius posteritatis , unam propè & eandem fuisse trium principum familiarum administrandi Imperii rationem ac formam (quoad ipsam , ut ita loquar , substantiam administrationis) quæ fuit duorum *Tao* & *Xun* Legislatorum ; nisi quod primæ simplicitatem & sinceritatem subtilicam , sic imitata fuerit secunda , ut decòre suo & venustate detulerit quodammodo primæ rusticitatem ; secundam verò primamque longe superaverit tertia augusto suo splendore , magnificentiâ , rituum copiâ & varietate .

Quod autem primas semper dederint Religioni à Majoribus , & Legislatoribus traditæ (de quâ hic præcipuè sermo est) sufficiat in medium proferre tertiz familiæ Imperatoris secundi (cui *Chim nam* nomen) morientis testamentum , quod in libro *Xu kim* , eo ferè ordine , quo hic à nobis , fusè refertur in eo capite , quod *Cu-mim* dicitur : *Hic igitur Princeps , qui religiose semper observaverat Supremi Regis cæli voluntatem ; tandem anno ætatis suæ quinquagesimo ; Imperii autem trigesimo septimo (qui fuit ante Christum 1077.) mense quarto , die decima sexta , in morbum inciderat lethalem : cumque intelligeret se morti proximum , primogenitum suum (Cam-vam postea dictum) heredem Sceptri solemniter pro more declaraturus convocavit Imperii Primates omnes . Prestituta dies aderat ; quare ne in re tanti momenti consuetis ritibus , vel tum , quoad posset , decesset , surrexit è strato Regio ; manus & faciem lavit fulcipientibus languentem utrimque proceribus : Dein diademate & Regiâ togâ circumdatus , innixusque mensa *Yo ki* dicta (quippe ex pretioso lapide constabat) circumfusus Optimates in hunc modum affatus est : Morbi mei vis invalescit , jubente cælo : Vereor ne incautum mors occupet : Placuit igitur ultimam meam declarare voluntatem . Scitis quo pacto *Ven-vam Arus meus* & *Vu vam Pater* , virtutum splendorem longè latèque protulerint : Nunc (succincti præ Regis orationem explanat *Cham Colaüs* Interpretes his verbis) Ego parvulus successi Patri , & Avo ; quamvis autem etiamnum rudis sim & ignorans (adeo submisit & modestè de se sentire ac loqui solebant Prisci illi Reges) non tamen me latet cæli mandatum (quo etiam nomine venit Imperium) non esse perpetuum , adeoque summè esse timendum : Cum timore igitur ac reverentiâ veneratus illud sum semper , & ei quæ potui ratione sum obsecutus ; nec ausus fui vel minimum socordia aut incuria locum dare . Quod spectat ad *Ven-vam* & *Vu-vam* Regum magna documenta , quæ veneratione cæli & indefessâ populi curâ continentur ,*

lxxx PROEMIALIS DECLARATIO.

*ea cordi mihi semper fuisse; nec ausus unquam fui perturbare quidquam transgredi: Hoc scilicet modo potui amplificare familie hujus virtutes: Quo et perfeci, ut haberem propitium cali ipsius cor, neque accideret ut hoc Imperium ex ulla sui parte labefacteretur. His aliisque tum ad filii institutionem, tum ad populi totius emolumentum sapienter dictis, dimisso procerum confissu agrum corpus strato reposuit; et sequenti luce vivere desit. Hactenus Xu kim. Observa hic Lector, quod duo dumtaxat moriens hic Imperator filio esse cordi jussit, Religionem, & amorem subditorum; ut qui intelligeret in duobus his velut cardinibus totius Imperii molem verti. Ex hoc uno saltem argui potest cujusmodi fuerit duarum præcedentium familiarum Religionis & observantiae studium per annos mille quingentos, usque ad tempora ipsius Tao Legislatoris. Quibus annis, si trecentos circiter adjunxeris, qui à *Chim nam* numerantur usque ad duodecimum familie degenerem Imperatorem *Ten nam* (qui ducentis ante natum *Confucium* annis imperitavit) non longè certè à majorum suorum institutis discessisse ex ipsorum annalibus convinci potest: Quod si quis attente & non præoccupato mentis judicio, aut affectu, memoratos libros annalium *Xu Kim*, & *Li ki* libros rituum & officiorum, singulaque diligenter expendit, inveniet profectò ubi merito suspiciat collaudetque singularem adeo divini Numinis providentiam, & præ cæteris fere gentibus erga Sinicam favorem, ac beneficentiam. Quorsum enim apparatus tot ac tanti ad sacrificia ritè peragenda? Quid illa ex edicto Regio sollicitudo in alendis victimis ad sacrificia destinatis, per Imperii totius urbes & oppida? Quorsum præfecturæ illæ ad solos Religionis ritus ordinatæ, regioque instructæ censu? Quid sibi vult exactitudo tanta in rebus singulis cò spectantibus, sic ut existimarent haud suscipiendum esse à cæli Imperatore sacrificium, in quo præter internum animi cultum, cultus etiam externi pars aliqua desiderata fuisset: Quid? quod ipsæ Reginæ Bombyces alere vellesque sericas, & certi quidem coloris ad sacrificia contexere solebant? quin & Imperatores suis ipsi manibus (credet hoc Europa?) arabant quotannis, & conserebant partem agri, seu horti Regi, ex quo meterent deinde frumentum ad liba, vinumque ex herbis & oryzâ confectum, deinde in sacrificiis ritè offerendum: quâ quidem pietate quid esse potest illustrius? quid magis Religiosum? quid dicam de jejuniis per sua anni tempora, quid de 3, aut 7. dierum continentia conjugali præviè observari solita, quo puriores scilicet ad ritè sacrificandum accederent? quò minus admiranda sunt alia, quod cum adirent Imperium, cum suscipienda esset expeditio, cum lustrandæ Provinciæ, cum publica urgetet calamitas, inundatio, sterilitas, terræ motus; cum tristior eclipsis & cometa appareret; ad hæc in Kalendis primis cujusque anni, in solstitiis ac æquinoctiis nihil*

PROEMIALIS. DECLARATIO. lxxxj

nihil prius agerent, nihil impensius, quàm ut supremum cœlorum Imperatorem solemnibus votis & sacrificiis propitium sibi populoque redderent: ut autem clementiam ejusdem potentiùs publico edicto provocarent, & de delictis, si quæ fortè commiserant, admoneri à suis postulabant, & laxatis, haud raro carceribus, si fortè inter vinctos innocentes aliqui detinerentur, publicam nozarum condonationem per Imperium indicabant, reservatis tamen delictis quibusdam atrocissimis.

Jam vero illa principum in deprecando cœlo modestia animique demissio, quâ se parvulos & infantulos coram supremâ majestate vocitabant: illa caritas quâ se reos agebant omnium quæ fortè peccaverant subditi, sibi unis ultro deposcebant ea supplicia, quæ cunctis ab irato cœlo timebantur: illa sollicitudo, ille angor, timor ac tremor in cultu & veneratione etiam privatâ, supremi Imperatoris, de quibus sæpe in libris fit mentio, hæc, inquam, omnia nonne declarant veram in eorum animis Religionem insedisse?

Quod si hæc, quæ modo attigimus; ab Imperatoribus virisque Principibus sic observata fuere quid putamus à subiectissimo iisdem populo factum fuisse: præsertim cum edicta Regia juberent, ut summi pariter infimique colerent supremum Imperatorem, reliquosque locorum præfides spiritus?

Quæro nunc igitur, si quis Aristotelem, aut alium quempiam Philosophum vidisset quotidie stans temporibus curvare genua venerabundum, adolere thus, prosterni toto corpore in solum, oculis manibusque identidem in cœlum sublatis preces fundere, an huic suboriri potuisset ulla dubitatio, quin Philosophus ille Numen aliquod novisset, tametsi fortè in omnibus, quos scripsisset libris, nullam de Numine mentionem faceret? Quid si idem observasset quam simillima Religionis signa in natione, aut sectâ aliquâ, simulque & in ipso Principe totius nationis aut sectæ? Quomodo igitur Chinam veterem auderet quis insimulare tam nefandæ ignorantiz & impietatis, quando non audiret tantùm exempla ista tam raræ pietatis, totque ritus & sacrificia ibidem à regibus adhiberi solita, sed eadem in monumentis quoque librisque tam authenticis legeret, & quidem eo ipso tempore, quo maximè vigeant, descripta? Si tu in aliâ orbis gente, si inter Assyrios, aut Egyptios, in Galliâ apud Druidas, si in Hispaniâ, aut Germaniâ antiquissimis monumentis hæc, aut his consimilia à Scriptoribus illorum temporum authenticis exarata invenisses, qualia de primis suis ætatibus habet China, quid obsecro, sentire? Quid diceres? quas ederes exclamationes ac plausus? quibus encomiis res omnes singulasque istius zvi non celebrares? quantam excitares majorum tuorum tam pie de Deo sentientium admirationem, & commendationem apud

lxxxij PROEMIALIS DECLARATIO.

cæteras orbis nationes, nec immeritò certè excitares? Quod igitur, quisque in patriâ gente suâ tantis & tam meritis efferreret laudibus, cur Sinarum genti, si fortè vetustiora rerum suarum præ omnibus gentibus monumenta posteritati reliquerit, invidetis, & non potius id gloriæ ipsorum vertes, & commendabitis clementiam creatoris ergà Sinam adeò singularem atque propitiam?

PARAGRAPHUS SEPTIMUS.

ARGUMENTIS ALIIS ATQUE ALIIS

confirmatur veri Dei apud Sinas notitiâ extitisse.

QUONIAM verò, quemadmodum crebra & gravia scelera & morum dissolutio viam tandem sternunt ad omnium scelerum maximum, Atheismum; ita virtus omnis & rectè vivendi ratio, & pia populi administratio veræ Religionis sunt indicia non obscura; videamus quid Prisca Sinarum ætas, tum verbo, tum exemplo præstiterit solo duce naturæ lumine: quam utique naturam & ab origine sua bonam & rectam, & pietatis reliquarumque moralium virtutum præditiis & adminiculis à cælo instructam fuisse semper docuerunt, quam quidem veterum opinionem Philosophicè demonstrat alter à Confucio Philosophus Memcius. Quamvis autem insita sine eadem virtutum semina omnibus gentibus à naturæ authore Deo; ubi tamen vera deest Religio, ibi debilitari vehementer & opprimi ista semina & virtutem penè omnem jacere necesse est: quas quidem virtutes in aliis multis nationibus defuisse mirandum non est, quando apud illas ipsa jam vitia religiosa erant ac sacra, eaque non tam vitabantur, quam colebantur, uti ait Lactantius. Etenim quis locus pudicitie & honestati esse poterat, ubi connubia & adulteria Deorum, ubi nuda Venus, Cupidinesque, & Priapi celebrabantur? Quis pacis, amicitie, fideique locus, ubi Mars, Bellona, & Mercurius pro Numinibus colebantur? Quis obedientie, ubi Jupiter, qui pulso patre sibi Regnum usurpavit, velut supremus Divum atque hominum Rex adorabatur? Quis prudentie, & naturali lumini & rationi locus, ubi rationis etiam expertia monstra, ut vituli, lupæ, crocodili, serpentes, & quæ in hortis nascuntur cæpæ & allia insano ritu celebrabantur?

Ubi obsecro, vel per umbram in totâ Sinarum antiquitate reperire est hujusmodi monstra, aut in terrâ ipsorum, aut etiam in cælo globoque suo astrifero? Ubi sexuum inter spiritus (quos incorporeos censent) disparitatem, connubia Deorum Dearumque

PROEMIALIS DECLARATIO. lxxxiiij

& metamorphoses ? Ubi simulachra, imagines aut statuae non dico animalium, sed vel hominum, vel spirituum quos religioso cultu China coluisset ? An post inuestam ex Indiâ idololatriam, nullam tota posteritas ex priscis idolis adjunxisset ad nova, si quidem in priscâ ætate extitissent ? An tot Interpretes annalium ad eò gravi-
bus verbis ac stylo aculeato invehentur in Impetatorem *Mim ti* qui idololatriam primus induxit, si ante eum illa pestis invaluisset in Imperio ? An eum ipsum ipsis quoque tyrannis *Kie & Chen* execrabiliorum ex hoc unico capite fuisse scriberent, si idolorum monstram antea publicis honoribus fuissent ad adorandum exposita ? Aut ignorare potuissent, aut reticere, si quid antea extitisset simile, aut in priscis & authenticis librorum suorum monumentis, aut in Provinciis Urbibusque tanti Imperii ?

Cum igitur nulla sciantur olim hic fuisse potentia communia cum aliis gentibus, quibuscum China commercium æternum per leges etiam interdixerat, non est cur hic expectes, aut fuisse existimes sacrificia sanguinolenta, aut turpia, qualia fuere Priapeia, Floralia, Sathurnalia, quibus sacer ille Senatus Populusque Romanus, & omnium gentium Dominator, juventutem suam depravari patiebatur ; non victimas infancium quas Sathurno suo Latini, & Diis quoque alienis Judæi immolabant, non victimas hominum, quas pius Æneas ille mortuorum manibus mittebat inferias, & hujus exemplo Romani deinde Imperatores ac Senatores, non ludî theatrorum in sanguine humano, nec alia hujusmodi, quæ Lactantius copiosè commemorat, & explodit, à quibus omnibus ad eò fuit semper aliena gens Sinarum, ut vel refecti ea ab Europæo, æquis auribus animisque minime sustineret.

Et de illis quidem aliarum gentium superstitionibus, deque ipsa. rum priscâ religione constat ex primis litterarum cujusque gentis monumentis ex Orphæo, inquam, & primis Poëtarum Hesiodo, Homero, &c. qui & ipsi (uti idem Lactantius ait) multò ante natum Philosophiæ nomen fuerunt, & habiti sunt sapientes, & tamen tam inepta de Deo Deorumque generationibus figmenta & fabulas protulerunt, de Sinarum verò Priscâ Religione habemus qui scripserunt bis mille & amplius ante Christum annis, hoc est multò autem quam Orpheus aliive Scriptores prodiissent in lucem ?

Quemadmodum igitur supremo cæli Imperatori & spiritibus priscæ Sinarum ætas nihil indecorum, aut turpe, nihil quod cum tetrana contagione aut corporeâ visibilitate commune esset, tribuerunt, & è contrario quidquid esset cum rectâ ratione conjunctum, virtutem, inquam, providentiam, potentiam, scientiam, justitiam, clementiam tam fidenter attribuerunt ; ita non aliis, quam supremâ majestate dignis honoribus & sacrificiis, non alio magis

quam virtutum & recti animi cultu colendum tam verbis docuerunt, quàm factis & exemplis; ut nihil hîc dicam de externo quoque apparatu, gravitate, modestiâ, continentiâ, abstinentiâ, decore, & ornatu; sic tamen ut negarent omnem hunc cultum exteriorem placere cælo posse, quando cultu animi virtuteque internâ non esset imbutus.

Quid nunc dicam de obedientiâ Priscorum, & pietate ergà parentes suos ac majores, quam volebant post ipsa quoque fata perpetuari suo modo atque exercitari? & ut hoc exemplo discerent filii quo ergà progenitores superstites ferri debeant studio ac veneratione, Sic arbitrabantur serviendum sibi esse vitâ jam functis, uti servierant quondam vivis atque superstitionibus: Hinc illa funeris, exequiarum, sarcophagi tumulique cura tam exquisita ad conservandas in perpetuum, si possent, auctorum vitæ suæ reliquias & memoriam? quid de luctu triennali patris & matris sic etiam, ut qui præcipuis muneribus in Imperio fungerentur, illico ab officio suscepto ad triennium sese abdicarent? Quid multa? tanta fuit erga vitâ functos majores sollicitudo, cura tanta, diligentiaque, ut merito superstitionis arguendi viderentur, si quidem non constaret ex libris eorumdem authenticis, haud alium sibi scopum ac finem habuisse propositum, quàm meræ observantiæ filialis, gratæque pietatis ac reverentiæ adversus majores suos, etiam post fata non interrumpendæ: tametsi fateamur successu temporum, seu verius tot sectarum & superstitionum idololatricarum in nonnullis vitiatam fuisse priscorum primævam institutionem.

Quid dicam de observantiâ ergà seniores & ætate provectos, quos adeo ipsemet Imperator, dum lustraret Imperium, non dedignabatur invisere & conqueri jubebat, & benè meritos titulis honorificis decorabat, augebatque censu regio, si opus foret? Quid de clementiâ; & munifica illa commiseratione erga pauperes, cæcos, viduas, pupillos, claudos, &c. quibus sua olim erant attributa domicilia & census? quin usque in hodiernum diem in singulis urbibus & oppidis tanti Imperii ad certum numerum annonâ Regiâ sustentantur, etiam Tartaro dominante, quem sola pietatis hujus antiquitas deterruit ne, quod jam animo meditabatur pium hunc morem aboleret. Tametsi verò ergà criminum reos justitiæ rigor servaretur, erat tamen etiam hîc suus clementiæ locus, quatenus scilicet per tam vastum Imperium, ab nemine fas erat damnatum quempiam capitis, morti addici, nisi prius ab ipsemet Imperatore sententia fuisset approbata, ut nihil jam dicam de publica subinde noxarum condonatione, & carcerum relaxatione.

Jam verò de seminarum honestate, verecundia, cultaque & habitu corporis tam modesto quid dicam? Ad hæc enim usque tempora quamvis

PROEMIALIS DECLARATIO. lxxxv

quamvis Priscis illis tam dissimilia, mos iste pervenit propè inviolatus legitimi quoque thori apud Priscos inviolabilitas, tametsi per abusum successu temporum vitiata. Prætereo nunc connubia ab omni ferè sanguinis propinquitate remota, viduarum ad secundas nuptias mortuo marito transire nefas putantium, continentiam ac fidem: leges amicitiae & hospitalitatis, aliorumque civilium officiorum ad mutuam concordiam conservandam, ubi solemne scilicet semper fuit illud: *Quod tibi non vis fieri, alteri ne feceris.*

Et quoniam regis ad exemplum orbis Sinicus, vel maximè componitur, expendantur ea solummodò, quæ de duobus Legislato-ribus, & trium Principum familiarum conditoribus, infra referentur, ex Philosophorum Principibus *Confucio & Mencio*: tanta certè Regis *Tao* fuisse modestia & moderatio scribitur, ut cum ei essent opes amplissimæ & suprema dignitas, non tamen animo efferretur, aut insolesceret, domo, victu, curru simplici & paupere, & ab omni specie luxûs, aut fastûs abhorrente, necnon veste vulgari (nisi cum sacrificandum foret) contentus, cujus virtutis hæres fuit *Xun* uti & Imperii, ad quod evectus fuit ab ipso *Tao*, nullâ filiorum, cum ta- men novem numeraret, sed solius virtutis habitâ ratione; uti rur- sus & hujus imitator fuit & hæres delectus is qui primæ Familie Fundator fuit *Ta* dictus. Sed & secundæ Familie Fundator (*Chim* tam cum post septennalem famem se victimam cælo devoveret pro suis, & supplex exquireret ab ipso cælo num fortè à se suisque ma- gistratibus peccatum fuisset in administratione Reipublicæ, num ex munerum largitione corruptela quæpiam serpsisset, num detractio- nes & obmurmurationes audirentur, num in Palatiis & ædificiis, aut in ornatu habituque muliebri quidpiam esset immoderatum, aut in- deco- rum, &c. nonne satis superque declaravit, quàm tunc fuerit cum omni honestate, virtute, moderatione, conjuncta admini- stratio?

Quantâ vero innocentia, frugalitate, moderatione per annos mille duecentos & amplius gubernatum fuerit tantum Imperium testis erit sanè locuples *Ki* quæ Princeps idemque patruus, ultimi & secundâ Fa- milia, & decimi octavi Imperatoris *Chou* dicti: Etenim cum vide- ret is importari in Regiam res novas ac peregrinas non sine gemitu & vaticinantis instar: *Nunc primum*, inquit, *paxilli producentur obur- nei, cyathique è cornu Rhinocerotis, habitus vestium simplicior breviorque commutatur in promissas & sericeo superbas & auro: displicent jam habi- tuta majoribus nostris vestia, amplaque extrumentum cum turribus, iisque è lapide pretioso; & ne sic quidem explebitur humana cupiditas, cerno jam animo lapides immensi pretii aliæque id genus remotis è terris huc impor- tati & simul cerno ruinam Imperii.* Sic ille. Consulat annales qui vo- luerit, & libros quos explanamus. Profectò vix quidpiam offender,

communi quidem usu vel autoritate publica stabilitum, quod à virtute, vel ratione alienum sit.

Quæ cum ita sint, quandoquidem ex solâ virtute rectam Reipublicæ administrationem petebat antiquitas Sinarum, quid mirabimur, si exemplo illo virtutis vicinos undique terris suis barbaros ita ad humanitatis leges suaviter induxerit, ut in eam amplissimi Imperii formam & magnitudinem à tot sæculis excreverit, vicinorumque etiam regnorum Principes ad clientelare, sæpè etiam stipendiarium obsequium adduxerit: olim certè circà annum ante Christum 1100. advenērunt legati è Cochinchinâ, solâ famâ adducti, quod China haberet heroës sanctos, qui nõssent deprecari & obtinere à cœlo fecunditatem, quorum adeo patrociniū imploraturi, & remedium sterilitatis, quâ miserandum in modum Cochinchina tunc laborabat, petiti advenērunt. Quid mirabimur etiam, si hoc Imperium priscis illis temporibus adeò fuerit felix & diuturnum, ut tres Familie Principes diutius illud possederint & conservaverint, quam novemdecim deinde consecutæ Familie Imperiales simul sumptæ, quæ, quamvis aliqua à Priscis accepta & à nobis suprà commemorata, conatæ sunt revocare, tamen tot bellis, hæresibus, sectis, paricidijs magis magisque lapsu temporum increbrescentibus, nunquam ad pristinam illam innocentiam integritatemque, nisi per lucida quædam intervalla, redire.

Erit fortasse quispiam qui ex moribus sanè perditis ætatis hujus, in quâ præter innumera vitia regnat fraus & simulatio, & si qua virtus relucet, non tam virtus quàm virtutis fucata quædam species est, erit, inquam, fortasse qui ex præsentī ætate judicium ferat & sententiam de Priscâ, sic existimans artem simulandæ mentiendæque Religionis jam tum viguisse, eaque usos Principes ac Magistratus ad imperitam multitudinem felicius in officio continendam, uti suprà de doctrinâ aliâ exteriori seu populari, interiori alia, seu politicorum propria insinuatum est, atque adeo quidquid in hoc genere dixerunt vel fecerunt, solo studio publicæ pacis & tranquillitatis conservandæ, id dixisse aut fecisse.

Verùm, præterquam quod duplicis hujus doctrinæ ne vestigium quidem quis inveniet in libris Priscorum authenticis; huic certè opinioni ne dicam temeritati sic judicantium oppono ipsam posterorum ætatum & litteratorum sententiam, qui unanimi sermone scriptoque nihil æquè deprædicant & extollunt, atque Priscorum temporum candorem, simplicitatem, sinceritatem, quam suis in temporibus maximè desiderari non sine gemitu profiteantur. Certè qui Confucium aliosque authenticos, & primæ autoritatis & vetustatis libros legerint, reperient nil frequentius inculcari, exaggerarique, quam ut exemplo Priscorum Regum omnia agantur cum veritate,

PROEMIALIS DECLARATIO. lxxxvij

& dicta omnia factaque ex intimo cordis semper profisciscantur : hinc illæ à commentatoribus toties repetitæ voces *Chim xe*, *Vu vum* id est, *Verum solidumque absque fuco & falsitate*. In omnibus igitur actionibus suis, verbisque & officiis, quæ intercedunt Regem inter & subditos, parentes ac filios, fratres inter amicosque & conjuges sinceritatem ac fidem, omni exclusâ fallaciæ umbrâ, integram illibatamque servari semper voluerint prisci, & in negotio Religionis gravissimo ficti fuerint subdoli que politici ? Adeoque solam ipsam Religionem assumpsérunt veluti medium fallax ad continendos in officio populos ? Hoc certè nec atheopolitici novatores illi Familiz *Sum* Interpretes unquam concedent, qui tamen monstrum inane quodpiam divinitatis suæ politicæ confinxerint, tamen fundamentum omne suæ Philosophiæ, in veritate & soliditate (quam littera *Chim* expriment) continere non dubitarunt ; & quemadmodum omnia in universo, & ea quoque, quæ fortuito videntur, ex solida quapiam & prædominante virtute (qualiscumque demùm illa sit) regi conservari que contendunt, ita in administratione Reipublicæ, & in ipso homine actiones omnes ac motus ab animi integritate & sinceritate minimè fucatâ profiscisci volunt. Et verò si quod objicit, Interpretes dicerent, quo tandem, obsecro, fundamento innixi dicerent ? quem tandem in priscis quinque doctrinarum Codicibus textum asserre possent ad id comprobandum ? Et hec fortasse aliquem afferrent quo diceretur Priscos & sanctos Reges ac sapientes suos Religionis præfidiis, Imperii populos sibi subiectos habuisse, an continuò inferre liceret Religionem inventum fuisse ipsorum ad continendum in officio populum ? Equis nesciat veram Religionem inventum esse (si tamen ita loqui fas est) non humanum, sed divinum, quâ Respublicas & Imperia stabiliri oporteat, & conservari ; nam, ut ait Trilnegistus, Religio propter se & quia bona est & verax, amanda est & sequenda, non autem ut medium fallax ad Reipublicæ conservationem ; adeoque rem veram & sanctam & à majoribus ipso propè diluvii tempore acceptam, Reges Prisci Sinarum assumpsérunt ad publicum bonum & subditorum suorum incolumitatem & felicitatem. Quid enim ? an primus Imperii conditor *Fo hi* abjectâ mox, quam à filiis seu nepotibus Noëmi acceperit, Religione, novam & fictitiam adinvenit, quâ adhibito etiam fictitio nomine (quod victimam sonat) populum in officio & legibus contineret ? Tota itaque Sinarum Prisca institutio & norma politica figmentum quoque fuerit & mera fallacia ; quippe tota fallaci & inani nixa fundamento. Fictitia semper fuerit fides & obedientia subditorum adversus Principes suos, filiorumque adversus parentes ac majores. Quid ita ? Nam cum doceant ita à subditis serviendum Principi suo, quemadmodum Principes & po-

lxxxviiij PROEMIALIS DECLARATIO.

puli ſerviunt ſupremo cœlorum Imperatori, ita filios parentibus obedire oportere, uti obediendum eſt cœlo; certè ſi Religionis cultus & obſervantia fictitia & ſubdola eſt, fides & obſervantia erga Reges & Principes, pietas erga parentes & majores fictitia quoque ſit neceſſe eſt, adeoque tota totius antiquitatis in adminiſtrando populo baſis & ratio concidit. Fruſtra etiam imò inſulſè & ineptè exprobrabant Imperii primates poſtremis duarum Principum familiarum tyrannis *Xie* & *Cben* dum ſacrificia ſupremo Imperatori & ſpiritibus fieri ſolita jam negligerent, fruſtrà, inquam, clientes fideliffimi toties, & cum certò fortunarum ſuarum, capitiſque diſcrimine, exprobrabant iſtis perfidiam erga Numen ſupremum, comminati exitium à cœlo jam irato, & ſcelera mox vindicaturò imminere, niſi quamprimum reſiſcerent. Fruſtra denique de piis Regibus trium Principum familiarum referretur, quod ne clam quidem, & privatim indecentiùs neglidentiùsve ſe gerere auderent in obſequiis, quæ ſupremo Imperatori ritè deferabant.

Ecquis ergo jam credat, Priſcos illos ſapientes ac Reges tam improbà impiaque ſimulatione ſubditis impoſuiſſe; tam infami & execrando Religionis ac ſanctitatis mendacio contaminare ſe voluiſſe; tantam denique extitiſſe tam nefariæ ſimulationis & impietatis concordiam, per tot ætates, & in tot hominibus ingenio, naturà, conditione tam diſſimilibus, & in tantis tot locorum temporumque intervallis? Profectò tametſi planè conſtaret hujus ætatis hominibus, Majores ſuos ſic mentitos fuiſſe Religionem vitæque probitatem; celarent hoc tamen ſtudioſè, ac tegerent: quin etiam mentiri non dubitarent iſſimet, ne fortè majores ſuos & tantæ ſanctitatis (ut aiunt) Reges ac Philoſophos ſua ſynceri candoris ac fidei & veritatis laude privarent. Semper igitur conſtabit argumentis noſtris vis ſua, ſemper inevitabile telum iſtud torquere poterimus, quo vel cogentur, ſupremi Numinis providentiam & religioſum ejusdem cultum cum Majoribus ſuis admittere, vel hos ab amenitæ ſuſpitione (quod nunquam perficere poterunt) liberare, vel denique fateri ſe à ſententiis & inſtitutis Majorum ſuorum degeneri turpique levitate & inconstantia diſceſſiſſe.

PARAGRAPHUS OCTAVUS.

*QUO NOMINE PRISCI SINÆ
nuncuparint verum Deum. Examinatur nominis
Ethymon & proprietat.*

VERUM alia nobis hîc superest quæstio discutienda; de nomine illa quidem, haudquaquam tamen sic, ut illæ, quæ vulgo dicuntur esse de nomine, contemnenda: Etenim si primis illis temporibus & diluvio proximis Sinæ verum Numen cognoverunt, cognitumque adoraverunt (quod omnes opinor, jam facile mihi concedent) ecquo tandem nomine, quo vocabulo, quibus litteris Numen illud supremum Prisci adoratores expresserunt? Certè si nulla unquam natio quantumvis barbara extitit, quæ non aliquo nomine appellaret Numen, quod coluit, seu verum seu falsum (quor enim, teste Tullio, hominum linguæ, tot nomina Deorum) quo pacto tandem gens Sinica tam civilis, & culta, & accurata caruerit, quo Deum, quem colebat, nuncuparet? Ea lingua, quæ in divisione linguarum & gentium una fuit probabiliter ex illis septuaginta, quas matrices vocant, habuerit nomina & vocabula & litteras, quibus res omnes creatas, & herbarum vocabula, & naturas explicaret, & tamen eadem caruerit scilicet, isto nomine, quo creator universorum ac Dominus, quem natura tota proclamatur existere, rite nuncuparetur? Nemo prudens, ut opinor, hoc suspicabitur: At quæres ecquod tandem illud nomen fuerit, sive potestatis cuiusdam supremæ aut perfectionis significativum, sive relationem denotans ad res creatas? quamdiu enim viatores sumus, nomen quod essentiam divinam & ineffabilem, sicuti est, perfectè significet, scimus ab homine ne concipi quidem posse, multò minùs signo quopiam exprimi.

Dico igitur apud Priscos Sinas, nomen illud, quo verum Deum nuncuparunt, fuisse *Xam ti*. Cujus nominis antiquitas eadem est, quæ ipsarummet litterarum quarum rudimenta à *Fo bi* gentis Sinicæ conditore posita, sub tertio vero *Hoam ti* Imperatore opera *çam kje* magis expressa & digesta in ordinem commemorantur: de quo Imperatore refertur etiam quod Palatium seu Templum construxerit ipsi *Xam ti*, quod adeò factum fuerit annis circiter 600 ante natum Abrahamum, si modo annalibus & 70. Interpretum computo fidem habere placeat, multò ante scilicet, quam nomen *Θεός* ex quo *Dei* nomen Latini mutarunt, scriptum à quopiam inveniretur. Quod

si malis vulgatum computum sequi, certè nominis illius *Xam ti* indubitata antiquitas ex Scriptore & Historiographo Regio petitur, qui circa tempora *Tu* (fuit hic conditor primæ *Hia* Familie) scripsit res gestas *Tao* & *Xun*, è quibus etsi multa perierunt (nam è 16. capitibus quibus constabant, desiderantur omninò undecim) constat tamen vel ex fragmentis ipsis, qua ratione *Xun* Imperator (qui totus ad exemplum decessoris sui *Tao*, à quo fuerat electus, conformabat sese) sacrificaverit *xam ti* ac dein alio ritu inferiore sex spiritibus Principibus, ac denique montium fluminum, necnon rerum reliquarum præsidibus; quod item sacrificaverit *xam ti* sacrificio holocaustico *Chai* dicto, quo victimæ & res pretiosissimæ cremabantur: Et hoc scriptum est à Regio illius temporis scriptore anno ante Christum circiter 1110. Quare nunc, si placet, aliud in aliâ orbis gente monumentum vetustius aut magis authenticum: quære, inquam, & assigna mihi aliud nomen, si potes, in tota Sinarum antiquitate, quo verum Deum (quem faceri debès proximis diluvio temporibus ubique agnitum fuisse) nuncupaverit prisca Sinarum ætas.

Quod si veram hujus nominis *Xam ti* Ethymologiam quærīs, littera & vocabulum *Ti* primariâ & ordinariâ, quin & unicâ & propriâ significatione suâ idem est, quod Imperator, Moderator & Dominus, estque ipsissima vox ac littera quâ Sinæ plerumque Imperatores suos ferè à principio in hodiernum usque diem compellant, tametsi inter 88. primos Imperii Principes tantum tredecim reperiuntur qui hoc usi sunt nomine, cum cæteri usi sint nomine aut proprio quondam, aut *Vam* quod *Regem* sonat; donèc deinde quartæ *cin* Familie Imperator *Xi hoam ti*, quod præsumeret se trium Imperii conditorum & Principum *Tao*, *Xun*; *Tu*, *Tam*, *Vu. vam*, merita & virtutem superasse, primus instituit, ut nomini *Ti* præponeretur *Hoam*, hoc est, *Magnus*, seu *Augustus Imperator*: quo titulo, omnes quotquot exinde secuti sunt Principes, appellati sunt. Altera porrò littera, quæ, dum Deum significant, *Ti* litteræ præponitur, est *xam*, quod *Supremum* significat, quo addito simpliciter ad nomen *Ti* nemo hætenus Imperatorum uti ausus est, quamvis alioquin inter eos, essent impiè superbi & longè insolentissimi. Hoc igitur nomine *Ti*, quod usurpabant terreni Principes, sicuti designabant dominium & potestatem suam super regna & populos sibi subiectos, ita per additum *Xam* supremam quamdam & rebus omnibus excelsoiorem majestatem, potestatem, ac dominium in spiritus universos, in cælum & terram, in Imperia & Regna, Reges ac populos significaverunt, adeoque sicuti China in terris Monarchicum Regimen sub uno capite semper, & summâ quidem contentione sectata est; ita & in cælis Monarcham quemdam invisibilem dari credidit, peti-

PROEMIALIS DECLARATIO. xcj

tâ interim administrationis suæ normâ ex cælorum terræque, necnon temporum elementorumque æquabili ordine, quo unus item & supremus in terris suis visibilis Monarcha majestatem suam (quam vèlo etiam quodam subditorum oculis subducit) ad imitationem Numinis supremi & invisibilis Imperium suum moderaretur.

Sed, inquires, nonne etiam in textibus vetustissimis & maxime authenticis, frequenter utuntur nomine *Tien*, hoc est, *cæli* eique attribuant eadem, quæ *Xam ti Supremo Imperatori*, ex. gr. intelligentiam, voluntatem, providentiam, jus & Imperium, justitiam, pietatem, &c. planè sic est; nec inficior antiquissimum quoque esse & fortè cœtæcum (ut sic loquar) vocibus *Xam ti*, nomen & vocabulum *Tien*, sive *cæli*: Sed si mihi concedis proximis diluvio temporibus Sinas exitisse, adeoque & veri Numinis notitiam, & consequenter nomen, quo verum Numen exprimerent, habere debuisse: Certè sive hoc nomen fuerit *Xam ti* sive etiam *Tien*, semper tam men concludetur, non alium, quam verum Deum sub his nominibus cognovisse & significare voluisse: & reverà cum nihil ipsi in rerum naturâ vel pulchrius, vel augustius cælo conspicerent, ad hæc cum in periculis præsertim, omnium ad se mortalium oculos & corda cælum provocet, an quisquam mirabitur, eos cæli Domino, cæli nomen tribuisse? Quanto magis si noveris usitatissimum ab omni ævo præ aliis nationibus loquendi Sinarum modum, qui assidue Palatium pro Rege, urbem pro urbis Præfecto, Curiam pro Magistratu & pro patre familias domum ipsam nominare consueverunt: Quod quidem in aliis quoque nationibus locum habet & in sacris litteris & ab ipso Christo servatore nostro usurpatum est: quod ut clariùs tibi constet, consule obsecro libros veteres & classici *Li Ki*, *Xu kim*, *Te kim* aliosque: neque enim fieri poterit, ut ex illis non convincaris, quod spiritus montium ac fluminum urbiumque præfides agnoverit colueritque ætas prisca: & tamen hi ipsi spiritus in aliis quidem textibus diserte nominantur *Spiritus montium fluminumque*, in aliis verò *flumina montesque*, spiritus verò tutelares urbium *Chim boam*, id est, *muri & fisse* simpliciter nominantur: Si ergo rerum inferiorum præfides spiritus subinde significant per ea loca, quibus præfident, cur, cum cæli nomine utuntur, non concludes à fortiori cæli Dominum ac moderatorem intellexisse? his accedit non spernendum testimonium utriusque lexici majoris *su gnei*, & *Chim su* tum vulgo dicti: ubi cum vocis *Tien* (sive *cæli*) multiplex usus & acceptiones afferantur, tum & hoc præter alia discere docetur, litteram *Tien*, cum cæli Dominum, & Gubernatorem indicare volueris, aliâ item voce *Ti* scilicet (id est) *supremi Imperatoris* designari.

Enimverò si diceremus, Europæum hominem, cum is fortè

agit de Romana Urbe, eamque vocat Apostolicam, Sanctam, Orbis Christiani dominam; ab ea item manare doctrinam orthodoxam, conferri Ecclesiasticas dignitates; aliaque hujuscemodi: Si (inquam) diceremus, non aliâ de Urbe loqui quàm eâ, quæ oculis mulorum æquè ut hominum conspicua est; nonne profectò diceremus aliena loqui, & mente captum esse? vel certè nos ipsi, si fortè negaremus, aliena loqui, ac de statumentis discessisse videremur? Atqui non modo *Confucius*, sed Sinæ passim omnes, neque olim tantum, sed etiam hac ætate nostrâ, *intelligens*, *pium*, *propitium* vocant cælum; *Parentis*, *Dominique* nomen ei tribuunt. Ad hæc, lumen rectæ rationis ab illo mortalibus infundi dicunt; ab illo descendere proborum præmia, pœnasque improborum; ab illo descendere & legari Sapientes & Regnorum Magistros; coronas denique & imperia ab illo Principibus conferri & auferri transferrique. Quid? quod sermonem quoque & sensus eidem metaphoricè adscribant. Itaque non defunt, qui, si iniquiùs secum agi putent, impiè indignabundi conquærantur, ergone cælum oculos non habet? Quibus nimirum videat à quo & quàm injustè lædantur, ut debitas injustè lædenti pœnas infligat? Ad extremum eidem attribuunt cor, iram, commiserationem, lætitiâ, amorem. Nunc igitur si non adscenderent ipsi multò altius, quàm quò corporeis oculis possunt perungere, nonne meritò viderentur aliena loqui, dum mortuæ isti machinæ vitam, cæcæ mutæque videndi & loquendi facultatem, quin & in Reges ipsos ac Regna jus atque Imperium merè gratis ridiculeque tribuerent?

Sinenfès verò ubi de incorporeo cælo, corporeoque sermo est, verbis utuntur ac sententiis adeo diversis, ut hæc ipsa discrimen ingens utriusque cæli non minus declarent, quàm cum Imperatoris sui aulam ab aulâ distinguunt, quoties modò à structurâ, elegantia, firmitate, modò à potentia & æquitate commendant. Sic ubi Philosophus in libro (*hunc ymn* de perpetua & æquabili successione quatuor tempestatum anni, de Solis ac Lunæ accessu recessuque & cursu tam imperturbato; de magnitudine cæli regentis omnia, omniaque complexu suo foventis; de concursu hujus cum ipsâ terrâ ad rerum productionem & conservationem; aliaque hujuscemodi: utique nulli dubium esse potest, quin de corporeo conspicuoque cælo agat. At verò ubi de illo agitur cælo, à quo mens omnis & ratio profluxit; ubi sermo est de mandato illo nutuque cæli & providentia, ex qua nos nullo non tempore pendere totos oporteat; ubi dicit hanc nobis pro regulâ nostrarum actionum esse oportere: hanc eludi fallive nequaquam posse: ab hac divitias & honores dispensari: ab hac unâ cum ipsâ natura rationali, conferri dona divitiis potiora, prudentiam, fortitudinem, justitiâ, pietatem: ab hac, quisquis opibus

PROEMIALIS DECLARATIO. xciiij

bus cumulandis vacet impensius, infelicitè aberrare: ejusdem beneficio Magistratus & Imperia obvenire, atque hæc ab una eademque Familiâ per multas ætates conservari; tunc profecto de invisibili illa & arcana majestate, quæ cælis præsidet, omnino agere existimandum est.

Maneat itaque sua duabus illis vocibus *Xam si* autoritas, & propria significatio sive brevitatis gratiâ & more loquendi hîc usitato pet acceptionem tropicam cum sub nomine *cæli* compellet, sive propriis suis utatur vocibus *Xam si* supremi, inquam, cælorum Imperatoris.

Et hoc quidem primum est & antiquissimum Sinarum nomen, quo audito gens hæc concipit id, quo nihil majus & excellentius novit, estque in usu apud eam sectam, quæ præ reliquis omnibus censetur melior, & conformior est cum naturali lege, & catenâ etiam cum Christianâ veritate, adeoque faciliorem hîc de veto Deo conceptum gignit. Quemadmodum verò est antiquissimum, ita & multis sæculis solum est ac supremum nomen Dei, cui solus Imperator tanquam filius adoptivus & vicarius in terris sacra faciebat, ut ostenderet id se sentire de *Xam si*, quod de se sui subditi sentiunt; scilicet supremum se & unicum esse Imperii sui Sinensis à Deo electum, ut Deus cælorum & terræ supremus & unus est à se Imperator: & hinc etiam fiebat ut sacrificaturus solemnî ritu expedito ad omnes Imperii sui ditiones diplomate denuntiari juberet subditis diem tantæ solemnitatis. Cæteris verò spiritibus sacra faciebant pro luo quisque gradu Principes & Magistratus, ut ostenderent spiritus illos comparatos cum *Xam si* supremo Imperatore id esse, quod sunt Principes & Magistratus in terris suo cum Rege comparati: Sic enim (ut verbis utar Lactantii) *mundum regi à Deo dicimus* (& semper consuevit Sinæ) *ut à rectore Provinciam, cujus apparitores nemo socios esse in regendâ Provinciâ dixerit, quamvis illorum ministerio res agatur*

Quandoquidem, igitur nomen illud *Xam si* sit primum & non personale, uti *Sathurnus*, &c. sed appellativum uti *Numen*, aut *Deus*: adhuc cum ex ethymologiâ suâ nullam denotet imperfectionem, sed è contratio potestatem ac majestatem, & quidem supremam; possit autem ex sententia D. Thomæ & omnium Theologorum verus Deus iis nominibus appellari, quæ aliquam perfectionem denotant absque imperfectione; fidenter ac jure meritò affirmamus Priscos Sinas ipso illo nomine unicum & verum Numen cognovisse, significasse, coluisse, uti satis liquet ex tot sæculorum autoritate, tot etiam tamque authenticis librorum monumentis ac testimoniis, in quibus nihil potius (quod mirè) reperias, quod illo nomine & supremâ majestate indignum sit, vel indecorum, aut à ratione alie-

num in iis, quæ referuntur, ejusdem attributis & proprietatibus, quamvis etiam ea non immerito desiderabis, quæ totin Europâ & Asiâ spiritu sanctiore afflati doctores, & lumine fidei Christianæ collustrati, tam sublimiter Theologiceque scripserunt, & ad posteros transmiserunt.

PARAGRAPHUS NONUS.

QUOD PRIMÆVAM NOMINIS XAM TI

significationem abolere nequeat adultera Novatorum interpretatio.

NEQVE verò tam antiquæ, tamque perspicuæ significationi, & ethymologiæ nominis hujus tot illustrati attributis ac proprietatibus, quæ uni & soli Deo competunt, derogare potest opinio perversa & interpretatio Novatorum post tot tandem sæcula turpiter hallucinantium, sive isti jam fuerint de sectâ *Tao*, à quâ primum fuit viciata nonnihil significatio, introductis variis ejusdem nominis in cælo Numinibus, quorum singulis in singula elementa independentem quamdam potestatem tribuere visi sunt; sive etiam fuerint duo tresve Imperatores uti *Tven gum* è Familia *Tam* decimâ tertiâ, & è *Sum* Familiâ decimâ nonâ *Hoei gum*, qui nomen & titulum *xam ti*, seu supremæ potestatis & excellentiæ duobus hominibus attribuerunt *Lao kium*, & *Cham y*, quorum prior coætaneus fuit *Confucio*, posterior sub quinta Familia *Han* floruit, uti suprà fufius retulimus: Non magis igitur abusus impius derogare potuit usui legitimo, vimque tollere significativam Priscæ vocis Sinicæ, quàm tollere potuit vocabulo *Θεός* sive *Dens* vim propriam significandi, facta à dæmonibus aut hominibus ejusdem usurpatio; quemadmodum legitimi *Regis* nomen ac vim non tollit rebellis quispiam, qui vi & armis sibi eundem titulum ac nomen per nefas usurpaverit.

• Multò certè minus (quidquid contendant hujus ætatis atheopolitici) tollere aut immutare potest propriam ac vetustissimam nominis *xam ti* vim & significationem, adeò spuria, atheopoliticorum quorundam interpretatio post 40. tandem sæcula in lucem protracta, quâ supremum cæli Numen, ejusque attributa conantur eludere, omnia scilicet ad mutam & inanimem quamdam virtutem & naturalem rerum efficacitatem revocantes, & ita totius retro antiquitatis monumenta & sensum in suam ipsorum detorquentes sententiam.

Licet hic ergò pauca de multis asserre, quæ Novatores illi suis in commentationibus & in opere illo suo de natura operosius explicant. Ecquid enim obsecro fingi potest ineptius, quam dicere idcirco Imperatorem Sinarum solum sacrificare supremo Imperatori, quia cum sit ipse *Tien su*, id est, cæli filius (adoptivus scilicet, eò quod omnis potestas juxta illos à cælo sit) magis utique participat de puriori illa & defæcata virtute cæli & efficacitate; quare, dum cælo sacrificat, id agit scilicet, ut suus aër ille seu influxus purior per sympathiam quamdam connaturalem uniatur cum cælo, conservetur, & augeatur: & hinc etiam præmittuntur jejunia, & abstinentiâ, ut aërem curis fortè illecebrisque vitiosis, seu nebulis quibusdam, obscuratum & inquinatum purificet, & ita revocato intra se regio illo & à cælis infuso rectè dispositus ad sacrificandum accedat: & hanc etiam dicunt esse causam, quod primis illis sæculis fuerint Reges sancti, quod sæcula aurea & tam opulenta sub duabus Principibus Familiis, quia illis temporibus sicuti aër, aërisque vigor ac virtus erat recentior, ita vividum erat, magisque vegetum, & abundans id omne, quod cum Priscis Regibus cælitus communicabatur; secus ac usuvénit posterioribus sæculis, paulatim scilicet macrescente, & sterilesciente dictâ colorum virtute, vique efficiendi; uti, inquiunt, aqua in fonte suo pura est, at quò longiùs prolabitur, eò ex locis sordidis & limosis magis inficitur ipsa quoque, sordescque contrahit.

Alibi etiam dum explicant quo pacto cælum procreare dicatur Reges & Magistros, & Sanctos, affirmant id fieri per, influxum cæli fortuitum, qui in hunc vel illum incidit. Quando vero in textibus refertur, quod cælum seu supremus cæli imperator annuat precibus & votis piorum Principum, id volunt ex eo fieri, quòd cum animus Pius ac Religiosus hujusmodi Principum sit omnino unitus cum cælo ejusque influxu, ille ipse cælestis influxus, utique sympathicus, sponte suâ protinùs insinuat sese tam piis votis & desideriis, ex quo sperati deinde successus consequantur. Pari modò Interpretes *Hu u sum* dum conatur explicare favorem illum singularem, quo supremus cæli Imperator impertitus est imperatricem *Xiam yven*, quando post preces & sacrificium unà cum marito oblatum ipsi *Xam si*, concepit filium, sic: inquam, 3400. post annis, quàm res illa contigisse scribitur dum, inquit, *Xiam yven* toto mentis affectu sacrificabat supremo Imperatori; quo tota mentis intentio & affectio ferebatur, eò mox etiam influxus quidam cælestis ferebatur: Quo verò hic ferebatur eò ipso virtus generativa quadam confluit, & sic acceptatum fuit ejus votum & sacrificium: Quod igitur filium conceperit & enixa sit, non adeò mirandum est.

Quàm absurdè verò philosophantur, seu veriùs nugantur de pro:

videntia Numinis, & æquâ vel meritorum, aut criminum retributione, quando scilicet prosperos successus rerum humanarum sic docent à cælo existere, ut totos adscribant aëri seu influxui cuiuspiam benigniori & fecundiori, qui in gratiam benemerentium explicet sese, dilatat atque diffundat; adversos autem eidem rursus aëri, sed jam restringenti sese, usibusque hominum tam malè promeritorum quodammodo subtrahenti. Juvat audire quid de Imperatore *Vu ye* qui è secunda *xam* Familia fuit ordine 25. & impiè prociac & blasphemus in cælum in venatione fulmine percussus interiit anno apte Christum 1195. Imperii sui anno quarto. Quid, inquam, dicant Familix *Sum* Interpretes, quos explodit *Tim nan bu* & ipse Interpreter. *Fulmen*, inquit, *est cæli quidam spiritus & exhalatio exardescens & violenta; quod igitur hominis animæ & spiritui violento & impio sic occurrerit, ut extinxerit impium Vu ye, utique res fuit consentanea rationi.* Rursus, ipsas hominis cogitationes pravæ aut bonas quo pacto explicant? Cum quis, inquit, suscipit bonam, piamve cogitationem, hoc ipsum duntaxat est, quod libro odarum dicitur *Xam ti lin ju*, *Supremus Imperator appropinquat tibi & descendit ad te*, cum pravam quis suscipit: Hoc est ipsum, *Ti chin nu Supremus Imperator graviter irascitur*, & nihil amplius. Atque ita suis illis commentis adulteris contendunt cæli Numen non aliud esse, quàm ipsum hominis animum. Hunc esse *xam ti*, hunc *cælum* esse, intrepide affirmantes. Ubi verò de animâ hominis agitur, quandocumque in textu dicitur, in morte corpus in terram redire, spiritum verò sursum ascendere, aut etiam, ubi piorum Regum animæ memorantur *assistere Supremo cæli Imperatori*, ea utique de aërio illo intelligenda, qui mixtus cælo, fortuito impulsu huc illuc feratur, ac modo descendens, modo etiam ascendens, nuspiam stabilis perseveret.

Et hæc pauca (quæ de multis modo retulimus) quis sanæ mentis non explodat, & jure merito etiam non succenscat, quod homines alioquin docti, de virtutibus vitiiisque, necnon administrandâ feliciter Republicâ, tam præclare quandoque differentes, nescio quâ correpti dementia, totius antiquitatis tot tamque illustria circa supremum Numen, & Religionem relicta posteris monumenta, tam fœdè & putidè corrumpant, & quidem non sine plausu, fastuque, quasi verò subtilitate ingenii sui invenerint modum explicandi omnia per illas suas aërias & inanimes calorum efficacitates & nova chimæricæ Philosophiæ dogmata, 40. fermè ante sæculis incognita & ignorata, aut (ut ipsi quidem censent) oblivionis tenebris, ex diuturnitate temporum enatis, quasi conspulta. Eo prorsus modo, quo heterodoxi nova sua & pestifera dogmata autoritate sacrarum litterarum & Ecclesiæ Doctorem confirmare, & ad suum sensum arbitriumque depravatum, velut totius antiquitatis reformatores pertrahere non crubescunt.

Et erit

PROEMIALIS DECLARATIO. xcvij

Et erit quispiam Europæorum præconum qui adulteris & impiè politicis interpretationibus malit mordicè adhærere, & in atheo-
politicorum recentiorum tam pravè & putide de antiquitate totâ
definientium ire sententiam, quàm paucis hisce relictis & pro-
culcatis, sequi saniozem mentem Interpretum & suscitare de-
nuò aureæ Sinensium ætatis pulcherrima ab autore naturæ indi-
ta lumina, & revocare quadamtenus Præcorum minimè fucatam
innocentiam, pietatem, ac Religionem? Præsertim cum apud hanc
gentem (Si modo quis afferat animum minimè præoccupatum, in-
venturus sit, tot tamque apposita adjumenta è priscis petita monu-
mentis, quæ viam pandant & quadamtenus etiam complant ad
faciliorem cursum Evangelicæ prædicationis?

PARAGRAPHUS DECIMUS.

*EXEMPLO APOSTOLI GENTIUM
& Patrum primitiva Ecclesia, aliisque rationibus conclu-
ditur eodem, quo Prisci Sinenses, nomine verum
Numen compellari posse.*

PORRO quæcumque hætenus retulimus, ea potissimum fuere
quæ permovere possunt primos Sinicæ Missionis Fundatores, ut
abjectis adulteris interpretum hujusmodi commentariis, nudæ vesti-
giis antiquitatis insistant, & ad significandum Deum, quem an-
nuntiaturi veniunt, nomine illo appellativo & antiquissimi idioma-
tis vocabulo *Xam si* tot olim sæculis usitato & incorrupto tam in
sermonibus suis, quàm scriptis libris utantur; quod ut fidenter &
haudquaquam dubitanter fiat, præterquàm, quod multorum anno-
rum labor improbus ac studium in volvendis ac revolvendis vete-
rum monumentis ac libris viam aperiat, præterquam etiam quod
gravissimorum virotum, & tantâ de re toties consultorum judicia &
plurimorum rectè sentientium vota suffragiaque, imò etiam cohör-
tationes atque impulsus minimè deerunt, tamen motivum longè
efficacissimum fuerit imitari in re tanti ponderis & momenti Apostolum
gentium, & imitatores Apostoli sanctos Patres atque Doctores; Con-
ciliorum item, & Ecclesiæ universalis praxim & methodum in an-
nuntiando verò Numine apud omnes gentes: quippe eo ferè, & non
alio ubique terrarum usi sunt nomine, quàm eo, quod apud sin-
gulas gentes invenère, tamen jam illud invenissent variz gentili-
tatis somniis, & figmentis innumeris per multa sæcula corruptissi-
mum, & quasi penitus oblitteratum: Sic enim Ecclesia, & Apostoli,
& Præcones Evangelici judicarunt (nec in ullo Concilio ea de re

xcviij PROEMIALIS DECLARATIO.

fuit controversia) cæteris scilicet præferendum *Θεῷ* vel *Dei* nomen apud Græcos scilicet & Latinos, quia hoc audito gentiles illi, quos instituebant, in alicujus Numinis notitiam veniebant, quamvis iidem sub eo nomine aut cælum materiale, aut terram, aut elementa, aut planetas, aut homines scelestissimos, tum intelligerent, adeoque gravius ac turpius errarent, quam Sine, qui nihil turpe aut indecorum affinxerunt isti nomini, nisi quando ad duos homines illud transtulerunt.

Queramus igitur ab iis, quos fortè metus & scrupuli sollicitant, qua tandem voce usus olim fuerit Augustinus aliique Patres orthodoxi, quando cum Manichæis de Deo disputabant; an fortasse voce illâ, *Deus*, abstinebant Religiosi timidique, proptereâ quod scirent eis quibuscum disputabatur, corporeum quid, pro hæretico vocis usu ac depravatione, jam significare? Et ipsosmet Ecclesiæ Principes atque Apostolos, quando olim Romanis & Græcis Deum annuntiaverunt, qua tandem voce censent fuisse usos? Illâ ipsâ voce *Deus*, inquit: At enim quid aliud vox illa significare poterat Ethnicis istius temporis, quam Numen aliquod Saturno, Jovi, Mercuriove simile? Quandoquidem de alio quopiam Numine plerique illorum, ne dicam omnes, nihil unquam ne famâ quidem perceperant. Obnoxius ergo gignendis erroribus vocis istius erat usus? Minimè, inquit, sic namque voce illâ Sancti utebantur, ut partim affirmando quæ naturæ divinæ competeabant, partim etiam negando quæ non competeabant, quamvis imperitos ac rudes docerent, Deum quem annuntiabant, alium prorsus esse, & infinitis intervallis distantem ab iis, quos cæca gentilitas adorabat. Benè habet. At quid aliud in hac Chinâ Primi præcones verbo scriptoque efficient? quando *Xam ti* binas voces pronuntiabunt, simul etiam & incorporeum esse, & æternum, immensum, infinitum, perfectissimum, cæli terræque Procreatorem ac Dominum disertissimè docebunt. An fortasse *Θεὸς* sive *Deus* Athænis & Romæ tutò pronuntiari à Paulo potuit, *Xam ti* verò in Chinâ sine periculo pronuntiari non poterit? Cum tamen nomen hoc & ad litteram, & ex prima institutione sua hæc *Supremum Imperatorem*, & juxta Interpretes ethnicos *Tien chi chu gai*, id est, *cæli Dominum ac Gubernatorem* significet?

Quæro ulterius, si ab gravissimis Sinarum Doctoribus juridicè interrogatus Doctor Europæus, quo tandem nomine usi olim fuerint in Europa Ethnica primi Præcones Evangelici, & an *Dei* nomen intactum incorruptumque semper perstitit, nec applicatum fuerit aliquando mortalibus aut rei materiali, quid oportuit virum prudentem ad hæc respondisse? An nomen *Dei* in Europa semper integrum inviolatumque perstitisse? Ecquis id audeat affirmare, & tamen hoc ipso semper usi primi in Europa Evangelii Præcones?

Quæfiverit igitur deinde Sina rationem, quare in suo Imperio dubitet Europæus uti nomine *Xam ti*, tametsi corruptum hoc invenerit, tum à sectariis *Lao kinn*, tum à spuris Interpretibus, qui mutæ cuidam cælorum virtuti ætherique influxui illud nomen attribuerunt? Quam obsecro rationem afferre debet, aut potest Europæus contra usum nominis *Xam ti*, quæ ipsa ratio non militaverit similiter, & multò magis in Europâ contra nomen *Dei* multò erebrius & diutius & turpius ibidem vitiati & corrupti, quàm fuerit hîc nomen *Xam ti*.

At, inquires, cura saltem ista & metus deterrens deberet præconem Europæum ab usu nominis *Xam ti*, quòd hoc pacto cum litteratorum sectâ convenire in multis videatur lex Christiana, & ita ipsorum ad fidem conversio retardanda sit: At si hoc argumentum urget, militat idem etiam pro modò dictis, nec debebant Apostoli alitque Præcones olim *Θεός* & *Dei* nomine uti ob eandem rationem præcipuè cum alia suppetere nomina ab ipso Deo instituta ut *Bloe*, *Adonai*, *Jehova*, nec Christianis qui inter Mahometanos versantur cum Persicè aut Turcicè loquuntur, licitum foret nominare *Halla*, nec cum Hebraicè loquuntur Hebraicis uti nominibus, ne cum Mahometanis, aut Judæis convenire censeantur. Non igitur, ut una secta ab alia differat, singula utriusque, vel dogmata, vel nomina differre necesse est; quædam sunt legi Christianæ cum Judaicæ & Mahometana, & cum litteratorum sectâ communia, uti hoc; esse supremam aliquam mentem omnia gubernantem, parentes honorandos & illud, *Quod tibi non vis fieri, alteri ne feceris*, &c. Imò vero quo plura nobis erunt cum litteratis communia, eo facilior eisdem erit ad optatam conversionem via. Ecquis obsecro Hieronymum carpat quod scripserit Christianam Religionem esse Stoicæ disciplinæ quàm simillimam (ex quâ adeo disciplinâ non pauci ad Christianam transierunt, eamque deinde scriptis suis & sanguine defenderunt) quis arguat Augustinum dum scribit se initium Evangelii D. Joannis, *In principio erat Verbum*, apud Philosophos Platonicos invenisse? Quis Lactantium damnet, qui toto opere suo contra gentes Ethnicorum autoritatibus utitur, & postquam recensuit, quæ dogmata Religionis nostræ à variis quoque Philosophis tradita fuerint, tandem concludit: *Totam igitur veritatem & omne divinæ Religionis arcanum Philosophi attingere*.

Quod si lex gratiæ naturæ legem adeò non tollit, ut etiam perficiat, cur pulcherrima naturæ lumina, quæ in Priscorum monumentis reperire est, non licebit afferre, quando etiam sacri Scriptores & Patres illa ipsa, quæ Deo revelante cognovimus, quæque remotissima sunt ab humano intellectu, tamen conati sunt testimoniis, & autoritatibus Ethnicorum magis ac magis confirmare ex. gr. Sybil-

larum vaticiniis, effato Trismegisti *Monas genuit monadem*, Serapidis simulachro, quo adumbratam fuisse docent SS. Trinitatem? Non est igitur quod scandalum passivum, aut parvulorum, aut error aliorum pravè interpretantium, aut abusus lapsu temporum inveciti deterrent fidei Præconem ab usu nominis antiquissimi *Xam ti*.

PARAGRAPHUS UNDECIMUS.

OSTENDITUR NON USQUEQUAQUE

Standum authoritati Interpretum Neotericorum, sed nudo textui, quoad fieri potest insistendum.

SED inquires, numquid Europæum Præconem detertere non debeat authoritas tot Interpretum, qui authenticos Sinarum veterum libros interpretati sunt, & novum Philosophiæ genus cuderunt; autoritate Imperatorum confirmatum & omnium encomiis hodieque celebratum? At certè omnes isti Interpretes, licet alii quingentis, alii verò trecentis circiter abhinc annis prodierunt quoniam tamen à conditâ Monarchiâ quater mille anni & post ipsa Imperii communem Magistrum (*Confucium* 1700. circiter anni intercesserunt, Neoterici merito censendi sunt, & post tot monstra sectarum idololatricarum, tot bella, rebelliones, parricidia & Imperii vicissitudines, quæ (ipsismet fatentibus) eursum & splendorem litterarum, & doctrinæ veterum per decem & amplius sæcula interrupperunt, tandem ipsi prodierunt scilicet cum novis suis & chymericis commentis, adeoque ab Europæo præcone merito suspecti censendi sunt. At numquid etiam defuturos existimamus ex Sinicæ gentis litteratis, qui nos temeritatis ac superbiæ insimulent qui, exteri homines cum simus, neglectis suorum lucubrationibus & commentis, per nos ipsi reconditos Præcorum sensus, & arcana quæque velimus assequi: jamque adedò eos, à quibus discere nos oportebat, erroris arguere quodammodo & docere? At enim si Latinis Græcisve litteris dare operam vellent ipsi, Magistros eorum nos agere vel in China posse; Sinicas vero litteras à Sinis utique tradi oportere, & quidquid in hisce dubii latet obscurive, à Sinis explari. Cur ergo nos uti falsas & adulteras repudiemus interpretationes eas, quibus Patrum suorum monumenta legitimi filii conati sint illustrare? Ea verò quæ nos ipsi excogitavimus homines alieni ignotique, & Oceanum litterarum Sinicarum tam serò ingressi, doctrinæ ipsorum tanto jam tempore totoque Imperio tam acceptæ, non minus temerè, quam arroganter anteponamus? At certè si in Europam

PROEMIALIS DECLARAT.

cj

Europam fortè migrarent ipsi sacrorum voluminum perdiscendorum causâ nequaquam sic esse acturos : certum quippe sibi esse , nostrâ Europæorum hominum expositione , maximè quidem eorum , qui sanctitate doctrinâque floruisent , stare & acquiescere ; memores in Europam se venisse discendi gratiâ , non autem docendi.

Quam speciosa oratio ! Et si primam ejus frontem contemplemur , quàm consentanea rationi , Quàmque plena æquiratis ! Quo etiam minus mirandum , si ex Europæis hominibus extiterint nonnulli , quibus illâ persuasum fuerit. Hoc ergo controversiæ totius fundamentum est : Hinc scrupuli curæque omnes , quibus angi se fatentur : Quos ego scrupulos priusquam ex animis eorum coner evellere , percontari ab eis id velim : Putent ne probè se nosse Sapientes illos & eruditos Viros , quorum sententiis & interpretationi stare nos oporteat ? Profligatæ perditæque vitæ sunt homines , qui fucatâ quadam specie fidei , integritatis , & æquitatis contenti , & mendacio virtutis potius quàm ipsâ virtute , avaritiâ interim & ambitione , dolis ac rapinis , aliisque sexcentis vitiis cumulatam cor habent : homines sunt Deus quorum venter est , quicquid vitiorum suorum , turpissimæque libidinis immergi , nullas non impuritates suscipiunt ; & quamvis infra quadrupedes abjecti jaceant , superbiâ tamen insolentiâque super astra se tollunt , Magistros Orbis , & hominum sapientissimos se esse rati : Cumque lucem illam Priscæ veritatis oculis vitiatæ mentis suæ intueri non possint , & ut possint , tamen nolint , tenebris suis scilicet & erroribus obnubilant involvuntque omnia ; adeoque & secum ipsi , & multò magis inter se mutuò dissentiant ac pugnant. Atque ita , quæ docta & religiosa antiquitas supremo cuidam Spiritui Cælorum Domino & Moderatori piè sapienterque tribuebat ; ipsi non minùs impiè quàm stolidè tribui volunt suo nescio cui *Tai kie , li , & Ki , Tn , & Tam* fortuitis scilicet influxibus , aliisque non tam rerum quàm litterarum vocumque monstris , quarum significata confinxerunt ipsi , erroribus quidem suis , & atheismo accommodata ; sed profecto ab omni specie veri , necnon à mente Majorum suorum tam aliena , ut existimem , Priscis illis Sapientibus nec per somnium quidem tam ridicula depravatæ posteritatis suæ figmenta & somnia in mentem aliquando venire potuisse.

Et quispiam erit , qui hominibus hujuscemoditribuendum aliquid esse putet ? qui , fidem dari oportere , qui stare nos velit eorum sententiis & interpretatione ? At , inquit , si eos in Europa nostrâ versari contingeret , & de Germano sensu Bibliorum dubium aliquod aut controversiam suboriri ; utique starent ipsi , non suâ , sed nostrâ Europæorum hominum , maximè quidem SS. Patrum sententia & interpretatione : cur ergò nos vicissim , qui in China versamur , non audiamus & sequamur ipsos.

cij PROEMIALIS DECLARATIO.

Itane verò : lucis & tenebrarum, fidei perfidiæque, veritatis ac mendacii par jus, parem esse rationem contendas ? Audirent Europæos ipsi. Quidni audirent ? Discipuli Magistros ; Doctos indocti ; Philosophos ii, qui nec rudimenta quidem Philosophiæ norunt ; Gentiles & Athei Christianos ; improbi Sanctos ; ficti ac mendaces eos, quibus nihil tam cordi esse solet, quàm veritas & fides ; densissimis ignorantiz suæ tenebris involuti, eos, qui à Sole justitiæ illustrati Solis instar refulgent in perpetuas æternitates ; denique, ut verbo complectar omnia, Athei Sinæ Sanctos Europæos. Ubinam, vel in Sinis, vel usquam terrarum, illa quæ in Orbe Christiano tantoperè semper viguit sententiarum animorumque concordia ? Ubi illa tam constans, & ab ipsis mundi exordiis tam immutata Sanctorum Philosophia, sapientiaque verè celestis, lumini rectæ rationis adeo conformis ? Ubi denique doctrina illa tam illustri tot Magistorum sanctitate, tot Sanctorum Martyrum constantiâ, tot item prodigiis, & tam præsentis ope Supremi Numinis, ac tot cæli terræque testimoniiis confirmata ? Haudquaquam igitur æqua postulatio videri potest, ut eos audiamus & sequamur Europæi in China, qui in Europa si degant audire vicissim nos velint ac sequi.

Ergone, inquier, stoccificiemus Interpretes omninò omnes ? Neque eò sanè nos prochi necesse erit. Etenim quosnam dicemus esse primos omnium, primæque autoritatis Interpretes, & quos adeo potissimum sequi nos oporteat ? Nonne (siquidem agamus de *Confucii* libris) doctissimus ille *Memcius* Interpres censi in primis poterit, quando is Magistri sui librum *Ta bio* explanavit ? Nonne item nomen hoc tribui potest *çu fu* scriptori acutissimo, quando is *Avi* sui *Confucii* præcipuum hoc opus de medio constanter tenendo est interpretatus ? Nonne similiter alii discipulorum, Interpretes quoque censendi erunt, quando libros *Lun yu* commentariis suis illustrarunt ? Quid ? Quod & ipse *Confucius*, atque *Memcius* Interpretes vocari poterunt, utpote quorum hæc præcipua laus fuit, quod Priscorum libros cum fide interpretati sunt. At enim ; tam horum, quàm illorum Commentarii vim textûs & autoritatem deinde obtinuerunt. Utique obtinuerunt. Sed an idcirco Interpretes esse desierunt ? Porro hos Interpretes adeo non parvi pendimus, ut vehementer etiam venerationem, & ne latum quidem unguem ab eorumdem sententiâ discedamus. Sed erit hic fortalsè qui rursus querat : Priscos illos Interpretes vestros ecquis exponit vobis ? Ab hoc ego vicissim percunctor : novos illos Interpretes tuos (ne dicam vitiatores) ecquis exponit tibi ? Num alii *rursus* Interpretes, alii que ? Non opinor. Sicut ergo tu tuos per te ipse, ita & nos nostros intelligere conamur per nos ipsi.

Sed ne quis existimet, oportere nos abjicere prorsus Interpretes

PROEMIALIS DECLARATIO. cuj

omnes posteriorum temporum, extant sanè præcipui nominis & dignitatis Doctores *Cham kiu* (*Chim, Kien kien xan; Cham tum yo*; alique, qui, cum suscepit explanandum Priscorum textum, utique non possunt, necque verò audent, rem luce meridiana clariorem non candidè simpliciterque exponere; esto, sint illi Atheismi Principis imbuti, & quid obstat nos ipsorum etiam testimonia afferre; tamen si alibi sibi contradicant, & pravas etiam subinde permisceant opiniones, cum videamus & gentium Apostolum, & primos Ecclesiæ Patres, vanorum Poëtarum, Sybillarum, & aliorum Ethnicorum monumentis, & testimoniis usos, & quodammodo è luro ipsorum & sordibus gemmas, aut è tenebris lucida quædam intervallo, seu scinillas intermicantes ab auctore naturæ; mentibus hominum infusas collegisse, ut ad primævam æterni luminis cognitionem gentes adducerent. Verumamen esto, floccifaciamus omnes & maxime modernos Interpretes: Profecto non aliud faciemus, quàm quod exemplo suo primi Patres, & consilio suo Christiani Doctores, ac Sinæ, faciendum esse docuerunt: Quod si horum sententiæ, & auctoritati nondum acquiescas, vide quid dicam: Quod sanctissimi quique Viri fecissent, si contigisset eos in has Regionēs venire propagandæ Religionis causa, hoc ipsum & nos faciemus, ubi neglectis Interpretibus ætæis, uni Priscorum textui, sententiæque sanctorum Interpretum adherēbimus.

Declarare rem juvat: ejus autem declarandæ gratiā liceat nobis paulisper sacra cum profanis conferre. Faciamus ergò (liberæ sunt enim cogitationes) Divos Ambrōsiū & Augustinū, Basilium quoque & Chrysostomum profectos olim fuisse in Judæam, vel Egyptum, & eo quidem consilio profectos, ut Hebræis fidem in Christum, uti verum Messiam & Salvatorem Mundi, persuaderent: Patres autem illos ivisse quidem litteris suis, Græcis, inquam & Latinis præclarè excultos; sed Hebræicæ linguæ prorsus ignaros: Faciamus item solâ Hebræorum linguâ, quidquid sacri & divini est, contineri. Quid existimamus viros illos, qui non minus prudentiâ quàm sanctitate vitæ conspicui erant, fuisse facturos? An fortè desperato successu mox eo, unde venerant, reversuros? At enim tam insignis levitas & inconstantia cadere non poterat in viros tantos. An ergò Rabbinos Judæorum, & Legisperitos de germano sensu textus Hebræici fuisse consulturos, & quidquid hi vel affirmassent, vel negassent pro vero habituros? dici hoc profecto non potest. Quid enim? Ignorabant fortasse sapientes viri illi, perfidos homines & in errore suo tam obstinatos, ad hæc superbos, & contemptores Christianæ Religionis interpretaturos omnia in sententiam suam, vim quoque facturos esse textui, & dōlis atque mendaciis, quando aliter non possent, errori suo consulturos? Satiū enim verò

fuerat nunquam suscipere certamen ejusmodi, quàm pro arbitrio & voluntate perfidorum hostium haudquaquam auspiciò suscipere. Quid enim aliud hoc erat, quàm se pariter, Christumque ipsum, & sanctissimam Religionem nostram ludibrio adversariorum exponere? quid, inquam, aliud agere poterant, si Judæos ipsos in errore suo obfirmare voluissent, quam hac de adventu Messie controversiâ illis uti magistris interpretibus sacrarum Paginarum? Quid hic igitur factò est opus, dicer aliquis? quid consilii tu ipse nobis suggeres? Non aliud equidem quàm, quòd hic suggeret cuius prudenti res ipsa & ratio; quamque adeo Viri illi Sapientes ac Sancti procul dubio cepissent, si illorum temporibus casus ejusmodi incidisset: Hoc nimirum, ut quando Christi causâ patriam relinquere, tranare maria, vitam mille periculis obicere non dubitarunt, non recusent in ejusdem Christi gratiam Hebræicæ linguæ, litterisque perdiscendis operam dare, & quamvis necesse fuerit cum Sancto Hieronymo in solitudinem quamdam abdi, ibique per annos tres quatuorve studiis haudquaquam jucundis operam dare, alacri tamen fortique animo id præstent, maximâ rei utilitate simul ac necessitate semper ante oculos posita.

Ubi verò linguæ peritiâ assecuti fuerint, tum ipsi per se textus Hebræicos expendere aggrediantur, & sacras illas Paginas indubitæ veritatis Magistras nocturnâ versare manu, versare dicuntur: In quibus si quid obscuri dubiæ adhuc offenderint, non dubitent Hebræos ipsos consulere; eos potissimum qui Christianis sacris jam sint initiati, vel, si horum nulla sit copia, tum eos in primis audiant, qui vitæ integritate cæteros videantur antecellere, & à mendaciis fallaciisque magis esse alieni; alios verò, quos perversos obstinatosque esse constet, quamvis docti sint; & maximâ auctoritate apud suos polleant, nihil tamen morantur, nequaquam audiant. Ubi autem de verò germanoque sensu textûs Hebræici tandem ipsis constiterit, in arenam descendant cum Rabbiniis, ipsis congregiantur, fallaces & aberrantes eorundem sententias & interpretationes refellant, ac denique ex illustrioribus Prophetarum testimoniis Humanæ Redemptionis opus jam perfectum fuisse animosè demonstrent. Quæro hic igitur à candido Lectore, num quæ alia, præter hanc unam, suppeteret via Hebræis Christum annunciandi? Num quod aliud consilium supra memorati Doctores capessere potuissent? Hieronymus certè quidem magnum illud Orbis Christiani lumen, non aliam viam tenuit: quo autem operæ suæ pretio, quo successu laboris & fructu, jam tertæ omnes, omniaque sæcula testantur.

Perdiscere ergo litteras ac linguam Hebræicam Hieronymus dalmata quondam potuit; & deinde obstinatham gentem domesticis oraculis

PROEMIALIS DECLARATIO. cv

oraculis ac testimoniis convincere: Sinarum verò litteras & linguam tam arduo in loco positam esse arbitrabimur, aut tam contractam esse divinæ erga nos munificentia manum hoc tempore, ut nullus ex Evangelicis Præconibus ad earum peritiam similiter queat pervenire? At profectò non ita rem habere, sed horum quoque conatibus afflare Spiritum Domini, spiritum, inquam, illum, qui replevit olim, hodieque replet Orbem terrarum, vel inde potest intelligi, quod ex Europæis Sinicæ vineæ cultoribus extiterint aliqui tantam assecuti peritiam difficillimi idiomatis, tantamitem litterarum, quamvis infinito propè sint numero, ut, nisi eos os oculique Europæi prodidissent, perspicaciores quosque Sinenſium, Sinenſes esse crediti, fallere potuissent. Cur ergo qui tantum facultatis nati sint, & tam præſentem Numinis opem sentiant non patiamur aliquid moliri per se, per se adire fontes ipsos Sapientiæ Sinicæ, reliſtis ſcilicet posteriorum Interpretum rivulis, ſeu lacunis potiùs haudquaquam ſinceris & puris, ſed plerumque vel idololatriâ, vel atheismo vitiatis?

Certè graviffimorum Doctòrum Sinenſium, Pauli, inquam, Michaëlis, Leonis, Philippi, Matthæi, Lucæ, aliorumque, uniformis & conſtans hæc fuit ſententia: Nullam Civium ſuorum, qui Priſcos libros commentati ſunt, ab Evangelii Præconibus habendam rationem; ſed uni Priſcorum textui eſſe inhærendum; de hoc uno laborandum, in quo, ſi quæ minùs clara offenderint, ſperari poſſe haud defuturos ex Sinis iſtis, etiam non Chriſtianis, Viros primæ eruditionis & authoritatis, qui difficiliores locos cum fide nobis explanent. Intelligebant nimirùm homines prudentiſſimi evenire poſſe (jamque aded in patria ſua uſuvenire fatebantur, ac deplorabant) ut non tantum nobile & imperitum vulgus à Priſcâ veritate rectâque Majorum doctrinâ quandoque aberraret; ſed illi quoque ad quos cura tuendæ veritatis ac ſanæ doctrinæ ſpectat vel maximè, per inſignam prævaricationem vitient ipſimet, ac depravent, pervertantque omnia. Quo quidem caſu, quid obſecro ſtultius ſit, quid ita magis pernicioſum, quàm eos audire, qui tamen imperitis incautiſque maximè videntur audiendi; & iis fidem præbere, qui fide digniſſimi putantur, cum reverà ſint fide indigniſſimi?

De quo ſi quis etiamnum fortè dubitet, eat iſ ſanè in Regionibus illas, quæ in Hæreticorum poteſtate ſunt; accipiat avidis auribus doctrinam eorum, qui ibidem pro officio ſuo & publicâ cum authoritate Sacras litteras interpretantur, & audiuntur incredibili cum ſtudio & plauſu à ſummis pariter inſimisque: Turcicas item, ſi lubet, ditiones petat, & quandoquidem ſuis cujuſque gentis Magiſtris & Interpretibus fides haberi debet, audiat venerabundus Mahometanæ ſectæ Magiſtros, quando hi Teſtamentum vetus exponunt:

c9] PROEMIALIS DECLARATIO.

verumtamen ecquod operæ suæ pretium, qui viam hanc teneat, facturum arbitramur? quem tandem fructum relaturum esse laboris sui? ut homines ab erroribus suis ad Evangelicam veritatem traducat? Non aliud profectò, quàm ut obfirmatiores in erroribus suis veritatis hostes relinquat: atque utinam non ipsemet imbutus perniciosi Mahometismi principis vel dogmatis hæreticorum, &, si in Chinam quoque venisse contigerit, Atheismi, & Idololatriæ toxico afflatus ad suos revertatur!

Ex quibus omnibus æquus rerum Judex constituat, ecquod tandem Viri prudentis officium sit, maximè quidem illius, qui Legis Evangelicæ promulgandæ causâ in remotiores terras proficiscatur: nimirum, ubi is pervenerit in eam Regionem, cujus incolas aggregare Christo desiderat; si fortè gens ista monumenta quædam litterarum & sapientiæ habeat à Majoribus suis accepta, non illa præcipiti cæcove judicio, vel damnet illicò, vel illicò probet: sed neque eos qui Priscos gentis libros interpretati fuerint, sive alienigenæ sint, sive indigenæ, temerè condemnet, approbetve. Vitatis extremis mediam prudens insistas viam; atque adeò imploratâ ope supremi Numinis, primùm quidem dat operam, ut linguam gentis ac litteras accuratè perdiscat: tum deinde libros quos illic in majori pretio esse cognoverit, necnon interpretationes librorum pervolvât assiduè, & iterum iterumque examinet atque expendat; studiosissimè interim explorans, an constet sibi prisca textûs sinceritas atque veritas, an è contrario vitiata sit posterorum vel negligentia, vel etiam pravitate: Rursus an il, qui Interpretes hîc agunt, constanter insistant Majorum vestigiis, an verò doctrinam illorum depravent, ac detorqueant ad errores suos; vel certè Principis sui, cui, quamvis depravato, adulari velint, atque ita, autoritate sapientiæque Priscorum, infantiæ tum suæ, tum alienæ, morumque corruptelæ patrocinentur: videat denique, an una mens & doctrina sit omnium, an contra inter se, secumque ipsi dissentiant ac pugnent.

In hunc modum probè cognitis perspectisque omnibus, siquidem dictis monumentis ac libris nihil solidi verive contineri intellegat, utique non attingat illa, neque adeò mentionem eorum faciat: At verò si Prisci gentis Reges, aut Magistri, naturâ quoque duce ac Magistrâ, multa sunt assecuti, quæ adeò non adversentur Evangelicæ luci ac veritati, ut etiam prosint ac faveant, & crepusculi matutini instar viam Soli justitiæ pandere videantur, nequaquam profectò (si me quidem audiant) aspernabuntur illa Præcones Evangelicæ legis: sed utentur iis assiduè; adeoque cum nativo patriæ doctrinæ succo (qui hoc ipso quod patrius est, civium palato natus est placere) peregrinam doctrinæ cælestis ambrosiam teneris Neophytorum mentibus instillabunt.

PARAGRAPHUS DUODECIMUS.

*DE LEGE DIVINA LIBRUM EDIT
in lucem P. Matthæus Riccius, quo successu,
& fructu.*

HIS igitur omnibus maturè coram Deo p̄rpenſis, poſt laborem maximè conſtanti & improbum, poſt lucubrationes diurnas nocturnasque, poſt repetita cum tot præcipui nominis litteratis per 20. ferè annos colloquia & diſputationes, poſt ſevera librorum tum veterum, tum recentiorum examina, tandem novus ille advena ex occidente, novus ille doctrinæ novæ ſimul & antiquæ annuntiator Matthæus Riccius in publicam orbis Sinici lucem protulit opus de Chriſtianâ Religione duobus conſtans voluminibus, cui titulus: *Tien bio xey*, id eſt, *celeftis Doctrina vera ratio*, editumque typis fuit in ipſâ Imperii aulâ imperantis *Van lie* anno 31. qui fuit periodi, ſeu cycli Sinici ſeptuagelimi ſecundi annus 40. *Quei mao* dictus, & ſalutis noſtræ annus 1603.

Ante omnia vero in ipſo mox limine totius operis fidenter admodum declarat, quam graviter gens tota deliquerit contrà ſupremum cœli Numen, & Imperatorem per dogmata tam prava, per tot ſectas & hæreſes tam pernicioſas, per tantam denique morum corruptelam: Quâ etiam de cauſâ tot ac tantæ calamitates, tamque miſerabilis perturbatio rerum temporumque ſecuta ſit: orditur deinde ſermonem de ſupremo omnium Domino Creatore ac Conſervatore, ejuſque nominibus, proprietatibus, excellentiis divinis: Poſt hæc ad funiculum illum triplicem trium ſectarum diſſolvendum delabitur. Hic Bonzii ſua vident eludi ſomnia, & ſomniorum, mendaciorumque propè omnium fundamentum, *Metempsychosim*: Hic ſectarii *Tao* ſuperſtitiones ſuas, inaniaque dogmata proriùs everti: corruunt hic principia Interpretum recentiorum familiæ *Sun* & commenta ipſorum nova, totaque Philoſophia de *Tai kie* & *Li*, & quod omnia ſint unum, ponderibus rationum & æternæ veritatis penitus opprimuntur; ipſos quin adeo in juſ vocat animoſus, & coram ſuis ipſorum majoribus, ætatis, inquam, præſcæ regibus ſapientibuſque, ceu totidem iudicibus incorruptis apparere jubet degeneres nepotes, ibi rationem dare doctrinæ ſuæ cujuſ partes omnes & antiquiſſima litterarum monumenta, ceu codices quosdam præſci juris ſeverus actor examinat. Quærit in quâ tandem parte clafſicorum voluminum legerint aliquando ſacriſicare, ſervire, obtemperare, timere,

adorare, revereri & obsecrare illud suum *Tai kie* vel *Li*, cum tamen creberrimè legantur ista omnia fieri *Xam ti* supremo cœlorum Imperatori, qui utique juxta ipsosmet idem sit cum supremo, quem annuntiatum venit, cœlorum Domino & Governatore.

Quin etiam (quod mirere in extero homine inter tot litteratos exterorum contemptores, & sub illâ præsertim familiæ *Mim* longè superbissimos) audet idem Riccius, & audet in ipsâ Regiâ Pekinensi theatro orbis Sinici proferre hæc verba: *Hodierna ætatis litteratorum error in explanandis Priscorum libris, nullis verbis satis exprimi potest: quantum spectat ad ornatum floride scriptonis sunt expediti, sunt acres; sed quantum ad sensûs intelligentiam remississimi.* Concludit itaque: *Quamvis hodiernus scribendi stylus sit maxime floridus & ornatus, operum tamen & rectè factorum veritas & soliditas deest.* Porro qui vivos omnes, & in aulâ sic unus arguebat, ab hoc mirabimur mortuos aliquot Interpretes meritissimâ censurâ fuisse castigatos?

Quia vero fidei Christianæ fundamentum est veri Dei & cognitio & fides; illam ipse jam sub nomine *Tien chu Celi Domini* (quo sub initium uti cœpimus, cum necdum esset petitia librorum Sinicorum, & etiamnum usque in diem hodiernum conservare placuit) ac deinde postquam evolverat Priscorum libros, fidentissimè etiam nomine *Xam ti Supremi Imperatoris* Sinensibus impertiebat: ut autem periculum omne erroris, & offendiculi, omnemque ansam dubitationis & perplexitatis removeret tam ab idololatriis, cum audiunt *Tien chu*, quàm ab atheopoliticis, cum audiunt *Xam ti*; consultò aliis atque aliis nominibus Deum nominat; modo cœli terræque Dominum & supremum Imperatorem, modo cœlorum supremum Regem & Governatorem, modo supremi Imperatoris majestatem, modo rerum omnium conditorem ac conservatorem; modo communem generis humani parentem, principium & finem, aliaque hujusmodi; denique tot tamque eximiis attributis Deum deprecatur, ut nemo, qui legerit, adeo cœcus esse possit, qui non videat irradiantem mentis oculis divinam claritatem: Plurimi interim litteratorum, qui scilicet & sæpius audierant differentem Riccium, & familiarius ei etiam adhæserant, mirum in modum exultare, quod non ea tantùm, quæ prisci cives sui de supremo Numine, animæque immortalitate censuerunt, sed illustriota quædam & nunquam sibi vel audita, vel etiam cogitata de suprêmâ illa majestate discerent: uti quod de nihilo creavit omnia, de creationis ordine, Angelorum lapsu, primo homine, aliaque hujusmodi, quæ nobis æterna veritas revelavit: Magnum insuper ex una re suavissimæ consolationis fructum percipiebant, quod intelligerent divinam clementiam non videri fuisse semper averسام à gente sua, sed Priscos illos cives suos ac pios Patres salutifero quodam veritatis lumine fuisse

PROEMIALIS DECLARATIO. cix

fuisse collustratos, & priscam ætatem illam, sublati quibusdam nœvis ac nebulis, salvam integramque per aliquot sæcula, uti piè credebant, permansisse.

Quæret hic curiosus Lector, quo successu fructuve opus hoc Matthæi nostri prodierit in lucem? Respondeo prorsus admirabili, & secundum rationes humanas nunquam sperato. Europæus certè, cui penitus perspecta sit hæc China, quid constitutiones ac leges circa Religionem hîc ferant, quanta litteratorum tunc temporis esset auctoritas, quantus rerum, quæ ab exteris proficiscébantur, & ipsorum met exterorum passim contemptus, quantus horror cujuscumque peregrinæ legis, aut novitatis præsertim invectæ ab extero sine ullâ facultate, vel auctoritate publicâ (neque enim more legati venit Riccius, sed ut persona privata, suis tamen instructus munusculis, nec venit accitus aut invitatus, uti sectatores ac magistri superstitionis Indicæ quondam venêre) hæc, inquam, omnia si maturè consideret Europæus, non potest non agnoscere, ac profiteri digitum Dei fuisse hoc in opere, operisque successu, quodque Riccio ingredienti promiserat Dominus *Pekini propitium se fore*, utique pro votis, & supra ipsa vota fuisse perfectum.

Et ut nostræ Societatis testimonia omittam, multorum instar sufficiat unicum R. P. Fr. Dominici Sarpetri è S. Ordine Prædicatorum religiosissimi viri, qui per 30. ferè annos in Sina commoratus; litterarum Sinensium peritus imprimis & doctrinâ, virtute, Religiosaq; observantiâ planè fuit eximius. Hic itaque in iis litteris, quas dedit ex Metropoli Cantonionensi nostroque exulum pro fide domicilio, ad S. Congregationem de propaganda fide, & Reverendissimum suum Generalem, postquàm sanctè professus est, se nullius gratia, persuasione, vel precibus, sed uno vetitatis amore impullum scribere, sic ait: *De hoc libro (Matthæi scilicet Riccii) quem sæpè attente legi, testor mihi crebrò venisse in mentem, quod dictus liber opus esset ejusmodi, ut sine revelatione divinâ, aut alio speciali Dei auxilio non potneris ab auctore perfici. In quorum fidem manu mea subscripsi nomâ Maii 1667. in Metropoli Quam-cheu Provinciae Quam-tum.*

DOMINICUS MARIA SARPETRUS.

Equidem, nihil hîc ut dicam de favore studioque gravissimorum Doctorum Pauli, Leonis, Michaëlis, Petri, Philippi, Ignatii, Thomæ, Matthæi, aliorumque; simul atque disseminatus fuit liber, primum quidem per manus tot virorum litteris & dignitatè illustrium, qui debebant in aula, deinde verò per cæteras Imperii Provincias, Urbes & Oppida, tantam excitavit in animis fermè omnium admirationem, æstimationem, reverentiamque sacrosanctæ Legis, ac nominis Europæi, ut nihil frequentius, ubi de lege nostra sermo est, hodieque audiat, quam *Li Mateo*, id est *Riccus Matthæus*, primus

illius in aula annuntiator : quin imò nomen hoc & adventus tanti viri in Chinam jam in Urbium Imperii memoratur annalibus, & postquam is anno, ab opetis editione septimo, in Regia Pekinensi diem obiit, attributa illi fuit portio non exigua Pexinensis agri ad honorificam sepultutam, idque jussu ipsiusmet Imperatoris atque diplomate.

Factis itaque rei Christianæ fundamentis in hunc modum, protinus alii Sociorum successu tam fausto, & exemplo tam illustri provocati, alacritate magna accinxerunt sese ad cceptam ædificii Christiani molem, propitio semper Numine, altius altiusque educendam: & ad libros quidem quod attinet (ut alios ejusdem Riccii nunc prætermittam, in quibus ipse de vanitate rerum humanarum, de morte, de æternitate philosophatur) imprimis Didacus Pantoja, Matthæi Socius in aula individuus, quod intelligeret animi vitia & peccata molli superbæque genti maximo esse impedimento capefendæ Religionis (præter paraphrasim in Symbolum 12. Apostolorum) consultò scripsit septem volumina de septem peccatis capitalibus, oppositisque septem virtutibus, ea quidem eruditionis, & eloquentiæ Sinicæ, sapientiæque laude, ut plausum retuleit propè parem cum Riccio, fructumque non minorem ipso plausu referret, si non ageret radices tam altas inveterata peccandi consuetudo, planè ut necessarium esse videatur brachium excelsi & potentius aliquid auxilium divinæ gratiæ ad Sinas è veterno cœnoque vitiorum, non sine violentia quadam salutari, excitandos.

Et hæc quidem duo opeta sanè præstantia Sociorum alii atque alii per varias dispecti Provincias typis Sinicis identidem excuderunt: Julius vero Aleni hortatu litteratorum Australium vitam quoque Riccii, & res gestas Sinicè conscriptas unà vulgare non dubitavit ac gloriæ divinæ æmulator plurimos & ipse libros edidit, quibus partim impia Novatorum dogmata, & interpretationes adulterinas egregiè confutat, libro cui titulus : *Van we chin yuen, verum omnium vera origo*, partim etiam enarrat res gestas Christi Salvatoris nostri Virginisque Deiparæ & de Sacramentis Baptismi, Pœnitentiæ, sanctissimo Missæ Sacrificio aliisque Religionis nostræ mysteriis nascentem Ecclesiam Provinciæ *Fo Kien* diligenter edocet, ea quidem cum fama vittutis ac sapientiæ, ut litteratos inter passim audiret *Si lai cum en Occidentis advena Confucius*, alter scilicet; adeoque viri maximè illustres, atque inter hos *Te Cola*us quamvis Ethnicus, sed Riccio pridem in aulâ notus, honori sibi duxerint nomen & sigillum suum cum Proœmiali panegyri, libris ejus adscribere, quod ipsum etiam tot alii litteris & dignitate præstantes viri ad Riccii, aliorumque Sociorum libros facitare sibi honori ducebant, quo deinde factum, ut ad maximam nominis Christiani commendationem, &

PROEMIALIS DECLARATIO. cxj

Atheopolicorum confusionem, duo volumina edita fuerint, quibus solæ panegyres proæmiales à Colais virisque primatibus, nostrorum libris præfixæ, simul collectæ continentur; ut nihil jam dicam de tot illustribus elogiis & titulis, quos auratis & etabilibus litteris insculptos passim erat cernere appensos domibus & Ecclesiis nostris. Porro quanta Deus incrementa dederit Julio Aleni, vel hinc potest esse perspicuum, quod unus ipse in octo urbibus Metropolitanis Provinciæ modò memoratæ (ne de oppidis agam secundariis) octo fundarit Ecclesias, adeoque in Chinâ Meridionali Christi Nomen, ac fides longè latèque propagaretur.

Quamquam par omnino laus alteri quoque est tribuenda, cui nomen Alphonsus Vagnoni, qui & ipse vestigiis insistens Ricciî Chinæ Septentrionali Christum annunciabat eo quidem successu, ut Ecclesias fundarit omnino 40. variis in Urbibus & Oppidis, *Han Colao* patrocicante; Adhæc complura instituerit sodalita hominum etiam litteratorum ad communes Christianæ virtutis ac Religionis exercitationes, libros denique vulgavit non Christianis modo, sed Ethnicis quoque perquam utiles, qui multis voluminibus continentur. Ad extremum, quæcumque messes animorum, quicunque fructus divinæ gloriæ adhuc collecti sunt ex hoc agro Sinenfi, dedicata scilicet Deo tot Tempia, coacti cæterus fidelium, correcti mores depravati, perniciofa vanitas superstitionum patefacta, librorum ingens copia, & in omni propè doctrinæ genere vulgata, & ad eas quoque delata regiones, ad quas pertingere necdum potuerunt pedes Evangelizantium, quamvis veloces, & indefessi, propterea quod illorum paucitas haudquaquam sufficiat incolis Imperii longè vastissimi propè innumeris; hæc, inquam, omnia cum divinæ potissimum bonitati sapientiæque referri debeant accepta, tum etiam Riccio nostro, cujus virtus ac prudentia Deo tam feliciter hic famulata est, suæ debentur gratiæ, sua laus est tribuenda.

Tametsi verò aliquot post mortem ipsius annis malus demon tabescens invidia propter successus adèò secundos, primam contrà nos neophytosque nostros persecutionem anno 1615. excitavit; paucis tamen post annis deserbuit tempestas illa, patrocinantibus more suo innocentiz Christianæ Doctoribus tam Ethnicis quam Christianis, quorum consilio & operâ libelli supplices privatim & palàm oblati sunt suo nostroque nomine supremis magistratibus, offerendi deinde per hos Imperatori, quibus & exponebatur ingressus Matthæi Ricciî, & quanta vulgò tunc fuisset virtutis ejus sapientiæque laus & approbatio; simul etiam tradebatur summa doctrinæ Christianæ, quæ in colendo uno Deo & diligendo proximo tota consistat, quæ quidem duo capita de industria proponebantur verbis appositis, quæ ex textibus ipsorum pervetustis deptomplerant. Et

cxij PROEMIALIS DECLARATIO.

quamvis libelli isti malevolorum quorundam improbitate, tum quidem supprimerentur, credi tamen vix potest quantam vim facerent in animis vitorum cordatorum, sic ut nequaquam esset communis quædam omnium contrà legem divinam conspiratio, sed unius alteriusve tantum Atheopolitici, aut idololatæ, aut etiam invidi gloriæ & sapientiæ Europæ. Fuit cum octodecim libellis supplices contrà legem Christi oblati sunt postremo familiæ præcedentis Imperatori, qui omnes rejectit, castigato etiam eo qui pertinaciter illos offerebat, & ad gradum dignitatis inferiorem dejecto, majori quoque pœnâ mulctando, nisi (uti prudens Imperator renuntiare iussit P. Joanni Adamo Schall) res ageretur hominum exterorum, quos animadversio gravior in indigenam, vocare posset in magnam apud suos invidiam.

Et verò longo jam usu & experientiâ compertum est, ea quæ maxime offendunt & irritant animos Sincensium non tam esse fidei Christianæ leges & instituta; quam quod omnes sectæ (etiam litteratorum ætatis hujus) damnentur ab una Religione Christiana. Carpunt etiam ceremonias quasdam & ritus, necnon cætus qui coguntur virorum ac præcipuè fœminarum, licet non eodem loco & tempore cogantur: Displicet etiam exterorum hominum variis in Provinciis sedem figentium frequentia, & apud sectatores suos atque discipulos auctoritas, & apud Ethnicos etiam Magistratus gratia singularis: quod ipsum rursus per hos ultimos annos quando impetrante Tartaro longè seivior contrà nos coorta fuit procella, experiendo, vel maxime didicimus: Vocati namque sumus in suspicionem rebellionis & damnati Religionis falsæ ac depravatæ, & ubi tandem miserante Deo calumniæ impiorum patefactæ sunt, & innocentia integritasque Christianæ Religionis in solemnibus Regni comitiis juridicè declarata, vulgataque per omnes Provincias edictis Regiis, tanta tamen infedit cura & formido dominatori Tartaro (quem sua hæc paucitas tuta cogit timere omnia) ut postquam Imperator ipse inusitata cum significatione honoris ac benevolentiæ Societatis nostræ Sacerdotes, qui in aulâ degunt, Christiano ritu & pristinâ ferè cum libertate vivere permisisset; idem reliquis mox Sociorum ad pristinas sedes revocatis tacitam quamdam libertatem concesserit, approbationemque legis divinæ, quando anno 1675. 12. Julii ipsemet Imperator in Templum nostrum & Aedes digrediens manu & penicillo Regio binas exaravit trabales litteras *Kim sien*, id est, *reverere calum*, sive, quod idem apud ipsos est, *reverere cali Dominum*, quæ quidem litteræ sigillo Regio munitæ, seu potius exemplaria trium ordinum Ecclesiis Aëdibusve præfixæ mirum quantam fidei Christianæ, ejusque præconibus auctoritatem, etiam per securura sæcula concilient.

Ex quibus

CONCLUSIO.

ATQUE hîc tandem finis sit declarationis nostræ Proœmialis, si tamen & moles operis, & argumentum nomen hoc admittat quando dici potest distinctus esse Liber. In quo videmur, haud satis memores fuisse Europæis hominibus nos scribere, quibus equidem utpote sapientibus, quamvis pauca, sufficiebant: quamquam & ignoscent, uti spero, pro benevolentia suæ prolixitati nostræ, dum considerabunt, eundem nobis fuisse per ætates bis mille annorum eoque amplius, & haudquaquam levis momenti esse quod agitur, quando id agitur, ut prisca ætas omnis adeo numerosæ culturæque nationis ab execrabilis atheismi suspitione vindicetur. Accessit illa quoque ratio, quod in illorum potissimum gratiam hæc scribantur, qui huc aliquando venturi sunt annuntiandæ veritatis causâ, quos equidem nolumus, rali imbutos suspitione huc venire: præterquam enim quod à vero sit aliena, hoc insuper ita hic incommodi, quod exarmet Christi militem prorsus appposito validoque telo, quo possit feliciter sanè, vel cultores falsorum Numinum, vel nullius cultores Numinis aggredi, atque eodem, Christo semper duce & auspice, expugnare.

Ad hæc placuit persequi res nostrates simul & Sinicas narrando, explanando, controvertendo: Narramus enim primos conatus & industrias illorum, qui lucem Evangelicam in hæc terras intulerunt: Agimus de scientiâ gentis & morali & politica: Recensemus libros Classicos & præcipua quæque litterarum monumenta, tam vetera, quam nova, sectas item partim patrias partim externas, sed jam inquilinas, commemoramus: Philosophiam quoque naturalem, quandatenus explanamus ex *Tekim*, sive libro mutationum vetustissimo, quæ omnia perspicacibus Europæorum ingeniis discutienda relinquimus: Ad extremum copiosè disputamus cujusmodi rerum omnium principium constituerint ætatis, tum Priscæ, tum posterioris literati; qui scilicet cognoverint aliquando verum Numen, quo id nomine significarint, quamdiu hæc notitia veraque Religio viguisse censeretur. Et quamquam ex serie temporum videatur inferri probabiliter posse, eam in Sinâ perdurasse ad tempora *Ten van* tertiz Familiz *Cheu* Principis duodecimi, ducentis circiter annis ante natum *Confucium*, ante Christum vero annis ferè octingentis, nolumus tamen ex hoc statuere fundamentum certum & evidens opinionis nostræ, sed relinquimus sub iudice Europæo totam dissertationem. Sufficiat hîc nobis ostendisse, ex temporibus diluvio proximis (sive ea juxta 70. Interpretes, sive juxta vulgatam computaveris) primos Sinas habuisse veri Dei notitiam, & eam sub nomine *Xam si Supremi Imperatoris*, aut etiam *Tien* sive *cali* habuisse.

cxiv PROEMIALIS DECLARATIO.

Ad interpretem verò *Confucii*, seu Scientiæ Sinicæ quod attinet, est is *Cham Kiu Chim* oriundus è civitate *Kim lin*, quæ subest urbi *Kim cheu* Provinciæ *Hu quam*. Interpres nulli reliquorum, vel ubertate sermonis & copiâ, vel styli claritate secundus, quem proinde Imperator *Van lie* decennis, ut Tutorem & Magistrum & ut primum Imperii Ministrum adeo coluit & veneratus est, ut ægrotantem inviseret, eique potionem medicam à se paratam tanquam Magistro discipulus Imperator porrigeret. Post mortem quoque posthumo titulo *ven chum*, hoc est, *viri litteris & fide præstantis* eundem honoravit, delegans præcipuè notæ Mandarinum, qui ex aulâ, ubi obierat, defuncti corpus in patrium sepulchrum in Provin. *Hu quam* cum pompâ reduceret: Verumtamen secundo post obitum anno (qui fuit *Van lie* Imperantis duodecimus) ab æmulis graviter accusatus, ipse cum posteris dignitatibus & titulis, Imperatoris decreto exutus, fortunis etiam omnibus fisco Regio additis.

Cum verò à Senatu censeretur ad ejus memoriam penitus extinguendam, etiam libros & commentarios flammis abolendos, renuit Imperator dicens: *Non peccarunt libri; quorsum igitur adeo proficui, & innoxii pereant?* Cur autem nobis eum potissimum Interpretem præ reliquis seligere placuit, in causâ fuit, quod omnium manibus ejus commentarii terantur & præconiis maximè celebrentur: & quamvis idem recentiores inter, propè sit omnium recentissimus, minus tamen videtur tribuisse chymericis aliorum novitatibus, dignus vel ob hanc causam quem nos sequamur imprimis. Stylum verò ejusdem non rarò luxuriantem in gratiam juventutis Sinicæ, nos in Europæorum gratiam identidem castigavimus: Neque sic tamen effugere poterimus, ut autumo, censuram prolixitatis, haud injuriâ quidem carpendæ, si quidem scriberemus ista non tam in usum Missionis Sinicæ, quam ad oblectamentum Europæ fastidiosæ: quamquam neque hîc deerunt sua fastidiorum remedia ex pervetustis ipsorum libris ac monumentis hinc inde studiosè deprompta; nec non annalium gentis hujus, quos operi adjicere placuit, Chronologica & Genealogica Tabula. Vale & Deo Opt. Max. Sinam commenda, quæ, sive spectes ejus magnitudinem gentisque multitudinem, sive morum ac indolis maturitatem, & præstantia ab Authore Naturæ iis indita lumina, non indigna fortè videbitur, ad cujus conversionem & salutem æternam promovendam, tota sese impendat & superimpendat Europa.

PHILIPPUS COUPLET Societatis JESU
Sinenſis Miſſionis in Urbem Procurator.

SOLO DEO HONOR ET GLORIA.



UNIVERSITY LIBRARY

SHANGHAI



告
大
中
華



夫子 CVM FV CU sine CONFVCIVS, qui et honoris gratia 14^{to} N. CHYM NHUJ dicitur Philosophorum sinensium Princeps; Orandus fuit eo apud
 DEU Provincie XAN TVM. Patrem habuit XO LEAM HE Praefectum CEV diaconi, Matrem CHIM dicitur e prae nobili geyfamb
 tus est autem Imperatoris LIM VAM (qui fuit e tertio CHEV domo Imperiali Princeps 23) anno primo investigationis, et ante Christum 551, hic
 numeravit sex mille, quas inter amabant duo et 70, et hos inter rurem decem dilectissimi, quorum nomina notabili inscripta. Videtur in Impe
 ratoris post irruens annus et labores desperata temporum suorum et principum reformationis, migravit e vita anno est. 73 et LIM VAM Imperator
 anno 44; huius prosapia non interrupta serie propagata, hoc anno 1687, quo Nepos ordinis 68 in Natch Confucy sede cum Buoi titulo residet.
 quippe annos 2238.

A Paris. Chez Nolin Rue d. Jacques A L'Enseigne de la Place des Victoires. Avec Privilège du Roy.



PHILOSOPHORUM SINENSIIUM PRINCIPIS CONFUCII VITA

CUM FU CU, sive Confucius quem Sinenses uti Principem Philosophia sue sequuntur, & colunt, vulgari vel domestico potius nomine Kicu dicto; cognomento Chum rhi, natalem habuit sedem in Regno Lu, (quod Regnum hodie Xantum dicitur) in pago seu ye territorij Cham pim, quod ad civitatem Kio seu pertinet; hac autem civitas paret urbi Yen cheu dictae. Natus est anno 21. Imperatoris Lim vani. Fuit hic tertius & vigesimus de tertia Familia; seu domo Imperatoria, Cheu dicta, cycli 36 anno 47. Kem sio dicto; secundo item & vigesimo anno Siam cum Regis, qui ea tempestate Regnum Lu obtinebat: die 13. undecima luna Kem cu dicta, sub h. ram uctis secundam, anno ante Christi ortum 551. Mater ei fuit Chim, de Familia prenobili Yen oriunda; Pater Xo leam he, qui non solum primi ordinis Magistratu, quem gessit in Regno Sum, sed generis quoque nobilitate fuit illustris; Stirpem quippe duxit (uti Chronica Sinensium testantur, & tabula genealogica, quae annalibus inseritur, perspicue docet) ex 27. sive penultimo Imperatore Ti ye de 2. familia Xam. Porro natus est Confucius Patre jam septuagenario, quem adeo triennis infans mox amisit; sed Mater pupillo deinde superstes fuit per annos unum & viginti, conjuge in monte Tum fam Regni Lu sepulto. Puer jam sexennis prematura quadam maturitate, viro, quam puero similior, cum aequalibus nunquam visus est lustrare. Oblata edulia non ante delibabat, quam prisco ritu, qui cu teu nuncupatur, caelo venerabundus obtulisset. Annorum quindecim adulescens totum se dedere cepit priscae libris evolvendis, & rejectis iis, quae minus utilia videbantur, optima quaque

documenta selegit, primum expressurus ea suis ipse moribus, deinde aliis quoque ad imitandum propositurus. Non multo post, unâ cum Mem y çu & Nan cum kim xo ad ritus civiles addiscendos se contulit. Decimo nono aut, ut alii, 20. ætatis anno duxit uxorem, quæ unica illi fuit Kien quon xi, ex qua sequenti mox anno suscepit filium Pe yu; sed hoc deinde jam quinquagenario, cum ipse 69. annos natus esset, orbatu est, uxore tribus ante annis amissâ: Haudquaquam tamen cum filio stirps omnis extincta est, sed per nepotem çu su, qui avita laudis, ac Philosophia studiosus, avi sui libros commentatus est, & magnis in Imperio muneribus perfunctus, perpetua posterorum serie cum non vulgari tam opulentia, quam dignitate, ad hæc usque tempora perseverat.

Variis in locis Magistratum gessit Philosophus magna cum laude: curas vero huiusmodi ac dignitates, non alio scilicet studio admittebat, quam publicæ utilitatis, & ipse propaganda doctrina suæ: quæ quidem ipse si forte falli se videret, ultro scilicet Magistratu sese abdicabat. Hujus rei cum aliàs sapè, tum vero 55. ætatis suæ anno illustre testimonium dedit; cum enim in Regno Lu Mandarinum ageret (loquor hic more Lusitanorum à quibus in hoc Oriente Mandarinum vocantur, qui publicas res inter Sinas administrant) tanta legum observatio, verumque, & morum tam felice conversio trimestri spatio mox consecuta est, ut jam vicini Reges, ænuli-que invidia, metuque aliquo tenerentur, haud ignari, Respublicas non aliâ re felicius conservari, & crescere, quam disciplina, legumque observatione: finitimi ergo Regni quod cùm dicebatur Rex atque optimates tam præclatæ amulorum gubernationi structuri insidias, donis eas, ut sit, tegunt: puellas forma, canendi gratiâ, aliisque dotibus præstantes dono mittunt Regni Lu Regi. Rex ignarus insidiarum dolum munus admittit, capitur illico muliercularum gratiâ: capiuntur & procures, sic profus, ut ad trimestre totum, dum novis illis deliciis indulgeretur, negotia cessarent publicæ, & Regis adeundi via præclusa fuerit: Non tulit hoc Confucius: Renuntiat muneribus, relinquit aulam, atque ad Regna cùm, guci, & çu spon-taneus exul contendit: verum nec hi bono, quod aliis inviderant, frui poterunt: Non admittitur Philosophus, qui adeo coactus perire Regnum Chim, hinc ad extremam victus quoque penuriam redigitur: Nec multo post, dum Regnum Sum peragrat, à quodam Huon tui præpotenti viro, sed insigniter improbo non semel ad mortem conquistus est, ipse interim tot ærumnas inter, atque discrimina sui semper finit, invicto semper animo, & pro causa tam bona, vitam quoque ponere paratus: Quamquam fretus ipse rectæ factorum conscientia, presidioque celesti, rursum negabat, quemquam sibi nocere posse, siquidem esset ea virtute instructus, quæ ipsi cælo inniteretur. Ardens, atque indefessum studium divulganda per totum Imperium sanioris doctrina ad extremum usque spiritum non remisit; cum-que viri ardor patriis finibus egre contineretur, non semel de navigando mari, terrisque remotioribus adeundis cogitavit.

Discipulos numeravit 3000. ex iis omnino quingentos extitisse memorant; qui variis in Regnis Magistratus gesserint: qui pre ceteris autem virtute litterisque eminent, duos & septuaginta fuisse, quorum adeo nomina, cognomenta, & qua quisque patriâ sit oriundus, memorie proditur. Quatuor doctrina sue seu gradus, totidemque discipulorum ordines, constinebat. Supremus ordo in excolendo virtutibus animo ponebat studium; & in hoc quidem ordine primas ferebant Min çu Kien, Gen Pe Nicu, Chum cum, ac denique Yen yven charus pre omnibus Magistro discipulus, cujus immaturum funus (obiit quippe primo & trigésimo ætatis anno) continenter lugebat. Proximus ordo ratiocinandi, dicendique facultati dabat operam; hujus Principes erant çai ngo & çu cum. Tertius agebat de regimine politico & probè gerendis muneribus publicis; excellabant hic Gen yeu & Ki lu. Quarti denique & postremi ordinis labor, atque occupatio hæc erat, ut quæ ad mores spectabant, apto, venustoque stylo declararent, quod duo çu yeu, & çu hia præcipua cum laude præstabant. Atque hi quidem inter duos & septuaginta, decem erant selectiores discipuli, & flos scholæ Confucianæ. Omne studium ac doctrina Philosophi eo collimabat in primis, ut naturam ignorantia tenebris offusam, vitæque depravatam revocaret ad pristinam lucem atque integritatem, cum quâ ab ipso cælo cõditam asseribat: Ex quo deinde eluens, & æquæverum administratio, adeoque felix, & maximè pacatus Imperii status consequeretur; quod autem certius attingeretur hic scopus, volebat omnes, obsequi cælo, ipsumque timere, & colere; amare proximum sicut seipsum, vincere se, atque appetitus suos subdere rationi, necquidpiam agere, dicere, vel etiam cogitare, quod ab hac esset alienum. Porro quæ scripto verboque præcipiebat, primus ipse moribus exprimebat, ac vita, cujus rei testimonium satis luculentum præbere potest tantus tot illustrium virorum numerus, qui in disciplinam ejus se contulerunt, & eorum qui quacumque gessit, dixitque, quamvis minutissima, seu oculati testes, posteritati prodidere: ad hæc constans ille favor tot Principum, tantus tot sæculorum honor (de quo mox agemus) argumento esse potest, virtutem sane fuisse Philosopho, non meram speciem fucumque virtutis. Quid? quod nostris temporibus haud defuerint è Litteratorum ordine, qui vel amplexi jam Religionem Christianam, vel hujus integritate sanctitateque probe saltem perspiciti, non dubitanter affirmant, sperari posse Philosophum sumum, si quidem vixisset ætate nostra, primum fuisse futurum, qui ad Christi legem transivisset. Certe quemadmodum scitatores ejus tradunt, mira quadam fuit viri gravitas, & corporis animique moderatio, fides, æquitas, lenitas singularis. Severus erat ac pervigil sui ipsius observator, ac censor: Contemptor opum, bonorumque, hoc agens unum studio prorsus indefesso, ut doctrinam suam quamplurimis mortalium impertiret. Quod autem in eo vel maximè suspicimus Europæi, & in nostratibus quidem præcæ ætatis Philosophis desideramus, tanta fuit animi demissione Confucius,

ut non solum de se suisque rebus admodum modestè loqueretur, sed ultro quoque & palam argueret sese, quod nec in discendo (ut aiebat) esset impiger, nec constans in docendo, neque eâ, quâ par erat, vigilantia vitiis suorum emendationi, & studio virtutum exercitioque operam daret. Certissimum vero argumentum modesti, sincerique animi tum dedit, cum palam ingenuusque professus est doctrinam suam non esse suam, sed Priscorum, in primis Yao & Xun Regum & Legislatorum, qui ipsum mille quingentis, eoque amplius annis antecesserant. Cum itaque non deessent, qui cum sapientia natum esse opinarentur, adeoque & predicarent, peregre id ferebat, & disertè negabat, ad gradum perfectè consummataque virtutis, aut sanctitatis pervenire se posse. Dicere identidem solitus (ut à Sinenfibus traditur) Si sum, Yeu Xim gin, virum sanctum in Occidente exillere, quod ipse de quo, quoque spiritu pronuntiavit, incertum est. Hoc certum anno post (bristum yatum 65. Imperatori Mim ti (fuit is è quinta Familia Han decimus septimus) motum verbis Philosophi, magis etiam oblata sibi per somnum specie sancti ex occidente Herois; cum ipsimet ire, non esset integrum, misisse çai cum & çiu kim legatos suo nomine occasum versus, inibi virum sanctum & S. legem quesituros; qui quidem cum ad insulam quandam appulissent, quæ non procul distabat à rubro mari, non ausi longius procedere, idolum quoddam, & statuum hominis Fœ diçi (qui quingentis circiter annis ante Confucium in India floruerat) necnon execrabilem ipsius legem in hoc Imperium retulerunt: felices, æternumque de patria sua bene merituri, si pro hac peste, saluarem (bristi doctrinam, quam per eadem tempora Thomas Apostolus apud Indos propagabat, reportassent. sed enim felicitas humana, & quæ hinc nascebatur superbia gentis opulenta, potentis, & florentissime; veræ felicitati, tunc, ut opinor, aditum abstruxerat. Sinenfes ergo, cum idola jam magis magisque venerarentur, nec sine exemplo quorundam regum qui prorsus impense novam superstitionem sectati sunt, paulatim scilicet discesserunt à genuina Magistri sui doctrina, & præclaris institutis Priscorum; ac tandem in contemptum Religionis omnis, verumque Atheismum sunt prolapsi: In hunc perro litteratos & acutiores quosque cœu introduxit doctrina illius ipsius Fœ, seu Xc kia, qui rudi æulgo idololatricæ Magister extitit: Duplicem quippe perditissimus impostor iste atque Atheorum Princeps doctrinam reliquit; alteram, quæ rerum omnium principium finemque nihil esse docet, quam qui sectantur, Athei sunt & arcanam atque interiorem vocant; alteram quæ exterior dicitur, atque illius adumbratio quedam est, ad æulgi & rudiorum ferè captum & superstitionem accommodata. De Confucio tamen dubitari non potest quin ab hac, & illa peste immunis fuerit; idolorum certè cultorem fuisse, ne illi qui tanto temporis idola jam venerantur, affirmare audent: ab Atheismo verò quàm fuerit alienus, non ipse tantum, sed præca Sinarum ætas omnis in explanatione lib. Chum yum declaramus. Migravit è vita Confucius

cuius anno ætatis 73. lunâ 4. Ki cheu vulgo dictâ, anno (cui gin sio nomen) quinquagesimo nono Sinensis cycli trigésimi septimi. Erat hic annus primus & quadragesimus Imperii Kim vam, vigésimi quinti è Familia Cheu Imperatoris : quo etiam tempore Regulus Ngai cum patrum Philosophi Regnum Lu dictum, annum jam decimum sextum moderabatur. Paulò antè quàm morbo, qui supremus ei fuit, corripereetur, lugens suorum temporum perturbaciones, hunc versum cygnæâ voce concinere auditus est : Prægrandis mons (doctrinam suam intelligebat) quo decidisti : trabalis machina eversa est : sapientes, & sancti exaruerunt. Mox inde languere incipiens, septimo die ante mortem, ad discipulos suos conversus : Superiori nocte, inquit, per somnium visa mihi sunt in aula iusta fieri. Reges, quæ doceo, non observant : Ecquis horum per Imperium nostrum instituti mei sectator & cultor est? hoc unum superest, ut moriar. Hæc effatus lethargo corripitur, & cum totos septem dies dormientis instar persistisset, tandem vivere desit. Sepultus est in Lu patrio Regno (domum quippe cum discipulis suis sese contulerat) prope civitatem Kio feu, ad ripam fluminis Su in ipsa Academia sua, in qua docere consueverat, quæ hodie quidem muris, veluti civitas, cinctâ cernitur. Luxerunt inibi Magistrum suum discipuli habitu lugubri, multaque cum inedia, & lachrymis, non secus ac filii parentem ; idque per annum totum ; nec defuerunt qui ad annos omnino tres, persisterunt, cum vero sex ipsos annos, in eodem loco, luctuque persistit. Fuit admodum proceri corpore Philosophus, & si fas est Sinis credere, giganteo ; & cui lati humeri, pectusque amplum, decorem conciliabant, ac maiestatem : In ipso vertice capitis grandiusculus ei tuber erat, quare à Patre suo Kieu, id est, colliculus, cuius speciem aliquam præbebat tuber, nominatus est, quo ipso nomine vir modestus identidem quoque sese compellabat. Facies ei lata, subfuscus oris color, oculi nigri, ac præsertim, capillus niger, barba promissa, nasus simus, vox gravis, ætonitru instar, ut Sine tradunt.

Porro quantum honoris per annos bis mille eoque amplius, detulerit Magistro suo, aut potius lucubrationibus ejus & doctrina grata Sinarum posteritas, pro me loquantur quotquot Imperio toto ad dignitatei, & munia publica præsidio litterarum sunt evecti : qui omnes utique fatentur à Confucii in primis scholâ, & libris, è quibus ad gradum examinantur, opes, honores & illustre sibi nomen obvenisse. Loquantur item singulis in oppidis, urbibusque erecta viro, ac dicata gymnasia, ante quorum fores quotiescumque transennt, qui è litteratorum ordine publicos gerunt magistratus, protinus è sublimi angustaque sella, in qua more gentis gestantur, venerabundi descendunt, & passus aliquot pedites viam suam prosequuntur. Loquantur denique tituli sane honorifici, qui in iis gymnasiis, quæ modo dicebamus, cernuntur trabalibus, auratisque litteris exarati, Magno Magistro, Illustri litterarum Regi, sancto, seu (quod apud

ipſos idem eſt) eximia quadam ſapientiâ ornato, aliſque ſimilibus; quibus hunc gentis ſue Doctorem Imperatores Familiarum Han, Sui, Tam, Sum, Yven (fuit hæc Tartarorum occidentalium) tantum non ſupra laudes humanas evexerunt. Quamquam illius familia (qua hodiernam Tartarorum orientalium Cim proximè antecellit) Mim dicta Fundator veteris Regio honores deferri Confucio, in eo dumtaxat permiſſo, quo olim ſolebat memoria Sien ſu, hoc eſt, viſa functi Magiſtri celebrari; atque adeo non cum aliis muneribus, quam, quibus eos, dum viverent, diſcipuli ſui proſequi conſueverant: ad hæc in Gymnaſiis ſtatuas Confucii, aut diſcipulorum erigi vetat (neque enim, inquit, eodem ritu quo reliqui ſpiritus, aut idola, honorandi ſunt) ſed ſolas tabellas, quibus tituli & nomina ſingulorum inſcripta ſunt, mandat exponi: ſunt igitur tabellæ funebres iſta ſigna merè memorativa Magiſtrorum (& eadem eſt ratio de tabellis majorum) ne viſâ functorum de litteris bene meritum, aut parentalis familia pia memoria apud poſteros intermoretur: neque magis errori cuiſpiam gignendo tabella huiusmodi obnoxia, quam noſtræ Europæorum tabula, qua nobis viſas avorum eſſigies venuſtiſſimè depingunt, quas amicis & hoſpitibus oſtendentes hunc avum, illum Doctorem noſtrum, haud dubitanter & venerabundi quoque dicimus. Quocirca nec offendi nos oportet, licet videamus Sinas ante tabellas iſtas curvare poplitem more inter Sinas uſitatiffimo, non magis quam offendimur, ſi Europæum quempiam, dum iſ forſè ante patris aut Regis ſui eſſigiem tranſit, caput aperire videremus, quemadmodum nuper vidimus D. D. Legatos Regni Siamenſis, quotieſcumque ante imaginem MAGNI LUDOVICI tranſibant, gradum illico ſiſtere, junctiſque in altum manibus, eas cum totius corporis inclinatione demittere veluti ad pedes tanta majeſtatis: Etenim planè civiliſ ſunt honores ac ritus illi Confuciani: qui adeo non in Templo, ſanctæ ſolum (quod lege Imperatoriâ vetitum eſt) ſed in gymnaſio, qui locus tantum litteratis patet, exercentur, à litterarum facultatis præſectis, quos inter etiam ſunt Mahometani (ut de arſeopoliticis non loquar) qui nec divini aliquid hîc agnoſcunt, & ſuperſtitiones Gentilium atque idola deteſtantur. Imo ſi loquamur de litteratis idololatrya Toxico à teneris jam aſſatis (cuiusmodi ſunt infima ſortis homines) cum jam tempus appetis examinis ſubrundi ad gradum aliquem obtinendum, vel ii domeſticos ſuos penates prius conſulunt, & horum Numen & opem implorant, vel opati ſucceſſus gratiâ publica dæmoniorum fana ſupplices adeunt, nequaquam verò cogitant de adeundo gymnaſio Confucii, quem viſi Pu ſa (nomen hoc eſt idolis commune) habere aut nominare, aut ab eodem aliquid petere, aut ſperare, apud ipſos inauditum eſt & inuſitatum.

Quod vero magis confirmat ritus illos Confucianos merè eſſe politicos ex eo patet, quod non tantum in iſdem gymnaſiis tabula Confucii oblongior (quam duorum & ſeptuaginta Diſcipulorum tabella utrimque ambiunt) ſit collocata, ſed & alii Sapientes & probi (de quorum doctrina,

in gestis Magistratibus integritate & fide, multorum testimoniis authenticè probata per Praetores Provinciarum Imperatori confiteris) in album quoque & numerum discipulorum Confucii publico diplomate & favore regio usque in hodiernam diem accensetur; eorumque nomina tabellis inscripta, ibidem cum ceteris collocantur, quod equidem maximo sibi ducunt honori filii & nepotes, quando ipsi praefectos urbium cum muneribus ad gymnasium statim anni temporibus comitati, suis avis ac parentibus, tanquam de imperio optime meritis, publicam honoris significationem, genibus flexis & capite in terram inclinato coram omnibus exhiberi conspiciunt.

Una tamen extat in natali solo imago Philosophi, viva ac spiranti non modo similis, sed re ipsâ spirans, ac viva; Nepos ille videlicet, cujus ante jam meminimus; quem adeo propter avi quamvis intervallo bis mille ducentorum & amplius annorum, & octo supra 60. generationibus jam remoti memoriam, summi pariter infimique colunt, sic prorsus, ut eum, cum aulam de more adisset, Xun chi Monarchia Tartaro-Sinica conditor perhonorificè exceperit, excipiatque, qui modo imperat Cam hi Imperator. Gaudet ipse perpetuo, & hereditario cum, hoc est, ducis titulo & dignitate, raro isem privilegio, neque ullis praterquam Regii sanguinis Principibus concessio, ut Imperatori nullum vestigial pendat: ad haec quotquot singulis trienniis ad Doctoris gradum evehuntur, pignus aliquod grati animi, & quasi Minerval, quod avo non possint, nepoti persolvere consueverunt. Quod autem merito laudamus, ac suspiciamus etiam nos Europae; cum China fortuna varietatem sanè magnam sit experta, cumque tot bellorum casus, & calamitates subierit, tot ortus videris, interitusque familiarum, penes quas erat rerum summa; nunquam tamen honores quos memoravi, gratæque posteritatis erga Confucium monumenta sunt interrupta; si tamen paucos annos exceperimus, quibus tertio post saeculo quàm Philosophus obiit, çin xi hoam ti secundus è familia çin quarta Imperator, non in libros tantum, sed etiam litteratos barbarè, crudeliterque saeviit. Ceterum cum hujus morte littera mox revixerunt, & iis honorum incrementis, quae sub Tartaris quoque spectamus hodie, Confucii nomen & fama crevit.

Quis vero in hujusmodi honoribus & titulis posthumis hîc finis sit atque intentio non alibi clarius, quam ex unico, inter caetera, testimonio constabit ipsius è Mim familiâ precedenti Imperatoris ordine tertii Yum lo dicti. Hic aditurus honoris gratiâ Confucii gymnasium, decretum edidit, quod sic habet: Ego veneror Confucium Imperatorum & Regum Magistrum. Imperatores & Reges Domini sunt Populorum. Confucius autem rectam Populorum institutionem proposuit, tria illa (videlicet) vincula (quae sunt Regem inter & subditos, parentes & filios, maritum & uxorem) normam item quinque universalium virtutum (pietatis, iustitiae, prudentiae, fidelitatis, civilitatis) & Sinenfis Imperii magnam symmetriam & formam: Omnia hæc,

inquam, Confucius declaravit, ut omnia sæcula erudiret. Convenit igitur personam meam pergere ad magnum gymnasium & munera offerre vitæ functo Magistro, eo consilio & intentione, ut litteratos honorem & doctrinam magnificiam.

Intelliget ex his omnibus prudens Lector, quam non inutilis futura sit Evangelico praconi viri hujus auctoritas, siquidem ea apud hanc gentem qua Magistri sui, & litterarum suarum usque adeo studiosa est, uti quandoque possit (& vero potest) ad Christianam veritatem confirmandam; quemadmodum videmus Apostolum Gentium Poetarum Græcorum auctoritate olim apud Athenienses fuisse usum.

Unum tamen hic sollicitè cavendum nobis, posito semper ante oculos eorum exemplo, qui Missionem hanc cum singulari virtute prudentiaque fundatam nobis reliquere, ut apud Sinas admodum moderatè commendemus ac laudemus Confucium, ne testimonio nostro atque auctoritate, aestimatio hominis, doctrinæque ejus, qua jussu propè major est, immodicè prorsus augeatur, maxime apud gentem, natura sane superbam, & aliena fere præ suis contemnentem. Multo magis tamen cavendum nobis erit, ne verbo scriptorve damnemus, aut lædamus eum, quem tota gens tantoperè suspicit, ac veneratur, ne huic odiosi reddamur, non nos ipsi tantum, sed ipsemet, quem prædicamus, Christus; & dum forte contemnimus aut condemnamus eum, qui tam consentanea rationi docuit, quique vitam ac mores cum doctrina sua conformasse creditur, videamur nos Europæi, Sinis saltem, non tam cum Magistro ipsorum, quam cum ratione ipsa pugnare velle, & hujus lumen, non autem Confucii nomen extinguere.





SCIENTIÆ SINICÆ. LIBER PRIMUS.

IBER hic, Authore *Confucio*, Commentatore *sem-*
pe ejusdem secundo discipulo, publicam lucem videre
 cœpit. Estque incipientium tum ad sapientiæ, tum
 virtutis adyta quoddam quasi ostium ac primum limen. Ejus
 Argumentum triplex est; sui ipsius primum, deinde aliorum
 recta institutio ac regimen; tum denique in summo bono quies,
 atque, ut ita dicam, consistentia. Cæterum quia Author tripli-
 cem hanc doctrinam Principibus Viris, ac Magnatibus, qui
 subjectos sibi populos ac Regna moderantur, commendatam in
 primis voluit, hinc Tâ-Hiô, Magnæ Scientiæ nomen accepit.

*Nota. Latinam hujus operis versionem esse ad litteram, quæque numeris
 suis distincta, phrasi, & textui Sinico, necnon characteri (qui seorsim impri-
 metur) ordinique ad amissim respondet. In reliquis verò est explanatio in-
 terpretum, & præcipuè Cham Colai & Magistri Regii.*

f. r. p. i. §. i.

1. **M**AGNUM adeoque virorum Principum, sciendi insti-
 tutum consistit in expoliendo, seu excolendo rationa-
 nem naturam à cœlo inditam; ut scilicet hæc, ceu limpidissi-
 mum speculum, abstergis pravorum appetituum maculis, ad pristi-
 nam claritatem suam redire possit. Consistit deinde in renova-
 vando seu reparando populum, suo ipsius scilicet exemplo &
 adhortatione. Consistit demum in sistendo firmiter, seu per-
 severando in summo bono: per quod hic Interpretes intelligi
 volunt summam actionum omnium cum rectâ ratione conformita-
 tem. Atque hæc tria sunt, ad quæ reliqua hujus libri reducuntur:

A

In nullo Sinarum Vocabulario litteram hanc⁹ Sin dici, aut novitatem significare invenies; adeoque sola Interpretum auctoritas ac beneplacitum hoc ei nomen & significatum indidit. Nam proprie çin dicitur, amare parentes, propinquos, significat; quo sensu, si ç) hoc loco eam accipias, Auctoris textum adeo non vitabis, ut contra maxime Christianum effecturus sis.

p. 2. §. 1.

1. **C**OGNITO semel fine, seu in²quo-ultimo-sistere oporteat; & tecum ipse statues eundem persequi. ³determinatus & stabiliteris ubi fueris, ⁴tum ⁵deinde ⁶poteris acquiescere illi determinationi. huic ubi ⁷acquieveris, ⁸tum ⁹deinde ¹⁰poteris firmare - ¹¹animum, seu in quieta hac mentis statione ita firmus consistere, ut nihil vel prosperi vel adversi dejicere inde te valeat. ¹²firmato sic animo, ¹³tum ¹⁴deinde ¹⁵poteris meditando ¹⁶discurrere, ac dispicere clare res omnes & negotia quæ sese offerent, sanumque de illis iudicium ferre, suis singula ponderibus librando. Ubi usus hoc ¹⁷discursu perspecta penitus habueris omnia quæ occurrerint, ¹⁸tum ¹⁹deinde tuo potitus desiderio ²⁰poteris ²¹assequi eum in quo sistas finem, nimirum summam actionum tuarum omnium cum rationis dictamine conformitatem.

§. 2.

HIC paragraphus continet superiores duos, & quæ ordo in supra dictis tenendus ostendit, cum ait; ¹res (expolire scilicet suam ipsius naturam rationalem, ac renovare populum) ²habent magis-³ principale, ut arbor radicem, & minus-⁴ principale, ut arbor ramos. Postquam enim sua ipsius natura rationalis, seu animus bene expolitus & excultus fuerit, tum deinde recte institui regique poterit etiam populus; quemadmodum in arbore, postquam ipsa radix succo plena fuerit, tum deinde eundem etiam in ramos diffundet. ⁵Actiones itidem illæ quæ sunt cognoscere ubi sistendum, assequi finem, in hoc sistere, &c. ⁶Habent ⁷finem suum & ⁸principium; seu primura, à quo ordiri, & ultimum, in quo terminare oporteat. Postquam enim investigavero, adeoque cognovero eum, in quo sistendum est, finem, tum deinde potero hunc assequi, & hîc sistere. Assequi igitur, finis est, cognoscere, principium. Itaque si hunc rationi consentaneum rerum & actionum ordinem recte ⁹noveris, ¹⁰quæ scilicet ¹¹præponenda, quæ ¹²postponenda; tum ¹³enimverò reipsum & populum optime institues regesque, probe item scies, & reipsâ assequeris, in quo tandem sistas, summum bonum, adeoque quam-¹⁴proxime- accedes ad magnam illud Virorum Principum sciendi-¹⁵institutum.

§. 3.

IN præfenti paragrapho Author ab enumeratione partium docet quænam sint illa magis minusque principalia, quid prius sit, quid posterius; quid radix, quid rami, &c.¹ Prisci² volentes³ expolire⁴ naturam⁵ rationalem⁶ in⁷ Imperio, seu volentes ut totius Imperii populus haberet, quo naturam suam rationalem expoliret; ipsi prototypon futuri,⁸ prius recte⁹ administabant suum "ipforum privatum" Regnum; exemplo suo procurantes ut & subditi sui naturam rationalem bene expolirent atque excolerent; gradum hac ratione facientes à propiori, id est, Regno suo privato, ad remotius, id est, ad totum Imperium, privati quippe Regni institutio, radice instar est, ex qua felix Imperii administratio fucrescat. (*Hic adverte, Sinas binis his litteris tien hiá, id est, quod sub cælo est, passim notare Imperium suum Sinense; quasi eo uno hic terrarum orbis terminaretur, adeo scilicet, præter minora aliquot Barbarorum, ut vocant, Regna terris suis adjacentia, terrarum præterea nihil ipsi hactenus noverant, aut si forte noverant, in censum cum hoc suo Imperio venire non posse existimabant.*

"Volentes autem recte¹⁰ administrare¹¹ suum¹² Regnum seu bene instituere privati Regni sui populum; prius item recte¹³ instituere¹⁴ suam¹⁵ familiam domesticam, ut scilicet ideam haberent, juxta quam deinde bene instituerent regerentque totius Regni populum: Regni enim recte administrandi radix, magisque principale, est familia domestica recte instituta. De hujus itaque institutione prius laborandum est Principi. Rursum¹⁶ volentes recte¹⁷ instituere¹⁸ suam¹⁹ familiam domesticam²⁰ prius recte²¹ componere²² suum²³ corpus (quo nomine personam intellige) tanquam normam atque exemplum, ad quod bene deinde instituerent domesticos suos. Nam recte instituendæ familiæ radix, magisque principale, est propria persona recte composita probisque moribus excolta. Jam verò²⁴ volentes recte²⁵ componere²⁶ suum²⁷ corpus, seu externum totius personæ habitum, prius²⁸ rectificabant²⁹ suum³⁰ animum, perdomando scilicet, recteque moderando ejus affectiones & appetitus, utpote quæ animum à genuinâ suâ rectitudine avertere, ad quævis vitia inclinare ac deprimere solent; rectæ enim compositionis exterioris, sive corporis recte compositi radix, magisque principale, & quod prius procurandum, est affectionum animi & appetituum recta moderatio. Hanc igitur prius cordi habeat quisque externam personæ suæ compositionem cordi habet³¹ Volentes autem³² rectificare³³ suum³⁴ animum, prius³⁵ verificabant, seu veram, sinceram, ac ab omni fallaciâ fictioneque immunem reddebant³⁶ suam³⁷ intentionem, sive voluntatem, id est, eò usque moderabantur & perpurgabant voluntatem

suam & intentionem, quoad ab omni fūco aliena, reverâ nihil vellet, nisi quod verè honestum simul ac utile esset, reverâ nihil vellet, nisi quod turpe esset ac perniciosum. Adeoque rectificandi animi radix, magisque principale, & quod priore loco curandum est hæc intentionis nostræ veritas. Ideo auctor dicit, eum qui velit rectificare animum suum, prius in veritate solidare debere intentionem suam. Porro "volentes" verificare suam "intentionem"; "prius" perficiebant, & ad summum quem poterant apicem perducebant "suum" intellectum, seu potentiam intellectivam, ita ut nihil hæc non haberet perspectum. Adeoque consummata ejusmodi intellectus perspicacia radix est, & magis principale verificandæ intentionis nostræ, ac voluntatis in veritate solidandæ. Et hoc est, quod vult Author cum dicit, eum qui vult verificare intentionem ac voluntatem suam, prius debere perficere intellectum suum; nihil enim volitum quin præcognitum. Ad extremum hac ratione "perficere", seu ad summum apicem perducere vim intellectivam, consistit in penetrando, sive exhaustiendo res omnes, seu rerum omnium rationes. Cum autem pro rerum entiumque diversitate; diversæ item sint rationes cognoscendi, quas Philosophi cognoscibilitates appellant; & modus cognoscendi secundum eosdem sequatur, modum essendi: utique tum demum ad scientiæ seu cognitionis apicem pervenisse vis intellectiva censetur, quando rerum omnium rationes ac essentias secundum omnem cognoscibilitatem suam (quantum vires humanæ ferent) exhausterit. Atque hoc est quod Auctor dicit, perficere, seu ad apicem perducere vim intellectivam, consistere in comprehendendo, & quodammodo exhaustiendo rerum omnium rationes.

Ex his octo suprâ enumeratis, quinque postrema, nimirum, penetrare intimè res omnes, ad apicem perducere vim intellectivam, verificare intentionem, rectificare cor, rectè componere propriam personam, sunt id, in quo consistit ille nature rationalis cultus & expositio que unicuique quoad seipsam in primis cura esse debet. Rectè autem instituere familiam, rectè administrare Regnum, expolire naturam rationalem subditorum in toto Imperio, sunt id, in quo populi renovatio consistit. Quæ, qui debito & non præposterò ordine præstiterit, is demum naturam rationalem in semetipso expolitam, & in populo renovatam, adeoque summum bonum, in quo tandem sistat & conquiescat, ex magne hujus scientiæ præscripto affectum se esse experietur.

f. 2. p. 1.

NUNC Author, quò altius inculcet doctrinam suam ab infima omnium radice exorsus, uti modò gradatim quodammodo descenderat, ita vicissim per suos rursus gradus hic ascendens, rebus (inquit) omnibus intimè ² penetratis, seu exhaustis,

³tum

LIBER PRIMUS.

5

•tum 'deinde vis-'-intellectiva' consummata erit & perfecta: vi-'-intellectivâ 'consummatâ & perfectâ, 'tum'' deinde'' intentio ac voluntas'' verificabitur, id est, non errabit vel appetendo quod malum sit, vel fugiendo quod bonum: '' intentione'' verificatâ, ''tùm'' deinde'' animus'' rectificabitur, nullo pravo affectu à suâ rectitudine desciscens; '' animo'' rectificato, ''tum'' deinde etiam'' corpus bene-'' compositum erit, nihilque agat à decoro & morum probitate alienum. Propriâ-'-personâ-'-seu-'-corpore bene-'-composito, ''tum'' deinde'' familia-domestica illius exemplo bene-'- instituta erit: familiâ-'- domesticâ rectè-'- institutâ, ''tum'' deinde etiam privatum'' regnum rectè-'- administrabitur: privato'' regno sic bene-'- instituto, ''tum'' deinde totum etiam'' Imperium optimè institutum pace-'- perfruetur. Ubi verificaveris intentionem, rectificaveris cor, rectè composueris propriam personam, jam expositio naturæ rationalis obtinuerit finem suum in quo tandem sistat. Ubi denique rectè institueris domesticam familiam, Regnum tuum privatum, ac demum universum Imperium; jam renovatio populi etiam obtinuerit finem suum in quo tandem sistat. Quæ omnia Author binâ illâ gradatione repetere datâ operâ voluit, ut scilicet eos, qui Magnam hanc Scientiam addiscere statuissent, doceret, certum in his omnibus ordinem tenendum esse, quem invertere aut contrahere non liceret.

p. 2. §. I.

1. **A** 'Cæli' filio seu Imperatore, 'usque ad' plebeios 'homines' una'' omnes in rectâ-' compositione suæ ipsius'' personæ'' constituent oportet suum'' principale. Quasi dicat: tametsi diversæ sint conditiones ac status hominum, quorum alii scilicet ad sceptrum, alii ad stivam nati sunt; commune tamen omnibus, tam summis quam infimis, debet esse studium excolendæ virtutibus propriæ personæ; nam penetrare res omnes, perficere vim intellectivam, verificare intentionem, rectificare cor; omnes hæ actiones sunt propriæ personæ rectè componendæ; ad quas deinde alia illa, nimirum familiæ domesticæ, privati Regni, actorius demum Imperii recta administratio consequetur: hoc posterius non omnibus commune, adeoque minus principale; primum illud omnibus omnino, ab ipso scilicet Imperatore ad infimam usque plebem commune sit oportet, magisque principale.

Nota. *Sinas binis hisce litteris tien çu, quæ Cæli Filium significant, Imperatorem suum denotare: credunt enim etiam Sine Regna & Imperia cælitus conferri necnon auferri, ut patet ex variis Priscorum monumentis. Unde Imperatorem, asserunt, à Cælo esse dicique tien çu, id est, Cæli Filium; quia est tien hoc, id est, à Cælo seu Cælitus obtentus, peculiari scilicet privilegio.*

B

§. 2.

1. **S**uo principali (id est, propriâ personâ) 'perturbato seu neglecto, ut tamen 'secundarium, seu minus principale, id est, Familia, Regnum & Imperium rectè 'gubernetur, nequaquam fieri potest; id est, quandoquidem propria persona sit, Familia, Regni, & Imperii fundamentum ac radix; utique hæc prius rectè componenda erit; nisi fortè velis aridâ jam radice adhuc arborem in frondes ac folia virefcere. 'Id quod majoris- "momenti est, minoris-" facere; "ac "id " quod minoris- "momenti, majoris-" facere " non "est è rectâ ratione. Sensus est, tametsi viro Principi cordi & curæ esse debent subditi omninò omnes; debet tamen regiæ suæ Domui & prius & impensius vacare; quosque adco vel familiæ vel sanguinis ratio propius ei conjunxit, haud quaquam potest iis, quos conditio sua remotiores fecit, posthabere.

Atque hæc est ipsiusmet *Confucii* Sinarum Oraculi doctrina, Principum maximè Virorum institutioni accommodata; quæ in sui primùm, ac deinde in aliorum recto regimine, seu gemino cardine vertitur. In sequentibus *sem qu* ejusdem discipulus singula illa ex Magistri sui mente persequitur, priscorum Principum auctoritatibus & exemplis firmando ac illustrando.

f. 3. p. 1. §. 1.

Prima autoritas, qua, *sem-qu* utitur ad declarandam Magistri sui superiorem doctrinam de sui, aliorumque recto regimine, petitur ex vetusto libro à *vu-vâm* Filio Regis *ven-vâm* composito; in quo is patris virtutes celebrat; & *cam-xo* fratri suo exhibet. Itaque liber ille, 'cam' caò dictus (qui & pars est Chronicorum Imperii *cheu*) ait: 'potuit ille, scilicet *ven-vâm*, 'expolire suam naturam- 'rationalem.

§. 2.

Altera autoritas ex vetustiore etiam libro, *tai-kia* dicto, petitur, quem scripsit famosus ille *y-yn* Gubernator Imperii *xam*: hic enim cum videret *tai-kia* Nepotem Imperatoris *chim-tam* (conditor hic erat familiæ *xam*) degenerare ab avitis institutis, eum in sepulchrali hortò avi sui jussit ad triennium commorari. Cæterum hoc libello adhortatus eum est ad sectandas avi sui virtutes. Et verò respuit, & ab hoc eodem *y-yn* reductus deinde ad Imperium fuit; quod diu ac feliciter, tanto usus Magistro & adjutore, administravit. Itaque liber hic '*tai-kia* dictus ait: semper- 'intentos- 'habebat- 'mentis- 'suæ- 'oculos (Rex scilicet *tam*) 'huic à- 'cælo- 'datæ- 'naturæ 'rationali excolendæ.

§. 3.

Tertia demum auctoritas ex longè vetustissimo libro Regis *yaó' té-tiên* dicto, petitur, qui liber cum duobus modo citatis insertus est libro *xu-kim*. Porro sic ait: 'potuit ille (Rex scilicet *yaó'*) expolire seu excolere magnum hoc & 'sublime' donum, vel 'sublimem' virtutem, id est, naturam rationalem.

§. 4.

Omnes per se ipsi expoliverunt naturam suam rationalem. Quasi diceret; tametsi omnibus hominibus à cælo immissum ac inditum sit grande hoc & sublime naturæ rationalis donum ac lumen; plerique tamen inortalium inordinatis appetitibus suis ac vitiis i lud obnubilarunt, & imminuerunt, nonnulli etiam propemodum extinxerunt: at verò dicti Reges *yaó'*, *chim-tam*, & *vén-vám* labore suo & constantiâ potuerunt illud usque cò expolire ac illustrare, ut non modò iacturam illius nunquam deinde fecerint; sed è contrario amplissimo ejusdem splendore ac luce per universum Sinicæ Gentis orbem longè latèque radiarint.

p. 2. §. 1.

TAM Regis pelvi, in quâ lavare corpus solebat insculptæ litteræ aiebant: 'toto' die, id est, assidue, te lava & 'renova; imò "quotidie te" renova; " iterumque in "dies te" renova; Quasi dicat: Princeps qui alios gubernat, nullo non tempore in co totus sit oportet, ut pravòrum appetituum vitiorumque sordes, quas fortè contraxerat, sollicitè abluat & abstergat; sicque ad pristinam munditiem ac puritatem revertatur. Atque hæc est illa sui ipsius renovatio, quam *çem-çu* hoc loco præmittere voluit, ceu radicem ac fundamentum renovationis populi.

Cæterum observatum dignus sanè est antiquus illorum temporum mos, qui in vasis domesticis similique suppellectili (qualis hæc erat tam Regis pelvis) pulcherrima quæque virtutum documenta insculpi, aut appingi, & in intimâ quidem vasis ipsius facie, solebat; ut ea tum quoque cum vel corpus lavarent, vel cibum sumerent, semper ante oculos haberent. A priscis igitur derivatus est hodieque viget usus ille in Sini; verumtamen cum hoc discrimine, ut quas olim interiùs, modò exteriùs plerumque vel appingant, vel insculpant litteras utpote mero hodie fuco, & exteriori quadam virtutis specie contenti.

§. 2.

Supradictus Rex *vù-vám* in eodem illo suo libro 'cam' caó' ait: 'excita seu provoca, ut sese 'renovet' populum. Quasi diceret; tametsi fortè populus malè hæcenus vixerit; si tamen in posterum rectè agere velit, Princeps ei norma sit, suoque exemplo subditos ad novam melioris vitæ normam studiosè provocat: hæc enim vera est renovandi populi methodus.

§. 3.

1. **O**DA ait: familiæ 'Cheu' tametsi antiquissimum fuerit Regulorum 'Regnum,' ei tamen à cælo collatum deinde 'Imperium' inerere novum erat; quatenus scilicet merè debebatur renovationi tum Regis, tum subditorum. Nam Regnum familiæ 'Cheu' per multa sæcula (numerando scilicet ab Hên-ç'ie Regulo, per mille & amplius annos) Regulorum ditio dumtaxat fuit, & quidem limitata; quoad postremus omnium vém-vâm Regno finem, & Imperio initium dedit, per sui nimirum, suorumque renovationem.

§. 4.

ATque hæc est ratio, ait çem-ç'u, quare absolutæ virtutis Princeps nihil non agat in ordine ad suum apicem; id est, absolutæ virtutis Princeps qualicumque sui ac populi renovationi non acquiescit, sed ad apicem summi boni, (de quo egimus initio hujus libri) in quo tandem sistat, contendit.

f. 4. p. 1. §. 1.

DEclaratâ hætenus sui ipsius aliorumque renovatione, seu rectâ institutione; transit modò çem-ç'u ad declarandam tertiam partem doctrinæ Magnæ hujus Scientiæ, nimirum consistentiam in summo bono. Oda itaque ait: Regulorum 'Regia' districtum habens mille stadiorum (hoc est, centum circiter leucarum) sola est populus ubi sistat. Quasi dicat, tametsi populus per totius Regni fines latissimè dispersus habiteret, eorum tamen animi & oculi semper Regiam seu centrum suum respiciunt; utpote, in qua omnis opum ac fortunarum suarum cardo vertitur. Ita scilicet res omnes habent ubi tandem singula quiescant.

§. 2.

1. **O**DA ait: miên-mân crocea avis (à cantu suo sic dicta) sistit in montis arboribus; confiti cacumine, seu quieti suæ accommodo tutoque loco. Confucius usus hoc simili ait: Crocea avis res equidem est exigua, & rationis expers; in sistendo tamen ostendit se nosse ubi sistere sibi conveniat: & fieri ne potest ut homo rerum sublunarium Princeps & caput cum sit, tamen non ut avis sit? id est, ut ab ave superari quodâmodo se patiat? quippe qui mente ad cæcutiat, ut ignoret summum bonum, ubi sistendum sibi sit; cum tamen nec avicula ramusculum suum, in quo sistat, ignoret.

§. 3.

Postquàm superiùs §. 1. & 2. çem-ç'u ex Magistri sui doctrinâ ostendit, debere quemlibet scire apicem boni in quo sistat; docet hoc paragrapho quomodo practicè oporteat ad hunc boni apicem contendere, in eoque sistere, allatis veterum Principum exemplis, qui virtutis famâ celebriores fuere. Itaque Oda ait: ô-
quàm-

quàm profunda reconditæque virtutis erat, Rex vên-vâm! ô quàm feliciter conjunxit perpetuum illum virtutis suæ splendorem cum omnibus suis actionibus: nihil non diligentissimè observans, ut ad destinatum animo perfectionis apicem, in quo sisteret, perveniret. Cum enim (exponit *sem-su*) ad regendos feliciter subditos communis quædam erga omnes charitas præcipuam vim habeat; *ven-vam* "agens" Regem "sisteat & sese perficiebat" in hac charitate. Rursus cum præcipua subditi virtus sit honor & observantia erga Regem, *vên-vâm* "agens" subditum "sisteat" in observantiâ; hujus partes omnes fidi promptique animi constanter explens. Cum item prima & præcipua filiorum virtus ac laus consistat in obedientiâ, *vên-vâm* "agens" filium "sisteat" in obedientiâ; cujus partes omnes insigni quadam pietate, & exactissimis amantis filii obsequiis indefessum explebat. Cum verò Patris vicissim præcipua virtus sit amor erga filios ex piis visceribus profluens; *vên-vâm* "agens" patrem, "sisteat" in hoc filiorum amore; quem prodebat identidem non indulgentiâ quadam vitiosâ, sed assiduâ ad omnem virtutem institutione; quæ ad eò ad nepotes, horumque deinde filios feliciter propagata sit. Denique cum promiscuæ hominum inter se consuetudinis & societatis prima laus sit fides, *vên-vâm* cum Regni sui hominibus "agens" "sisteat" in fide; quam in verbis suis factisque inviolatam servabat.

Cum ad eò celebris sit inter Sinas Regis vên-vâm memoria, jurat hic obiter de eodem aliquid attingere. Huic *ven-vâm* pater fuit *vâm-kí*; mater *tâi-sín*, quam memorant eâ fuisse verecundiâ, ut nihil inhonesti videre vel audire sustineret; eâ modestiâ ut nihil arrogantia, nec in verbis quidem, notaretur. Pater matris pius filius *vên-vâm*, cum anno vigesimo imperantis *cheu* tyranni alio nomine *xeu-sin*, lethaliter egrotaret, & terra quintum jam diem prodigiis motibus concuteretur, tantam calamitatem cælique iram suis unius peccatis adscribebat, & tamen vir fuit tantorum virtutum, & tam illustri apud exteras nationes famâ, ut quatuor supra quadraginta Regna eidem sese ultro subjecerint. Caterum nihil aequè in hoc Principe enituit ac singularis erga omnes animi pietas; cujus unum è multis exemplum hic adduxisse sufficiat. Referunt *Sinensium Annales*, & liber, *Lie-que-chí-chuen*, quod cum fortè offendisset in campo ossa insepulta ignoti hominis, protinus ea humari jussisset; cumque esset è circumstantibus qui diceret, ignorari defuncti Dominum, ad eò non esse illius habendam rationem: at enim, inquit Rex, qui tenet Imperium, Imperii Dominus est; qui Regnum, Regni Dominus; ego igitur & hominis hujus sum Dominus; quorsum hoc ultima pietatis officium illi negem? quæ dicens regali se veste exiit, eâque involvi jubet ossa ac de more tumulari. Attoniti tanta virtutis exemplo proceres, sè, inquiunt, tanta est Principis nostri erga arida ossa pietas, quanta erit erga reliquos homines! Et

certè tanta fuit ejusdem Principis erga Senes, Viduas, ac Pauperes charitas, ut eos veluti filios singulari curâ tueretur ac sustentaret. Hujus præcipuè exemplo resistita creditur pia illa primorum Imperatorum consuetudo & lex; quæ hodieque viget in toto Sincensi Imperio; ut in singulis urbibus, civitatibus ac oppidis centum circiter pauperes senes expensis publicis sustententur. Morti proximus piissimus hic Princeps tria filio vû-vâm reliquit monita duodecim verbis seu litteris ea complexus; nimirum, cùm videris quid ex virtute factum, vide ne sis deses in ejus imitatione: Cùm tempus & occasio adest rei agenda, illâ uti ne dubites: à tollendis & extirpandis vitiis ne unquam desistas; Tribus his monitis meis tota probe restatque vita ratio continetur. Quæ postrema patris sui monita vû-vâm filius venerabundus excepit. Obiit vên-vâm anno ætatis 97. postquam novem annis partem Imperii administrasset non tamen cum titulo Imperatoris, ut qui de tribus duas duntaxat Imperii partes obtineret. A morte suâ Rex à Sinenfibus inter divos numerari cepit, hodieque numeratur, ut suo loco dicitur.

p. 2. §. 1.

REgis vên-vâm exemplo subjungit sem-qu alterius item Principis exemplum è libro carminum, ubi oda ait: aspice illius aquæ, kî dicta Sinum: viridantia ejus arundineta ô quam amœnum luxuriant sic est ornatus virtutibus Princeps noster (scilicet vû-cum Princeps Regni guéi, cui populus hoc carmine applaudebat) ceu cædens, ceu limans ossa, ceu scalpens, ceu poliens lapillos. O quam sublimis & arcanus! O quam fortis ac ferus! quam famosus! quam spectabilis! habemus ornatum virtutibus Principem; cujus in hunc usque non possumus oblivisci. Hæc declarans sem-qu ait: quod in odâ dicitur, ceu cædens, ceu limans, denotat doctrinam ac sapientiam Principis vû-cum, ut qui non contentus veterum monumenta resque præclare gestas ipse domi suæ privato studio recoluisse, ea etiam foris ac in publico cum aliis identidem conferre & communicare solitus erat, nec ante desistere aut acquiescere quam consummatus omnium imitator evasisset: haud absimilis artificii, qui è cornu vel ossibus figuram statuamve quam mente concepit efformaturus primum quidem rudiori opere incidit illa; tum deinde etiam ad limam vocat radit, scabrit, ac lævigat. Quare hanc Principis sui doctrinam studiumque extollens populus, illis usus est verbis, ceu cædens, ceu limans ac lævigans ossa. Quæ autem sequuntur nimirum, ceu scalpens, ceu poliens, significant sui ipsius actionumque suarum rectam compositionem, à qua idem populus hunc suum Principem laudabat, ut qui semetipsum jugiter ad virtutis regulam efformans, severus fuisset Cenfor & Judex, rejectis superfluis, & cupiditatibus edomitis consummatam perfectamque ab omni labe & nævo puri-

tatem vitæ sectaretur; Gemmario similis, qui postquam pretiosum lapidem quem sub manu habet jam excidit, formavit & scalpsit, mundissimè eundem extergit expolitque. Et idè oda ait; *cen scalpens, cen poliens*. Illæ verò acclamantis populi voces ô quàm "sublimis & "arcanus! O "quam fortis "ac serius! significant Principem *vñ cum* ea quæ suo illo studio è majorum monumentis & exemplis hauserat, assiduâ curâ, "circumspectione, & "cautelâ ita conservasse, ut semper attentus vigilaret, ne fortè vel torpore deficeret, vel præfidentia exorbitaret. Reliquæ duæ illæ exclamationes, quam "famosus! quàm-"spectabilis! significant ejusdem *vñ cum* "authoritatem & "exemplum, quibus populum ad venerationem & imitationem sui excitaverat. Nam quia illa interior vigilantia, ejuscum spectio, & observantia non ita latere poterant, quin exterius sese proderent; hinc eam viro reverentiam autoritatemque apud omnes conciliarunt, ut nemo non cum revereretur ac suspiceret, nemo non observaret & imitaretur. Illis denique verbis, "habemus ornatum "virtutibus "Principem, cujus in "finem "usque "non "poterimus "oblivisci; "denotatur ejusdem Principis "consummata "virtus, "summeque "perfecta, & talis ut à "populo "nunquam "possit oblivioni-"dari.

Fuit hic vñ cum Regulus Regni guéi, quod hodie est Provincia hō-nân. Princeps pius admodum ac prudens, & Priscorum Regum tam egregius imitator, ut quam illi olim, hanc & ipse apud populum posterosque suos virtutum famam sit commeritus. Hic cū nonagenario jam major esset, publico editto suos hortatus est, ut haudquaquam desinerent obæ-tis sue quamvis grandeæ, & canorum reverentiam accedere ad eum identidem ad qualibet negotia pertractanda. Quâ tam paternâ curâ populum adeò sibi devinxerat, ut quotquot censeret subditos, totidem haberet virtutum optimique regiminis sui præcones. Obiit ferè centenarius anno decimo tertio imperantis pīm vām ex terciâ familiâ cheu Imperatoris decimi tertii. Reliquit heredem filium chuam cum dictum.

f. 5 p. 2.

POST recensita dictorum Principum exempla, nunc communi quodam velut corollario omnes complexus, ex eodem carminum libro, immortalem eos apud posteros memoriam inde consecutos esse ostendit. 'Oda' ait; 'ô "quàm" priores "Reges (ut *vñ vām* & *vñ vām*) non-"sunt in-"oblivione: nam ut *sem gū* ait, in""Regibus posteris etiamnum "resplendebat "illorum (Priscorum Regum) "virtus ac probitas, " & "perseverabat etiamnum "illorum "amor ergâ stirpem suam, & cura in conservando penes eandem Imperio. Sed & ""populi item posteri, quamvis multa post sæcula, etiamnum ""gaudebant ""illorum "lætitia, seu beneficio & exemplo, conservatâ altissimâ pace; & ""fruebantur ""illorum Providentiâ &

"commodis, ob agrorum divisionem singulari cū æquitate, & insigni Reipublicæ emolumento, Præcorum curâ perfectam: hac de causâ elapsis" à morte "ipsorum etiam" sæculis omnibus "nulla eorundem erit" obliuio.

Ex his duobus paragraphis intelligi vult, quo pacto & expolienti naturam suam rationalem, & ad hujus ideam renouanti deinde populum suum, sua mox constet boni consecutio, & in ipso bono consistentis quies.

P. 2. §. 1.

Explicatâ hætenus hujus Scientiæ triplici illâ Doctrinâ, de sui, aliorumque renouatione, & quiete in summo bono, transit modò *sem çû* ad declarandum quod *Confucius* libri hujus initio dixerat; nimirum, res habere magis minusque principale. Allegans itaque ipsiusmet Magistri sui verba ait: "*Confucius*" dicebat, "audire & decidere" lites "ego possum perinde" ac alius quilibet "homo: verum quod foret" necessarium, esset "efficere ut populus, ceterique homines mutuo sese honore & amore prosequentes" abstinerent à "litibus: quod utique majoris faciendum. Quæ Magistri sui verba prosequens *sem çû* sic ait: homines quamvis "excordes ac subdolos Vir sanctus virtute suâ tam potenter cohibet, ut" non "possint, vel saltem non ausint pertextere cogitatas fraudes, atque ad" exitum "perducere suas" illas "contentiones & jurgia (vel, ut alii explicant, homines subdoli non possunt finem facere suis contentionibus) adeoque citrà omnem suppliciorum comminationem, sola illa quæ in Viro sancto elucet virtutis Majestas maximoperè "valet ad" subjiciendas sibi "populi" voluntates, & abrumpendas lites ac similitates. Atque hæc voluntatum in populo unio sublatis similitatibus, est illa, quæ hic tantoperè commendatur, populirenovatio: Id autem quo avertuntur ac tolluntur ejusmodi lites ac similitates, est suæ ipsius naturæ rationalis expolitio; quam quisquis adeptus fuerit, in avertendis aut componendis aliorum litibus non laborabit. Itaque expolitio propriæ naturæ rationalis est prius quid ac magis principale; Ideò subdit *sem-çû*, hoc "illud esse quod" dicitur "scire" principale.

Tam longè ab hac auriâ Magistri sui doctrinâ hodie absunt Sinenses, ut meritò inclamare possim Tullianum illud, ô tempora! ô mores! infinitus enim litium & litigantium in Chinâ hodie est numerus; tantumque jam invaluit horum temporum perditus mos, ut plurimos ubique locorum inuenias, qui scribendarum aut fingendarum litium mercatu vivunt. Unde mille passim fallendi fingendi ve artes quibus Tribunalia omnia plena sunt. Porro ut videat Lector quanta olim in Sinensibus Tribunalibus cautela, quantus ve in audiendis litibus rigor fuerit, en quinque Regulas Judicibus constitutas ad dignoscendum ex ipsâ exteriori specie, an lis quam
auctor

actor intendebat, *ſyncera & vera; an malitioſa & ſubreptitia eſſet.* Prima igitur obſervari jubebat verborum compoſitionem ac loquendi modum in altore morvente licet, & dicebatur, *çû-tím*, id eſt, verborum obſervatio. Secunda oris totiusque vultûs compoſitionem, & dicebatur, *ſe-tím*, id eſt, vultûs obſervatio. Tertia modum reſpirandi dum licet actor proponeret, & dicebatur *kí-tím*, id eſt, reſpirationis obſervatio. Quarta expeditas actoris aures; an ſcilicet actor à Judice interrogatus perplexè perturbatèque, vel aliena, vel ambigua reſponderet, & dicebatur, *ûlh-tím*, id eſt, aurium obſervatio. Quinta denique incertos oculorum conſpectus niſiſque, ſi quid in his ſcilicet ſubdoli minſ-ve ſynceri apparet, & dicebatur *mô-tím*, id eſt, oculorum obſervatio. Ex tot nimirum indiciiſ prîſca illa Sinarum Areopagus, quamvis occultos, animorum ſenſus ſolenter explorabat; ſed hæc hodie aut ignorantur, aut negliguntur.

§. 2.

1. **H**O C' dicitur 'ſcire magis' principale. Videtur hæc repetitio (ut Interpretes notant) otioſa ac per errorem irrepliſſe, utpote jam proximè allata.

§. 3.

1. **H**O C' dicitur 'Scientiæ' apex. Paragraphus hic mutilus eſt; nam ut Colaſ Interpres arguit, Epiphonematis, aut conſeſionis eſt inſtar, & præmiſſam aliquam, quæ jam deſideratur, ſupponit.

Ubi nota, quod non deſunt his libris ſua menda; verum quia jam olim, & ab ipſâ propè origine in prima operis exempla, vel Scriptorum vitio, vel Typographorum irreperunt; vel etiam quia verifiſimile eſt, ex communi illo Librorum incendio non ſic potuiſſe eripi, ut non ambuſti quidpiam ad poſteritatem pervenerit hæc tamen menda Sine nentiquam tollant; ſed conſtanter omnia imprimunt iis verbis, & eo ordine quem in vetuſtiſ illis codicibus & primis exemplis invenerunt; ſic tamen, ut Leſtori indicent ipſum mendum. Hoc autem faciunt tum ob antiquitatis reverentiam, tum etiam ne anſam præbeant litteratis ea pro libitu ſuo imutandi.

f. 6. p. 2.

HO C paragrapho explanat *çem çu ſenſum* ac mentem Magiſtri ſui in eo quod ſuprà f. 1. p. 2. §. 3. & mox iterum f. 2. p. 1. §. 1. dixerat de veritate & ſynceritate intentionis ac voluntatis. 'Quod Confucius (inquit) ſuprà dixerat, ſcilicet, verificare ſeu depurare ab omni fuco & fallaciâ ſuam voluntatem, eſſe non ſemetipſum decipere; id eſt ſyncerè averſari quæ mala ſunt & vitioſa, ſic ut averſatur quis "fœtida; & ſyncerè affici & gaudere iis quæ bonæ ſunt & honeſta, ſicut "gaudet quis & delectatur "ſpecioſis pulchriſque "viſu. "Hujusmodi "dicitur "ſibi "ſatiſfaciens, ſeu ſe ipſo contentus :

utpote qui perspectum jam habens quid bonum, quid malum sit, hoc quidem aversetur ex animo, illud ex animo prosequatur. "Ideò" perfectus "vir tam" serio "attendit & invigilat" suo "interiori, seu cogitationibus animique moribus omnibus ne quid horum ipsum lateat, aut fictio aliqua incauto subrepat.

f. 7. p. 1. §. 1.

Prosequitur hic *sem-gu* superioris paragraphi doctrinam, & probat à contrario, adducens exemplum simulatoris & improbi. Ait itaque; "improbus cum" solus ac sine arbitris "degit, facit" improba; nec "est malum aliquod ad quod" non "pertingat. Ubi verò" conspexerit "probum aliquem" virum; "tum" deinde "fictè se se" componens "velat & occulit" suam "improbam", "&" simulat "se" probum. Verum "homines probi" perspiciunt & cognoscunt "ipsum intimè & in cute, ut aiunt; ac" si oculis "viderent ipsa" ejus intima "viscera eodem" planè "modo. Itaque" quid "proficit suâ illâ simulatione?" Hoc nimirum est quod vulgò "dicitur, quod quis revera" est, "in" interiori, hoc "apparet" in "exteriori." Ideò "perfectus" vir tam "serio" attendit "suo" interiori; ut scilicet verâ sincerâque mente & intentione in omnibus procedat.

§. 2.

AD uberiùs declaranda quæ dicta sunt, unus discipulorum *Confucii* hîc adducit axioma, quod à Magistro suo identidem audiverat. "sem-gu" itaque assidue "dicere solitus erat: decem, seu multi" oculi "quod" vident, "&" decem "manus" quod digito "monstrant, ab" eo "quam" timendum! vel (ut alii explicant) veluti si esses decem oculis observatus, & decem manibus monstratus, sic cautè vivas. Quasi diceret; circa interiorem animi plerique hominum passim torpent & socordes sunt; nam quia ea, quæ animus in interiori pertractat; recondita adeò esse existimant, ut nullo sui indicio innotescere exteriùs posse sibi vanè persuadeant; hinc fit, ut neglectâ illâ interiori curâ, & laxatis appetituum habenis in nulum non scelus præcipientes ruant; ignari scilicet, suam ipsorum conscientiam mille testium esse instar; & res item omnes suo se vestigio prodere; nec esse quidpiam tam occultum quin aliquando se prodât ac reveletur. Certè uti qui defert aromata, quamvis ea studiosè occultat, fragrantia tamen ipsâ proditur; & cum qui purulento carcinomate laborat, sua vel invitum prodit graveolentia; ita nec virtus diu latere potest, nec vitium; quamvis maximè latere velis; nec ullæ fingendi simulandi-ve artes tibi proderunt.

p. 2.

Exposita jam virtutis necessitate, eandem à decoro & utili commendat hîc *sem-gu* dicens "divitiarum ornant" domum; "virtus" ornat "personam. Quasi dicat; sicut is, cui opum divitiarumque

domi est affatim, plerumque in ipsa recta & parietes eas redundare facit; & quod auri & argenti intus abundè habet, in exteriore totius domûs suppellectili & apparatu ostendit: sic virtus, in cujus animo hospitatur, illicò in totam personam seu, exteriorem etiam totius corporis habitum redundat; & quod reverà est intus, apparere facit exterius. Hinc enim est, quod homo virtute præditus, quia interiùs nihil habet de quo ipsum animus remordeat, dilatari corde se sentiat, & altâ quadam pace, tranquillitate, ac gustu ita demulceri interiùs, ut eadem etiam in corpus redundant, illudque velut dilatent ac impleant; quæ est mens verborum illorum: *"corde lato & amplo, etiam corpus" dilatatur* ac proficit. Verumtamen quia virtus ista, quæ sic corpus ornat & afficit à synceritate ac veritate voluntatis nostræ proficiscitur ac dependet; "propterea virtutis" studiosus omni "studio" perficit "suam" intentionem seu voluntatem.

Et hæcenus quidem de recto intellectu & voluntatis usu, penes quæ supremum est interioris hominis dominium.

f. 8. p. 1. §. 1.

NUNC autem docet *semper* rectam exterioris hominis compositionem consistere in rectâ interioris hominis, seu cordis compositione; & huic quidem illam famulari debere uti Dominæ; & ab hac, si quando exorbitet aut repugnet, fræno rationis cohiberi ac domari. Hanc itaque animi rectitudinem, & hoc cordis dominium à Magistro suo tantoperè commendatum declaraturus *semper* ait: "quod suprà dicebatur, recte componere suum corpus, sive, rectam sui ipsius compositionem consistere in rectificando suum animum, sic intellige: siquidem animus est totius corporis Rector ac Dominus; exerrante illo à suâ rectitudine, profectò non poterit hoc esse compositum; consistit autem illius rectitudo in eo quod quacunque suarum affectionum ac motuum insurgente & sollicitante, ipse vel omninò nihil, vel saltem non plus debito, ac citrà rationis præscriptum moveri se sinat; sed semper sibi similis, rectusque in medio persistat. Nam si animus noster "habeat ob" quod v. g. "irascatur immoderatè; id est, irascatur cum non oportet, aut plusquam oportet; "certè" nondum "obtinuit" suam rectitudinem. Sic si "habeat" quod item inordinatè (uti de ira dictum est) ac immodicè "timeat, "profectò" nondum "obtinuit" suam rectitudinem. Si "habeat" quo inordinatè immoderatèque "gaudeat, "profectò" nondum "obtinuit" suam rectitudinem. Si denique "habeat ob" quod inordinatè "tristetur, "profectò" necdum "obtinuit" suam rectitudinem.

§. 2.

Prosequitur *sem-qu* præcedentis paragraphi argumentum hîc à consequentibus docens, ubi animus passionum vi de statione suâ dominioque semel dejectus ac velut extrâ se abductus sibi non constiterit, consequenter corpus, totumque exteriorem hominem mortui instar esse, & nequaquam officio suo rectè fungi posse. Ait enim: si cujus animus pravarum affectionum impetu abreptus non constet sibi; tametsi apertis oculis aspiciat, est tamen velut non videns; tametsi patentibus auribus audiat, est tamen velut non audiens & intelligens, tametsi patulo ore cibum capiet, tamen non percipit, nec dignoscit ejus saporem; adeoque est velut non comedens. Nam quia & oculos videre, & aures audire, & os manducare, &c. omnes sunt exterioris hominis seu corporis functiones, id verò, quo organa illa functiones ejusmodi rectè vel malè præstant, est animus; utique hoc non constante sibi, etiam illa officio suo rectè fungi non poterunt.

§. 3.

Conclusio hæc est, quam præcedentibus duobus paragraphis, seu duabus præmissis, consequentiæ loco subjungit *sem-qu*, dicens: hoc igitur est quod suprà dicebatur componere corpus, seu exteriorem totius personæ habitum, consistere in rectitudine sui animi.

p. 2. §. 1.

Explicata interioris hominis, seu animi rectitudine, ad rectam corporis, sive propriæ personæ, compositionem tam necessaria: transit modo *sem-qu* ad declarandam hanc ipsam personæ propriæ compositionem, ejusque necessitatem; utpote à qua omnis domesticæ familiæ recta institutio dependeat. Ait itaque: quod suprà dicebatur, rectè instituendæ propriæ familiæ rationem consistere in rectè componendo propriam personam, sic accipe: Radix & fundamentum totius meæ, v. g. domesticæ familiæ, est mea unius propria persona: hæc autem quia pro diversâ singulorum, quibuscum agit, qualitate & exigentiâ, diversimodè jam erga singulos affici solet; amore erga alios; erga alios odio; hos parvi, illos magni faciendo, &c. difficile utique est, medium in his ita tenere, ut neque suprà, neque infrâ exigentiâ quidquam fiat; plerumque enim nimia affectuum indulgentiâ abrepti mortales, vel plus, vel minus, quàm par est, amant vel oderunt, verentur vel contemnunt, venerantur vel aspernantur, &c; adeoque neglecto hujusmodi affectionum moderamine, æquitate, rectitudine, ac mensurâ, ipsorum quidem animus velut incurvatus rectitudinem suam, corpus verò personæque propria rectam sui compositionem deperdit. Sic enim v. g. homines in illis quos propinquitatis amore diligunt, mox à recto

à recto "defleſcunt dum plus, vel minus, quam par eſt, diligunt; Pàrentes enim ac propinqui diligendi quidẽ ſunt; Si tamen Patrem delinquere in aliquo contigerit, monendus à filio de delicto eſt: Sed & ſi filius peccaverit, corripiendus à Patre eſt & docendus: quod ſi horum alteruter non quò recta ratio, ſed quò ſanguis & affectus trahunt, inclinet, illius utique amor non rectus, ſed curvus quodammodo eſt, quia à rectæ rationis regulâ deſciſcens. Sic etiam homines "in "illis, "quos "vilipendunt aut "oderunt, "item à recto "defleſcunt. Nam tametſi viles, v. g. & nauci homines vilipendere, eiſque etiam indignari & ſuccenſere quandoque conveniat; ſi tamen etiam habeant quod æſtimationem laudemque aliquam mereatur, abjiciendi prorsus non ſunt; ſi bonæ institutionis adhuc capaces ſunt, penitus reprobare eos non convenit. Quare ſi quis affectioni ſuæ indulgens, eos uſque & uſque ita aſpernetur & oderit, ut nullum benignitati, ac manſuetudini locum relinquat ejus contemptus & odium, non recta ſed curva item, & à recta ratione aliena ſunt. "In "illis quoque "quos homines "timent & "venerantur, paſſim "item à recto "declinant; tametſi enim vereri ac revereri v. g. Majores, Superioresque oporteat; intrà tamen rectæ rationis menſuram præſtare id convenit; quam qui exceſſerit, ejus metus ac reverentia jam item non recta, ſed curva erunt & vitioſa. Similiter homines "in "illis, "quos "miferantur, plerumque "item à recto "defleſcunt; tametſi enim condolere dolentibus, afflictoſque miferari omnino æquum ſit & conveniens, ſi quis tamen ultrà, quàm recta ratio admittat, id præſtet, ejus commiſeratio jam non recta ſed curva item eſt ac vitioſa. Homines denique "in "illis etiam, "quos "humiliùs tractant, "item à recto "declinant, nam tametſi vulgares infimæque fortis homines humiliùs quandoque minùsque officioſè tractari citrà vitium poſſint; id tamen juxtà rectæ rationis regulam & menſuram fieri par eſt, quam qui negligit, & ejuſmodi plebeios homines cò uſque deſpicatur, ut ne quidem in aſpectum admittat, ejus gravitas non recta utique, ſed curva item eſt & vitioſa: "propterea qui "ament alios "ſimulque "noverint nec diſſimulent "eorumdem "vitia, vel contrà "averſentur "ſimulque "noverint & obſervent "eorumdem "bona, "in "orbe "rari ſunt.

§. 2.

1. **H**INC proverbium datur, quod ait: 'homines amore cæci non agnoſcunt nec vident ſuorum filiorum vitia; & ſaſcinante eos avaritiâ non norunt ſui proprii agri fertilitatem.

Concludit superiora *gem-gu*: hoc illud est, inquit, quod supra dicebatur suâ ipsius personâ non rectè compositâ, non posse item rectè ordinari suam familiam domesticam: quia nimirum quandiu meæ ipsius, qui familiæ sum caput, affectiones à rectâ rationis regulâ defleunt, necesse est & res omnes actionesque meas perturbatè item procedere; adeoque, si velim, ut domestici mei seu parvi seu magni omnes rationem ducem ita sequantur, ut in nullo ab eadem discedant, meo utique ipsius exemplo primum ad id opus est, ad quod tota deinde domus sese rectè componat.

A Rectâ compositione propriæ personæ, gradum nunc facit *gem-gu* ad bonam propriæ familiæ institutionem; dum quod supra *Confucius* dixerat, ad bene administrandum Regnum, necessariam prius esse bonam institutionem suæ domûs aulæve domesticæ; ita ostendit: Propria domus, seu aula, est Regni totius velut radix ac basis, ut quis igitur propriam familiam non valens exemplo suo benè instituere (utpote malè ipse à virtute instructus indomitique suis affectionibus depravatus) & tamen possit rectè instituere ac docere reliquos Regni homines, nequam fieri potest. Propterea bonus Princeps in propriam personam virtutibus excolendam incumbat totus, si quidem velit juxta eandem, totam item aulam suam domesticam probè instituere; suo scilicet unius exemplo efficiens, ut pater, filii, fratres & conjuges suo singulari munere, ut par est, fungantur: Sic enim illud tandem consequetur, ut ipse, etiam non exiens domo suâ, virtutis tamen prototypon fiat & exemplar totius Regni populo; exemplo scilicet suo domestico propagans & perficiens bonam institutionem in toto Regno. Horum porro ratio illa est, quod tametsi diversæ inter se res sint aula domestica & Regnum; communis tamen utrique simillimaque sit œconomix ac regiminis ratio. Sic enim v. g. observantem & obsequentem esse Patrifilias, obedientia dicitur; atque ut domui suus est Paterfamilias, sic Regno suus est Princeps: eadem itaque illa obedientia est qua serviendum etiam Regi à subditis. Sic item amare & colere se invicem fratres natu majores, fraterna dicitur observantia: Porro quod domi privatæ fratres natu majores sunt, hoc in Regno sunt seniores, Ministrique Regii. Eadem itaque illa fraterna observantia est quæ colendi Regni Majores. Sic denique fovere domi suæ benignèque habere pusillos ac imbecilles, dicitur pietas sive benignitas; atqui in Regno populus plebsque infima idem planè est, quod domi illa pusillorum imbecilliumque turba, eadem itaque illa benignitas est qua tractandus Regni populus. Atque hæc tria, obedientia sci-

licet ergà parentes, *observantiâ* erga fratres natu majores, & *benignitas* ergà pufillos, sunt illa recta sui ipsius compositio in perfecto Principe; qua primùm quidem domesticam suam familiam optimè instituit, ac deinde ad ejusdem exemplum totum item Regnum suum componit, perfectâ scilicet subditorum erga Regem obedientiâ, inferiorum ergà Majores subjectione & oblerantiâ, ipsius demum Regis Regionumque Ministrorum erga populum infimamque plebem benignitate & clementiâ.

§. 3.

UT suprà memoratos illos filialis obedientiæ, fraternæ observantiæ, benignitatisque paternæ, clementiæque affectus, hominibus innatos ac proprios, & non operoso aliquo studio comparatos esse ostendat *gem-çû*, comparatione utitur ex libro *xu-kim* desumpta, dicens: '*cam' cío*' ait: Rex bonus populum suum amat & complectitur, '*ccu* Mater amantissimè '*stringit* '*nudum* recensque natum '*filiolum* suum. Quæ verba assumens *gem-çû* ita prosequitur; recens natus infans, ut & loquelæ impos, ita animi sui sensa & desideria voce aut sermone ipse exponere non valet. Porro Mater ut est filii amantissima, sic '*animitus* & ex intimis præcordiis "*inquiri*, mentemque suam omnem intendit in percipienda filioli desideria: quæ "*tametfi* "*non usquequaque* "*assequatur*, tamen "*non longe* "*aberrat*: Norunt enim Matres magistrâ naturâ absque alio studio affectus percipere filiorum. Unde "*non* "*fuit unquam ulla mulier quæ aliunde priùs* "*addisceret rationem* "*educandi enutriendique* "*liberos* "*ac* "*deinde ipsa* "*nuberet*. Quâ comparatione, ut dixi, *gem-çû* innuit, etiam supradictas illas tres virtutes bono Principi debere esse spontaneas & quasi nativas, minimè autem violentas aut simulatas. Ac nosse unde ordiri illas, & quousque extendere oporteat, est quod suprà dictum fuit, non exire domo suâ, & tamen rectam in virtute institutionem toto larè Regno ostendere.

p. 2. §. 1.

HOC parographo jam declarat *gem-çû* quod paulo supra dixerat, nimirum, perfectum Principem tamerfi Palatio suo non exeat, tamen optimè instituere totum Regnum. Sic itaque ait '*unica* '*domus* sive Aula Regis domestica si '*pia* sit amoremque mutuum inter domesticos foveat, illicò exemplo tamâque illius '*toto* '*Regno* '*consurget* & *florabit* '*pietas* benevolentiaque mutua. '*Unâ* Regis '*familiâ* civilitatem "*colente*, "*totum* brevi "*Regnum* "*erigetur* ad eandem "*civilitatem*: contrâ si '*unica* Regis "*persona*, nec pia, nec civilis, sed "*cupida* sit turpis '*lucris*, "*totum* brevi "*regnum* ejusdem exemplo depravatum, "*perturbabitur*: "*horum* quippe "*mutua* "*ratio* ac nexus est "*huiusmodi*, juxta vulgare illud, qualis Rex talis grex. Et "*hoc* est quod olim "*dicebatur*, "*unum* aliquod "*ver-*

bum temerarium "perdit magna" negotia, uti & "una probi Regis
"persona firmat" stabilitque "Regnum universum.

§. 2.

Presens hic paragraphus ab exemplo jam ostendit, quàm reve-
rà arctus & individuus sit inter Regis exemplum & populi imi-
tationem nexus; & quoniam contraria juxtà se posita magis eluces-
cunt, duobus optimis Regibus duos pessimos opponit. Ait itaque,
"Yao & 'Xün" rexerunt "imperium" pietate & clementiâ " & "popu-
lus secutus" est "illos. Contrà, duo illi pessimi Reges "Kie & "Chên
"rexerunt "Imperium" crudelitate ac tyrannide, " & "populus item
secutus" est "ipsos, imitando illorum improbitatem & scelera.
Quod si quandoque "ea, "quæ publicis Edictis ejusmodi Reges
"mandaverant, "contraria" erant" iis "quæ ipsi amabant" agere,
"tum" populus "non" obsequabatur, quia scilicet videbant, ipsos
alia foris præcipere, & alia domi suæ agere." Hac de "causâ" pro-
bus "Rex priùs habet-" virtutem "in" semetipso, ac "tum" deinde
eamdem rectè "exigit" ab "aliis, & priùs irreprehensus ac sine-
"vitio" in "semetipso, "tum" deinde rectè illud "reprehendit" in
"aliis: quod verè est, ex se metiri alios, & virtutem, quâ prior ipse
plenus sis, in alios diffundere: Ubi enim virtus tuo ipsius exemplo
ac famâ ad alios semel dimanaverit, tum enimverò his excitatus
populus imitari se volet & sequi; tu verò tum demùm docere illum
optimisque legibus instituere efficaciter poteris; secus operam per-
des. Nam ut "qui virtutis inops, vitiisque obnoxius" delitescit "in
suâ-" ipsius "personâ, "nec boni aliquid ipse habet quod propaget" ex-
teriùs, "tamen" possit "docere ritque instituere" alios, omnino "non
potest" esse; nam sibi qui nequam, cui bonus esse potest?

*Injurius Lectori effem, nisi hoc loco, quo prima horum quatuor Impera-
torum facta est mentio, pauca saltem ex plurimis quæ de ipsis per omnes
passim Sinarum Libros sparsa occurrunt, referrem. Primas demus ei, qui
hic primus occurrit, Yao Sinensium Imperatorum maximè celebris, unâ
& Legislator: Hic Patre Tí-co Imperatore, & Matre Kim tu,
dictâ ejusdem Reginâ decimo quarto à conceptu mensè natus. Imperii
gubernacula suscepit anno ante Christum 2357. quod quidem universum per
annos 100. feliciter tenuit; & per postremis quinquaginta aded pacificè
rexit, ut subditi, an regeret, necne, nescirent. Hinc tantam apud omnes,
non tantum subditos, sed & posteros, virtutum suarum famam reliquit,
ut quæ de ipso Sinensium Annales perhibent, non sine auxesi aut hyperbole
dicta videantur; pietate enim cælo, prudentiâ sapientiâque spiritibus,
oris cultusque majestate soli penè parem fecere. Certum est fuisse Principem
omnibus naturæ dotibus instructissimum; divitem sine elatione; nobilem sine
insolentiâ; honestum syncerumque sine fitione. Vulgare humileque tectum
erat ei Palatium; vestitus simplex, nec acupictus; cibus frugalissimè condi-*

mento

mento; vasa stilia rejectis curiosis & peregrinis; stramen cubile erat; Rhedam non elaboratam, minimeque curiosam aut pictam Equi albi trahabant. Musica Tá cham dicta gravis erat, pia & modesta; nam turpes cantilenas oderat. Totus in eo, ut Cælo serviret, & egentioribus subveniret: Hinc illa ipsius voces: Fames populi mei, mea est; peccatum populi mei, meum item est. Quo adeo subditorum voluntates sibi devinxerat, ut ei non jam metu pæna, aut spe præmii, sed gratuitis omnino animis velut Patri ac Matri parerent. Hinc illi defuncto iuxta per triennium per soluta ab omni populo veluti Patri ac Matri, ut in lib. Xu kim 1. fol. 16. refertur; tantoque ejus desiderio tenebantur omnes, quanto nubis roscida in siccitate. Doctrinam Tá-hio, & Chum-yûm primus dicitur exemplo suo instituisse, factus ipse omnium posterorum sequentiumque Imperatorum prototypum & exemplar. Aulam habuit in urbe Pim yâm-fû totius Provincia Xan-si celeberrimam. Anno regiminis sui secundo supra septuagesimum elegit in præcipuum Imperii per octo & viginti annos collegam, ac deinde successorem Xún, motus scilicet famâ obedientia ejus erga parentes, & ut ætiori vinculo eum sibi adstringeret duas è filiabus suis in matrimonium ei dedit. Cumque audisset, filium suum Tan chu malè habere, eò quòd excludi se videret à successione in Imperium, respondit: Malo uni malè esse, ut benè sit toti populo, quàm populo malè esse & uni filio benè. Tandem plenus dierum obiit anno ætatis sue supra centesimum decimo octavo; sepultusque est in Provinciâ Xan-tum.

Xún, alio nomine Yû, suo decessori per omnia similis eadem felicitatè rexit Imperium Sinense; & quia omnibus autem faciliè dabat, omnium animis mirâ facilitate imperabat. Sapientum consortio adeò delectabatur, ut eos conquiri undique, & magnis quandoque expensis voluerit. Musicam non minùs quàm antecessor suus, coluit. Nec Regie Majestati indecens judicavis pulsare, quinque, octo, & viginti quinque fidium instrumenta, Kin appellata, quin imò & canebat ipse idemdem versum, usque hodie decantatum, de venti australis in ditando populo suo; terrisque fecundandis benignitate. Ex quo videas licet quàm alta illo Imperante pax extiterit, quantaque felicitate Sinense tunc Imperium abundaverit, quantisque incrementis in dies profecerit. Certè Annalium testimonio constat quàm plurima Barbarorum Regna & Populos tam fortunati Principis famâ commotos illi sese ultro subjecisse. Quam ejus felicitatem aquila per totum Imperium volitans, & nova item stella sub eodem visa designarunt; que tam felicia omnia Populus gloriabatur, à Xám-ti, hoc est, Supremo cæli Imperatore descendere, Regem hunc suum tot favoribus prosequente. De centum & decem quibus vixit annis, unum supra sexaginta felicissimè regnavit; rejectoque filio Xam-kium, virtutem sanguini anteposuit, dum magnum illum Yû in successorem elegit.

Ceterum quantum desiderii ac laudis Yab & Xún Legislatores, tan-

tum execrationis & vituperii apud omnem retrò posteritatem commerisi fuere dno illi alii Kie & Chéu, gemina crudelitatis & libidinis monstra.

Kie, qui & Li-quèi alio nomine dicebatur, Patre Tí-fa genitus, anno ante Christum 1818 regnare cepit, decimus-septimus & postremus Imperator prima familia Imperatorie Hiá dictæ, quæ jam inde à Cùm-kia decimo quarto Imperatore ejusdem familia ruinam minari cœperat. Iis erat corporis viribus, ut ferrum manu diffingeret. Mortuo Patre, anno imperii sui decimo nono tyrannide & crudelitate divexare populum cepit & decimo quarto post anno, qui fuit imperii ipsius trigessimus tertius; pellicem insuper duxit Muí hi dictam, cujus nutui in omnibus infami sane servitute parebat. Monitus à suis, non solum non respicit, sed & benè monentes spornens per summam ingratitude & crudelitatem neci dabat, dicere solitus, se habere imperium, ut Cælum solem, ac proinde tùm deum se desitutum, cùm Sol desineret. Turrem ex Jaspide extruxit expensis populi. Lacus integros vino implevit quò tria hominum millia dato signo sese ingurgitare jubebantur. His atque aliis sexcentis ejusmodi crudelitatum, luxûs, libidinumque turpitudinibus diu insanientem, cælum non uno prodigio monuit respicientia: anno enim ejus imperii quinquagesimo stella palàm visa è cælo decidere, terra insolitis motibus horrendum concuti, exsiccare flumina, & montis Tái-xan pars magna terra motu concidere. Cùmque tot prodigiis minis-ve necdum saperet, eodem anno à Chim-tam (qui inter Regulos piis Præscorum legibus & aritis institutis impensius insistebat) Regno ejectus, fugit in locum Nàn-chaò dictum, ubi triennio post exul obiit anno imperii 52. & cum ipso simul expiravit familia Hiá, quæ annos 458. duraverat.

Chéu, alio nomine Xeù-sin, Patre Tí-ye, ex Matre tum creatâ Reginâ terciò-genitus (nam natu majores dno ex eadem quidem matre, sed adhuc pellice seu concubinâ nati jure Regni à successione excludebantur) Anno ante Christum 1154. imperare cepit; fuitque vigesimus octavus & postremus secunda familia Imperatoris Xam, vel Yn dictæ. Omnibus nature & ingenii dotibus ac talentis præ cæteris omnibus instructus. Eo pollebat corporis robore ut feras manibus discerperet: at luxu, libidinibus, & ebrietatibus talenta tam præclara prorsus extinxit. Non sacrificabat Xam-tí, seu supremo cælorum Imperatori neque aliis, nec spiritibus; nam blasphemè passim jactabat, se habere Tien-hiá seu orbem totum infra pedes. Octavo Imperii anno nactus pellicem Tan-kì, omnia pro hujus libidine administrabat. Turres & Palatia sumptuosa populi impensis extruebat peregrinis quibusvis ac sylvestribus feris alendis. Vini lacum aperuit, in quem viri mixtim ac mulieres deposito cum vestibus pudore sese immergerent. Crudele supplicii genus, Pao-lo dictum, eadem pellice inventrice & auctrice, instituit: Erat autem illud columna anea, latitudinis octo, longitudinis viginti cubitorum, interius cava tota, &

tribus distincta orificiis, uno scilicet infra, altero in medio, alio denique in parte ejus superiore; quibus velut ternis receptaculis immixtus ignis multiplicata urendi vi molem illam tanto citius vehementiusque candefaceret: huic columna, etiam leviorum criminum reus, ferreis catenis strictissime alligatus, eo situ pendebat, ut pedibus manibusque eam veluti amplexaretur; atque ita incandescente paulatim machinâ torrebatur & assabatur miser velut in sartagine horrendum vociferans ac ejulans, donec diffuente nudique carne, nervis & adipo, ipsa etiam ossa carbonis instar incandescerent, ac tandem in cineres abiret totus; vidente adhec, ceu grata & amena oculis suis spectacula Pellice Tan-xi, & nihil minus quam miserorum ejulatus miserante. Tantam Regis Pellicisque libidinem ac tyrannidem, sametsi qui à consiliis erant, non semel notarent, & ad frugem reducere vesanum niterentur; adeò tamen nihil proficere, ut surdo ad omnia, imò amplius furente ac fremente Rege, horum alii nuci darentur, alii lasebris sese abderent, alii demùm etiam amenciam simulantes in sylvas & ferarum latibula se proriperent.

Tandem à Vù-vàm inter Regulos precipuo, in prelio victus ad Turrim confugit, ubi spe omni evadendi amissa, ipse se cum omni suppellectili Regiâ incendit, ne vivus in hostium suorum manus deveniret; idque anno imperii sui 32. Et cum ipso simul finem accepit familia Xam postquam annos 644. durasset.

§. 10. p. 1. §. 1.

Claudit his *gem-çû* suprà factum discursum de individuo nexu; qui inter domesticæ familiæ institutionem & rectam Regni administrationem intercedit, & postquam eundem ab exemplo satis confirmavit, sic tandem infert; itaque recta gubernatio Regni consistit in recte instituendo suam familiam aulamque domesticam.

§. 2.

Postquam superiorem ratiocinationem de rectâ familiæ Regni-que institutione jam clausisset *gem-çû*, ad uberiorem ejusdem argumenti declarationem, nonnulla item ex Odarum libris mutuatus, hic, ceu appendicem superaddit his verbis: 'carmen' ait: malus perfica cum ineunte vere ô quàm pulchra! ô quàm bella! ejus folia ô quàm florida! ô quàm amœna! Talis est sponsa seu recens nupta cum transit in domum sponſi, ubi quod convenit præstat suis domesticis, singulis quod suum est tribuens, mariti scilicet parentibus observantiam, pacem cognatis, marito obedientiam, benevolentiam inferioribus & curam; ex quo illud vicissim consequitur, ut omnes ac singuli ejus domestici tam erga ipsam, quam ad invicem debitè item sese habeant; adeoque domus tota ejus unius exemplo benè ordinata sit & composita. Postrema loci hujus verba excipiens *gem-çû* eadem Regi applicat dicendo;

ita & Rex familiam aulam-ve suam domesticam exemplo suo sic instituat, ut in eâ omnes ac singuli quod sui est muneris vicissim præstent; sic enim ubi Rex quæ "par" est "præstiterit prius" suis "domesticis," tum "deinde" poterit "docere sancteque instituere etiam" Regni totius "populum."

§. 3.

Alterius Oda hic locus est eidem proposito serviens, ubi 'Oda sic ait: frater minor quæ "par" est "præstet" majori; & frater major quæ "par" est "præstet" minori. Quod non ita ad uterque nos dumtaxat fratres restringendum est, ut non æquè inter alios locum habeat. Nam in unâ aliquâ integrâ familiâ domesticâ quicumque aut ætate aut conditione nobis majores, fratrum majorum loco habendi nobis sunt; atque ut tales omni reverentiâ & obsequio demerendi; tunc enim & ipsi vicissim nos veluti minores fratres suos & amabunt & fovebunt. Atque hoc est, quod Oda ait, frater minor quæ par est præstet majori. Sic item qui vel ætate, vel conditione inferiores nobis sunt, diligendi à nobis & fovendi sunt ut nati minores fratres; & ipsi procul dubio vicissim nos veluti fratres suos majores & honore & obsequio prosequantur; quod est, ut Oda ait, fratrem majorem quæ par est præstare minori. *gem-gu* hæc Oda verba applicans, si Rex (inquit) prius domi suæ & in privatâ aulâ valet adimplere ipse, & exemplo suo efficere, ut domestici sui omnes adimpleant, & præstent "quod" "par" est fratribus "majoribus," & quod "par" est "minoribus," ut modo dictum est, "tum" deinde "poterit etiam" docere, recteque instituere "Regni totius" "populum"; efficiendo scilicet, ut juxta suum ipsius exemplum etiam ipsi fraternâ inter se lege vivant; observantiâ nimirum erga majores ac seniores seu fratres suos nati majores; amore verò & benevolentia erga pusillos ac inferiores, ceu fratres suos minores.

§. 4.

ALIA demum 'Oda' ait; si Rex 'suo in omnibus' exemplo 'non' deficiat, rectè 'institutum' erit ex 'omni' parte "regnum ejus. Quæ Oda verba declarans *gem-gu*, si (inquit) "ipse Rex domi suæ personam" agens "patris," "filii fratris" majoris & "minoris," "sufficiens se præbuerit" exemplar, id est, si amorem ut pater, obedientiam ut filius, concordiam & benevolentiam, ut frater major, observantiamque subjectionemque, ut minor, adamussim servaverit, erit, ut Oda inquit, ejus exemplum undequaque perfectum seu in nullo deficiens; ac "tum" deinde "populus ipsum veluti prototypum suum" imitabitur. Parentes scilicet etiam ipsi benignitatem colent amoremque paternum; filii pietatem & obedientiam; atque ita totum denique Regnum omni ex parte rectè institutum erit.

P. 2. §. 1.

TRes isti modò citati & ex Carminum libro mutuati textus, tametsi verbis differentibus, idem tamen omnes dicunt, nempe hoc ipsum quod superius dictum fuit, rectè gubernare regnum consistere in rectè instituendo propriam familiam.

EXpeditis iis quæ ad rectam familiæ Regnique institutionem pertinent, aggreditur nunc tandem *semper* postremum membrum doctrinæ Magistri sui superius libri hujus initio traditæ, & quod ibi dicebatur, pacificare imperium consistere in rectè gubernando proprium regnum; simili discursu explicat dicens: Quia homines ejusdem rationis sortiti sunt animam, ideo eadem in omnibus est etiam affectuum ratio; sic videmus, ubique terrarum parentes velle & amare in filiis obedientiam; Seniores Majoresque subjectionem & reverentiam in inferioribus, miseros & pupillos optare in potentioribus miserationem ac beneficentiam, &c. Sed enim horum omnium moderatio ac mensura penes unum ac solum est Regem, utpote qui instar primi mobilis Ministros ac Subditos suos, seu inferiores orbes, eò quò ipse inclinat, secum unà exemplo suo rapit & impellit: sic enim sit Rex domi suæ omnes obedientis filii partes impleat erga parentes suos, tum & populus exemplo illius excitatus erigetur ad obedientiam erga suos. Si Rex debita obedientiæ leges adimpleverit erga fratres suos natu majores, aliosque si quos domi suæ habeat Seniores, tum & Regni totius populus ejusdem exemplo erigetur ad subjectionem reverentiamque erga majores suos. Si denique Rex commiseratione ac benignitate ut par est utatur erga illos quos domi suæ habet orphanos ac pupillos, tum populus non ager contrarium; sed omnes item ac singuli eadem benignitate fovebunt quoscunque domi suæ habuerint pupillos ac imbecilles. Tanta scilicet est Majorum Superiorumque cum inferioribus contextio, ut in quibus illi præeunt, isti illico sequantur. Unde videre est, sicut eadem est toti alicui Regno quæ privatæ unicuique familiæ, sic eandem item esse toti Imperio quæ privati Regni populo affectionum rationem. Quæ est ratio cur probus ejusmodi Princeps habeat in se mensuram normæque rationem; qua ex sua ipsius personâ meriti alios, exemplo suo ad eadem quæ ipse vel amat, vel averfatur, agenda vel non agenda excitat.

Loci hujus opportunitas invitât, ut hic breviter aliqua de Sinesium Imperatorum erga Senes, pupillos, aliosque paupertate, aliâve calamitate pressos, observantiâ & pietate attingam; ut scilicet hinc deinde intelligat Europæus Lector, quantum honoris & observantiæ semper detulerint Sine parentibus suis, aut potius quantum pietatis, amoris ac sollicitudi-

G

nis iidem parentes liberis; & Reges subditis suis jam olim impenderint. Et certe est quod & Europa Christiana miretur ac astimet tantam in Gentilitate illâ veteri pietatem; tametsi ab eâ posteri adeo jam defecerint, ut aliam planè naturæ indolem quam veteres illi habuerint, nati esse videantur. Referunt itaque officiorum libri fusè ac passim, ab ipsis Yáo & Xún Legislatoribus piam hanc consuetudinem invaluisse, peculiari scilicet curâ alendi Senes, & quidem in loco ad eam rem destinato; honoratioribus quidem in superiori aut Orientali Gymnasio, plebeios in inferiori aut Occidentali. Atque hanc consuetudinem deinde apud posteras familias, Hiâ, Xam & Cheu constanter perseverasse; ut ex variis ejusdem libri officiorum locis quæ brevitaris causâ omittimus manifestum redditur. Certe de Xún Imperatore Annales perhibent (& illius exemplo alios deinde Reges) dum Imperii Provincias obiret, siscitari passim solitum; an qui essent centenarii; & si quos ipse comperisset, eos coram iurasse. Imò eorundem Annalium testimonio constat, veteres illos Sinarum Reges post peracta Sacrificia, mutatâ veste sese ad alendas Senes conferre solitos, idque (ut ibidem refertur) quod putarent, hoc misericordiâ corporalis opere affequis à calo quod petierant. Caterum ex eodem officiorum libro Nobis præterea constat, hanc Sinensium Imperatorum pietatem ac beneficentiam non ad unos dumtaxat senes, sed ad miseros quosvis, pupillos, viduas, natos, claudos, &c. sese extendisse.

f. 11. p. 1. §. 1.

AD uberiorem supradictorum declarationem, modò à partium enumeratione ostendit *sem-gu* in quo illa mensuræ normæque ratio consistat, seu quâ ratione & in quibus metiri alios ex nobis conveniat, dicens: Hominum quibuscum degis; a'ii suprà, alii infrà te, alii antè, alii post, alii demùm à dextris sunt, alii à sinistris; & omnes quidem similiter, ut tu, affecti, eadem quæ tu fieri tibi ab ipsis vel velis vel nolis; ipsi quoque sibi à te fieri vel volunt, vel nolunt. Quæ igitur tu 'averlaris' in 'superioribus,' ne 'agas cum' inferioribus; & 'quæ' 'averlaris' in 'inferioribus' ne 'agas cum' superioribus. "Quod item" 'odisti' in "antecessoribus, in eo" ne "præeas tuis" posteris; & "quod" 'odisti' in "posteris, in eo" ne "sequareis" antecessores. "Quæ denique" damnas "in iis qui sunt" à "dextris, ne" "agas" cum iis qui "sunt" à "sinistris; & contrà, "quæ" improbas in "iis qui sunt" à "sinistris, ne" "agas" cum iis qui sunt à "dextris. Verbo: Quod tibi fieri non vis, alteri ne feceris. Atque hæc est & dicitur vera "mensuræ" normæque "ratio; qua usus probus quicumque Princeps illud tandem consequitur, ut factus ipse cum populo suo velut cor unum & anima una, eadem, quæ populus, velit nolique, pater jam verius dicendus populi quàm Dominus. Quod *sem-gu* ex Odaruna libro planè perapposita adhuc locum autoritate confirmat, dicens;

§. 2.

1. **C** Armen 'ait: laudabilis 'amabilisque ejusmodi 'b Princeps, planè est: 'populi 'pater ac 'mater. Quod carmen idem *sem. qu.* prosequens ait: 'populus "quibus" gaudet "gaudere, & "populus" quæ "averfatur, "averfari ; "hoc "dicitur esse "populi "patrem & "matrem. Quasi diceret: Regem actiones suas omnes ex populi sui affectu & voluntate metiri moderarique, filiorum instar ipsum fovendo ac tuendo, res est, qua populus devinciri in primis, subditique, omnes ac singuli mirifice gaudere solent. Si itaque hoc eodem Rex etiam ipse gaudeat, ut quod populus in votis, hoc ipse in opere habeat; istud est, Régis cor in subditorum suorum animos ita transfusum esse, ut iisdem, quæ isti desiderant, ille gaudeat; & quæ hi oderunt, etiam ipse averfetur; planè patris instar ac matris filium suum intimo affectu complectentis. Unde & populus hunc ejusmodi Regem vicissim patris utique & matris loco habebit; qui est præcipuus metientis alios ex seipso effectus.

p. 2. §. 1.

Supradicta confirmat à contrario *sem. qu.* ex alio loco ejusdem libri carminum; ubi 'Oda 'ait: 'ô quàm 'præruptus 'eminet 'ille 'australis 'mons! 'ejus' rupium ô quanta-quàmque 'horrida "congeries! Sic potentiâ dignitateque "verendus "emines magne-"magister Regie" *Tu*; & "populus quidem "omnis "te vèterur ac "suspiciat; sed non amat, utpote privato, non communi bono consulentem. Quem Odæ locum declarans *sem. qu.* ait: cùm "habens" regnum, sive Rex, in arduo illo Regiæ dignitatis fastigio constitutus subditorum oculis nunquam non pateat; "non "debet "non sollicitus "vigilare, curasque omnes eò intendere, ut quidquid rerum negotiorumque aggressus ipse fuerit, omnia cum populi votis, & expectatione consentiant; quod si enim metiri ex se alios non noverit, sed omnia pro suâ unius libidine & cupiditate agens, eâ quæ populo proficua & in votis sunt negligat; quæ verò populo invisa perniciosaque sunt, propulsare & avertere non laboret: futurum procul dubio est, ut alienatis ab ipso animis, & seditionibus ac tumultibus distractus populus ab ipso tandem discedat; ipseque reliquus solus tueri à ruinâ conservareque Regnum diutius non valeat. Propterea si Rex (inquit *sem. qu.*) 'b hac regulâ "deslexeris, "omnino "erit "imperii occasus" & ruina.

§. 2.

Alterius Odæ hic locus est, qui ab exemplo item ostendit, totius Regni incolumitatem ab amore populi pendere, quo semel perduto, Regnum nec posse diu consistere. Sic igitur 'Oda 'ait: familia' *Tu* (vel, quod idem est, familia Imperatoria *Xam*, cujus truncus fuit famosus ille Rex *Chim-xam*), 'antèquam 'amitteret' po-

pulum, seu populi amorem, pacificâ possessione tenebat regebatque Imperium, & ob virtutis suæ cum cælo conformitatem poterat, sive digna erat in societatem & consortium admitti à supremo cæli Imperatore. Posteaquam verò ab avitâ Majorum Antecessorumque suorum virtute degener posteritas deflexit, populique amore excidit; excidit & cæli favore, seu imperio cælitus collato. Quapropter oportet nunc posteros familiæ nostræ *Cheu* (quæ successit in Imperio familiæ *Tu*, seu *Xam*) conjicere oculos in familiam *Tu*, & cavere sibi, ne malum ejusdem exemplum secuti, Imperium & ipsi similiter amittant. Altissimum enim cæli mandatum seu cæli favor, quo Imperia conferuntur, haud facile conservatu est. Oda igitur vult dicere (ut exponit *sem-ku*) obtento populi amore, mox obtineri & regnum, uti è contrâ amisso populi amore, mox item amitti regnum.

f. 12. p. 1. §. 1.

Quandoquidem, ut dictum est, Imperii diuturnitas & conservatio à populi amore, amor autem populi à virtute, quæ sola Principem facit amabilem, dependet; idè perfectus Rex ante omnia invigilat, & incumbit in virtutem; habitâ quippe virtute hoc ipso habebit & hominum seu populi voluntates: habitis autem pro se hominum seu populi voluntatibus eo ipso habebit & terras, quas colens & incolens populus ejusdem dominio subiacere libens lubensque volet. Porro habitis terris hoc ipso habebit & profectas inde opes ac facultates. Habitis demum opibus, eo ipso habebit omnia ad Regni usum & conservationem necessaria.

§. 2.

Illatio hæc est, auro cedroque dignissima, qua ex dictis infert Author, virtutem esse magis principale, sive majoris momenti ad pacificam Imperii gubernationem, & tanquam radicem à qua omnis Regnorum incolumitas vigorque proficiscitur; opes verò minus principale seu, ut ita dicam, accessorium, minorisque momenti, ac proinde veluti ramos in arbore, qui fixâ semel altè vigenteque radice non possunt non amœnum virere etiam ipsi. Nam ut ad Imperii conservationem necessariæ sint opes, ejusmodi tamen sunt, ut ubi domina virtus domicilium fixerit, eodem illæ ceu pedissæque ultrò sequantur.

§. 3.

Quandoquidem virtus juxtà modo dicta, est magis principale majorisque momenti, ut pote radix & fundamentum felicitis regiminis; opes verò minus principale minorisque momenti, ut pote rami qui ex fecunda illâ virtutis radice deinde ultrò enascuntur; consequens est, bono Principi illam in primis cordi esse debere.

debere, ac velut domesticam habendam; has verò minùs curandas, ac velut alienigenas foris locandas. Quod si igitur Rex in 'extimis' habeat minùsque curet id quod magis 'principale, id est, virtutem; In'intimis seu cordi in primis habeat id quod 'minùs' principale, id est, opes, per fas nefasque eas coacervando; populus utique ejus exemplo doctus eadem illicò aget; jurgiis, litibus, furtis, ac rapinis seclè invicem consument omnes. Propterea (inquit *sem-cu*) ejusmodi Rex ad 'rixas' seditiones ac 'turbas' commovebit 'populum, viamque' aperiet 'furtis ac 'rapinis.

§. 4.

IDCIRCÒ cum 'opes per fas nefasque' corraduntur, eo 'ipso' 'populus' dispergitur; & contrà, ubi 'opes prudenter in populi Regnique communes necessitates' disperguntur, eo 'ipso' 'populus' congregatur; omninò enim opum iniqua coacervatio est populi dispersio, & opum largitio atque dispersio, populi est adunatio & congregatio.

§. 5.

IMO verò avara ejusmodi opum divitiarumque coacervatio, non tantum populi, sed & ipsarummet etiam opum est certissima perditio & jactura. "Propterea enim (inquit *sem-cu*) sicut 'verbum' 'temerarium ore' egressum, 'etiam' 'temerarium iterum' intrat; sic 'opes per "nefas" ingressæ, "etiam per "nefas iterum" egrediuntur. Quasi diceret: Sicuti qui verba injuriosa contrà alios profert, similia item ab aliis contrà se prolata audiat necesse est; sic opes malè semel partæ conservari diu non poterunt quin malè iterum dilabantur. Adeoque iniqua opum coacervatio, non tam accumulatio est, quàm perditio. Si igitur iniquæ ejusmodi opes conservatu difficiles adeò sunt, quorsum Rex eas ita in intimis, virtutem verò in extimis habeat.

p. 2. §. 1.

QUOD præposterum illum divitiarum amorem, populi dispersio, ac per consequens ipsiusmet Imperii ruina sequi soleat, ab autoritate confirmat *sem-cu* his verbis: Liber 'Cam' cad' ait: Cæli 'mandatum, seu Imperium, non 'est' diuturnum. Vult' dicere (inquit idem *sem-cu*) Rex qui 'probus virtutisque est amans, eo' 'ipso' 'obtinere conservatque Imperium; qui verò "improbus pluris aurum quam virtutem æstimat, "illicò illud "amittit. Virtutem itaque Rex in primis colat, & hanc unam præ opibus in pretio habeat siquidem stabilem esse cæli favorem in conservando sibi Imperio desiderat; hæc enim unà, ut suprà dictum est, Regnorum, Imperiorumque solidissima est basis ac Firmamentum.

Exemplo ex Chronicis desumpto ostendit hîc *gem sù*, quàm reverà nihil virtute pretiosius esse Regi debeat, dum auro & gemmis potiorum apud bonos Principes jam olim fuisse commemorat. Cum enim Regni *sà* (nunc est Prov. *Hù-quàm*) Legatus, *Vân. sun-yù* dictus à *Chad kien-sà* Magnate Regni *cin* de opibus gemmifque pretiosis illius Regni interrogatus aliquando esset; ejusdem, *sà* Regni *'Chronica'* aiunt ita respondisse; *sà* *'Regnum'* nihil habet quod reputet^r pretiosum; solam & unicam^r virtutem^r reputat^r pretiosam. Quasi diceret: Tamen si Regno nostro *su* aurum, uniones lapidesque pretiosi non desint; non tamen hæc ita in pretio habemus, ut virtutem virtuteque præditos viros, qui Regno nostro non desunt, auro & gemmis potiores longè pretiosiores non ducamus. Et reverà tum temporis illo in Regno duo virtutis famâ insignes viri vivebant, quorum unus *Quôn-xe-fù*, alter *qò-sù-y* dicebatur: Ambo enim hi vici sapientiâ, consilio, integritate, justitiâ & pietate, Regem suum Regnumque ipsum, velut firmissimæ duæ columnæ, fulciebant.

*Simile hîc planè parallelum est, quod Sub Hiên-vâm trigésimo secundo Imperatore familia Cheu (sub quo Philosophus Menc-sù vixerat) accidisse Sinarum Chronica memorant. Regulus Regni *çi* sedens cum Regulo Regni Guci contraxerat: hic cum ex illo, an lapides pretiosos in suo Regno haberet, percontatus esset, & ille non habere respondisset; miratus, & respondentis vix credens, ego (inquit) qui Regnum tuo longè minus possideo, lapidem tamen habeo pretiosum (putà carbunculum) qui duodecim quadrigarum spatium fulgore suo illuminat; quâ igitur credam, in Regno tuo quod præ meo longè amplius est non haberi lapides ejusmodi pretiosos? Ad quæ Regulus Regni *çi*, habeo (inquit) quatuor ministros, seu Dynastas, qui Provincias sibi creditas cum magnâ prudentiâ & virtute administrant; hi ipsi scilicet sunt carbunculi lapidesque mei pretiosi, qui non tantum duodecim quadrigarum, sed mille omnino stadiorum Sinarum spatium virtutis suæ radiis ac luce longè lateque collustrant.*

Alterum huic ætate longè antiquius & æquè illustre virtutis testimonium ex visilem Chronicis, datum ab illustrissimâ illâ Heroïnâ Kiam Regina conjuge Imperatoris Siven-vâm, ex familia Cheu undecimi, qui annis ante Christum 827. ante Confucium verò 200. & amplius regnare cepit. Cum enim hic Imperator 33. Imperii sui anno convivii ac libidinis totum sese ingurgitaret, Regina Kiam conjugis incontinentiam luxumque decessatu, detractis sibi prius inauribus gemmisque pretiosis quas gestabat, Regem adiit, eumque intrepida coarguit, dicens, Vâm lo se, ûlh vâm te, id est, tu ô Rex, gaudes luxuriâ, & oblivisceris virtutis, quam ego præ lapidibus pretiosis longè pluris facio, &c. plura deinde in illam rem differens adeo Imperatoris animum immutavit, ut omnino

ad virtutem rectumque regimen se se applicuerit, quod deinde 13. adhuc annis cum laude administravit.

§. 3.

NON minùs huc facit laudatissimùm illud magni illius viri *çà-san* (qui Principis *vén-cum* avunculus erat) pronunciatum; quo nepotem suum, *vén-cum* ad pietatem defuncto patri *Hién-cum* debitam hortatus fuit. Hic enim *Vén-cum*, cum adhuc *Regulus* esset *Regni çin*, novercæ suæ *Lî-ki* insidias & tyrannidem declinaturus, extrà Regnum longiùs abierat (quæ causâ fuit, cur hoc loco in sui compellatione usus sit litterâ *vam*, quæ mortuum significat, quasi Regno suo defunctus mortuusque esset) tùm pererratis variis circum regionibus tandem ad *çin* Regnum delatus, etiam patre suo *Hién-cum* qui interim fatis concesserat, orbatus est. Quo intellecto *Regni çin* *Regulus*, *Mo-cum* dictus, pupillum hospitem suum ad capessenda arma & recuperandum postliminio Regnum *çin* hortatus est, oblati liberaliter ad tam justam expeditionem & armis & milite: verum hic non aliud, quàm quod avunculus *san* docuerat, respondit his Verbis: *Mortuus ego homo nil habeo quod ducam pretiosum; nequidem ipsum Regnum, quo ultrò excessi; Sola virtus & pius erga parentes est quam ducō pretiā san*: Et ita quidem ut malim carere Regno mihi debito, quam arma capiendō frangere luctūs iura & lacerare pietatem demortuo patri debitam, quæ arma capere hoc luctūs tempore prohibet.

§. 4.

USpiria hîc sunt & vota *Mo-cum* Principis *çin*, quibus vel unum aliquem probatæ integritatis solidæque virtutis virum sibi à consiliis, & in Regni administrationem adiutorem optabat; cui scilicet omnem officiorum dignitatumque dispensationem turò committeret. Itaque Regni huius *çin* Princeps vota hæc sua proceribus 'notificaturus identidem' dicebat; δ' si 'haberem' unum' aliquem 'Dynastam virum' integrum ac 'sincerum; cui tametsi' nulum esset 'aliud' talentum; 'cujus tamen' cor 'amplum & 'tranquillum, liberumve invidiæ esset: 'Hic talis' si 'haberet eam animi omnes æquè complectentis' amplitudinem, ut videns 'hominem' habentem præclara 'talenta animitus eundem amaret, tanquam' si 'ipsemet ea' haberet; videntisque 'alios sapientiâ' virtuteque præditos, 'ipse ex' corde 'gauderet, eosque' non 'merè verbo tenus, & 'velut 'à 'suo dumtaxat' ore' profectâ laude commendaret, sed 'verè ac sincerè' valeret 'admittere ejusmodi viros à virtute & naturâ egregiè commendatos; utendo eorundem operâ, eosque ad congrua ipsorum talentis munia & dignitates evehendo. Hujusmodi scilicet viris esset, 'ut' valeret 'tueri & conservare' meos 'filios ac' nepotes in stabili Regni fortunarumque posses-

sione & affluentia¹³ populum verò in pace, unione & tranquillitate perenni, sed quid dico conservare? imò etiam¹⁴ esse¹⁵ lucro Regno ipsi universo & novo in dies incremento. Contrà, si procerum meorum unus aliquis esset, qui totus suis unius commodis intentus; suis dumtaxat unius dotibus ac talentis arrogaret omnia; adeoque¹⁶ viris aliis¹⁷ habentibus bona¹⁸ talenta¹⁹ invideret; ideoque eisdem etiam²⁰ odisset viros item²¹ sapientiâ virtuteque²² præcellentes ipse mille technis & astibus armatus excluderet, impediretque, nihil non²³ faciens ut²⁴ non²⁵ emergant: hic talis philautiæ labe usque cò infestus, pectorisque adeò angusti homo²⁶ reverà²⁷ non²⁸ valet²⁹ admittere aut secum compati viros à virtute ac naturâ insigniter commendatos, multoque minùs ad altiora evehendos ipse proponere. Adeoque in Primatis dignitate constitutus facit, ut Rex ultimis tandem angustiis pressus regios animos despondeat ipse, & pessimi quique votorum suorum potiantur; arque ita res omnes Regni ac negotia pessum eant. Talis itaque est³⁰ ut³¹ neutiquam³² valeat³³ tueri³⁴ meos³⁵ filios ac³⁶ nepotes, nec efficere ut in ipsis regius honor & dignitas diu perseverent; sed nec³⁷ populum in longâ pace conservare quin ipsius tyrannide & vexationibus exacerbatus insurgat. Nihil igitur tutelæ, nihil præsidii ab hoc tali aliquando expectandum; imò verò ausim³⁸ dicere futurum illum Regno meo universo regizque stirpi extremo tandem³⁹ discrimini ac⁴⁰ ruinæ.

f. 13. p. 1. §. 1.

DOcet hoc paragrapho *gem - çu* solum¹ pium & verè² amantem³ populi⁴ Principem, qui scilicet populi sui affectus & vota ex suâ unius personâ metiri novit; esse ejus virtutis & animi, ut, ubi perniciosum ejusmodi Dynastam, aut Consiliarium deprehenderit, illicò eundem⁵ proscribat, longissimèque⁶ exterminet à Regno⁷ ad usque⁸ quatuor plagarum⁹ Barbaros, exterasque gentes, non permittens cum¹⁰ cohabitare reliquis in¹¹ medio (*hoc est Sinarum*)¹² regno; ne scilicet viris à naturâ & virtute egregiè instructis intrâ Regnum damno esse aut obstaculo possit: Ut enim medullitis harente dolore irâ-ve te liberet, ipsam mali radicem extirpes necesse est. Atque hoc¹³ ipsum planè est quod *Confucius*¹⁴ dixerat, videlicet¹⁵ solum¹⁶ pium perfectumque¹⁷ Principem¹⁸ esse qui¹⁹ norit²⁰ amare²¹ homines, &²² norit item²³ odisse²⁴ homines.

p. 2. §. 1.

Quia suprà dixerat *gem - çu*, viros probos magno esse Reipublicæ emolumento, & improbos non minori detrimento; monet jam in præsentī hoc paragrapho bonum quemlibet Principem, ne in illis ad regimen adhibendis, in his verò removendis, segniorem sese exhibeat: sic enim ait: videre¹ seu nosse virum aliquem² probum ac³ sapientem⁴ &⁵ non⁶ velle⁷ evehere & uti illo; vel⁸ evehere⁹ quidem

quidem, sed tamen non voluisse id facere citius, est injuriam facere. Sed è contrà videre improbum ac perniciosum Reipublicæ hominem in dignitate constitutum, & tamen non velle eum inde remove; vel, remove quidem, sed admodum seugriter ac remissè; nec velle remove longius, crimen est.

§. 2.

SCIRE amare homines, & scire odisse, est perfectè adimplere supra dictam illam probi Regis normam ac regulam, qua populi affectus ex suâ unius personâ metiri solet; nosse viros probos, nec eosdem evehere, aut saltem evehere seriùs quam par est; & contrà, nosse improbos rei que publicæ perniciosos, nec eosdem averruncare longius, est deficere ab eadem regulâ. Et de his duobus utroque proximè antecedenti paragrapho *semper* egerat; hoc præsentì nunc agit de improbo Principe qui dictam regulam, non tantum non sequitur, sed eidem ex opposito adversatur. Ait itaque, 'amare quæ cæteri homines passim oderunt; & odisse quæ cæteri homines amant; hoc dicitur. repugnare communi hominum naturæ. Quasi diceret, improbus consiliarius, pacisque publicæ in Regno perturbator (de quo paulò suprà facta mentio) est ille exosus omnibus; adeoque ab officio & dignitate longius removendus: hunc talem fovere nihilominus, ejusque malitiæ & imposturis non tantum credere, sed ejusdem insuper operâ ad res quasque Regni etiam maximas uti; hoc scilicet est, quod *semper* ait, *amare quod homines oderunt*: Contrà, vir probus & integer Regique fidelis est ille, quem unanimi affectu boni omnes amant, adeoque dignus qui ad primos in Regno honores ac dignitates quantocyùs evehatur; porrò hunc talem contemnere, nec tantum non admittere, sed & longius abjicere; hoc demùm est, quod idem *semper* ait, *odisse quæ homines passim amant*. Sed enim odisse malum, & amare bonum; hæc ipsa est communis omnium natura, quam mortalium nemo non æquâ portione sortitus est: Amare itaque quem alii omnes oderunt, & odisse quem alii omnes amant & æltimant, an non est repugnare adversari que communi mortalium omnium naturæ? Qui autem huic sic adversatur, quidni simul etiam omnium odium invidiamque ipse incurrat? atque ita invisus omnibus & exosus, quid à vindice cælo aliud expectet, quàm ut amisso populi amore amittat & Imperium, ut *semper* illis verbis innuit; "calamitates" certò "imminent" istiusmodi personæ.

§. 3.

QUOD Multi, ut suprà dictum fuit, ament quæ alii omnes passim oderunt, & contrà; *semper* inde fieri asserit, quod non eadem omnibus sit animi integritas & rectitudo: hæc enim est causa quod perfectus vir in dignitate constitutus siquidem habet

magnam illam totiesque laudatam virtutis regulam, qua populum ex sua ipsius personâ metitur; utique sinceritas & fides (candidè scilicet sine dolo, ac sincère sine fictione agendo) fuere illæ quibus eam affecutus fuit; uti & contrà, arrogantia & procacitas sunt illæ quibus eadem perditur. Etenim ubi sinceritate tantum profeceris, ut factus affectuum tuorum Dominus, jam nulli, ne tibi quidem ipsi, fraudi sis; fide item, seu consentaneâ rebus omnibus regulâ actiones tuas omnes moderatus fueris; tum enim verò illam animi integritatem, rectitudinem, & æquabilitatem affecutum te esse deprehendes: nec jam amabis, nisi quod boni homines probant; nec odio habebis, nisi quod boni item omnes detestantur: tum demum citrà errorem ex temetipso metiri alios poteris, tuamque unius virtutem (ut suprâ dictum fuit) in subiectos tibi populos ac Regna, quâ famâ, quâ exemplo feliciter propagare: quæ est magna illa huc usque tradita, & Principibus Viris tantopere commendata virtutis norma ac regula, qua & odisse ritè, & amare alios scies: factus verè populi pater ac mater. Quod si contrà dignitate & potentiâ insolescens tuæ unius effreni cupidini indulseris; nec quid communis boni ratio, sed quid propria libido suadeat, attenderis; tum utique clausis alienæ utilitati visceribus, voluntatem pro ratione secutus, non jam prodesse aliis, sed tibi uni, non populi rei que publicæ emolumento, sed tuo unius commodo studebis, amando quæ boni homines detestantur, & detestando quod boni homines amant probantque: adeoque communi hominum naturæ rebellis factus, cequid tandem amissâ magnâ illâ regulâ nisi calamitates & ruinam expectes?

f. 14. p. 1. §. 1.

QUIA auri sacra fames, opumque coacervandarum infatiata cupiditas plerumque est, quæ Reges Virosque Principes à regiâ virtutis semitâ divertit, transversosque agit, ~~per~~ ^{per} hoc paragrapho regulam planè viam indicat, qua non tantum citrà vitium, sed cum magnâ insuper virtutis commendatione, votorum suorum potiri, opesque regias perpetuo incremento augere valeant. Sic igitur ait: augendi opes facultatesque regias datur magna quædam & eximia regula, in primis si qui pariunt & augent illas, seu ad augendas illas operam suam conferunt, sint omnes nemine otioso relicto, sed omnibus agriculturâ aut honestâ negotiatione occupatis: Contrà, Præfecti ac Ministri qui comedunt, seu redditus suos annuos percipiunt ex illis regiis opibus, sint pauci, resectâ scilicet supervacaneâ officiorum Ministrorumque multitudine quæ regio censu alitur. Præterea si qui laborant & agros colunt strenuè operentur, congruo scilicet agriculturæ tempore non ad alia distracti, sed in uno Agriculturæ opere solerter occupati. Si demum qui

"utuntur illis, seu qui dispensant regias illas opes, lenti "moderateque sint, provida scilicet parsimonia longius in futurum ita prospiciendo & comparcendo, ut qualibet, v. g. trieteride, unius saltem anni census supersit, quem Regio arario in perenne auctarium adjiciant. Hac "quippe ratione futurum est, ut "opes facultatesque Regie "semper "sufficiant.

§. 2.

Superiore paragrapho *gem. qu.* regulam tradidit comparandi augendique divitias. Hic jam rectum earum usum docet, dicens: "probus & amans suorum Princeps "divitiis "illustrat "personam suam; contra, "improbus sua unius "personam "ornat "divitiis. Quasi diceret: Clementis amansque suorum Princeps qui novit magnam illam regulam augendi opes, hoc unum in primis satagit, ut populo suo opum sit satis, nihil de suo unius lucro sollicitus; quo illud deinde consequitur, ut & ipse, suspiciente & applaudente populo, omnium ore ac votis celebretur, charus factus omnibus ac venerabilis, quod est quod hic dicitur, *contemnere divitias* & extollere ornareque personam suam. Contra verò, vir inclemens ac improbus qui magnam illam augendarum divitiarum regulam non novit, illud solum agit, ut Regium ararium corrasis per fas nefasque opibus impleat; de egentis populi necessitatibus ærumnisque nihil equidem laborans; quo fit, ut alienatis à se subditorum animis, & Regno, & sibi ipsi tandem sit exitio; quod est, quod hic dicitur, *contemnere personam & extollere divitias*. Itaque divitiis ornare personam, proprie est, non appetere quidem divitias, & tamen devinctis sibi hac modestiâ populi animis reverâ nunquam carere divitiis. Contra verò persona suâ ornare divitias, proprie est, velle quidem honorare personam, re autem ipsâ eandem perdere, quâ perditâ, eoque tandem divitiarum est utilitas?

§. 3.

AB utili jam confirmat supradicta *gem. qu.* "nondum visum" est, inquiens, quod in "superiori "loco" constitutus, id est, Rex, "amaret" pietatem clementiamque ergà subditos, "&"subditi" non "amarent" "fidelitatem, seu non vicissim Regi suo responderent fidelitate quam debent ex justitiâ: "neque etiam hactenus visum" est quòd populus "gauderet" fidelitate erga Regem, & "illius (scilicet Regis) "negotia & conatus "non "sortirentur optatum "exitum. Ubi verò populus ejusmodi fidelitati Regi suo adhaeret, utique Regis opes ac thesauros pro suis habet, ac velut suos in pace conservat & in bello defendit. Unde, "nunquam visum" est fidelem ejusmodi populum "regii "ararii "divitias "non habuisse pro "suis propriis "divitiis. Tanti scilicet interest Regi, pietate ac beneficentiâ populum sibi devinxisse.

Pergit *sem-cu* inculcare amplius suprà memoratam pietatem beneficentiamque Regis erga populum, ut quæ Principibus Viris nunquam satis commendata sit virtus. Ad hoc autem adducit pulcherrima illa cedroque dignissima monita magni illius Viri *mén-hien-cu* dicti qui præcipuâ Regni *Lû* Præfecturâ olim functus erat. Sic itaque *'mém' hien' cû'* ait: qui alunt⁴⁰ quadrigas (*hi erant optimates Tâ-fu dicti, et quadrigâ, seu quatuor equorum curru vehebantur*) quandoquidem regio vivunt censu, non tractant⁴¹ gallinas & porcellos, magnam scilicet horum vim ac numerum in privatæ domûs suæ lucrum alendo, & præripiendo suum plebi, cujus hæc est propria negotiatio. Findentium item "glaciem" familia (*Superior hic Dynastiarum ordo erat, Kim dictorum, à quibus numerando ad usque supremum ordinem, omnes in officiis parentalibus glacie utebantur*) quia ampliore quàm optimates gaudent censu nec ipsa alat⁴² boves & oves, numerosos scilicet armentorum oviumque alendo greges, sordido quidem domûs suæ lucro, damno verò non mediocri miseræ plebis quæ captato ex humili ejusdem negotiatione lucello vivere solet. Centum denique⁴³ curruum⁴⁴ familia (*Satrapa hi erant Regulorum, Kim item dicti: qui decem stadiorum Sinicorum distionem vectigalem habebant, poterantque centum curribus bellicis, cum necessitas ita posceret, in campum prodire*) non alant⁴⁵ foveantque domi suæ aggravantes⁴⁶ vectigalia⁴⁷ ministros, qui pretexto vectigalium nomine subiectum populum immaniter deglubant suisque facultatibus exuant. Quod si ille *Satrapa* domi suæ fortè habeat ejusmodi injustè multiplicantem⁴⁸ vectigalia⁴⁹ ministrum, satius illi foret habere palam deprædantem gazophylacium thesaurosque suos domesticos ministrum; hic enim uni dumtaxat, ille plurimis nocet. Qui igitur fieri potest, ut communem ejusmodi Regni latronem, populi sanguisugam, subditorum sudores & sanguinem crudeliter adedò haurientem domi suæ patiat⁵⁰ur? Atque hæc erat laudatissimi Viri cautio, quam declarans *sem-cu*, ait: paucis his supracitatis verbis dicere magnus ille vir voluit, Reges virosque Principes non in privato suo lucro⁵¹ constituere⁵² lucrum, sed in suâ populi que mutuâ æquitate & amore⁵³ constituere⁵⁴ lucrum. Quasi diceret, Viros Principes non debere aggravare populum nimis vectigalibus, & referta auro argentoque æraria præcipuo sibi lucro ducere; sed illud dumtaxat veri lucri loco habere, in cujus magnam partem etiam populus venit; quem ubi amore beneficentiæque lucrati fuerint, suumque fecerint, tum demùm verè rerum potitos se esse existiment.

QUOD proximo paragrapho *sem-çu* dixerat, Principes debere lucrum suum præcipuè ex populi sui utilitate & commodis metiri; idipsum nunc amplificat à damnis, quæ illos manent, qui nullâ populi habet ratione privatum suum ipsorum lucrum procurant. Ait itaque; si quis 'gubernat' regiam, domum, & totum 'se' impendit 'divitiis' coacervandis, id 'haud-dubiè' oritur "à vili & "abjecto" homine qui malitiosis consiliis suis circumventum Regem ad id inducit, tantumque vestigialium & exactionum pondus, tanquam industriam locupletando Regno maximè idoneam, suadet; " idque " habere " pro-bono & æquo persuadet. Hujusmodi perniciosus consiliarius, verè " vilis & "abjectus" homo, si " adhibitus fuerit ad " gubernandam " regiam " familiam, utique rapinis & furtis replebit omnia; subditorum bona & facultates pro suo unius libitu diripiendo; adeoque abalienatis à se & à Rege populi animis cælique justâ irâ in se concitatâ procul dubio & " calamitates à cælo, & ab hominibus " ruinæ ac cædes simul " unâ seu " cumulati " supervenient; & " tametsi fortè " detur " vir aliquis " probus " qui conetur succurrere & tantam malorum vim avertere; " tamen " ne " sic eveniat " quomodo valebit unus ille impedire? Atque hoc " est quod superius dictum " fuit, Regem " probum " non " in suo unius privato " lucro " constituere " lucrum, sed " in suâ & populi mutuâ " æquitate & amore " constituere " lucrum.

Perapposita sanè ad totam hujus libri doctrinam Conclusio! planèque digna quâ & sem-çu primi hujus finem libri seu proprio epiphonemate coronaret; & Memçius quarti initium seu primâ dicendorum epigraphæ insigniret. Certè enim, qui omnes libri hujus paragraphos æquâ mente inspexerit, illud equidem liquiddè deprehenderet, Philosophum nostrum Sinicum, Confucium inquam, eo in primis collimasse, ut Regibus virisque Principibus, ad quos præ ceteris magnam hanc scientiam suam direxerat, virtutem ad Regnorum Imperiorumque pacificam & felicem gubernationem ante omnia necessariam esse, non tam ex suo unius, quam ex Antiquissimorum quorumque unanimi sensu, ostenderet. Ut enim omnis Sinenſium retrò antiquitas Imperia à cælo conferri & auscari non vanè credidit, & etiamnum bodiè eorundem posteri facentur, incolunitatem verò & conservationem eorundem Regnorum secundum superos à populi amore ac fide dependere longa tot sæculorum experientia comprobavit: ita communi jam olim sensu primi illi Sinice hujus Monarchia Fundatores judicarunt & etiamnum hodiè à Sinenſibus optimi quique facentur; virtutem esse quæ bene de se meritis Principibus, & Cæli superumque favorem & populi amorem unâ conciliet. Sic ut de quamplurimis taceam, lib.3. xu kim fol.17. Laudatissimus vir ille y-yn Magister Regius, ut novum, eumque juvenem & juvenilibus vitis laborantem Imperatorem t'ai-kiâ (qui à 1750. annis

ante Christum regnabat) ad virtutis amorem tantò vehementius accenderet, his ipsis verbis è textu depromptis commonebat. O Rex, inquit, Cælum non agitur affectu, qui tamen novit illud debitè venerari & colere, charus & gratiosus illi est semper: populus item non semper afficitur; afficitur tamen semper illi qui habet pietatem; demique spiritus non semper exaudiunt; exaudiunt autem eum qui pollet verà virtute. Hac unâ habitâ, & calo æternum, ne dubita, dilectus, & populo semper charus, & spiritibus demùm superisque omnibus nunquam non gratiosus eris, &c. Quam tantam virtutis præ auro & opibus prerogativam cum author toto hoc libro (ut legenti patet) quâ ratione, qui auctoritatibus passim adhibitis demonstrasset, non poterat sane (meo quidem iudicio) altero magis idoneo uti Epilogo, quam his ipsis verbis, hoc est, dicere, Regem præbui non in sordido isto privatarum opum lucro constituere lucrum; sed in suâ populique mutuâ æquitate constituere lucrum. Quasi diceret; tota libro hoc à me tradita doctrina in hoc uno velut caratne vertitur, unumque hoc præcipue docet, ut Reges Principesque viri non tam in refertis auro ævariis quàm in mutuâ ipsorum & populi æquitate, amore, clementiâ, fide, &c. verbo, in virtute rationem veri lucri constituent; quandoquidem ad illius possessionem cetera omnia que desiderari possint aut mereantur, aurum scilicet & opes, populi amor, longa nepotum series, pax demùm, & perennis imperii quies stabilitasque ultro consequantur.

Atque hæc est illa ex Sinensi hac Arcopago jam olim profecta Magna Scientia, tanto nomine utique dignissima, sive doctrine ipsius nobilitatem spectes, sive antiquitatem: illam à virtute (quid nobilius?) quam docet; hanc ab ipsis pene Sinicæ Monarchiæ primordiis (quid antiquius?) unde nata est, demonstrat. Et tamen argumenti nobilitate Europæ Philosophia cum hac Sinica competere, & si de styli elegantia, subtilitate, fecundia varietate, & gratiâ contendas, hanc etiam antecellere non immerito possit; antiquitate tamen ausim dicere, adedò ad hanc non accedit, ut longissimo plane intervallo sequatur. Sane antequam superstitiosa Asia & Europa Numina nata essent, jam inter Sinas adulta virtus crescebat, ipseque Regum aula in virtutum Lyceæ transibant; quando Europa sine Rege adhuc ac lege inculta penitus fuisse creditur, jam Monarchia Sinica cultissimis Regibus ac legibus regebatur; & cæterat virtutis apud Sinas notitia, valor & praxis; ea cultioris vitæ ratio, vis, ac tenor, ut autem cuiusdam sæculi pax & felicitas in ipsas etiam feras certo quodammodo dimanasse videretur uti constat ex Xukim l. 3. f. 10. Certe hû-xuam-hû Classicus Sinenfium Annalium interpres, ut videre est in Appendice Chronicâ, Câm-Kiên-pù distâ, lib. 1. f. 20. disertis verbis affirmat, totam libri hujus Tá-Hiò doctrinam haud aliis constare, quam Regum Yaò, xún, yù, tám, vên-vâm, vù-vâm, & chêu-cûm, ac ipsiusmet etiam Confucii documentis & exemplis. Imò de ipso Confucio nepos ejus çù-sû testatur (ut videre est in sequenti libro Chûm-yûm) ipsum in suis libris non aliam, quàm præco-

*rum illorum Regum doctrinam adferre ; ut proinde Confucius doctrine
hujus non tam Auctor quàm Interpres ac praeo dicendus sit ; quia scilicet
pene totam longe ante sua tempora traditam , ab aliis potiùs accepit , &
ad posteros transmisit , quam ipse invenit . Tametsi non inficior , etiam huic
suam inde partem aliquam deberi ; primas tamen , & quidem potiores ,
sibi vendicant modò recensiti antiquissimi Sinarum Reges , qui primi do-
ctrinam hanc & praeceptis instituere , & exemplis docuere .*

Finis Libri Tà Hiô.





SCIENTIÆ SINICÆ

LIBER SECUNDUS.



EST Liber hic opus quidem *Confucii*, sed ab hujus nepote *çû-sû* dicto, editus. Agit autem potissimum de *medio sempiterno*, sive de aureâ mediocritate illâ, quæ est, ut ait Cicero, inter nimium & parum, constanter & omnibus in rebus tenendâ; ideoque *Chûm-yûm* Libri titulus est; *Chûm* quippe *medium* significat; *yûm* verò (quod vulgò solet pro ordinario vel quotidiano accipi) hoc loco secundum Interpretes idem sonat quod *constans*, vel *sempiternum*.

f. 1. p. 2. §. 1.

ID quod à czlo est homini inditum dicitur natura rationalis: quod huic conformatur natura & eam consequitur, dicitur regula, seu consentaneum rationi, restaurare quoad exercitium hanc regulam se suaque per eam moderando, dicitur institutio, seu disciplina virtutum.

§. 2.

DICTA Regula cùm sit naturæ rationali intrinseca nunquam potest, nec verò debet vel uno temporis momento abesse aut separari ab homine, quod si posset aliquando abesse aut separari, jam non esset regula seu ratio à czlo naturæ insita. Atque hæc est causa cur perfectus vir adeò semper sollicitè attendat sibi, atque invigilet in his etiam quæ non percipiuntur oculis, uti sunt minimi motus animi, cur itidem adeò timeat & paveat in his etiam quæ non percipiuntur auribus; ut ita, cum aliquid faciendum fuerit, ne momento quidem deflectat à norma rectæ rationis sibi impressa.

f. 2. p. 1.

f. 2. p. 1. §. 1.

Motus namque animi d ferè sunt, quod non apparet, quia reconditi & sibi soli noti; sunt item id quod non est manifestum, quia admodum subtiles & minimum quid; idèdque perfectus vir tam sollicitè invigilat cordis sui secreto, & cautus est in internis quæ solus ipse intuetur; quo deinde fit, ut qui aliis reconditi & abstrusi sunt, intus scilicet cordis recessus, ei tamen soli patefiant; qui item subtilissimi sunt ac percipi vix possunt, minutissimi scilicet animi motus, sive ad bonum, sive ad malum, ei tamen soli manifesti omninò sint.

§. 2.

CUM autem radix passionum intima sit naturæ hominis, vel potius ipsamet natura sit ista radix; hæc autem in actus suos vel passiones prorumpat assidue, summâ cum vigilantia attendit sibi Vir perfectus ut has, ipsius quoque naturæ fræno, quatenus hæc rationis & discretionis principium est, moderetur. Itaque passiones animi, ut sunt gaudium ex prosperis, ira ex adversis, tristitia ex jacturâ, hilaritas seu læta fruitio rei obtentæ, priusquam pullulent prodeantque in actum dicuntur medium seu esse in medio, quia sunt adhuc indifferens quid ad excessum vel defectum; at ubi pullularunt, & omnes attigerunt rectæ rationis dictamen, dicuntur consentaneum, seu quidam passionum inter se & cum ipsa ratione concentus. Et quidem, cum sunt in medio; orbis universi magnum principium ac omnium bonarum actionum fundamentum dicuntur; cum sunt rationi consentanea, orbis universalis regula, seu Regia humani generis via dicuntur.

*Doctrinam de tenendo medio, veluti fontem omnis Sapiencie Sinica, per omnia retrò secula manantem, jam mille sexcentis & amplius annis ante Confucium inter alia commendaviss Yaô Imperator Successori suo Xûn; & hic rursus magno Yû, dum heredem Imperii eum constituit. Continet autem sexdecim litteras, quas multò pluribus & exponunt & extollunt Interpretes. Nos hic eam verbis Cham-colai, sed in compendium redactis explicabimus. Sic igitur Xu-kim lib. 2. f. 10. ait: Cor homini unicum est: hoc dum privato affectu ducitur, vocatur *Oên sin*, id est hominis cor, cum ex rectæ legis dictamine agit, *Tao-sin*, id est, rationis cor nuncupatur: hominis cor, seu voluntas, cum sit varium quid & facile à quovis objecto moveri & flecti, res est periculis semper obnoxia: idem cor verò seu voluntas ad bonum & virtutis normam conformata est quid excellens ac reconditum; unde oportet, ut serio examine cor illud identidem depures à pravis & privatis, quæ tacitè sese insinuant, affectionibus; atque ita rectum cor à pravo secernas: quo facto rejice penitus quod est humani & privati cordis, & rectam illius cordis legem veluti unicam tuæ personæ dominam*

L

constitue, unum & idem servans semper in omnibus: Sic ab hac lege neque defectu, neque excessu aberrabis; adeòque solidè ac veracitè apprehenderis ipsum medium. Radix igitur & fundamentum, cui innititur recta orbis terrarum administratio, unius est cordis rectitudo & norma, &c. *Hec colam.*

P. 2.

UBI igitur perspecta fuerint medium & consentaneum, tum demum Cœli quoque ac terræ status quietus, permanens ac pacificus, & omnium rerum uniformis propagatio vigorque consequetur. Nam (*ut Interpretes addunt*) si homo agat semper juxta rectam rationem, quandoquidem hic unum veluti corpus cum universo efficiat, consequens erit, ut etiam cœlum & terra juxta normam sibi inditam agant, Planetæ influant absque vitio, quatuor anni tempestates absque defectu decurrant, Juvenes opatos vitæ annos, Senes finem naturæ consentaneum, res denique omnes debitum sibi statum & locum consequantur.

Quis hic non videt ed duntaxat collimasse Philosophum, ut hominis naturam, quam ab origine suâ rectam, sed deinde lapsam & depravatam passim Sineses docent ad primævum innocentia statum reduceret? Atque ita reliquas res creatas homini jam rebelles, & in ejusdem ruinam armatas, ad pristinum obsequium veluti revocaret? Hoc f. 1. §. 2. libri Tâ Hiô, hoc item hic, & alibi non semel indicat. Etsi autem nescires Pbi. lophus, nos à primævâ felicitate propter peccatum primi parentis excidisse, tamen & tot rerum que adversantur & infeste sunt homini, & ipsius nature humana ad deteriora tam prona, longo usu & contemplatione didicisse videtur, non posse hoc universum, quod homo vitiatum quodam modo vitiatas, connaturali suæ integritati & ordini restitui, nisi prius ipse homo per victoriam sui ipsius, eam, quam amiserat, integritatem, & ordinem recuperaret.

f. 3. p. 2. §. 1.

HIC, & reliquo hoc libro, quæ su citat Magistri verba dicens: Confucius ait: perfectus vir tenet medium semper & ubique; improbus verò prævaricatur medium vel excessu, vel defectu.

§. 2.

Perfectus Vir) exponit quæ su) habet medium, sive semper est in medio, & quia perfectus est, ideo semper seu quovis tempore, adverbo scilicet & prospero, conformat se se suasque actiones cum eo, in quo est, medio; idque cum eâ (de quâ supra) cautelâ, vigilantia, & timore circa minimos animi motus; improbus etiam habet suum medium, quod teneat, sed quia improbus est, ideo nullo tenetur metu nec pudore illud prævaricandi; passim enim omnia pro libidine agit.

f. 4. p. 1. §. 1.

Confucius ait : *medium* ô quàm illud sublime ! è vulgo pauci illud tenent. Neque hoc novum ; vetus iste morbus est , querela vetus , jam olim sic fuit.

§. 2.

Confucius ait : causam , cur mortalium plurimi per regiam hanc medii viam non incedant , ego quidem probè novi : prudentes enim hujus sæculi illud transgrediuntur ; & quia plura quam hoc medium & aliora se intelligere arbitrantur , medium quasi parvum & non sufficiens negligunt ; rudes verò non pertingunt ad medium ; quia aut non norunt aut difficultate territi , diffidunt eò pervenire. Causam item quare complures hanc medii viam , quamvis adeò conspicuam , non habeant perspectam , ego novi ; sapientes enim seu qui profitentur studium sapientiæ , medium suis factis excedunt & prætereunt , sive excessu ferè peccant , periculosa quædam & inusitata principia viasque sectantes ; *inertes* autem & hebetes animæ factis suis ad id non perveniunt , quia desperant medii notitiam , nedum medium ipsum consequi.

p. 2. §. 1.

QUOD verò passim sic peccetur , oritur ex defectu examinis ; cum enim regula illa sit homini intima , actiones quæ à naturâ procedunt , utique nonnisi ex dictâ regulâ plerumque procederent , siquidem hæc foret probè cognita , Ex. gr. inquit *Confucius* , hominum nullus est qui non bibat in diès & comedat ; & tamen in re tam obviâ pauci valent dignoscere rectos sapes , seu rectum judicium ferre de potûs ac cibi tot condimentis vitiati naturâ & efficacitate , quam si accuratiùs explorarent , non toties temperantiæ limites excederent.

§. 2.

Confucius concludens ait : quod igitur medii via hæc non frequentetur aut observetur , ea itidem causa est , quia nec hanc (prohi dolor !) homines indagare nec cognoscere laborant ; adeoque aut excedunt medium , aut ab hoc recedunt.

§. 3.

Confucius ad serium medii examen exhortans omnes , adducto exemplo Imperatoris *Xûn* , sic ait : *Xûn* Imperatoris illius quàm magna fuit prudentia ! Siquidem ille non suo unius judicio & privata prudentiâ , sed consiliis ac sapientiâ suorum fretus Rempub. administrabat. Itaque *Xûn* gaudebat de obviis quoque rebus alios consulere ; & solebat seu gaudebat examinare omnia quamvis obvia & vulgaria suorum responsa ; qui si fortè quidpiam suggererent rationi minus consentaneum , sic eo non utebatur , ut tamen prudenter dissimulans occultaret quod inerat mali , fovens hoc modo

suorum fiduciam & candorem monendi identidem Principem suum: consiliis verò quæ cum ratione congruebant, sic utebatur, ut etiam deprædicaret quod iis inerat boni, quò alacrius fidentiusque sensum animi sui declararent. Quod si dicta responsa paucillùm à medio aberrarent, arripiebat sedulò illorum (responsorum) duo extrema, quibus ad rationis trutinam maturè expensis, utebatur dumtaxat horum (extremorum) medio in ordine ad populi regimen; quo fiebat, ut non ex suo unius tantùm, sed ex suorum iudicio ac consilio semper res ageret. Atque hæc illa fuere propter quæ factus est *Xún*, talis scilicet ac tantus Imperator.

Memorant Annales Sinici, Imperatorem hunc solitum fuisse in anteriori atrio Palatii sui tabulam suspendere, in quâ licebat subditis fidenter Regem suum commonefacere, & notare, si quid ab illo fortè peccaretur.
f. 5. p. 1.

Confucius arguens suorum temporum fallacem ac degenerem à Priscis Regibus, prudentiam, ait: hominum quivis nunc dicit, ego prudens sum, scio quid agendum sit, quid non agendum; at verò quia lucrum & commodum proprium dumtaxat, non autem ejus damna & pericula æquè præ oculis habet, impulsu quolibet mox intrat incautus in mille rerum & laqueos, ac demùm incidit in foveæ medium, & isthuc, unde nequaquam scit effugere nec sese expedire: hominum item quilibet dicit; ego satis sum prudens, & de facto seligit sibi *medium*, & juxta hoc agit; sed ecce socordia victus, non valet nequidem per spatium unius mensis illud constanter servare. Ut quid ergò iis prodest scientia & cognitio medii?

p. 2. §. 1.

Confucius ait: Discipulus meus *Hoé* hic nimirum erat Vir sanè prudens; noverat enim res inter se probe distinguere, ac dein seligere *medium*: & si quando assecutus erat unam virtutem, illicò velut ambabus ulnis illam venerabundus arcè stringebat, fovebatque intrà pectus, & nunquam semel apprehensam à se dimittebat.

§. 2.

Confucius ait: Orbis Regna erunt equidem, qui possint pacificè regere; dignitates & census erunt qui valeant reculare; nudos enses erunt qui possint fortiter calcare; at verò *medium*, quamvis primà fronte facile appareat, tamen non potest quivis nisi cum majori quodam certamine & labore obtinere.

f. 6. p. 1. §. 1.

HAC fortè occasione discipulus *Chù-lú*, ut erat indolis bellicosæ, & appetens gloriæ militaris quæsit de fortitudine.

§. 2.

Sciscitatur ex eo *Confucius*, & ait : an quæritur hic de hominum illorum, qui in Australi regione degunt, fortitudine ? An de eorum, qui Borealem regionem incolunt, fortitudine ? An verò de vestrâ, qui sapientiam colitis ; fortitudine ?

§. 3.

LArgiùs, leniùsque se gerere, & cum indulgentiâ quadam in suorum institutione non castigando semper, nec justo severiùs, eorum desidiâ, vel tarditatem, nec ultionem aut pœnas exigere à refractariùs, sed eos patienter ferre ; ea demum est Australium regionum fortitudo qua hominum animos paulatim student rationi subijcere : Et hæc viri perfecti præstare possunt.

§. 4.

Impavidum & securum cubare lanceas super loricasque ; medias inter mortes versari, & tamen non pertimescere nec affici tædio vitæ hujusmodi, Borealiûm quidem regionum fortitudo est ; & hæc fortes & robusti præstare possunt ; quoniam tamen multum hic temeritatis adesse solet, mediique regula crebro admodum violari, non ea est fortitudo, quam à vobis expecto, discipuli mei.

p. 2. §. 1.

ITaque Vir perfectus sui unius victoriæ semper intentus, ad mores & ingenia aliorum se fingit quidem & accommodat, attamen (ut est sui Dominus) non patitur sese velut diffuere ; neque depravari inertium molliumque consuetudine & exemplis, nec in omnibus sine discrimine obsequitur & hæc fortitudo proh quanta est ! Rursus in medio aliorum à recto aberrantium ipse unus rectus stat, & neutram in partem inclinât, hæc fortitudo quanta est ! Item si in Regno vigeant virtus & leges & ipse Magistratum gerat, hos tamen honores inter non mutat mores, nec eam vitæ normam, quam privatus servabat, adeoque nec inaniter intumescit ; hæc fortitudo proh quanta est ! Contra verò si in Regno jaceant virtus & leges, si magna sit rerum perturbatio ; ipse tamen, quamvis prematur inopiâ & aliis atque aliis ærumnis affligatur, etiam redactus ad ipsam usque mortem inter hæc non mutatur, suscepti semel propositi semper tenax, hæc quoque fortitudo proh quanta est, & quàm eximia ! Nimirum sita est illa in assiduâ sui ipsius victoriâ. A vobis ergo discipuli mei præ illâ Australiûm & Borealiûm Gentium fortitudine, & expecto & expecto fortitudinem ejusmodi.

§. 2.

Confucius ait : Sunt qui temerè transiliunt medii limites dum sciscitantur virtutes nescio quas prorsus inusitatas & reconditas, ac gaudent patrare miranda quædam, ut posterioribus sæculis sint qui nomen eorum deprædicent. Sed ego certè non fecerim ejusmodi

rem ; quod passim nosse convenit & agere , id nosse & agere studeo.

f. 7. p. 1. §. 1.

Perfectus Vir aggreditur viam ordinariam , & idè in eà constanter progreditur : at sunt qui vel inusitata & abstrusa , nec non majora viribus suis temerè affectant , vel , tametsi virtutis viam eo , quo par est , modo sint ingressi , tamen in medio ipsius viz cursum abrumpunt , & turpiter deficiunt. At ego certè non velim nec possum sic sistere ; quz cæpi conabor perficere.

§. 2.

ITaque perfectus Vir in omnibus semper conformat se medio , nil ultra , nil citrà agens ; amore autem virtutis fugere sæculum , honores , &c. adeoque jam nunquam videri ab hominibus , imò nec cognosci ; & tamen nullo inde seu tristitiæ seu pœnitudinis sensu affici , tam arduum est , ut solus is qui sanctus est , præstare id possit.

p. 2. §. 1.

HOC & sequenti paragrapho *quæ su* ait *perfectorum* in medio sectando regula usu ampla est & universalis ; & tamen intima illius vis ac ratio in re parva est & subtilis ac recondita , adeoque à paucis cognita

§. 2.

VIRI fœminæque , quamvis rudes , intrà Sphæram suam naturalem possunt quadantenus pervenire ad practicam mediî notitiam ; sed cognoscendo pervenire ad hujus subtilissimum apicem , quamvis sanctus quispiam sit , & probè intelligens , equidem habebit aliquid , quod nondum cognoverit. Viri fœminæque , quamvis sint *inutile* vulgus , tamen fieri potest , ut in quibusdam rebus juxtà mediî regulam subinde queant ex parte operari ; at verò pervenire ad hujus supremum apicem , quamvis sanctus quispiam sit , adhuc habebit quò non possit pertingere , & quz servare nequeat ; quin imò ipsum cælum & terra , quamvis horum tanta sit magnitudo , perfectio , atque ergà homines beneficentia , tamen ob elementorum temporumque vicissitudines nequeunt explere singulorum vota , sic prorsus , ut homo in eis reperiat quz arguat , & adhuc habeat ob quod indignabundus de cælo terræque conqueratur. Proptereà si Vir perfectus agat de ejus magnitudine , necessariò fatebitur , orbem universum non posse tantæ virtutis molem capere aut sustentare ; si verò agat de ejusdem reconditâ exiguitate & subtilitate , fatebitur item , quòd orbis totus non possit eam dividere aut penetrando perrumpere. Sensus est ; nulla res adeo magna est , in quâ ratio non infit ; nulla item adeò exigua , quz ratione quadam careat.

f. 8. p. 1. §. 1.

Confirmat prædicta citans Odam, quæ sic ait : *Avis rœu* dicta volando penetrat cœlos : piscis immergitur in pelagus, id est (exponit *çâ-su*) uti avium volatus ad alta cœlorum, & piscium impetus ad ima profundi fertur ; ita hæc ipsa virtus & ratio ad summa pariter & ima pertingens, in maximis minimisque rebus suprâ & infrâ exerit sese ac manifestat.

§. 2.

Itaque ut dixi, perfecti Viri in hoc medio servando regula ducit initium ab ipsis homuncionibus & mulierculis ; atque adeo eadem illa, quæ perfectorum in medio servando virtus seu regula, cum sit universalis & omnibus ingenta, sua quoque rudimenta habet in promiscuo hominum vulgo : at verò quatenus extendit sese illa ad suum apicem ; vel, si discurremus (ut alii explicant) de illius apice ; longè latèque resplendet ac manifestatur & patet in cœlo pariter & in terra.

Postquam *çâ-su* explicavit quod superius dictum est, rationis regulam & ei consentaneum nunquam ab homine posse abesse, hoc idem sequentibus paragraphis ex *Confucii* dictis penitus explanat.

p. 2. §. 1.

Confucius, ut probet omnes promiscuè ad eam, quæ homini insita est, regulam suo modo posse pertingere, explicans illud axioma, *quod tibi non vis fieri, alteri ne feceris* : Sic ait : Regula rationis (quæ versatur, Ex. gr. inter Regem & subditum, inter Patrem & Filium, Maritum & Uxorem, Majores natu & Minores, denique Amicos inter) Non longè abest ab ipsomet homine ; illa verò, quam homines sibi fabricant regula, & longè abesse volunt ab ipsomet homine (cujusmodi sunt exotica & ardua quædam principia, quæ modò dictis quinque hominum ordinibus haudquaquam concordant) non *potest* centeri regula & ratio.

§. 2.

Confirmat hoc à simili ex Oda petito, quæ sic ait : Cædito manubrium, cædito manubrium ; hujus exemplar seu regula non longè abest ; quippe in manu artificis est manubrium ipsum, quo rude lignum dolat, ut efformet aliud. *Confucius* explanans simile sic ait : Artifex manu arripit manubrium, ut securi excindat formetque alterum simile manubrium ; idem obliquè contuetur, & explorat an exactè respondeat ipsi, quod in manu est, manubrii formæ & regulæ ; adhuc tamen hanc ipsam abesse longius existimo, quàm absit illa, quæ à cœlo homini indita est, regula, quia hæc intrinseca, extrinseca est illa, & in cædendo manubrio unum ab alio diversum est : ideo vir perfectus dum instituit hominem, non per extrinsecum quid & remotum ab homine ; sed per ipsummet hominem

instituit regitque hominem, nec assimilatur cædenti manubrium qui diversum cædit ab eo quod manibus tenet : Etenim inest homini lumen idem rationis ; hoc unum excitat & esse jubet pro regulâ ; quo facto si id assequatur , ut his corrigatur & emendetur , tum demum acquiescit , & sistit , operosiori scilicet institutioni super-sedens.

f. 9. p. 1. §. 1.

RURSUM ait : Quisquis omni cum fide & synceritate ex se metitur alios , hic utique discedit à regulâ & lege naturali non procul ; seu à regulâ illâ dirigitur , quam in se ipse habet ; quippe cujus primum ferè dictamen hoc est : quæ fieri sibi quis non optat , ea itidem ne faciat aliis.

§. 2.

Perfecti Viri regulæ sunt quatuor ; ego verò , ait *Confucius* , necdum ex illis quatuor vel unicam servare possum. 1. Uti exigo à meo filio , ita servire patri , ego ipse nondum possum. 2. Uti exigo à meo subdito , ea cum fide servire Principi , ego nondum possum. 3. Uti exigo à meo fratre natu minore , eâ cum observantiâ servire natu majori , ego nondum possum. 4. Uti exigo à meo socio & amico , ei primas deferre , & debitis officiis antevertere , ego quidem necdum possum. Vir autem perfectus ordinarias & quotidianas has virtutes absque ullâ fictione opere exercet ; in quotidianis quoque sermonibus circumspectus est ; & si quid fuerit in quo deficiat adeoque non expleverit officium suum , tum non audet non sibi vim facere ut tandem id expleat : si ei nimia suppetat verborum copia , non item audet totam effundere : adeoque severus suimet censor hoc agit , ut verba respondeant operibus , & opera respondeant verbis. Hujusmodi autem Vir perfectus quomodo non sit solidus ac stabilis ? Hunc ego interim imitari conor , & ejusdem servans vestigia , longè quidem , sed tamen sequor.

f. 10. p. 1. §. 1.

DOCET hic *Confucius* , Virum perfectum sortè suâ contentum vivere. Perfectus Vir , inquit , pro ratione sui statûs , quem hic & nunc obtinet , res agit ; nec cupit quidpiam ab hoc suo statu alienum.

§. 2.

SI dives est & honoratus , agit ut dives & honoratus ; sic tamen ut illicitis voluptatibus & luxui non se dedat , nec arrogantiam suâ fastuque offendant quemquam. Si pauper est & ignobilis , agit ut pauper & ignobilis ; sic tamen ut nihil Viro gravi & probo indignum committat. Si extrâ patriam suam sit alienigena , agit ut alienigena , seu ita gerit se ut possit status degentis inter extraneos , sui semper similis. Si versetur in ærumnis ac laboribus , agit pro ratione statûs

statûs ærumnosi, tenax semper magni propositi. Denique perfectio viro nullus est vitæ status quem ingrediatur, ubi non sit sui Dominus, & suâ sorte contentus; adeoque sibi succedat ex sententiâ.

§. 3.

Idem si constitutus in superiori loco est & dignitate, non inclementer tractat inferioris ordinis homines, metum iis incutiendo, si autem constitutus est in inferiori loco & dignitate, non adulari superioribus favores eorum captans. In hoc totus est, ut perficiat seipsum, & non requirit quidquam ab aliis; adeoque nunquam indignatur cuiquam. Supernè, non conqueritur de cælo quod prospera non conferat, aut cum affligat adversis. Infernè, non criminatur nec culpatur homines; quibus adversitatum aut defectuum suorum causam non tribuit. Nimirum suâ semper sortè contentus nihil expetit, à statu, quem obtinet, alienum.

§. 4.

Ideò perfectus Vir commoratur in planâ quadam & quietâ Regione, & æquo animo expectat unicam cæli circâ se ordinationem: improbus è contrario præceps ambulat vias periculosas, & per fas ac nefas quærit planè gratuitam sibi non debitam fortunam & felicitatem: quam si obtineat, merè equidem fortuitò obtinuisse censendus est.

P. 2. §. 1.

Concludit *çû-su* verbis *Confucii* mentem suam. *Confucius* ait: Sagittarius habet quamdam similitudinem cum viro perfecto: ille si aberrat à depicto scopo, reflectens ad se exquirat erroris causam non ab aliâ quàm à suâ ipsius personâ; ita perfectus Vir, si deflexerit à mediis scopo, causam erroris sibi non alteri tribuit, adeoque à se rationem illius exigit.

§. 2.

Docet hic *çû-su*, quâ ratione paulatim ad mediis perfectionem pervenire oporteat. Perfectorum, inquit, regula, seu procedendi ratio, est instar facientis iter longinquum, qui utique à loco sibi propinquiore illud orditur. Est item instar subeuntis in altum, qui utique ab infimo gradu ascensus sui initium facit.

§. 3.

Sequitur hic simile familiare & domesticum, quo *çû-su* dicta probat seu illustrat, primo autoritate libri Carminum, & deinde *Confucii*. Oda sic ait: Ubi uxor tua est amans concordie, ibi familia est instar pulsantis cymbala, suavissimâ illâ domesticæ pacis mutæque concordie voluptate petfruens: Rursus fratres natu majores & minores ubi concordant, horum concordie gaudium utique diu perseverat, dimanans perpetuò in filios & nepotes; atque ita

rectè ordinatur tua domestica familia, insuper exhilaratur & tua uxor, & filii, & nepotes.

§. 4.

Confucius item ait : pater ac mater familias ô quam ipsi læti ac tranquilli vivent in hac suorum inferiorum harmoniâ domesticâ ! mutua quippe concordia inferiorum , Ex. gr. natus ac generi, fratrum natu majorum & minorum , redundat in gaudium parentum seu majorum. Atque ita verum est, in viâ virtutis ab inferioribus gradum sterni ad superiora.

f. 11. p. 1. §. 1.

Confucius, ut ostendat, ad supradictam mediâ virtutem ad eam amplam & sublimem, constanti conatu enitendum esse, exemplum desumit à spiritibus, quorum uti vis intellectiva est excellentior, ita & in operando est efficacia magna : sic igitur ait : Spiritibus inest operativa virtus & efficacia ; & hæc ô quam præstans est ! quam multiplex ! quam sublimis.

Tametsi duabus vocibus, quæi xin seu disjunctim, seu unitim sumptis varia attribuantur significata quæ in ipsorum Dictionariis videre est, hoc tamen loco rejectis aliquorum Interpretum, qui multis erroribus imbutum inter sese mutuo, tum secum ipsi pugnant, commentis ætæris Colaus Interpreter noster cum aliis multis per quæi xin intelligit eos spiritus quorum venerationi vel opæ implorandæ instituta sunt sacrificia. Favet hîc autem Colao, ea quæ communis est toti Imperio, vocis utriusque acceptio : favent item multi Præcorum textus & hîc præcipue, quem modò explanamus, ubi distinctè Philosophus eos & eorum operationes definit, atque ea tribuit illis, quæ non nisi spiritibus intelligentiâ præditis tribui queant : favet denique tot ubique Templorum, tot quoque rituum & sacrificiorum, quæ dictis quæi xin ab omni ævo dicata sunt communis usus. Quis enim non explodat posteriorum temporum Interpretes dum per quæi xin intelligi volunt duarum qualisatum Yn & Yâm, id est frigidi & calidi seu perfecti & imperfecti naturales operationes, vel earundem remissionem & intensiorem & nihil amplius ; Ecquis enim sine rubore ausit dicere meras has qualitates materiales & inanimes tot tantisque bonoribus, sacrificiis atque jejuniis coli debere, ab iis exaudiri supplicum preces ac vota, & quæ ex virtute fiant approbari, damnari verò quæ cum vitio negligentiaque conjuncta sunt ? Quid quod hoste spiritus incorporeos passim vocant, vestigium sui nullum relinquere humanis sensibus asserunt, rationem item loci aut mensuram, sicut corpora, habere negant ? Quamvis autem non desint qui per duas illas voces intelligi volunt unicum numen supremum id quod in libris officiorum & alibi modo nominetur cæli spiritus modo cæli terræque spiritus, modo supremus spiritus, modo spiritus, vel spirituum supremus Imperator, modo supremi Imperatoris spiritus, plerumque tamen hîc agi videtur de spiritibus illis seu intelli-

gentiis quos Deus tuendis & conservandis rebus creatis seu prafides & administratos constituit, quos alibi Interpretes vocat Xámí chi xín, id est supremi Imperatoris clientes & subditos qui Planetis & reliquis Astrotum, qui Elementorum nec non regionum rerumque sublimitatum curam habeant: sic enim diserte l. Xu-kim p. 1. f. 12. de Xún Imperatore simul & Legislatore refertur, quod quoties lustraret Imperium sacrificabat supremo cæli Imperatori, dein ritum inferiori litabat sex Principibus spiritibus videlicet 4. tempestatum annis, frigoris & caloris, Solis, Luna, 5. Planetarum prafidibus, exinde tamquam longius à se remotis litabat montium & fluminum spiritibus, denique litabat circumquaque diffusæ multitudini spirituum. Quin & libro 3. Officiorum f. 67. sic habetur: Imperatores (qui immolanda suo tempore animalia ali jubeant per censum hoc est omnes Imperii urbes) Mandabant populo ut nemo esset qui non omnino exereret suas vires ad honorandum magni cæli supremum Imperatorem, celebriorum insuper montium & majorum fluminum & quatuor regionum terræ spiritus ut pro populo flagitarent felicitatem, sed prosequamur textum & expositionem.

§. 2.

DOcet Confucius inesse spiritibus supra memoratis vim quamdam prorsus eximiam & ordinis superioris; quia cum res omnes corporæ tadant sub sensum, soli spiritus hunc fugiunt. Verum quidem est, inquit, quod visu percipimus illos quodammodo, quatenus in effectis suis identidem se produnt; sed tamen reverà non videmus. Rursus auditu percipimus illos quodammodo dum contemplamur tot effectuum qui ab illis procedunt tam concordem discordiam & quasi harmoniam; sed ipsos tamen non audimus; denique adeò intimè fociantur & incorporant se se, ut ita dicam, rebus omnibus; aut (ut alii explicant) exercent operationes suas circa res omnes sic, ut res non possint eos à se dimittere; seu, nequeant consistere sine eorum directione.

§. 3.

ATque hæc est causa, cur spiritus efficiant, ut orbis homines quibus est à naturâ indita gratitudo, abstineant identidem sese præcipuè quidem à vitiis; & ut animus sit purus ac mundus, corpus item splendidiore habitu adornatum; ut sic eâ quâ decet reverentiâ offerant sacrificia quò tempore dum contemplantur illam spirituum multitudinem, velut mare quoddam, omnia implentem, ita eos venerantur ac si assisterent ipsis supernè, ita quoque reverentur ac si adstarent ipsis ad lævam & dextram.

p. 2. §. 1.

Confucius autoritate libri Xi-kim dicti probat hanc illis deberi reverentiam. Oda sic ait: An spiritus adveniant & appropinquent sacrificantibus, eorumque vota suscipiant, non potest faciliè conjici

nedom determinari ; magis ne verò determinari poterit si negligerenter colantur , & in eorum obsequio homines languescant ? Seu si hi qui omni cum veneratione iis sacrificant , nequeunt eorum præsentiam facillè percipere , quantò minùs percipient ii qui oscitanter ac remissè & cum tædio illos colunt ?

§. 2.

HÆC spirituum tam arcana subtilitas, nec minor per effectus suos manifestatio, quamvis spiritus in se adèd occulti sint, usque adèd clara est, ut revera tamen non possint occultari; ita planè se res habet.

Quamvis pateat existentia spirituum ex ipsomet textu & mente Philosophi; jurat tamen hoc loco quid & ipse Cham-colaus de spiritibus sentiat (utique ex mente ipsius Philosophi) ipsiusmet verbis Lectori declarare. Sic autem ait quod sint spiritus, utique verè est hoc è ratione; nam perpetuo motu operantur in hoc cæli & terræ medio, & exercent pro officio suo illam beandi probos, & affligendi improbos potestatem: idèd ipsorum (scilicet spirituum) agilitas, & intelligentia apparet ac clarè se manifestat, & nunquam potest occultari. Revera sic est. Miris:è favet huic Interpreti Interpres alter, parvis cum Colao autoritatis; & ipse Cham dictus, cognomento tùm-ço: hic autem in vigesima circiter editione Commentariorum suorum in modò explanatam Confucii sententiam sic scribit: Vox illa Chìm significat spirituum veritatem. Et sensus est: revera dantur isti spiritus. Voies illæ, pú cò yèn, id est manifestum est, seu celari aut negari non potest. Sic ille in libris.

f. 12. p. 1. §. 1.

HIC & deinceps *chù-su*, ut explicet latitudinem ingenitæ omnibus rationis quoad usum, *Avi* sui verba affert de *Prisco*rum Regum virtutibus; ac primo quidem de illustri Imperatoris *Xún* erga parentes suos obedientiâ. *Confucius* ait: *Xún* Imperatoris illius ò quàm magna fuit obedientia! Virtute fuit sanctus; quo & factum est ut tanti filii parentes ubique celebrarentur. Dignitate fuit cæli filius, id est Imperator: hæc verò dignitas ad parentes quoque certâ ratione transivit; & si de opulentiâ agamus, obtinuit quidquid quatuor maria (sic orbem sibi nūm *Sinæ* declarant) intrâ se complectuntur. Has item opes in parentum cultum planè regum nec non delicias eorundem pius profundeabat. In aulis parentalibus regio de more & apparatu defunctis majoribus parentabat, quem morem filii quoque ac nepotes conservarunt: Hoc autem modo eam tam illustri & Regia dignitas in familia ipsius diu perstitit; & à posteris vicissim tanti *Avi* memoria, præsertim in parentalibus officiis ac ritibus, perpetuò conservata fuit.

Non offendant, Lectorum vox Xím seu Sanctus; non enim hic aliud (uti

(uti in lexicis videre est) significat quàm eximie sapientem & intelligentem, vel gin chi ché, id est, hominis summum ad quod homo suis viribus potest pertingere.

§. 2.

IDEO magna illius virtus, non casu, sed destinato haud dubie consilio, obtinuit suam illam à cælo dignitatem, seu Imperii coronam, virtutis præmium: item haud dubie obtinuit suos tam amplos census & immensas opes illas quas ambit Oceanus: haud dubie obtinuit suum illud toto orbe tam celebratum nomen famamque tantam: haud dubie denique obtinuit illud dulce præmium longævæ ætatis; proprium scilicet præmium filialis obedientiæ, quam paulò ante deprædicavit.

Et verò vixit Xún Imperator annis 100. primùm quidem ab agro & stirvâ vocatus ad Imperiū per 8. & 20. annis societatem ab ipso Yao Imperatore; qui deinde moriens, cum suum ipsius filium Tan-chu dictum ab administratione repulisset, non in alium quam in ipsum Xún Imperium resignavit: quod ab hoc inde per annos 50. feliciter administratum fuit: Ut planè videatur Deus Sinis etiam contulisse, quod, quicumque honorassent patrem & matrem, in lege scriptâ promiserat. Quod, ne quis putet à nobis ex uno tantum successu temere mox affirmari, juvat referre quem fructum pietatis sue Vù-vàm quoque familie tertia conditor & Imperator aliquando perreperit. Agrotabat, uti memorant officiorum libri, hujus avus Vàm-ki qui Regulus tunc erat; ministravit agrotanti Vèn-vàm filius cum incredibili sedulitate & vigilantia, maximâque tenerrimâ amoris & observantia significatione. Successu deinde temporis, cum Vèn-vàm quoque, primæ inter Regulos dignitatis, jam senior langueret, adfuit ei similiter Vù-vàm filius, & Patris erga avum pietatem imitatus, assistere agro diu nocteque, famulari, quidquid excogitare poterat obsequiis solatiique præbere, usque eò ut nec cibo se reficeret nisi cum cepisset hunc pater, neque antequam hic indormisceret, quieti somnoque traderet defessum corpus. Convalescebat hec inter senior; & pius filius plussculum furie somno tribuebat. Quasi sit igitur ex eo pater, nùm quod ei somnium nocte istâ contigisset; cui Vù-vàm: planè (inquit) ô Pater! & quidem ipsiusmet Xám-ti species augustissima mihi per somnium oblata fuit: faciebat autem frater mihi cæli Imperator obtinendi nomen Lim, id est, novem annorum decades. Tum Pater: tu novem decades annorum nonagenarius senex aliqua do numerabis: mihi centum ætatis anni parati sunt: sed age, tres meis demantur, qui tuos augeant, fili mi. Res fuit admiratione digna: (si tamen libris Officiorum credi potest) prorsus ut ita dictam fuerat, evenit: nùm Vèn-vàm natus annos septem & nonaginta vivere desit; Vù-vàm tertio & nonagesimo ætatis sue anno; utrumque verò superavit hujus frater, Cheu-cum di-

ſus, utpote centenarius, ſingulari ſapientiâ, & filiali quoque obſervantiâ commendatiſſimus Princeps.

§. 3.

ETenim cælum in productione rerum haud dubiè accommodat ſe ſe, & attemperat earum diſpoſitionibus, & his conformia dat incrementa, ſuoque res influxu fecundat; adeoque quas plantas invenit aptis locis atque temporibus rectè conſitas benignè fovet ac vegetat humore ſuo & calore; quas dejectas & marceſcentes reperit, eodem arefaciens calore prorsus diſſipat ac deſtruit. Ita etiam cælum ſeſe accommodat naturæ & ingenio ſingulorum; bonos erigit atque ornat, ut patuit in hoc Principe *Xân*; improbos verò abjicit & perire ſinit.

§. 4.

ODA ait: O omnium encomiis laudandum, jubiliſque extol-
lendum virum perfectum! O quàm magnificè reſplendet
ejus præclara virtus! Quæ populi ſunt tribuit populo, & quæ magi-
ſtratibus competunt tribuit magiſtratibus. In omnes derivat virtutes
ſuas, adeoque de omnibus bene meretur. Ideò nimirum ampliſſimos
recipit cenſus (*Imperium denotat*) à cælo: conſervat ac fovet Impe-
rium; adeoque aliis atque aliis beneficiis à cælo dimanantibus, boniſ-
que omnibus cumulat; & in longam poſteritatem amplificatur.

§. 5.

IDEO (*concludit Philoſophus*) magna virtus procul dubio obtinet
à cælo Imperium.

p. 2. §. 1.

Confucius excurrans hic in laudes Regum *Vên-vâm* & *Vù-vâm* ſic
ait: Qui expertis mœroris ſemper fuit (rarâ Regum felicitate)
is ſolus fuit *Vên-vâm*: quia nimirum Regulus *Vâm-kî* fuit ei Pater,
à quo tam præclare inſtitutus fuit; & quia Imperator *Vu-vâm* fuit
ei filius, patri, avoque tam ſimilis; quæ pater piè ac feliciter orſus
fuerat, filius majori etiam cum felicitate in annos plurimos perpe-
xit. Fundavit enim hic tertiam familiam Imperatoriam *Cheu* di-
ctam, quæ præ reliquis omnibus familiis diutius ſtetit, annis ſcili-
cet 874. triginta quinque Imperatoribus illuſtris.

§. 2.

Imperator *Vu-vâm* hêroicis ſuis virtutibus propagavit proavi ſui
Tai-vâm, & avi ſui *Vâm-kî*, & patris ſui *Vên-vâm* auguſtam ſtirpem.
Semel dumtaxat arma militaria induit, ut exigeret meritas pœnas
de impiſſimo *Cheu* tyranno (fuit hic ſecundæ familiæ *Xam* poſtre-
mus) & hoc ſubacto obtinuit Imperium hortatu, vel impulſu potiùs
occurringentorum diinaſtarum totiuſque populi; ejus autem perſona
ad hoc ſaſtigium eveſta nequaquam amiſit acceptam à majoribus
oroque orbe illuſtrem ac celebratam virtutum & meritorum fa-

nam. Dignitate fuit *Imperator* : At si de opulentiâ agamus , possedit quidquid quatuor maria intra se continebant : neque minor fuit illius pietas ; quippe in avitis majorum aulis , iis parentabat magnificentia & ritu Imperatorio : quem morem filii sui ac nepotes conservarunt totâ deinceps posteritate propagante in perpetuum gloriosam memoriam Majorum suorum & prosapiæ regiar.

De hujus illustri prosapia multa perhibent Annales Sinici : Siquidem ordiuntur illam ab Imperatore Hoâm-ti (qui cepit imperare anno ante Christum 2697.) perpetuâ quadraginta generationum Serie ; quarum tam nomina quàm cognomenta accuratè recensent. Porro inter Hoâm-ti & Vù-vâm anni 1574. effluxère : Rursus ab hoc non tantum eadem stirps , sed & dignitas simul Imperatoria in filios ac nepotes per annos 874. propagata fuit. Ex quo conficitur, Domûs illius nobilitatem, fortè nulli Europæarum vel Asiaticarum secundam , annis 2447. sibi constituisse : primò quidem cum Regulorum & deinde cum Imperatorum titulo ac dignitate : consule tabulam genealogicam Sinica Monarchie.

f. 13. p. 1.

HIC & deinceps ostendit *Confucius*, quomodo *Vu-vâm*, & hujus frater *Cheu-cum* & servarint ipsi, & ad posteros suos transfuserint debitum culum & reverentiam ergà defunctos majores, servando luctûs, exequiarum, & sepulturæ, simulque officiorum ac rituum debita tempora, ordinem, & apparatus. Et hic quidem erat filialis obedientiæ apex, ob quam sibi omnem felicitatem à cælo promittebant. *Vu-vâm*, inquit *Confucius*, jam senior, octogenario major scilicet, suscepit imperium; adeoque, cum tantum septem annis imperavit, non potuit leges ac ritus ita stabilire ut non esset periculum ne denuò negligerentur & in oblivionem irent; quare cum filium Imperii hæredem relinqueret, *Châm-vâm* dictum, tredecim annorum puerum, *Cheu-cum* hujus tutor simul & patruus extremam rei tantæ imposuit manum, & adimplevit Parentis sui *Vén-vâm*, & fratris sui natu majoris *Vu-vâm* virtutes ac statuta, posthumo Regulorum titulo ornans Proavum *Tái-vâm*, & Avum *Vâm-hé*, vel (ut alij exponunt) *Cheu-cum* adimplevit *Vén-vâm* & *Vu-vâm* virtutes : Nam assidue & ipse sibi & pupillo revocabat in memoriam familias Regias, virtutesque Proavi *Tái-vâm*, & Avi *Vâm-hé* Regulorum; numerando per mille & amplius annos perillustres familiarum seriem à *çu-cun* usque ad ipsum *Héu-cio*, qui familiarum Princeps & caput fuit, & filius quarti Monarchiæ Imperatoris, *Té-co* dicti, ex prima Regina *Kiam-yén* dictâ : Erat autem *Té-co* nepos secundi Imperatoris cui *Xuô-huô* nomen : Porro *Xuô-huô* filius erat celebris illius *Hoâm-ti* flavi Imperatoris ex matre *Lufj-gù* dictâ. Itaque solemnitus augustiusque parentabat defunctis majoribus juxta *Imperatorum* ritus, impertiens eos sua ipsius dignitate; qui ritus deinde abiit in

usum apud omnes Reges & Imperatores Sinarum; ut quisque scilicet suâ ipsius dignitate impertiret Majores suos defunctos, quamvis hi illam non habuissent in vitâ. Hi itaque erga Majores ritus propagati sunt ad *Regulos* & ad *Magnates* Imperii, *Ta-fu* dictos, usque ad literatos; ac tandem ad privatos homines: omnes enim juxta suum quisque statum, & ordinem quem obtinebant, in hoc officiorum genere procedebant. Atque adeo si Pater fuisset unus ex *Magnatibus* seu Magistratibus Regni, & filius esset dumtaxat literatus, sepeliebat hic Patrem cum ritibus *Magnati* debitis; ipse verò ei parentabat pro suo literati aut Doctoris gradu: Contrà, si Pater fuisset literatus, filius autem esset ex *Magnatibus*, tum filius sepeliebat patrem ut literatum, seu ritu literatorum, parentabat autem ut *Magnati*, eandem cum suâ dignitatem Patri licet mortuo impertiens honoris causâ. Utriusque ritus rationem hanc afferunt; quia dignitas Patris sequitur mortuum usque ad sepulchrum; at verò quæ ei fiunt parentalia, sive quæ offeruntur munera pertinent ad redditus & facultates, seu ad statum viventis filii; qui si pauper pauperis more, si Rex Regis more Parentibus suis parentabat. Quod verò ad luctum pertinet: unius anni luctus (*quem declarant, non atri, sed albi coloris vestitu funebri*) in morte fratrum aut parvuli, tantum pertingebat ab infimâ plebe usque ad *Magnates*. In obitu aurem Patris, aut Matris, *triennii* luctus pertingebat ad ipsum usque *Imperatorem*: Et in hoc Patris ac Matris triennali luctu non habebatur distinctio nobilis ab ignobili, sed una eademque erat omnium ratio; quia quæ parentes promeriti sunt de filiis, & quæ filii vicissim debent parentibus, sunt in omnibus paria, & eodem pretio æstimanda.

Triennalis hic luctus idèò servabatur, quia proles totidem annis lactari solet, ac gremio Parentum frueri. Maritus trimestri tantum spatio defunctam Uxorem lugebat; at verò defunctum Maritum lugebat Uxor per triennium; & hac quidem consuetudo hodieque toto Imperio servatur à Sinenfibus.

P. 2. §. 1.

Applaudat obedientiæ modò descriptæ *Confucius* dicens: Imperatoris *Vu-vam*, & ejus fratris *Cheu-cum* horum ô quam latè propagata est obedientia.

Incipit hic paucis exponere, cujusmodi fuerit politica gentis hujus, publice pacis & quietis admodum studiosæ, de hac virtute ratiocinatio. Sic ergò differunt: Si Rex amet & colat parentes suos, non poterit his non dare operam ut & subditi ad suum Regis exemplum colant quoque & ament parentes suos; quisquis enim virtutem amat, eam nulli non inesse desiderat; tunc quidem maximè quando ipsius interest virtutem inesse aliis; interest autem Regis; frustra quippe Rex sperat subditos parituros esse sibi,
qui

qui parentibus parere doctissimi. Sed hoc ut suavius felicisque Rex perficiat, non poterit non prae se ferre benevolentiam paternae similem erga omnes; adeoque erit illi procul dubio cura ne quemquam suorum trailet inclementius: Libenter enim hunc sequimur & imitamur à quo putamus nos diligi; quod si hoc assequatur, ut suo Regis exemplo omnes Parentibus suis obediant, jam ei quoque omnes tanquam communi populorum Parenti morem gerent; sic ut in ipso quidem pareant justitiae, in illis autem obsequantur naturae. Nunc autem cum à cæli corona & Imperia nobis veniant; siquidem subditi Regis sui mandatis pareant, multò magis cælo ipsi velut omnium supremo parenti obtemperabunt: cælum verò nequaquam præmio suo fraudabit virtutem tantam: hinc ergo alia ex aliis bona largè manabunt: pax & concordia vigeant; atque potenti florentique Imperio summi pariter infimique sub Principe suo, veluti fratres in opulentâ recteque institutâ domo sub suo patre familias, quietam jucundamque vitam agent. Ex hac sapienti Priscorum ratiocinatione Auctor facillè intelliget, quàm consentanea rectæ rationi, & quam remota ab omni impietate fuerint Sinarum diffamina politica.

§. 2.

Prosequitur Confucius: Hi namque obedientissimi Principes Viam & Chien-cum præclare valuerunt prosequi majorum suorum voluntatem: insuper præclare valuerunt enarrare arque amplificare majorum suorum illustria facinora ad æternam posterorum memoriam & imitationem.

§. 3.

ILLI autem Vere & Autumno (nec minus tempore Brumali & Æstivo) adornabant suorum avitas aulas: apud disponebant ab his relicta antiqua vasa & instrumenta, cujusmodi erant purpureus ensis, seu ensis cum vaginâ suâ purpureâ; cœlestis Sphæra: in fluvio Hoan huiusmodi conspecta mappa à Fo hi descripta; stemmata Gentilitia, & gemmis adornata insignia ejus, quâ functi erant, dignitatis; conditorum Imperii magna documenta tabulis exarata. Item exponebant aureas eorum togas ac vestes, quibus vestiebant adornabantque Avorum tumbas sepulchrales: denique offerebant illius temporis Edulia, seu ea quæ præsens illius anni tempestas subministrabat, quæ ab ipso Imperatore honoris causâ, & in beneficiorum à majoribus acceptorum memoriam offerebantur.

f. 14. p. 1. §. 1.

Conveniebant Filii ac Nepotes in aulas suas gentilitias & parentales, & in his quidem aulis determinatus erat ritus: quapropter servabatur inter illos ordo tam assistentium ad lævam, quàm assistentium ad dexteram: item servabatur ordo dignitatis, quapropter & fiebat distinctio nobilium & ignobilium: rursus servabatur ordo officiorum; quapropter erat discrimen Sapientiorum; seli-

gebantur enim è multis ii qui sapientiâ & virtute cæteros vincebant, ut suo illo munere ritè fungerentur. Deinde verò cùm omnes cuiuscunque familiæ peractis jam ritibus se mutuo invitarent ad vina & epulas; tum inferioris ordinis, seu ætatis, Ex. gr. minores natu ministrabant vina natu majoribus ob reverentiam his debitam; quo fiebat ut officiorum solemnitas quadantenus perveniret etiam ad inferiores & ignobiliiores. Finitis hisce communibus epulis, discebant omnes qui erant alterius familiæ; & solùm epulabantur ejusdem familiæ, seu nominis, consanguinei; hi autem non ordine dignitatis, sed canitiei, id est, ætatis, confidebant; adeoque solùm ordo ac ratio dentium, (seu ætatis) habebatur, senioribus Principem locum obtinentibus.

§. 2.

Denique dicti duo Principes *Vu van* scilicet & *Cheu cum*, constanter decessorum vestigiis insistentes prosequerantur suorum dignitatem, quam in vitâ tenuerant, aut certè quæ mortuis accesserat: atque ita cum in avitis Aulis, tabellas *Paf Qui* dictas, seu Avorum stemmata exponerent, eas pro ordine cuiusque dignitati debito disponebant: item exercebant eorum, majorum inquam, ritus, canebantque eorum musicam, ad quam choreas agebant juxta ordinem dignitatis; ea venerabantur quæ ipsi olim majores in pretio & honore habuerant: ea amabant item, quæ ipsi dilexerant; scilicet posteros, subditos, populum, &c. Denique serviebant modò mortuis sicut servierant viventibus: Rursùm serviebant olim mortuis eo modo ac si servirent iisdem salvis adhuc & superstitibus: Atque hic scilicet erat obedientiæ apex.

Ex plurimis & clarissimis textibus Sinicis probari potest legitimum predicti axiomatis sensum esse quod eadem intentione & formali motivo Sinenses naturalem pietatem & politicum obsequium erga defunctos exerceant, sicuti erga vivos adhuc superstites exercebant, ex quibus & ex infra dicendis prudens Lector facile deducet, hoc ritus circa defunctos fuisse merè civiles, institutos dumtaxat in honorem & obsequium Parentum, etiam post mortem non intermittendum; nam si quid illic divinum agnovissent, cur diceret Confucius, Priscos servire solitos defunctis, uti iisdem serviebant viventibus? Nisi fortè quis dicat, filios parentibus etiamnum vivos detulisse honores divinos; quod apud Sinas inauditum est. Certè qui gentis hujus politicum regimen in priscis ejusdem monumentis expressum attentius examinârit, erit, quod suspiciat inventum illud tam suave continuanda gratitudinis & observantiæ à filiis & nepotibus, quoad vivunt, erga defunctos majores suos: Etenim hoc exemplo moventur ad menturque filii ad obedientiam vivis parentibus præstandam, quam vident ab iisdem erga mortuos progenitores tam piè constanterque præstari. Præstantur autem vivis hac officia longè operosius illo in primis

die qui parentum natalis est, ☉ anni Principium : planè diceret Numen aliquod adorari, tam singularis observantia reverentiaque significatio quâ prostrati in terram liberi patrem suum matremque juxta sedes suas tunc consistentes adorabundi venerantur : Appensis hinc inde majorum suorum ad prosapia sua ostentationem imaginibus cum titulis quoque & instrumentis dignitatis aut præfectura si quam s.ritè viventes obtinuerant, qui apparatus appositâ quoque bellariorum mensâ in aulâ bustitum adornatur primis anni calendis quando salutandi gratiâ præfecti alique eò conveniunt honoremque & reverentiam primum exhibent ejus, quem in-visunt, majoribus vitâ sanctis, cui mox reciprocam reverentiam cum alitione gratiarum herus exhibet. Sed hæc alibi c. piosè discussa sunt, nunc ad textum revertamur.

p. 2. §. 1.

Confucius volens innuere, *Vu-vam* & *Cheu-cum* fratres pulcherrimam gubernandi rationem assecutos esse, dicit, quod is qui Cælo in primis, ac dein progenitoribus suis debitum pictatis officium persolverit, cum omni felicitate Imperium sit administraturus. *Kiao*, erat id quod Cælo, adeoque in rotundo colle offerebatur : *Xé* verò, erat id quod terræ, offerebatur, adeoque in loco palustri & quadrato (quod opinarentur terram esse quadratam) Ab his admodum diversa erant parentalia, quæ majoribus offerebantur, per duas voces *Ti Cham* hic denotata *Ti*, erat id quod semel intrâ quinquennium solemniori cum ritu Majoribus suis offerebat Imperator : *Cham*, erant quæ per quatuor anni tempora iisdem obibant parentalia. Sic igitur *Confucius* ait : Sacrificiorum cæli & terræ ritus & officia erant id, quo colebant dumtaxat cæli ac terræ supremum Imperatorem, qui duabus litteris *Xám tí* aptè admodum ac literaliter significatur. Regiæ majorum aulæ ritus & officia, erant id, quo polteri Reges debita persolvebant honoris obsequia suis defunctis majoribus. Qui ergò clarè intellexerit, & expleverit sacrificiorum *Kiao xé* ritus supremo cæli terræque Imperatori debitos : qui item probè noverit *Ti cham* rationes, & ritè persolverit officia majoribus debita, nonne profectò tam facilè ei erit regnum rectè moderari, quàm est suæ manûs palmam aspicere ?

Hic locus illustris est ad probandum ex Confucii sententiâ unum esse primum principium ; nam cum dixisset esse duo sacrificia, cæli ☉ terre, non dixit, ad serviendum cælo ☉ terra, nec ad serviendum cæli & terra distinctis numinibus, sed ad serviendum superno seu supremo Imperatori qui est Deus, quamvis *Chuhi* commentator Atheopoliticus perperam dicat deesse numen terre, & brevitatatis causâ in textu omitti ; quod commentum eruditè refutat P. Matthæus Riccius alique Doctores Christiani. Verum hunc locum adeò illustrem aliosque hujusmodi asseremus cum alibi quid

nomine cui & Xám-tí prisci Sineses intellexerint, fusius disputabimus.

§. 2.

Regni Là Rex, Ngai cum dictus, quæsit ex Confucio de regimine, seu de rectâ gubernandi ratione.

§. 3.

Confucius hic & in seq. respondet: Principum *Ven-tum* & *Vu-vam* regimen ac recta gubernandi ratio non est longè quærenda, fusè refertur in tabulis ligneis, & cannis palustribus (harum cortex pro papyro ipsis erat) similes viri, & illius temporis Principes, si modo existerent, seu, si Reges nunc similes illis essent virtute & sapientiâ, mox ipsorum præclarum regimen etiam resurgeret: quia, verò similes viri jam interierunt, jam & eorum regimen simul interit. Legum enim præclararum meræ tabulæ sunt veluti currus sine Aurigâ.

f. 15. p. 2. §. 1.

Hominum virtus, seu Regis simul & subditorum unita mens hac virtus, expeditum reddit regimen, id est, promptam facilemque reddit rectam gubernationem; quemadmodum terræ benè cultæ virtus productiva accelerat incrementa plantarum. Ejusmodi itaque regimen est instar fluvialium cannarum, quæ ad fluentia consistit citò feliciterque præ reliquis plantis excrescunt.

§. 2.

Enimverò optima administrandi ratio (ut erat illa Regum *Ven-tum*, & *Vu-vam*) pendet ab hominibus, quibus à Rege hoc munus creditur; seligere verò hos homines pendet à bonâ compositione & normâ personarum regiarum, quæ exemplar reliquorum sit oportet: compositio autem personarum Regiarum pendet à rationis regulâ illâ universali, per quam qucat discernere bonum à malo, ut hoc rejiciat, illud seligat, & unicuique quod suum est cum fide & æquitate tribuat: Perficitur verò dicta regula per solidam illam animi virtutem & amorem pietatemque universalem erga omnes *Gin* dictam.

§. 3.

ILLI autem amor & pietas universalis, non est quid extrinsecum homini, sed est ipsæmet homo, seu, hominis naturæ proprium quid atque innatum; dictans omnes amandos esse, atque adco amare, hominis est; attamen præ cæteris amare parentes, est ejus præcipuum ac primarium munus, à quo deinde ad reliquos amandos gradum facit. Ex hoc item amore oritur justitia illa distributiva, quæ est ipsæmet convenientia; atque adco justum esse, æquitatis est, & quamvis ea in hoc sita sit, ut unicuique quod suum est tribui velit, tamen præ reliquis colere sapientes & probos, hos promovendo

promovendo ad dignitates & munia publica, est hujus quidem justitiæ præcipuum munus. Hoc in amandis parentibus & magis aut minus propinquis discrimen, & in colendis iis, qui magis aut minus sapientes ac probi sunt ordo, ab officiorum harmonicâ quadam ratione seu symmetriâ nascitur; secundumquam symmetriam, utpote commensuratam cum cœli ratione, res omnes diriguntur. Agit nimirum hoc loco Philosophus de communi quadam, sed merè humanâ charitate, *Gm* dictâ, quæ ad totius generis hominum conciliationem & consociationem colendam tuendamque spectat; cujus adeò nexu vinculoque mortales pro suo cujusque gradu & conditione vel arctiùs vel laxiùs inter se mutuò vinciuntur.

p. 2. §. 1.

PRO hujus loci explanatione, cum neque cum antecedentibus neque cum consequentibus cohæreat, remittit Interpres Lectori infra f. 18. p. 2. §. 3.

§. 2.

CUM igitur recta gubernatio pendeat à Viris sapientibus; seligere autem Sapientes spectet ad virtutem personæ Regiæ; ideo ante omnia perfectus Rex omnino non potest non rectè excollere propriam personam. Primò per rationis normam universalem & amorem ergà omnes; ex quo scilicet reliqua pendent. Quod si seriò meditetur excollere personam propriam per dictum illum amorem universalem, quandoquidem inter homines primum locum obtineant parentes, non poterit non servire parentibus, & hos præ aliis amare. Cum verò ille ipse amor, seu virtus à parentibus dimanet ad reliquos homines (est enim amor universalis) si Rex seriò hoc meditetur ut serviat parentibus, non poterit tandem non cognoscere reliquos homines, & hos inter, qui aliis virtute sapientiâque præcellunt, ut hos sibi & Regno seligat administratos. Quod si sedulò meditetur cognoscere homines, fieri non poterit ut non habeat perspectum Cælum. Vel, Cœli rationem omnibus inditam; quæ scilicet dictat, excollendam virtutibus personam, colendos parentes, honorandos probos ac sapientes, venerandum denique Cælum, à quo indita est homini recta ratio; quæ est virtutum omnium Principium ac radix.

§. 3.

DEclarat hic *Confucius*, quinque universalium Regularum præxim dependere à tribus virtutibus Cardinalibus: harum autem virtutum efficacitatem pendere ab unica animi soliditate ac veritate. Totius (inquit) orbis universales & obvix Regulæ seu viæ sunt quinque: Ea verò quibus practicè exercentur illæ sunt tria. Quinque Regulæ sunt videlicet, 1. Regem inter & subditum justitia: 2. Parentes inter & filios amor: 3. Maritum inter & uxorem

Q

debita à reliquis distinctio, seu fides conjugalis : 4. Fratres majores natu inter & minores subordinatio : 5. Denique mutua quæ amicos inter sunt concordia ac consuetudinis officia. Hæ quinque sunt orbis hujus generales viæ ac regulæ. At verò prudentia in discernendo bonum à malo ; amor quidam universalis erga omnes ; & fortitudo in prosecutione boni & fugâ odioque mali, tria hæc sunt orbis generales seu Cardinales virtutes, per quas perfici debent quinque Regulæ : Id verò, quo exercentur tres illæ virtutes est unum quid ; seria nimirum & vera cordis soliditas, veritas, & rectitudo ; nam si ex ficto & fallaci corde dictarum virtutum una procedat, ea profectò non erit virtus censenda, sed vitium.

f. 16. p. 1.

SIVE quis nascatur (inquit *Confucius*) Sciens, id est, si quis instructus fuerit ingenio tam celeri & perspicaci à naturâ, ut abique Magistro per se prædictas regulas intelligat ; sive quis, brevi & moderato usus studio, illas discendo sciat ; sive quis diuturno studio & cum improbo labore easdem sciat ; ubi hi pertigerunt ad ipsam scientiam, seu prudentiæ virtutem, una est tandem eademque in omnibus, tamen si alii citius, alii tardius eam sint assecuti. Rursus inter homines sive quis sortitus animam bonam sponte & quiete veluti naturaliter operetur ; sive quis ob lucrum seu utilitatem virtutis & cupiditatem quamdam operetur ; sive quis nactus indolem minus facilem violentè operetur ut tandem assequatur virtutem amoris universalis ; tamen si, inquam, in operis exercitio aliis sit facilitas quædam aliis labor & difficultas, tamen ubi omnes jam pertigerunt ad ipsius exercitii terminum, & complementum operis in quo demum ipsa se quoque prodit fortitudo, hoc ipsum in omnibus unum quid idemque erit opus.

p. 2. §. 1.

Confucius, ut ostendat, omnes, si modò velint, posse sic proficere ut tandem propè absint à dictis virtutibus, prudentiâ scilicet, amore & fortitudine, ait : quamvis rudis sit quispiam, si tamen amet ardeatque discere, nec fatigetur in studio virtutis, jam is appropinquat ad prudentiam : si quis amore privato sui ipsius adhuc quidem implicitus, tamen nitatur rectè operari, jam is appropinquat ad amorem illum universalem erga omnes ; si quis denique ita est constitutus animo, ut constanter norit verecundari, & erubescere cum turpia & illicita proponuntur, jam is appropinquat ad fortitudinem.

§. 2.

SI igitur benè nosti hæc tria, jam probè nosti id quo rectè excolitur persona propria : si nosti id quo excolitur propria persona, jam nosti id quo regas alios homines, jam etiam ex eadem

norma nosti id quo regas orbis Regna: cum eadem sit ratio & lex in omnibus, quæ in uno; ex quo fit, ut perfectio suæ unius regis personæ sit perfectionis reliquorum fundamentum & norma.

f. 17. p. 1.

Confucius, secundum ea quæ dicta sunt, Regem instituens sic ait: Quicumque moderatur orbis Regna habeat has novem regulas, & præcepta vulgaria quidem, sed observatu necessaria: Videlicet, 1. Excolat virtutibus se ipsum: 2. Colat sapientes & probos viros: 3. Observet & amet parentes: 4. Honoret & in pretio habeat præstantiores ministros & præcipuum Magistratum gerentes: 5. Accommodet sese ad voluntatem reliquorum Ministrorum, seu Præfectorum minorum; quos ut membra sua autemet: 6. Filiorum instar diligat populum ac vulgus promiscuum, congaudendo gaudenti, condolendo dolenti: 7. Accersat plurimos omnis generis artifices ad commune Regni emolumentum: 8. Benignè ac comiter excipiat & protegat e longinquo advenas & adventantes hospites: 9. Denique amanter ac impensè ~~beat~~ ~~et~~ cordi habeat Imperii Regulos & Dynastas, quo fiat, ut concilietur eorum erga Regem & amor & fides.

p. 2. §. 1.

Si igitur Rex novem prædictas regulas observet, plurima equidem toti Regno emolumenta consequentur: Nam si excolat virtutibus seipsum, mox lex & Regulæ illæ universales Regis exemplo vigeant: Si colat sapientes, adeoque horum multo usu consilioque utatur, jam non hæsitabit perplexus in negotiis suscipiendis & perficiendis: si observet & amet parentes, jam & inter reliquos consanguineos, ex. gr. patruos, fratres majores natu, & minores non erunt querelæ aut similitates; sed concors amor in bonum totius familiæ conspirans: si veneretur & in pretio habeat præcipuos ministros, jam non caligabit, nec erit anxius trepidusque in Regni sui administratione tametsi fortè discrimen aliquod ingruerit; aderunt enim atque opitulabuntur Principi suo spectatæ virtutis invictique roboris viri, non consilio tantum, sed manu quoque prompti: Si gregales Magistratus, sese iis accommodans, veluti corporis sui membra autemet, jam & hi, & qui erunt ordinis superioris præfecti reddent obsequia sua impensius cumulatiùsque & universi corresponsdebunt Regi cum omni fide & sinceritate: Si filiorum instar amet populum, tunc populus animabitur atque excitabitur vicissim ad redamandum tam beneficum sibi parentem: Si famâ tanti Regis accersiti adveniant plurimi cujuscunque generis artifices, tunc & divitiarum ad utendum, & rerum ad communes usus necessariorum affatim erit: Si benignè excipiat e longinquis regionibus adventantes advenas, mox circumjacentium quatuor

terrarum populi ultrò ad ipsum se conferent, & gaudebunt subesse tam humano & benigno Principi : Si impensè diligit ac foveat Regulos, hos vicissim habebit sui amantes sibi que devinctos, adeoque auctus ipse tantis opibus, tantâque potentiâ, jam toto orbe formidabilis erit.

§. 2.

Confucius enumeratis fructibus, qui ex novem prædictis Regulis nascuntur, tradit hîc modum, quo eadem ad praxim reducantur, dicens : Si Rex à vitiis abstineat, sit purus & immaculatus intèrius, & exteriùs gravi & se digno cultu induatur; si illicita & quæ repugnant rationi non attingat, hæc nimirum ea sunt quibus Regia excolitur persona : Si procul repellat à se detractores, & procul absit à veneris, si vilipendat opes ac facultates, & magnipendat virtutem, hæc ea sunt quibus animantur & excitantur ad imitationem sapientes virtutum sectatores : Si in pretio habeat ac veneretur & foveat suorum parentum dignitatem, suo Regio censu augeat eorum privatos redditus, eadem amans & odio habens quæ illi amant aut oderunt, hæc ea sunt quibus animantur reliqui ad amandos item parentes ac propinquos : Si Præfectorum inferiorum magnum numerum habeat, & qui majoribus subordinati ex officio minora quæque negotia administrant : hoc est id quo animantur superioris ordinis Præfecti, ut illorum operâ industriâque usi munus suum feliciùs exequantur : Si suis Rex ministris fidat & credat, & pro cuiusque meritis ampla conferri jubeat stipendia, hæc ea sunt quibus animantur regii ministri ad impensius suo Principi serviendum : Si tantum congruis temporibus (non iis scilicet, quibus aut agri colendi sunt, aut messis colligenda) occupet populum, & moderetur vectigalia, hæc ea sunt quibus animatur populus ad amorem promptamque obedientiam : Si quotidie examinet, & quovis mense per se ipse exploret an operariorum merces & alimenta ex regiis educta horreis respondeant operi, hoc est id quo animantur opifices ad impensius labbrandum : Si Rex debitis officiis prosequatur abeuntes advenas, & benignè ac comiter excipiat adventantes, collaudando aliorum præclaras dotes, quando his instructi sunt, utendo illis ad munia publica, & miserando aliorum, qui fortè tenuiores sunt, imbecillitatem, hoc est id quo benignè tractantur è longinquo advenæ ac peregrini : Si usque & usque perpetuare seu conservare studeat Regulorum intereuntes jam propè familias substituendo alterum ex eadem familiâ in demortui locum & dignitatem, Si insuper studeat erigere & in pristinum statum restituere eorundem collabentia Regna, moderando compescendoque seditiones vel tumultus obortos, & propulsando sistendoque imminencia pericula; Item si dum celebranda sunt Regulorum comitia, & exci-

piendæ

piendæ eorumdem legationes, juxta statuta dumtaxat tempora id faciat (non immutando communem in hoc praxim, ne sit oneri Regulis) Si item lautè ac splendide tractet abeuntes, & non cupidè sed regiâ cum moderatione excipiat adventantium munera (quod erat Regum Præcorum dictamen) hæc ea denique sunt quibus amanter foventur clientes Imperii Reguli.

Moris erat, ut quotannis Reguli per Legatum, Tâ Fu dictum, mitterent munera ad Imperatorem; tertio item anno, sed ampliora ditionaque & per Legatum superioris quoque Ordinis Kim dictum; deinde quinto quolibet anno tenebantur ipsimet Reguli in comitiis Imperii consistere se Imperatori.

f. 18. p. 2. §. 1.

Concludit *Confucius*: Igitur quicumque regunt orbis Regna habent quidem quas & quomodo servant novem dictas Regulas: Cæterum id, quo debent exercere illas, unum dumtaxat est: nimirum seria animi soliditas seu veritas sine ullo fucò; quæ, si vel in unicâ ex novem Regularum desideretur, jam non erit recta sed fucata & superficialis tantum virtus.

§. 2.

UT autem dictas Regulas & virtutes omnes cum dictâ illâ animi soliditate & veritate quis assequatur, hæc addit Philosophus: Si omnes res & actiones, quæ spectant ad prædictas Regulas præcogitentur, & præviè consideratæ solidè in animo stabiliantur, hoc ipso in expedito erunt ac solidè subsistent: Quod si eas non solidè præmediteris, hoc ipso corruent, & incassum abibunt. Sic si verba proferenda priùs determinaveris, ac ea tecum ipse iterum iterumque repetens, quid, quomodo dicendum sit, planè definiveris, hoc ipso non celsipitabis, nec in sermonibus tuis hæsitabundus offendes: Si res agendas tecum ipse priùs accuratè perpenderis, ac solidè quid, quâ ratione agendum sit, statueris, eo ipso deinde non agèris nec te affliges ob sinistram eorumdem successum: Si opus ipsum quod aggressurus es priùs ipse cum animo tuo solidè prædeterminaveris, hoc ipso deinde non te pigebit, nec opus cœptum languescet, nec tu ipse (si fortè in medio cursu deficias) levitatis & inconstantiz notaberis: Denique si regula rectæ rationis priùs fixa firmaque fuerit, seu si antequam rem perficiendam suscipias, diu eam præmeditatus, obfirmaveris animum dicto illo robore recti & sinceri arbitrii, tum profectò tanta consurget virtus & efficacia, ut nequeat exhauriri, adeoque indeficiens tibi ejus usus existeret.

DOctrinam modò dictam declarat Philosophus exemplo inferiorum respectu superiorum, sic dicens : Qui constitutus est in inferiori dignitate, si non prius conciliatum sibi habeat animum superioris sui & in supremâ dignitate constituti, nequit fieri ut populus ab eo rectè ac pacificè gubernetur : Conciliationis autem animi apud Superiores & supremos Magistratus, datur sua quoque ratio & regula cui nititur ; ut datam scilicet fidem servet amicis suis & æqualibus ; etenim si non ex animo servet quis fidem cum amicis, nec poterit obtinere gratiam, benevolentiam & fidem apud Superiores & supremos Magistratus ; hi enim non dabunt fidem fallenti, quamvis amicus & familiaris sit qui falsus est : ut autem quis servet fidem cum amicis, datur & sua regula & ratio quædam : Si enim non seriò obsecundet quis & obsequatur, adeoque fidem quodammodò fallat, parentibus, hoc ipso nec fidem servabit habebitque cum sociis & amicis : Ad obsecundandum autem parentibus datur etiam quædam ratio & regula ; si quispiam nimirum prius in se oculos referens non deprehenderit se verè atque ex sincero animo, sed fictè dumtaxat & specie tenus morem iis gerere, planè censendus est non obsecundare & obsequi parentibus : Ut autem quis sincerè & solidè perficiat seipsum, & illam recti animi integritatem obtineat, datur item certa regula & ratio, quæ consistit in discrimine boni à malo ; nam nisi quis exploratam habeat atque perspectam rationem boni & mali, nec quis unquam sincerè perficiet seipsum, & solidus esse in se non poterit.

Suprà) à fol. 14. p. 2. §. 2.) agit Philosophus de recta gubernatione ad imitationem Præscorum Regum *Ven-vam* & *Vu-vam* : Dein affert quinque illas in hoc rerum universo insitas naturæ à Cælo Regulas, & tres virtutes veluti Cardinales, prudentiam, amorem, fortitudinem, quibus ex perficiuntur : tum ad particularia descendens, novem rectè regendo Imperio proprias Regulas tradit, quas omnes dicit pendere à rectâ sui ipsius institutione. Tandem concludit, quòd qui regere vult sese, ac deinde populum, initium facere debet ab intrinsecâ animi soliditate, seu perfectione quadam sublimi & veritate omnem prorsùs fictionem excludente : quæ quidem veritas & soliditas aliquando sumitur pro ipsamet naturâ, homini & rebus omnibus, aliâ atque aliâ proportionem & efficacitatem, à Cælo inditâ. Hæc itaque veritas & soliditas literâ *Chim* hic explicatur : Hanc quatuor literis Interpretes exponunt, videlicet *Chin Xe Vu Vam*, hoc est, *Verum, solidum, absque fictione*. Nos verò veram, seu solidam perfectionem deinceps vocabimus.

f. 19. p. 1. §. 1.

UT hîc, & deinceps intelligatur mens Philosophi, dico, sic eum agere de Sancto & sapiente (quod ad lumen rationis, seu ad perfectionem & veritatem illam nativam attinet) ut quamvis asserat, huic & illi, uti & reliquis hominibus, æquâ portione infusam esse rationalem lucem, sic tamen infusa sit Sancto, ut, quia is nunquam à primâ illa integritate per obliquas & pravas animi affectiones vel minimùm deflexit, quasi serenissimo semper fruatur cœlo, in quo longè latèque nativi solis sui rationale lumen ad usus & actiones suas naturaliter & sine repugnantîâ diffundat: contrâ verò sic infusa sit eadem lux & perfectio sapienti, ut, quoniam deinde advenerunt ei sua quædam impedimenta, vitia, & maculæ, quæ quasi nubila, nativi solis lumen intetceperunt, opus sit non parvo conatu, studio ac labore, ut ita remotis nebilis primævæ suæ serenitati ac splendori restitatur: atque hæc vocatur *gîn táo*, id est, *hominis via ac ratio*, seu sapientum ad primævam perfectionis originem contendendum regula: prior verò vocatur *tiên táo*, hoc est, *cæli ratio*, seu prima regula à cælo æqualiter omnibus indita, estque Sanctorum nunquam violata virtus.

De utrâque istâ ratione seu regulâ ferè usque ad finem hujus libri agitur, ut patebit legenti: de utrâque item hîc agens *Confucius*, ait: verâ solidâque perfectione dotatum esse cælestis quædam est ratio omnibus indita; at verò post hujus jacturam ad recuperandam denuò hanc veram solidamque perfectionem contendere, seu per conatum ad eam quam amisit integritatem redire, humana quædam via & ratio est. Quod spectat ad verâ solidâque perfectione dotatum; quia talis perfectio à cælo proficiscitur, ipse quidem ex parte sua non sibi vim inferens sine ullo passionum conflictu agit, & tamen sine negotio attingit scopum & finem; non ratiocinatur, & tamen rem assequitur; cum magnâ denique tranquillitate absque ullâ commotione rationem sequitur & attingit virtutem; atque hoc *Sanctorum* est. Quod autem spectat ad eum qui per conatum ad veram solidamque perfectionem contendit, quia ab ipso met homine pendet, qui cum labore eam assequi conatur, opus est ut seriè potiùs secum ipse meditetur, & examinet singula; quo factò deinde seligit sibi bonum, & hoc selecto dein fortiter manu tenet ac conservat; atque ea sapientium virorum, præ modò dictâ longè inferioris ordinis, via & ratio.

p. 2. §. 1.

UT autem quis sibi queat seligere bonum, ac tenaciter deinde retinere, observet quinque Regulas oportet. 1. Ut rerum omnium rationes, causas, & congruentias non obiter & carptim, sed plenè latèque perdiscat; qui enim assequi conatur solidam perfe-

tionem multa serîo perdiscat necesse est. 2. Quia verò in iis quæ didicit, erunt fortè quæ necdum ita novit quin dubia quædam suboriri possint, oportet ut præmaturè discutiatur quærenda, examinans singula, & consulens de his viros sapientes & rerum peritos. 3. Quamvis explorata videatur habere omnia, quia tamen primum est aut excessu aut defectu quopiam peccare, necessarium deinde erit, ut non oscitanter, sed sollicitè, attentè, ac studiosè secum ipse iterum iterumque ratiocinando mediteretur atque expendat singula. 4. Oportet insuper ut non confusè, sed clarè distinguat res inter se, bonum à malo, verum à falso maturè dijudicans. 5. Quibus denique sic perfectis, necesse est, ut non fictè, sed solidè ac constanter operetur; seu res, de quibus apud animum suum priùs ipse statuerit, totis viribus exequatur.

§. 2.

Prosequitur *Confucius*: sunt qui nolunt discere, quia discendo non proficiunt, nec illicò assequi possunt quod volunt, at si discant, non tamen, donec sciant, desistant à studio: sunt qui nolunt interrogare, quia interrogantes ob tarditatem ingenii non statim capiunt responsa, at si interrogent, non tamen, nisi intelligant, ab interrogando desistant: sunt qui nolunt ratiocinando meditari, quia quod meditantur non facile assequuntur, at si quidem ratiocinentur, non tamen, donec assequantur, à cæpto desistant, aut desperent: sunt qui nolunt argumentari & dijudicare, quia rem non usquequaque clarè & distinctè percipiunt; at si quidem dijudicant, non tamen donec clarè omnia percipiant desistant aut despondeant animos: sunt qui nolunt operari, quia in operando non solidi & constantes sunt, at si operantur, non tamen desistant à cæpto jam opere, donec totà contentione compleatur: etenim si alii primâ & unicâ vice feliciter possunt aliquid assequi, tu ipse saltem, si non unicâ vice unove conatu, centesimo sanè aliquid efficies: si alii decimâ vice quidpiam possunt, tu millesimâ saltem vice spera te consecuturum.

Æ. 20. p. 1.

Si quis igitur hoc reverà impetrare possit abs se, ut sine intermissione saltem conetur servare, seu agere juxta, dictas quinque regulas, quamvis ipse rudis fuerit & ab arte ac naturâ parùm juvari se sentiat, tandem tamen evadet clarè intelligens; & quamvis sit modò mollior & imbecillior, tandem aliquando fortis evadet in exercitio virtutum. Hactenus *Confucius*.

p. 2.

Concludit hæc verba & doctrinam avi sui dicens: Se ipso; id est, sine operosâ contentione vel conatu, verè solideque perfectum esse, simulque rerum omnium intelligentem, dicitur natura

tura, seu connaturalis virtus à cælo infusa : Rursus seipsum prævio conari & studio illuminare & reddere intelligentem, ac deinde in verâ virtute seu perfectione solidare, dicitur institutio (vel, ut alii explicant; ab illâ verâ solidâque perfectione claram & perfectam rerum omnium intelligentiam habere, hoc est quod dicitur natura, seu nativa quædam virtus & perfectio à Cælo mortalibus indita; hæc est *Tien Táo*, seu Sanctorum virtus, quæ nihil unquam labis ac vitii passâ velut in Olympi quodam vertice constituta quaqua verum ad omnia summâ cum facilitate quasi descendit: ac verò ab ea clarâ & perfectâ rerum intelligentiâ, quæ scilicet diurno studio ac labore parata fuit, ascendere ad primævam illam & veram perfectionem, seu nativam virtutem prout à cælo primùm indita fuit, hoc dicitur institutio, seu disciplina virtutum non infusa, sed acquisita; & hæc est *Gin Tao*, seu sapientum virtus, non sine labore scilicet eluctantium in altum Olympi verticem, in quo primùm à Cælo constituti erant idèò quisquis nativa perfectione dotatus est, seu Sanctus, eo ipso est clarè intelligens omnia, seu sapiens; & quisquis labore & conatu rerum claram intelligentiam sibi comparavit, mox etiam poterit facili negotio solidè perfectus esse, & in pari gradu cum ipso Sancto.

Hic deinceps exponit çu-su *Avi sui & Magistri doctrinam de solidâ veritate*, & *qua cum hac conjuncta sit supremâ quadam sanctitate, quam licet Interpretes gentiles (aliquibus exceptis) homini attribuant; eam tamen aded sublimem facit Philosophus, ut præter nonnisi suprema veritati ac sanctitati tribui posse videatur. Nam cum asserit, summè veram esse, & hanc dumtaxat posse intelligendo exhaustire suammet omniumque rerum naturam, præscire futura, esse rerum principium & finem, amplissimam, subtilissimam, perennem, & absque termino, esse quid sine motu, movens ac produciens, contegens, sustinens, & perficiens omnia; esse quid unicum, summè sanctum, summè intelligens, invisibile, &c. ut in textu infra patet; quid aliud innuere voluit, quam supremum aliquod Numen, perfectissimamque mentem? Hujus notitiam si nos Confucio ejusque discipulis concedimus, quid obsecro novi dicimus, cum eam ipsam tam multis Ethnicorum concesserint, primùm quidem ipsemet Apostolus, deinde sancti Patres, ad extremum tot ac tanti Doctores atque Theologi, & ipsis barbaris Nationibus ipse eloquentia Princeps Ethnicus? Quid? Quod hi dum demonstrare conantur existentiam Dei rationibus moralibus; non parùm roboris demonstrationi suæ petant ex ipso illo gentium omnium & sapientum consensu, qui utique in falsum constanter aded conspirare nequeant.*

ITaque ait *çà-m*, quamvis quæ à Cœlo homini indita est natura, rationalis quidem sit spectata radice suâ, & solidum quid, verum, & sine fictione, tamen quia per vitiosos affectionum suarum motus homo jam deflexit ab illâ nativæ puritatis innocentia ac veritate, non clarè eam cognoscit, nec in operando assequi potest, quantum naturæ conditio & status exigat; ideò solùm is qui in universo hoc summè perfectus & sanctus est potest in cognoscendo penitus exhaurire suam ipsius naturam: qui autem potest exhaurire suam naturam, hoc ipso tam potest exhaurire & intelligendo & rectè instituendo hominum naturam, ac efficere ut redeant ad originalem suam puritatem à quâ desciverunt: Quod si potest ita exhaurire hominum naturam, jam hoc ipso etiam poterit exhaurire aliarum rerum naturas, & explere quod exigunt sive illas gubernando, sive conservando, efficiendoque ut unaquæque res obtineat statum naturæ suæ consentaneum: Quod si potest exhaurire rerum naturas, jam etiam poterit veluti coadjuvando concurrere cum Cœlo & Terrâ ad rerum productionem & conservationem: Quod si potest ita adjuvare cælum & terram in productione & conservatione rerum, igitur cùm cælum sit suprâ, ut omnia complexu suo foveat ac tegat, terra sit infrâ ut omnia sustentet, & ejusmodi summè sanctus in medio sit cælum inter & terram constitutus, jam etiam potest cum cælo ac terrâ ternarium principium perficere. Et hæc quidem spectant ad cælitus inditam rationem & regulam.

P. 2.

AB his, primi scilicet ordinis perfectis viris, qui proximi sunt seu secundi, primùm quidem hoc agunt, ut intorqueant sive rectificent quod curvum est, & non sine labore & constantiâ nituntur restaurare nativæ bonitatis nondum amissæ particulam & excitare scintillam primæ lucis nondum penitus extinctæ: Quod si fecerint, & dictam nativæ bonitatis particulam restaurarint, tum & poterunt reviviscere quodammodo, ac obtinere primum illum solidæ perfectionis vigorem; non aliter ferè quàm in arenti arbore & prope jam emortuâ; si fortè vel gemmulæ, vel surculi unius viridantis indicio tennes vitæ reliquias superesse intelligamus; laborem industriamque mox adhibemus nunc rigando, nunc aggerendo pinguiorem glebam; ad hæc, amputando si quæ desperatæ curationis sint; & causam denique mali vitii que fortiter tollendo, id tandem effecimus, ut arbori toti pristinus vigor ac vita restituatur. Ubi igitur affectui fuerint solidam perfectionem, mox illa ipsa sese prodat: Ubi se se prodiderit, mox illucescet magis magisque Solis nascentis instar: Ubi illuxerit, mox veluti Sol in meridie lucis radios latè diffundet: Ubi ita irradiaverit, eo ipso motum faciet animorum:

Vir enim solidâ perfectione præditus suis virtutum radiis suâque virtutum famâ hominum animos perstringat necesse est: Ubi morum fecerit & commotionem animorum, jam morum mutationem sine sensu inducet: nam exemplo suo ad bonum se propensum reddi sentiet, etsi nesciat unde sibi hoc accadat: Ubi morum mutationem induxerit, eo ipso felix univerforum conversio consequetur. Solum is in hoc universo qui summè perfectus & sanctus est efficere potest hanc conversionem. Hujus quoque secundi ordinis viri, cum tandem pervenerint ad solidam perfectionem, tum etiam suarum virtutum famâ poterunt adeò sublimem animorum conversionem efficere, & hoc modo una cum cælo & terrâ concurrere ad harmonicum illum orbis universi concentum.

f. 22. p. 1.

QUONIAM homines passim habent animum quadam pravarum affectionum veluti caligine offusum, nequeunt clarè cognoscere rationem omnem, quandoque nec discernere ea quæ ante oculos versantur, quânto minùs ea quæ ab oculis sunt remotissima, ut sunt futura? At verò) inquit *cui su*) summè perfecti ac sancti virtus ea est, ut possit præviè scire futura: Cum Regia Familia proximè est erigenda, procul dubio passim dantur faulta quædam prognostica: Regiæ item Familiæ cum imminet occasus, indubiè item dantur infaulta quædam prognostica, quæ & manifestantur in herbâ *Xi* dictâ & in testudine *Quei* dictâ (*supra hanc credebant aliqui dictam herbam, & ex maculis, seu coloribus, qui tum fortè apparebant, conjiciebant futura*) & prævio motu seu horrore quodam metuque futurorum percelluntur quatuor membra, seu totum corpus humanum. At summè perfectus, si quando fortè calamitas, aut felicitas proxime instat, non attendens ad ejusmodi signa, in probis procul dubio prænoscit præsentitque istam, id est, felicitatem; in improbis, haud dubiè prænoscit illam, id est calamitatem: idèdque summè perfectus cum tam subtilis & perspicax sit, est instar spiritûs omnia undequaque penetrantis; quorsum igitur eget hujusmodi auguriis & prognosticis?

Quod ad sortes attinet, atque alias superstitiose antiquitatis observationes, Chinam quoque videtur olim contaminasse labe ista, qua illis temporibus generi humano propè toti communis fuit. Hoc quidem certum Præcis etiam Sinis suas fuisse sortes, sua fuisse auguria; atque ex his de fausto rerum successu solitos ominari: Non ignorabant Sineses cælo cum terrâ magnam prorsus affinitatem esse nexumque arctissimum; sicut ambæ res partium sint instar, ad unius, quod totum sit, constitutionem: in quo cum pars longè nobilior, & qua alteri dominatur, cælum sit; hinc fieri ut vigor omnis ac virtus à cælo in terram, & ipsos qui versamur in terra mortales, perenni quodam fluxu velut à suo capite in subiecta membra

dimanet. Verùm cum talis esset cælestis ille fluxus & efficacia ut creber, vim sensum fugeret, neque aliter ferè quàm per effecta sua proderet se se tametsi non deessent ipsis Astrologi sui (indiciarii) quos velut Interpretes arcanorum cælestium identidem, quamvis exiguo sanè opere pretio, consulebant; omnino tamen sibi persuaserunt, in terris quoque nonnulla existere, quæ propriam quandam, ac precipuam cum cælo conjunctionem, & quasi sympathiam haberent; quorum scilicet indicio de futuris rebus & arcanis cælorum influxibus certiores fieri possent. Sicuti in humano corpore vidimus usu venire, ut affectionem capitis pedes, quamvis omnium remotissimi, primi tamen non raro persentiscant. Hujusmodi ergo sympathicam virtutem, testudini in primis putabant inesse; tum quia hæc vivax quadam (ut aiebant) imago erat cæli ac terre, cum hanc ipsam terram (quam quadratam esse statuebant) inferiore corporis sui parte, quæ item quadrata est, testudo referat; cælorum verd convexa dorso suo; nec non variis striis, ac lineamentis, quibus variegatum tergus habet, cælestes Planetarum domos circulosque depingat; tum etiam quod existimarent, ex brutis animantibus nullum aliud testudine vivacius reperiri, quippe quæ mille annos eoque amplius, ex ipsorum sententiâ, superaret.

Herbe Xi dicta ratio planè similis erat: excrescebat hæc (ut ipsi quidem scribunt) ad novem cubitorum magnitudinem, & cæterarum herbarum villicrix, arboribus ipsis aquabatur: credebatur etiam mille annis vegeta persistere; hinc mirificum illius precium, quod arcana cælestique vi polle-re crederetur.

Usum porro utriusque rei hujusmodi fuisse narrant, herbam Xi juxta, aut etiam supra Quæ seu testudinis dorsum statuebant; mox admovebant ignem; hunc ubi dicta herba conceperat, diligenter observabant quis inde quantusque fulgor, & qui colores promicarent: Rursùm quis motus acutus ipsius testudinis: qui item colores in variegato conche dorso se manifestarent: & si quidem tales erant, quales exigere præsens anni tempestas, ex. gr. verna, videbatur; bene scilicet ac feliciter ominabantur, sin aliter, mox augurabantur instare sinistri quidpiam. Non aliter ferè quàm si Medicus Sinenfis ex indicio pulsuum brumales inesse humano corpori affectiones astivo tempore persentiscat, latere virus aliquod, & morbum imminere non dubitanter affirmat: Similiter etiam ut cum quis insperato corporis motu, vel symptomate corripitur, angustari solet ac timere: quod ipsum in hoc quoque textu Philosophus indicavit.

Ut autem cognoscamus in quem potissimùm finem, quibusve in rebus Prisci dictas observationes adhibuerint, plurimum lucis nobis offeret quod in Xu-kim lib. 1. fol. 29. commemoratur. Constituerat Xùn Imperator Imperium per manus tradere clienti suo, Yu dicto (fuit hic Familie Hiâ prima Familiarum Imperialium Fundator ac Princeps) Propter ingentia Viri merita quando is maximas eluviones aquarum per annos plurimos jam stagnantium non minùs industriè quàm feliciter in mare derivavit.

At

At Yu seridè scilicet recusat oblata dignitatem; alios esse complures, quorum merita multò sint suis maiora; horum uni deferri posse Imperium: quem si designare difficile videretur, consuli sortes posse, & verò in re quæ tanti foret momenti omnino debere. Ad hæc Xún Imperator:

Quotiescunque, inquit, nobis offertur dubia res, & explicatu difficilis, sortes utique consulimus: verumtamen priusquam illæ consulantur, ego quidem rem, de qua deliberandum est, mihi ipsi ob oculos pono, maturè admodum quid illa commodi, quid incommodi trahat, & horum quid cuique præponderet expendo: Prudentiorum quoque sententias exquiro sollicitus: quibus auditis, tum verò statuo mecum ipse quid facto sit opus: exinde magnam testudinem adhiberi jubeo, & sortes mittere: verum nunc ego prius hoc constitui & decrevi, ut in Imperii curâ tu mihi succedas; neque est quisquam omnium quos consului, qui non mirificè probeat sententiam meam, & cum hanc fama jam vulgârit, nonne tu ipse vides quantum populi totius studium, qui plausus existant? Favent igitur procul dubio, favent ipsi Spiritus sententiæ nostræ; ecquod enim aliud ipsorum votum sit, quàm votum multitudinis totius? cui ergo dubium esse possit quin à fortibus non alia, quàm in qua nos ipsi sumus, sententia sit exitura? Ergò supervacaneum profectò sit illas denuò consulere, quando jam constat, nobiscum vota populi totius, ipsosque adeo spiritus conspirare. Hæc Imperator.

Quæ juxta sensum Cham colai exposita, certè non parùm lucis, uti modo dicebam, præbere nobis hîc possunt; sic enim perspicuum, nequaquam sic usos fuisse sortibus, ut ille, ad res suscipiendas, vel peragendas, primæ ac præcipuæ cujusdam regule vim obtinerent: Imò nec ille tantumquam fuisse videntur, ut si quid è bono Reipublica videretur esse, & rectò iustoque consentaneum, nequaquam id propter adversantes sortes, auguresce, prætermitterent. Et verò nonne docet hoc ipso loco Philosophus, divinationibus hujuscemodi non opus esse sanctitati, propterea quòd quisquis eâ præditus fuerit, citrà divinationes omnes & occulta perspicere, & de futuris etiam conicere prudenter possit? Quid? Quod omnino credibile est Augures istos ac Vates, si quidem jam cognoverunt de Principis atque Optimatum sententiâ ac voluntate, plerumque huic obsecundare solitos, atque ad hanc vel invitæ pertrahere testudines suas, communi scilicet Astrologorum quorundam vitio, qui dum horoscopus suorum Principum erigunt, fausta serè omnia, plurimos vite annos, nova opum & Regnorum incrementa credulis vaticinari, an mentiri? solent.

Noster autem Confucius, tamesi observationibus istis parùm fidei, vel omnino nihil ipse daret, imò eas contemneret etiam ac damnaret (uti infra constabit) non potuit tamen non illarum mentionem aliquam facere, tum, hîc, tum in libro Ye-kim: propterea quòd (uti Cham kem pruden-

ter observat) imperante Familia Cheu, sub cujus occasum Philosophus vivebat, observationes istæ in usu essent. Usus porro toto receptum Imperio, & ab antiquitate suâ non mediocriter commendatum, ipse privatus cum esset, certè quidem Regia dignitatis expers, si palam damnare, si abrogare institisset, operam lussisset utique nec aliquod hujus pretium opere præter invidiam turbati nequidquam Imperii retulisset.

Sed hæc sufficient: Atque eò dicta sint, non ut velimus divinationes istas defendere & Priscis Sinas prorsus purgare; sed ut Lectori constet, nihil hic fortasse quod magnopere damnari possit præter ignorantiam, quam & nos utique damnum inveniri. Nunc institutam Sinici Textus explanationem prosequamur.

p. 2. §. 1.

Vera solidaque perfectio est suimet ipsius perfectio. Id est, se ipsâ perficitur: aut per se ipsam perfecta est, & non per aliquid à se distinctum: Et regula est sui ipsius regula; ad quam sic exiguntur, & diriguntur res aliæ, ut ipsa per aliam non dirigantur.

§. 2.

HÆC vera solidaque ratio, sive perfectio, est rerum omnium finis & principium. Si desit rebus hæc vera solidaque ratio, sive perfectio, non erunt res. Pari modo in moralibus actio illa quæ veritate caret, non virtus, sed umbra virtutis ac superficies quædam censenda est. Exempli gratiâ, si filius ex verò & sincero animo non obediatur, non est censendus obediens; nec subditus fidelis si Regi cum fide & veritate non serviat: Hac de causa sapiens & probus vir veram hanc solidamque perfectionem æstimat maximi.

§. 3.

VERE perfectus non hoc tantum agit, ut seipso perficiat se, & deinde hic sistit: sed præterea perficit etiam res alias. Perficere seipsum, amoris est tendentis primum in sui ipsius perfectionem: perficere alia, prudentiæ est seu providentiæ, & hæc quidem nativæ virtutes sunt: at verò unâ simul unire & colligare has duas virtutes applicando eas externis, seu rebus aliis & internis, seu sibi ipsi: hoc quidem rectissimæ regulæ est: easdem præterea virtutes suis temporibus & circumstantiis exercere, convenientiæ est. Videlicet ut ita perfectissimus consurgat in hoc universo rerum concentus, & res omnes finem naturæ suæ consentaneum consequantur.

f. 23. p. 2. §. 1.

Propterea igitur qui summè perfectus & sanctus est nunquam consistit ac cessat; sed continenter & absque interruptione operatur.

§. 2.

SI nunquam cessat, ergò ejus virtus intrinsecus semper perdurat: quod si semper perdurat, ergò nequit diù latere, sed per effectus & actiones suas ultrò se prodat & foris appareat necesse est.

§. 3.

SI foràs per effectus se prodit, ergò latè longèque diffundetur per incrementa virtutum suarum: si latè ac longè diffunditur, ergò amplè & profundè, adversante nullo, dilatabitur magis magnisque amplitudine illà virtutis, & famà operationum suarum: Si tam amplè ac profundè dilatatur, ergò ornatu tantarum virtutum sublimior omnibus assurgit, & cunctis clarus ac conspicuus, universoque orbi solis instar refulgens: adeoque ad fructuosum rerum omnium concentum sive harmonicam conservationem unà cum Cælo & terrà conspiret necesse est.

§. 2.

E Tenim quia per incrementa tot tantarumque virtutum adeò amplius est, & illà amplitudine potentiz operationum suarum adeò profundus est, ideò brachio virtutis suæ telluris instar sustentat res omnes, dum tribuit cuique quod congruit; & quia tam sublimis est tamque conspicuus & clarus, ideò operationum suarum splendore, veluti cælum, collustrat ac protegit res omnes: Quia denique virtus illius adeò ubique latè diffusa, adeò perdurans est, ideò perficit res omnes: quia denique virtus illius adeò perdurans est, ideò perficit res omnes. Ex quo consequitur, ut cuncta perfecte gaudeant consentaneo naturæ suæ statu.

p. 2. §. 1.

OB illam suam amplitudinem & profunditatem æquiparatur terræ; ob sublimitatem verò & claritatem æquiparatur cælo; eum quibus ternarium perficit principium. Quob verò attinet ad latitudinem suam, durationemque, absque termino est & absque mensurâ.

§. 2.

HAC ratione talis ac tantus cum sit non priùs exhibet sese atque ostentat, ac tum deinde manifestus fit; non priùs hortando movet, ac tum deinde conversionem efficit; non priùs utitur quodam virum molimine ad faciendum quidpiam, ac tum deinde perficit, vel ut alii explicant, cum igitur tanta sit ejus virtus, tametsi non ostendet sese, neque spectandum offerat; tamen per effectus suos manifestatur; adeoque in hoc cum occultâ terræ virtute concordat: non movetur; & tamen movet, atque efficit conversiones; seu non videtur movere quidpiam cum exteriori quodam sonitu & clangore, & tamen suavi quadam tranquillitate, &

absque violentiâ conversiones rerum efficit & animorum; adeoque cum cœlo tacitis motibus & influentiis agente concordat: denique nil fit; & tamen facit; vel, non videtur quidpiam magnopere agere; & tamen semper agit, ac perficit omnia.

§. 3.

Suprà docuit *çu-su* summè veri & sancti virtutem unà cum cœlo & terrâ ad omnia pariter conspirare; hîc verò delabitur ad ostendendum, illam cœli terræque in effectis producendis efficacitatem ab uno dumtaxat, eoque primo Principio, pendere quemadmodum & viri sancti perfectio omnis pendet ab unica animi perfectione & solidâ cordis veritate. sic igitur ait: Cœli, terræque ratio, seu virtus productiva & conservativa, quamvis magna, potest tamen unico verbo comprehendi & exhauriri. Veritate scilicet aut soliditate, & hæc quidem in efficiendis rebus non est quid duplex; sed unicum quid & simplex; & tamen ejusdem modus & ratio in procreandis rebus inscrutabilis est.

Ad hujus loci clariorem notitiam, placet hîc attexere verba ipsa, quibus doctissimus Interpres Cham, Tum, ço hunc eundem locum explanat; non quidem ejusdem prorsus cum Colao sententia; sed que à veritate tamen nec ipsa aberret. Sic enim ait: Equidem si non habemus perspectam cœli terræque rationem, quomodo possumus perspectam habere summam veritatem? Cœli enim terræque operationes sunt inexhaustæ, seu quodammodo infinitæ. Si tamen scrutemur, & inspiciamus illius qui horum (cœli scilicet ac terræ) propriæ originis Dominus & Autor est rationem maximè præcisam maximèque in compendio exhauriri equidem poterit &) comprehendi unico verbo (quo verbo Chî Chîm scilicet, id est summi veri, vel summa veritatis, ut disertissimè ipsemet Cham Colaüs Interpres explicat Tò unico verbo) Cæterum cœlum & terra (prosequitur Cham tum ço) tametsi producant res; ipsa tamen reverà etiam sunt intra hanc principii rationem contenta una res. Id est, continentur etiam ipsa intra numerum & predicamentum rerum productarum; hoc enim est quod in textu dicitur Kî Quèi Ve Yè, hoc est ipsa etiam sunt res. Verumtamen unica hæc primi principii ratio summè pura ac simplex est, & nequaquam duo, seu composita ratio; & in hac tandem sistitur. Hoc autem quod diximus Pû ûlh, id est, nequaquam duo, nihil aliud est, seu significat, nisi productivum rerum omnium principium esse dumtaxat unum, & esse spiritum: quia scilicet naturaliter & ex propriâ virtute procreat univèrsa; neque scimus ille ipse (scilicet spiritus procreans univèrsa) undenam prognatus sit. Sed quis hoc poterit cogitationibus suis scrutando conjicere? Hæc ille classicus Confucii Interpres, Cham tum ço dictus, in capite vigesimum quintum libri Chum-yûm fol. 37. p. 1. in primis suis editionibus.

§. 4.

§. 4.

HÆC itaque Cœli & terræ ratio ac virtus, qua possunt tot tamque miros effectus producere, lata item est, & profunda, sublimis & clara longè latèque diffusa, atque perpetua.

§. 5.

HANC cœli & terræ amplitudinem atque vim effectivam quam & in soliditate ac veritate fundat hîc per partes *quas* enumerat. Jam si aspicias (inquit) hoc cœlum non aliud videbitur, (si cum tota ejus amplitudine conferatur) quàm hæc lucis & fulgoris tantilla portio, sive quantitas; at verò si mente ascendas ad ejus altitudinem & splendorem quâqua versùs se diffundentem, videbitur esse quid interminabile: etenim Sol, Luna, Stellæ, & rot signa cœlestia in eo, velut suspensa continentur; universæ item res ab eo comprehenduntur ac teguntur. Jam si spectes hanc quam pedibus calcas terram, collata hæc cum totius corporis mole, videbitur unius dumtaxat pugilli terre quantitas; at si mente percurreris illius amplitudinem & profunditatem, sustentat illa maximos montes, & inter quinque celeberrimos Sinarum (*U To* vocant) montem *Hôa-yo* præcipuum; & tamen tantæ molis pondere non gravatur; sinu etiam suo complectitur flumina & maria, & tamen iis non à terra constrictis inundatur; denique est ea omnium rerum sublunarium firmissimum sustentaculum. Jam si hunc conspicias montem, quid obsecro (si cum rebus quas continet, quæque oculos latent, conferatur) videbitur, nisi quodammodo unius frusti lapidei tantillum, vel quantulum pugno comprehendi potest: at si studiosus cum contemplatus devenias ad ejus latitudinem, magnitudinemque videbis illico mille plantas & arbores ibidem nasci ac germinare, mille volucres & feras ibi commorari, metalla item & lapides pretiosos in ejus visceribus latentes in lucem prodire. Jam si oculos convertas ad harum aquarum congeriem, quid sanè (si conferatur cum toto quaquà patet Oceano) nisi unius cochlearis tantilla portio, seu modicum quid tibi videbitur? at si mentis oculis descenderis ad illarum inexhaustam abyssum, comperies profecto grandia cete, crocodilos, serpentes cornigeros, dracones, squammi-feros sine numero pisces, & ingentes testudines in iis procreari; innumeras denique opes & divitias ex iis nasci atque emergere. Hujus loci sententia eadem est quæ suprâ fol. 7. p. 2. §. 1. Hæc enim quatuor cœlum, terra, montes & mare, si in aliquâ parte exiguâ spectentur, non magna sunt, sed si ad eorum summum perveniatur immensum quid videtur, ita virtus viri divini etsi ad eò exilis ac subtilis sit in tantam excrescit magnitudinem ut cum his conferri possit & eam dimetiri non possimus.

f. 24. p. 1.

Concludit *çu-su* citans Odarum librum, ubi sic dicitur: Solius cœli virtus proh quàm altè recondita, quam perpetua & excellens est: sine interruptione agit, ac nunquam cessat. Quasi diceret (inquit *çu-su*) quia cœlum adeò solidè perfectèque, & tam constanter semper agit, ideò scilicet est cœlum: nam si vel unum temporis momentum interrumpetur influxus, quatuor tempora jam non decurrerent æquali cursu, neque res producerentur; adeoque nec esset cœlum dicendum. Quomodo (prosequitur Oda comparans cœlo Regis *Vên-vâm* solidam ac defæcatam virtutem) quomodo non ubique manifesta est *Vên* Regis virtutum puritas & sinceritas? Quasi diceret (addit *çu-su*) *Vên* Rex ideò videlicet fuit *Vên*, id est talis ac tantus heros, quia virtus in eo fuit pura & sincera & per consequens nunquam defecit, aut interrupta est adeoque cum cœlo merito comparanda.

p. 2. §. 1.

QUAM magna & latè patens sancti viri lex & virtus, quam ille numeris omnibus explet.

§. 2.

QUAM in immensum diffusa, Oceani instar exundans, & omnibus rebus sese insinuans concurrat ad productionem, & conservationem omnium rerum. Adeoque suâ celsitudine ac sublimitate pertingit etiam ad ipsum cœlum.

§. 3.

ET hujus quidem legis amplitudo & superabundantia ô quàm magna, ô quàm sublimis! Rituum majorum, & Officiorum civilium trecenta capita; & rituum minorum Officiorumque ter mille capita complectitur eoque ampliùs: omnia inquam magna & parva Imperii statuta ubique comprehendit.

f. 25. p. 1. §. 1.

Idcirco cum ejusmodi virtus sit adeo sublimis & obtentu difficilis, expectandum est quoad veniat ejusmodi summè sanctus vir; & tum demum sperari poterit, ut adeo excellens virtus illo Duce ac Magistro in actum prodeat, atque ab hominibus opere perficiatur.

Quis ille sit, de quo Philosophus hîc loquitur, alii (si placet) statuant: ego quidem sicut asseverare non ausim, quod hæc profatus sit impulsu Spiritûs illius, quo movente Sibille quondam de Christo vaticinatae sunt; ita & negare sic profatum esse haud quaquam sanè velim. Certè constans inter Sinas fama est, Confucium identidem dicere solitum Si Fam Yeu Xim Gin. Hoc est in Occidente est (vel erit) Sanctus. Sinis autem Jüdaea Occidentalis est.

§. 2.

IDEO dici solet, nisi maxima sit virtus ac sanctitas, summa quoque lex & ratio nequaquam coalescet, hoc est, summae legis observatio nequaquam erit omnibus numeris absoluta.

§. 3.

HINC igitur virtutis studiosus in primis suspicit ac summo-
pere colit, & conservare studet virtutem rationalem, seu lu-
men naturale quod à cœlo accepit; adeoque ad rectæ rationis re-
gulam omnia accuratè examinans, seseque instituens, perducit vir-
tutem nativam extenditque ad suam latitudinem & magnitudinem,
quæ nullo deinde privati amoris vel cupiditatis vitio contrahatur;
exhaurit item ac perspicit etiam subtilissima, & minutissima quæque
tam perspicuè discernens singula, ut ne latum quidem unguem à
verò aberret. Præterea perficit & ad apicem perducit nativam ejus-
dem mentis suæ virtutem ad quamdam sublimitatem & claritatem;
& quidem agendo omnia juxta regulam medii sempiterni recolit
vetera, & studet scire nova. Denique stabilit & assiduè corroborat
ante parta, ut augeat ac perficiat quod fas & æquum est. (Vel, ut
alii explicant: virtutis studiosus colit virtutum fundamentum, quod
est natura ipsa rationalis & lumen rectæ rationis; & inde progre-
diens, seseque instituens, juxta illius dictamina procedere nititur:
severo examine studioque utens addiscit semper, nihil unquam de
hoc ardore studioque proficiendi remittens; atque ita tandem as-
surgit ac pervenit ad cordis amplitudinem quamdam, ita ut exhau-
riat etiam minutiora quæque & subtiliora: pertingit item ad subli-
mem quamdam claritatem & perspicacitatem mentis, & hac duco
cuncta agit juxta rectæ rationis regulam, securè incedens per re-
giam illam medii consentanei viam. Assuetus autem, & impensè
gaudens hujusmodi studiis recolit vetera quæ didicit, & alia atque
alia identidem studet scire de novo; parta conservat, & assiduè ac-
cumulat nova, ut iteratis actibus corroboret sibi quod fas & æquum
est; ac insuper augeat sibi perfectam juris, & rituum civilium, ac
virtutum quæ iis continentur, scientiam & praxim, atque ita sum-
ma illa à cœlo lex & ratio non poterit cum hujusmodi viri virtute
non conformari & in unum coalescere.

P. 2. §. 1.

CUM igitur hujusmodi vir sapiens in hoc totus sit, ut virtutem
quam in se excolit reducat ad eam cœli rationem; sit, ut quo-
vis loco, tempore, ac statu nihil agat quod rationi non sit con-
sentaneum. Atque hæc etiam est causa, cur vir perfectus, seu sa-
piens consistens in superiori loco ac dignitate non superbiat nec
insoleat: consistens in inferiori loco & gradu non sit refractarius
ac rebellis nec violet leges & jura passim recepta, aut nova quæ-

dam moliendo, aut ea que non sunt in usu & antiquata pertinacius tuendo. Quod si in Regno vigeant virtus & leges, ejus sermo sufficit, ut evehatur ad dignitatem, vel ipse (quamvis hanc nequaquam ambiat) vel alius quem ipse proponet. Si Regnum sine virtute ac legibus sit, ejus prudens silentium, & privatim cautè sibi uni vacantis assidua vigilantia & taciturnitas sufficit, ut partium neutram offendens imperturbatus sibi vacans relinquatur, & evitet pericula ac calamitates, quibus prohi quoque sunt obnoxii in Regno perturbato. Exemplum ex Odarum libro adfert de quodam eximie sapientie optimate *Cbām Xam Fū* dicto, de quo oda ait: Quia rectè intelligens erat, ac rerum eventuumque prudens indagator, idcirco potuit illam servare suam personam. Hoc illud est quod hic suprà diximus addit *çu-su* (vel, ut alii explicant: Hic Oda sensus idem ipse est quem nos dicebamus) videlicet, virum solidè perfectum omni loco & statu sui semper similem esse.

§. 2.

HIC *çu-su* paululùm digressus invehitur contrà eos, qui cùm sint homines privati, aut violant ritus, & leges jam receptas, aut temerè moliuntur novas instituere. In hanc rem citat *Confucium*, qui sic ait: Si quamvis rudis & exiguæ virtutis vir, tamen velit suo unius judicio uti, eoque niti, quasi valeat magno rerum usu magnâque vi intelligendi: Si item è vili plebe sit quispiam, & tamen velit pro libitu sibi arrogare quæ non sunt sui juris & fori: Rursus si natus sit in præsentis sæculo, & sub hujus sæculi legibus, & tamen è contrario convertens se ad prisca, mordicùs tueri velit ac sequi Priscorum jam antiquatas leges: Si sit qui talia agat, ego sanè affirmo fore ut non paucae calamitates obveniant ipsius personæ.

§. 3.

SI non fuerit cœli filius, seu Imperator, qui cum virtute conjunctam habeat auctoritatem, nemo alius (inquit *çu-su*) instituat ritus & urbanitatis officia; nec inducat novos curiæ usus, aut pro libitu suo mutet ea quæ ad Regiæ domûs suppellectilem, ac reliquum aulæ apparatus pertinent; nec item ausit suo unius arbitratu mutare quidquam rei litterariæ, aut reformare veterum librorum monumenta. Ne scilicet Imperii pax, quæ stabilitur & conservatur per uniformem usum rituum, litterarum, & consuetudinum, & ea quæ per hæc fovetur concordia novitatibus ejusmodi perturbetur; atque ita Imperium periclitetur.

Est prorsus admiratione dignum quod in hoc Sinarum Imperio, quod nunquam si non magnitudine suâ certè hominum frequentiam universam Europam longè superas, tanta sit tamen, & ab omni retrò memoriâ semper fuerit in rebus omnibus uniformitas tam constanter & exactè observata; ut non solum lingua, rituumque civilium, qui ad forum, conjugia, & disciplina

ciplinæ scholasticas spectant; item sacrificiorum, vestiumque una eademque pro cuiusque gradu sit ratio; sed Urbium quoque, Palatiorum, & Domorum par omnino forma; sic ut qui unam Urbem viderit, omnes hujus Imperii Urbes vidisse censi possit: Quin eò tandem processit Priscorum Regum cura & uniformitatis studium, ut per idem fere anni tempus placuerit toto Imperio nuptias celebrari; per eosdem fere dies duci funera & iusta defunctis fieri; atque in eum finem adeo constans ab omni ævo Kalendaris usus, rerumque per anni dies peragendarum distributio quedam instituta, & quotannis toto Imperio promulgata: Quamquam hanc temporum ad res ejusmodi peragendas observationem posterioris ætatis superstitio non parum vitiauit, atque ad fines longè alios, quàm quos Prisci illi legum conditores spectabant perniciosè detorserit. Nimirum postquam idololatria tantam varietatem scèlarum, atque opinionum, adeoque & rituum, aliarumque rerum, invexit, decessit in isto quidem genere non parùm de laudabili illa Sinarum inter se mutuo conformitate: Quæ quidem dum olim viguit, puto, Chinam hanc, non Imperii, non Provincie, non Urbis, sed unius Familie sub suo Patre-familias speciem quamdam prebuisse: Etenim & literæ, & sigilla, & tituli, pilei quoque, vestes, Edes ac Palatia & insignia, ritus item dum sacris perabantur, fercula dum convivii vacabant, chori saltantium, canentiumque pro majori vel minori cuiusque gradu ac dignitate, nomen suum, & ordinem, & majestatem sortiebantur. Tanta porro vigeat olim observantia proportionata hujus uniformitatis, ut si quem præscriptos rituum morumque limites excessisset, non is arrogantia solùm, sed ambitus quoque non raro damnavetur; etsi fortè quæ uniùs propria sunt Regis temerè usurparet, in rebellionis quoque suspicionem & crimen vocaretur. Hinc Prisca lex illa in libro 3. Officiorum fol. 29. sic habet: quisquis fecerit turpes cantiones, aut peregrinas vestes, aut exercuerit inusitatas artes, aut inusitata instrumenta confecerit, ut ita perturbet decipiat: quæ populum, occidatur.

f. 26. p. 1. §. 1.

Moderni hujus, sub quo degimus, Imperii *Chiu* currus (inquit *ch-su*) eosdem describunt sulcos, quos olim describebant, quandoquidem similibus constet rotis: Libri autem eandem sectant methodum & ductus literarum qui olim in usu erant: Morum quoque atque officiorum eadem quæ olim ratio est. Idem enim mos est majores inter & minores, summos inter & imos, & amicos inter. Quo pacto igitur rudis quispiam & privatus ausit non sequi hodiernos hos majoris momenti ritus & leges hujus Imperii, cum hic & nunc vigeant, & à prisca illà integritate parùm discedant?

§. 2.

Tamet si quispiam (inquit *ch-su*) habeat eorum (Priscorum scilicet Regum) dignitatem, si tamen cateat eorundem virtute, ne is tantum sibi tribuat, ut audeat instituire novos ritus, &

novam musicam; quia virtus est condendarum piarum legum fundamentum: Tamen si etiam quispiam habeat regias illorum virtutes, si tamen careat regiâ eorum dignitate, item nec is arroganter ausit instituire ritus & musicam: hoc enim spectat dumtaxat ad eum qui unâ Sanctus sit & Imperator.

Hic observa quod Prisci binis literis Lî Yo concertum quemdam concordiamque rituum & musica significari voluerunt: nec rituum tantum, sed etiam officiorum quæ solent homines inter se mutuo passim exercere. Et verò inest litera Lî utraque vis hæc & significatio: Etenim cum probe intelligerent ipsi, ritus omnes atque officia si non à verâ animi sententiâ verâque virtute, seu nativâ radice procederent, inutile quid, evanidum & fucatum esse, & hand quaquam posse diu vigere atque persistere; omni studio atque industriâ hoc scilicet agebant, ut illi ritus & officia suo quaque virtutum succo imbuta magis ac magis in Imperio quotidie florerent: sed cum hic rursus animadverterent, abhorrere quodammodo à virtute naturam nostram vitiatam; in vitia verò & illicitas voluptates ulterius ferri; quod illam cupiditatis arriperent homines, præsertim Regie stirpis juventus, & iis quorum tenerior ætas nullis dum vitiis depravata erat, musicam adhibuerunt, ac pulcherrima quaque virtutum documenta suavisitate musices imbuta candide juventutis animis instillare sunt aggressi.

Ad ritus autem, quos comitabatur, vel animabat potius dicta jam musica, spectabat in primis cultus ille qui cælo deferrebat, supremo inquam cæli terræque spiritui, utpote qui & procreator sit viventium omnium; & principium: hinc in lib. Yc Kum diserte dicitur avitos Reges instituisse musicam ut eam solenni ritu offerrent supremo cæli Imperatori. Spectabat item cultus, quo prosequerentur majores jam defunctos tanquam suos progenitores; ad extremum is quem deferrebant Regibus, & populi totius Magistris, ut iis quibus à cælo demandata sit cura populi rectè instituendi, & à quibus Regnorum felix administratio proximè solet dependere.

Officia verò potissimum erant illa, quæ humana societatis maxime sunt propria, & spectant ad quinque ordines qui sunt Regem inter & subditos; Parentes inter & filios; inter fratres majores natu & minores; inter maritum & uxorem, ad extremum familiares inter seu amicos: quibus addi quoque potest discrimen & ordo, qui ob disparem conditionem plebeios inter & nobiles observari solet. Et hi quidem ritus & officia vinculorum planè sunt instar & nexuum, qui alia atque alia corporis ejusdem membra, tum inter se, tum ipso cum capite perquam aptè vinciunt uniuersque: unde protinus existit mutuus omnium inter se & honor & benevolentia, adeoque totius Imperii perennis quadam pax atque felicitas, & politici corporis admirabilis omnino firmitas, decor & venustas.

Confucius itaque ritus istos & officia lumen esse dicebat Imperii, at-

que ubi illa desiderarentur cæca esse confusaque omnia.

Quoniam verò quæ in hoc genere servari volebant atque exerceri, non fide, sed ex animo, quemadmodum dicebamus, & ex verâ virtute fieri volebant atque observari, & harmonia quadam politia & morali externis interna respondere; cumque numeris ferè musicis ederetur in vulgus hæc ipsa doctrina, hinc Li Yo, id est sua ritibus sociari musica dicebatur; & esse sua sinceri cordis, à quo ritus & officia procedebant, cum ipsis quæ foris se prœdebant ritibus officiisque concordia.

Præcorum igitur musicam instituentium cura omnis & studium, non ad privatam Principum oblectationem referebatur (uti antiquus Auctor Tai Su Cum pluribus refert) sed vel maxime ad juvenutis ac populi totius rectam institutionem; eratque tum aliarum virtutum, tum in primis concordia subditorum inter se suoque cum Principe suavis & domestica magistra. Quod illa verò plus auctoritatis obtineret ac fidei non ab aliis quàm ab ipsis Imperatoribus institui poterat ac vulgari: sed inter hos quoque non cuicumque Principum fas erat rem tantam suscipere, sed iis dumtaxat qui eximiam planè virtutem cum Imperatoriâ dignitate conjunxissent. Et illa quidem quanto mox in pretio haberetur hinc potest intelligi, quod ad spectatam virtutis Regulos deinde missa magni cuiusdam muneris instar obtineres. Is autem, cui componendæ musices, & in lucem usumque publicum edendæ, necnon statis temporibus coram Principe & Optimatibus Imperii decantandæ cura demandabatur (Ta Su Yo, sive magnum Magistrum Musices vulgo nominabant) haud quaquam humilis aut mediocris etiam conditionis Vir erat ad Mandarinos superioris ordinis, & quidem vitæ integre sapientiaque non vulgaris viros cura ista pertinebat.

Usus verò musices, uti perpetuus (hinc fuit, sic & esse antiquissimum vel ex eo potest intelligi, quod Fo Hi, primus gentis Sinica conditor, primus quoque fuerit musices Magister, & alter planè Orpheus gentis suæ: quippe qui rudes & agrestes homines voce fidibusque pertraxit è sylvis suis ac montibus; & suavitatē cantûs illiços paulatim ad humanitatem, ac civilem vitæ societatem perduxit & promiscuam vagamque libidinem conjugiorum vinculo constrinxit. Itaque musica ipsius Fû Lâ est dicta, propterea quod invitatrix fuisset hominum, ut ad eum spontè accederent qui tam præclarè ipsi opitulareretur; sed & ipsa Sinarum lingua 320. circiter vocibus monosyllabis constans, quid aliud videri potest quam perpetua quadam tot accentuum in singulis vocibus harmonica varietate continuata musica? sed & aliis populi Principibus suum singulis musicæ studium suus amor fuit: Extant enim propria musica nomina, quæ ab Auctoribus suis Imperatorum celeberrimis unaquaque sortita fuit; & omnis quidem Sinenfium ingeniis accommodata lenis est ac placida, mutua pacis & concordia blandi conciliatrix, si penultimam tamen excipias, quæ ut Auctor in huius Vu-Vâm tertiæ Familie conditorem & bellicosum, tota sui Auctoris plena est, Martemque & arma spirat; sed hanc quoque ob causam pacifico lite-

rarum ordini, ipsique adeo Confucio non usquequaque, accepta.

§. 3.

Confucius solebat dicere : Ego quidem semper amo & cum voluptate refero Priscæ Familix Imperialis *Hia* ritus ; attamen exigui Regni *Ki* (hoc spectabat ad Imperium Familix *Hia*) posteri quia à Majoribus degenerarunt, non sunt horum sufficiens testimonium, seu non sufficiunt, ut eos, tanquam legitimos testes integritatis dictorum rituum ac legum, sic aliis possim proponere ut fidem obtineant : adeoque quomodo eas ego unus sequi possum ? Ego item examinavi & didici Familix Imperialis *Tu* seu *Xam* ritus & leges, & quamvis sint etiam nunc in modico Regno *Sum* (hoc spectabat ad Imperium Familix *Tu*) posteri, apud quos quædam extant monumenta, quibus istæ leges continentur ; quia tamen sunt multa quæ antiquata jam sunt atque obsoleta, nec desunt moderni Imperii pia statuta, & Priscis æmula ; ego cur illa potius, quam hæc sequar ? Ego denique accuratè studui præsentis Familix Imperatorix *Chen* ritibus ac legibus cognoscendis, quæ cum sint rationi & tempori accommodatæ, iisque nunc passim omnes utantur, tamen in quibusdam fortè differant à Priscis ritibus Familiarum *Hia* & *Tu*, ego quidem sequar hos Familix *Chen* modò imperantis ritus.

p. 2. §. 1.

Sis qui obtinet & administrat Imperium (inquit *quis*) illa tria magis ducar momenti ; illius Imperii homines ac subditi pauca peccabunt seu raro delinquent adeoque facilis & pacifica Imperii gubernatio consequetur. Hæc tria, suprà f. 25. p. 2. §. 3. commemorata, spectant ad ritus civiles, ad *Aula regimen*, & ad *examen librorum ac rem litterariam* : nam illa morum ac rituum per totum Regnum uniformitas, & par agendi norma in omnibus, plurimum confert ad mutuam inter se & cum ipso capite concordiam, quæ est Imperii stabile fundamentum.

§. 2.

Superiorum temporum Reges, quamvis probè statuerint leges, hæc tamen quia aut diuturnitate temporum, aut librorum corruptelâ, aut sapientum defectu, velut evanuerunt, vel certè si nondum interierint, quia tamen moderni Reges, qui eas proponunt populo servandas, ipsimet carent propriâ Regum virtute, sit ut careant etiam sufficienti testimonio apud populum ; cum autem illis desit sufficiens hoc testimonium non datur fides, eos porrò quibus non datur fides, populus non sequitur. Viri autem sancti in inferiori loco seu privato constituti quamvis probè intelligant ac colant urbanitatis officia & sint dignâ Imperio virtute præditi, si eadem Priscorum pia instituta populo servanda proponant, tamen quia carent regiâ dignitate sit ut nec ipsi valeant debitâ autoritate apud populum

populum; cum igitur desit debita autoritas ac dignitas, his à populo non datur fides; si non datur fides, irem populus non approbat nec sequitur eorum nova statuta aut consuetudines: adeoque ejus dumtaxat, qui idem & Sanctus sit & Impetator, ritus & exemplum populus sequetur.

§. 3.

IDEO perfecti Regis recta gubernandi ratio radicitus fundatur in sua ipsius persona, quâ testatam facit virtutem suam universo populo: explorat exigitque regimen suum ad normam trium Priicorum Regum (scilicet *Tu*, *Tam* & *Vém Vu*) & non aberrat: confert & combinat res à se gestas cum cœli terræque lege, & huic illæ non adversantur: testatam facit adeo ipsis Spiritibus quantumvis reconditis virtutem suam, & nihil hæsitare, nullaque in re dubitat. Imo etiamsi post centum sæcula expectatus Sanctus advenerit, non ambigit quin eadem virtus eidem testata sit futura. Hic solum significare vult divini Regis ritus ac leges adeo esse rationi consonas ut nulli rationi cœlesti vel divinæ adversentur ac nulli sint in posterum mutationi obnoxie. Etenim si Rex examinet reducatque ad praxim omnia trium Regum pia statuta, jam non errabit: Si item erigat instituatque leges juxta illam cœli ac terræ ordinatissimam Regulam, sanè jam nihil agat contra dictamen naturæ rationalis: Denique si ita omnia agat, ut suæ integritatis testimonium vel ab ipsismet cœli Spiritibus eandem cœlo terræque legem servantibus accipere queat, jam nequaquam dubius aut anxius erit; certum namque est quod quidquid ita egerit vel statuerit rectum erit: Et si contingat ut per centum & amplius sæcula expectetur ac desideretur ille Sanctus, tamen, si modo dicto Rex agat, nullatenus dubio pede sed constanter perget in cæptâ viâ; nam quocunque tempore adveniat ille Sanctus, profecto non cum arguet erroris, quippe illam secutus est legem ac normam, quam ipsemet Sanctus haud dubie approbaturus sit.

f. 27. p. 1. §. 1.

QUOD Rex virtutem suam testatam fore Spiritibus non dubitet; hoc inde quidem provenit, quia ipse novit cælum. Quod post centum etiam sæcula expectato Sancto eandem testatam fore non ambigat; in causa est, quia ipse novit hominem, seu quod hominis est proprium, adeo videlicet rectè ageret ut integritatis suæ testimonium vel ab ipsismet cœli & terræ Spiritibus (aut ab ipsomet cœli terræque supremo Spiritu) accipere valeret; adeoque sic dirigeret omnes suas actiones juxta spirituum perfectissimè in omnibus operantium regulam, ut ne dubitaret quidem an rectè ageret necne; hoc autem est perfectum habere cælum, seu cœli rationem quam dicti spiritus omnibus numeris explent: Rursus ita rectè in

X

omnibus procederet, ut quamvis contingat per centum & amplius sæcula expectatum advenire Sanctum, tamen sine ulla hæsitacione eodẽ tenore nunc agat, quo Sanctus ipse ageret, hoc sanè est peripetum habere hominem, seu hominis rectam legem, quam Sanctus ille, si existeret, omnibus numeris expleret.

§. 2.

HAC de causa perfectus Rex dum quidpiam aggreditur ac movet, jam hoc ipso omnibus post sæculis esse potest orbis terrarum norma & exemplar, ex quo posteri dirigantur: Si quid agit, jam hoc ipsum omnibus item sæculis esse potest orbis lex: Si quid loquitur, jam id eo ipso omnibus sæculis esse potest orbis instructio & regula; atque adeo populi, quamvis procul absentes, virtutum ejus famã excitati, jam ad ipsum anhelant & suspensi expectant expectuntque sibi talem Principem; præsentem vero sic amant, si eo gaudent ac fruuntur, ut nullum deinde tam chari Principis & tam pie gubernationis vel tadium, vel etiam satietas eos capiat

§. 3.

ATque hoc est quod in libro Odarum dicitur: Si Rex ejusmodi existat illuc, non est qui illum aversetur; si existat hic, non est cui sit tadio; adeoque ubicunque tandem degat, & quocunque tempore, quasi diu noctuque, & in perpetuum deprædicabitur. Rex adeo perfectus (addit *su-su*) nullus dum fuit qui non hoc modo, & quam citissimè obtinuerit illustre nomen ac famam omnium laudibus celebratam per orbem universum.

p. 2. §. 1.

CU *Su* hîc in laudem *Confucii* Avi sui simul & Magistri plus æquo excurrere, & commemorans, qua ratione moderatus sit actiones suas, vitamque instituerit sic ait: *Confucius* (quem honoris gratiã *Chunmbi* nominat) eminus, seu, quod ad Priscorum Regum tempora attinebat, honorificè commemorabat identidem Regum *Tao* & *Xun* eximias virtutes & rectam gubernandi normam; cominùs autem, seu, quod attinebat ad præsentem temporum suorum statum, sequebatur ac imitabatur ipse Reges *Vên Vâm* & *Vù Vâm* fundatores Familiæ *Cheu*, cujus extremis ferè temporibus vivebat: Suprà, id est, si nos jam de cælo agamus imitabatur ipse tanquam normam sibi propositam cæli tempora; hoc est, imitabatur admirabiles illas cæli vicissitudines ac motus, temporumque concordem discordiam, unde sublunarium rerum tanta vis atque varietas existit, & perpetuâ quadam serie vel nascentium vel intereuntium æquabilis & imperturbatus ordo; huic quippe ordinis in se exprimens imaginem *Confucius*, sui ipse semper similis, nec tamen idem omnibus, non cessabat alia aliis, prout exigebat cujusque conditio, sapienter ac piè impertiri. Infrià, id est, si nunc quoque terram contemnemur,

conformabat se aquæ & terræ; quippe sicut hæc, cum unica sit moles, temperie tamen, & rerum quas gignit varietate multiplex est ac diversa, Boreales aspero gelu ac nive durans, Australes verò miti calore fovens, Orienti pandens maria, Occidentem verò nemorosis ditans montibus & vallibus fecundans; sic etiam Magister noster cum versaretur in Regnis *Læ, Sæm, çl, çæ* olim dictis, mores ac ritus cujusque Regni solerter odoratus, omnes studiosè observabat, & admirabili quadam dexteritate maximè contraria pugnantiæque hominum ingenia tractare sic noverat, ut tamen semper sui similis idemque, sine intermissione bene quidem de omnibus, sed de Rep. optimè mereretur.

§. 2.

HIC *çm-su* prosequitur laudes *Confucii* non sine hyperbole fuit (inquit) similis cælo & terræ & hæc quidem prout nihil non continet ac sustentat; illud verò prout nihil non complexu suo tegit & ambit: similis fuit item quatuor temporibus successivè & ordine æquato procedentibus, similis fuit Soli & Lunæ alternis vicibus successivè illuminantibus omnia: Ita etenim & vir Sanctus nihil non complectitur ac fovet largo sinu suæ pietatis, & cives & alienigenas constringit amplæ charitatis suæ brachiis; nihil non fortitudine suâ prudentiæque sustentat; & denique splendore sapientiæ suæ ad omnes atque omnia nullo non loco & tempore pertingit.

§. 3.

QUÆ à cælo foveantur ac teguntur, & à terrâ sustentantur universæ res, unâ omnes procreantur, & tamen non sibi mutuo nocent aut impedimento sunt: Successivi Astrorum motus, quibus constituuntur ac dividuntur anni tempestates, Sol inquam & Luna Principes Astrorum & Magistri temporum æquabiliter, ut videmus, in orbes suos successivè procedunt ac circumaguntur assiduè, & dici noctisque discrimen efficiunt, & tamen non sunt sibi mutuo contraria. Causa igitur, ob quam in tanta tot rerum vicissitudine ac varietate, nulla sit tamen perturbatio & pugna, hæc est, quod in rem quamlibet à cælo veluti derivata sit tenuis quædam ac limitata virtus pro suâ cujusque rei exigentiâ; quæ vis ac virtus, fluenti instar assiduè emanantis perenni alveo rigat universa. Quod autem in hoc universo res tam diversæ simul procreentur, & tam uniformiter agant, nec sese mutuo impendant, hoc demùm tribui debet magnæ & illimitatæ cuidam virtuti, quæ velut omnium fons & radix pro cujuslibet rei facultate & exigentiâ tam longè latèque omnibus se indefinenter communicat; & ita efficit ac corroborat rerum procreationes, ut nihil unquam desideretur. Pater igitur cælum & terram ideo esse tantæ magnitudinis.

Interpres noster hic vim textus inferre videtur, dum visibili huic cælo

*virtutem tribuit illimitatam. Attamen Interpres alius Cham Tûm-
 ço dictus, hunc eundem locum explanans, & nullam vim textui infrens-
 sic ait: Illæ cælum terramque inter, seu volatilia, seu natatilia, seu
 quadrupedia, seu germinantia, omnia magno numero procreantur;
 & ubi procreata jam fuerint, alia evadunt magna, alia evadunt par-
 va, quælibet juxta veram naturam suam, nec se mutuo impediunt.
 Sic quatuor anni tempestatum, Solis item ac Lunæ periodi singulæ
 flato gyro perpetuò circumaguntur; & frigus ac æstas, dies item ac
 nox tam ordinatè procedunt, ut abeunte uno alterum identidem suc-
 cedat, nec sibi mutuo adversentur. Jam verò quandoquidem ita sin-
 gula conservantur, ut se mutuo non destruant singula; ita operan-
 tur moventurque ut sibi invicem non adversentur; hæc utique omnia
 inferioris cujusdam virtutis participata quadam sunt ratio, & velut
 inferioris ac subordinati cujusdam dominii portio. Igitur omnes res
 perenni quodam fluxu & serie se manifestant: quatuor anni tempo-
 ra perenni cursu incedunt non secus ac minora fluentæ majori alveo
 emanant & pluribus ceu brachiis derivata rivisque divisa perpetuo
 fluunt, & nunquam exhausta deficient. Sed utique inter hæc sit ali-
 cujus Domini ac Gubernatoris maxima & suprema quadam virtus ne-
 cesse est; quæ gubernet in illo priori, quo nulla-dum res, nulla dum
 rerum ratio existit; ut scilicet regat ordinetque rerum omnium ori-
 gines, moderetur ac velut manu tencat motuum cursuumque om-
 nium axem seu cardinem; componat item discordiarum in tanta re-
 rum diversitate principia; & denique dissolvat seu refeceat corruptio-
 num quarumcunque enascentia germina. Atque ita consummatâ com-
 pletâque hac conversionum origine in suprema illa virtute, seu causâ
 primâ, tum deinde minor illa seu subordinata causarum secundarum
 virtus nunquam exhauritur. Atque hoc scilicet est propter quod cæ-
 lum ac terra adeo evadant magna, omninò inquam est, propter hanc
 quam suprema virtus exercet gubernationem ac imperium, &c. Ita
 Cham tûm ço modò citatus, fol. 46. pag. 2. in primis suis editionibus.
 f. 28. p. 1. §. 1.*

HIC, & seq. çu-su iterum iterumque commemorat, & commen-
 dat summè Sancti virtutes. Solum (inquit) in orbe universo
 summè Sanctus & perfectus est qui queat omnia percipere & clarè
 intelligere; penetrare ac comprehendere; adeoque sufficiens est, ut
 ex culmine suæ virtutis descendat ad gubernandum hæc inferiora
 omnia. Si virtutes contemplemur, ejus animi magnitudo & amplif-
 sima liberalitas, affabilitas, benignitas ac mansuetudo sufficiunt ad
 habendam capacitatem quæ admittat & paterno sinu foveat ac com-
 plectatur universos: ejus activitas, celsitudo, robur, & invicta con-
 stantia in tuendâ justitiâ sufficiunt ut omnia manu teneat conservet-
 que: ejus item pura illa simplicitas, seriusque animi candor, pruden-
 s

dens item moderatio & mentis æquabilitas, ejus denique rectitudo & integritas à quavis vel minimâ pravitate aliena, sufficiunt ut apud omnes obtineat honorem & venerationem. Ingentia illa decora & ornamenta, atque horum mirabilis quædam temperies & concordia quæ res moderatur in pondere & mensurâ; ad hæc minimarum etiam rerum exacta investigatio & dilucida discussio ad subtilissima quæque & recondita sese extendens, sufficiunt, ut rectè distinguens inter bonum & malum, habeat quod sine periculo erroris omnia discernat atque dijudicet.

§. 2.

Tanto igitur virtutum comitatu, tantisque ornamentis ac præfidiis instructus, amplius admodum est atque diffusus, placidus & profundus, atque rerum omnium fons & origo quædam: adeoque suis temporibus, cum scilicet ratio & bonum universi id postulat, sese prodit exeritque; alicui suâ se involvens virtute, seque uno contentus sibi que sufficiens, placidissimæ quietis otio perfruitur.

p. 2. §. 1.

Amplius, inquam, est atque diffusus veluti cælum ipsum; & idem placidus ac profundus est, tamque secretus ab oculis nostris veluti aquarum abyssus: Quod si tantâ sanctitate præditus ob commune enolumentum quandoque foras se prodar, jam ex universo populo nullus erit qui non eum veneretur, si quid profatur, jam è populo nullus erit qui verbis ejus, ut ab oraculo profectis, non det fidem; si quid agat ac molitur, jam è populo nullus erit qui non faveat illius conatibus, qui acta non probeat, isque lætus ac gratulabundus non applaudit.

§. 2.

Atque hac de causa summè Sancti fama & nomen Oceani prorsus instar exundabit ac diffundetur per medium Sinarum Regnum, & hinc multò longiùs dimanans pertinget ad barbaros Australes & Boreales: naves & currus quocunque terrarum percutiunt; humana industria ac vires quocunque penetrant; cælum quidquid tegit; tellus quicquid sustinet; Sol & Luna quicquid suis radiis collustrant; pruina & ros quocunque locorum decidunt; ad extremum quicunque habent in venis sanguinem, vitamque hanc, & communem aerem respirant, non possunt non venerari ut Regem & amare ut Patrem communem hujusmodi Sanctum. Atque idèd suprà dicebam, eum æquiparari cælo. Vel arctissimam quamdam societatem habere cum ipso cælo.

virtutem tribuit illimitatam. Atamen Interpres alius Cham Tûm çò dicitur, hunc eundem locum explanans, & nullam vim textui inferens sic ait: Illa: cælum terramque inter, seu volatilia, seu natatilia, seu quadrupedia, seu germinantia, omnia magno numero procreantur; & ubi procreata jam fuerint, alia evadunt magna, alia evadunt parva, quælibet juxta vram naturam suam, nec se mutuo impediunt. Sic quatuor anni tempestatum, Solis item ac Lunæ periodi singulæ stato gyro perpetuò circumaguntur; & frigus ac æstas, dies item ac nox tam ordinatè procedunt, ut abeunte uno alterum identidem succedat, nec sibi mutuo adversentur. Jam verò quandoquidem ita singula conservantur, ut se mutuo non destruant singula; ita operantur moventurque ut sibi invicem non adversentur; hæc utique omnia inferioris cujusdam virtutis participata quedam sunt ratio, & velut inferioris ac subordinati cujusdam domini portio. Igitur omnes res perenni quodam fluxu & serie se manifestant: quatuor anni tempora perenni cursu incedunt non secus ac minora fluentia è majori alveo emanant & pluribus seu brachiis derivata rivisque divisa perpetuo fluunt, & nunquam exhausta deficient. Sed utique inter hæc sit aliquis Domini ac Gubernatoris maxima & suprema quedam virtus necesse est; quæ gubernet in illo priori, quo nulla dum res, nulla dum rerum ratio existit; ut scilicet regat ordinetque rerum omnium origines, moderetur ac velut manu teneat motuum cursuumque omnium axem seu cardinem; componat item discordiarum in tanta rerum diversitate principia; & denique dissolvat seu resecat corruptionum quarumcunque enascentia germina. Atque ita consummatâ completâque hac conversionum origine in suprema illa virtute seu causâ primâ, tum deinde minor illa seu subordinata causarum secundarum virtus nunquam exhaurietur. Atque hoc scilicet est propter quod cælum ac terra adeo evadant magna, omninò inquam est, propter hanc quam suprema virtus exercet gubernationem ac imperium, &c. Ita Cham tûm çò modò citatus, fol. 46. pag. 2. in primis suis editionibus. f. 28. p. 1. §. 1.

HIC, & seq. çu-su iterum iterumque commemorat, & commendat summè Sancti virtutes. Solum (inquit) in orbe universo summè Sanctus & perfectus est qui queat omnia percipere & clarè intelligere; penetrare ac comprehendere; adeoque sufficiens est, ut ex culmine suæ virtutis descendat ad gubernandum hæc inferiora omnia. Si virtutes contemplemur, ejus animi magnitudo & amplissima liberalitas, affabilitas, benignitas ac mansuetudo sufficientiad habendam capacitatem quæ admittat & paterno sinu foveat ac complectatur universos: ejus activitas, celsitudo, robur, & invicta constantia in tuendâ justitiâ sufficient ut omnia manu teneat conservetque: ejus item pura illa simplicitas, seriusque animi candor, pruden-

dens item moderatio & mentis æquabilitas; ejus denique rectitudo & integritas à quavis vel minimâ pravitate aliena, sufficiunt ut apud omnes obtineat honorem & venerationem. Ingentia illa decora & ornamenta, atque horum mirabilis quædam temperies & concordia quæ res moderatur in pondere & mensurâ; ad hæc minimarum etiam rerum exacta investigatio & dilucida discussio ad subtilissima quæque & recondita sese extendens, sufficiunt, ut rectè distinguens inter bonum & malum, habeat quod sine periculo erroris omnia discernat atque dijudicet.

§. 2.

Tanto igitur virtutum comitatu, tantisque ornamentis ac præsidii instructus, amplius admodum est atque diffusus; placidus & profundus, atque rerum omnium fons & origo quædam: adeoque suis temporibus, cum scilicet ratio & bonum universi id postulat, sese prodit exeritque; alieque suâ se involvens virtute, seque uno contentus sibi que sufficiens, placidissimæ quietis otio perfruitur.

p. 2. §. 1.

Amplius, inquam, est atque diffusus veluti cælum ipsum; & idem placidus ac profundus est, tamque secretus ab oculis nostris veluti aquarum abyssus: Quod si tantâ sanctitate præditus ob commune emolumentum quandoque foras se prodat, jam ex universo populo nullus erit qui non cum veneretur; si quid profatur, jam è populo nullus erit qui verbis ejus, ut ab oraculo profectis, non det fidem; si quid agat ac molitur, jam è populo nullus erit qui non faveat illius conatibus, qui acta non probet, iisque lætus ac gratulabundus non applaudit...

§. 2.

Atque hac de causâ summæ Sancti fama & nomen Oceani prorsus instar exundabit ac diffundetur per medium Sinarum Regnum, & hinc multò longiùs dimanans pertinget ad barbaros Australes & Boreales: naves & currus quocunque terrarum pertingunt; humana industria ac vires quocunque penetrant; cælum quidquid tegit; tellus quicquid sustinet; Sol & Luna quicquid suis radiis collustrant; pruina & ros quocunque locorum decidunt; ad extremum quicunque habent in venis sanguinem, vitamque hanc, & communem aërem respirant, non possunt non venerari ut Regem & amare ut Patrem communem hujusmodi Sanctum. Atque ideo suprà dicebam, cum æquiparari cælo. Vel arctissimam quamdam societatem habere cum ipso cælo.

Solus ille qui in hoc universo summè perfectus & Sanctus est, ejusmodi est, ut queat ordiri, & contexere terrarum orbis magnum ordinem & rationem; qui item possit erigere universi hujus magnum fundamentum; qui denique possit perspectas habere quæ sunt à cælo & terra procreationes & conservationes rerum. Hujusmodi igitur summè Sanctus, cum talis ac tantus sit, quo tandem modo fieri potest, ut sit res ulla in toto universo cui innitatur aut inhæreat aut à qua dependere, & juvari priùs debeat, ut deinde operetur.

§. 2.

Summè benevolus & beneficus est ejusmodi Sancti amor ac pietas quæ se se extendit ad Mundi hujus magnum ordinem; placida item ac profunda perfectionum ejus abyssus quæ valet erigere universi hujus magnum illud fundamentum: quàm latissimè patet & extenditur ejus cælum, ex quo tot in orbe conversiones rerum perpetuâ quadam & uniformi serie promanant.

p. 2. §. 1.

CVIII, postquam quæ potuit attulit in laudem summè Sancti, ut significet imparem se esse tantæ perfectioni declarandæ, concludit, solum Sanctum de Sancto pro dignitate loqui posse, quippe qui solus intelligat quid quantumque sit esse Sanctum. Sanè (inquit) nisi quispiam sit reverà magno & perspicaci ingenio, sit Sanctus, inquam, & eâ cælicis sapientiâ ac prudentiâ præditus, ut altè penetret omnem cæli virtutem, hunc modò dictum Sanctum ecquis tandem alius poterit cognoscere, aut verbis exprimere? solus igitur summè Sanctus exhaurire potest summè Sancti virtutem, tam ipse intelligendo, quàm aliis deinde enunciando. Verbo: nemo Sanctum probè novit nisi Sanctus.

§. 2.

Hactenus egit **CVIII** de summè Sancti perfectione: jam redit ad explicandum viri perfecti & verè solidi virtutem, de qua in initio libri hujus: Quæ utique debet excludere omnem simulationem, hypocrysim, & cupiditatem gloriæ exterioris; ut ita paulatim gradum faciat ad viri Sancti virtutem. In eam rem carmen citat de matrona pulcherrimâ cui magnam addebat gratiam pretiosissimas vestes quasi aliâ superinductâ, velle contegere Oda sic ait: si quis induatur veste divite ac variegata cui superinduat vulgarem penulam, hoc ipso declarat quòd oderit haud dubiè ejusmodi ornatûs ostentationem ac splendorem exteriorem. Ideò (inquit **CVIII**) perfectus vir oculis contegitque suam quidem virtutem sed ea in dies magis lucis instar crescentis augefcit, & vel invita se prodit ac manifestatur: E contrario simulatoris & ficti im-

probiq;e hominis fucata virtus, speciem nescio quam virtutis ostentat illa quidem, sed reverà nonnisi speciem: Et verò propria hæc est inanum ejusmodi hominum indultia, ut se suaq;e ostentent offerantq;e omnium oculis spectanda; sed quia non virtus illa, sed umbra virtutis est, planè sit, ut in dies magis ac magis extenuetur, & tandem ceu fumus evanescat. Perfecti viri virtus, si primum illius saporem consulas, videbitur insipidum quid & insulsum; & tamen, ubi maturà consideratione, multòq;e magis ipso exercitio & imitatione eam iterum iterumq;e degustaris, talem esse comperies, ut, quamvis eà pascaris assidue, non tamen pareat nauseam & fastidium. Rursus, videtur illa remissum quid esse & exile & propè contemptibile, & tamen, si mentis oculis quæ interiora sunt contempleris, quantum ibi decoris & gratiæ, quantum venustatis invenies: Humilem rudem, ac informem primo aspectu diceret; & tamen, in cordis medio perpolita est rectèq;e composita & juxta rectam rationem mirabiliter ordinata. Quid multa? vestis attalica est, gemmis & auro collucens; verumtamen sub vili penulâ latet securo: Quò occultior hoc pretiosior. Et hæc quidem de interna privatâq;e sui perfectione intellige; cujus cum tanta sit lux, tanta vis ardoris, ut cohiberi nequeat quin ultro prorumpat, impendatq;e sese communi Recip. bono procurando; idèò (addit *Gu-ssu*) si vir ejusmodi perfectus noverit eorum quæ longè absunt proximum principium, seu si noverit dirigere alios ex sui ipsius normâ; item noverit morum motuumq;e originem, seu noverit commovere aliorum animos ex suo ipsius animi motu; noverit denique subtilium & arcanorum manifestationem, seu noverit, quod ea quæ intus latent haud dubiè tandem aliquando foras se prodent; tum sanè poterit hoc modo cum tam præclarâ rerum notitiâ paulatim gradum facere, ac tandem ad eminentem Sancti virtutem pertingere. Vel, ut alii exponunt: si noverit quarumcunq;e actionum principium esse cor; bonas ex corde bono malas ex corde malo procedere: si item noverit morum & rituum originem fundatam in illa Sanctorum Regum symmetriâ rectè commensuratâ cum cœli ratione, quæ res omnes diriguntur: si denique noverit subtilium & reconditarum rerum manifestationem, si possit, scilicet ex iis quæ foris apparent cognoscere ea quæ intus latent; tùm poterit is etiam hoc modo paulatim pertingere ad virtutem Sanctorum.

f. 30. p. 1.

ALIA Oda sic ait: Penitus abdita sit licet, altisque depressa latebris delitefeat virtus (uti & vitium) tamen vel sic mediis ex tenebris omninò in lucem prodibit. Quapropter (exponit *Gu-ssu*) vir perfectus cordis intima discutiens, ubi penitissimos animi sinus inspexit, si nihil prorsus deprehendat morbidi seu vitiosi, tùm

scilicet acquiescit; & cùm non sit quidpiam cuius cum pudeat, sit etiam, ut nec displiceat sibi in corde suo, à quo jam non reprehenditur. Nimirùm viri perfecti interior virtus sive id ad quod non possunt passim homines nisi difficillimè pervenire, nonne hoc ipsum solum est quod alii non vident? Hoc quippe interiorum cordis examen, cùm res sit ejusmodi, ut vir perfectus ad eam exhaustiendam non possit nisi difficillimè pervenire; nonne hæc ipsa dumtaxat est, cæteri hominum quam nunquam observant? Nam cæteri hominum ea solum magni faciunt quæ sensibus percipiuntur; de interiori mentis ornatu & cordis puritate parùm solliciti.

p. 2. §. 1.

ALIA Oda sic ait: Vide ac circumspecte quomodo te geras cùm solus degis in tua domo: Insuper ne quid agas de quo possis erubescere quamvis verferis in abditissimo tuæ domus recessu. Ideò (addit *en-su*) vir perfectus non aggreditur negotium & tunc primum attendere sibi incipit; non profert sermonem, & tunc primum de verborum veracitate cogitat: sed semper & in omnibus est vigilans. Etenim vir perfectus, prius etiam quam animi motus quispian exurgat, jam attentè sollicitèque se observat sibi que ipse in vigilat; priusquam proferat sermonem, jam planè sibi persuadet & sine ulla dubitatione credit verum esse quod dicere meditatur; atque hoc intelligit esse pretium operæ suæ, hunc vigilantie & examinis sui fructum, ut in iis quoque rebus ac studiis quæ neque oculis percipiuntur neque auribus, circumspectè timidèque se gerat.

§. 2.

Rursus Oda sic ait: Mystes ingrediens Templum, ut sacrificando coram omni populo permoveat & invitet spiritus; inusitato cum silentio & singulari animi corporisque compositione accedit; & quamvis populo non indicat silentium; tamen sacrificii tempore vox nulla confabulantium auditur ne dum murmur aliquod existit aut contentio circumstantis populi. Nimirùm perspecta singulis virtus ac probitas ejus qui sacra peragit, itemque gravitas illa & modestia, quæ in ore habituque totius corporis relucet, index interioris reverentiae & compositionis, tanta est, ut quamvis neminem hortetur ipse, nemini poenas intenter, in officio tamen contineat omnes ac perficiat, ut cum altissimo quodam silentio venerabundi sacris assistant. Eodem modo (inquit *en-su*) Rex perfectus, quamvis non largiatur munera tamen populus nullâ spe præmii, sed uno sui Regis exemplo ad eum imitandum permouetur necnon ad omnem virtutem, & ad obsequendum in omnibus quæ sui muneris sunt mirificè invitatur: Rursus quamvis non irascatur, aut poenas intentando & supplicia à malo non deterreat, facit tamen, ut populus

populus à Regiâ personâ pertimescat multò magisquàm si falcibus & securibus armatus subditorum suorum cervicibus immineret.

§. 3.

Altius iterùm provehitur *çu-su* in suâ Regum institutione columnas hic tandem figens, eamque ponens virtuti, quam Regibus vult inesse, metam, ut plus ultra non videatur Regum virtus atque felicitas progredi posse. Authoritatem igitur à Priscis petens Odam citat, quæ sic ait : si tam subtilis sit & à vulgi captu sensibusque tam remota adeoque tam profunda & non apparens, ac veluti solitaria seu unica perfecti Regis virtus, ut illius ne vestigium quidem mortalium oculis offerri videatur, quæque delitescens in intimo cordis recessu nonnisi per heroïcas actiones, & publicam mortalium utilitatem absque ostentatione se prodat; tum sanè centum, hoc est, omnes omninò Sinenfis mundi Dynastæ & Reguli suspicientes illam regis virtutis majestatem tanquam cœlestem quid & humano majus, pro suo quisque captu & viribus studiosè eam æmulari contendunt. Et hæc quoque causa est (inquit idem *çu-su*) cur Rex perfectus, utpote conscius hujus veritatis, tam solidè colat, id est, tam vigilanter, reverenter, ac sollicitè quovis loco & tempore tueatur ac conservet internam virtutem : cujus quidem tam vigilantis reverentiæ, & tam sapientis vigilantis; curæque hic fructus existet, ut tandem etiam orbis universus, quamvis haud quaquam capiat tantam & tam arcanam virtutem, tamen à tali Rege administratus, perpetuâ pace perfruatur.

f. 31. p. 1.

Concludit *çu-su*, confirmatque dicta libti Odarum autoritate; ubi (juxta Interpretes) introducitur ipse *Xam Ti* supremus cœli Imperator loquens.

Sic igitur Oda ait : Ego (inquit supremus cœli Imperator) complector & amo *Vên-vâm* Regis clarissimam & purissimam virtutem : Et ideo quidem amo, quia illa non magnoperè personabat, ut forinsecus perciperetur & appareret. (Vel ut alii explicant : quia illa non petivit suam magnitudinem à verborum sonitu & exteriori quadam specie ac splendore, sed è soliditate & cultu interiori) Nimirum, *Confucius* inquit, exteriora ista uti sunt sonitus verborum & splendor seu figura exterior, opes inquam, & arma, eloquentiæ vis, & Imperatoris majestatis splendor, in ordine ad hoc ut moveatur & convertatur populus, sunt reverà quid posterius & ramorum instar; at verò solida illa cordis veracitas quæ verbis factisque se prodat, & aliarum quoque virtutum præsidii instructus animus, radix ipsa & fundamentum sunt; adeoque id quod prius ac præcipuum hic censeretur debet. Alia Oda sic ait : Ejusmodi virtus est subtile quiddam & leve instar pili. Attamen (subjicit *çu-su*) pilus quamvis re-

A 2

verà tenue quid ac subtile sit, adhuc tamen datur quidpiam sensibile quod cum eo ordinem habeat, eique comparetur & correspondeat: quapropter ad rem illustrandam magis appositum est carmen aliud quo dicitur: supremi cæli res longè fugit sensus humanos, adeoque nec habet vocis sonum quo audiri, nec odoris speciem qua percipi queat. Ex quo (inquit 曾 子) confici videtur, ejusmodi rem summum quid esse humanis oculis invisibile, & indivisibile adeoque omnia sensibilia transcendens: & hoc ultimum dictum rem maximè declarat.

In hoc postremo paragrapho duo sunt quæ subobscura videri possint, atque explicatu difficilia. Primum quid verba illa Mîm te hîc significant. Alterum quid significant illa Xâm Tien Chi çai: quippe, tam horum, quam illorum, expositiones variæ afferuntur. Nos autem duas potissimum sc̄ctabimur.

Et quoad primum quidem, siquemur hîc illos qui volunt, per binas voces Mîm te vel excellentem quamdam virtutem, & hanc moralem, significari; vel rationalem, quæ in homine est, portionem ac potentiam: congruis enim expositio hæc sanè feliciter cum iis quæ dicuntur in libro Tâ Hio §. 1. ubi Mîm te vocatur portio illa rationalis à celo homini indita; uti hoc ipso libro Chum yûm f. 1. & alibi, Tien mîm, & f. 25. §. 3. Te sîm.

Quod verò ad secundum attinet: duabus vocibus Xam tien, alii supremi Numinis Providentiam; alii supremum cælum sive quod nos Em-pyreum, sedem videlicet ac domicilium beatarum mentium significari docent.

Ceterum qualescunque dènum sint expositiones istæ: certa est res una, quod ex hac Libri Chum yûm postremâ sententiâ terne videntur elici posse veritates, ac Sinensibus, quamvis Ethnicis, probari; scilicet unius & supremi Numinis existentiam & immortales esse mortalium animos: sua denique præmia cujusque meritis post hanc vitam respondere. Etenim cum introducatur ipse supremus cæli Imperator verba proferens ac deinde cum alibi dicatur Ven-vam pii Regis animam assistere ad supremi numinis lavam & dexteram patet & Deum ab ipsis creditum & animam haud quaquam interire cum corpore: Rursus cum dicatur, quod idem Numen amplexatur & amat virtutem dicti Regis, sua respondere virtuti præmia, non dubiè significatur. Quod verò de animarum immortalitate censuerunt præci Sinæ hîc superest breviter examinandum; nam quid de supremi Numinis existentia & Providentiâ tum, variis hujus operis locis quadantenus exposuimus & in singularem & copiosorem tractatum reservamus.

Non inficior præcos Sinas communi & hæreditario vitio generis humani de præsentis vitæ potissimum laborasse; ut benè scilicet ac beatè hîc viverent, tranquillum florens invictumque servarent Im-

perium : quæ autem fors eos & vita maneret olim , cælesti Providentiæ Numinique permisisse (in quorum tamen numero nequam sunt ii , quos eximia planè virtus , resque gestæ , & sua ipsorum scripta contemptores fuisse docent vitæ mortalis rerumque humanarum , & immortalis vitæ studiosos.) Non caruerunt tamen etiam vulgares homines isti , appetitu diuturnæ sempiternæque vitæ , quem sentimus mortales omnes inditum nobis esse ab Auctore naturæ , utique non otiosè neque frustra inditum. Qui appetitus quàm vehemens in quibusdam illorum fuerit , argumentum possunt esse pretiosæ potionis illæ seu Ambrosiæ vitæ immortalis quas Imperatores quoque fabulis impostorum , aliquot post Christum sæculis , delusi spe , immortalitatis hauriendæ , sumebant.

Rei ergò , quæ usque adèd connaturalis est homini , non possunt non extare quædam vestigia in priscis eorum libris ac monumentis : quæ si extant , ut revera extant , & tanquam dubiæ tenuesque scintillulæ hinc inde promicant ; cur has obsecro non malimus interpretatione benigniore , seu leni statu paulatim suscitare atque accendere ; illa diuturnæ vitæ , seu potiùs productionis mortalitatis desideria ad spem veræ immortalitatis vitæque itaducendo , quàm severioris ac sinistræ interpretationis silentio suffocare atque extinguere ? Nam ecquis tandem fructus existet ab huiusmodi silentio & severitate ? non alius profectò , quàm ut videamur tacitè fateri , contrariam esse doctrinæ nostræ priscam gentis ætatem omnem ; utque ita vehementissimè corroboretur Athcorum & Impiorum hominum perniciosus error : ubi cessare nos videbunt , mox ultrò nos aggredientur ac lacerassent eà parte , qua , si animus nobis fuisset , feliciter oppugnari à nobis ipsimet poterant : atque ita tandem dicent , malle se perseverare in ea sententiâ in qua nos ipsi fateamur , majores suos fuisse per quatuor annorum millia ; malle se tot viros sapientiâ , virtute ; imperio clarissimos sequi , quàm paucis aliquot alienigenis contraria docentibus fidem dare.

Abfit igitur ab Evangelii Præconibus hæc opinio , ut nihil adjuvamenti vel lucis ab autoritate Priscorum Sinarum petendum sibi putent Christianæ veritati declarandæ. Quæ quidem opinio (si fas est dicere) vel ab inani quodam metu ac religione , vel certè ab insigni quadam socordiâ aut ignorantia videtur proficisci. Quod si essent è priscis illis (nam de modernis hîc non ago) qui aperte nobis adversarentur , existimantes , nullam rectè factis mercedem , neque pœnâs noxis rependi ; cum vita hominis finiri omnia. (In qua quidem sententiâ fuerunt ex Europæis Philosophis aliqui ; quos tamen sapiens ille Cato apud Ciceronem *minutos* vocat : apud eundem verò Lelius ; Non assentiôr iis , inquit , qui hæc nuper disserere cœperunt , cum corporibus simul animos interire , atque omnia

morte deleri, plus apud me antiquorum auctoritas valet vel nostrorum Majorum, &c.) Si inquam essent è Priscis qui apertè nobis adversarentur, quamvis & essent alii qui favere nobis viderentur; tutius tamen fortasse tunc foret non attingere suspectas auctoritates : Nunc verò cum neminem patiamur adversarium ; nusquam vel umbra istius impietatis appareat ; sed è contrario plurima afferri possint, quæ, tametsi non convincant, admodum tamen verisimile faciant, Priscos benè sapienterque sensisse de Providentiâ Numinis & immortalitate Animorum ; quis tandem sanæ mentis malit adversarios sibi esse, quàm amicos, & socios, & patronos, non modò Priscos, sed hujus quoque ætatis Sinas, Majorum suorum (uti suprà docuimus) adeò studiosos & observantes ? Quis paucos posterioris ætatis Atheos atque Idololatrias sequi malit, ac virus ex antiquis illis floribus sugere, quàm dulce mel ac saluterum ? Quod iis non modicum contineri cum alii Scriptores, tum verò maxime Societ. JESU Sacerdotes Riccius, Pantoja, Vagnonus, Aleni, Monteirus, Buglius, Martines, alique Litteris Europæis & Sinicis clarissimi, docuerunt : Hac in re Lactantium scilicet, aliosque Patrum imitati, Tertullianum inquam, Cyprianum, Minutium Felicem, Origenem, Arnobium : qui Ethnicos suis ipsorum armis, uti & Hieronymus Augustinus, alique Doctores Ecclesiæ, hæreticos identidem oppugnabant. Itaque Lactantius de falsa Religione contra gentes cap. 5. Omittamus sanè (inquit) testimonia Prophetarum, ne minus idonea probatio videatur esse ab his, quibus omninò non creditur : veniamus ad Auctores, & eos ipsos ad probationem veri testes citemus, quibus contrà nos uti solent, Poëtas dico ac Philosophos. Quamquam & in hoc rursus istos Patres imitantur homines nostri, quòd quotiescunque de Animorum immortalitate, similibusque argumentis disputant, longè præcipuum robur ex nostrâ scilicet Christianorum Philosophiâ petant, & mellis isti Sinico, quod dixi, tantam inspergant cœlestis ambrosiæ copiam, ut quamvis eam Sinæ veluti suam cupidius appetant, reverà tamen Europæorum tota sit, & Christi potius.

Ad extremum quò studiosius hanc veritatem ex priscis gentis monumentis eruamus, illa quoque ratio nos movet, quòd siquidem probetur, eam Majoribus fuisse perspicuam, concedent illico nepotes perspicuam fuisse & alteram (quam suprà tot argumentis) de supremo quodam Numine quod omnia procreavit ac moderetur : neque enim gens fuit tam agrellis ac barbara quæ non agnoverit immortalem Deum, & agnoverit tamen animi sui immortalitatem.

Nunc ad rem veniamus. Argumenti, quod negativum dicitur, non solet esse vis magna; habet hoc tamen, apud Sinas inprimis, vim

vim suam. Hoc igitur usuri, quærimus in primis, æquis Auctorum veterum & classicorum usquam dicat interire mortalium Animos, nullo providentiæ consilio, sed casu, fortuitòque res geri? Profecto fateri debent, haud ullum esse qui apertè sic vel insanus sit, vel impius. Hinc igitur ad positivas auctoritates & argumenta gradum facimus. Ac primùm quidem quid ipse *Confucius* de immortalitate senserit, ob oculos eis ponimus. Et multa quidem nobis suggerunt libri Classici, quorum alios ipse conscripsit, alios collegit ac digessit in ordinem. Classicos dixi, qui soli apud Sinenses, & nos quoque suum pondus obtinent. Nam quæ in libris *Kia Tu*, sive domelliorum *Confucii* sermonum extant, cum hos septingentis fere post annis quàm Philosophus vixit lucem vidisse scribant eam fere obtinent fidem, quam quisque dare voluerit: præsertim cum sit credibile, non pauca, vel ab improbis inserta, vel ab ineptè studiosis ipsius Philosophi, conscripta iis contineri. Hoc certum, dictos libros in Classicis, & qui litteratis hominibus præscribantur, haudquam numerari. Verumtamen ne cuiquam videar hic celasse quidpiam, vel subterfugisse, locum proferam, qui unus videri possit minùs favere sententiæ nostræ, introducitur enim *Confucii* discipulus, quæ cum vulgò dictus, ex Magistro suo quærens, an mortui rerum notitiam conservent. Cui Philosophus, attemperare solitus responsa sua ingenio cuiusque & captui, tempori quoque, & loco, sic responder, ut tamen sciscitantis dubitationem non tollat: Si mortuis (inquit) perseverare notitiam rerum dixerò, timeo ne filii quorum pictas erga parentes major fuerit, eosdem sociare velint, adeoque se ipsos interimant: Si contrà, nullam esse asseruero, vereor ne languescat illa filialis pietas, & sint qui inhumatos etiam parentes abjiciant: desine ergo filii mi curiosiùs exquirere quæ sit vitæ functorum conditio: alia sunt magis necessaria quæ scire te velim: ista verò tu deinde cognosces. Sic Philosophus, ubi nota hoc loco non dubitari de existentia Animarum, sed quæri à discipulo, an Animæ defunctorum (quas supponit existere) conservent præteritorum notitiam.

His igitur prætermisiss, quorum minùs certa auctoritas est, ea dumtaxat afferamus, quorum indubitata apud ipsos sit autoritas, quæque ad probandam Sinis immortalitatem magis appositæ videbuntur. Cujusmodi sanè multa libri quinque & ii quos hic exponimus, non modò Classici, sed primæ quoque classis, nobis supeditabunt.

Ut autem res ordinatius procedat, à definitione mortis, ut hanc in libris suis tradunt, ordiamur: Hoc modo namque faciliùs erit de reliquis quæ sequuntur judicium ferre, & quid atque Priscorum senserit intelligere: Nam quid ætate nostrâ Sinensium plerique, ex im-

peritâ saltē multitudinē, de morte sentiant, nulli dubium vel controversum esse potest, cum satis constet, Pythagoricis de metempsychosi fabulis plerisque fidem dare, qui adeo quamvis animos interire negent, quoniam tamen principiis nituntur vanissimis falsissimisque, absurdum planē fuerit iis quidquam tribuere, & mendaciis firmare veritatem.

Olim igitur, ut docerent, humanam naturam duabus constare partibus, quarum una mortalis sit, immortalis altera, *quæ lo* duabus quoque vocibus utebantur, quarum alterâ descensus & casus, ascensus alterâ significatur. Sic mortem *Tao* Imperatoris in *Xu him* librorum fere vetustissimis declarat. Nec diversum efficiunt sensum, quamvis diversæ sint voces, quibus *Xün*, & *Yen-Yam* Regum; aliorumque Principum descensus atque ascensus, obitus inquam, seu Animæ corporisque separatio significatur. Interpretes certè, & quidem Ethnici, quos inter Colaüs nolter suffragantur hic nobis, ac mirabili sententiarum consensu, sic voces illas exponunt, ut dicant, *id quod in altum subeat esse spiritum, quod de rsu feratur atque concidas corpus esse*. Procul dubio nec istis, neque tot verbis usuri, si meram corporis resolutionem vitæque finem significare voluissent. Hinc nimirum illa nunquam satis deprædicata vox & oratio *Tü* Regis (de quo supra mentionem fecimus) qua ipse consolaturus suos in præsentī subitoque vitæ discrimine: *sēm kē yē* (inquit) *sū quēi yē*, *vita hæc nostra*, Procures, *deposui est instar: mors ergo depositi restitutio erit*. Imò quoniam *hi* & *quēi* binæ voces, hæc *reditum* quoque significat, illa *diversorium*, videtur eodem Laconismo suo vir sapiens complecti etiam voluisse Tullianum istud, quo dicitur natura commorandi nobis diversorium dedisse, non habitandi locum. Quocirca paratos esse debere secum ex vita ista discedere, tanquam hospitio, non tanquam ex domo. Quod si vetustas aliquid hic ponderis atque auctoritatis afferre potest, uti sanè potest, sententiam tam christianam ante ipsius Abrahami tempora, ne dicam Ciceronis vel Urbis conditæ, Rex Sinicus pronuntiavit. Abiit igitur in vulgarem usum pulcherrimus loquendi modus, & cum memoria tanti Principis viget hodieque sic, ut nihil Sinis familiarius sit, quàm, ubi quis excessit è vivis dicere *hiu xī* *discessisse* jam illum *à saculo*, *quū xī*, *vale dixisse saculo*, *siē xī*, *egisse saculo gratias*, &c. prorsus ea ratione, qua narratur quis hospiti, apud quem divertit, gratias egisse, & vale eidem dicto, in patriam remigrasse. Sinas autem, cum sic loquuntur, ex animi sui sententia vulgò loqui, olim certè quidem locutos, mos ille priscorum, cujus in Officiorum libris non semel fit mentio, argumento potest esse. Solebant hi quotiescunque eorum aliquis obierat, in superiora domus conscendere, atque hic coniectis in cælum oculis multo cum gemitu defun-

etum inelamare, vocem *ſi* lachrymabiliter ingeminantes. Porro vox illa, ſicuti Interpretes hîc affirmant, *reditum ad corpus*, ſeu revivificare ſignificat. Ad quem ritum alluſerit fortasſe Memcius, cum eadem uſus voce dixit: Sanctos Reges, ſi quidem reviviſcerent, non alia quàm, quæ doceret ipſe, docturos. Certè in obitu quoque Regum, is, quem dixi, ritus adhibebatur; tamenſi verò nunc antiquatus videatur, non obſcurè tamen declarat quid ætas illa de immortalitate ſenſerit, atque tanto præclariùs quàm præſens hæc poſteriorum ætas, quantò longiùs huic illa præcellebat, ſi quidem de vitæ morumque innocentia, nec non candore quodam & ſimplicitate agatur. A Priſcis etiam, ut opinor, manaverit mos iſte qui hîc variis in Provinciis in uſu eſt, ut filii in parentum ſuorum obitu, lugubri habitu, nec ſine lachrymis atque ejulatu viciniora loca concurſent, non ſecùs ac ſi quærerent fugientem animam, & ad priſtinam ſedem corpusque exanime revocarent.

Quod ſi exiſtimabant priſci (ut de hac noſtra ætate non agamus) hominum animos interire, quàm ſupervacanea ſtultaque erant hæc omnia! An enim quod interiit movere ſe poteſt, ne dicam aſcendere? An depositum quod periſſe conſtat, idem ipſum reſtitui? De hoſpite verò, ſi quidem is in diverſorio ſuo jam extinctus ſit, nonne vel ignarus admodum, vel nugator ſit, qui diſceſſiſſe dicat, qui patriam, qui domum repetiviſſe? Et illa, quæ narraviſus, quiſquamne ſanæ mentis faciat, ſi poſt mortem nihil quod vivat, quod intelligat, exiſtere arbitretur?

Non me fugit tamen quid ab atheis hujus temporis, qui cum à Priſcis maximè diſſentiant, videri tamen volunt maximè cum Priſcis ſentire, hîc reſponderi queat: ornatùs gratiâ ſcilicet ac figuratè multa dici; memoratum verò ritum evanidum atque inutilem eſſe; neque enim Priſcis aliud hîc fuiſſe propoſitum, quàm ut dolorem ſuum, & deſiderium illius qui interierat, teſtarentur: quod autem ſuſpicerent in cælum, atque illinc dilectos Manes quodammodo revocarent, mirandum non videri; quandoquidem ſic exiſtimarent, quin adeò & hîc & alibi diſertè doceant, aërium quid, imo nihil eſſe præter merum aërem ſpiritum illum qui hîc dicatur aſcendere: nihil autem vel abſurdi vel alieni dicere, qui aërem dicat in ſublime ferri: ſed neque ipſum Confucium ab hac ſententia videri alienum, qui rogatus, ut *quæſi* *xia* duarum vocum ſignificata definiret, aërium quid eſſe reſponderit, ut in Officiorum libris reſertur, iſdem ſcilicet imbutus erroribus, quibus priſci Poëtæ noſtri tenebantur, cum animam noſtram particulam auræ eſſe canerent: quibus item Varro tenebatur, cum diceret animam eſſe aërem conceptum ore, deſerveſactum in pulmone, tepeſactum in corde, diſſuſum in corpus. Itaque modum loquendi Sinis admodum familia-

rem esse hoc tempore, cùm de moriente sermo est, ut *give ké*, vel *abscissum* esse, vel *tuón ké interceptum* esse hominis *spiritum*; seu veriùs respirationem vulgò dicant.

Sic fortassis isti, quos quidem refellere haudquaquam sanè difficile fuerit. Nam quòd ritum Priscorum suprà memoratum sic interpretentur, ut inanem faciant; nullius id auctoritate vel exemplo faciunt; cùm nullus Interpretum, quos ego quidem adhuc consulere potui, inanem fuisse doceat. Rurìus quòd hominis animum per aërem, quem respiramus, definiri dicant, seu describi veriùs; nihil contra Priscos, aut Confucium efficiunt: quæro enim, qua voce; quæve metaphora uti poterat homo cultioris nostræ logices & metaphysices ignarus ad explicandam rem, quam docebat; esse maxime subtilem, & quæ fugeret sensus ipsos? an aliâ quàm quæ à re sublunarium rerum subtilissimâ mutaretur? Imo nos ipsi, nos (inquam) Europæi, cùm rationalem animam voce quàm possumus propriissimâ significare volumus, quâ voce tandem utimur? nonne *Spiritus*? At hujus ethymologia vocis unde petitur? à *spirando*. Sed enim & bruta spirant animantia, & venti spirant, suus & his, & illis est spiritus: vitalium quoque spirituum apud nostrates Medicos (quin & Sinicos) creberrima mentio. Est, inquires: verùm, ubi de homine agitur, metaphoricus est vocis usus: atque metaphoricus & aëris hîc erit. Vis intrem penitiùs? ipsammet vocem *animus*, constat à Græca voce *ἀνῆμος* originem ducere: hæc ergo si Græcis *flatum* ventumve significat, an rectè mox conficies, animam rationalem ex sententia Latinorum ventosum quid esse, vel flatulentum? Neutiquam verò, inquires: declarant enim Latini quid hîc sentiant, cùm rationalem esse animum dicant. Benè habet. At Sinæ quid ipsi quoque sentiant nusquam declarant? Quid crebrius, non Interpretes modo, sed ipsum quoque vulgus, in ore habent, quàm hæc: *sapiens, excelsus, prudens, intelligens spiritus* sive animus, &c. quæ profecto nemo qui rationis compos sit, nisi de animo ratione prædito dixerit. Jam vero ipse *Confucius* cùm spiritum istum aërium, ut dicis, & quidem ut à corpore separatus est, *animatum, intelligentem* ac *spiritualem* vocat, nihil dicit? quando subtilissimum quid esse docet maximeque *purum*, quando *sapientem* vocat, quid sentiat non declarat. Narrat, spiritum postquam excessit à corpore manifestare sese, diffundere odorem sui, tristitiâ quadam affici & sui ipsius commiseratione, quod consortio corporis diuturnaque consuetudine privatus sit; hæc aliaque cùm dicit, nihil dicit? Nondum quid sentiat declarat? Illud autem *Mentis* pronunciatum quàm præclarum quàmque appositum ad rem nostram! Nimirum subtilissimum quid esse quo à brutis animantibus differat homo. Subtilissimum vocat, quod expertus esse materiæ proculdubio intelligeret.

Sed

Sed age san^o. Faciamus, eos crassiusculè speculatos esse, & spiritalem substantiam (sicut olim tot in Europa Philosophi, Angelicam) materialiter concepisse : An idcirco mox dicemus aberravisse toto cælo, & formam quoque animæ substantialem, quæ ipsis animantibus tribuitur, hominibus negavisse ? Quod si veniam damus & Pictoribus & Poëtis dum mentes illas cælestes nobis depingunt, quamvis alienissima quæque iisdem appingant ; Sinenfes illico damnabimus, si fortè, præter conceptus alienos (quos ipsi quoque vel inviti formamus assidue) verbis quandoque & sententiis utantur alienis.

Verumtamen quia nobis inter Ethnicos versantibus summo opere cavendum est, ne videamur his qui rudiores sunt, vel etiam perverfi jam perditique, iisdem quibus ipsi teneri erroribus, prudenter admodum Societatis Jesu Patres, quotiescunque de anima rationali disputandum fuit, voce *Ki* abstinuerunt ; tum quod non aliâ ferè communem quem respiramus aërem Sinenfes explicant, tum verò maxime quòd ex priscis eorum monumentis, adeoque libris ipsius *Confucii* vocabula non pauca suppetant, eaque perapposita, quibus nobilior hominis portio, seu immortalis animus significatur. Et hominem quidem ipsum inter omnia viventia nobilissimum quid esse disertè affirmant. Animum deinde *Tá ti*, seu majorem ac nobiliorem substantiam, ut à *Siad-ti* quod minorem substantiam sonat, distinguant ; vocant item *clarum cali mandatum*, & *claram*, seu intelligentem virtutem ; ad hæc, virtutem naturalem ; potentiam intellectivam, quæ eadem subtilis sit, quæ à cælo infusa, quæ lumine rationis collustrata. Quid ? quod easdem quandoque voces Animæ rationali tribuant quibus spiritus suos, sive *Xin*, significare solent : Quos etiam alibi errantes Animas vocat liber *Ti-kim*. Quoniam tamen adscribunt spiritibus eximiam quamdam virtutem (uti suprà narravimus) & multa quæ vires humanas excedunt, placuit sociis voce *Xin* sic uti, ut ferè non aliis quam naturæ Angelicæ suppositis tribueretur : ad animum verò hominis significandum plerumque binas voces *Lim sim*, vel *Lim hoen* adhibuerunt. Aptè quidem ; vox namque *Hoen* cum Animam significet, addito *Lim*, mox ad rationalem contrahitur : per *Lim* quippe vim intellectivam, adeoque spiritalem, significant ; metaphorice verò, rei quoque inanimatæ (ut suprà dicebamus) præcipua quardam venustas vel efficacia eodem *Lim* vocabulo (vel etiam *Xin*) declaratur. Quod si dictæ voci *Hoen* alteram *Kio*, quæ sensitivum sonat, adjunxeris, sive præposueris, ampliorem ejusdem significationem effeceris ; amplissimam verò, si cum voce *Sem*, seu vegetativa, copulaveris. Vocis item *sim*, quæ naturam sonat, par item ratio est, quæ vocis *Hoen*.

Cum doceant igitur (ut ad priorem ratiocinationem nostram

revertamur) rationalem hominis naturam, sive Animam, à cœlo nobis esse infusam; sive, ut Tullianis verbis hîc utar, quod cœlestis animus ex altissimo domicilio sit depressus & quasi demersus in terram, locum divinæ naturæ æternitæque contrarium. Rursus cum sic à cœlo venisse Animum doceant, ut donis suis ornatus, & prudentiæ, pietatis, aliarumque virtutum præsidio munitus, tantoque comitatu veluti circumseptus venerit: cùmque adeò, quemadmodum præclare probat ac docet *Memius*, passimque pueri cum suis literarum elementis addiscunt, cum nativâ quadam propensione ad id quod rectum est atque ex virtute, procreatus fuerit: Imo quicumque Sancti sunt (vetus hæc Sinicæ gentis opinio est) proprio quodam præcipuoque cœli beneficio Sancti nascuntur omnes. Cum sic (inquam) non modo senserint Prisci, verum etiam docuerint, non est profectò quod miremur si putaverint, Animos è cœlo profectos in cælum reverti; quando antiquissimus ille Trismegistus dicebat: piorum Animos à morte in naturam Deorum transire à quo nec ii fortè dissenserint Philosophi, quos, Cicero scribit, nunquam dubitasse quin ex universa mente divinâ delibatos Animos haberemus. Multis certè quidem post sæculis sequutus hos Africanus, cum narrasset (apud eundem Ciceronem) Animum nobis datum, ex sempiternis cœlorum ignibus, quæ sydera & stellas vocamus; quos etiam dicit, divinis esse mentibus animatos; mox addit, eos qui justitiam colant & pietatem in cælum pergere, & in cœtum eorum qui jam vixerunt, quique corpore laxati locum incolant splendidissimo candore conspicuum.

In hanc ergo sententiam exponi potest locus illustris libri *Tekin*: postquam enim ostensum fuit, quomodo res omnes in locum finemque naturæ suæ consentaneum sponte sua nec sine impetu quodam rapiantur; additur quoque illud: portionem hominis eam, quæ nobilior sit, cælum semper intueri, & in hoc ferri tanquam centrum suum: eam verò, quæ ignobilior sit, consortem sibi terram pronis oculis spectare. Diceret Poëtam, cùm simillimam multis post sæculis canebat, ab Sinis didicisse, & horum libros pervoluisse Romanum Oratorem cùm dixit: Optimis curis ac studiis agitarum & exercitatum Animum velocius in beatorum Sedem & domum suam pervolvere: idque ocyus facturum, si jam tùm, cùm erit inclusus in corpore, eminebit foras, & ea quæ extra sunt contemplans, quam maxime se à corpore abstrahet.

Sed quoniam solet rebus ipsis, factisque multò plus inesse ponderis, quàm verbis atque sententiis, missa faciamus hæc argumenta quæ ab ethymologiis vocum, & variis loquendi modis peti queunt; pergamus ad solidiora, quæque ex rebus ipsis suum robur atque auctoritatem accipiunt.

Auctor est ipsemet *Confucius* in libro 1^o. classis *Chun-çien* dicto Animam cuiusdam *Chim pe* qui vivens præfectum egerat post obitum visam esse. Hic ergo jam habemus testimonium apud Sinas quidem gravissimum, quod Animus cum ipso corpore non intereat: quis enim dicat, virum tam spectatæ fidei, & prudentiæ tam singularis aut sinxisse quod intelligeret esse falsum, aut temerè credidisse quod esset fabulosum? Europæi quidam de illo sentient prout cuique cordi erit; at nulli Sinarum prorsus persuaderi id poterit. Sed nolim tamen in hoc unius hominis testimonio præcipuam quamdam vim facere. Locupletissima ex libro *Xu Kim* maximè classico testimonia me vocant.

Puon-kem ex Familia *Xam*, inter eas, quæ rerum potitæ sunt, secundâ, ipse decimus septimus Imperator, qui annis 1401. ante Christum imperare cœpit, cum ob eluviones maximas cogeretur Aulam suam transferre aliò, eamque reducere in primum locum, quem olim sibi in Provincia *Honan*, Fundator ipsius Familiæ *Chim-tam* dictus, elegerat: (*Po* loci nomen tunc erat) cumque videret abhorreere populum à mutandis iterum sedibus (hac enim familiâ imperante quartum jam alio migratum fuerat) adeoque palam obstrepere mandatis suis ac repugnare; scripto publico rationem dedit consilii sui, utilitate simul ac necessitate rei quæ agebatur ob oculos omnium positâ: inter alia verò quæ assert, unum est in quo præcipuam quamdam vim facit: quæ quidem nulla fuisset si quidem communis Magnatum & populi sensus & fides pro animorum immortalitate non fuisset. *Ego si diutius* (inquit) *hic commoratus me pariter & vos perdidero, quo tandem pacto iustissimas iras & comminationes effugiam Tam Atavi mei* *cujus anima in cælo nunc degit, & preculdubio me unum calamitatum omnium quæ nobis obvenient reumaget, exprobens mihi inclementiam meam, qui cum servare vos possem, perire tam crudeliter siverim?* Nec multò post addit, *Avum suum, Patremque dicto Tam auctores fuisse ut vindictam sumeret de Optimatibus illis qui opulentiorum Civium facultatibus avari insidiabantur, &c.* Quem in locum scribens Interpretes *Vam.xi* dictus ait: *Jam inde à Chim-tam & Cheu Familiis Imperialibus ascendendo ad superiora tempora seu ab omni ævo Sineses nunquam non servierunt defunctis uti serviebant viventibus.*

Quæro nunc ab Atheis, & iis, qui Priscos Sinas atheos fuisse contendunt; si quidem noster Animus ærium quid est, & quod resolutum à corpore mox dissipatur vacuasque in auras abit; ubi, & quo tandem modo persistit Animus Regis *Tam*, tamdiu, tamque integer, & inviolatus annis omnino trecentis eoque amplius? tot namque inter hujus obitum & abnepotis Imperium intercessère.

Nec minus illustre est alterum ab eadem Familiâ testimonium

immortalitatis. Imperabat *Chen* Tyrannus, inclemens idem in suos & in cœlum impius. Gemebant probi omnes quod viderent magis ac magis labefactari Rempublicam, ipsamque jam Imperium non dubium ruinam minari. Non tulit animo diutius qui inter Optimates dignitate par multis, omnes fide, prudentiâ, studioque boni publici vincebat (*Chen* nomen fuit) adire Regem intrepidus, quamvis haud ignarus quanto cum periculo capitis sui: sciebat autem nisi illum stultâ quadam fiduciâ de favore Proavorum suorum, ipsiusque (si placet) cœli. Itaque, cœlum (inquit) ô Imperator, planè jam videtur ab hac Familia nostra abstulisse Imperium: sic enim viri censent virtute sapientiâque primi; & sortes ipsæ, quas admodâ testudine consulimus, cum tristes & infastæ sint omnes, haud obscurè prænunciant: non est tamen quod existimes, conditores ac Principes Familiz hujus Proavos tuos sensu catere nec tangi malis filiorum ac nepotum suorum, & occasu nobilissimæ domus tuæ, imo & suæ: sed enim, quia tu virâ & moribus admodum dissimilem illis te præbes, joci ac libidini indulgens, à cœlo te præscidisti scilicet, atque effecisti, ut Animi Majorum tuorum qui in beatis illis sedibus commorantur, quamvis maximè velint, non possint tamen opitulari tibi nisi aliam vitæ rationem inieris, atque hoc pacto cœli sententiam contra te jam latam mutâris. Hæc ille, Qui profectò sermonem hujusmodi tali præsertim loco & tempore non instituisset, si de immortalitate Animorum vel dubitasset ipse, vel Tyrannum, quamvis impium, dubitare putavisset. Multoque minus dici potest, ultimum vitæ suæ discrimen adire voluisse, ut, quod non sentiret ipse, specie tenus & cum politicâ simulatione alteri suaderet. Certè quidem vecors ille Tyrannus, ac veritatis impatiens, clientem longè fidelissimum tunc maxime utilia suadentem, confectum rapè jussit ad capitale supplicium, & præmium tam ratæ fidei mors fuit.

Cæterum (quod hic diligenter observare Lectorem velim) planè videntur Prisci credidisse piorum virorum mentes è cœlo sic opitulari suis, vel poenâs etiam peccantibus infligere, ut id non tam per se, quam ab ipso cœlo, seu Domino cœlorum ac supremo Judice posteris suis modò præmia, modò etiam poenâs efflagitando perficerent, adeoque patronorum vices agere solitos quociescunque proprius quidam favor à cœlesti Aula speraretur: quæ quidem res admirabiliter etiam confirmat quod assercbamus suprà, notum cultumque Priscis fuisse supremum Numen, cui tanquam Domino, Regi, & Judici Majorum suorum mentes cœlo jam receptas assistere existimabant. Quod ut Lectori sit exploratius, juvat equidem referre quod ibidem narratur in exordiis Familiz *Chen* contigisse.

Graviter ægrotabat *Yu-yam* secundo Imperii sui anno, & octavo supra

supra octogefimum ætatis suæ. Fuit is autem Fundator tertiz Familiz Imperialis *Chen* dictæ, & anno ante Christum 1121. regnare cœpit. Frater ipsius idemque primus administer Impetii, *Chen-cum* vulgo nominatus, cùm vehementius hic angeretur ac timeret ne corrueret modo partum Imperium, si frater, eo vix inito, nedum firmato, è vivis eriperetur; oblato suppliciter libello vitam suam Patris Avi Atavique Manibus, qui supremo cœlorum Imperatori assistebant lubens devovit, ut ægrotanti fratri aliqua relaxatio, vitæque paulò productior tribueretur. Votorum compos facta est, & sine ullo quidem impendio, tam rara fratris gratia. Quinquennium deinde vixit, ac stabilivit augustæ Domûs fundamenta; tandemque moriens parvum filium tanti hæredem Imperii, tredecim annos tunc natum, fratri commendavit. Agebat hic summa cum fide tutorem nepotis sui, atque optimis cum disciplinis instituens ad virtutes sanè Regias informabat: Summa quoque rerum & Imperium, quoad parvulus adolefceret, penes unum fere patrum erat: Sed hinc, uti solet, orta paulatim invidia est: Nec latuit eam Principem, qui veritus ne inflammaretur acrius, & sui causâ detrimenti quidpiam Respublica pateretur, tempori invidiæque ultrò cedens vicario sese imperio ac tutelâ abdicavit. Erant ipsi à consiliis Viri duo virtute sapientiæque præstantes: His ergò pupillum commendans, & facti sui rationem quodammodò reddens, migrandum est (inquit) quippe si à me, vel ab ipsâ potiùs Republicâ non avertero tempestatem, ecquid olim post fata respondi bo Majoribus mèis, rationem utique exacturis à me, ne dicam n eritas pœnas; quod privatis potiùs commodis, quam publicæ quieti consulens, in discrimen adduxerim Imperium universum. Hæc fatus in Regnum *Xantum* profectus est spontaneus exul, atque ibidem privatus vixit. Sed enim diù latere non potest quisquis amat latere. Exactis enim duobus annis, quasi cœlum ipsum causam tantæ virtutis contra æmulos invidosque tuendam susciperet, horrenda sævire tempestas cœpit, mugire cœlo tonitrua, furentium viventorum annosæ arbores radicibus evelli; nec dubia jam stages ac vastitas agris atque urbibus inferri. Deprehensus in hoc rerum articulo juvenis Imperator, Archivium *Kin tem* dictum, recludi jubet, libros de more consulturus: Hos dum revolvit per se ipse, in libellum supra memoratum fortè incidit: Legit, obstupescit, ac solutus in lachrymas gemitusque, ingratum se clamat, ingratham patriam, & tantas ab irato cœlo pœnas utique promerentem. Nec mora. Verbis humanissimis revocari Patrum jubet. Redeunti procedit obviam; honores pristini restituuntur; & ne fortuitò contigisse hæc putarentur, unà cum ipso *Chen-cum*, sua mox serenitas cœlo, & tranquillitas terris restituta fuit.

Multa possent hinc attexi genetis ejusdem ex Annalibus aliisque

libris deprompta : Sed enim vereor ne prolixitas, quæ semper injucunda est, in hoc argumento nostro & disputatione gravis quoque sit atque odiosa. Sit igitur nobis pro clausulâ monitum sanè pulcherrimum, quod *Chao-cum* suæ ad *Chim-ram* Imperatorem parânesi quondam inseruit : nempe, si saluum se vellet, si perenne, si florens Imperium, insistere Majorum vestigiis oportere, & heroicæ eorundem virtutes constanter imitari : Nam quid existimas, & magne Princeps (inquit) Sapientes illos Republicæ administratos ac Reges extinctæ nuper Familiæ, oblitos rerum humanarum in cælo degere, neque hoc egisse, ut stirps illa domusque Regia conservaretur ? Fuit hoc illis, mihi crede, in votis ; curæ fuit & cordi : Sed enim postremi Regis impietas exitium ac ruinam maturavit : Peruasit in ipsum cælum populi totius clamor sub acerba gementis tyrannide, & à ferenda posteris ope Majores prohibuit ; qui adeo cum implacabiles cæli iras esse jam intelligerent, æquissimæ ejusdem voluntati morem utique gesserunt. Sed ipsum potiùs textum & Colai interpretationem audiamus.

Isti Aviti sapientes ac probi Reges sunt in cælo, neque omnino interierunt. Isti igitur quomodo non possunt enixe implorare opem à cælo ut juvet & protegat suæ Familiæ filios ac nepotes, &c. Sed quia (prosequitur Cham colaus) impius Cheu, qui acceperat à cælo clarissimum Imperium (vel, clarissimum mandatum) non valuit colere virtutem ; quia repulsi & abiecti à sui tutelâ seniores populi, efficiens, ut probi & sapientes viri aut fugerent, aut se occultarent ; quia item plurimam fidem dabat impuris hominibus atque adulteris, effecit insuper ut hoc morbo infecti obtinerent munera publica & dignitates ; cumque adeo similibus criminibus depravati societatem firmarent inter se, & Regem, seque mutuo ita adjuvarent ; tendebat in haud dubiam perniciem populi tam dirum virus. Factum est igitur ut populus oppressus afflictusque crudeli aded tyrannide, neque habens jam quo fugeret aut apud quos ageret causam suam, hoc solum remediî inveniret, ut Patres-familias complexi parvulos filios suos, & trahentes uxores suas, hoc modo lacrymabiliter clamarent ad cælum miserabili voce flagitantes, ut tandem sibi liceret effugere ultimum vite reliquæ discrimen, quandoquidem tot undique calamitatibus constructi tenerentur, nec locus usquam foret quo se reciperent. Populi sane fors luctuosa & protus miserranda ! At verò hoc cælum tacite apud se decernit res mortalium. Cum ergo contemplaretur hosce quatuor Imperii partium populos, & absque culpa illorum tot damnis & calamitatibus intelligens opprimi ; poterat ne fieri, ut non tenerrimo commiserationis affectu moveretur & cogitaret quantocyûs illis succurrere & opitulari ? Ideo quamvis Familia hujus Yn Avitorum Regum resideant in cælo Anima, tamen etiam modò nequeunt cobibere & revocare cæli ipsius voluntatem seu decretum, &c. Hactenus Cham colaus.

Quis autem credat; in re tanti ponderis ac momenti virum tantum tali ratiocinatione fuisse usurum, si quidem ipsi dubia fuisset Providentia Numinis & Animorum immortalitas, vel certè Principi suo dubiam esse autemasset? Haud quaquam tamen cuivis Majorum suorum tribuere solebant hanc in cœlesti aulâ, ut ita loquar auctoritatem, & gratiam, studiumque posteris suis patrocinandis; sed iis dumtaxat qui vitæ morumque eximiam quamdam probitatem (sanctitatem vocabant ipsi) cum Regia dignitate conjunxissent; quique adeo sese cœli filios virtutibus & rectè factorum gloriâ, non autem specioso dumtaxat nomine comprobassent.

Sufficiant hæc igitur, ut intelligamus, quid illa prisca candoris Philosophia de immortalitate senserit. Porro quæcunque nos hic attulimus, ex libro *Xu-kim* sunt deprompta. Classicus est, primæque auctoritatis, & qui Sinenesium ingenia per quadraginta jam sæcula exercet; hinc eruditiones suas petunt, hinc argumenta lucubrationum, hinc denique gradus, honores, dignitates.

Postulas hic verò quasi pro jure suo Colaüs noster Cham, ut quando cum illo lucubrationem hanc auspicati sumus, & iter illo in primis duce ingressi, totum eodem comite quasi decurrimus; nunc in termino constituti, cum illo quoque quasi fessi de tam longinqua viâ consideamus, totam quasi uno oculorum conjectu simul relegentes.

Liber (inquit ipse) *Chum yûm* de medio sempiterno, cum initium facit à naturâ, quam cælum homini indidit, docet nos, quòd illud rectè agendi principium sit à cælo: Cum verò agit in fine de supremi cœli virtute incorporâ, indicat quomodo contendere debeat vir perfectus, ut ad eam, quam à cælo accepit puritatem & innocentiam, pertingat. Quod ut consequatur, primùm quidem necessarium est, ut attendat ipse sibi, sollicitè & circumspèctè se gerat, etiam in his, quæ sub aliorum sensus non cadunt: sic enim medium tenebit beatus. Ubi verò per hoc in seipsum invigilandi exercitium primævam puritatem & innocentiam consecutus fuerit, tum demùm paulatim poterit supremam illam ac reconditam subtilissimæ & unicæ virtutis excellentiam obtinere.

Hæc Colaüs. Cui viro tamesi plurimum tribuant & laudis & auctoritatis Schola Sinenfes; sic tamen existimo, quòd multò plus lucis, & apud ipsos quoque Sinas multò plus & applausûs & auctoritatis ab Interprete Europæo, vel Sinesi Christiano accepturus fuisset Confucius, suâ brevitate plusquam Laconicâ obscurus, quam acceperit ab homine Ethnicò, & altiorum veritatum ignaro: qui ut erat Principis, seu futuri mox Imperatoris Magister, unum sibi scopum prefixit, Principis sui ad rectè feliciterque gubernandum institutionem politicam: adeoque non raro vim facis ipsi textui, & ea quæ nubes ac sydera transcendant intra limites terreni Imperii, arctosque Regii Palatii cancellos concludit. Atque hic est demùm

pregrandis ille mons sapientiæ & sanctitatis, quem olim in hoc Sinarum Orbe tanto studio & labore Magister extremi Orientis Confucius in altum educere nequidquam molitus fuit; erat enim sublimis & humanis viribus substructio, & nature nostræ, divinæ gratiæ auxilio destituta, nequaquam superabilis: adeoque sub extremum vixit spiritum cygnæ voce non immerito querebatur, montem suum (vel montis ideam potius) correre; & comatus suos ac spes rerum tantarum cum ipso Imperio, quod eodem quoque tempore ruinam minabatur, collabi.

Finis explanationis Libri Chum yûm 1





SCIENTIÆ SINICÆ

LIBER TERTIUS.

Lún Ratiocinantium


Yú Sermones.

VERSIO LITTERALIS

una cum explanatione.



LIBER hic numero tertius est, inter
siu xii, sive quatuor libros primæ apud
Sinas auctoritatis, & qui maximè re-
runtur manibus omnium. Distingui-
tur in decem *kiuen*, id est, partes, seu
capita; continetque sententias atque
apophtegmata moralia tum à *Confu-
cio*, tum ab hujus discipulis non uno
tempore vel loco prolata: quod ipsum
libri quoque titulus *Lún yú*, quasi dicant, Ratiocinan-
tium seu philosophantium inter se sermones, non obscure
declarat.



PARS PRIMA.

Fol. 1. pag. 1. §. 1.



CONFUCIUS ait: Operam dare imitationi sapientum, & assidue exercitare sese in hujusmodi studio imitandi, 'nonne' olim 'delectabile' erit? Quasi dicat: suæ principiiis ferè omnibus difficultates insunt ac spinæ; verumtamen si devoraveris istas magno animo vicerisque, tu quisquis sectator es virtutis ac sapientiz, si exemplis simul ac documentis virorum sapientum ob oculos tibi positis constantiam junxeris cum labore, planè fiet ut recuperatâ paulatim claritate & integritate primavâ naturæ nostræ, insignis etiam facilitas atque peritia sequatur tuam exercitationem, delectatio verò peritiam & facilitatem.

§. 2.

POSTQUAM autem te excolueris tam feliciter hujusmodi cum labore & constantiâ, si dentur tunc sectatores & amici è longinqua regione adventantes, consulturi te, atque in disciplinam tuam tradituri sese, famâ scilicet virtutis ac sapientiz tuæ excitati, 'nonne' tum multò etiam vehementius lætaberis, & prodes omnino sensum hunc exultantis animi tui?

Pag. 2. §. 1.

VERUM si planè contrarium acciderit, & cum talis ac tantus sis, ab hominibus tamen si 'ignoreris', nemo te consulat, suscipiat nemo; tu interim hanc ob causam non affligaris nec indigneris; quippe contentus iis quæ tibi ipse peperisti, & possides securus; nihil autem de his quæ extra te, alienique sunt arbitrii, laborans; 'nonne' perfecti viri consummatæque virtutis hoc erit?

§. 2.

DISCIPULUS Yen' sū ait: Quempiam esse, sive dari hominem, qui domi quidem obtemperet parentibus, & debitis obsequiis officiisque prosequatur majores natu, & tamen foris gaudet adversari legitimis Magistratibus, profectò rarum hoc est atque inusitatum. Rursum non gaudere quempiam adversari Magistratibus, & eundem tamen gaudere seditiones ac turbas excitare, & perturbare Rempublicam adhuc quidem non accidit.

seu visum est & auditum quidpiam hujusmodi.

§. 3.

SUPERIOREM doctrinam confirmaturus idem *Yen sâ*, Vir⁹ perfectus⁹, inquit, impensiori quodam studio⁹ vacat principali⁹, sive ei quod quavis in re præcipuum est, & radice ac fundamenti instar: etenim principali⁹ bene⁹ constituto ac confirmato, mox⁹ inde virtutis officiique⁹ lex ceu ex radice firma vividaque prognascitur⁹ & succrescit feliciter atque efflorescit: sic privata singulorum, quam dixi, erga parentes suos pietas⁹ & obedientia, amorque & observantia erga fratres⁹ majores natu, hæc⁹ (inquam) duo sunt⁹ operum⁹ pietatis erga communem quoque patriam, atque observantiæ erga legitimos Magistratus, adeoque publicæ pacis & tranquillitatis radix & fundamentum⁹.

F. 2. p. 1.

CONFUCIUS ait: ubi compta⁹ est oratio⁹, & blanda⁹ oris⁹ species, ibi parum⁹ est probitatis⁹. Id est, qui affectatâ quapiam affabilitate, seu blanditiis nescio quibus, lenociniisque verborum, ad hæc, specioso totius oris habitu ad humanitatem scilicet benevolentiamque mirè composito conciliare sibi student hominum voluntates, necnon famam virtutis ac sapientiæ; parùm interim solliciti ut suæ fronti, oculisque & sermonibus cor ipsum respondeat; hominum hujuscemodi rarus est vel nemo potius qui veram cordis virtutem obtineat.

Pag. 2.

DISCIPULUS *sem sâ* ait: Ego⁹ quotidie⁹ de tribus⁹ maxime rebus examino⁹ me⁹ ipsum⁹ & rationem exigo; an scilicet pro⁹ homine⁹ quopiam negotium tractandum⁹ susceperim, & non⁹ tractaverim illud ac conatus sim conficere eâ quâ par erat cum fide & contentione⁹ animi, nec ita prorsus ac si mea res ageretur & non aliena: an cum⁹ sodalibus⁹ & amicis⁹ meis familiariter & amicorum more agens⁹, tamen⁹ haud⁹ egerim eo candore eâque fide⁹ quâ oportebat agi, contentus inani quâdam specie benevolentiae observantiaeque, & mendacio veriùs amicitiae quàm amicitia. Denique an doctrinam mihi⁹ traditam à Magistro meo non⁹ recoluerim⁹, eamque exercitaverim⁹ impigrè & constanter.

F. 3. p. 1.

CONFUCIUS ait: Ut quispiam feliciter administret mille⁹ quadrigarum⁹ regnum⁹, (quod utique difficile est tranquillè ac feliciter administrare) quinque sunt inprimis necessaria. (De Re-

gulis hic agit *Confucius*, quorum singuli quadrigas omnino mille tenebantur habere in promptu, & quotiescumque jussisset Imperator in aciem producere.) Primum sollicitè consideratèque tractet res omnes ditionis suæ: nihil, quamvis parvi momenti videatur esse, putet ab se posse negligi; memor ex una Principis inconsideratione provenire non rarò calamitates, quæ & amplissimam ditionem & multis quidem sæculis affligant. Deinde colat fidem ac veritatem, sibi que persuadeat hanc esse pretiosiore gemmam coronæ suæ. Veri sint igitur & sine ambiguitate sermones ejus, adeoque latentis in animo sententiæ non dubii semper indices: maximè verò in discernendis vel præmiis vel suppliciis sectetur id quod æquum est justumque: sic fiet ut subditi vicissim quævis imperata faciant, & quidem alacriter & cum fide faciant. Tertiò largitiones moderetur ac sumptus, inutiles superfluosque tollens: sic namque in ærario regio totoque regno opum semper affatim erit. Item amet homines libi subditos paterno prorsus affectu, opitulando omnibus, quos vel orbitas ac solitudo, vel inopia & fames, alique casus aut ærumnæ affligunt: sic enim subditi vicissim filiorum instar Principi suo morem gerent, eumque sic verebuntur ut etiam diligant. Denique si quando subditorum manus atque opera poscatur ad extruenda vel restauranda opera publica, imperet hæc subditis opportuno tempore; quo scilicet ruri passim vacatur, non eo quo sementis illos, vel agricultura, vel messis occupat: hoc pacto frugum atque alimentorum copia plerumque suppetet; operaque publica sine publico detrimento alacriter perficientur.

P. 2. §. 1.

CONFUCIUS ait: Fratres natu-minores ac filii-familias si intrò seu domi suæ degunt, tum quidem obediant serviantque parentibus quantà possunt contentione tam animi quàm corporis: si autem versantur foris, tum observent majores-natu propinquos suos & consanguineos, cives item ac populares, iisque sua præstent obsequia: si quid operis negotii que suscipiant, constantiam afferant, cœptaque perficiant, proinde maximè semper attendant principio & fini cujusque operis; atque adeo veraces ac sinceri quoque sint, sibi que constant in operibus suis: amplo quodam & universali amore diligant omnes, cum omnibus pacem colant; sic tamen ut arctiori quodam vinculo benevolentie & familiaritatis jungantur optimis quibusque viris & probatissimis: & hæc quidem sunt adolescentum officia, maximè necessaria; quibus exactè præstitis si suppetat eis paucillum otii ac virium, tum laudabiliter adhibebunt illas in addiscendis litteris, & mandandis memoriæ priscorum Sapientum Majorum nostrorum odibus, quibus egregia

LIBER TERTIUS.

gia planè documenta cujusvis ætatis institutioni, sed imprimis adolescentiæ, petapposita continentur.

§. 2.

DISCIPULUS *sic hiæ* ait: Si delectetur quis vitis probis ac sapientibus sic ut commuret & quasi transferat in hos amorem quo ferri solet in res visu pulchras ac delectabiles: id est, si cum eo impetu atque ardore amoris appetat adolescens virtutem ac sapientiam, quo ætas ista plerumque rapi solet ad oblectamenta sensuum. Item in præstando probi filii officio tam erga patrem quam matrem, si valeat, seu velit & conetur exhaurire suas vires: ad hæc, si debita subditi officia sic præstet adversus suum Regem aut Principem, ut valeat, sive non dubitet exponere propriam quoque personam ac vitam quotiescunque res ita postulaverit. Denique cum sodalibus & amicis suis vivens familiariter si tales intintuat sermones, ut ubique locum habeat, seu eluceat fides ipsius ac veracitas; quisquis hujusmodi fuerit, tamen forte sint qui dicant eum necdum studuisse; ego certè semper & sentiam & dicam studuisse, & præclarè quidem esse doctum. (Non vult *sic hiæ* angere animo vel affligi adolescentes illos, quibus à domesticis officiis & curis tuendæ vitæ, quod apud homines renuovioris fortunæ non raro ufvenit, nihil est vacui temporis quo litteris dent operam: obtineant modò ipsi sedulòque exerceant virtutes illas, quarum gratiâ potissimum litteræ discuntur, disci certè quidem par est; censebuntur enim, quamvis rudes litterarum fuerint, non ipsis tantum litteris, sed etiam sapientiâ, quæ perpetua virtutis comes est, feliciter instructi.)

F. 4. p. 1. §. 1.

CONFUCIUS ait: Probus vir si idem non sit vir admodum sferius, habeat quoque cordi exteriorem gestuum motuumque omnium moderationem & gravitatem, quæ auctoritatis ac reverentiæ conciliatrix est; sed è contrario gaudeat in compositè vagari, & jocos nugisque indulgere; profectò non habebit intet suos auctoritatem, quin imò despicibilis iisdem reddetur, & scientias ac disciplinas, quas tanto studio & labore acquisivit, sanè non diu conservabit.

§. 2.

ABSIT tamen ut solâ contentus exteriori compositione, de interiori, quæ longè præcipua est, minùs labore: quin imò primum præcipuumque ipsius studium poni debet in cultu & compositione ipsius animi, tamen non cadat sub oculos aspectumque hominum: nihil igitur æquè sit cordi, ut cordis sinceritas ac fides.

P. 2. §. 1.

NE' contrahas^a amicitiam ac familiaritatem cum quopiam qui sit 'deterior' quàm sis tuⁱ ipse; quippe damno tibi futuram, non usui: imò quos te meliores esse viros cognoveris, hos seclatè, his jungere.

§. 2.

MEMOR interim conditionis humanæ, quæ imbecillis est pro-
naque in lapsum, & peccare facilis; si te peccare^a contige-
rit, tum^a quidem ne^a timeas^a dubitesve corrigere^a quod peccatum est,
& cum nilu quoque ac labore surgere, perruptis generosè vinculis
ac difficultatibus, quibus impediti te sentis ac deprimi.

§. 3.

CEm^a çu^a ait: Qui Rempubicam gubernant, ac cæteris exemplo
suo prælucere debent, siquidem exacti^a sedulique fuerint in ob-
servatione rituum funebrium, quando contigerit parentes eorum
vitâ^a fungi; tum verò lugentis animi sensu, necnon splendore quo-
dam & apparatu iusta illis persolvendo, renovent^a item piam illo-
rum memoriam^a, & annuos ritus atque parentalia, quamvis à multo
tempore^a jam diem^a obierint, fiet sanè ut extenuata jam lapsu vitio-
que temporum populi^a virtus^a (quod ad pietatem observantiamque
filialem spectat) restituitur^a pristino suo vigori atque amplitudini^a;
& subditi omnes ad exemplum eorum qui magistratum gerunt, se
componant. Tacitè nonnullos hîc arguit, qui in parentum suorum
funere parcebant sumptibus, tametsi lamentis lacrymisque non par-
cerent.

F. 5. p. 1. §. 1.

DISCIPULUS çu^a kin^a quærit^a ex^a condiscipulo çu^a cûm^a, dicens:
Magister noster 'Confucius' accedens^a ad^a aliquod^a regnum^a,
haud^a dubiè mox cognoscit^a quænam sit illius^a regni administrandi
ratio^a: quæro nunc abs te, num eam ipse ab Rege vel ab alio quo-
piam exquirat^a curiosus? an^a fortè Rex eam ultrò^a communicat cum
ipso?

§. 2.

Cu^a cûm^a responder^a: Magister noster 'Confucius' suâ illâ facilitate^a
morum ac suavitate^a, ad hæc mansuetudine^a, necnon observan-
tiâ^a reverentiâque eorum quibuscum agit, prudenti item modera-
tione^a, modestiâ^a submissioneque animi, his^a inquam pulcherrimis
artibus, cûm Optimatum Regumque sibi gratiam & benevolentiam

pariat, ac penitus irrepat in eorum sensus ac voluntates, hoc assequitur, ut ab eis non ultrò tantùm de administratione Reipublicæ edoceatur, sed studiosè etiam consulatur. Quæro nuncigitur vicissim abs te, hæc ars industriaque "Magistri" nostri, & indagandarum rerum "modus, hic" nonne diversus est ab eo quo homines vulgò quæ secreta sunt indagant & exquirunt?

P. 2.

CONFUCIUS ait: Ut certi quidpiam cognoscas, ac tecum ipse statuas de obedientia filii-familias, primùm quidem dum pater superstes est, observa quò maximè propendat ipsius pueri animus, quò studia ferantur: quid agat autem, non est quòd curiosius observes; quippe cùm tunc non sit juris sui atque arbitrii, aget utique quod jusserit pater quamvis invitus ac nolens: verumtamen ubi jam pater è vivis excesserit, tum scilicet observa quid ipse filius agat, quam suscipiat vivendi rationem. Cerrè per tres annos si is non immutaverit "paternum" rectè vivendi "institutum", (nam si pater ab eo quod rectum & honestum est aberravit, haudquaquam putet filius paternis se vestigiis insistere oportere, inquit Colaus) tunc sanè poterit nuncupari obediens.

F. 6. p. 1. §. 1.

DISCIPIULUS yei' sui ait: Sicut toleranda non est juris officii-que violatio, sic in officiorum usu, & dum jus aliquod exigitur, placabilitas, moderatio & longanimitas obtinent primum locum. Ex priscorum quidem Regum sententia atque instituto in hujusmodi moderatione atque humanitate constituebatur omnis decor atque venustas officiorum, & quasunque tractabant illi res minores majoresve, omnes inde procedebant: omnia omnino tam prudenti atque amabili suavitate condiebant ac temperabant, adeoque ad optatum quoque finem feliciter perducebant.

§. 2.

EST hic tamen quod prudenter non facias, sive quod vitare te oporteat, velut extremum quoddam ab aurèa mediocritatis regulà aberrans: si videlicet perspectam habes regiam illam plenamque humanitatis & clementiæ facilitatem, quorū item quantasque utilitates afferre soleat, jamque adeò exarseris illius exercendæ desiderio; verumtamen illam facilitatem non secundum regulas officiorum quæ uniuscujusque sunt propria, moderaris, peccabis identidem: adeoque est hic quod utique non conveniat facere. Vult nos, dum comitarem beneficentiamque exercemus, cum judicio, considerare constanterque exercere; non autem temeritate quadam,

B ij

sine iudicio vel modo erga omnes, vel repentino quodam quasi vento, impetu animi concitatos.

P. 2. §. 1.

IDEM *yen' sù' ait'*: Promissum⁴ pactumve quo te alteri obstrinxisti, si accedit⁴ ad⁴ justitiam⁷, sive non alienum sit ab æquitate & honestate; verbo⁴ tuo par⁴ erit te⁴ stare & præstare datam fidem. Verum ne cogaris aliquando vel fidem fallere, vel certè violare justitiam, ante omne pactum omnemque sponsonem diligenter examina, justitiæ-ne consentanea sint. Rursus comitas atque observantia, quibus alios ipse prosequeris, si appropinquent⁴ officiis⁴, id est, si conjungantur cum ea moderatione ac prudentiâ quam ratio officiorum cuique debitorum flagitarit, procul⁴ amovebis abs te ruborem⁴ & probrium⁴; nec erit periculum, ne vel importunus atque ineptus esse videaris dum excessu peccas, vel agrestis aut stolidè superbus dum peccas defectu. Denique ad amicitias quod attinet ac patrocinia, quibus nitare, eos viros haudquaquam⁴ negligere⁴, quos sua⁴ spectata fides ac probitas amore⁴ dignos reddit, quibus adeo⁴ possis⁴ uti⁴ patronis ac defensoribus in omni casu ac fortuna.

§. 2.

CONFUCIUS⁴ ait⁴: Quisquis est virtute⁴ præditus⁴, dum potu⁴ ciboque⁴ reficitur, non⁴ hoc⁴ agit ut saturetur⁴ oppleatque se & ingurgitet⁴, sed ut vivat viresque reficiat: in ædibus⁴ etiam quas habitat⁴, non⁴ sectatur⁴ impensius vel commodas⁴ sua vel delicias. Ad hæc impiger⁴ ac sedulus est in⁴ obeundis⁴ negotiis, &⁴ cautus ac prudens⁴ in⁴ verbis⁴: & talis cum sit, haudquaquam tamen sibi vel placet ipse vel fidit, sed ultrò⁴ adit & studiosè sectatur viros sapientiâ⁴ præditos ac virtute⁴, &⁴ horum consiliis & exemplis ceu regulâ quâpiam dirigitur⁴. Revera quisquis est huiusmodi, potest⁴ dici⁴ "Philosophus"; & hoc sufficit ut talis dicatur.

F. 7. p. 1. §. 1.

DISCIPULUS *sù' cùm⁴ percunctans⁴ à Confucio*, ait: Si quispiam sit pauper⁴, &⁴ tamen sublevandæ paupertatis gratiâ haud⁴ aduletur⁴ cuipiam; divitiis⁴ affluat, nec⁴ tamen⁴ extollatur⁴ superbiâ, de huiusmodi⁴ quid censendum⁴, ô Magister. *Confucius⁴ responderet*: Suâ dignus laude⁴ est is quidem, non is tamen qui impleverit numeros omnes veræ laudis veræque virtutis; adeoque necdum⁴ comparandum⁴ cum eo qui pauper⁴ sit, &⁴ suâ illâ paupertate contentus gaudeat⁴; dives⁴ sit, &⁴ tamen gaudeat⁴ officiis⁴; mansuetè scilicet moderatèque se gerens, sine fastidio vel arrogantia, & in omnibus obtemperans rationi.

§. 2.

DISCIPULUS *ſū cūm* accepto hoc reſponſo mox ait: Antiquo poemate dicitur: Ceu⁴ cædens⁷, ceu⁴ limans⁷ oſſa; ceu⁴ ſcalpens⁷, ceu⁴ poliens⁷ lapillos: quod igitur modò factum eſt abs te, ô Magiſter, dum propoſitas à me virtutes ceu lapides pretioſos, ſed etiamnum rudes quodammodo expoliviſti; nonne eſt⁴ hoc ipſum⁷ quod iſto carmine ſignificatur⁴?

P. 2. §. 1.

CONFUCIUS¹ hîc collaudans ſuum diſcipulum ait: O mi *Sū* (vulgare nomen eſt ipſius *ſū cūm*) nunc⁴ primùm poteto⁷, ſive audebo tecum⁴ agens, citare⁷ Priſcorum carmina⁴ atque auctoriſitates quamvis explicatu difficiles: video namque te valere ingenio, qui ſimulatque ego propoſui⁴ hanc⁷ modò memoratam⁷ ſententiam meam, Priſcorum auctoriſitate ſanè propoſitâ ſignificavi id quod feceram, & ſimul⁴ aſſecutus⁷ es quæ ipſe nondum⁴ profatus eram.

§. 2.

CONFUCIUS¹ ait: Non⁴ angatur⁷ quis inſtruetus verâ virtute, verâque philoſophiâ, nec cruciet ſeſe quòd homines⁷ haud⁴ eum⁷ norint⁴; adeoque nec opetâ ipſius & eximiis talentis utantur, maximè cūm hoc ſit libertatis arbitriique alieni: ſed angatur⁷ potiùs & affligatur quod ipſemet non⁴ perfectos⁷ habeat homines⁷, uti par erat habere; adeoque facilè poſſit in eorum delectu ad amicitiam aliæque officia errare; nec ſciat quos fugere, quos ſeſtari conveniat.

F. 8. p. 1. §. 1.

CONFUCIUS¹ ait: Quisquis⁴ regit⁷ eum⁴ virtute⁷, præclaro ſubditis ſuis exemplo conſtanter præluſcens, planè eſt⁷ inſtar⁷ ſeptemtrionalis⁷, id eſt polaris ſtellæ⁷: ipſa perſiſtit⁷ ſuo⁷ propè immota loco⁷, cūm⁴ interim reliqua⁷ omnia quæ perenni motu circumaguntur ſidera⁷ illam reſpiciant⁷.

§. 2.

CONFUCIUS¹ ait: Odæ⁴ trecentæ⁷, ſive doctrina quæ trecentis priſcorum Sapientum odibus continetur, unico⁴ verbo⁷ totæ comprehenduntur⁷, dum dicitur: Noſtra mens omnis & cogitatio⁷ ſit absque⁷ ulla pravitate⁷; quippe ſi id quod turpe vel iniquum eſt, ne primâ quidem cogitatione delibamus, multò minùs illud reipſa factove aliquando ſulcipientur.

P. 2. §. 1.

Confucius^s ait^s : A Rege aut Gubernatore si dirigantur^s subditi, atque in officio contineantur per^s solas leges^s ; qui has tamen non observarint, nihilominus in officio^s contineantur per^s terrores atque supplicia^s : populus^s tunc quidem servili metu compulsus abstinabit^s sese à delictis gravioribus ; sed^s profectò more improbi cujusdam servi, sine^s pudore^s scilicet ac vero criminum odio ; atque adeò non diu in officio persistet : persistet enim violenter & timore magistro, qui utique malus officii magister est.

§. 2.

CONTRA verò si regas^s ac dirigas illos per^s unam fegè virtutem^s, virtutis ipsemet omnibus exemplum, ad hoc proculdubio se component omnes : & quoniam non est eadem conditio omnium, neque esse par virtus potest ; tu siquidem prudentiâ atque humanitate tuos contineas^s si modereris^s subditos per^s sua quemque officia^s, atque ita socias^s omnes vinciasque, planè fiet ut teneantur ipsi non modò ingenuo quodam pudore^s metuque filiali ne peccent^s ; sed^s ultrò quoque & alacriter ad omnem virtutis laudem contendant^s atque perveniant.

F. 9. p. 1. §. 1.

Confucius^s ingenuè suis exponens quos in philosophiæ studio progressus ætate procedente fecerit, ait^s : Cùm mihi^s decem^s essent^s & quinque^s ætatis anni, protinus^s applicui^s animum ad^s perdiscenda^s majorum virorum instituta sive philosophiam.

§. 2.

ANNOs^s triginta^s natus jam^s constitui : eas inquam radices egeram ut consisterem^s firmus in suscepto virtutum sapientique studio, neque res ulla extra me posita avocare animum meum ab illo posset.

§. 3.

Q'UADRAGENARIUS^s jam^s non^s hæsitabam^s ampliùs : evanuerant dubiorum nubila : connaturales enim rerum convenientias habebam perspectas, & quid singulis inesset perfectionis vel imperfectionis, intelligebam.

§. 4.

Q'UINQUAGENARIUS^s protinus^s cognovi^s cœli^s providentiam^s atque mandat^s, & suam rerum singulis à cœlo inditam esse

naturam, vim, rationem; cujus adeò naturæ perferutabar ipse perfectionem ac subtilitatem; indagabam quoque originem, & quæ tandem illius esset causa, intelligebam.

§ 5.

S'EXAGENARIO' mihi jam' aures' erant faciles' & secundæ', expedita scilicet ac peracuta vis intelligendi, & assiduis tot annorum studiis & exercitationibus excultus animus, optimisque præceptis & disciplinis imbutus, sic ut facilè clarèque perciperem quid quid alii vel disputarent, vel ipse legerem.

§ 6.

AD extremum 'septuagenarius' longæ meditationis' victoriæque mei ipsius beneficio sequebar' quod' cor' meum appetebat'; nec tamen excedebam' regulam', seu terminos transiliebam honestatis rectæque rationis, cui jam sine luctâ molestiæ appetitus meus obtemperabat.

F. 10. p. 1. §. 1.

Mém' y' sù', unus Præfectorum regni lù, consultit' Confucium de obedientia quam filii parentibus suis debent, in quo scilicet ea consistat? Confucius' responder': In hoc consistit ut quis non' repugnet'. Hoc audito Præfectus abiit, existimans fortasse dixisse Philopolum quidquid dicendum haberet.

§. 2.

IGITUR fân' chî' discipulo eidemque aurigæ' suo Confucius' rem significat' dicens: mém' sù'm' (idem est qui mém' y' sù') quæsit' de obedientiâ' ex' me', in quo illa consisteret? Eg' verò "respondi", Ut quis non' repugnet'. Quo audito, confestim abiit.

§. 3.

Fân' chî' ait: Quis' obsecro sensus' est tui istius responsi, ô Magister? Confucius' declarans illud sic ait: Vivis' parentibus morem gerat ac serviat' filius debitis cum' officiis: mortuis' similiter iusta persolvat, eosque funeret' debito cum' ritu' atque apparatu: quotannis denique oblationes faciat sive parenter' secundum' rationem rituum' & officiorum funebrium. Hæc inquam faciat, & implevisse numeros omnes filialis obedientiæ censendus erit. Non igitur in hoc eam constituo, ut nunquam mandatis parentum suorum repugnet filii; (cùm evenire possit, ut hæc cum æquitate ac ratione pugnent, quibus adeò nequaquam sit parendum; cùmque functis vitæ parentibus suis tamen adhuc obedientiæ & pietati locus

fit) sed ut nunquam pugnent peccentve contra officium quod à probo filio tam leges & instituta, quàm ratio ac natura ipsa pro conditione cujusque postulat. In regno lū tres Optimatum familiæ *mém sūn*, *xō sūn*, & *kī sūn* tempestate illā funebres Regulorum ritus usurpabant, quorum arrogantiam insolentiamque Philosophus hīc damnat.

P. 2. §. 1.

Mém' *uū' pe'*, filius dicti *mém sūn*, quærit ex *Confucio*, in quo consistat obedientia? *Confucius*, qui non rarò dare consueverat apposita percunctantium moribus vitiisque responsa, ceu morbis sua pharmaca, respondet in hunc modum: Pater & mater dumtaxat suorum liberorum ægritudine affliguntur. Quisquis ergo laudem expetit filialis obedientiæ, caveat in primis ne libidine, vel intemperantiâ, similibusque vitiis vires ac valetudinem pessumdet, ac bonis parentibus si non acerbos luctus, graves certè curas afferat. Adolescens iste natus in copiosâ lautâque domo, cum intempestivis epulis aliisque viriis esset deditus, valetudinem ac vitam in discrimen adducebat.

§. 2.

DISCIPULUS *çū' yéu'* quærit item ex *Confucio*, in quo posita sit veræ obedientiæ ratio? *Confucius* respondet: Hac ætate nostrâ obediētes vulgò hī dicuntur, qui possunt alere parentes suos; sed profectò si nihil præterea requiritur, à brutis quoque animantibus obediētis nomen ac laudem petere quis poterit: quippe si agamus de canibus & equis, hī quoque omnes possunt habere qui eos alant: atque adèò si desit reverentia; si inquam cura ista sustentandorum parenrum non ab amore proficiatur & honore filiali, ecquid erit unde petatur discrimen inter sustentationem patris, & domestici canis vel equi?

F. II. p. 1. §. 1.

DISCIPULUS *çū' hiā'* similiter quæstionem instituit de obedientia filiali. *Confucius* respondet: Oris alacritas, sive constans alacritas illa filialis obediētiæ quæ adèò in ipsa fronte totoque ore amantis ac reverentis filii reluceat, difficilis est illa quidem, sed profectò nora propè certa veræ germanæque virtutis. Obsequia quippe domestica præstare filii vel inviti atque inobediētes possunt: uri cum domi quidpiam est faciendum, fratres natu minores ac filii familias utique subeunt majorum loco id quod laboriosius est: rursus cum suppetunt vina & dapes, tunc proculdubio ram parentibus quàm fratribus natu majoribus natu minores officiosè ministrant

nistrant^r epulas; sed^m hi an^m idcirco^m statim censeantur^r obedientes^m esse? Enimverò si non hæc promptè, constanter, & cum alacritate quâdam animi corporisque præstiterint, obedientiæ veræ nomen ac numeros haudquaquam impleverint.

§. 2.

Confucius^r ait^r: Ego^r cum^r discipulo meo *hoëi*^r dissero^r quandoque per totum^r diem^r; ille verò sic me audit ut nihil^r objiciat^r unquam vel dissentientis instar vel dubitantis, prorsus^r ut stolidus^r esse videatur, & qui nihil eorum quæ dicuntur capiat: verumtamen ubi à me recessit^r, tunc^r ego studiosius hominem observans^r examino quid is agat privatim, & ipsum^r primùm quidem silentio^r & per otium meditari quæ à me sunt disputata; deinde^r verò sic agere, sic loqui, planè ut intelligam eâ facultate^r instructum esse, ut^r non modò perquam feliciter percipiat ac penetret omnia quæ doceo, sed eadem rebus ipsis factis^rque palàm exerceat ac manifestet^r. Enimverò discipulus meus *hoëi*^r haudquaquam^r stolidus^r aut rudis est.

P. 2. §. 1.

Confucius^r ait^r: Probos ab improbis discernere sæpe est difficillimum. Ut tamen discernas, primùm quidem observa^r is^r, quem perspectum vis habere, quid^r agat^r rerum ac moliat^rur: improbi namque ferè committunt quæ iniqua sunt ac turpia; probi verò quæ cum honestate justitiaque sunt conjuncta: sed quoniam hæc non sunt omnino certum probitatis argumentum,

§. 2.

Penitiùs inspicere^r & considera attentius operis cujusque finem; ipsi^r quo^r animo^r scilicet quoque consilio quæ honesta justaque sunt faciant; quippe si fictè simulatèque, si pravo perversoque consilio, quamvis optima sint quæ agunt, probi tamen censei, quando sic agunt, haudquaquam poterunt.

§. 3.

Sed neque hîc consistere poterit quisquis errare non volet: erit illi procedendum ulteriùs & exquirendum^r, is^r, qui probus esse videatur, in^r quo, sive quibus in rebus studiisve conquiescat: si enim quæ facit, cum fide justitiaque, quæ item bono fine atque consilio, parùm tamen volens & quasi per vim coactusque faciat, sic ut animus ipsius non ex ipsa virtute vel honestate operis, sed aliunde quietem suam & oblectamentum petat; certè nec consummata dici poterit probitas illa, nec esse, qualiscumque tandem fuerit, diuturna.

§. 4.

Porro si quis usus fuerit huiusmodi animadversione atque examine, cum homines quo pacto lateant? cum homines quo pacto lateant? quomodo non perspectos habeat? facile profectò, ac citra periculum erroris, probos ab improbis, à vitio virtutem discernet.

F. 12. p. 1. §. 1.

Confucius ait: Si quis assidue recolar' exercitetque vetera, sive ea quæ memoriæ quondam mandavit ac didicit, atque hoc modo per se assequatur identidem, sive deducat nova (uberes quippe sunt atque inexhausti fontes Veritatis atque Philosophiæ) poterit is ad insignem quandam doctrinam pervenire & evadere magister aliorum.

§. 2.

Confucius ait: Perfectus vir non est vas, sive non est vas atque instrumenti instar, ad unum alterumve dumtaxat usum accommodatus; sed cum sit instructus copiâ quâdam atque amplitudine variarum dotum, idoneus est ad res quamvis magnas multasque perficiendas.

Diverso quondam sensu Confucius, cum in arvitam Regum aulam esset ingressus, ac vas quoddam videret jam inclinatum primumque in casum, suspirans, Vas (inquit) vacuum, vas item redundans liquore inverti facile est; vas semiplenum tutò rectèque consistit. Aderat hac dicenti cū lū discipulus; explanari sibi petit sententiam. Tum Confucius: Si Rex (inquit) vel à virtute sit vacuus, vel præfidentia quâdam superbiâque plenus & quasi redundans, erit is in quævis mala prolabi facilis, regnumque unâ cum suo Principe proclive in ruinam. Contrâ verò si Rex egregias naturæ suæ dotes optimis quoque disciplinis ac scientiis exornarit, nec tamen usquoquoque placeat sibi, memor, multa cum sciat, plura tamen ab se ignorari; quamvis item multa existant merita sua, virtutes multæ, semper tamen laudes alienas posthabeat propriis; opibus denique & potentiâ quantumvis valeat, sic tamen se gerat, quasi mediocritia sint omnia: cum hac prudentia & moderatione magnitudineque animi quisquis regnabit, regnabit securus, ibique medio tutissimus, & eximia naturæ fortunæque dona, quæ multis solent esse fraudi, ipsi gloria atque emolumento erunt.

§. 3.

Discipulus cū cum quærit ex Confucio de viro perfectio cuiusmodi nimirum sit. Confucius respondet: Talis est ut prius re ipsa factisque compleat suos sermones quibus instituire desiderat

alios, ac^o deinde^o sua ipsius facta & exempla prosequatur^o alios instituendo. Verbo, primum agit, tum docet. Facundum naturâ studioque discipulum, atque ad eò copiosiori fermocinatione quandoque peccantem tacitè reprehendit Philosophus.

§ 4.

Confucius^o ait^o: Probus atque perfectus^o vir^o amplitudine quâdam charitatis ac beneficentiæ, quâ de omnibus bene mereri desiderat, & communem generis hominum conciliationem & consociationem colere ac tueri, universalis^o est &^o non^o particularis^o. Contrâ verò improbus^o ac vilis^o abjectique^o animi homo^o particularis^o est, privatis affectibus ducitur, amicitiam sceneratur, & beneficia sua meritaque privatis emolumentis & commodis seu pretio quodam sordidè dividit; adeoque^o non^o est universalis^o.

Doctrinam hanc & simul amplitudinem charitatis sua memorabili quadam sententiâ declaravit aliquando Confucius: audito namque fuisse militem e regno cū, qui amissum fortè scutum cum diu frustra quaesivisset, tandem solaturus se de jactura sua his verbis usus fuerat: Regni si homo, sive subditus, scutum quidem perdidit, sed proculdubio ejusdem regni si homo, sive commilitonum meorum aliquis, perditum obrinuerit. Confucius ad hæc inquit: Dixisset multò melius ac laudabilius siquidem dixisset, Homo scutum quidem perdidit, sed & homo perditum obtinuerit: hoc pacto charitatem militis ab angustiis vel castrorum vel patriæ ad amplitudinem generis humani traducens.

P. 2. §. 1.

Confucius^o ait^o: Exercitationi^o totum se dedens, &^o non^o meditationi^o, utique^o ludet^o operam: meditationi^o totum se dedens, &^o non^o exercitationi^o, utique^o errori & confusione^o obnoxius erit. Quisquis enim studet ac discit quidem exercitatque sese, sed non assidue meditat^o ac recolit & quasi ruminat ea quæ didicit, nihil exactè solidèque perdiscet, sed cum perpetua quadam ruditate & quasi caligine luctabitur. Rursum quisquis vel delitiâ vel præfidentia quadam sui occupatus, & nec libros consulens nec Magistros, sterili otiosque tantum contemplationi rerum, & non exercitationi, dat operam, is nihil sanè assequetur præter umbras rerum & inanes ac sæpe falsas imagines, nec in solida quapiam tutaque doctrina conquiescet, sed periculum erit ne in errores alios atque alios identidem prolabatur.

§. 2.

Confucius^o item ait^o: Quisquis operam^o dat peregrinis^o ac diversis à doctrina Sanctorum dogmatibus^o, eisque temerè instituit

D ij

alios; hujusmodi⁴ novator citò perniciosus⁷ erit tam sibi quàm Reipublicæ.

Colaüs hoc loco quatuor sectas enumerat, & Sinicas (ut ita loquar) hæreses; quas quoniam tam ipse quàm alii Interpretum verbis sanè gravibus condemnant, operæpretium fuerit de censuris eorumdem paucillum hic delibare. Sic igitur ait: Lex & disciplina, quæ diversa est ab ea quam Sancti nobis tradiderunt, hæresis vocatur, cujusmodi sunt ex quarum principes extiterunt yâm & mè, & quæ ætate nostra vulgò taó kjá, & se nuncupantur. (Se idoli nomen est ex India in Chinam importati; quod & Japones, sed alio nomine, xaca scilicet, venerantur. Hæresiarcha yâm & mè vixerunt annis circiter sexcentis ante Christum, imperante familiâ cheu, atque in occasum jam declinante. Prioris error hic erat: Satis superque esse sibi suarum cuique rerum curam, alienis haudquaquam implicari oportere; adeoque nec in Rempublicam, nec in Principem & Magistratus, nec in parentes ipsos quidquam vel studii, vel operæ, vel facultatum conferri. Dissociabat itaque genus humanum improbus, atque orbem terræ in solitudinem redigens, pulcherrima civitatum & regnorum corpora, dum singula membrorum (civium inquam) sibi unis vacare jubet & consilere, planè destruebat. Huic è diametro erat opposita posterioris, qui mè dicebatur, doctrina: unicuique scilicet se neglecto de aliis dumtaxat esse laborandum; sic autem ut æqualis cura benevolentiaque impenderetur omnibus, nullo ne amicorum quidem vel parentum discrimine. Sic ambo stulti dum vitabant vitia, alter se amantis immodicè, se negligentis alter, in contraria; uti fit, currebant. Tertia secta, quæ taó kia nominatur, auctor fuit li laó kiün, Confucii cõstans. Docebat is, opes, honores, & ea quæ eximia plerisque & præclara videntur, parva ducere, eaque ratione stabili firmaque contemnere; vacare sibi rerumque contemplationi. Porro sectam hanc principid fortassis integram, nec longè aberrantem à vero, sectatores deinde tot superstitionibus præstigiisque magicis vitia verunt, tam fœdâ turpium voluptatum labe contaminarunt, ut hæresis & quidem pestilens ac perniciofa vocari jam possit.

Chim cù interpres in hunc locum scribens ait: Quatuor sectarum ea quæ postrema est, atque idolum se colit, assert quidem plura, quàm afferant tres priores, veritati rationique consentanea; sed vel ob hoc ipsum magis est perniciofa, ut quæ virtus suum specie illa veritatis occultet felicitiùs, latiùsque diffundat: quocirca quicquid virtutis ac sapientiæ studiosus sit, illius dogmata non secus ac sermones obscenos, & illecebrosas ac turpes rerum species averfari ac fugere oportet; fore alioquin ut pestis illa raptim sese in viscera incautorum insinuet. Hæc ille.

Annalium verò Interpres kicü kiün xân gravioribus quoque verbis atque sententiis, nec sine quadam acerbitate, non modò sectam ipsam condemnat, sed imprimis stultitiam ac temeritatem Imperatoris mím tí, qui eam

cum monstro seu idolo Fe in Sinarum Imperium inveni sit passus. Eum quippe hoc facto infortuniis & calamitatibus omnibus aditum præbuisse, sic ut ab ipso Mundi exordio ad præsentem usque diem nihil infortunatius tristiusve Sinis acciderit: itaque pessimè de maioribus suis posterisque fuisse promeritum, necesse de Tyrannis quemquam, quamvis perniciosi ac detestabiles extiterint, qui non ex hoc saltem capite innocentior meliorque ipso Imperatore Mim tì censerì queat. Ecquid tandem magis alienum est (inquit) à pietate reverentiæque Majoribus debitâ, quàm ex barbarorum terris legem petere, quam nec Majores nostri secuti sint, nec verò sequi voluerint; quæ inimica pacis & Societatis humanæ perturbat ac tollit ordinem omnem, quem parentes inter & filios, Reges ac subditos, maritos & conjuges, &c. natura constituit, ac mutuis officiis foveri voluit & conservari: enimverò crimen hujusmodi in cælum pervadit. Hactenus Interpret *Annalium*.

Hæc igitur sectas & novitates uti vehementer damnat Colaui cum ceteris Interpretum, ita viam unam, unamque legem quam Sancti constanter tenuerint, & quæ terris omnibus gentibusque maximè sit communis, tenendam esse docet. Hæc nimirum ea est, quæ Jû Kiáo, id est, Litterarum lex & doctrina dicitur, quam Confucius à priscis Regibus ac Philosophis acceptam & ipse perquam severè coluit, & excoluit atque illustravit tot documentis ac præceptis: quam legem si uti proficerent ætatis nostra litterati, ita & servarent, non adeo difficilis, uti nunc est, eis aditus foret ad salutarem, & quâ unâ lex illa natura perfici debet, Christianæ veritatis gratiæ legem.

§. 3.

Confucius ait: Sciens rerum & esse & haberi desideras, ô mi discipule Yü, age nunc ergo, docebo te scire, sive docebo te quis verè sciens rerum dici queat. Scis? quidpiam? profiterere quòd id scias. Non? scis? ingenuè fatere te nescire; scus si te gere, ut qui id "nescias": hoc enimverò scire est, & rerum scientem esse. Neque enim hoc exigitur: ut causas omnes ac naturas rerum perspicias quis habeat, cum eas nec Sancti quidem exhaustire cognoscendo queant; sed ut ex ea quæ officii sui sunt intelligat ac perdiscat, incognita pro cognitris non habeat, hisque temerè assentiatur, & quod deterius est, aliis errores suos vendideret, tam sibi quàm aliis imponens: sed adhibeat item ad considerandas res & tempus & diligentiam; peritiores se idem consulat, & in hoc priscorum Regum Yáo & Xün prudentiam modestiamque imiterur. Ducebatur sciolus ille discipulus immodico laudis ac præcellentiæ studio, adeoque non rarò hic peccabat; quapropter eum Confucius hisce verbis ceu brachio molliori castigat.

F. 13. p. 1. §. 1.

Discipulus Yü chám in disciplinam Confucii tradiderat sese, & operam dabat philosophiæ, ut obtineret litterarum doctrin-

rebuntur. Rursus si fungatur ipsemet officio pii atque obedientis^m filii erga parentes ac majores suos, subditos item clementer ac benignè tractet, illi tam appposito virtutis exemplo permoti, devincti etiam clementiæ beneficentiæque vinculo, planè tum respondebunt insigni cum fide^m Principi suo & Magistratibus. Denique si evexerit^m admoveritque gubernandæ secum Reipublicæ viros spectatæ^m probitatis, & humaniter ac benignè instituerit^m etiam imbecilles, quibus non^m est tantum virtutis ac facultatis^m, sic ut eos haudquaquam despiciat negligatque; tum quoque fiet ut excitentur^m animi omnium, & in summis infimisque virtutis ac laudis studium mirabiliter exardeat.

F. 14. p. 1. §. 1.

Fortè quispiam alloquens^m 'Confucium^m ait': O Confuci^m, quare non^m geris^m magistratum?

Quo tempore Tím cùm Regulus primùm cepit administrare regnum suum Lù, privatus agebat Confucius, propterea quòd ii, quorum consiliis tunc maxime Princeps utebatur, Kí xí scilicet & Yâm hò, homines essent improbi & perturbatores Reipublicæ.

§. 2.

Sed cùm hanc causam significare nollit Confucius^m, alià percontatori satisfactorius, sic ait: In libro *Xù Kim* sic dicitur: O singularem obedientiam? (Sapientis scilicet *Kiün chin*, imperante familià *Chên*; nam hujus viri laudes ibidem afferuntur.) Hoc tantum egit ipse ut obediret^m parentibus, & mutuus vigeret^m amor inter^m se & fratres suos majores^m ac minores^m natu, extendens^m hæc virtutis industriaque commoda ad eos in quos^m habebat^m privatum domesticumque imperium: hoc^m autem, mihi crede, etiam^m est "gubernare", & magistratum inter privatos quidem parietes, at non sine laude & emolumento gerere: quorsum^m igitur magistratum^m geram^m publicum, ut censcar ac dicar gerere^m magistratum?

§. 3.

Confucius^m ait: Qui homo^m cùm sit, tamen^m careat^m fide^m, sive doctorum conventorumque constantiâ & veritate, non^m intelligo^m hujus^m usum^m, seu cui tandem usui possit esse. Magna^m plaustra^m si careant^m transverso^m ad temonem^m ligno, cui boves adstringi solent ac jungi; parva^m curulia^m si careant^m arcuato^m ligno, quo equus continetur & jungitur, curulibus hujusmodi^m quo^m tandem modo^m iter^m instituetur? tamen^m si fortè per aliquot passus rectè queant procedere, ad primum tamen flexum mox hærebunt: sic homo cui fides deest, non modò publicis in rebus, sed nec privatis domesticisque utilis erit. Est omnino Virtus ista preciosissima Regum gemma;

E 9

cum hac Imperia quamvis ampla prosperè pacificèque gubernantur.

Certè quàm ea Priscis, & Imperatoribus, & Administris Imperii cordi fuerit, ex eo, quod secundo ex familia Chêu Imperatori, Chîm vâm dicto, quondam contigit, satis potest intelligi. Hic namque dum unà cum fratre suo adolescentulo adolescens & ipse annorum septemdecim in hortu se oblectat, deceptum ex arbore folium ad frontem applicans sui fratris, (ritum scilicet imitatus quo admoda fronti tabellâ creari solebant Reguli,) jocabundus, Regni Tàm Regulum te creo, inquit: hic Sù yè, unus Optimatum, Rata est (inquit) ô Imperator, hæc creatio. Cùmque ille joci gratiâ se fecisse diceret, perseveravit Sapiens ratam esse; neque enim jocos in Principem cadere; verbo standum esse: quid multa? Xò yù (Principi nomen hoc erat) regnum obtinuit, in quo ipsi longa deinde series novem & viginti Regulorum posterorum ejus successit.

P. 2. §. 1.

Discipulus sù chām quærît ex Magistro suo, an decem⁴ familiæ Imperiales, quæ labentibus sæculis, aliquando consecuturæ sint eam quæ tunc rerum potiebatur, possit præciri⁷, an scilicet jam nunc sciri queat quæ futuræ sint leges & instituta singulorum, qui ortus & interitus.

Sinenſe ſæculum triginta dumtaxat annis conſtat; atque hæc vocis Xí vulgaris acceptio: hic tamen ſignificat omne tempus illud quo familia quæpiam imperat, ſive triginta annorum ſit, ſive trecentorum, plurimumve.

§. 2.

Confucius⁸ reſpondet: Domus Imperatoris Yn, ſive Xâm, (quæ proximè ſuccederat familiæ Hîá) conformavit ſeſe cum⁹ familia Imperiali Hîá⁸, quod ad leges quidem attinet atque officia⁷ majoris momenti & quaſi ipſos cardines Imperii, nec in his quicquam immutavit; in iis autem rebus quæ minoris erant momenti quid⁴ ipſa vel ſuſtulerit⁸, vel addiderit⁸ de novo; quid immutarit, inquam, in ipſo modo & quaſi temperamento legum & officiorum, poteſt¹⁰ utique facilè ſciri¹¹. Similiter de familia Chêu¹², quæ hac ætate noſtra potitur rerum, & conformis¹³ eſt cum⁹ familia Yn¹⁴ proximè antecedenti in ipſa morum¹⁵ legumque ſubſtantia, quid⁴ ea vel ſuſtulerit⁸ & antiquarit, vel inſtituerit⁸ de novo, poteſt¹⁰ itidem ſciri¹¹. Hoc certum, primæ familiarum cordi fuiſſe imprimis fidem ac ſinceritatem, & in hac ſtudium ſuum gloriæque potiſſimùm collocaffe: alteram maſculâ quadam ſimplicitate conſpicuam, de ſubſtantia rerum morumque integritate in primis laboraſſe: noſtram verò, quæ eſt tertia, ornatu elegantiaque rerum omnium, & cultu externo ac cerimoniais, uti videmus, plurimùm delectari. Quotquot¹⁶ igitur olim fortè¹⁷ ſucceſſerint¹⁸ domui Chêu¹², licèt¹⁹ centum²⁰ numero domus²¹ Imperatoris, ex præteritis æſtimando futura, poterit²² haud difficulter jam
nun

nunc de iis præciri", seu conditione propofita quadantenus conjici quæ quamque fors maneat, quæ cujusque futura fit firmitas & gloria, quæ item incrementa; five cum explorata fint nobis tam membra politici corporis, quàm nexus ipfi membrorum, & vigor ipfe ac fpiritus quo funt imbuta, quis neget poffe nos de fututis olim Imperiis quæ fingulorum firmitas ac potentia, quæ item virtus ac gloria futura videatur, conjecturâ fatis verifimili diu antè pronuciare.

F. 15. p. 1. §. 1.

Confucius ait: Si non est proprius spiritus, cui tu ipse pro ratione conditionis tuæ atque officii facrificare possis ac debeas, & tamen ei sacrifices, reverà adularis, seu per adulatoriam illam cultûs à te non deferendi significationem felicitatis quidpiam impotentiùs emendicas.

Sinarum Monarchia debite subordinationis, quâ infima per media, media per summa regit ac moderatur, semper fuit hodieque est studiosissima; hujus exemplum prisce Reges atque Philosophi petivisse videntur ab illa celestium & aliorum omnium quæ cientur corporum certis locis ac sedibus inter sese apta connexionem, quorum scilicet conversiones ac motus observabant ipsi ab uno Movente supremo gradatim omnes usque ad infimos ritè provenire; unde in cultu Spirituum, quos ipsos quoque aliis aliis superiores esse intelligebant, ordinem quandam rituum & sacrificiorum à Priscis accuratè præscriptum observari placuit. Itaque celi terræque Spiritui ac Domino unus Imperator ritu solenni sacrificat; præsidibus montium fluminumque ii qui Reguli & Optimates sunt; inferioribus Præfecti; & sic deinceps. Damnat ergo Philosophus temeritatem quorundam hominum, qui magis hic vel ambitioni suæ vel cupiditati, quàm ipsis Spiritibus, neglecto quem diximus ordine rituum, serviebant.

§. 2.

Claus cum hoc loco supetiorem connectens: Docemur (inquit) ea tractare quæ pri sunt nostri viriumque humanarum; arcanis autem Spirituum, & iis quæ sphæram nostram excedunt, curiosius perscrutandis prudenter abstinere. Itaque videre quempiam & intelligere, quid officii sui sit, quid æquum rectumque sit hic & nunc; nec tamen id suscipere vel perficere, quia metu scilicet impediatur vel cupiditate, id profectò minimè fortis animi est; quinimo turpis est abjectæque imbecillitatis, quam adeò damnet unusquisque: at non item rectè quis damnet alterum, quòd is reconditas ac sublimes naturas Spirituum, quæ aciem nostrarum mentium quasi fugiunt, perspectas habere non possit.

FINIS PRIMÆ PARTIS.



SCIENTIÆ

SINICÆ,

LIBRI TERTII,

PARS SECUNDA.

Fol. 1. pag. 1. paragr. 1.

CONFUCIUS agens de prætorè Regni *Lu, K'xi* dicto; qui ritus Imperatorios ulurpabat, admirans ac stomachabundus ait: Cælonis choris saltatur in ejus aulâ parentali: Hoc autem si tolerabile est, ecquid tandem non tolerabile erit?

Pro veteri gentis instituto solis Imperatoribus erat licitum in parentali majorum suorum aulâ producere choreos funebres cæto; quorum singuli totidem qui saltabant ad numeros, constabant: Regulis interim, quando solemnis maj.ribus suis parentabant, senos tantum choro; Prætoribus quaternos; literatis aliisque inferioris notæ Mandarinis binos producere permittis. Uni quidem Cheu-cum, quamvis Regulo dumtaxat, propter eximia tamen ejusdem merita erga Familiam tunc imperantem, totumque Imperium, Chim-vam Imperator nepos ipsius ex fratre, primi quoque ordinis honores funebres olim concesserat: Quos cum Prætoria domus Ki-xi per insignem arrogantiam usurparet, damnat eam Philosophus, & docet neglectum ac violationem præsci moris rectique ordinis neutiquam ferri oportere; quippe licentiam ejusmodi semen esse quoddam maximarum perturbationum, & quasi scintillas, ex quibus gravissima deinde rebellionum existant incendia.

§. 2.

TRES Familiz *Lâ*, scilicet *Mem sun*, *Xo sun*, *Ki-sun*, sive *Ki-xi*, quotiescunque Majoribus suis parentabant solemnius, peractis jam officiis funebribus, cum cantu carminis *Tum* dicti colligebant mensas atque edulia (*Tum*, libri carminum pars est illa, quâ laudes familiz *Cheu* continentur) *Confucius* hanc item licentiam arrogantiamque damnans, ac risu dignam esse notans, sic ait: Quando ipsemet Imperator in aulâ funebri majoribus parentat, assistentibus ei Regulis ac ministrantibus, tunc quidem cum solemni cantu illo, ritumque fercula colliguntur. Verba carminis hæc erant: Ministri rituum soli sunt Reguli: Imperator autem sic assistit, ut in eo prorsus arcana maiestas & reverentia, virtusque reluceat. *Quæd* nunc ego: Prætoribus illis dum parentant, an assistant fortè Reguli? An Imperatoria Maiestas adest? Quod si nihil horum adsit; quo jure, quâ auctoritate, quâ fronte tam alieni ritus usurpantur in trium familiarum parentali aulâ? Nimirum qui nunc ritus invadunt regios, metuendum est, ne invadant brevi & ipsâ regna; sublatoque discrimine clientis ac Principis, tollatur & ipse Princeps.

P. 2.

Confucius ait: Homini non probo, qui, inquam, verâ, solidâque virtute non sit instructus; cui tandem sint usui ritus, ceremoniz, officiaque exteriora? Rursus: homini non probo cui tandem sit usui harmonia concentusque musicus? Etenim cum ab ipso animo virtutibus imbuto, seu radice suâ profluere debeant officia ritusque omnes, si quidem non adsit animus huiusmodi, profecto inane quoddam humanitatis simulachrum, merumque mendacium ritus omnes officiaque erunt. Rursus, cum necesse sit animum virtutis expertem variis concuti motibus, assidueque perturbari, inutilis profectò in tantâ motuum interiorum discordiâ, concordia omnis instrumentorum vocumque erit. Familias usurpatrices rituum Imperialium paragraphus hic denuò perstringit ac damnat.

L. 2. p. 1. §. 1.

IN *Fam* vir probus & rectus, oriundus è regno *Lu*, cum observaret homines suorum temporum perquam operosè, magnifice expensis celebrare convivia, funera ducere, &c. Dubitans an idem mos fuerit priscorum Regum, eademque temporum illorum ratio, sciscitatur ex *Confucio*, & quod officiorum fundamentum sit: seu, in quo tandem posita sit vis ac ratio civilium rituum & officiorum.

§. 2.

Admirandus *Confucius* & collaudans hominem, qui de eo quod in quaque re maximum est; laboraret maximè, sic ait: O præclaram, ô magnam questionem!

§. 3.

DICO igitur, quod uti aliarum rerum sic & officiorum, sua singulis substantia est, & qui deinde ad substantiam accedit, ornatus quidam ac decor. Utraque si adsint, tum quidem numeris omnibus absoluta censebuntur officia: at si alterutrum desiderari necesse fuerit, utique sine ornatu ipsam rem (quod priscis frè temporibus usu veniebat) quàm sine re ornatum malim. Exempli gratia: In officiis vulgo maximè usitatis conviviorum & funerum, ego quidem præ tanto splendore epularum, tantâque illâ prodigalitate, quâ nunc instruuntur, malim moderatum quid, & à priscâ majorum nostrorum simplicitate, parsimoniâque non abhorrens; plurimum verò mutuz convivas inter fidei, reverentiæ, & charitatis. Rursus, in celebrandis funeribus exequiisque, ego præ illo tam sumptuoso apparatu luxuque funebri ex merâ consuetudine profecto multo malim verum luctum, verasque lachrymas, & immortale desiderium illius, cujus funus ducitur. Offendebat Philosophum luxuries illa rituum, & cerimoniarum, quæ istis familiæ (*heu* temporibus immodicè prorsus excreverant; ardebatque revocare mores priscæ ætatis, quæ de ipso potius animo, quàm de indiciis animi laborabat.

p. 2. §. 1.

Confucius ingemiscens ait: Barbari Orientales & Boreales habent Regem, qui Rex sit non tantum nomine, sed ipsâ re, & auctoritate, utpote cui cedant, cui morem gerant, quem vereantur subditi sui: Non uti miserabilis hæc China nostra, quæ jam non habet Regem, sublato scilicet discrimine, apud Barbaros quoque, inviolato, clientis ac Principis, idque propter insolentiam quarundam familiarum, prisci juris atque ordinis inimicam.

§. 2.

TA I-xan mons est præaltus ac nobilissimus in Provincia Xan tum olim regno Lu. Porro Ki-xi supra memoratus sacrificabat monti Tai-xan, spiritui (inquam) montis præsidi (uti interpretes diserte dicunt) Cum tamen non alii, quam ipsimet Regulo regni Lu fas esset sacrificare. Offensus ea re Confucius & alloquens discipulum suum Gén-yen (pertinebat hic enim ad familiam Prætoris, & domesticus ejusdem Mandarinus erat) sic ait: Tu ergo non potes mederi tanto malo? Respondet discipulus: non possum. Tum Confucius rursus ait, edito prius suspirio, (quod U-bu duabus vocibus exprimitur.) An igitur aliquando dicetur, quod spiritus, qui Tai xan monti præsidet, non possit comparari cum viro illo tam vulgari Lin^s fam, qui me nuper consulebat? Exquirat is admodum sollicitè Officiorum rituumque rationem & fundamentum, ne forte per ignorantiam peccaret: & nos existimabimus spiritum illum naturâ tam

perspicacem vel ignorare, vel etiam negligere id quod jus ac ratio polcit: adeoque suscepturum esse sacra, quæ perturbato rerum ordine tam arroganter ac temerè offeruntur? Tacitè carpit hic etiam discipuli socordiam, qui non magis angatur ac laborat de tollendo tam gravi offendiculo. (Ex hoc paragrapho & explanatione Colai maximè constat, quid Sinæ jam olim senserint de præsidibus rerum spiritibus; eos utique esse præditos intellectu ac mente, & æqui rectique studio teneri.)

f. 3. p. 1. §. 1.

Confucius ait: Inter viros graves ac probos non est de quo contendant. Imò verò (inquires) nonne datur jaculandi certamen & contentio? Utrique datur. At cujuscumque tandem illa? Qui jaculis certaturi sunt, prius quam subeant in aulam exercitio isti destinatum, ter socios suos reverenter salutant, ter eis priorem locum deferunt, ac tum denique subeunt in aulam: Hic verò qui victor evasit, cæterisque feliciter scopum attingit, descendit unà cum victis, quos comiter salutatos iterum jubet in aulam conscendere, ibique suis ipsos manibus vinum fundere, ac stantes potare vinum pœnale (sic dictum, quòd tali ejusdem potatione victi mulctarentur.) Nè mirum in ipso certaminis quoque fervore observare licet concordiam, modestiam, comitatem, & planè viros esse probos ac graves qui certant: Dum è contrario viles improbique homines, si quando inter se contendant, exardescere solent in iras, & ferarum propè ritu inter se concurrere.

§. 2.

Discipulus *su-hia* quærit dicens: Carmen extat hujusmodi: Blando risui decor ac venustas oris conciliat gratiam. Item pulchris oculis apra coloris albi nigrique proportio. Nimirum ubi subiectum ipsum & quasi solum probè dispositum est, inde evadit ornatus ei superadditus & forma oculis tam grata. Postremum hunc versiculum *Su y quèi bi ven hi* nondum percipiebat discipulus: quocirca Magistrum suum consulens, quid (inquit) versus ille significat?

p. 2. §. 1.

Confucius rem declarans simili, quod petit ab arte Pictoriâ, sic ait: Sicut Picturæ opus, seu figura illa quam coloribus suis exprimit exornatque Pictor, est quid posterius ipso strato fundamentoque Picturæ, seu primâ illâ colorum facie, quæ tabulæ seu telæ induci solet: Sic lepor ille ac venustas, quæ ab ore oculisque solet existere, est ipso ore oculisque posterior.

§. 2.

Discipulus audito simili, perappositi intulit dicens: Fortassis* igitur docetur illo carmine, quod officia ritusque omnes exteriores sint quid posterius? Sic ut prima sedes Officiorum & quasi fundamentum

LIBER TERTIUS.

5

fundamentum ipse animus sit plenus fide & veracitate, cui animo deinde sua respondeant officia, suus addatur rituum variorum ornatus ac splendor? Gavissus interpretatione tam apposita *Confucius* sic ait: Qui feliciter assequatur & explicet me, sive mentem meam, tu is ipse es o mi discipule *Xam*. (*Xam* cognomen est ipsius *Chia*) nunc primum potero, sive audebo tecum agens citare Priscorum carmina atque auctoritates, quamvis explicatu sanè difficiles.

f. 4. p. 1. §. 1.

Confucius ait: De Priscis Familiz *Hia* (fuit hæc inter Imperiales & Monarchicas Sinarum Familias omnium prima) moribus, institutis, ritibus & litteris, ego possem utique loqui, & summam illorum posteritati tradere: Sed enim prorsus regnum *Ki*, quod à posteris Familiz *Hia* nunc obtinetur, non est sufficiens ad testificandum & confirmandum ea quæ dicturus essem. Similiter familiz *Tu* seu *Xam*, familiarum Imperialium secundæ moribus, ritibusque & litteris, ego possem loqui & referre multa, quæ ætati nostræ incitamento essent futura ad imitandum mores antiquos & egregias laudes majorum suorum: sed enim regnum *Sun*, quod nunc de pristino splendore suo & amplitudine plurimum amisit, estque penes posteros istius familiz, non sufficit ad testificandum vera esse, quæ à me referrentur: libri nimirum & sapientes, qui in utroque regno seu inter posteros utriusque familiz perpauca existunt hoc tempore, haud sufficiunt; haud ii, inquam, sunt, à quibus ætas nostra testimonium satis luculentum petat, hoc in causa est: alioqui si sufficerent; tunc & ego possem vicissim testificari; plurimumque lucis ac ponderis accederet testificationi meæ ab illorum testimonio & auctoritate. Nunc autem cum mihi desint præsidia tam necessaria; quorsum frustra laborem, & proloquar ea, quæ posteris non credant.

§. 2.

Confucius ait: Quotiescunque peragitur gravis ille ritus *Ti* dictus, qui proprius est Imperatorum, & quo solent hi quinto quoque anno in parentali majorum suorum aulâ honorare familiz conditorem, & qui ex illo deinde prognati sunt Imperatores; etsi principio satis graviter, & ritè multa fiant; ubi tamen jam vinum novies de more oblatum est, novies item libatum, quicquid deinceps agitur, quia oscitanter agitur, & exiguâ cum reverentiâ, ego quidem non aveo vel gaudeo ipectare, tametsi ratione officii mei cogar assistere. Verum quod hic omnium maximè mihi displicet, est, quod honores illos solis Imperatoribus debitos (& uni quondam *Chen-cum* quamvis tantum Regulo concessos ab Imperatore *Chim-wan* ejusdem nepote, idque propter eximia prorsus viri merita in totum Imperium) nunc videam aliis quoque Regulis ejusdem *Chen-cum* pollicris deferri, contra jus omne moremque Imperii.

b

P. 2.

Quidam percontatus est à *Confucio* parentalis officii longè solemniissimi *Ti* dicti rationem: videbat illud in Regno *Lu* exerceri, sed institutionem illius & usum ignorabat. *Confucius* ei respondens ait: Non scio: dico tamen, quod quisquis probè intellexerit arcanas illas ac sublimes ritûs hujus & officii rationes, in rebus ad Imperii gubernationem spectantibus, is habiturus sit omnia tam perspecta, tamque in promptu, ac si posita videret omnia hic, in palmâ, inquam, manus suæ, quæ dicens, digito monstravit suam ipsius palmam, uti à discipulis est traditum: facilè nimirum reget homines, qui debitos honores præstare majoribus defunctis norit. Duabus interim de causis noluit Philosophus mysterium hoc percunctatori exponere: prima, quod illo contineatur apex quidam filialis pietatis & obedientiæ, ad quem ipso quidem opere & exercitio nemo præter Priscos illos magnarum virtutum Reges, cognitione verò & intellectu nemo præter admodum sapientes videtur perigisse: quorsum ergo vulgari cuiuspiam homini illa exposuisset? Altera, quia declarari non poterant ea, quæ ad ritum illum pertinebant, quin illicò patefieret, ac plusquam tacitè damnaretur insignis arrogantia Reguli, qui hîc ritu Imperatorio contra fas moremque Imperii utebatur: atqui veritas hæc odium periculumque parere nata erat.

f. 5. p. 1. 1. §.

Confucius (ut à discipulis ejusdem traditur) Quotiescunque majorum suorum memoriam, & accepta ab eis beneficia solemnitus recolebat, cum eo pii gratique animi sensu & significatione præscriptos ritus exercebat, ac si revera majores ipsi præsentibus assistissent. (Ex hoc loquendi modo colligi potest, non fuisse Sinas in hoc errore, quod manes majorum suorum vitâ functorum suis assisterent parentantium officiis.) Idem quotiescunque magistratum gerens, pro officio suo præscriptos honores defererebat spiritibus locorum præsidibus, tantâ cum veneratione & gravitate illos defererebat, ac si spiritus ipsi spectabiles assistissent.

§. 2.

Solebat itaque non rarò *Confucius* ipse dicere: Ego si quandoque graviter impeditus non assistam per me ipse dictis officiis, eisque ritè fungar: tametsi vices meas alteri protinus commendem, minimè tamen acquiesco; sed angor animo non secus ac si nondum sacris illis quisquam operatus fuisset. Argumentum illustre tum pietatis, tum venerationis admodum sinceræ, quo Philosophus vel majores suos, vel tutelares spiritus prosequabatur.

§ 3.

*V*AN *sun kià* (Præfecti nomen est) percontatur à *Confukio* diccens : Proverbium illud nostrum : præ hoc quod capretur gratia spiritûs *Ngao* dicti, qui præsidere censetur aulae domesticae, & superioris esse ordinis; satius tamen fuerit captare gratiam spiritûs *çao* dicti, qui foci præses est, quamvis hic ille sit inferior; hoc (inquam, proverbium quid obsecro significat? Præfectus ille plurimum valebat gratiâ & autoritate apud Regem *Guei*, ad cuius regnum Philosophus tunc fortè diverterat : ratus autem venisse illum dignitatis obtinendæ causâ, percunctatione istâ jocabundus hortatur, suam ut operam gratiamque imploret; hanc enim præ Regis ipsius gratiâ ei quodammodo necessariam fore:

Domos familiasque singulas duorum maximè spirituum tutela fideique esse commissas, præsci autumabant; è quibus is, qui Ngáo dicebatur, nobilior censebatur; vulgò tamen alterum qui foco præsidebat, impensius colebant, suadente sic (ut aiebant) non utilitate modò, sed etiam necessitate; quippe sine foco nec vitam duci posse: vitam autem deficientem nec ipsos coli posse spiritus.

P. 2. §. 1.

*S*ED *Confucius* haud ignarus quò tenderet superbi hominis iocosa percunctatio; iudicans alienum esse à rectâ ratione, viro, que sapiente & probo indignissimum adulando gratiam alterius aucupari, sic ait : Nequaquam sic ut tacitè mihi luades, agendum est! Nequaquam sequor vulgi morem : Quisquis enim peccaverit in cælum, non habet aliud Numen superius à quo peccati veniam deprecetur.

*Hic enim verò, quomodounque Interpretes moderni quidam se torqueant : omnino tamen dicendum est, de eodem planè cælo loqui Philosophum, de quo loquebatur prodigus quondam filius, cum plararet ab se peccatum fuisse in cælum. Neque desunt nobis Interpretes, qui contra impios ciwes ita sentiant. In primis Cum *ngan* ait ; Vu sò tào ju chum xin : non habet quod veniam precetur à spiritibus universis (Offenso videlicet spirituum universorum Domino) Uberius autem clariùsq; noster Colaüs, qui Confucii sententiam explanans, unum, inquit, est cælum, quod summè colendum est, & cui nihil aequale. Ab hoc & probis obveniunt prospera, & improbis adversa, tam certò, tamque exactè, ut ne minimo quidem errori sit locus. Quisquis ita res agit, ut obsequatur rationi, hunc utique beata fors manet : quisquis autem repugnat, hoc ipso peccat in cælum. Immissas verò calamitates ab cælo vindice equis tandem effugiat ? Aut quomodo implorata Ngáo & çáo spirituum ope declinare queat ? Ex quibus perspicuum fit, oportere hominem parere rationi, & servire cælo ; & ne ipsis quidem spiritibus (nudum hominibus) adulari.*

§. 2.

Confucius ait : Hæc , quæ nunc rerum potitur , familia *Chen* ; in ortu suo statim coniecit oculos in duas familias *Hia* & *Xam* , quæ ante illam tenuerant Imperium : cumque viros haberet & literis & armis claros ; horum operâ (maxime quidem Principum *Ven-vam* , *Vu-vam* & *Chen-cum*) tam feliciter attemperavit præcedentium familiarum leges ac mores , partim addendo quædam , partim etiam tollendo ; ut ipsa tandem ornatissimum quid in omni litterarum & officiorum genere , vitæque totius cultu evaserit . Ego itaque lubens sequor familiæ *Chen* mores & instituta : maxime quando mihi contigit illâ imperante nasci , atque ætatem agere .

§. 3.

Confucius quò tempore magistratum gerebat in regno *Lu* , crebrò ingrediebatur in magnam illam celebremque aulam quæ memoriæ sapientissimi *Chen-cum* dicata erat , ut inibi cum reliquis regni primoribus consuetos honores defuncto Principi ritè deferret . Porro quotiescunque sic ingrediebatur , solebat ipse de singulis propè rebus admodum multa sollicitè studioseque sciscitari , quis scilicet vatorum esset usus , quo fine , quo ritu , modoque singula peragi oporteret . Quidam hoc animadvertens ait : Ecquis sibi persuadeat , dicatvè *Ceu* hominis filium (ita *Confucium* vocitabat , propterea quod ejus pater *Xo leam-be* , Præfectus olim fuisset oppido *Ceu* dicto) Peritum esse rituum ? Quotiescunque enim intrat in majorem hanc aulam , singula exquirat ; eo planè modo , quo imperitissimus quisque solet . At *Confucius* hoc audito sic ait : Imò verò hoc ipsum genus quoddam rituum est & argumentum satis illustre quam quis eorum non imperitus sit . Planè sic erat : tanta quippe cura , studium tam singulare exquirentis minutissima quæque , satis declarabant , intelligere Philolophum , quid ibi , quantique momenti res ageretur , & in quanto haberet pretio ritus illos ac ceremonias . Simule etiam probebat sese hominis modestia , cum eximiam quandam rituum peritiam assecutus esset , eâ tamen haudquaquam efferebatur , aut sic fidebat , ut non assidue consuleret alios , ab eisdem proficere gaudens ac discere .

f. 6. p. 1. §. 1.

Confucius ait : Qui sagittas mittunt , non perforant corium (extant hæc verba in libro officiorum , ubi de sagittariorum exercitiis agitur) Laus inquit , ac victoria periti sagittarii non in eo consistebat olim , ut scopum perforaret (constabat scopus ex corio) sed ut feriret ; nec immeritò : quia vires jaculo certantium non sunt æquales ; neque certamen erat de robore , sed de peritiâ & dexteritate : erat hæc Priscorum lex & ratio ; à quâ , prohi dolor ! deflectere jam cœpit ætas nostra , malè resumptis armis quæ *Vu-vam* familiæ *Chen* conditor

conditor bene sapienterque jusserat recondi. Nunc denuò robur militare, nunc artes bellicæ in pretio sunt; virtus autem negligitur, quæ tamen una scopum veræ laudis attingit; & cum robur acquiri nequeat discendo, virtus potest.

§. 2.

Solebant exeunte quovis anno Imperatores Calendarium anni sequentis jamdiu antè confectum in Regulos distribuere; Reguli verò asservare illud in parentalibus majorum suorum aulis, ad quas deinde Calendis cujusque mensis accedebant & producto consultoque Calendario secundum præscriptos ritus ovem occidebant: quo ritu dicebantur commonescere spiritus seu facti, sui rationem illidem reddere, *id est, sic gerebant se, ac si presentibus majorum spiritibus pii gratique animi studia restarentur: etenim mera quadam panegyris erat ea, de quâ hic agitur, commonescèctio*. Mos hic in regno Lu jam per annos plurimos intermissus fuerat: Ovis tamen è censu publico subministrabatur Tingulis ab eo, cui demandata erat hæc cura. *Quum* ergo discipulus cupiebat imposterum tolli illam, quâ spiritus commonescebant Calendis cujusque mensis, vivam ovem: cupiebat, inquam, supersederi impensis, quas planè supervacaneas esse judicabat.

p. 2. §. 1.

SED *Confucius*, qui rem maturiùs expendebat, ac futuræ saltem ætati volebat consultum, haudquaquam probato parsimonie istius consilio, mi discipule (inquit) *Su* (*Su* nomen est ipsius *Quum*) *Su* quidem amas istas oves; at ego amo istum morem & ritum: mos ille tam laudatus jam negligitur, & quodammodo sublatus est: verùm si posthac oves ali desierint, ipsa quoque spes moris aliquando revocandi funditus tolletur. At certè haud inutiles censeri debent expensæ, quæ nos officii nostri non patiuntur esse immemores; & quæ Regis alicujus, ut spero, animum excitabunt olim ad restaurandum prisce pietatis observantiæque morem.

§. 2.

Confucius ait: Ego sic obsequor & servio Regi meo, ut penitus exhauriam quidquid ad exteriorem illam venerationem observantiamque desiderari potest. Verùm homines quidam imprudentes ac temerarii, qui vel animum meum non habent perspectum, vel etiam ex suo metiuntur meum, propter hoc ipsum judicant me adulatorem esse, & qui per artes ejusmodi, gratiam mei Principis abjectè captem.

f. 7. p. 1. §. 1.

TIM cum Rex regni Lu quæstionem instituit hujusmodi. Rex dum imperat subditis suis; & subditi vicissim dum serviunt Regi suo quâ ratione se gerent? *Confucius* respondit: Rex imperet subditis

cum prudenti quâdam moderatione : neminem suorum aspernetur ; cuique pro cuiusque meritis , officio , gradu , dignitate attemperet sese ; cum his agendo blandiùs , severiùs cum illis ; cum unis fidentiùs , cum aliis cautius. Subditi vero serviant Regi magna cum fide , studioque synceræ veritatis , non modo nihil ut eum celent earum rerum , quas scire par sit ; sed etiam quidquid imperatum , quamvis arduum sit atque difficile , suscipiant tamen fortiter , constanterque perficiant : Nec dubitent , ubi res postulaverit , ipsius quoque vitæ discrimen alacriter subire.

§. 2.

Confucius ait : Carmen epithalamium *Quan-çin* dictum lætum quidem est ac festivum , & non obsecrum : Mæstum est , quatenus exprimit amantis desiderium , variosque affectus animi , non tamen est ejusmodi , quod afficiat quemquam vehementius ac perturbet. Diu erat , quod virginem cui *Tai su* nomen , eximiiis naturæ dotibus ac virtutibus ornatam *Ven-vam* Rex in uxorem sibi expetierat : & ardebat ille quidem amore desiderioque virginis : Verumtamen sic ardebat , ut nihil ageret , vel diceret Philosopho Rege indignum. Ubi verò nuptiarum dies tandem adfuit , quamvis aula festo concentu musicorum tota resonaret ; adeò tamen nihil audiebatur , quod verecundas aures offenderet ; ut è contrario petulantiores motus animi coercerent eximia quæ carminibus illis continebantur documenta. Commendatur hic itaque singularis quâdam moderatio tam Principis quam Regiæ totius.

*Inter alias illustres feminas tres imprimis , dictæ San-mù , id est , trium maximorum Principum matres , Scriptorum encomiis celebrantur ; Tai-kiam Vam ki Regis mater , Tai-çin mater Regis Vên-vâm , qui & familia Cheu conditor ; Tai su ex quâ natus deinde Vù-vam familie ejusdem primus Imperator , adeoque Châm-vam secundi celeberrimique Imperatoris avia : Nec dubitant matronarum istarum prudentia ac virtuti acceptam referre tantorum filiorum tam præclaram institutionem , & successus rerum maximè secundos. Porro qui plura cognoscere desideret de his aliisque laudatissimis feminis , libros *Quei mucn pie to* , & *Lie niu chuen* consulat. Inveniet hîc inter alia virtutum exempla castitatem *Lucretiana* æmulam ; multas , inquam , tuendi pudoris causâ promptissimè morientes.*

§. 3.

NGAI cum Rex Regni *Lu* percunctatus est de arêa seu patenti quodam extra urbem circo *Xe* dicto , à discipulo *çai-ngô*. In campo illo telluri (seu veriùs supremo cæli terræque Imperatori , quemadmodum *Confucius* hoc ipsum declarat in lib. *Chun-yûm* f. 14. p. 2. §. 1.) Sacrificium offerebatur. *çai-ngô* discipulus respondit Regi in hunc modum : *Hic* Imperialis familia campum istum conse-

rebat pinis; secundæ verò familiæ *Tu* homines cypressis: tertiæ denique familiæ, quæ nunc tenet imperium *Cheu* dictæ homines castaneis illum adornabant; hæc autem idem fecisse dico, ut populus pertimesceret seu horrore quodam concuteretur. Mortis erat in eodem loco noxios afficere supplicio: Cumque memoratæ arbores ferale quid ac horridum præ se ferrent; hinc priscorum mentem temere interpretatus, ibi finxit esse mysterium, ubi nullum erat. Equidem cum singulæ familiarum diversis in locis aulam constituissent, locum sacrificio supplicisque destinatum iis censeverunt arboribus, quas ipsa loci natura, solique ingenium postulasset.

p. 2. §. 1.

Confucius ergo cum inaudivisset quid à discipulo fuisset responsum, parum utique prudenter, neque ad rem sic ait: Peractâ jam res, non est loquendum: Imò quamvis re necdum peractâ, eo tamen loci deductâ ut impediri jam nequeat, non est adhibenda monitio, quippe inutilis & frustranea: denique re jam præteritâ non sunt exigendæ pœnæ, eo quidem consilio, ut, quod jam factum est insecutum reddatur: non autem quod per illas non caveatur in posterum. Cæterum hæc ipsa sic dicta correptionis vim habent: Severius quippe castigare vix poterat temeritatem discipuli, quam sic non castigando. Volebat nimirum Philosophus iustitiâ, clementiâque, non autem minis atque terroribus subditos in officio contineri; ideo mollesissimè ferebat interpretatione tam falsâ concitatum fuisse Regis animum ad immodicam severitatem, à quâ priscorum ætas semper alienissima fuerat.

§. 2.

Confucius ait *Quon-chum* Præfecti capacitas ô quam modica est! Erat hic præpotenti Regi Regni *ci* à consiliis; cumque plurimum valeret industriâ, prudentiâ, aliisque rerum gerendarum artibus; multa feliciter perfecerat, vulgoque sermonibus omnium celebrabatur: Quoniam tamen vera virtus sapientiaque homini deerat, abjectè de illo sentit & loquitur Philosophus; sic enim iudicabat, veram cujusque magnitudinem, veram capacis atque animi laudem ex unâ virtute peti & existimari oportere. His autem Magistris ac Ducibus, ubi quis seipsum, familiamque suam rectè instituerit, tum demum posse utilitates maximas in Principem subditosque populos derivari.

§. 3.

QUAM Philosophi mentem cum quidam adstantium minimè assecqueretur, ratus præfectum de avaritiâ, nimiâque paritoniâ notari, sic ait: An igitur *Quon-chum* sumptus odit, immodicè restrictus & tenax? Respondet *Confucius*: *Quon-chum* Præfecti familia habet sumptuosam turrin illam *San-queti* dictam, cujus ex-

truendæ auctor fuit ipse in primis. Item consilio ejusdem & auctoritate perfectum est, ut lites & causæ subditorum non omnes promiscuè ad unius hominis tribunal deferrentur, sed ut sunt ex diversi sæpè fori, ita diversi constituerentur Judices, qui cum otio examinarent singula, & jus dicerent: Nec tamen ignorabat ipse, quam multum hoc pacto quotannis expenderetur de censu Regis sui: Quomodo igitur, hæc qui faciat, censeri possit peccate parsimoniâ:

f. 8. p. 1.

AT enim (subsumit alter) si vir est tam splendidus, tamque munificus, & qui recto judiciorum ordini tam præclarè consuluit; nonne ergò dicendum erit, quod *Quon-chum* probe caliceat officia, quod (inquam) cujusque sit officium, quid quæque res possit. Respondet *Confucius*: Rex erecto pariete velat majorem portam Palatii, utique pro jure suo & more (soli namque domui Regiæ erat licitum extrâ majorem portam Palatii sui parietem seu vestibulum quoddam erigere, per quod uni Regi medius patebat egressus vel ingressus, reliquis omnibus per latetales dumtaxat fores incedentibus) (& tamen *Quon-chum* familia similiter etiam pariete obteggit portam domus suæ, haud secus ac si foret regi. Rex item si quando instituit duorum Regum convivium, (si inquam) hospes illi sit alter Regulus, quem ad cœnam invitet; habet utique pro opulentia suâ & majestate Regiâ varios, ubi crateres aurei, aliaque vasa collocentur, abacos. *Quon-chum* familia per insignem arrogantiam similiter item habet poculis instructos abacos. Enimverò si *Quon-chum* familiâque ejus, cum tam aliena faciat ab officio modestiaque subditi, tamen sciat, scire scire censetur officia, ecquis tandem non censetur non scire officia, quantumvis eadem negligat; contemnat mores patrios, & quæ alieni juris sunt, invadat?

P. 2.

Musicâ plurimum delectabatur Philosophus, non quidem adeò propter suavitatem, quæ mulcebat aures, quam propter utilitates, quas summi pariter infimique ex illâ percipiebant, quotiescunque Priscorum more instituebatur; sic potius, ut quandoque Regni totius innovatio quædam, morumque singularis emendatio sequeretur. Tanta doctrinæ vis erat, quam Præci Reges ac Magistri numeris suis illigaverant. *Confucius* itaque ex Regno *Gnei* redux in patrium *Lû* regnum, cum videret Musicam passim negligi; multa item quæ ad Reipublicæ administrationem, morumque disciplinam pertinebant; propè jam oblivioni tradita, vehementer optans instaurari omnia, alloquens Regni *Lû* magnum magistrum sic ait: Musices quæ Majoribus nostris in tanto fuit pretio, ejus tu saltem, qui pro officio illam tractas, potes esse peritus. Et illa quidem principio consonè ubitis (inquam) & vocibus & instrumentis pleno, ut

no, ut aiunt, choro resonabat; deinde verò paululum remittens, cum proprio tamen cujusque vocis & instrumenti sono harmonicè perseverabat : sic quidem ut clara semper & sine ullâ confusione : continenter & sine interruptione : hac ratione majorum nostrorum musica perficiebatur.

f. 2. p. 1.

Oppidi quod T vocabatur limitum præfectus à Confucii discipulis petivit copiam sibi fieri conveniendi & salutandi magistrum ipsorum dicens : Spectatæ probitatis sapientięque viros quotiescunque accesserunt huc, ego nunquam non obtinui ut viderem. Discipuli introduxerunt hominem ut salutaret Philosophum : Quo salutato cum egrederetur, conversus ad eosdem ait : O vos duo tres-ve filii, quorsum mœretis & angimini animo, quod Magister ille vester vivat nunc procul à regno patrio & privatus sua dignitate ? Porro quod in imperio nostro sine lege vivatur, jam diu est : Et ego quidem sic statuo, futurum brevi ut cœlum, ex Confucio efficiat quasi vivum quoddam instrumentum *Mo to*, seu sonoram æris campani linguam ad populi totius institutionem.

Eligebatur olim Mandarinus unus è gravioribus, qui leges imperii, & sanam virorum sanctorum doctrinam per omnes Provincias divulgaret : Utebatur is autem tintinnabulo, quod aneum cum esset, linguâ tamen lingneâ instructum erat; hinc Mo to dictum; contra quam tintinnabulum militare, quo statuta scilicet militaria bellicę leges vulgari consueverant, quod ex ere totum erat, adeoque Kin-to vulgo dicebatur. Significatur hic itaque, doctrinam Philosophi per Imperium totum propagatum iri : uti revera deinde contigit.

p. 2. §. 1.

Confucius, uti commemorant, dicebat de musicâ *Xao*, cujus author extiterat *Xan* Imperator, quod illa penitus exhausserat elegantiam & pulcritudinem. Item quod exhausserat eadem clementiam & suavitatem. Dicebat autem de musica *Vu* dicta (fuerat hæc Imperatoris *Vu-ram*) præstantissimam quidem fuisse, plenamque majestatis : At non item suavissimam, bellum quippe & arma resonantem.

§. 2.

Confucius ait : Præfecti non sint clementes, rursus si qui funguntur mutuis urbanitatis officiis ceremoniisque, si non ex animo colant se mutuò : si denique tot inter apparatus funebres, nullus tamen veri doloris luctûsque sensus existat : Ego quorsum obsecro spectator horum omnium esse velim ?

fo. 1. p. 1. §. 1.

Confucius ait : Protus infrequens sit vicus & ignobilis , ubi scilicet familiarum degant non plures viginti quinque ; incolæ tamen locitales sint , ut mutua fides & amor vigeat ; ab hoc uno petatur laus omnis & decor : sit item quispiam qui sedem sibi deligat , nec tamen commotari velit in hac , quam diximus , sede charitatis & innocentiae : Hunc ego quomodo censere queam esse prudentem ?

§. 2.

Confucius ait : Improbi , haudquaquam possunt longiori tempore commorari cum ærumnis & paupertate , haud item possunt longiori tempore commorari cum faventis fortunæ lætitiis. Vir interim probus , quæcunque fors casusve incidat , in unâ conquiescit virtute : Vir etiam prudens non emolumentum & lucrum suum petit ex virtute.

p. 2. §. 1.

Confucius ait : Solus ille qui probus est , tutò potest diligere homines , tutò potest odisse homines.

§. 2.

Confucius ait : Si quis seriò firmiterque applicet animum ad virtutem , is nihil quod turpe sit aut contrarium rationi committet.

§. 3.

Confucius ait : Opes & honores ea sunt quæ mortales appetunt. Verùm si non sit consentaneum ipsi rationi illa obtinete verus Philosophus nequiquam in illis persistet. Ultrò scilicet se his abdicabit. Rursus inopia & humilitas vilisque ea sunt quæ mortales oderunt ac fugiunt : verus autem Philosophus , tametsi fortè non secundum ipsum jus & ipsum hæc illi obvenerint , ipse tamen haudquaquam id ager , ut ab se per fas & nefas inopie vilitatem avertat.

f. 11. p. 1. §. 1.

Quocirca si quis audire velit Philosophus , & tamen abjiciat veræ sapientiae virtutisque studium , talis qui sit , quomodo mereatur vel sibi conciliet Philosophi nomen ac famam.

§. 2.

Verus Philosophus ne tantillo quidem tempore quo solet corpus refici quidpiam committat contrarium virtuti testæque rationi : Et quamvis incidat casus maximè repentinus , planè tamen in hoc virtutis proposito persistat. Imò quæcumque tandem tebus evenis ac petitis calamitates premant , planè tamen in hoc virtutis fundamento perseveret.

§. 3.

Confucius ait : ego nondum vidi quemquam , qui gauderet virtute & abhorreret à vitiis seu improbitate. Utriusque ratio hæc est, quod cum qui gaudeat virtute, velim tam inflammato illius studio & amore teneri, ut nihil eidem anteponat. Rursus, qui abhorreat ab improbitate, eum sic volo operam dare probitati ut non patiatur ne tantillo quidem, quod vitiosum sit, affici & inquinari suam personam.

p. 2. §. 1.

Verumtamen an est credibile dari quempiam qui generoso determinatæ mentis consilio velit, adeoque possit vel unius diei spatio impendere omnes vires suas in studium virtutis, & tamen ad eam non pertingat? Ego certè nondum vidi quemquam, cujus ad hoc vires non sufficerent.

§. 2.

FORTASSE tamen dabitur qui reverà tam imbecillis sit, at ego certè necdum vidi quemquam.

f. 12. p. §. 1.

Confucius ait : Quotiescumque homines excessu quodam peccant singuli ferè peccant in suo genere, sic ut quales ipsi sint, talis etiam sit excessus. Unde considerato quo quis peccat excessu, hoc ipso scit, qualis ipsa sit virtus in quâ vel excessu vel defectu quis peccat.

§. 2.

Confucius ait : Manè qui audiverit legem, vesperi mori potest. Nec erit quod vixisse pœniteat aut tædeat mori.

p. 2. §. 1.

Confucius ait : Homo literatus qui constituerit operam dare veræ Philosophiæ & tamen erubescat viliores vestitum, viliores cibum, is profectò nondum idoneus est qui cum philosophis.

§. 2.

Confucius ait : Perfectus vir, seu, verus Philosophus in hoc orbe non habet obfirmatum animum ad agendum, neque habet ad non agendum : convenientia cujusque rei est id quod sequitur.

§. 3.

Confucius ait : Proborum tota mens & cogitatio occupatur unâ virtute, improbi contrà suis intenti commodis. Pari modo probi homines continenter animo volvunt ac revolvunt Imperii leges, Improbi verò cogitationes suas omnes defixas habent in lucris.

f. 13. p. 1. §. 1.

Confucius ait : Turpiter inhians lucris suis & juxta ea suas res agens, plurimis utique reddetur odiosus.

§. 2.

Confucius ait: Si quidem Rex possit sive velit pro suo Regis officio moderari sese, & sic regere, quid obsecro laborabit? E contrariò, si nolens ipse pro suo Principis officio moderari sese, administret regnum, cui tandem erunt usui tam inania frivolaque officia.

§. 3.

Confucius ait: Noli merere propterea quod careas publicâ dignitate. De hoc angaris, quod ut careas virtutibus propter quas evcharis. Rursus, noli merere, quod nemo sit à quo ipse cognoscatur. De hoc uno scilicet nobis laborandum est, tales ut simus, qui mereamur cognosci.

§. 4.

Confucius ait: Heus tu, mi discipule *Sin* (alias *çemçu*) mea doctrina in radice suâ unum quid est, seu in uno maximè fundatur principio, quo ipse utor deinde in ordine ad omnes reliquas actiones. *çem.çu* Magistri sui mentem feliciter assecutus, potius, inquit, res habet ut dicis.

p. 2.

Confucius non multo post egresso, discipuli ab *çemçu* sciscitanti sunt, dicentes: Ecquid obsecro significant illa Magistri verba? Ad quos *çem.çu* sic ait: *Confucii* doctrina fundamentalis, & unicum rectè vivendi principium hoc est: Qui quid agas agere verè ex animo totisque viribus & à tuo ipsius corde gradum facere ad alios: seu, talem te esse erga alios, quales esse velis alios erga te; atque hoc sufficere, nec aliâ re esse opus.

f. 14. p. 1.

Confucius ait: Vir probus ac verè Philosophus valde perspicax est in iis quæ sunt rationi consentanea, improbi verò ac homines oculatissimi suis in lucris & commodis, quid è re suâ sit, quid contrà, acutissimè discernunt.

p. 2. §. 1.

Confucius ait: Probus si videat quempiam virtutibus instructum mox cogitat eidem se conformare. Idem si videat hominem virtutis expertem, inde etiam fructum suum petens, interius secum ipse mox disquirat, an ei fortè vitio suo sit similis.

§. 2.

Confucius ait: Filius constanter morem gerat serviatque Patri & Matri. Si tamen ab eis fortè peccaretur, leniter ac pedetentim commoneat: quod si viderit eo esse animo parentes, ut non obsequantur monenti, supersedeat: Iterumque solita prodat observantiæ argumenta, & nequaquam verbo factoque eis adversetur. Quod si etiam laboribus molestiisque, immo etiam verberibus obruant eum castigentque

castigentque ; eis tamen haudquaquam succenscat filius.

§. 3.

Confucius ait : Quandiu Pater & Mater superstites sunt , filius ne longius seu in longinquiores terras evagetur. Verumtamen si gravis quæpiam necessitas longius proficisci coegerit , sciant omnino parentes ubi terrarum filius versetur,

f. 15. p. 1. §. 1.

Confucius ait : Quisquis parentibus vitâ jam functis totos tres annos non discesserit à patrio mote & instituto , is poterit nuncu- pari obediens.

§. 2.

Confucius ait : Patris ac Matris annos seu ætatem , probus ac pius filius assiduè reminisci debet , nec potest citrà culpam ignorare , partim ut lætetur ipse , partim ut pertimescat.

§. 3.

Confucius ait : Prisci sermonem non proferebant nisi rarè & per- parcè : Pudore quodam suo impediti scilicet , quod intelligerent se rebus factisque propriis nondum pertingere quò pertingebant. sermone.

§. 4.

Confucius ait : Homines frugi & assiduâ disciplinâ continentes sese & tamen delinquentes , utique rari sunt.

p. 2. §. 1.

Confucius ait : Verus Philosophus studio quodam tardus est ac muti propè instar in suis verbis , (vel affectat nescio quam tar- ditatem & quasi impedimentum linguæ in suis verbis) contra verò celer & expeditus idem est in operibus suis.

§. 2.

Confucius ait : Virtus non est solitaria nec desertæ instar ; Omni- no habet vicinos suos , cultores , inquam , & sectatores.

§. 3.

Discipulus *su yew* ait : Qui ministrat Regi , si importunus sit hoc ipso probrum sibi accersit : qui item apud sodales & amicos suos importunus , hoc ipso abalienabit ab se animos illo- rum. Sed caveant hic (inquit Interpres) vicissim viri Principes & quicunque amicitias colunt , ne dum monentur paulò liberius , repugnanter id accipiant , audiantque cum molestiâ , quod tamen cum fide benevolentiaque dicitur : Periculum est enim , ne vero amico proutinus succedat blandus , & fido monitori improbus assen- tator , qui eisdem non modò ferri sinat præcipientes , sed ultrò quo- que in exitum & ruinam propellat.



LIBRI TERTII

PARS TERTIA.

Fol. 1. pag. 1. paragr. 1.

CONFUCIUS dicebat de discipulo suo *Cum ye cham* dicto; convenit ei uxorem dare, quippe viro planè integro, & maturæ solidæque virtutis. Nam tamen sit inter atro fune victos, id est, carceri mancipatos; id tamen accidit alienâ culpa calumniantis innocentem; non accidit ipsius culpâ: *Confucius* itaque suam ei filiam nuptui dedit.

§. 2.

Confucius dicebat de discipulo suo *Nân-yün*: Vir hic est raræ prudentiæ, & solidæ adultæque virtutis; itaque si in regno vigeant virtutes ac leges; ipse non negligitur, sed ad regni munia adhibetur: Si verò regnum sit sine virtute ac legibus; tum suâ prudentiâ servat se ab interitu ac periculis incolumem, propterea *Confucius* sui fratris filiam ei in uxorem dedit.

p. 1.

Confucius item dicebat de *çu-çiên* discipulo suo: Quæritæ sapientiæ ac virtutis vir hic est! At enim si regno huic nostro *Lâ*, ex quo oriundus ipse est, non essent tot tamque insignes sapientiâ & virtute viri, quorum exemplis, usu, & institutione assidue profecerit; ipse undenam, aut quomodo sibi comparasset hanc tantam virtutem, tantamque sapientiam?

f. 2. p. 1. §. 1.

Cu-cum & ipse *Confucius* discipulorum unus, cum audivisset *çu-çiên* & condiscipuli sui ab ipso Magistro prolatum encomium; curiosus sciendi, quid de se Magister suus sentiret, ex eodem per contactus ait: Ego *Jü* (nomen hoc erat ipsius *çu-çiên*) qualisnam sum? *Confucius* respondit: Tu es vas. Quo ille audito iterum quærens ait: cujus-

modi vas ego sum ? Cui respondens *Confucius*, tu, inquit, es pretiosum & elegans illud vas *Hu-liên* dictum quod inter vasa ad usum oblationum, quas Reges in majorum suorum aulâ facere consueverant, erat pretiosum imprimis. Cum hoc itaque comparavit *Confucius* hunc suum discipulum, ut ostenderet ipsum ejusmodi talentis ornatum, quibus primum inter ceteros Regni Præfectos locum mereretur.

§. 2.

Confucii discipulorum unus *Tum* dictus, vir erat præ ceteris taciturnus; quidam hanc ejus taciturnitatem notans, *Confucio* dicebat: *Tum* discipulus tuus equidem vir probus est; verumtamen indiseretus & parum eloquens.

§. 3.

Confucius respondit: Ecquem tandem usum habet illa oris facundia & loquacitas? Nam obruere & opprimere alios garruli oris promptitudine, plerumque indignationem movet odiumque apud homines. Quod attinet ad *Tum* discipulum meum, quem virum esse probum asseris; ego quidem nescio, nec discutio, ipsius probitatem: unum quæro, cui tandem est ului illa quam tanti æstimas, oris facundia?

p. 2. §. 1.

Confucius jusserat discipulorum suorum unum *gie tiao cui* dictum; Magistratum gerere. Hic respondit: Ego hujus rei nondum teneo vel assecutus sum sufficientem peritiam, ut eam ausim suscipere. *Confucius* audito discipuli sui responsa prudentiæ modestiæque pleno, admodum gavisus est.

§. 2.

QUIA *Confucii* temporibus jacebat in Regno *Lû* neglecta virtus; neque Rex probos sapientesque viros ad publica munia adhibebat: *Confucius*, qui dignitates eo maximè consilio admittebat, quod speraret sic facilius doctrinam suam à populis admittendam; videns se, probosque viros passim negligi, dolore plenus, in illa tandem prorupit verba, & dixit: Mea doctrinâ hodie negligitur, & non propagatur: Quorsum igitur Chinam adhuc incolo? Conscendam ratem, navigaturus per maria, & hoc tam corruptum moribus sæculum veyûs fugiam. Proculdubio sequetur me abeuntem vel unus hic discipulus meus *Teu* (vir ad ardua quæque tentanda promptus æquè & audax) *çu-lu* hæc audiens gavisus est. At *Confucius* conversus ad hunc præservidi animi discipulum, heus, inquit, mi *Teu*; amore ac studio fortitudinis equidem superas me; at cæres re illa qua arripas, quod consultius est; cares, inquam, judicii maturitate.

f. 3. p. 1. §. 1.

Præfectus Regni *Lû* *mem tu* pe dictus, volens promovere aliquos ad publica munia, percontatus est *Confucium* dicens : *çu lu* discipulus tuus estne verè solidæque virtutis ? *Confucius* quod sciret virtutem esse rem adedò arduam, ac proinde non facilè temerèque cuilibet tribuendam ; prudenter admodùm respondit : vera solidæque virtus res est intimo cujusque animi recessu abdita ; adeoque quis eam habeat, vel non habeat, pernosci difficile est : Quare an *çu-lû*, ut à me quæris, verè solidæque sit virtutis, ego quidem nescio.

§. 2.

Superiore *Confucii* responso non contentus Præfectus, eundem iterum de virtute discipuli *çu lu* interrogat : persuadere enim sibi non poterat, *Confucium* nescire discipulorum suorum virtutes. Tum *Confucius* respondit : Cum sit eximiâ fortitudine, bellicæque virtute præditus discipulus meus *Teu*, in mille etiam curruum bellicorum regno, potest ipsi committi gubernanda ejusdem militia : Verumtamen nescio ejus interiorē virtutem.

§. 3.

IDEM Præfectus de alio *Kien* discipulo *Confucium* percontatus, ait : Discipulus tuus *Kien* qualisnam est ? *Confucius* respondit : *Kien* discipulo meo mille etiam familiarum oppidum, vel centum curruum bellicorum familia, potest committi, ut agat eorum gubernatorem ; Atamen non mihi constat de ipsius virtute illâ interiorē.

p. 2. §. 1.

Rursum Præfectus interrogans *Confucium* ait : Discipulus tuus *Che* qualisnam est ? An ipse fortè eam, de quâ quærimus, solidam virtutem possidet ? *Confucius* respondit : Meus discipulus *Che* politiam caller, rituumque est peritissimus, indutus solemni veste, cinctusque Præfectorum cingulo si consistat inter cæteros Præfectos in aulâ regiâ, ubi se videndum exhibet Imperator ; potest ei committi munus cum hospitibus legatis ad Regiam adventantibus loquendi & agendi. Cæterum, quod ex me quæris, nescio an ipse sit vir verè solidæque virtutis interioris.

§. 2.

Confucius alloquens discipulum suum *çu-cum* (erat hic alienorum dictorum factorumve facilis Censor ac Judex) ait : Si te comparvero cum *Huei* socio studiorum, uter alterum antecellet ?

§. 3.

Respondit *çu-cum* : Ego *Su* (nomen est *çu cum*) qui ausum me ex adverso ponere cum condiscipulo *Huei*. Hic enim tantâ valet ingenii perspicaciâ, ut in ipso cujusque rei exordio, ejusdem simul videat terminum ; adeoque audiens rem unam, jam inde intelligit decem

decem alias : Cùm interim ego , si quid assequor , longo usus studio & ratiocinatione vix tandem assequar ; adeoque audiens rem unam per hanc , si quando succedit feliciter , in cognitionem venio duarum.

§. 4.

Confucius tam modesto discipuli responso applaudens ait : Hoc quod tam synèrè fateris , nimirum te non esse , qualis ille est ; ego omnino concedo tibi ; planèque assentior te non esse talem qualis ille est. Cæterum hæc ipsa tui cognitio , & tam ingenua professio minoris facultatis , satis declarant , te , auditâ re unâ , plures quam duas cognoscendo posse assequi , & inferre ratiocinando.

f. 4 p. 1. §. 1.

Confucii discipulus *çai-yü* dictus , de die crebro sternebat ac dormiebat ; *Confucius* legnitiam ejus reprehensurus ait : Putre lignum non est aptum sculpi : Luteus paries non est aptus incrustati calce , in hoc itaque *çai-yü* tam segni torpidoque discipulo cui sit usui correptio mea ?

§. 2.

Confucius adedò torpentem exstimulaturus ait : Primis quidem temporibus ætatis meæ ego cum hominibus agens , audiensque illorum verba , protinùs credebam illos eodem modo operari ; nec dubitabam , quin agerent quæ dicebant. At modò , mutatâ rerum morumque facie deceptum me agnosco. Itaque jam imposterus agens cum hominibus audiam quidem illorum verba ; sed & simul contemplantur eorumdem opera & actiones , an verbis respondeant. Aliter non credam. Cum hoc discipulo meo *Tü* experienciâ jam doctus me correxisti in hoc.

p. 2.

Confucius aliquando dixerat : Ego nondum vidi virum fortem. Astantium fortè aliquis , ad Philosophum conversus ait : *Xin-çem* nonne est fortis ? *Confucius* respondit : *çem* discipulus meus obsequitur appetitionibus pravis & oblectamentis sensuum ; quomodo censeri potest vir fortis ?

f. 5. p. 1. §. 1.

Discipulus *çu-cum* dixerat : Ego quod nolo ab aliis fieri mihi ; ego quoque volo non fieri à me aliis ; *Confucius* ut hos tam præclarè de seipso lentientis reprimeret spiritus , heus (inquit) mi *Sü* falli te nolo. Clarè loquar : Nondum tu eò pervenisti ; adhuc magnus maris æquor arandum est.

§. 2.

Aliquando *çu-cum* dixerat : *Confucii* Magistri nostri exteriorem illam compositionem & ornatum seu styli , seu morum & actionum ; potest quis etiam mediocris ingenii assequi & percipere :

At verò hæc à *Confucio* nostro assidue prædicata natura ejusque dictamen cælitus homini inditum, non possunt tamen capi penitusque perspicere ne à perspicacibus quoque ingeniis.

p. 2. §. 1.

CV-lu præfervidæ indolis discipulus, bonæ laudabilisque rei quidpiam audiens ardebat illico perficere. Sed quandoque id quod auditu perceperat, non valens ipse quam primum opere complere;angebatur animo scilicet ac solum timebat, ne interim novi quidpiam esset ad virtutem spectans quod sese offerret denuò audiendum, antequam illud, quod prius intellexerat opere complevisset.

§. 2.

IA M olim in more positum erat Sinis, ut qui in Magistratu aut dignitate suâ laudabiliter vel perperam vixisset, post mortem propria vel honoris vel opprobrii notâ afficeretur. *cu-cum* itaque *Confucii* discipulus, cum sciret Regni *Gudi* Præfectum *Cum-yu* dictum, dum viveret, multa haud laudabilia patrasse, (inter cætera author fuerat cuidam *Tai xo gie* nominato, uxoris repudiandæ, ut ei deinde suam ipsius filiam daret nuptui) & tamen post mortem honorifico illo cognomento *Cum-ven-cu* auctum appellatumque fuisse; non parùm miratus, Magistrum interrogat dicens: Præfectus ille *Cum-ven cu*, quânam de causâ post mortem vocatus est, honoratusque literâ illâ *Vên*, quæ ornatum significat. *Confucius* respondit: Præfectus autem iste tametsi acutus ipse & perspicax naturâ esset; tamen gaudebat identidem studere libris & addiscere; nec erubescere aut dedignabatur inferiores quoque ministros, imo & plebeios consulere, & quidem iis de rebus, quas, qui consulebantur, fortè non usquequaque callebant. Ornatus itaque modestiâ tam singulari dum ageret in vivis, idcirco à morte suâ jure merito cognominatus est ornatus. Liber enim, è quo ejusmodi posthumi tituli depromi solent, sic ait: *Kên hiô háo vén yuê vén*. Id est: qui cum viverent, diligenter studuerunt, aliosque libenter consuluerunt, à morte cognominandi sunt ornatî.

f. 6. p. 1. §. 1.

Confucius Præfectum Regni *Chim*, *qu chàu* dictum identidem de prædicans aiebat: Præfectus *qu chàu* habet proprias perfecti viri virtutes quatuor. Nam ipse res agens suas ipsius, admodum moderatus, modestoque ac demisso est animo, nunquam se suaque laudat: idem tamen alios, qui probitate conspicui sunt, palàm de prædicat, sibi que ultero præfert. Deinde, ipse serviendo & obsequendo Principi ac Superioribus suis magnâ cum observantiâ se gerit, promptèque & alacriter facit imperata. Præterea ipse conservando tutandoque populo perquam est beneficus, quæ subditis suis commodo sunt & lucro, sollicitè procurans; quæ damno, arcens. De

nique ipse gubernando populo, & jure dicundo magnam adhibet æquitatem & justitiam, nemini favens impensius, neminem asperius quàm fas sit tractans, æquus adversus omnes. Itaque Regnum *Chin* tametsi jaceat inter duo Regna præpotentia *çai* & *çai* medio situm loco: tali tamen administro rerum suarum, egregiè tuetur libertatem suam, vimque omnem & insidias vicinorum Regnorum avertit. Tantum scilicet præsidii est, vel in unius viri sapientiâ & virtute.

§. 2.

Confucius ait: *Tên pâm chum* (nomen hoc erat Præfecto Regni *çai*) Omnes explet numeros, in colendâ cum hominibus amicitia: Est enim amicus vetus, & tamen reverens. Velut si amicitia foret etiamnum recens.

§. 3.

Confucius ait: *Cam vên chum* domo suâ abdidit magnam testudinem *çai* dictam, seu, habitat in domo, quæ similitudine suâ refert locum illum nativum testudinis, *çai* dictum. Nam montium figuris cælata habet epistylia, & herbarum palustrium figuris depictas columellas: Qualis, obsecro censerî potest ejus prudentia qui commissi sibi populi oblitus felicitatem capret aut speret ex hujusmodi loco.

p. 2.

Discipulus *çai-cham* quæsitivè à *Confucio* dicens: Gubernator Regni *çai*, nominatus *çai vên*, ter ad officium promotus gessit supremum Magistratum *Lim yn* dictum, absque ullâ, quàm vultu præferret, lætitiæ specie: Idemque exauthoratus est, absque ullâ item, quàm vultu proderet, indignationis specie: Imò de præteritâ officii illius sui *Lim yn* administratione infallibiliter certiorè faciebat novum, qui ipsi successerat, gubernatorem, ei sine ullâ prorsus invidiâ candidè significans, quidquid usu didicerat prodesse vel obesse posse urbi feliciter administrandæ. Ecquid videtur dicendum de hoc viro? *Confucius* respondit: Vir sanè fidelis & re-ctus fuit: Instat discipulus & ait: Annon solidæ virtutis vir dici potest? Philosophus respondit: Necdum scio. Quomodo enim scire possim an ipse obtinuit solidam animi veramque virtutem.

f. 7. p. 1.

IDEM discipulus *çai-cham* rursum percontans ait: Olim Regni *çai* Præfectus *çai çai* nomine, occiderat ejusdem Regni & Regem: Tum alter ejusdem Regni Præfectus *Chin ven çai* dictus, immane parricidium execratus, tametsi ratione dignitatis & muneris sui, quod tum gerebat ibi commodè splendideque viveret, habens equorum decem quadrigas, seu, quadraginta equos; hæc tamen omnia ultrò reliquit, & profectus pervenit ad aliud Regnum: Ubi cum improbos item

Præfectos, Regique parùm fideles offendisset, illicò ait : Hi Præfecti similes & ejusdem omnino fatinæ sunt cum nostrate Præfecto *qui çu* : Nihil itaque negotii mihi cum illis sit. Profectus ergò inde, pervenit ad unum aliud Regnum : Ubi similiter offendens improbos Præfectos, illicò etiam ait : Et hi etiam similes omnino sunt nostrati Præfecto *qui çu*. Quare inde quoque abiit profectus aliò. De hoc viro quid tibi videtur ? *Confucius* respondit : Dici sanè meretur, qualis re ipsâ fuit, vir purus & integer. *çu cham* iterum quærit : sed solidæ virtutis vir fuisse dicendus est ? *Confucius* respondit nescio : Cùm enim vera solidaque virtus in intimo corde lateat, & in externis certò deprehendi nequeat ; quomodo ego assequi illicò aut scire possum, an ipse veram solidamque virtutem acquisiverit.

p. 2. §. 1.

OLIM Regni *Lu* Præfectus *Ki vên çu* dictus, vir erat morosus & cunctator in expediendis negotiis : Quippe omnino ter secum ipse perpendebat singula ; ac tum demùm exquebatur. *Confucius* hæc audiens ait : iterum, seu bis expendere maturè omnia, hoc enim verò convenit : nec opus est deinde cunctari diutius ac deliberare ; ne dum justo prudentiores sumus, contra ipsam prudentiam vel maxime peccemus.

§. 2.

Confucius ait : *Nim vù çu* Præfectus Regni *Guéi*, quando in Regno, seu domo Regiâ, viget probitas, prudens audit apud omnes. Si quando autem Regnum est sine lege ac probitate sic ut perturbari incipiat ac periclitari ; ipse tempestatu subducens sese, sic latitat, ut à vulgi oculis remotus, prudentiâ suâ & consilio fulcire labantem Rempublicam non cesset : Cæterùm quia hæc privatus, & clam præstat ; ipse tum rudis audit, meticulosus & ad res gerendas imperitus : At ego sanè sic judico quod ad ejus prudentiam, quâ pacis tempore in regno eminet, facile possit quis pertingere illumque imitari. At verò ad prudentissimam ejus ruditatem illam, dum perturbata sunt omnia, incolumitati propriæ publicæque consulentem, non potest nisi difficillimè & à paucissimis pertingi.

f. 8. p. 1.

Confucius cum esset in Regno *Chin* ; videret doctrinam suam non admitti ; Revertar itaque, revertar in patrium Regnum *Lu* : Saltem populares mei adolescentes discipuli, ut sunt altioris spiritûs ad summa quæque adspirantis, & interiora communiaque aspernantis, ita ad elegantiam & ornatum contextunt orationes suas & lucubrationes ; nec sciunt interim quid & qua ratione castigent ; ignari scilicet regulæ illius secundum quam solemus quidquid est nimium, ultraque fines recti luxurians prudenter amputare.

p. 2. §. 1.

p. 2. §. 1.

Confucius dixit : *Pë y* & *Xô c'* filii Regis Regni *Cu ch'* (de quibus parte 4. agetur) Non reminiscabantur , sive , non revocabant in memoriam præterita aliorum scelera. Licet odio haberent improbos propter scelera sua , si tamen serio resipiscerent ; sic eos complectebantur , ac si nihil unquam peccavissent. Querelarum igitur & obmurmurationum de istis quidem Principibus fuit usus longè rarissimus : Adeò chari erant omnibus , graves odiosique nemini.

§. 2.

Vi sem cao vir erat in opinione quidem vulgi admodum syncerus & candidus : Sed *Confucius* , qui observarat hominem , ut ostendat quam obnoxia sint errori judicia multitudinis imperitæ , unam exponens ipsius actionem sic ait : Ecquis , obsecro , dicat *Vi sem cao* virum esse rectum & syncerum , quandoquidem nuper uno aliquò petente ab illo acetum ; cum ei reverà non esset , non hoc tamen ingenuè fassus est ; sed contrarium simulans clam mutuum petivit à suo vicino , & petenti dedit. Porò videant nunc , qui candorem hominis usque adeò deprædicant , an res ipsa famæ respondeat.

f. 9. p. 1. §. 1.

Confucius aiebat : Affectata compræ orationis verba , quibus mulceas ac titilles hominum aures ; affectatam item blandi oris speciem qua aliorum oculos allicias : Nimias denique cerimonias , quibus aliorum gratiam animolque capres ; artes scilicet industrialque levium hominum atque fallacium , ad voluntatem loquentium omnia , nihil ad veritatem ; verbo , adulatorum ; insignis quidem vir ille *ç'o kieu mim* erubescerebat & damnaabat : Et ego quoque non minus erubescere & damno. Præterea mutua hominum inter se consuetudo , fidem & candidam veritatem vel maximè postulat : Itaque regere odium animo conceptum & iterum falsis simulatæ amicitie officiis prosequi cum ipsum hominem quem revera oderis vir ille sapientissimus *ç'o kieu mim* item erubescerebat oderatque , sed & ego quoque detestor & erubescere.

§. 2.

Discipuli *Ten ywen* unus , alter *Ki lu* , vel *çu lu* soli adstabant lateri *Confucii* Magistri sui , tum *Confucius* ad illos conversus ait : Cur non uterque mihi exponitis vestrum animi propositum ac desiderium ?

§. 3.

Cu lu prior respondens ait : Desidero ego currus & equos ; indui- que bonis ac levibus pellicis ; & hæc omnia cum amicis habere communia ; eisdem quoque res meas atterentibus longo usu & prorsus absumentibus tamen nequiquam indignari ; nec id molestè ferre.

§. 4.

Discipulorum alter *Tan-yuen* deinde item respondit : Ego vero desidero non ostentare, aut inaniter jactare, si quæ in me sunt bonæ; nec extendere vel amplificare merita mea coram aliis.

p. 2.

TUM illorum alter *su lu* ait: Desideramus nunc audire tuam sententiam, desiderium ac votum. Tum *Confucius* respondit: Quod ego imprimis expeto, hoc est, ut ii qui jam grandes nati sunt, placidè quiescant, foveantur ab omnibus & observentur: ut amicos inter & æquales mutua fides constet: ut, qui minores ætate sunt, qui valetudine, viribus, conditione cæteris inferiores amantè & benignè foveantur: Verbo, votum generis humani, votum meum est.

f. 10. p. 1. §. 1.

Confucius ait: Actum est, prohi dolor! Quotus enim quisque reperitur hac ætate nostrâ, qui summet severus censor sit, idemque testis, accusator, & Judex: Ego quidem nondum vidi quemquam hujusmodi, qui vellet, inquam, agnoscere suam culpam, & intus, id est, pro interiori illo mentis suæ quasi tribunali semet in jus vocare, seseque reum agere, debitaque exigere pœnas.

§. 2.

Confucius ait: In quolibet quamvis ignobili & parvo, exempli gratiâ, decem nec amplius, domorum pago, utique dantur aliqui synceri homines ac veraces (qualis & ipse sum) proprio quodam naturæ beneficio tales. At non dantur æquè ut ego amantes discere & proficere.

§. 3.

Confucius laudaturus discipulum suum *Gen-yuen* ait: Discipulus meus *Tum* vir est admodum moderatus, lenis, minimèque minutus ac tetricus, dignus proinde, quem faciant Austrum versùs respicere, sive obverso ad meridiem vultu confidentem jus dicere: Id est, dignum judico præfecturâ. Nam apud Sinas non tantùm Regis aula, sed omnium etiam Præfectorum Regionum tribunalia Austrum respiciunt.

p. 2. §. 1.

MODO memoratum discipulum *Tum*, seu *Chum cum* cupido incescit percunctandi de *çu sam pè çu* dicto, quem studio & indole sibi haud absimilem esse novèrat; magistrum itaque interrogavit de *çu sam pè çu*, quid ipsi videretur? *Confucius* respondit: Potest, seu, dignus est, & ipse magistratum gerere: vir enim moderatus est nec qui minutiis intentus, majora negligat.

Hæc çu sam pè çu oriundus è Regno Lü (quem non injuriâ quis vocet Diogenem Sinicum) Magnus fuit vel summet contemptor, vel certe gra-

vicacis elegantiaque Sinice : lacervis incedebat vestibus & sine pileo, adeo non erubescens paupertatem suam, ut ostentaret potius ; dicere solitus : Nec cælum clam tegit omnia, nec terra clam sustinet omnia : quo pacto igitur cælum ac terra velint me tegere paupertatem ? Facetum illud quod de ipso traditur : Confucius visendi gratia adibit hominem : At is discooperito ut erat capite tantum hospitem excepit : hanc leviter ea res Confucii discipulos offendit, quod, neglecto rivi operiti capitis hospitem saluaret : qui adeo, quorsum (inquit) & Magister adis hominem usque adeo agrestem & rusticum ? Ad quos Philosophus : Placet mihi recti hominis simplicitas ; rusticitas utique non placet : At huic ego mederi pervelim. Ipsum deinde cum iam pè cum quod is vicissim pararet salutare Confucium discipuli sui gravitate Confucianâ nihilo minus offensi, deborabantur scilicet : Quibus ille non auditis : Eundem est, inquit : nam integritas hominis mihi placet, gravitas non item : At huic ego mederi desidero.

§. 2.

AD hæc *Chum* cum quaerens ait : ut quis domi suæ secum ipse severus sit & rerum quamvis minimarum rationem exigat ab se, & sibi peccatum est, etiam pœnas ; At verò foris, & dum gerendæ sunt res publicæ, tunc uti remissione quadam indulgentiæque in gubernando suo populo nonne expedit ? Contrà verò domi suæ, id est, in suâ ipsius personâ, seu, secum ipso remissum esse, sibi indulgere ; & dum gerendæ sunt res publicæ similiter esse remissum, nonne hæc est nimia planè remissio, & quæ cedat in damnum non unius tantum, sed multorum ?

§. 3.

Confucius supradictum discursum approbens ait : Discipuli mei Tum verba omnino vera sunt.

f. II. p. 1.

NGAII cum Regulus Regni Lu quaesivit ex Confucio de discipulis ipsius, ecquis eorum esset præ cæteris studiosior. Confucius respondit : Fuit mihi discipulus *Tên hoi* admirabili quodam ardens studio discendi & proficiendi. Itaque omnino non transferebat is seu exerebat iram vel in homines vel in res, à quibus lacessitus fuerat. Neque is etiam his unquam peccabat. Sed infelix abruptâ vitâ meo ac bonorum omnium dolore immaturè obiit (ætatis scilicet anno trigésimo secundo) terris tantum ostensus. Nunc igitur ipso mortuo, ego adhuc quidem non cognovi quemquam, nec audiui, qui pari flagraret studio virtutis ac sapientiæ.

f. II. p. 1. §. 1.

HOC paragrafo discipuli commendant Confucii Magistri sui aequitatem in conferendis beneficiis. Nam discipulo cum bona fortè missa ob publica quædam negotia in Regnum si, jussu Confu-

cii; discipulorum alius *Gen su* dictus, pro ipsius condiscipuli matre apud *Confucium* tunc Magistratu fungentem intercedens rogavit ut præberetur eidem milium per modum annonæ. *Confucius* respondit: Detur ei una mensura *Fu* dicta, quæ è minoribus est. Verùm cum parum id esse videretur; rursus patrocinator, rogavit augeri mensuram: Et *Confucius* respondit: Detur ei major mensura *Tu*, sed cum hoc etiam auctarium tenue esse videretur; ipsemet *Gen-su* promens de suo, præbuit ei milii quinque mensuras grandes *Pim* dictas, utique prodigâ, & majore, quàm par erat, liberalitate.

§. 2.

Confucius, memoratam discipuli sui *Gen-su* liberalitatem, uti nimiam, damnans; ne putes (inquit) avaritiâ quâdam, sordidâve parsimoniâ factum esse, quod non jussim præberi amplius. Et enim condiscipulus tuus *Che su* (idem est qui *su ho*) profectus in Regnum *si* conscendit splendidum & probè pastum equum, & induit sese levibus optimisque pelliceis, quippe dives ipse ac locuples. Atqui, quod semper ego audiivi vit probus ac prudens largitur egentibus, non autem superaddit divitibus.

§. 3.

Confucius in Regno *Lu* primi ordinis gerens Magistratum, discipulo suo *Tven su* ibidem oppidi Præfecto sic tamen ut ipsimet *Confucio* pareret, præbuit in censum præfecturæ, quam exercebat, novies centum (non exprimitur species mensuræ, aut rei in censum datæ) at ille recusavit.

§. 4.

Confucius factum improbens ait: Ne recuses stipendia à Rege statuta. Si superflua familiæ tuæ sunt, admittas tamen, ut dispertiaris inter tuas villas, pagos, vicos, & oppida curæ tuæ commissa, in quibus utique egeni & pauperes.

P. 2.

*S*enescentes olim ad sacrificia tantum adhibebant animalia unius coloris: ipse verò color alius fuit atque alius pro varietate temporis & familiarum, penes quas fuit Imperium. Tempore Imperii *Cheu* rufus erat in pretio. *Confucius* igitur loquens de discipulo suo *Chum cum*, eumque sub appositâ metaphorâ laudare volens, ait maculose seu vericoloris vaccæ filio sive vitulo, rufo toto & instructo, suis cornibus eleganter rotundis: Tametsi hominum plerique velint non uti ad sacrificium, eò quod natus sit ex maculosâ matre: Anne etiam montes & flumina (præfides, inquam, montium fluminumque spiritus) illum idcirco respicient, si offeratur? Haud opinor. Ita ergo discipulus hic meus, tametsi pater ei sit vilis, & abjectæ conditionis homo, variis item notatus vitiorum maculis, adeoque maculosi bovis instar; ipse, tamen virtute insignis,

ruffi

rufi instar est viruli. Uti igitur stulto certè improboque filio, nec virtus patris ac sapientia ornamento esse potest; nec improbitas stultitiæque patris fraudi esse debet probo filio & sapienti, adeoque digno qui ad publica munia adhibeatur.

f. 13. p. 1. §. 1.

Confucius aiebat: Solus *Hoei* discipulus erat cujus animus sui victor trium mensium spatio, nunquam amittebat hanc virtutem *Gên*.

Virtus Gîri est illa interior & solida animi perfectio quâ fit ut naturale lumen calitus inditum constanter sequamur, sicut à suscepto cursu ne exiguo quidem temporis momento desiliat.

At verò cæteri discipulorum meorum, uno quidem die, nonnulli etiam mense uno satis animosè dant operam excolendo animo, victoriæque sui; adeoque pertingunt & ipsi, quò tam impigritè fortiterque contendunt: Sed enim non est perpetua quædam vis atque contentio: consistunt tandem, & mox aguntur retro; & non sine labore parta, repente amittunt.

§. 2.

Ki cam cū Præfectus Regni *Lu* quærit à Philosopho, an *Cbûmyên* discipulus ejus possit admoveri gerendæ Reipublicæ? *Confucius* respondet: Discipulus meus *Tên* vir est haudquaquam lentus, aut timidus; sed admodum certi promptique consilii, quique adeò lites qualibet sapienter decidere, & quæcumque etiam intricata difficiliaque negotia expedire queat: In gerendo igitur magistratu quid habeat, obsecro de quo laboret? Præfectus rursus quærens ait: Discipulus tuus *Sû* potestne admoveri item gerendo magistratui? Respondet Philosophus: Discipulus meus *Sû* est perspicacis & omnia penetrantis ingenii, quo rerum causas, negotiorumque rationes omnes ac fines perquam facillè cognoscit: In gerenda itaque præfectura, quid habet negotii vel difficultatis? Tertium quærens ait: An etiam *Kiêu* discipulo tuo potest injungi administranda Respublica? Respondet *Confucius*: *Kiêu* discipulus meus arte valet & ingenio ad res omnes idoneo: ad gerendum itaque magistratum quod attinet, quid impedimenti quæso habet, quominus cum præclarè gerat?

p. 2.

Ki xi Colaüs Regni *Lu*, vir improbus misso nuntio jussit *Confucii* discipulum *Mim cû kien* agere *Pi* oppidi sui Præfectum: *Mim cû kien* ut erat vir probus & integer nuncio dixit: Quæso te, optimis verbis pro me recusa ac deprecare onus, quod usque adeò reformido. Certè si contigerit, ut excusationem non admittat, & tu iterum revertaris ad me cum eodem mandato; tunc ego necessitate compulsus fuga mihi consulam, & consistam ad flumen *Vên* in

ex eo Regno ꝑi. Præclarus sanè Philosophus, qui dignitatem & censum ab improbo delatum, exilii molestiis posthaberet.

f. 14. p. 1.

VETUS erat mos Sinarum, ut qui decumbebant ex morbo, lectulum collocarent ad Borealem fenestram domus suæ, oppositi directè meridionali plagæ ejusdem domus. Quoniam verò simillimus quoque situs erat Regis, quotiescumque is confidebat, ut scilicet obversus Aquiloni, Meridicm recta fronte respiceret: idcirco, si quando Rex viscebat ægotantem, stratum hujus ad Meridionalem cubiculi partem sine morâ transferebatur, tantoque hospitii locus honoratissimus, uti par erat deferabatur. *Pe niem* itaque discipulo *Confucii*, fortè ægotante eumque visendi gratiâ adeunte *Confucio*; voluit is honore quanto poterat maximo excipere Magistrum; stratumque suum non secus ac si Regem prætolaretur, transferri jussit. At *Confucius* rem subodoratus, & certus haud admittere honorem uni debitum Regi, peramicè quidem percontatus est discipulum de suâ valetudine; cæterum ab ingressu cubiculi abstinens sese, forinsecus ex ipsâ fenestrâ, ad quam æget applicuerat lectulum, apprehendit ejus manum; cæteraque notans mortis indicia, ingemiscens ait: Moriendum est. Hæc est cali voluntas. Proh dolor! fieri ne potest, ut cum talis ac tantus vir sit, tamen habeat talem morbum; fieri ne potest, ut cum talis ac tantus vir sit, tamen habeat talem morbum!

p. 2. §. 1.

Hilarem pauperiem, frugalitatemque discipuli sui *Ten hoëi* celebraturus *Confucius* ait: O quam sapiens ac probus erat *Hoëi* discipulus meus charissimus! Cum uno quâsillo seu fiscella orizæ coctæ in cibum, & unâ scutellâ aquæ in potum contentus & alacer, degrebat in vili desertoque plateæ angulo. Cæteri homines utique non valerent sustinere hanc ejus tantam in victu cultuque asperitatem; adeoque plenam tardiorum, ut autumant, mœstamque vitam. Sed enim magnus ille Philosophus *Hoëi*, sui semper similis nullo modo mutabat suam lætitiâ. O rarum! ô verè sapientem virum discipulum meum *Hoëi*.

§. 2.

GEN *Kiêu* remissioris animi discipulus cum *Confucio* Magistro suo colloquens ait: Non est quidem quod ego non amem æstimemque tuam, *Confucii* doctrinam & quod idèò parum in ea proficiam; Sed vires meæ non sufficiunt. *Confucius* respondit: Vires cui non sufficiunt is in medio viæ consistit. Nunc autem tu, mi bone vir, per socordiam viâ nondum cæptâ tibi terminum ipse statuis.

f. 15. p. 1. §. 1.

Confucius alloquens discipulum suum *ph-hia* ait: Tu, mi discipule, unus esto de perfectis illis, verèque magnis ac Regiis literatis: Haudquaquam sis de literatulis illis, seu vilibus improbisque literatis.

§. 2.

Cu yen discipulus *Confucii* olim agebat oppidi *Vu-chim* in Regno *Lu* Præfectum. *Confucius* eò divertens, percontans ait: Tunc in hoc oppido nactus es egregium virum tibi familiarem? Respondit discipulus: Est hic vir unus ex familiâ *Tan tai* nomine *Miè mên*, homo perquam serius & rectus; qui per Regiam virtutis viam incedens, nunquam declinat ad obliquas privatarum affectionum semitas. Itaque nisi detur publicum aliquod negotium, non admodum frequens venit etiam ad meas, amici tamè sui, sedes.

p. 2.

Confucius laudans Præfectum exercitûs *Mem chi fan* à singulari quâdam modeltiâ, admirandus sic ait: *Mem chi fan*, nunquam se jactat. Nuper quidem ardente bello inter regna *Lû*, & *çi*, cum inito fortè conflictu funderetur exercitus noster, cum jam strages cum fuga fieret, ipse tum præsentî animo in extremo agmine persistebat, victoris impetum reprimens, impigrè munus obiens ducis pariter militisque. Ubi verò plerisque suorum in tuto positis, ipse etiam jamjam ingressurus erat propriæ urbis portâs; tùm videlicet stimulavit suum equum, postremus omnium incedens, & dixit: Haud equidem fuisset ausus ego accepta clade postremum tenere agmen fugientis exercitus, sed enim equus hic meus lassitudine fractus non progreditur.

f. 16. p. 1. §. 1.

Confucius videns in Regno *Gaei* promoveri eos dumtaxat qui valerent gratia vel dilecti oris vel venusti, ingemiscens ait: Nisi cuiquam fuerit vel *Chô 18* Præfecti loquacitas vel verè fuerit venustuli illius *Sum chao* lepor & elegantia, difficile est evadere ab hoc præsentî sæculo, nec insidiis invidorum, odiisque & injuriis inimicorum opprimi.

§. 2.

Confucius ait: Quis autem egrediatur domo, & non per ipsos egrediatur postes domûs? Cur igitur non procedimus per ipsam viam? Cur inquam non simili ratione quidquid negotii suscipimus, quidquid aggredimur rerum, per ipsam cujusque rei convenientiam & propriam quasi viam postemque ingredimur, & perducimus ad finem, quem nobis ipsi præfiximus.

§. 3.

Confucius ait : Si simplex naturæ indoles excedit exteriorem ornatum & compositionem, id est, si natura sibi prorsus relicta sit, nihilque vel subsidii, vel ornamenti acceperit ab arte, vel culturâ tum illa procul dubio rude quid erit, rusticumque & agreste. Contra siars, seu veriùs ornatus ille cultusque, exterior, excedit naturalem, illam simplicitatem; tum affectatum, nescio quid, merè politicum & merè concinnulum existet. At verò si interiori naturæ simplicitati & candori exterior ille cultus & ornatus ita societur, ut citra excessum alterutrius vel defectum sibi mutuo gratâ cum diversitate, sed & iustâ cum proportionem respondeant : Tum demum verus existet *Kin su*; existet (inquam) illustre quiddam & numeris suis absolutum, viri scilicet gravis ac politi pulcherrima sanè species : Sicut & pulcherrimam solet officere in ipso quoque corpore, apta figura membrorum cum suavitate quadam coloris conjuncta.

p. 2. §. 1.

Confucius ait : Homo nascitur rectus. Depravatur ? Tum vivere illum, & mortem evadere, fortuitum ac immeritum quid est.

§. 2.

Confucius agens de tribus quasi classibus hominum virtutem profitentium, sic ait : Ii qui intelligunt ac satis perspectum habent quid sit virtus, & quantoperè sit expetenda, non sunt æquiparandi cum iis, qui amant, id est, qui virtutem studio affectuque prosequuntur, sed hi quoque virtutis amantes non sunt æquiparandi cum illis qui jam læti potiuntur eo quod amant.

§. 3.

Rectam docendi alios rationem traditurus *Confucius* sic ait : A mediocri ingenii hominibus sursum ascendendo, possunt utique proponi sublimiora, quippe capient, discantque feliciter. At verò à mediocri ingenii hominibus deorsum descendendo, non possunt proponi sublimiora : Quippe tam ipsi, quàm qui docere ipsos voluerint, oleum & operam perdent.

f. 17. p. 1.

Discipulus *Fân ché* Magistrum suum percontatus est de Prudentiâ, seu prudente. *Confucius* respondit : Quisquis enixè dat operam humanis, seu iis quæ hominem maximè condecant virtutibus : Veneratur item spiritus, & cum iisdem nonnisi eminè agit, hic demum potest dici verè prudens. Discipulus *Fân-ché* percontatus est de virtute *Gân*, seu de interiore, eaque solidâ & consummatâ virtute. Respondit *Confucius* : Veræ solidæque virtutis homo si primùm laboret, & postea obtineat; tum poterit dici veræ solidæque virtutis homo.

p. 2. §. 1.

p. 2. §. 1.

Confucius ait : *Æqui* verique perspicaces industriique homines gaudent aquis : At verò solidæ virtutis viri gaudent montibus. Illi quippe, id est, æqui verique perspicaces homines, non aliter quàm fluenta quædam in perpetuo sunt motu; dum res, causasque rerum indagant; dum alia ex aliis deducunt, semperque agunt quid & moliantur : Isti verò, id est, solidæ virtutis viri, montium instar in perpetua quiete firmi immobilesque persistunt. *Æqui* verique perspicaces viri quidem jucundè vivunt; virtutis autem possessores, quia tam placidè, tam tranquillè; idcirco etiam diu vivunt.

§. 2.

Confucius ait : Regnum *çi*, si fortè fortunâ restaurabitur aliquando, simul atque mutatio illa in melius, seu restauratio continget, vix tamen ipsum pertinget ad præsentem Regni nostri *Lû* statum. At verò Regnum *Lû* simul atque simili mutationi seu revocationi locum dabit; assequetur illico Præscorum Regum suorum virtutem, & regendi institutum. Cum enim civilis illa comitas & observantia, etiamnum vigeant, nihil in eo magnoperè desideratur, nisi ut restauraret ac renovet propè jam collapsam clementer ac justè subditos regendi rationem.

f. 18. p. 1. §. 1.

Confucius ut doceat, unumquemque mortalium vel implere nomen suum oportere, vel certè deponere; simili utitur petito à tabellâ quadratâ vulgo *cw* dictâ, quâ olim Sinæ papyri loco utebantur ad scribendum : Ait itaque : Tabella illa quadrata *cw* nisi quadrangularis fuerit, quadrata qui diceretur ? Si Rex quæ Regis, si homo quæ hominis sunt non exerceat, quomodo dici potest Rex vel homo ?

§. 2.

CAI ngo discipulus virtutem (pietatis imprimis) Sectari se profitebatur, cum tamen virtutis hujus naturam ac proprietates necdum satis ipse petiperet : Magistrum itaque interrogans ait : An homo verè pius, aliorum amans, talis esse debet, ut tamen si non nisi incertæ fidei quispiam nunciet dicatve in puteo esse hominem qui periclitetur, ipse è vestigio nuntiantem prosequatur, ac cum periculo capitis sui in puteum se demittat ? Ad hanc discipuli quæstionem *Confucius* respondit : Quorsum faciat is hoc modo ? vir perfectus, tenetur ille quidem succurrere periclitanti : Sed non tenetur neque licitè potest cum præsentissimo discrimine, quo fiat, ut nec alteri nec sibi consulat, quocirca expedit decipi, non tamen expedit perire.

P. 2. §. 1.

Confucius ait: Verus Philosophus amplissimo quodam versatur studio in libris scientiisque omnibus; omnia examinans restringit, exigitque ad regulam rectæ rationis. Et sic quidem fieri poterit, ut is a veritate & virtute nunquam declinet.

§. 2.

Confucius olim in Regno *Guei* Magistratum gerebat, Imperante *Lim cum* Rege. Porro conjugem Regis *Nan-gu* dictam cupido incessit Philosophi: Philosophus haud ignarus feminam esse deterioris famæ, semel iterumque congressum excusarat. Sed cum instaret illa (quippe moris tunc erat, ut quotquot magistratum gererent, etiam Reginæ sisterentur) *Confucius* offensionem metuens adivit tandem Reginam *Nan-gu*. Discipulus *gu-lu* non admodum probavit factum Magistri. Sed enim *Confucius* egregio conscientiæ suæ fretus testimonio, haud cunctanter obstringens se jurisjurandi religione sic ait: Ego si quid iniqui seu flagitiosi in animo admisi, si quid peccavi; cælum me excretur! cælum me excretur!

Idem *Lim* cum, uti memorant *fusti Sineses*, dum quodam die cum *Nan-gu* Reginâ urbem *Iustras* uno eodemque vestitus curru obvium forte *Confucium* compellens invitavit, ut in unum ex curribus qui Reginum pone sequebantur, conscenderet: At *Philosophus* immodestâ tantâ viri faminaque, tamen conjugium, eodem curru confidensiam vehementer offensus non sine stomacho oblato currus honorem recusans discessit.

f. 19. p. 1. §. 1.

Confucius ait: Aurea mediocritas, seu medium tenere in omnibus etiam quotidianis & ordinariis actionibus, hæc demum est veræ perfectæque virtutis. At hæc quam ardua & sublimis est! Mortalium paucorum illam esse jam vetus aliquid est. vetus malum: vetus quærela est.

§. 2.

Discipulus *gu cum* agens de virtute illa *Gin* quatenus pietas vocatur de illa consulens *Confucium* sic ait. Si detur ergo quispiam largissime beneficia conferens in alios, itemque potens opitulari omnibus, quid tibi videtur? An, ejusmodi qui sit, poterit censeri ac dici verè pius. *Confucius* respondit: Quomodo res ista à pietate hujusmodi quam affers perficienda? necessaria quoque hic est sanctitas. *Tão* & *Xún* ipsi hinc quoque laborabant: & ad hoc impares vires suas esse sentiebant huic virtuti assequendæ.

p. 2. §. 1.

EST igitur sanctitas illa vel charitas pietasve quam exigo, mi discipule, affectio animi constans & consentanea rationi, quæ quis abjectâ propriæ utilitatis commodivè curâ, totius orbis homines amplectitur, haud secus, ac si unum quid idemque secum fo-

LIBER TERTIUS.

35

rent; atque adeò communem cum iisdem sensum tam inter prospera, quàm adversa & habet & prodit. Exempli causa huiuscemodi pius ipsemet desiderans erigi ac florere, protinus consilio, & ope & operâ, etiam erigit quoscunque alios, quos vel nativa tenuitas, imbecillitasque depressos humi teneat, vel gravior fortunæ casus ex alto dejectos affligerit, prostraveritque. Similiter ipsemet volens feliciter res penetrare; non sustinet videre alios, qui vel errant cœci, vel laboribus ac difficultatibus victi succumbant; sed ipse per se nihil non tentat ac molitur quo opituletur & his & illis, atque ita etiam penetrare facit alios & perfringere objectas difficultates, & ex errorum ignorantizque tenebris feliciter tandem eluctari. Hæc porrò charitas pietasve, ubi mortalium animis semel infederit; tum verò totus orbis unius erit instar familiæ, quin & hominis unius instar homines erunt universi, & quidquid ubique rerum est propter admirabilem illum summorum, mediorum, infimorum inter se mutuò nexum atque ordinem, unius & ejusdem substantiæ esse videbitur.

§. 2.

ALIOS itaque diligamus, sicut nos ipsi diligimus: Alios ex nobis metiamur: Labores aliorum & commoda ex nostris æstimemus. Denique, ut paucis omnia complectar, nosse è propinquo (sive à nobismetipsis) desumere seu instituere comparisonem ad alios, quibus adeò contingere velimus aut nolumus id omne, quod ipsi nobis contingere volumus aut nolumus; hæc demum potest dici virtutis *Gîa*, seu memoratæ jam charitatis ac pietatis exercitandæ ars ac regula.





LIBRI TERTII

PARS QUARTA.

Fol. 1. pag. 1. paragr. 1.

CONFUCIUS ait : Præco sum , seu relator , & non author doctrinæ , quam palàm facio. Credo , & amo antiquitatem , ex quâ studiosè suffuror , & excerpo quæ ad rem meam sunt ; imitatus in me ipsò famosum illum senem Pûm : Quippe qui prior veterum monumenta simili conatu , tradidit posteritati.

Narrant Sineses hunc Lao Pûm septingentos vixisse annos vegeto semper corpore ; attigisseque tempora familiae Xam ; quâ imperante magistratum quoque gesserit.

P. 2. §. 1.

Confucius ait : Vacare silentio , & , quæ seu vidimus , seu audivimus , recolere memoriâ ; Seriò constanterque dare operam studiis , & non affici tædio : docere alios , nec frangi vel fatigari docendi labore : Tria hæc quo pacto fuerint in me aliquando ?

§. 2.

Confucius ait : virtutem non coluisse studiosius ; de optimis scientiis ac disciplinis non disseruisse crebrius ; audivisse quæ recta & consentanea rationi sunt , nec tamen valuisse ad ea me transferre ; denique vitia non valuisse pro voto emendare : hæc , inquam , quatuor sunt meus dolor , & justa mororis causa.

§. 3.

Discipuli Magistrum suum *Confucium* hoc elogio passim celebrabant , *Confucius* magister noster , inqueiebant , quotiescumque solus & à negotiis libet domi degebat , quam erat jucundus & affabilis , quam explicato serenoque animo ! Quam comis ac placidus !

f. 2. p. 1. §. 1.

f. 2. p. 1. §. 1.

Confucius jam senior, dicebat : Magna sanè est mea nunc imbecillitas. Nunc diu est quod ego non amplius (uti olim cum ætas vigeret) per somnium videam magnum illum magistrum *Chen cum*.

§. 2.

IN hoc paragrafo , & quatuor sequentibus declarat Philosophus, quo tandem modo consummetur ac perficiatur virtutis studium, sive, quid agendum sit virtutis studio, ut in eâ perfectus evadat. *Confucius* itaque ait : Primum mens desigenda in consentaneo rationis dictamine, seu in eo quod ratio à nobis exigit.

§. 3.

DEinde, seriò magnoque animo arripienda, seu apprehendenda virtus.

§. 4.

Tertiò firmiter incumbendum in absolutam virtutis interioris perfectionem.

p. 2. §. 1.

Quartò ut vigeat exercitium, & quæ hoc consequitur facilitas & peritia in bonis artibus officiisque.

§. 2.

MORE receptum jam olim apud Sinas erat, ut qui se alteri instituendum liberalibus disciplinis traderet, primo statim accessu minerval Magistro offerret. Tenuissimum porrò minervalis genus erat fasciculus siccæ carnis decem minimum frustis constans. *Confucius* ait : Quicumque, accesserunt ad me, ut in disciplinam meam admitterentur, incipiendo ab illis, qui offerebant fasciculum siccæ carnis, infimum minervalis genus & ab his ascendendo ad alios qui offerebant lautiora ; horum ego neminem unquam non institui ac docui.

§. 3.

Confucius ait : In scholâ sapientiæ non adhibentem conatum, hunc ego quidem non erudiam. Item non aperientem mihi verbis mentem suam, quia scilicet vel nolit, vel non possit ; cum nec ego intelligam, nec errores ejusdem vel dubia habere poterò perspecta. Denique proponente me unum quadrati angulum, & tamen non ex hoc reliquos tres angulos per se inferenti ; huic certè non repetam amplius eandem frustra crambem.

f. 3. p. 1. §. 1.

LAudant hoc & sequenti paragrafo discipuli Magistrum suum. *Confucius*, inquirunt, funebribus officiis perfunctus, ac deinde solemnes inter epulas ad eorum qui funus duxerant latus assidens ; de appositis cibis vix cogitans, haud unquam famem explebat : tanto scilicet tenebatur luctu desiderioque illius qui obierat.

k

§. 1.

IDEM *Confucius* in ejusmodi funebri die ubertim plorabat defunctum, atque ita prorsus non canebar.

§. 3.

Confucius alloquens discipulum suum *Ten yuen* ait : Qui evocati adhibitiq; ad munia publica, actutum & sine tergiversatione, capeffamus Rempublicam : Rursus qui amissâ dignitate illâ, illicò & sine querimoniâ, molestiave animi, privati latitemus domi nostræ; soli (opinor) ego & tu sumus ejusmodi.

p. 2. §. 1.

Discipulus *cu lu* audiens à Magistro laudari condiscipulum, ut erat ipse bellicæ fortitudinis suæ sibi conscius; si inquit, *Confucius* Magister ducturus esset (*Reverentia ergo presentem in certâ persinâ alligatur, more gentis usitatissimo*) Tres exercitus; tum quemnam sibi adjungeret in collegam.

§. 2.

Confucius, ut vanos simul martiosque spiritus discipuli deprimeret, sic ait : Inermis ac nudis manibus qui aggrediatur indomitam tigrem, & sine rate vel schapha committat icte spatiofo rapidoque flumini : mille item inter mortcs versetur; & tamen non aliquo teneatur metu : Hunc ego sanè nolim mecum copias ducere. Rarò namque temeritas usui fuit, damno quàm sæpissimè, honori nunquam. Necessè est quidem non perturbari in rebus asperis; sed quando se offert discrimen anceps ac improvisum, tum vel maxime præsentis animi uti consilio, & consideratè vigilanterque se gerere. Quamquam multò etiam malim talem & conari, & verò gaudere percipete animo futura & aliquanto ante constituere, quid accidere possit in utramque partem.

f. 4. p. 1. §. 1.

Confucius insanos hominum conatus in coacervandis opibus perstringens ait : Divitiæ si quidem possunt humanis viribus industriisque obtineri; adeas obtinendas, vel Agasinem, si necesse fuerit ego quoque agerem. Si copiar & opes non possunt humanis viribus industriisque comparari, sed à solo cælo dependeant: sequar scilicet ipse quod amo, & teneor & possum, lumen, inquam, ducumque rationis à cælo mihi inditum.

§. 2.

TRIA narrantur fuisse in quibus *Confucius* plurimum vigilantie, curæ & operæ ponebat; abstinentia scilicet, antequam facis operaretur, consuetus cum hoste, morbus.

§. 1.

XAO nomen est seu genus Musicæ ab Imperatore Xûn olim conditæ, quæ continentur virtutes ac laudes magni illius Legislatoris Tao dicti; à quo & ipse Xûn ad Imperii societatem & deinde successionem assumptus fuetat. Confucius ergo collabente paulatim familia Cheu, existens fortè in Regno xi ibique audiens musicam illam Xao; tanto repente sensu voluptatis affectus est; ut cum tertium jam mensem illà pascetur quippe tribus omnino mensibus, non perciperet carniùm, quibus vescébatur, saporem. Enimverò (aiebat ipse) Haud unquam ego existimaveram eum qui composuit hanc musicam, pertigisse ad hujusmodi suavitatem.

p. 2. §. 1.

LIM cum Rex Regni Gnèi habuit filium nomine Quai qui: Hic quòd novercam adultetam occidere tentavisset, à Patre è Regno ejecitur. In vicinum itaque çin Regnum profugit; sed relicto domi filio, cui Che nomen erat. Moritur interea Lim cum. Populus filium profugi Principis in avito collocat folio. Audiunt hoc, qui patrem susceperant. Damnant factum. Rêducunt profugum. Obstitit filius, & clam missâ atmatorum manu, venire prohibet. Inter hæc varii sermones hominum atque sententiæ. Negabant illi, esse licitum filio tenere Regnum vivo Patre & invito: Sed hi contrà excidisse jam pridem jurè Patris & Regni, qui vitæ Matris, tamen non suæ, struxisset insidias. Utique non alteri, quam qui & innocens esset; & filius, deferendum videri sceptrum. Porro sub idem tempus Confucius degebat in hoc ipso Regno Gnèi: Ejus itaque discipulus Gen jen à condiscipulo çu cum, quærit, an Confucius quoque favet eidem Che Regni Gnèi Principi? çu cum, protinus respondit: optimè: ego exquiritam.

§. 2.

REgni çu cho Regi tres fuere filii, maximus natu Pe y, minimus Xo xi dicebatur, secundi non erat nomen. Pater, qui minimum tenaciùs diligebat, eundem mortis jam proximus Regni hæredem denuntiavit. Sed mortuo Patre, subditi majorem natu regnare volunt: Ipsi namque deberi coronam nascendi jure & ordine. Verùm is voluntatem Patris tam juri suo, quam votis suorum anteponebat, Regnum fracti uterò cedit. Sed & hic non minùs memor fraternæ charitatis, quam aker filialis observandæ; fratrem, quod primo loco genitus sit, ad suscipienda Regni gubernacula constanter urget. Certamen hoc tam raræ gratiæ cum perquam diu tenuisset; & neuter alteri persuadere potuisset, quod utrique suo quodam jure debebatur; ut tam inultatæ contentioni finis tandem fieret, ambo clam suis generosa tandem fugâ ex aulâ in solitudinem se contulere, victores ambo, victique. Secundus itaque fratrum relictum à

maiore minimoque regnum, communi populi ac procerum consensu suscipit. Porro certamen hoc fratrum, uter alteri coronam cederet, contententium, ei certamini, quod (ut paulò supra memora-
vimus) tunc Patri erat cum filio, prorsus è diametro opponebatur. Discipulus itaque *cu cum* per ambages Philosophi sententiam callidè exquirens; ingressus est ut Magistrum consuleret, duo fratres, inquit, *Pe y & Xo. si* cujusmodi fuerunt homines? Philosophus quo tenderet illa percontatio, animadvertens, respondit *Pe y & Xo si* omnino fuerunt è priscis spectatæ virtutis ac sapientiæ viris. Discipulus *cu cum*, instat, & ait: Sed num credibile est sibi constitisse, non eos poenituerit deinde facti sui, fugæque? Tum *Confucius* in hoc facto, inquit, ambo quæ siverunt veram virtutem, & invenerunt veram virtutem. Numquid igitur eos poenitudo subierit ubi error nec peccatum præcessit? Satis hoc responso declarabat *Confucius*, quid de improbo *Che* paterni principatûs invalore sentiret; quippe dum sic laudabat à virtute ac sapientiâ illos, qui invicem Regno cessarent, damnabat utique eum, cujus impia temeritas & ambitio debitam Patri, quamvis fonti, pietatem violarat. *cu cum* igitur egreditur, & condiscipulo suo *Gen yeu* ait: *Confucius* haudquaquam faveat *Che* Principis facticni.

f. 5. p. 1.

Confucius aiebat vescor ferè admodum vulgari parabilique cibo; potò lympham, & dum brevi somno reficio vires, insecto cubitum, capitique subjicio & is mihi pro cervicali est. Hoc interim affirmo, quòd sua Philosopho voluptas etiam constat hæc inter. Habet omnino suas virtutis delicias, nec dias inter asperitates. Quisquis autem expertus virtutis est, etsi idem sit dives & opulentus, adeoque sicut ferè usu venit, honoratus; apud me certè quidem erit instar volantis nubis.

p. 2. §. 1.

Confucius septuagenarius aiebat: Cælum si concederet mihi aliquot adhuc vitæ annos, penitus ut perdiscerem doctrinam libri *Te kim*, id est, mutationum; possem, utique, vacare graviori saltem quâcumque noxâ & crimine.

§. 2.

Confucius (uti memorant discipuli) Quæ crebrioribus usurpabat sermonibus, erant ferè tria. Odæ, id est, Sententiæ priscorum Sapientum & Regum, metro ligatæ. Chronica, seu res ab eisdem Regibus ac Majoribus suis vel rectè vel perperam gestæ, Denique studiosè observata & exercita ab eisdem Regibus officia & ritus. Hæc tria, inquam, erant ea ferè omnia de quibus passim disserabat *Confucius*.

f. 6. p. 1. §. 1.

Præfectus civitatis *Xe* homo arrogans, utpote qui titulum *Cum* officio suo longè superiorem temerè sibi vindicabat. Hic, inquam, quæsit de *Confucio* à discipulo *çu lu*, quid scilicet hominis esset Magister suus? *çu lu* non respondit.

§. 2.

Confucius ubi cognovit percontationem præfecti & silentium discipuli; huic ait: Tu quin sic respondisti? ipse est vir ejusmodi, ut non alia de re magis labore, quam ut in suscepto virtutis ac bonarum artium studio assiduè proficiat: In quo si quidpiam non usquequaque assecutus est, hoc ipso contendit exeritque vires omnes & conatus, sic prorsus, ut obliviscatur etiam cibi sumendi, quoad assequatur. Ubi autem assecutus est, tum tantis exultat lætitiis, ut jam non meminerit amplius tristitiæ molestiæque præcedentis; nec advertat senecturem inter hæc jam propè advenisse. Hæc, dico tibi respondere potueras præfecto percontanti.

p. 2. §. 1.

Confucius ait: Ego non sum natus cum sapientiâ (vel, ego non is sum, qui natus illicò sapiens extirerim) sed ab ineunte ætate mea semper amans ac studiosus fui antiquitatis; omnem semper adhibens operam ac diligentiam: Per hæc itaque comparavi illam, quæcumque demum mihi tribuitur, sapientiam.

§. 2.

Confucius (uti memorant discipuli) de quatuor rebus non nisi rarissimè, & quidem brevibus loquebatur. De rebus scilicet exoticis, inusitatis, peregrinis, de monitris, atque prodigiis. De factionibus atque dissidiis, & perturbationibus publicis. Denique de spiritibus, quod eorum virtus, efficacia, natura usque admodò subtilis ac sublimis sit, & ab humano sensu remota, ut de illâ debitorè loqui sit periculum.

p. 2.

Confucius ait: Si vel tres duntaxat homines pariter ambulemus, haud dubiè dabitur in his meus Magister: erunt, inquam, duo ex quibus proficiam. Exempli gratiâ: Probus sit unus, & alter improbus. Mox seligam illius quidem bona, seu virtutes, & sequar imitando: Hujus verò mala, seu vitia tacitus inspiciam, meque ipse discutiam, & si quidem reum me invenero, mox corrigam.

f. 7. p. 1. §. 1.

Transiverat *Confucius* à Regno *Guei* in Regnum *Sun*: Ubi discipulos in umbrâ prægrandis arboris quotidie exercebat. Porro loci præfectus *Von tui* nomine, quia *Confucium* ejusque doctrinam oderat, arborem illam succidi jussit. Perculit ea res discipulorum animos, verentium, ne de tollendo etiam è vivis ipsomet Magistro

cogitaret. At *Confucius* cognito suorum metu sic ait : Cælum siquidem procreavit virtutem, dotemque naturæ in me, cum vita mea à cælo tota pendeat, *Vân tûi* itaque præfectus iste quorsum me sic exagitet ? An pugnare cum cælo tentat mortalis ?

§. 2.

Suspicionem quadam liberaturus discipulos *Confucius*, itane verò, inquit, ô duo tresve discipuli mei, sic de me sentitis, quod ceterum vos quidpiam quod ad virtutis sapientiæque studium spectat ? Atque sic vobis affirmo, quod ego nullâ utor reticentiâ vel occultatione vobiscum. Ego reverà nihil egi unquam, quod non communicarim & palàm vobis discipulis meis fecerim. Talis nimirum sum ego.

p. 2. §. 1

Confucius tametsi, ut modò dictum est, nihil omnino sanæ doctrinæ celaret suos; in quatuor tamen præcipuè eisdem instituebat. In literis, id est, libris *Xi kim*, & *Xu kim*, nec non in liberalibus quibusque disciplinis ac scientiis. Deinde in usu & exercitatione eorum omnium, quæ didicerant : Tertio quartove loco suis assidue inculcabat ut persisterent in firrà proflus ac sincerrâ voluntate agendi quidquid agerent, cum fide constantiæque & cum robore quodam invictæ mentis conjunctâ.

§. 2.

Confucius ait : Hominem sanctum ego adhuc quidem non potui videre; verum, ut queam videre aliquando virum virtute sapientiæque cæteris præstantem; hoc quidem adhuc, fieri poterit.

§. 3.

Confucius etiam; inquit, probum usquequaque & integrum virum; ego adhuc quidem non potui videre. Verum ut liceat mihi videre quempiam qui habeat robur & constantiam in suscepto virtutis sapientiæque studio; hoc enimvero adhuc fieri poterit.

§. 4.

Confucius, non habens, inquit, & tamen simulans se habere, vacuus & inanis doctrinæ, & virtutis, & tamen simulans harum copiam & plenitudinem : exilis ac tenuis, & tamen ostentans magnitudinem nescio quam, & excellentiam : Simulator hujusmodi tametsi fortè per exiguum tempus imponat hominibus, vehementer tamen laborabit in servanda fingendi constantiâ, sic ut non pateat aliquando fraus ac simulatio.

f. 8. p. 1. §. 1.

Confucius, uti memorabant ejus discipuli cum fortè privatus piscationi, aucupioque daret operam, hamo duntaxat & arundine piscabatur, & non retibus. Similiter cum aucupabatur, filo sagittam

adstringebat, quâ prætervolantium avium unam alteramve peteret; & non fectiebat quiescentes.

§. 2.

Confucius ait: Quomodo dantur homines tam rerum ignari, & tamen tam activi & expediti? Ego quidem non habeo hoc saltem vitii: Multis auditis, seligere ex illis optima, & sequi: Multa item videre, & omnium meminisse, ut ex omnibus proficerem: hæc sciendi secunda classis est, cui me applico scilicet.

§. 3.

Locus *Hu biam* difficilis erat ad sermones de virtute suscipiendos; ob incolarum pravitatem aut tarditatem. Adfuit quodam die puer inde oriundus, isque palam se stitit obrulitque *Confucio*, hincrogantem benignus admisit. Videntes hoc discipuli, suboffensi sunt.

p. 2. §. 1.

Confucius id resciscens, sic ait: Admisi nunc ipsum ut intraret in disciplinam meam: non autem admisi ipsum, ut illico repellem. Quorsum igitur hæc vehementia, & offensio vestra? Quotiescumque homo quispiam renovavit sese, ut in scholam ac disciplinam meam admittatur; admittam sanè hanc ipsius renovationem, novæque vitæ propositum. Non autem sponsor sum, & fideijussor pro ipsius vitâ futurâ an sit perseveraturus.

§. 2.

Confucius ait: Virtusne fortassis abest longè à nobis. Ego certè si expeto virtutem, hæc ipsa virtus ad me accessit. Foris quarenda non est, quæ nobiscum nascitur.

§. 3.

Regni *Chin* Mandarinus *Su pai* (muneris publici nomen est) quæsit ex *Confucio*, an *Chao cum* Princeps Regni *Lâ* calleret ritus ac leges? *Confucius* respondit eum callere ritus.

f. 9. p. 1. §. 1.

Confucio abeunte, salutans ipse discipulum *Confucii* fortè sibi obvium *Vû ma ki* dictum, & accedens ad eum ait: Ego quidem semper audiavi virum perfectum non assentari: an igitur, Philosophus quandoque etiam assentatur? Nonne constat Principes ambos regnorum *U* & *Lu* ejusdem esse cognomenti *Ki* scilicet; & tamen Rex Regni vestri *Lu* uxorem duxit ex *U* familia item Regiâ, quæ est ejusdem cum suâ cognomenti, quod Legibus Regni vetitum est: Imò quo felicius res lateret, appellavit nuptam suam non *U mem ki* vero proprioque cognomine; sed *U mem su* ficto cognomine. Perfecto si Rex ille, dum sic illudit ritibus; nihilominus peritus est rituum: ecquis, obsecro, mortalium non sit peritus rituum ac legum licet easdem violet ac contemnat?

§. 2.

V *ma ki* discipulus confestim de his certiore fecit Magistrum: *Confucius* ergo, δ, inquit, me fortunatum! Si enim quid pecco, alii cetero certius id resciant: A quibus moneri queam ut me emendem.

p. 2 §. 1.

Confucius (uti memorant discipuli) unà cum aliis canens, si quidem bellè cani animadverteret, omniino jubebat repeti symphoniam: quâ pascbatur. Mox inde vicem reddens & gratiam, cum reliquis vocem jungens ipse modulabatur.

§. 2.

Confucius ait: Ornatu copiâque vel dicendi vel scribendi nonne ego propè accedo ad alios? Sed ut ipsemet constanter agam virum virtute sapientiâque præstantem; hoc opus hic labor est. Certè ego nondum id sum consecutus.

§. 3.

Confucius ait: Quod attinet ad sanctitatem cum solidâ illa synceri animi perfectione, quibus præditum me vulgo aucumant; equidem ego qui ausim mihi arrogare? An fortasse, id unum significant, in exercitio & conatu, quo ad perfectionem contendo, non me languescere; in docendo & instituendo alios non defatigari? Tunc quidem poterunt dici significare quidpiam: Hoc enim solum & non amplius me posse fateor. Discipulus *Cum si boâ* hæc dicentem Magistrum audiens, & ingemiscens ait: Sanctus & perfectus dici non sustines, sapientissime Magister; idem tamen fateris animum tibi esse in studio virtutis excolendæ alacrem & constantem, in aliorum institutione prorsus indefessum: Enimverò hoc ipsum est quod ego discipulus tuus necdum queo addiscere; & te imitari, quamvis maximè velim.

f. 10. p. 1.

Confucio quondam ægrotante cùm de salute Magistri angerentur; unus illorum *cu lu*, adiens ægrotum rogavit potestatem sibi fieri deprecandi spiritus pro ejusdem incolumitate. Mos enim jam tunc erat, ubi morbus, aliave calamitas quempiam premeret, instituendi deprecationes. *Confucius* scilicet abundus, daturne, inquit, ejusmodi usus deprecandi morbos & calamitates? *cu lu* discipulus respondit: datur utique: antiquissimus enim liber *Lui* dictus sic ait: Deprecamur vos superiores, id est, cæli, & inferiores, id est, terræ spiritus. *Confucius* ad hæc respondit: quod ego ritè venerer ac deprecer spiritus jam diu est. *Cham* colaus & interpret noster ægrotantis Philosophi mentem sic exponit: Quod liber ille vocat deprecari, nihil est aliud, quam, si quid fortè peccatum fuerit, reum se agere coram spiritibus, & facti pœnitentem liberari pœna & calamitate

LIBER TERTIUS.

43

mitate promeritâ; deinde verò quæ fausta sunt prosperaque ab illâ dem flagitare. Ad me quod attinet, adhuc quidem non ausus fui verbo factove quod sciam offendere spiritus; sed hoc egi, per omnem vitam, in hoc elaboravi, ut rationi parerem in omnibus; contra quam si quid peccatum à me est aliquando; protinus id scilicet expiavi ac emendavi. Unde profecto quod ego deprecor spiritus jam diu est.

P. 2. §. 1.

Confucius ait: Prodigus est quispiam luxuique deditus? Ergo nec submissus. Aequo parcior est quispiam? Sordidus? avarus? Ergò vilis idem & abjectus; attamen præ eo quod est non esse submissum, sed opibus ac potentiâ efferre sese, præstat, minùs, inquam, perniciosum fuerit, esse sordidum ac vilem: hujusmodi namque sibi fere uni damno est, ille toti Reipublicæ damno esse potest.

§. 2.

Confucius ait: Vir probus nunquam non æquanimis, tranquillus, ac placidus est. Improbus verò, nunquam non turbato & afflato est animo.

§. 3.

Confucius, (ut testantur ejusdem discipuli) Blandus erat, comis, affabilis; & tamen idem venerandus & compositus: Gravis erat ac severus ubi res postulabat; idem tamen haudquaquam morosus, asper, truculentus. Officiosus, observans aliorum & reverens; sic tamen ut perquam temperatè, suaviter, ac citrà molestiam & fastidium.

§. 11. p. 1.

Confucius ait: Principis *Tai vam* filius *Tai pe*, equidem potest dici summæ fuisse virtutis, & cui nihil addiqueat. Imperium iterum iterumque, cum fratre & generosè cessit: verum tantæ laudis ignara multitudo non valuit heroas suos pro merito deprædicare.

Tai pe & Yu chum filii erant majores nam Tai vam ii cum sciunt minorem natu fratrem Kai lie à patre amari impensius, eique Regnum destinari, in utriusque gratiam spontanei exules australium Barbarorum ditiones petunt, qui ut celent genus suum tonsâ Capite necnon maculis servilibusque notis corpus deformant. Ab hoc fundatum Nankim Regnum in urbe Sucheu annis ante Christum circiter 1160. ubi etiamnum hujus sepulchrum extat.

P. 2. §. 1.

Confucius ait: Comis & officiosus est quispiam, at sine debito modo ac mensurâ; utique fatigabit se gratis, nec rarò cum molestia fastidioque aliorum. In negotiis tractandis consideratus est ad sollicitus; at sine debita moderatione; utique erit perplexus, & qui

m

ad singula quæque hæreat ac trepidet. Fortis quis est, ac strenuus; at sine prudentiæ fractio et moderatione, sic ut res qualvis temerè aggrediatur; is utique perturbator est rei domesticæ & publicæ. Denique rectus est quis, ac iustus; at sine modo & discretione, nihil valens dissimulare; talis utique sæpe angetur animo seque ipsam irretiet periculis ac molestiis.

§. 2.

SI quidem is qui Magistratu fungitur, solidè constanterque se gerat erga suos parentes; tum procal dubio subditi hoc exemplo certatim quoque efflorescent in virtute. Idem si aut quies ætate, vel meritis, haud negligat abjiciatve; tum subditi non minus facient, & cives suos vel annis, graves, vel meritis colent, ad fovebunt.

f. 12. p. 1. §. 1.

CEM-*su*, inter discipulos *Confucii* secundus, & pietatis erga parentes longè studiosissimus, graviter ægotans, & morti jam proximus, convocatis scholæ seu disciplinæ suæ discipulis; agite, inquit, retegite meos pedes, retegite meas manus, quæ à parentibus acceperam, sana, quoad potui, integraque conservavi; quo promptius ea diutiusque in eorundem obsequium impenderem. Id me docuit *Odarum* liber; dum ait: Eslo timens ac pavidus, sollicitus & cautus, ad instar appropinquantis profundo rapidoque fluminis alveo: vel ad instar calcantis tenuem glaciem; ne quidpiam committas, quod parentes contumeliet, vel offendar; sed enim vivendi finis, uti sentio, jam adest; atque adeo jam nunc in posterum ego sic intelligo supersederi à me posse curis ejusmodi. His dictis, suos iterum inclamavit, condiscipuli mei; inquit, postremâ scilicet hanc compellatione eosdem ad sui imitationem cohortans:

Ex hoc pietatis & obedientia specioso ne dicam inepto aut supersticioso tuis, multi, Tartaro imperante, maluerunt aquis aut laqueo suffocari quam capillitium amittere, imò optabilius honoratiusque semper hic visum laqueo vitam finire quam capite minui. Intolerandum quippe Sinenfibus videtur ad Patres suos & Majores, ut aiunt, remeare absque capite, & hoc spectaculo & opprobrio manes patrios affligere, seseque reos sistere tam nefandi criminis, cujus causâ corpus, quod à parentibus integrum acceperunt, Acephalorum instar mutilum & truncatum eis spectandum cesserit cogantur.

§. 2.

CEM-*su* sic ægotantem Regni *La* Præfectus *Mem-kim-su* dictus à visendi gratiâ adivit & percontatus est de valetudine.

P. 2. §. 1.

CEM-ſu Præfectum alloquens ait : Aves dum jam morituræ ſunt, & ipſarum vox lugubris & gemitunda eſt. Homines verò dum jam proximè ſunt morituri ipſorum ſermo tunc vel maxime bonus eſt & fidelis.

§. 2.

Philofophus, inquit, quæ majoris facit in veræ Philoſophiæ diſciplinâ, tria ſunt. Primum eſt, motus, figura, habitusque corporis; & hac ratione longè removens quidquid agreſte vel diſſolutum eſt. Secundum, vera & non ſimulata oris ſpecies : Sic enim acceditur proximè ad fidem & veritatem. Tertium profluens à prudenti ore ſermonis gratia : hæc enim longè removebit, quod minus decorum ſit, vel rationi diſſentaneum. Ad viminea verò ligneaque vaſa ſacrificiorum & oblationum uſibus deſtinata quod ætinet; utique dantur alii, qui pro officio ſuo procurent ac ſervent.

f. 13. p. 1. §. 1.

CEM-ſu commemorans condiscipuli *Ten boei* pridem deſuncti virtutem ſic, inquit, qui prudentiâ & conſilio pollens; adeoque & conſilium petat etiam ab imperito, qui ſtrens ingenio peritiâque rerum abundans, ſciſciteretur diſcendi gratiâ ab hebetiore ac tenuiore, qui habeat eximias dotes quaſi nihil haberet. Qui plenus ſit, & tamen inſtar vacui, propter animi demiffionem, quâ de ſe modetiſſimè; de aliis præclare ſentit. Qui offenſus ab alio & laeſus, tamen non ſuccenſeat. Unus erat è millibus, unus olim meus ſodalis *Ten boei* in ejuſmodi virtutum ſtudio ſemper elaborans ſeſeque exercens.

§. 2.

IDEM *ſem-ſu* aiebat : Is cui poterit committi ſex palmarum, id eſt, admodum adoleſcens, quindennis ſcilicet, ſtirpis Regiæ pupillus : Cui poterit item committi centum ſtadiorum Sinicorum dynaſtia : Inſtante autem repentinâ quâpiam calamitate, & magno rerum diſcrimine; tamen haud valens eripi ſibi; & deiici animo, ſic ut admittat quidpiam à dignitate ſua, conſtantiâque alienum: huiusmodi qui fuerit, an non cenſendus erit proſus eximius vir? utique proſus eximius vir cenſendus erit.

P. 2. §. 1.

IDEM *ſem-ſu* aiebat : Homines litterati non debent, non eſſe amplo magnoque animo, forti item & conſtanti. Onus quippe, ſer mumus, quod ipſorum humeris impendet, admodum grave eſt, & iter quod decurrendum habent, longinquum.

§. 2.

VER A synceraque virtus proprium est ipsorum onus, nonne reverà grave? Rursus cum mors supervenit, tum demùm cessat labor & tanti oneris sustinendi necessitas: Nonne ergo longum est, nonne diuturnum, quod spatium adæquat vitæ totius?

§. 3.

Confucius ait: Jacentes ac repentem humi erigimur quodammodo per Odorum librum.

f. 14 p. 1. §. 1.

ERECTI porro consistimus & verò persistimus, in omni vitæ decorum constantiamque servantes, per Officiorum libros.

§. 2.

AD extremum perficimur per musicam, illam scilicet, quæ ipsas voluntates nostras doctrinâ suâ harmonicâ demulcet.

p. 2. §. 1.

Confucius ait: Populo quidem potest, & verò debet præcipi legum executio: At non potest, æquè præcipi scientiæ studium.

§. 2.

Confucius ait: Si quis fidens animi, & gaudens lacertis ac robore, idem quoque sit exosus habens paupertatem, quâ fortè premimur; facile perturbator erit publicæ tranquillitatis. Similiter homo improbus quamvis reverà odio sit dignus, exosus tamen vehementius & exagitatus, perturbator erit. His potentiâ clementiaque mederi potius quam severitate exasperare malebat *Confucius*.

§. 3.

Confucius ait: Eriam si quis habeat *Chen-cum* summi viri dotes, omnemque facultatem ejus excellentiam: dato tamen casu quod efferat sese fastu, superbiâque, & quod inde consequens est invidus sit alienæ laudis & gloriæ: In hujusmodi homine quicquid est reliquum, quamvis reverà sit maximum, tamen non est dignum ad quod vel oculos convertamus.

f. 15. p. 1. §. 1.

Confucius ait: Diu & constanter virtuti sapientiæque dantem operam, non defixa mente in censu, haudquaquam facile est invenire. Quod si inveniatur, eos Rex accersat nec dimittat (addit Colaus) negotiatores verò sic repudiet ut nunquam accersat.

§. 2.

Confucius ait: Philosophus, qui firmâ fide credit, quam fortè doctus est, veritatem, nec parcat labori & studio, is in quâdam vitæ perpetuitate constabit sibi metipsi usque ad mortem, semperque illi optimè conveniet cum virtute & recto rationis dictamine.

§. 3.

ITaque Philosophus ejusmodi periclitans Regnum haudquaquam intrat : In turbato quoque Regno haud unquam degit. Si quando in Imperio est virtus legumque observantia ; tum ipse palam se facit : Si verò in Imperio deest virtus ; tum latet , privatus quidem , sed tutus.

p. 2. §. 1.

EContrariò , quando Regnum habet virtutem , quando vigent leges ; Tunc autem privatæ vitæ otio marcescere , & velle vivere pauperem & adhuc negligi , pudendum est. Jam verò quando regno deest virtus , & jacent leges : Tunc eum , qui dici vult Philosophus , servire tempori , & velle augeri opibus ac honoribus , indignum quid est , maximeque probrosum ac pudendum.

§. 2.

Confucius ait : Non constitutus in hoc vel illo munere ; non consultes agasve de illius administratione.

§. 3.

Confucius ait : In Regno *Lu* patrio Magni Magistri *Chi* musicæ exordium , & *Quan-giu* finalis strophæ plenissimo vocum & instrumentorum concentu resonans , ô quam suaviter & jucundè implebat mulcebatque aures.

f. 16. p. 1. §. 1.

Confucius ait : Callidus amator & gloriæ & suimet ; adeoque non rectus : Item qui naturâ sit hebetior idem tamen inconsideratus ac præceps : Denique qui rudis & ad tractanda negotia ineptus sit , idem tamen non verax ac syncerus ; qui , inquam , tales sunt ; ego reverà nescio quid tandem hominis sint , vel quo pacto mederi quis eis queat.

§. 2.

Confucius ait : Sic discere , semper quasi nondum perveneris. Imò etiam si quid didiceris , time ne amittas.

§. 3.

Confucius ait : O magnitudinem ! ô sublimitatem virtutis ac sapientiæ *Xün & Yü* ! Ambo sapientissimi cum admodum contenti viverent sorte suâ , quamvis reverà humili , quæque illustrissimæ ipsorum stirpi minimè responderet : Utrumque sua virtus ad Imperium evexit. Ambo itaque tenebant amplissimum hoc Sinarum Imperium ; at non vicissim tenebantur : sic ferè (ut Colaüs exponit) quasi Imperium nihil interesset ipsorum. Parvi scilicet ducebant omnia præ unâ mentis suæ nobilitate & præstantiâ. Quam quidem mentem norant à cælo procreatam esse ad virtutis & sapientiæ possessionem eamque minimè incertam nec in casu vel in temeritate positam.

p. 2. §. 1.

Confucius ait : O quantus olim erat *Tao* agens Imperatorem ! Magnarum ac sublimium rerum solum cælum est maximum. At enim quamvis illud mole ac sublimitate sit maximum ; solus tamen *Tao*, adæquavit illud virtutis suæ magnitudine ac sublimitate. Quæ quidem ejus virtus, quia erat tam ampla, tamque arcana, ut omnem vulgi sensum captumque fugeret ; hinc tam populus nunquam potuit pro dignitate celebrare.

§. 2.

O Magnitudinem hujus Principis ! ò sublimitatem ! Ipse nimirum is fuit, qui habuit perfectæ consummataque merita. O quàm splendida quàmque illustria ipse habuit ornamenta legum, rituum, officiorum, musices ac literarum.

Certe quàm charus eam ob causam p. pulo esset, ut alia præteream, argumento sit, quod obvenit ditiones suas ac de more lustranti, obviam quando effusa subditorum multitudo cœtatim sancta omnia acclamaret, cœluque deprecaretur, ut optimo parenti suo ac Principi multas opes, filiis, vitæque annos concederet. Quod tamen populi votum pro suâ ipse n. o. destitit admittere recusans, multa opes, inquit, pariunt multas curas ; multi filii multos timores ; multi vitæ anni multas sæpè misérias, multa probra.

§. 3.

Discipuli memores certè sententiæ infra referendæ f. 17. p. 1 §. 1. quâ Philosophus deploret quodammodo paucitatem virorum eximii naturæ doribus instructorum, *Xún*, inquit, habebat Præfectos quinque magni nominis, & virtutis viros : Quorum primus *Tu* eluvionibus aquarum purgavit Imperium. Secundus *çie* derivatis jam cluvionibus primus Agriculturam restituit. Tertius *Sie* quinque institutiones (de quibus infra in libro *Mem çu* parte 3. f. 12. fieri m. nrio) conservandæ & augendæ Reipublicæ necessarias condidit. Quartus *Cao yao* de criminibus mtrâ cum æquitate cognoscebat. Quintus demum *Pe ye* montium torrentes aquas, & exundationes, mirâ cum industriâ & rei agrariæ commodo simul & incremento dispertiebatur. Per *Xún* itaque horum 5. virorum consilio operâ & industriâ Imperium tam præclarè tamque feliciter administratum fuit.

§. 4.

Conditor *Cheu* familiæ *Tu* tam gratulabundus sibi identidem dicebat : Ego habeo regiminis mei adjutores subditos decem homines. Hos inter primus erat *Cheu cum tan*. Secundus *Chao cum xe* De hoc memorant *Annales ea felicitate* & *industriâ Boreales reges sibi commissas administrasse, ut sementis ac messis tempore è vinculis dimitteret reos omnes ;* & *bi constituto revertendi tempore suâ sponte (cum sa-*

men non deessent rei capitis) ad carcerem redirent. Tertius Tai cum vām. Quartus Pie cum. Quintus Tām cum. Sextus Tai tien. Septimus Hlām yao. Octavus San y sem. Nonus Nān cum qu. Intus verò *Te kiam* Regina uxor (cui aded viros inter decimum locum tribuerunt) familiam Regiam, resque Palatii admirabili cum virtute ac prudentia regebat.

f. 17. p. 1. §. 1.

Confucius ingemiscens ait : Quod veteri proverbio dicitur , magnæ dotes difficiles ac raræ sunt ; nonne hoc verum est ? Sola scerè quæ olim dicta fuit *T-men & Tū*, alias *Tao & Xun* pulcherrima in Imperio locietas & successio unà cum hoc nostro familiæ (*heu* Imperio jure censerì potest floruisse præclaris administris : Et hoc Imperium nostrum geminata felicitate omnino decem numeravit. Et inter decem datur una mulier , Regina scilicet *Te kiam* Imperatoris *Vu-vām* uxor : adeoque novem duntaxat viri numerandi sunt & non amplius. Verissimum est itaque vetus illud effatum , magnas dotes difficiles ac raras esse.

§. 2.

Transit Philosophus ad laudem Principis *Ven-vām* cui filius erat *Vu-vām*, ipse, inquit, de tribus partibus Imperii cum haberet jam illarum duas ; (quatenus scilicet obtinebat omnium studia ac voluntates) Tamen ne sic quidem ab officio optimi clientis avocari potuit ; sed fidem Imperio potiore habens, invictâ cum patientiâ paruit ac servivit familiæ (quamvis jam tyrannicæ) *Tū* : propterea familiæ (*heu* virtus ipsa potest reverà dici summa virtus, & cui nihil addi possit.

p. 2.

Confucius ait : Quod attinet ad *Tū* Imperatorem, ego non habeo nec invenio, quod arguam. Parcus erat ac mirè temperans potûs & cibi : Idem tamen maximè liberalis, magnificus, ac mundus erga spiritus. Admodum vulgaris passim erat ei vestitus : Eiusdem tamen summus quidam ornatus ac splendor erat in veste sacerdotali & tiarâ, quotiescunque sacris operabatur. Humile erat minimèque sumptuosum Palatium : Idem tamen exerebat & exhauriebat omnes anini, & ærarii facultates in aquarum in mare derivandarum ductus & earundem receptacula pro siccitatis tempore. In *Tū* ergo non habeo ego nec invenio quod arguam.

Hunc quoque ex ea sortis humilitate, quam diximus, ad avitam primæ stirpis suæ dignitatem, virtus sapientiæque revocavit : Ob hujus quippe, meritorumque magnitudinem charus adeo fuit, tantoque in pretio Xun Imperatori, ut postquam eum per 17. postremos annos in Imperii Collegam adscrivisset, tandem legitimo filio suo, cui Xam nomen, constanter rejeſto (imitatus scilicet Yao sui decessoris exemplum) n. n. dubitaverit eundem

jam nonagenarium Imperii haredem designare. Verum Yu, generosâ sese fugâ proripiens, in laiebras sese abdidit. Sed à dynastis tandem detectus, in solum quamvis inuitus euectus est. Eminuit in eo, admirabilis quedam facilitas, affabilitasque adversus omnes. Æs campanum iussit erigi in ipso Palatii sui atrio: ad cuius primum pulsus fuisset auditurus alacer provocabat. Itaque accidit aliquando, ut prandii unius tempore decies à mensâ surgeret: Et balneo item, ubi corpus lavabat, semel, iterumque ac tertio procurreret; & quidem soluto & implexo etiamnum capillo, ut scilicet ad primum artis campani signum, suorum vel postulata vel querelas audiret. Inter alias, quas plurimas condidit, leges, una fuit, quâ vino omnibus severe interdicitur, nisi in exilium vini inirent re. Solitus erat dicere: Vinum aliquando pessumdabit res Imperii, nostramque familiam: & ita reverâ accidit, ut alibi memorabitur. Imperavit solus annis decem, eo successu rerum, & copâ, & tranquillitate, ut merito vocari aucta possint ejusdem tempora: & si quidem fas est Sinis hoc loco credere, aurum reverâ pluisse dicitur per triennium eo imperante. Iter faciens aliquando, cum forte verum habuisset hominem catenis vinctum; protinus de curru suo desiliens, ubi cognovit esse reum capitis, & ad supplicium jam rapti; illachrymatus est: suisque demirantibus, superioris, inquit, ætatis homines ad exempla Regum Tao vitam suam morelque componebant: at nunc dum ego modicæ virtutis homo Sinicam rem administro; non pauci meorum, ut video, pro suo quisque arbitrato, stultiusque non optimis vitam instituunt. Vixit Yu annis centum ab omni privato affectu tam alienus, ut moriens calo propiusserit Imperii successorem virum spectare virtutis Ye appellatum, neglecto filio Ki; quem tamen & dynastæ & populus haredem esse voluerunt paterni Imperii, uti erat virtutum paternarum, & exinde electio Imperatorum in hereditariam filiorum ac nepotum successionem transit. Es hac quidem, quæ hic & alibi annotamus, referuntur à Regiis illorum temporum scriptoribus & authenticis annalibus necnon à Philosophis Confucio & Mencio sæpius confirmantur. Obiit vero præfatus Yu cycli nomi anno 20. Quæ vi dicto, qui respondet anno ante Christum 2208.





LIBRI TERTII

PARS QUINTA:

Fol. 1. pag. 1. paragr. 1.

NARRARE consueverant discipuli, quod *Confucius* magister suus admodum raro, nec nisi difficulter loquebatur de lucris & emolumentis, & de fato, seu, decretis cœlestibus; & de *Cœu*, id est, de cœlitus inditâ innocentia ac puritate cum præsidio ornamentoque virtutum omnium conjunctâ.

§. 2.

TA *biam* pagi sic dicti incolæ fortè cum de *Confucio* sermo esset dicebant: O quantus vir est *Confucius*! Amplissima est ejus in omni genere peritia & doctrina; atque adeò non datur ex quo magis prædicetur ipsius laus ac fama, cum in eo summa sint omnia.

§. 3.

Confucius fortè hæc audiens, & alloquens discipulos ait: Optare puto rusticos illos ut me impensius, addicam arti cuiquam. Ego igitur quid arripiam potissimum? Inter sex artes nostrates liberales duæ sunt ad ingenium rusticorum magis accommodatæ, aurigandi scilicet & jaculandi. Arripiamne igitur aurigandi artem, an arripiam artem jaculandi? Benè habet; ego rursus arripiam excolamque artem aurigandi, quæ & est facilior, & vel ideò, quia humilis, mihi chara.

p. 2. §. 1.

Confucius aiebat: Ex subtiliori cannabe contextus pileus olim erat officiosi ritûs ususque proprius: Nunc verò ætate nostrâ sericus est in usu, isque minus sumptuosus, & minus operosus. Ego, licet hic à Priscorum usu discedatur; quoniam tamen haud peccatur, sequor multitudinem, & hæc in re servio tempori.

§. 2.

Salutare Principem, idque eminus & ex atrio inferiori, mos ac ritus erat Præscorum. Nunc verò salutare Principem superius in ipsa aula, reverà nimium quid est, & quasi arrogans. Quocirca licet hîc adveser multitudini; ego tamen sequor priscum ex inferiori atrio salutandi ritum.

§. 3.

Confucius (si discipulis fas est credere) penitus non habebat quatuor. Quoad res futuras non habebat proprium quoddam propensæ mentis studium seu intentionem. Item non habebat obfirmatæ mentis propositum ac determinationem, neque habebat, pertinaciam in re semel susceptâ, modoque gerendæ rei mordicus tuendo. Nec habebat denique seipsum suæque commoditates præ oculis.

f. 2. p. 1. §. 1.

Confucius fortè periclitans cum curâ & vigilantia versabatur in *Quam* loco. Periculi causam præbuit oris similitudo cum altero ejusdem loci quondam præfecto, cui *Hiam hû* nomen, quem loci incolæ, quos olim divexaverat, injuriarum memores ad necem quærebant, diversorio Philosophi per quinque dies armis obfesso.

§. 2.

Percussos itaque tam inopino periculo discipulos confirmaturus *Confucius*, inquit. Sexcenti ferè sunt anni quod *Ven-vam* sapiens ille Rex jam interit: Sed an propterea præclarâ lex illa, & quasi legis lux, quæ refulsit ipsius operâ, pariter extincta est, & non existit hic inter nos etiam nunc.

§. 3.

CÆLUM itaque si extincturum erât, hanc legis lucem, post Regem illum uti natus ita etiam moriturus ego non valuissem conferre operam, in hac lege quadamtenus promulgandâ. Cælum verò si necdum extinctam voluit hujus legis promulgationem; profectò vitæ nostræ, etiam volet consultum. *Quam* igitur loci incolæ quid ipsi tandem mihi facient.

§. 4.

UNUS è Præfectis *Tai sai* (Magistratûs nomen est) percunctatus est à *Confucio* discipulo *su cum* dicens: *Confucius* Magister vester Num vir sanctus est? nisi enim talis esset, quomodo tam multa calleret.

p. 2. §. 1.

Cu-cum respondit: Quod ad Magistrum nostrum attinet, reverà & cælum prodiga cum liberalitate perfecit ut sanctus esset. Sed & idem insuper multâ valet peritiâ scientiarum.

§. 2.

Confucius hæc audiens ait : *Tai çai* Præfectus ille num probe novit me ? Ego (ut de me loquar) adolescens cum essem, conditione fui satis humili ; idcirco Magistra paupertate doctus multa, nunc calleo ; sed humilia vulgariaque (aucupari scilicet, piscari, aurigari, jaculari, &c.) Sed enim an ratio viri probi ac sapientis, ne dicam sancti, in multis illis consistit ? profectò non in multis consistit illa.

§. 3.

AD confirmandum hoc *Confucii* dictum, refertur à discipulis, quod *Lao* condiscipulus eorumdem, crebro narrabat quod ipsemet *Confucius* dicebat : Ego primis ætatis meæ temporibus non admotus fui gerendæ Reipublicæ ; idcirco didici perdidicique artes liberales.

§. 4.

Confucius molestè ferens vulgò se haberi rerum omnium peritissimum aiebat : Egone ut tantam habeam scientiam ? Imò verò eam non habeo. Fateor quidem quod ubi datur vulgaris humilisque homuncio, qui perconteritur ex me quidpiam, quamvis idem rudis ineptique sit instar, mox ego tractanda suscipio ipsa rei, de quâ me consultit, duo quasi capita, atque hæc differendo exhauro.

f. 3. p. 1.

Confucius calamitatem deplorans suorum temporum desperansque emendationem dicebat : Aquila (aut solis avis) jam amplius non advenit. E flumine non prodit mappa (seu monstrum variè depictum) quæ duo erant redituræ felicitatis prænuntia. De me mea, quæ doctrinâ actum est, prohi dolor !

p. 2. §. 1.

RECTE notat *Colanis perturbatum hic esse ordinem litterarum*, qui *Radeò talis esse deberet, qualem versio hæc sua indicat. Confucius* cernens homines lugubri veste indutos ob mortem parentum ; alios item pileo habituque Mandarinico insignes, quamvis iidem essent minoris ætatis, aut etiam capti oculis ; tamen ipse conspicatus illos procul dubio assurgebat honoris gratiâ : & eosdem fortè præteriens, procul dubio accelerabat gradum. (*Officioso more Sinarum quasi properè cedentium locum alteri honoris gratiâ*) vix ullâ scilicet habitâ ratione vel ætatis suæ, vel authoritatis, at certè maximâ tum pietatis tum dignitatis alienæ.

§. 2.

YEN-yuen altum suspirans aiebat : Est omnino sublime quid, idemque profundissimum doctrina Magistri nostri. Suspicienti illam mihi, & jam gradum ad illam facienti, semper magis magisque alta apparet. Rursus penetranti mihi ad illam illius firmitatem,

semper illa magis ac magis firma ac impenetrabilis deprehenditur. Contemplor illam quandoque velut positam ante ipsos oculos, & velut in ejus amplexum feror, quando ecce derepentē existit mihi à tergo ex ipsis quasi manibus elapsa.

§. 3.

ET tamen hanc ipsam doctrinam impetitiens hominibus Magister noster suo quodam ordine pederentim blandeque nōverat allicere homines atque inducere quo volebat : dilatabat animum meum præditiis Philosophiz suæ, & restringens ad unum omnia, contrahabat me ad unam cælitus inditæ rationis moderationem ac regulam.

f. 4. p. 1.

EGO verò cum vellem sistere & frui jam partis, omnino non poteram : Ubi ergo jam exhauseram quodammodo meas animi vires, sic prorsus erat ac si daretur quidpiam quod consisteret erectum ante oculos meos. Cæterum quamvis ardentem optarem assequi & amplecti illam, adhuc tamen non habebam viam ac modum quo votorum compos fierem; adeoque hærebam attonitus ad doctrinæ hujus virtutisque celsitudinem & profunditatem.

p. 2. §. 1.

Confucius ægrotabat, nec sine periculo : Quo intellecto discipulus *cu lu* gratificaturus Magistro submisit jussitque aliquot discipulos assistere ægrotanti, & esse veluti honorarios quosdam ministros, & funus etiam, si opus foret, cum splendore & apparatu procurare.

§. 2.

VERUM ubi morbus nonnihil remisit; *Confucius* re cognita haudquaquam probans studium hujusmodi gratificandi; ah ! inquit, à quanto jam tempore discipulus iste *Teu* res agit nec rectè nec sincerè ! Nuper quidem mos & ratio permittebat mihi frequentiam istam ministrorum & splendorem domesticum : at nunc quando defunctus sum magistratu, adeoque nullos, uti par est, habeo Ministros publicos; si tamen ambiciosè me gerens videar habere Ministros istos, ego quem tandem fallam ? certè ut fallam oculos mortalium, an fallam etiam ipsummet cælum ?

§. 3.

ET verò, mihi præ istà morte obeundà inter ministrorum istorum obsequia & manus, nonne fuisset multò gratius dulciusque emori inter duorum triumve discipulorum manus ? Certè ego dicet tunc haud potuissèm magnifico illo proprioque præfectorum funere efferrì; an ego propterea moriens inter vos, fuissèm mortuus in viâ publicâ, ibique jacuissèm inhūmatus ?

Tres paragraphos superiores concludit Interpres his verbis : Xím gĩa yù cié

yù giê pím guêi pē chi cum; lh sú tien chi chím, xeù li chi chím,
yē hão pú keù jù cù cù sò y guêi ván xí fá yē, hoc est: vir sanctus
constitutus in presenti discrimine gravis morbi, in synera illa voluntate
obsequendi celo, & reſtitutione ſervandi quod ratio dicat, ne pilo qui-
dem capitis temerè, ſicut hic patet, procedit.

f. 5. p. L.

Cum hortaturus Magiſtrum ſuum uſtalenta ſua ad publicum bo-
ſum exerat. Si habear, inquit, quiſpiam pulchram rarique pretiſ
gemmam hoc tempore & ſtaturerum tam perturbato, camine aſſerva-
bit in arcâ & ſic abſconder; an contrâ exquiret cui æquo pretio diven-
dat? Confucius haud ignarus quid iſto ſimili ſignificaretur, reſpondet:
Vendatur ſanè, per me licet, ô! vendatur ſanè, at enim ego ex-
pecto æquum illius æſtimatorem & licitatorem: Nec è rē noſtrâ eſt
emptorem querere.

p. 2. §. 1.

Confucius pertaſus temporum tuorum deſiderabat relictâ patriâ
emigrare ac degere inter novem gentes Barbarorum.

§. 2.

Fortè fuit qui diſſuaſurus diceret: Viles abjectique ſunt homi-
nes iſti. Quomodo hoc fiet? qui ibi deges? Confucius reſpon-
dit: Syncerus virtutis ac ſapientiæ ſectator ubi degit; quomodo
vile quid abjectumque ibi detur?

§. 3.

Confucius aiebat: Ego ex Regno Guêi cùm rediſſem in partium
Regnum Lu, tum deinde muſica operâ meâ priſtino ordini ac
puritati reſtituta fuit. Poëmata quoque Ra & ſum ſingula obtinue-
runt demùm ſuum ſtatum, harmoniam ſcilicet, ac maiestatem pri-
ſtinam.

§. 4.

Confucius aiebat: Foris verſantem & in Republicâ tum ſervire,
cui par eſt, Principi, & cæteris Magiſtratibus: domi verò de-
gentem, tum ſervire parentibus fratribuſque debirâ cum obſervan-
tiâ: In luctu funebribuſque officiis non audere non exerere vires
omnes: Inter epulas denique non agere quidpiam per immodera-
tum vini uſum, quod grave ſit ac periculoſum. Hæc quatuor tama-
erſi prima fronte facilia, reverà tamen difficilia ſunt; atque adeo
quomodo ſint in me?

§. 5.

Confucius fortè conſiſtens ad ripam fluminis, & perennem illius
fluxum contemplatus innuenſque in viâ virtutum non eſſe ſi-
ſtendum aiebat ut eunt & fluunt hoc modo aquæ iſta, nec ſiſtunt
curſum ſuum diu noctuque:

f. 6. p. 1. §. 1.

Confucius aiebat : Ego adhuc quidem non vidi qui sic gauderet virtute, sicuti gaudet quis formosi oris corporisque elegantia & venustate.

§. 2.

Confucius aiebat : Exempli gratia : Molior ego ex aggesta continenter humo collem : priusquam perficiatur is, uno, qui ad operis integritatem etiamnum desideratur corbe, ceptum opus intermittitur ; planè ego sum is qui intermitto, mea unius, hæc culpa est. Contraria planè constantiæ ratio est : Ipsa quantumvis lentè, perficit tamen res quantumvis magnas, quia ceptum opus nescit intermittere. Exempli gratia : ego planæ telluri licet aggeram quotidie unum duntaxat corbem humo onustum : Tamen si assiduè progrediar aggerendo, mei progressus erunt, mea, perfecti tandem collis erit gloria.

p. 2 §. 1.

Confucius aiebat : Dicente me, seu, docente quidpiam, qui non esset iners ac segnis, sed adutùm factis conaretur explere, quod faciendum esse ex me didicerat, enim verò fuit is discipulus meus *Hosi*.

§. 2.

Confucius loquens de eodem *Tên-yün*, præmaturè defuncto aiebat : Proh dolor ! Ego quidem videbam ipsum magnis passibus progredientem : At necdum videbam illum desistentem.

§. 3.

Confucius simili quodam hortaturus suos ad constantiam aiebat : Seges quæ modò nascens viridantem protrudat herbulam, & tamen deinde nullos proferat flores, datur utique : Rursus, efflorescens jam seges, & tamen deinde nullos excludens fructus, datur similiter.

f. 7. p. 1. §. 1.

Confucius aiebat : Pueros ac juvenes par est suo quodam modo vereri : Nam cui tandem constat olim illos non meliores futuros quàm sint modò, sic ut etiam superent nos ipsos ? Cæterum qui quadragenarius vel quinquagenarius jam sit, & tamen necdum habeat nomen aut famam, ejusmodi qui sit, equidem non est dignus, quem quis vereatur : actum est.

§. 2.

Confucius ait Prolata cum fide ac veritate monentis verba, licet Cætiā subaspera, potestne quis non audire ac suscipere, æquo saltem animo, si minus læto ? Cæterum proficere ex illis & emendare, hoc est enim verò maximi faciendum. Rursus per ambages quasdam paulatim insinuatīs consiliis & admonitionibus, an potest

quisquam non gaudere? quanquam proficere hîc, & ruminari illas identidem, hoc est enim verò primum maximeque necessarium. Quod si gaudeat quis tantum, & interim non expendat ac ruminetur id quo gaudet; nec pascatur cibo, quo videtur usque adeo delectari: Item si quis excipiat reverenter monita sincera & recta; & interim mores suos non conformet cum eis ac nihil emendet; ego certè non invenio quò pacto me geram cum ejusmodi homine: Actum est, oleum & operam uterque perdimus.

P. 2. §. 1.

Confucius aiebat: Nihil æquè sit cordi atque cordis sinceritas ac fides. Non contrahas amicitiam cum eo, qui sit minus bonus quàm sis tu ipse. Peccasti? ergo ne dubites aut vercaris emendare quod peccatum est.

§. 2.

Confucius aiebat: Trium legionum (id est, militum 37500.) exercitui maxime repugnanti, tuus quandoque potest eripi ductor & abripi in servitutem. Quantumvis autem tenui abjectoque hominioni non potest ullà vi eripi libertas mentis arbitrium.

§. 3.

Confucius collaudans suum discipulum *Tse*, sive *tsi lu* aiebat: qui indutus jam tritam ac laceram, eamque ex viliori cannabe togam unà cum aliis sodalibus indutis pelles vulpinas, & pelliculas *hō* (*Hō species est animalculi, cujus pellis vari est pretii*) consisteret, & tamen nequaquam erubesceret; fuit is sanè discipulus *Tse*.

f. 8. p. 1. §. 1.

ID E M confirmat eandem laudem ex odâ quæ sic habet: Quisquis non est invidus, nec cupidus, ad quos tandem usus non erit apprimè idoneus?

§. 2.

CU-*lu* præconio Magistri sui lætus, per omnem deinde vitam recitabat hunc versiculum. Quod advertens *Confucius*, & discipulum iusto plùs sibi placentem repressurus sic ait: Ista laus & virtus quæ fit ut vaces invidia & cupiditate, quomodo sufficiat ut illico sis apprimè idoneus ad omnia, sic ut nihil jam desideretur amplius?

§. 3.

Confucius aiebat: Tempore brumali tum demùm scirus an pinis & cypressis sua deinde folia decidant. Illustre specimen illorum (inquit *Cola*) quos tranquillâ Republicâ inter se mutuo perquam similes, turbatâ deinde afflictâque dissimillimos fuisse probat, & fortes ab imbecillis, stultos à sapientibus manifestè discernit.

p. 2. §. 1.

Confucius aiebat : Prudens non hæsitat anceps animi : Verè probus & innocens non metret, fortis ac magnanimus non pertimescit ac trepidat.

§. 2.

Confucius aiebat : Sunt quibuscum possis pariter auspicari studium virtutis ac sapientiæ; nec tamen possis deinde cum iisdem decurrere viam ipsam, seu exercitare propria sapientum opera. Alii sunt quibuscum etiam possis decurrere jam cœptam viam, nec tamen possis deinde cum iisdem, propterea quod careant constantiâ, diu persistere in via & cursu. Alii rursus sunt quibuscum possis constanter persistere in cœptâ via cursuque, nec tamen deinde possis cum iisdem ad exactissimum virtutis ac sapientiæ æquilibrium exigere res omnes actionesque vitæ totius.

f. 9. p. 1. §. 1.

Citatur hic versiculus depromptus ex veteri Poëmâ, quo degens quispiam extrâ patriam, longèque absens, & fortè conspicatus arborẽ, cui similem natali in solo viderat; amici, quem in patriâ reliquerat, recordatus hunc in modum cecinit : arboris pruniferæ frõdes ac flores flante zephyro in partem nunc hanc nunc illam agitantur assiduè. Ah ! quomodo non te cogitem, non te expectari videre ! Sed heu ! inania sunt vota ista ! Etenim domus utriusque nostrum est invicem remota.

§. 2.

Confucius hinc quoque doctrinæ succum petens sic aiebat : dicit ille quidem cogitari ab se patriam & amicum; sed reverà non cogitat : nam hîc quæ tandem distantia datur ? quasi dicat si quidẽm seria esset cogitatio, ad iter jam pridem accinxisset sese. Nos quoque longè minori jure querimur distare à nobis virtutem ac sapientiam, de quâ sic cogitamus, ut cogitemus tantum : Alioquin si cogitatio foret seria; jam nobis innata virtus ultrò rueret in amplexus nostros.

Inusitata planè fuit, & quæ modum videatur excessisse, diligentia, quâ discipuli minutissima quæque & dicta Confucii & facta, quin etiam situs omnes ac motus non observârunt modò, sed etiam literis ad memoriam posterorum commendârunt, & nos quoque fastidioso licet Europeo; prout jacet, obtrudimus.

p. 2. §. 1.

Confucius agens cum iis qui erant ejusdem secum gentis seu familiæ, habebat modum quendam agendi valde syncerè & candidè. Videbatur non valere ullâ facundiâ, aut doctrinâ præ cæteris.

§. 2.

§. 1.

IDEM tamen quotiescumque versabatur in Gentilitiis Regum aulis, aut regio in Palatio, clarè distinctèque loquebatur, at sic rursus ut nihil non maturè, consideratè, attentè.

f. 10. p. 1. §. 1.

IN aulâ Palatii regii quo tempore cum præfectis variorum ordinum Regem suum præstolabatur, ipse cum inferioribus quidem & æqualis secum dignitatis præfectis loquens cum gravitate quâdam rectè solidèque se gerebat. Cum superioribus verò præfectis loquens, suam illam gravitatem temperabat affabili quadam comitate.

§. 2.

REGE jam præsentè assistebat cum singulari & quasi anxîâ quadam reverentiâ majestatis Regiæ; sic tamen, ut simul placidè, præsentique semper animo.

§. 3.

REGE accersente ipsum, ac jubente excipere hospites dynastas, tum verò oris ipsius color mutabatur quodammodo: Item pedes euntis & gressus impediti videbantur.

§. 4.

QUOTIESCUMQUE dynasta quispiam hospes accedebat salutaturus Regem; *Confucius* si quidem pro officio tunc assisteret, ipse tunc si reverenter quidpiam significaret iis qui secum assistebant sive ad lævam sive ad dexteram. (*Reverenter, id est, eo fide gestu, quo viri graves se mutuo consulant; videlicet arcuatis utcumque brachiis, et manibus, quæ complicantur, ab ipso pectore paululum protensis.*) In illo, inquam, brachiorum motu, tamen ipsâ vestis tam ante quàm retrò nunquam non concinne composita apparebat.

p. 2. §. 1.

ITaque factâ jam potestate introducendi hospitis in conspectum Principis, *Confucius* accelerato gradu hospitem introducens sinuosa vestis laxas utrinque manicas velut alas quasdam æquabiliter expandebat.

Gressus acceleratio reverentia signum est, ne scilicet vel minimo temporis spatio Princeps expectet hospitem visentem.

§. 2.

Hospes ubi jam abcesserat extra conspectum Principis; tum *Confucius* nihil cunctatus renunciabat hoc Principi dicens: Hospes jam non respicit ampliùs, hoc est, abivit.

Mors namque est, ut abscedens hospes iterum ac sapiens vel ad eum ipsum quem visit, si quidem ab hoc deducitur, vel certè ad aulam, ubi visitatio peracta est, conversus, postremo salutationis officio perfungatur.

§. 3.

EXponitur jam qua ratione se gereret *Conficius*, quotiescunque se sistebat regi: Quando ingrediebatur ædium regiarum portam, demisso præ reverentia non tantum animo, sed demisso etiam & prorsus inclinato corpore haud secus ac si non ipsam caperet porta, ingrediebatur.

§. 4.

SI CUBI consistendum illi esset, certè non consistebat unquam in media porta, per quam scilicet ipse Rex egredi & ingredi consueverat. Transiens per eandem non calcabat pede limen ipsum portæ.

§. 5.

Progressus jam in interiora Palatii, & fortè transiens ante thronum Regium, tametsi Rex nondum adesset; tamen etiam tunc oris ipsius color mutari videbatur. Item pedes transeuntis ac gressus impediti videbantur. Quin & ipsius sermo videbatur etiam esse impeditior.

f. II. p. 1. §. 1.

SI quando propius accedendum erat ad ipsum Regem confidentem in solio, ambabus manibus attollens vestem per gradus conscendebat in aulam, demisso inclinatoque admodum corpore, non ausus vel oculos attollere: Tam studiosè interim represso anhelitu ut videretur quodammodo non respirare.

§. 2.

A Conspectu Regis egrediens, cum jam descenderet uno alterove gradu; protinùs explicabat pristinum oris colorem ac speciem ipse exhilarati jam instar. Deinde ab ultimo gradu aliquantò properantiùs pergebat explicato jam non tantum curis animo, sed etiam explicationibus hinc inde vestis suæ manicis eleganter incedens, & repetens proprium muneris sui locum cum cura & reverentia quadam inibi inter alios præfectorum consistebat.

§. 3.

Conficius quotiescunque legabatur ab suo Principe, qui primierat ordinis, jamque alteri sistebat sese, manu tenebat insignia sui Principis inclinato reverenter corpore haud secus ac si non esset par sustinendo ponderi tantæ dignitatis. Si quando attollebat ea, brachia sic conformabat ac si reverenter alterum salutaret: Si demittebat paululùm, utebatur gestu quasi offerentis quidpiam alteri. Inter hæc autem præ curâ, quâ tenebatur, ac metu, mutabatur, sicut consanguineum color, & os, oculique mutari solent sub initium certaminis. Gressus item accelerato quidem & simul irretito similis, prorsus ac si pondus quodpiam traheret pedibus affixum.

p. 2. §. 1.

QUOTIESCUMQUE Regis sui nomine offerebat munera alteri vel Regulo vel dynastæ; habebat affabilitate simul ac gravitate temperatam oris speciem.

§. 2.

VERUM cum privata deinde offerret munera suo ipsius nomine; tum plusculum nescio quid hilaritatis ad illam ipsam affabilitatem accedebat.

§. 3.

HOC & sequentibus paragraphis exponitur cujusmodi serè vestes *Confucius*, quo modo, & quo tempore gestaret. Philoſophus noster ad usum habitumque vulgarem non adhibebat unquam coloris flammei & subobscuri, coloris item rubei seu purpurei ornamentum collaris instar ac simbriz, supremæ infimæque oræ vestium assutum: hoc enim colore duntaxat utebatur in funeribus; illo in sacrificiis.

§. 4.

ITEM ex vulgari illo colore rubro, & violaceo vergente ad rubrum non conficiebat unquam vulgaris & domestici usûs vestes, tam gaudebat Philoſophus nativa rerum simplicitate: Tum quia colores iidem apud matronas ac virgines in pretio ac usu erant.

§. 5.

PER menses æstivos vestem illam simplicem ac raram, quæ tunc vulgò erat in usu, sive esset contexta subtilius, sive rudiùs) ex *Copa* scilicet, quæ species videtur quædam esse cannabis) nunquam non interiori alteri vesti superinduebat, adeoque æstivam illam faciebat extimam: Studio nimirum modestiæ, honestatis, ac verecundiæ; ne quid alioqui de corporis nuditate transpareret.

f. 12. p. 1. §. 1.

ERAT illi hyberno tempore sub nigrâ togâ ex agninis pellibus toga item nigra: Sub alba veste ex cervinis hinnulorum pellibus toga item alba: Sub crocæ veste ex vulpinis pellibus toga item crocæ.

§. 2.

EA quâ vulgò domi suæ utebatur toga pellicea, promissa quidem erat: At contractior tamen ejusdem dextra manica, quo esset ad res contrectandas expeditior.

§. 3.

OMNINO sua illi erat nocturna ad quietem vestis tam longa atque totum corpus, & insuper habebat alteram medietatem ejusdem corporis tegentem. Cæterum vestis hujus potissimus erat illi usus jejunii tempore.

§. 4.

Vulpinæ, & animalculi *Ho* dicti pelles, utpote spissioribus instructæ pilis erant illi ad domesticos usus ac vestes hyberno tempore.

§. 5.

EXcepto luctûs tempore nulla res erat vel ad usum, vel ad ornatum, quam non & ipse more virorum gravium ex cingulo v. g. suspensam gestaret.

§. 6.

Sonon utebatur semicinctio (utebatur autem assidue tum in aulâ, tum etiam cum sacris operabatur) id certe quod domi suæ passim utebatur, erat toga brevior lateraliter aperta, parsimonix, modestiæque, & commoditatis etiam gratiâ.

p. 2. §. 1.

Pellis agninx togâ & nigri coloris pileo (quod essent propria festivi fastique temporis) non obibat lugentium officia.

§. 2.

Calendis cujusque mensis, etiam tunc cum nonungeretur publico munere, omnino tamen solemini cum habitu vestium cæteros inter Magistratus Regis salutandi gratiâ in aulâ comparabat.

§. 3.

QUO tempore jejunabat sacris daturus operam, omnino erat ei nitidissima mundissimaque vestis, index illius, quam studio tam impenso procurabat, puritatis internæ externæque. Cæterum nonnisi ex telâ gossipinâ ipsa erat.

§. 4.

EODEM jejunii tempore nunquam non mutabat rationem victûs, vino imprimis & carnibus abstinendo. Quin etiam quod ad ipsum commorandi locum attinet, omnino mutabat locum solitum. *Sancti nimirum, ut Colaüs concludit, sic venerantur spiritus, ac se bi ipsis præsentem assisterent : Idcirco abstinentia, continentiaque tam sedulo & tam sollicitè dant operam.*

Hactenus de habitu cultuque corporis ; nunc quibus maximè eduliis, quo item modo, quo ritu, quâ temperantiâ vesceretur, exponunt discipuli.

§. 5.

AD rationem victûs quod attinet, non respuebat ipse simplicem orizam aquâ decoctam. A minutalibus ex carne vel piscibus non abhorrebat, quamvis essent valdè minutim concisa.

§. 6.

EDULIA propter tepentem humiditatem jam corrupta, exempli gratiâ, piscem jam cœptum resolvi ac putrescere, vel carnem jam corruptam non edebat. Quin etiam si color ipse eduliorum jam

rum jam fortè vitiatum erat, non vescébatur. Si odor item vitiatum erat, non vescébatur. Carentia debito temperamento condimento-ve, non edebat. Immaturum quid, ut fruges, fructusve, non edebat.

F. 13. p. 1. §. 1.

SI quid sectum erat non aptè rectève, non edebat. (*Cum enim Sine rusticitatis esse putent, cibos atrectare digitis; atque aded quidquid est eduliorum; quin & orizam ipsam; geminis paxillis, eisque oblongis perquam sitè dextreque in os inserant: Idcirco nihil ferè carnis in mensam inferunt, quod non ante sit in frustra concisum.*) Si quod edulium non haberet suum embamma, seu intinctum, non edebat.

Nudum salem, uti nos, non exponunt Sine in mensâ: Sed ejus loco varii generis intinctus, necnon olera, & legumina sale condita, & oriza cupidius edenda perquam accommodata.

§. 2.

CARNIS etiamsi esset copia, non tamen faciebat, seu, non sic ea vescébatur, ut excederet quantitatè suâ panis vel orizæ succum. Solummodò quod attinet ad vini usum, non habebat mensuram certam, quam sibi ipse præscripsisset: Nunquam tamen utebatur eo immoderatius; adeoque non accedebat unquam ad perturbationem mentis.

§. 3.

COEMPTO in triviis compitisque vino, coemptâ similiter carne ficcata, veritus ut essent munda, non utebatur.

P. 2. §. 1.

NON abstinebat gingiberis esu, sed ad singula ferè adhibebat edulia; propterea quod exciter imprimis ipsos spiritus hominis, arceatque valetudini contraria.

§. 2.

UNIVERSIM denique non multi cibi erat ipse.

§. 3.

QUO tempore parentales oblationes & epulæ exercebantur in Palatio Regio, non detinebat *Confucius* ne per unam quidem noctem carnes illas; quas peracto Ritu Rex ipse ad Magistratus & clientes suos de morte dono miserat? Ritu autem privato domus suæ, & in memoriam majorum domesticorum oblatas à se similiter epulas, & carnes non servabat ultra triduum. Quæ jam excessissent triduum, non edebantur à quoquam; quippe jam vitari cæptæ.

§. 4.

INTER edendum non fermocinabatur, inter cubandum non loquébatur, nisi fortè interrogatus.

§. 3.

QUAMVIS uteretur cibo admodum vulgari parabilique, ex gr. ex oleribus parato iufculo, omnino tamen libabat ex illo ipso tum suis maioribus, tum iis quorum opera industriaque hæc obveniant humano generi, & sic planè perpetua quædam jejunandi ratio illa erat, genique fraudandi.

f. 14. p. 1. §. 1.

HUmus ipsa storeis instrata Priscis erat pro sedili. Storeæ itaque non rectè collocatæ non infidebat, tanta illi vel minimis infimisque in rebus, recti erat cura.

§. 2.

CONSANGUINEI ejus & affines & populares cum epulabantur : Cutentibus jam scipione, id est, lexagenariis primum egressis, absoluto jam convivio, ipse mox deinde egrediebatur, nunquam non venerari solitus canos.

§. 3.

POPULARIBUS eisdem per menses hybernos supplicationem instituentibus ad arcendos spiritus morbiferos, ut aiebant, ipse vestitum solemniozem inducbat & consistebat in aditu suæ domus & gradu orientali ubi visenti se hospiti consueverat occurrere.

Usus supplicationis hujus unâ ferè cum familiâ Cheu ortum habuisse docent Interpretes, & Chu çû quidem festivo cuiusdam ludo fuisse non absimilem. At Cham tûm çû aliquid hîc à Confucio tributum fuisse observantia sua adversus Imperatorem, qui & ipse autumnali tempore patiebatur ritum hunc ludumve in aulâ suâ exerceri.

§. 4.

MITTENS quempiam suorum qui officiosè percunctaretur de valetudine amici degentis in diversa regione, demisso reverenter corpore iterum iterumque salutabat absentem amicum, haud secus ac si præsentem cerneret, & eum qui ab se mittebatur, etiamsi famulus esset, tamen honorificè deducebat, in nuntio illum, ad quem nuntius destinabatur, honorans.

§. 5.

KI CAM çû Præfectus Regni Lu Confucio dono miserat pharmacum. Confucius cum gratiis & cum honoris significatione admittens illud, candidè dixit : Ego non satis habeo perspectum, quid illi virutis & efficacitatis inlit : Atque adeo necdum ausum degustare

p. 2. §. 1.

EQUILE Confucii, cum is Præfectum ageret, fortè conflagraverat : Is ergò redux ab aulâ obvio sibi nuntio domesticæ calamitatis, heus, inquit : An læsit ignis hominem quempiam, nihil interrim sciscitatus de equis.

§. 2.

Regni *Lâ* Princeps cum honorabat eum cibario munere ; certo certiùs componebat stœream, seu sedile, non secùs ac si Princeps ipse adesset : Ac primùm quidem delibabat ipse munus tum deinde cæteris impertiebatur. Idem Princeps quando mittebat ipsi munus honorarium carnis crudæ ; *Confucius* indubitanter eam coquebat primùm ; deinde verò offerebat majoribus vitâ functis. Denique idem suus Princeps si dono miserat ei vivum aliquod animal, haud dubiè alebat illud ac sustentabat sollicitè, neutiquam, ausus absumere Regiæ beneficentiæ vivum argumentum.

§. 3.

Si quando assidens ad latus, epularetur unà cum suo Principe ; ipso Principe majoribus suis de more jam libaturo singula eduliorum ; *Confucius* præ modestiâ nolens uti jure suo hospitis, quo licebat ipsi quoque libare similiter, hoc unum faciebat : Admodum dextere Principem antevertens edulia singula prælibabat. Dixisses non tam convivam esse Principis, quàm prægustatorem.

§. 4.

Si ægrotaret *Confucius*, & Rex viseret ægrotantem ; tum ipse ad sortum obvertebat caput : Item superimponebat sibi in lectulo decumbenti solemniores vestes (quibus uti consueverat, quotiescunque Regem adibat salutandi gratiâ) Ipsis autem vestibus superinducebat majus honoratiusque cingulum.

f. 15. p. 1. §. 1.

ARege jussus accersi *Confucius*, non expectato curru suo domestico, confestim in viam se dabat pedes.

§. 2.

Quando ingrediebatur in majorem aulam gentilitiam memoriæ Principis *Chen um* dedicatam ; inibi de singulis propè rebus percurtabatur.

§. 3.

Amicorum aliquo fortè mortuo, si quidem is non habuisset ad quem funeris procurandi gratiâ prefugeret, *Confucius* tum dicebat, in me sit ista cura procurandi funeris.

§. 4.

Millis ad se amicorum muneribus ac donis, etiamsi essent curæ rus & equi, aliave majoris pretii ; tamen exceptis duntaxat iis quæ prisco ritu oblatæ majoribus fuerant, carnibus, haud ulli reliquorum munerum exhibebat honorem.

§. 5.

Quando cubabat dormiendi causa ; tum quoque modestiæ decentiæque memor, non jacebat instar cadaveris, resupinus scilicet, ac fœdè distentus. Cum suis domi degens, & intra priva,

tos parietes, deponebat ipse quodammodo solitam gravitatem.

P. 2. §. 1.

Conspicatus quempiam indutum veste lugubri, quamvis aliquin summè familiarem sibi, certissimò tamen mutabat oris speciem, ex intimo quodam sensu commiserantis animi. Conspicatus item quempiam coopertum solemnī pileo, & qui proprius esset Magistratum, vel quempiam orbatum luminibus, etiam si privatum cum eis ageret; haud dubiè tamen cum reverentiâ & honore tractabat illos.

§. 2.

Cuicunque lugubrem induto vestem, etiam tunc quando vehabatur curru, assurgebat ipse honoris gratia, in anteriorem partem sui currûs incumbens. Similiter assurgebat ei qui deferebat Codicem publicum, quo populi totius nomina continebantur; in eo populum veritatus universum.

§. 3.

Si quando celebraretur opiparum splendidumque convivium in gratiam Confucii; ipse videns mentem tot epulis instructam, reliquumque apparatus; haud dubiè mutabat oris speciem, & protinùs assurgebat, gratias acturus hospiti pro delato sibi honore.

§. 4.

Ad repentina tonitrua, nec non ad ventos sævos atque terribiles, nunquam non mutabat oris speciem, sacro quodam percussus horrore, reverentiamque suam erga supremam cœli maiestatem haud obscurè declarans.

Sed hoc minime novum in Philosopho, quando & ipse Prisci Sinarum Reges per nocturnas quoque horas à strato se proripere solebant, calo fulminante, vel tonante; & solemniori operiti pileo ac veste, placandæ iræ cœlesti ritè operam dare; uti ex libris eorumdem constat.

§. 5.

Quando conscendebat Confucius currum; nunquam non erectus itans arripiebat habenas.

§. 6.

In ipso curru existens non retrò convertebat oculos: nihil etiam impræproperè seu præcipitanter dicebat: Rem nullam suo monstrabat digito.

VIS ad primam speciem & aspectum aucupis, à quo sibi strui videt insidias, hoc ipso protinùs evolat in altum, longèque volans aufert sese, ac deinde circumspiciens accommodatum sibi tutumque locum, sistit inibi securâ & conquiescit.

§. 2.

CONFUCIUS, uti memorant discipuli, ruri conspicatus aliquando gallinam sylvestrem, suspirans, aiebat: Quam ego nunc conspicio, in montis vertice gallina sylvestris, ut novit ipsa suum tempus! ut novit ipsa suum tempus! volandi scilicet, quiescendi, &c. unam in his omnibus magistram sequens naturam. Hæc dicenti Philosopho assistens discipulus *su lu* eminus & ipse contemplabatur avem, non sine desiderio ejusdem capiendæ. Verùm ter gracillans ipsa prope-
rè sustulit sese & avolavit; re ipsâ, fugâque illâ confirmans id quodammodo, quod supra dictum fuerat

• *Salubrem ex his doctrinam Colaus noster eruit, dum ab ipsis quoque brutis animalibus discere nos voluit, rerum recte agendarum tempus & occasi- nem negligi haud oportere ab homine, cui non natura tantum, sed ipsa quoque ratio Dux & Magistra est.*



LIBRI TERTII PARS SEXTA:

Fol. 1. pag. 1. paragr. 1.

CONFUCIUS ait: Priores, sive Majores nostri in observantiâ concordiaque mutuâ, id est, in obeundis officiis subrustici homines erant, si quidem audiamus fastidiosæ ætatis nostræ sententiam. Posteriores verò, nos inquam, ipsi, qui imperante familia *Cheu* luxurie copiaque tantâ rituum & cerimoniarum efflorescimus, in observantiâ concordiaque mutuâ eximii clarissimique viri sumus scilicet.

§. 2. Nihilominus quantum spectat ad usum exercitiumque tam obervantiæ illius quàm concordia, tum ego cetæ sequar priores meos.

§. 3. *Confucius* reminiscens discipulorum, quorum alii diem obierant; alii Magistratum alibi gerebant, non sine gemitu aiebat: olim qui sequebantur me in Regnis *Chin* & *çai*, omnes jam non amplius accedunt ad hoc gymnasium meum.

p. 2. §. 1. Hac occasione commemorantur discipuli omnino decem, laborum socii, & quâ quisque laude maxime præstiterit, exponitur, & virtutum quidem exercitatione celebres erant imprimis quatuor: *Ten yuen*, *Mim çu kien*, *Gen pe nieu*, *Chum cum*. Dicendi

arte & facundiâ *çai ngo*, & *çu cum*. Arte industriae administrandi Rempubliacam *Gen yeu*, & *Ki lu*. Litterarum peritiâ elegantiaque *çu yeu*, & *çu bia*.

§. 2. *Confucius* ait: Unus ex omnibus *Hoei* non adjutabat me dubia scilicet proponendo. Ex meis etenim sermonibus sententiisque non erat vel una, quâ non vehementer lætaretur: Supervacaneum ducebat scilicet quidquam interrogare.

§. 3. *Confucius* exclamans in laudem discipuli sui ait: O virum raræ pietatis obedientiaque *Mim çu kuen*! Alieni quippe non discrepant ab ejus patris matrisque, necnon fratrum natu majorum minorumque sermonibus, quibus ejusdem pietas & obedientia celebratur: Una est vox scilicet omnium, & admirabilis consensus.

Discipulus iste suarve dedit specimen & charitatis & prudentia etiamnum puer. Matrem prope infans amiserat, duxeratque pater uxorem alteram. Ex hac nati sunt ei duo filii, quos illa quidem fovet ut mater, & adversus brumæ asperitatem suffultus gossypio vestibus munit imprimis, prævignum interim, ut noverca negligens. Eum fortè pater brumali die currum jussit agere: Quando male amictus puer tantum non obrigit frigore. Pater cognita rei causa indignabundus statuit uxorem domo ejicere: Quod animadvertens pius filius, supplex & cum lachrymis, parce inquit, ò genitor! Parce matri, ut parcas filiis: Hec enim si maneat; ego dumtaxat unus patiar incommodi quidpiam: At si dimittitur, jam tres omnino filii plurimum patiemur. Fregit amoris illa vox iram patris, & ex novercâ matrem fecit.

f. 2. p. 1. §. 1. Discipulus *Nân yuen* quotidie iterum ac tertio repetebat odam *Pe quei* dictam, quâ tum alia documenta, tum ea possissimum continentur, quæ prudenter & consideratè loqui nos docent: *Confucius* ob eam rem sui fratris natu majoris filiam in uxorem ei tradidit.

§. 2. Regni *Lu* Præfectus *Ki cam çu* quaesivit à *Confucio*, discipulorum ejus cequis esset studiosior? *Confucius* respondit: Unus fuit *Ten hoei* omnium studiosissimus. At infelix post perbreve usum hujus vitæ immaturus obiit: Nunc autem prohi dolor! actum est; neque spem video similem discipulum nanciscendi.

p. 2. §. 1. *Ten yuen* defuncto, *Ten-lu* ejusdem pater satis importuna cum simplicitate flagitavit sibi *Confucii* currum, ut ex eo, seu, ejus pretio conficeret extimum loculum.

§. 2. *Confucius*, qui tunc Præfectus erat Regni *Lu*, parentum affectum plerumque cæcum erga prolem suam hic notans, reverè, inquit, sic est: Qualiscunque tandem sit soboles, sive valeat ingenio, sive non valeat; tamen unusquisque pater patrocinarur suo filio. *Li pe ya* filius meus, & quidem unicus, ubi mortuus est, habuit sarcophagum suum, sed vulgarem, & sine extimo illo loculo;

apparatu scilicet ad meam tunc temporis conditionem accommodato. Ego certè non pedes incedam : ut conficiatur extimus locus ex curru meo. Quandoquidem enim ego nunc inter Præfectos sum novissimus (modestiæ gratiâ sic loquitur) nequaquam me convenit peditem incedere.

§. 3. p. 1. §. 1. *Ten-yeu* defuncto suspirans *Confucius* aiebat : Proh dolor ! Cælum tumulavit me ! Cælum tumulavit me !

§. 2. *Ten-yeu* defuncto *Confucius* plorabat & supra modum lugebat. Quo animadverso discipuli dixerunt : Tu , ô Magister , nimium indulges luctui & lachrymis.

§. 3. *Confucius* haud aliter ac si evigilasset ex sopore , quid egi ? inquit , num ploravi & luxi immoderatus ? Planè sic res habet : modum nescit vehemens dolor.

§. 4. Peccatum est à me : Quamquam si non talis ac tanti viri causâ lugeam acerbius ; cujus tandem causâ lugebo ?

§. 5. *Ten-yeu* defuncto discipuli considerabant sumptuosius sepelire ipsum. *Confucius* ait : Non convenit. Ratio namque funeris accommodanda est ad conditionem illius , quam vivens obtinebat is , cujus funus ducitur.

§. 6. Discipuli nihilominus sumptuosè cum sepeliverunt.

§. 7. Non probavit rem *Confucius* , qui suspirans , inquit , discipulus meus *Ten-huet* , in vivis considerabat me prorsus uti patrem. At ego nunc , quamvis maximè velim , non possum considerare illum uti filium , quippe qui sepultus præter ordinem moremque discessit ab institutis majorum : At certè , non ego sum in culpâ ; sed vos quotquot estis discipuli mei.

p. 2. §. 1. *Ki lu* quæsit à Magistro suo , qui serviendum sit spiritibus ? *Confucius* , tu , inquit , necdum probe nosti servire hominibus , qui ante oculos tuos versantur quotidie ; quomodo poteris servire spiritibus à nostro mortalium sensu tam remotis ? Ergò liceat mihi saltem (inquit idem discipulus) Exquirere abs te de morte. Respondet : Necdum probe nosti vivere , quomodo nosces mori ?

§. 2. *Mim-çu* discipulus unà cum aliis adstabat lateri *Confucii* cū cum serenitate habituque corporis , ut non obscure proderet interiorem recti animi statum. *çu lu* verò animosa intrepidaque specie. *Gen-yeu* & *çu-cum* constantiam nescio quam & integritatem prodente ipso habitu specieiue oris & corporis. Quæ omnia observans *Confucius* gaudebat , quod speraret in adita sapientiz aliquando ingressuros.

§. 3. Quamquam quod attinet ad discipulum *Ten* (seu *çu lu*) quam vereor , inquiebat , ne illi præservida sua indoles sit fraudi non obtinebit suam mortem placidam & connaturalem. Prælagos

Magistri metus probavit eventus : miserabili enim in bello morte occubuit adhuc vivente *Confucio*.

f. 4. p. 1. §. 1. Regni *Lu* homines, id est, tres familiæ præpotentes, quæ oppressa serè autoritate Principis potiebantur rerum, moliebantur novum Regni sui ærarium, propterea quod vetus minaretur ruinam.

§. 2. Consultus hac in re *Mim-çu-kien* sic ait : Secundum veterem suam formam si restauretur, ecquid vobis videtur ? Quid obsecro, necesse est denuò extruere à fundamentis novum ærarium, & in labores sumptusque tam immodicos populum conicere.

§. 3. *Confucius* hoc audito gavisus, reverà, inquit, ille vir non loquitur, nisi perparce. At cum loquitur, omnino scopum attingit, & quæ dicit, consentanea sunt rationi.

§. 4. *çu lu* musica delectabatur quidem, sed ea, quæ Martem & arma ref. naret; longe sicùs ac suus Magister. *Confucius* itaque cum forte audiret discipulum hunc domi suæ canentem fidibus, quid audio : inquit, discipuli mei *Ten* instrumentum quid facit in mea domo ?

§. 5. Condiscipuli propter hoc Magistri dictum minus jam honorabant, & tantum non aspernabantur ipsum *çu lu*. Quod animadvertens *Confucius*, absit, inquit, ut hunc virum aspernemini. Discipulus *Ten* jam certe subiit in aulam Philosophiæ nostræ ; quamvis necdum introivit in interiores ejusdem ades ac penetralia.

Condiscipulus Gen yeu fortè significaverat ipsi *çu lu*, quam non probaretur Magistro ejus musica : ea res sic afflixit hominem, ut diem totum nihil admitteret edulii. Usque adeò dolebat aliquid sui non probari Magistro. quod hic audiens, qui peccavit, inquit, sed quod peccatum est, vult protinus emendare, is progressum fecit band sanitendum, quo lb nem çai, ki çin y hu.

p. 2. §. 1. *çu-cum* percontatur de duobus condiscipulis *Su* & *Xam*, uter esset sapientior ? *Confucius* respondit : *Su* excedit, *Xam* verò non pertingit. Ambo deerrant à medio.

§. 2. Ait iterum *çu cum* : si ita est, ergo *Su* antecellit sapientia alterum.

§. 3. *Confucius* ait : Proprius sapientiæ locus est medium, quod qui transiit, similis est non attingenti.

§. 4. *Ki xi* dynastia præpotens & Præfectus Regni *Lu* (inquirebant discipuli ad *Confucium*) nunc opulentior est quam ipse fuerit *Cheu-cum* frater *Vu-vam* Imperatoris. Interim verò *Gen-kien* domesticus administrator ipsius, pro ipso congerit immodica tributa, & operam confert ei locupletando.

f. 5. p. 1. §. 1. *Confucius* hæc audiens, qui res, inquit, tam alienas getit à doctrina mea & ratione, non est meus discipulus. Vos
ô discipuli

ô discipuli mei, pulsare nunc oportet tympana ; voces , inquam , animosque & studia iugere , & oppugnare illius inprobritatem stultitiamque.

§. 2. Exponit hîc *Confucius*, quid etiamnum desideret in quatuor discipulis sibi charis imprimis ; *Chai*, inquit, sincerus est ille quidem ac sedulus, at rudis est etiamnum multarum rerum.

§. 3. *sem-gan* (is ipse qui librum *Ta-hio* in lucem edidit) tardior est & parum acutus ac perspicax.

§. 4. *Su* iusto plus tribuens exteriori cultui & compositioni.

p. 2. §. 1. *Yeu* (seu *çu-lu*) asperis adhuc & inconditis subrusticisque moribus est.

§. 2. *Confucius* aiebat : Meus *Hoti* ô quam is prope aberat à verâ virtute ! Sæpè ad extremam rerum penuriam reductus fuit , & ne tum quidem à suscepto virtutis proposito recedebat.

§. 3. Secus verò discipulus meus *Su* suo se regebat arbitrio consilioque , & non acquiescebat cæli dispensantis opes arbitrio , sed opes imprimis studiosè cumulabat ; cumque valeret ingenio industriaque ; idcirco ubi quid moliebatur , tum plerumque ferè optatum res habebat successum.

f. 6. p. 1. §. 1. *çu-cham* percontatur de bonorum hominum ratione & viâ , eorum scilicet qui citra studium , nativâ quâdam facilitate indolis ac bonitate sunt præditi. *Confucius* respondet : Tales ut censcantur & sint, non illi quidem necessario insistent vestigiis Sanctorum ac Sapientium ; Contenti sanè sint nativis illis, ut sic loquar, opibus suis, sed etiam revera sic non ingredientur unquam in adyta penetraliaque sapientiæ, ad quæ sola nativa bonitas non pertingit.

§. 2. *Confucius* ait : Discurrat quispiam ac disputet de rebus optimis, nec copiosè modò, sed etiam solidis firmissimisque rationibus, sic ut talis habeatur ab audientibus , qualem sonat ipsâ oratio ; an hic illico censendus erit vir virtutis solidæ , an fucatus & fictus ?

§. 3. Discipulus *çu-lu*, Magistrum interrogat : An posthac ubi quid audivero abs te, hoc ipso mox exequar ac perficiam ? *Confucius* respondet : Sunt tibi pater & frater natu major etiamnum superstites, illos tu audias licet. Quo pacto igitur ubi quid audiveris abs me, hoc ipso mox perficias ? Alter discipulus *Gen-yeu* dictus similiter Magistrum interrogat : Num ego posthac ubi quid audivero abs te, mox perficiam ? *Confucius* ait : Omnino sic age : Audi me , & quidquid audieris protinus & animosè fac perficias. Tertius *Cum-si-hoa* dictus, admiratus magistri responsum tam dissimile in re tamen simillimâ, quid hîc, obsecro, mysterii latet , inquit : *yeu* discipulus tuus interrogavit, ubi quid audivero abs te , moxne perficiam ? Et tu res-

pondisti, sunt tibi pater & frater natu major superstites, illos audi: Alter discipulus *Kien* seu *Gen yeu*, item interrogavit, ubi quid audivero ab te, moxne perficiam: & tu respondisti: quidquid audieris, protinus fac perficias. Ego *Che* (parvum nomen est *Cum si bo*) hæreo incertus & perplexus responso tam dispari. Ausum itaque sciscitari abs te, quid sibi hoc velit: *Confucius* respondit: Discipulus *Kien*, uti nosti, timidi & imbecillioris animi est: Facile cedit ac retrocedit, idcirco ineitandus & propellendus fuit ut à me audita mox perficeret. Alter verò *yeu*, animosior est iusto, & cum arrogantia quadam ardet antecellere ceteros; & idcirco reprimendus fuit & rejiciendus ad parentes & fratres, ut iis morem gerens, modestior evadat.

p. 2. *Confucius* erat eum cura & metu non mediocri in ditione quam, idque propter periculum sanè præsens, in quod ipsum conjecerat sua species & forma corporis admodum similis alterius ejusdem Præfecti quem quidem sic oderant indigenæ, ut ad necem quærent; jamque adco armis obsidebant diversorium Philosophi: Cujus interim sidus *Achates yen ywen* tunc fortè retrò moratus ab erat. Verùm non multò post adventu ejusdem aspectuque exhilaratus *Confucius*, reverà, inquit, jam ego te censebam esse mortuum. At ille absit hoc, inquit, optime Magister, te namque superstitè, discipulis tuus *Hoei* quis ausim, vel quis sustineam injussus mori?

§. 7. p. 1. §. 1. *Ki su gen* vir potens ac nobilis in Regno *Lu*, *Confucium* pereontatur de duobus ejusdem discipulis, neenon Ministris suis & Consiliariis *Chum yeu* & *Gen kien*, an scilicet possint vocari præstantes & magni administri.

§. 2. *Confucius* respondet in hunc modum: Ego illam tuam existimabam fore de re prorsus eximiâ & de viis admodum illustribus percontationem. Verùm nunc, uti video, de duobus istis hominibus, de *yeu*, inquam, & *Kien* est quaestio tua: Quæ satis declarat, ignorari abs te, in quo posita sit laus & ratio magni administri.

§. 3. Etenim quisquis dicitur magnus administer & Consiliarius Principis, is omnino secundùm id quod jus & ratio poseit, servit Principi. Quod si nequeat servire hoc pacto; tum desistit ac renuntiat suo muneri.

§. 4. Nunc ergò duo isti *yeu* & *Kien* discipuli quondam mei poterunt fortasse dici vulgares ac de trivio ministelli.

§. 5: Ad hæc rursus *Ki su gen* ait: sit ita, non sint, inquam; primi ordinis ministri, at ceteræ familiæ nostræ *Ki* nonne obsequentes erunt & obtemperabunt mandatis nostris.

p. 2. §. 1. *Confucius* respondet: Sic ut naturæ jura sanctissima violant, ut interficiant, inquam, patrem suum, vel Principem; eatenus, etiam ipsi, quamvis alioqui parum fortes ac probi, haudqua-

quam tamen obtemperabunt. Tacite significat suspicionem suam de ipso percontatoris animo, quod contra Principem suum aliquid machinetur.

§. 2. *çu-lu* præcipuus administer præpotentis familiæ *Ki*, auctoritate gratiæque suâ perfecerat ut condiscipulus *çu-mo* ageret exigue cuiusdam ditunculæ *Pi* dictæ Præfectum.

§. 3. *Confucius* factum damnans, mihi crede, inquit, damno tu es huic homini *çu-cuo* optimæ alioquin indolis ac spei dum immaturum, ad munus publicum inconsultè promotes.

§. 4. *çu-lu* etsi satis jam intelligeret, se istâ in re fuisse præcipientem, cum tueri tamen mallet errorem suum, quam ingenuè fateri; At enim, inquit, est ipsi populus, quem regat; sunt spiritus ditionis & agrorum præsides, quibus debita exhibeantur pietatis officia. Quid, obsecro, necesse est vacare prius litterarum monumentis, ac tum demum censeri studuisse? immo verò regere populum; & obsequi spiritibus, hoc ipsum studere est.

§. 5. *Confucius* immodestâ responsione suboffensus; enimverò, inquit, hæc est ratio cur oderim & execrer huiuscemodi garrulos, & errore novo tuentes errorem suum.

f. 8. p. 1. §. 1. Fortè quatuor discipuli nimirum *çu-lu*, *çem-sie*, *gen-yeu*, & *cum-si* *boâ* ad latus Magistri considebant.

§. 2. Avebat autem scire *Confucius*, quid singuli haberent in votis. Quod ut familiarius, fidentiusque exponerent; æquales sumus, inquit, quotquot hic sumus; quod ego namque uno alterove die grandior sim quam vos sitis; non mei, seu, ætatis huius meæ, rationem habeatis, quin loquamini fidenter.

§. 3. Quando vos degitis, privati; tum dicitis (opinor) haud rarò: non ego cognoscor, adeoque non est qui utatur meâ operâ: quod si ergo quispiam novisset vos, si perspectas haberet egregias dotes, ac facultates vestras; jamque adèd uteretur vestrâ operâ; tum quo maxime modo vos haberetis; quid, inquam, ageretis.

p. 2. §. 1. *çu-lu* nihil cunctatus, repente, nec sine quâdam jactantiâ respondet: Mille quadrigarum dynastia (continebatur, hæc ambitu centum stadiorum Sinensium, id est, octo fere leucarum nostratum; eratque propria Regulorum.) Medio sita loco & conclusa sit quodammodo inter majora duo regna. Augeatur eadem & firmetur cum præsidiis bellicis, atque imprimis majoribus minoribusque militum legionibus. Inter hæc autem frequens adsit segetum frugumque fertilitas: Ego verò in tali re ac tempore gubernator sim istius dynastiz; spondere profectò ausim, quod vixdum exacto triennii spatio potero efficere ut vel sic habeant subditi mei multum roboris & fidei, constantizque, simulque sciant præ oculis habere æquitatem suæ causæ, patriæque libertatem; & me, ducem socioque fortiter

ubi fuerit opus, pro eadem occumbere. *Confucius* hæc audiens sub-
rigit.

§. 2. Tu verò discipule mi *Kieu*, sive *Gen yeu*, tu quid agitas ani-
mo. Respondet ille : Ditionem quampiam sexaginta, vel septuagin-
ta stadiorum, vel hæc ipsâ minorem, exempli gratiâ, quinquagin-
ta vel sexaginta stadiorum (*Hæc quatuor aut quinque leucarum ambi-
tu continebatur, eratque propria dynastiarum inferioris ordinis*) Ego si
administrarem, vixdum exacto ttrienii spatio possem fortasse curâ
meâ industriaque efficere ut affatim esset populo earum rerum, quæ
sunt ad vitam sustentandam necessariæ. Caterùm quod spectat ad
ipsos ritus officiaque civilia, necnon mutuam omnium inter se suo-
que cum principe concordiam, moresque & disciplinam Reipubli-
cæ bene constitutæ ; ad hoc perficiendum, sicut ipse sum impar,
ita præstolor eximie virtutis sapientiaque virum, qui perficiat.

§. 3. p. 1. §. 1. Et tu, mi discipule *Che*, sive *cum si boæ*, tu quid
moliris animo. Respondet : Ego similiter non facile dixerò id posse
me, quod *Gen yeu* pro modestiâ suâ prudentiaque negat se posse.
Desidero inrerim (quod unum quoque possum) assidue discere. In
parentalium verò aulatum rebus propriis, apparatuque funebri, uti
etiam cum celebrantur comitia extraordinaria Regulorum tantùm,
& aliâ maximè generalia omnium; tunc ego cæruleâ indutus veste,
& cum proprio loci illius temporisque pileo, optarem & mirificè
gauderes in assistere spectator, quin & agere inferioris ordinis admi-
nistrium.

§. 2. Tu denique, mi bone senex *Tien*, sive *sem siæ*, tu quid ha-
bes in votis. Ad hanc magistri vocem pulsare instrumentum desit,
fonoque fidium paulatim remittente, ac remoto tandem ab se in-
strumento, & consurgens respondit : Ego quidem planè dissentio
ab istis trium condiscipulorum propositionibus ac votis. *Confucius*
ait : Quid officit ? non ideo tu nos cela, quid sentias & optes. Et
verò sicut sua cuique studia sunt ac vota, sic quisque profatur & ex-
plicat sui animi sententiam & vota. Pareat senex, & ait : Quod ego
hic & nunc expeto imprimis, tam est etati meæ naturæque consenta-
neum, quam alienum ab omni specie cupiditatis & ambitionis. Porro
nihil est aliud quàm exeunte vere, verno habitu vestitum, id est, simpli-
ci, leviqve, & ad senile corpus jam accommodato : Unâ cum pileatis,
id est, qui adolescentiâ jam excesserunt, quinque vel sex sodalibus
eorundem mecum studiorum : Item cum adolescentulis sex septem-
ve deambulare in pomâriis australibus ; ibique corpus ablucere in
fonte fluminis 7. Deinde verò captare ventum in umbroso nemore
Ynyu (locus erat ubi cælo sacrificare consueverant, quotiescunque
deprecabantur imminentem ex pluvie defectu sterilitatem) Actan-
dem æternis modulâri suaviter, & sic lætos aëtrisque demum re-
petere.

petere. *Confucius* ista senis ingenui simplicitate delectatus, eique applaudentis instar & simul tamen suspirans, bellè tu, inquit, approbo quæ dixisti, *Mi tien*.

Varias approbationis hujus causas afferunt Colaus, aliique Interpretes.
 1. Ut sic ostenderet *Philosophus*, baudquaquam probari ab se cupidinem dominandi. 2. Ut doceret alienam esse à sapiente jactantiam omnem & vanitatem. 3. Multò minus viro sapienti appetendum esse quidpiam, quod extra ipsum sit, & ab alieno pendeat arbitrio, seu cæli seu hominum. Ad extremum, approbare hic visus est sententiam æm sic, quamvis aliqui j. cosa similem, quia nimirum tendebat ad scopum longè præcipuum *Philosophie* suæ, qui quidem scopus erat charitas seu amor quidam communis erga omnes omnis ætatis homines; quo optabat grandævæ pacem & tranquillitatem; inter æquales & amicos fidem atque concordiam; erga imbecillioris ætatis adolescentes curam & commiserationem. Hæc Interpretes.

p. 2. §. 1. Primis itaque tribus discipulis egressis, quartus æm-si remanserat: hic æm-si igitur sciscitatus ait: De horum trium discipulorum sententiâ & discursu, ecquid tibi videtur, ô Magister? *Confucius* respondit: Equidem quisque profatus est animi sui sensum ac votum, & nihil præterea.

§. 2. At inquit æm-si, tu ô Magister cur ridebas discipulum tuum *yeu*, quando is primo loco vota sua exposuit?

Ê. 10. p. 1. §. 1. *Confucius* respondet: Administrandum est Regnum ex præscripto & normâ officiorum ac legum: In his verò primum obtinet locum modestia, submissioque animi. Hujus autem discipuli sermones & verba non significabant ullam modestiam: Atque hæc fuit causa cur subriserim.

§. 2. At (inquit senior) num solus iste desiderio tenebatur imperitandi? *Kieu* certè discipulo alteri nonne erat suum quoque in votis Regnum? At risum tenui, inquit, *Confucius* quia ejus oratio erat modestior; quod alioquin & ipse meditaretur regnum, cui dubium possit esse? Ecquando namque vidit quis in hoc imperio ditionem sexaginta vel septuaginta stadiorum, uti etiam quæ minor sit quinquaginta scilicet vel sexaginta stadiorum, quæ tamen non sit regnum?

§. 3. Sed enim (inquit hic rursus senior) tertio discipulo *che* huic certè, nullumne fuerit in votis Regnum? Respondet *Confucius*: Nec ipse vacat dominandi cupiditate: Nam parentales principum majorum aulæ, ritusque funebres; item comitia illa extraordinaria, vel generalia, si non sint res propriæ Regulorum, ad quos tandem spectant res illæ? Quod autem optare se diceret agere tali loco & tempore inferioris ordinis administrum, suspecta mihi oratio est; Etenim *che* vir talis ac tantus, & ad maxima quæque natus, uti pro-

bè nosti, si fuerit parvus, si aliquando fungatur munere ministri tam vulgaris, uti visus fuit expetere, ecquis audebit, aut valebit esse magnus aut Princeps aut Regulus in adeo angustis seu ritibus, seu comitiis: quis sustineat illi se præponere, aut etiam assistere ad ipsius latus?

p. 2. *Ten-yuen* consulit Magistrum de cordis innocentia & perfectione nulli non mortalium indita cælitus; modumque exquirat illius recuperandæ. *Confucius* respondit: Vincere seipsum, atque ita redire ad primævum illud temperamentum naturæ rationalis, hoc est obtinuisse cordis innocentiam & perfectionem. Mortales universi vel unico die si vincerent seipsos & redirent ad temperamentum illud, tunc orbis universus rediret ad innocentiam naturæ & perfectionem. Verumtamen ut quis operam det recuperandæ isti perfectioni, hoc & oritur & dependet ab ipsomet homine. Quomodo autem dependeat vel oriatur ab aliis hominibus?

f. 11. p. 1. *Ten-yuen* ait: Liceat mihi denuò sciscitari abs te Magister ipsum quasi clenchem, seu seriem victoriarum suisipsius. *Confucius* respondit: Contra rationem ne quid cernito, contra rationem ne quid audito, contra rationem ne quid effator, contra rationem ne quem animi corporisve motum suscipito. *Ten-yuen* his auditis, alacriter respondet: Mihi quamvis haud perspicaci, liceat tamen pro viribus opere ipso explorare hæc tua documenta.

f. 12. p. 1. §. 1. Discipulus *chum-cum* similiter Magistrum consulit de cordis perfectione jam memorata. *Confucius* tria proponens media illius obtinendæ sita in attentione sui, observantiâ aliorum, & charitate, sic respondet: Sic egredere tuâ domo, tam præsens tibi, tamque attentus ad omnia, atque si visum eas magnum quemdam honoratumque hospitem. Sic impera populo, sic ei indieto opera publica, ac si offerres magnum sacrificium ritè peragendum; Reverenter, inquam, subditos tuos tracta. Denique tibi ipsi quod non vis fieri, vide ne conferas in alios: Hoc pacto sive verferis in regno publicus administret, non erit qui te odeat, aut de te conquerratur: sive verferis domi, è domesticis haud quisquam erit apud quem vel odio vel invidiâ labores. *chum cum* his auditis respondet: mihi quamvis haud perspicaci fas sit tamen exequi hæc tua documenta.

p. 2. §. 1. Alius è discipulis, cui *Su ma niem* nomen, eandem quam duo priores quætionem instituit de cordis perfectione.

§. 2. *Confucius*, ut hic medeatur ægritudini hominis, nimium loquacis, sic respondet: qui innocens ac perfectus corde est, seu nativam cordis habet rectitudinem, hujus verba cum tardiloquâ moderatione linguæ proferuntur.

§. 3. Num igitur (inquit) is cujus verba cum difficili illa mo-

deratione ac tarditate proferuntur, hoc ipso mox dicitur corde perfectus? *Confucius* respondet: Rectè agere arduum est ac difficile: loqui ergo rectè quis poterit sine tardiloquâ illâ linguæ moderatione? quali diceret: Ut rectè loquaris, rectè prius agas necesse est: ad hoc autem necessaria est cordis custodia: Sed hæc rursus est difficultatis plenissima: Loqui ergo rectè, non est tam facile, quàm tu videris existimare.

f. 13. p. 1. §. 1. Idem *Su ma mien* percontatus est de viro proba. *Confucius* respondet: Vir probus nec tristatur, nec timeret, quemadmodum tu facis, qui propter fratres rebelles ac transfugas, te conficis immodico metu ac mœrore.

§. 2. Nunc igitur, inquit, qui nec tristetur nec timeat, hoc ipso dicitur vir probus? *Confucius* respondet: Interiora animi discutiens severo examine, nec inveniens tamen quidpiam vel erroris vel culpæ cujus cum peniteat pudeatve, sic prorsus, ut nihil egerit rerum quod non vulgari possit inter homines, nullam volverit animo cogitationem, cujus nolit conscium esse cælum (*Vu yo mien pu co yu tien chi*) ejusmodi vir, inquam, quorsum obsecro tristetur? Quorsum timeat?

p. 2. §. 1. Idem *Su ma mien* cum mœreret nihilominus, & angere-
retur fratrum causâ, quos proxime jam perituros esse præfagiebat,
miserum me! inquit, hominum plerique habent fratres majores &
minores natu, & ego unus (uti malè suspicor) jam nunc illos non
habeo.

§. 2. *Su hia* condiscipulus mœrentem solaturus ait: Ego audiui
quandoque magistrum meum, cum diceret,

§. 3. Mors & vita habent inviolabilem quandam à cælo legem.
Opes item & honores in arbitrio sunt & potestate cæli; atque adeo
neque hæc neque illa arbitrii sunt nostri.

§. 4. Quocirca verus Philosophus unius cæli arbitrio acquiescens
unam rem agit, nimirum attendit sibi perficiendo, & nihil amittit
negligitve quod in hunc finem usui esse possit. Cum aliis verò cu-
juscumque sint ætatis & ordinis, hominibus, observantiam bene-
volentiamque exercet. Verumtamen sic ut suis temperata sint ritibus
officiisque omnia. Porro qui de se deque aliis sic mereatur, ei
quotquot existunt homines quatuor maria intra, id est, in orbe
universo, omnes sunt majores natu fratres vel minores ex uno quasi
sinu ejusdem matris effusi. Philosophus ergo quorsum angatur ani-
mo propterea quod nullos habeat fratres?

f. 14. p. 1. §. 1. *Su cham* Magister consulit de perspicacitate, quif-
nam illâ præditus esse censendus sit. *Confucius* respondet: Instar aquæ
tacite leniterque fluentis instillatas, seu quasi per cuniculos suos in-
sidiosè subrepentes obtrectationes de corporaliter susceptis injuriis,

accusationes, non audire, nec illico credere. Hæc cenferi potest & vocari perspicacitas, nec ampliùs requiritur. Iterùm dico: Subdolis illis ac virus suum blandè instillantibus obtreccionibus, ad commiserationem item denique movendam artificiosè compositis de manifestè accepto quodam damno accusationibus, nonnisi admodùm lentè, consideratèque aures ac fidem præbens, verè potest dici res quamvis abditas ac remotas habere tamen perspectas inusitatà vixquè scrutabili quadam perspicacia. Nec aliud hîc opus est.

Colans ubi locum hunc copiosa paraphrasi declaravit, concludit denique documentum istud viro Principi vel maximè debere esse cordi. Cum it enim suis unius oculis auribusque attingere debeas ditionis suæ quamvis amplissima res omnes, si foris vel aures habeat nimis faciles patulasque vel oculos parùm perspicaces; periculum fore, ne malevolorum & invidiam invidensium mendaciis calumniisque, velut aquis occultis, & insidiatricibus oppleantur & hebescant sensus supremi capitis, brevique torrent ac illuvies insperata calamitatum totius Regni corpus obruat ac pessumdet.

§. 2. *çu-cum* Magistrum consulit de rectâ ratione gubernandi. *Confucius* respondet: Sit assatim annonæ tuis subditis. Sit assatim militum, rerumque necessariorum ad usum bellicos, in populo denique vigeat fides quæ respondeât fidei beneficentiæque ipsiusmet Principis.

p. 2 §. 1. Ad hæc *çu cum* probè quidem rem intellexi, inquit; sed nova mihi dubitatio suboritur. Quid si omnino non possit aliter fieri quin dimitteretur hîc unum ex hisce tribus ecquod primo loco dimitteres? *Confucius* respondit: Dimitterem milites. Armabit scilicet inermem turbam, sua cuiusque fides erga Principem, mutuusque amor & concordia præstabit invictos.

§. 2. *çu-cum* denuò quærit: Quid si omnino non posset aliter fieri quin hic quòque demeretur aliquid; ex his duobus, victu scilicet ac fide, utrum prius patereris tolli? *Confucius* respondet: Tolli paterer seu dimitterem victum. Quippe ab omni ævo omnes omnino sumus mortales. Malebat igitur *Confucius* subditos cum fide mori quàm hujus expertes, à suâ hominum conditione discedere. Certè ubi populus expertus est mutus fidei, adèò non erigitur, aut coalescit in Rempubicam, ut contrà cum interire necesse sit.

f. 15. p. 1. §. 1. Regni *Guei* Præfectus *Kie çu chim*, *Confucii* discipulum *çu-cum* alloquens; cerimoniarum, inquit, nullus est finis. At certè sapiens nativam & ingenuam simplicitatem & sinceritatem habeat, & hæc sufficiat. Quid illa tam operosa, rituum morumque elegantia ad rem facit?

§. 2. Ad hæc *çu-cum*, ô quam, inquit, deplorandus est tuus ille sermo judiciumque de viro sapiente! Sermo quidem talis, ubi semel

semel temerè prolapsus est ab ore, etiam trahentibus quatuor equis, non tamen redibit ad linguam, seu jam est irrevocabilis.

§. 3. Certè exterior illa gravitas & compositio necessariò comitatur nativæ simplicitatis sinceritatem, & hæc vicissim comitatur illam: Alioquin quod erit discrimen Principis à subdito, sapientis à stulto; uti tigridis & panthetæ pellis suis pilis nudata protus est sicut canina aut ovina pellis item nudata suis pilis. Pili enim quamvis videantur esse superfluum quid & contemptibile; reverà tamen pellium discrimen hîc faciunt.

§. 4. *Ngai-cum* duodecimus Regni *Lu* Regulus quæsit à *Confucii* discipulo *Teu-jo* dicens: Anni steriles sunt & quibus fame laboratur, ad usus autem meos, non suppetunt sumptus necessarii: quid remedii?

§. 5. *Teu-jo* tacitè arguens Principis exactiones respondit: Cur non exigis decimas, seu unum de decem à tuis subditis? Nam hæc familiæ quidem nunc imperantis est regula.

p. 2. §. 1. Respondet Princeps: Duo de decem mihi adhuc non sufficiunt; quorsum igitur istæ, quas inculcas, decimæ?

§. 2. Respondit iterum *Teu-jo*: quando subditis res abundat, Principi cuinam pariter non abundet? quando verò subditis non abundat, Principi cui nam tunc abundet?

§. 3. *su-cham* consulit Magistrum quomodo quis in dies accumulet virtutem virtute, & discernat perturbationes animi? *Confucius* respondet: Statuere fundamentum in sinceritate ac fidelitate ipsiusmet animi, & in verbis, actionibusque omnibus veracem esse, sine, fūco & simulatione; in rebus omnibus semper convertere se ad id quod rationi maximè est consentaneum, hoc est accumulare virtutes.

f. 16. p. 1. §. 1. Jam verò ut ostendat animi perturbationem, nihil ferè esse aliud, quàm, velle aliis ea, quæ non sunt arbitrii sui vel potestatis, vel quæ sunt inter se pugnantiæ sic ait: Amando quempiam, optare eum vivere; odio habendo quempiam, optare eum mori: Imò etiam optatâ modò ipsius vitâ, mox rursus optare eundem mori, cum jus vitæ necisque sit penes cælum (idemque est de motibus aliis varii & inconstantis animi) hoc ipsum est obnubilato perturbatoque esse animo.

§. 2. Regni *çi* Regulus *Kim cum* percontatus est modum feliciter gubernandi à *Confucio*.

§. 3. *Confucius* perbrevis sed perapposito responso multa complectens, sic respondit: Rex sit Rex; subditus sit subditus, pater sit pater, filius sit filius.

p. 2. §. 1. Applaudens Regulus, ô, inquit, quàm laudo & approbo! verè sic res habet: Etenim si Rex non sit Rex nisi solo nomine: Subditus similiter si non sit subditus; pater non sit pa-

ter, filius non sit filius; quia nimirum non agant quæ sint sui muneris & conditionis; jam lex omnis & ordo rerum; quin & usus ipse rerum pereat necesse est. Quamvis itaque sit mihi ex. gr. census amplissimus & annonæ vis maxima, ego num potero tunc illâ frui? quasi dicat: Improbiorum licentia, summaque perturbatio rerum omnium ne me quidem, qui tamen sum Dominus frui siner. Præfaga vox fuit: nam non diu post proditorum insidiis miserabiliter Regulus occidit.

§. 2. *Confucius* discipulum *çu-lu* collaudans apud suos, ait: qui dimidio, ut sic loquar, verbo possit decidere lites, is nonne est discipulus meus *Teu*?

§. 3. Ad laudem hanc addentes aliam condiscipuli, narrabant, quod idem *çu-lu* ne per spatium quidem noctis unius relinquebat promissa & datam fidem, quin accuratè præstaret.

f. 17. p. 1. §. 1. Hæc etiam occasione commemorant discipuli id quod sæpenumerò *Confucius* dicebat: in audiendis litigantibus ego sum sicut alii passim homines; sed oporteret imprimis hoc efficere ut non essent litigantes, aut lites.

§. 2. *çu cham* Consulit Magistrum de modo gubernandi. *Confucius* respondet: Ante omnia meditare quæ tui sunt officii, idque, meditare constanter & sine inertiâ. Deinde tracta negotia publica & aliis consule eâdem cum veritate & fide, quâ tibi ipsi, profectuique tuo consulisti.

p. 2. §. 1. *Confucius* ait: Vir probus ac sapiens perficit verbo & opere aliorum hominum virtutes ac laudes, juvando scilicet imbecilles, timidos ac jacentes erigendo, subdendo calcaria currentibus; nequaquam verò ruetur aut confirmat perditorum hominum licentiam & improbitatem; stulti verò improbique viam tenent planè contrariam huic viæ. Videat ergò vir Princeps (inquit Colaüs) sibi ministros adfiscat: Talesne, quos veluti patronos ac duces ultrò seâctetur omnis colluvies sceleratorum; an tales, quibuscum virtus omnis & innocentia conjungi gaudeat.

§. 2. Regni *Lu* Præfectus *Ki cam çu* percontatus est modum rectè gubernandi à *Confucio*. *Confucius* ut ad officium frugemque revocet, respondet: Regere, dirigere est, seu, rectificare: Tu ergò si præceas exemplo ad id omne quod rectum est ac honestum: equis tuorum audebit non esse rectus?

§. 3. Idem *Ki cam çu* cum angeretur animo propter latrones, consulebat *Confucium*. *Confucius* respondit: Si quidem tu ipse non sis cupidus, quamvis ultrò provoces, & præmiis allestes subditos tuos ad latrocinandum, non tamen latrocinabuntur. Latrocinii quippe magistra, cupiditas est: Hujus autem cupiditatis incentrix & magistra altera, cupiditas avaritiaque magistratuum: quos si incor-

ruptos viderint subditi; vel solo pudore prohibiti à furtis abstinebunt.

f. 18. p. 1. §. 1. Idem rursus *Ki cam çu* exquirens modum rectè gubernandi à *Confucio*, sic ait: Ego si interficiam passim improbos & exleges, ut ita commodius accersam promoveamque probos & observatores legum; quid videtur? *Confucius* respondit: Tu si quidem gubernas, ut par est; quorsum utare suppliciis tam crebrò: Tu expete tantummodò quæ recta sunt & honesta, consterque hoc omnibus; & statim populus exemplo tuo probus evadet. Gubernatoris virtus quotiescumque rebus factisque palàm se facit, ventus est, seu veni instar: Subditorum verò infimæque plebis virtus, herba est. Herbis si superveniat ventus; proculdubio hæ sese submittent, & obsecundabunt vento quocunque faciles impelli.

§. 2. Discipulus *çu cham*, qui magis laborabat, ut audiret, quam ut esset bonus ac sapiens, instituit quætionem huiusmodi. Literarus quispiam gubernator quomodo hic poterit dici vir clarus & illustris.

§. 3. *Confucius*, ut ulcus detegat, quærit ipse vicissim: Quidnam, id est, quod tu vocas clarum & illustrem esse?

§. 4. *çu cham* respondet: Aliud nihil est, quàm si quis verferetur in regno quopiam administrator omnino audire bene & sermonibus omnium celebrari. Eundem, si verferetur domi suæ, procul dubio audire bene & celebrari.

§. 5. *Confucius* ad hæc ait: Quod ipse dicis hoc quidem est audire bene & illustrem dici, at non est, clarum esse & illustrem. Diversa namque sunt dici & esse.

p. 2. §. 1. Ego itaque sic sentio, quòd is qui clarus & illustris est, de re nullà minùs laborat, quam ut vulgò talis habeatur. Solidus, syncerus & rectus est: Et gaudet officio & æquitate; prudenter expendit sermones tum suos tum alienos; quin etiam diligenter observat os ipsum oculosque, priusquam certi quid de quoquam statuatur. Post hæc autem assiduè meditatur, quo maxime modo cedat ac submittat sese aliis. Huiusmodi sanè vir sive verferetur in Regno Principis administer, procul dubio perillustris erit: sive verferetur domi suæ pater familias, procul dubio perillustris erit.

§. 2. Jam verò qui benè audiunt, & populari tantùm famâ, clari sunt; hi modestià quâdam & gravitate exteriori, studiosè captant virtutem, virtutis inquam nomen ac famam; cùm interim rebus ipsis factisque virtuti adversentur. Idem rursus, tam placidè tamque fidenter persistunt in virtute, umbrâ inquam illâ simulatæ virtutis, ut jam non sit ulla dubitatio, quin talis reverà sit, qualem se men-

titur esse. Adeoque sive is versetur in Regno, haud dubiè celebratur à Principe, sive versetur domi, haud dubiè quoque celebratur ab suis. At profecto celebritatem hujusmodi execratur quisquis est probus ac sapiens.

§. 19. p. 1. §. 1. *Fan chi* discipulus dum sequitur *Confucium* deambulantem in luci *an yu* dicti inferiori parte, sic ait : ausim ego exquirere abs te, Magister, ac discere tria imprimis necessaria cuivis homini, qui velit benè beateque vivere. Primum est, accessionibus quotidianis accumulare virtutes. Alterum est emendare vitia & errores. Tertium denique, solerter discernere & penitus habere perspectas animorum nebulas ac perturbationes, ut eas in ipso statim ortu dispellam.

§. 2. Confucius exclamans ait : O laude dignam quæstionem !

§. 3. Et illico respondens ; Satagere potissimum, inquit, circa studium ipsum virtutum accumulandarum & non magni facere seu in aliquo habere numero id quod jam nunc est accumulatum virtutis ac meriti, quodque olim speratur præmii & utilitatis : Hoc nonne est accumulare virtutes ? Quasi dicat, inquit Interpres, quisquis in studio studioque virtutis hoc assidue reputat apud animum suum, longam esse arduamque virtutis viam, eaque impulsus cogitatione tam strenuè progreditur, ac si nihil dum viæ confecisset : quin & reipsa de partis jam opibus & viæ spatio, quod à tergo relictum est, nunquam cogitat prudens ; sed illa quasi negligit, ac postremo habet loco, ne scilicet hujusmodi cogitatio sufflaretur ipsi quodammodo partas opes, dum currentem ad otium & quietem pellicit : quisquis inquam, ejusmodi prudentiâ solertiâque ; fuerit, fierine potest, ut non proficiat in dies, & per incrementa ipsummet fallentia, ingentes coacervet virtutis ac sapientiæ thesauros ? Rursus, ait *Confucius*, indicare bellum sibi, oppugnare diu noctuque, suaipsius vitia & errata ; nequaquam verò temerè & otiosè in mores inquirere aliorum, nec reprehendere & oppugnare aliorum vitia & errata, suorumipsius immemorem : Hoc nonne est reverà secum habitantem mederi sibi, & emendare vitia & errores ? Ad extremum, perbrevis vel unius matutini temporis iracundia non mox coercita, sæpe pessumdat suam ipsius personam, sic ut pertingat ad ipsius parentes quoque & consanguineos, totamque familiam. Atqui hæc nonne est cæci perturbatique animi affectio ?

p. 2. §. 1. Idem *Fan-chi* percontatus est de *Gin* virtute, seu verius de pietate. *Confucius* respondit : Diligere homines sic ut amplo quodam charitatis sinu omnes complectaris & foveas. Similiter percontatus est de prudentia. *Confucius* respondet : Nolle homines.

§. 2. Bonus *Fan chi* nondum percipit Magistri responsum. Et enim si amandi sunt omnes, cur opus est eos nosse, ut probi ab improbis

improbis, amore digni ab indignis discernantur.

§. 3. Dubitanti discipulo *Confucius* sic ait : Quisquis evchit admo-
vetque gerendæ Reipublicæ rectos ac probos , negligit autem om-
nes perversos & improbos , is poterit efficere ut improbi quoque
evadant recti ac probi.

§. 4. *Fan chi* necdum probè percepta Magistri sui ratiocinatione
tam laconicâ , recessit : Nec multò pòst visens condiscipulum suum
cu bia ; scire te volo , inquit , quod nuper ego adfui coram Magi-
stro nostro & consului ipsum de prudentiâ. Magister autem respon-
dit : Evehe probos , neglige omnes improbos , sic poteris efficere
ut improbi evadant probi : Quid hoc , obsecro significat ?

f. 20 p. 1. §. 1. *cu bia* , re protinùs intellectâ , exclamans ait :
O uberem & locupletem sententiam Magistri nostri ! Hoc tibi ego
duorum Imperatorum exemplo declarabo.

§. 2. *Xun* olim cùm obtineret Imperium , maturâ usuf delibera-
tione tandem selegit sibi unum ex omnibus & evexit ad munus su-
premi adjutoris sui , sapientem scilicet *cao yao* : quâ re vulgatâ per-
Imperium , improbus quisque seu expers virtutis tam procul fuit se-
motus , ut evanuisse crederes improbitatem. Similiter *Tam* Impera-
tor , postquam obtinuit Imperium , selegit ex omnibus & promovit
ad supremam dignitatem , sapientem *y yu* , & ecce improbus quis-
que vel ad frugem rediit , vel tam procul abicessit , ac si vivere de-
fuisset.

*Cao yao oriundus fuisse creditur ex stirpe Chuen hio tertii Imperato-
ris Monarchia Sinica. Hujus deinde posterì donati dynastiâ Leão eandem
per decem ferè sacula administrarunt donec à Regulo cu fuit exincta.
Extant illustria tanti viri documenta de modo rectè gubernandi , in li-
bro 2. Xu kim qui inscribitur Cao yao meu , id est , Cao yao consulta-
tiones. Scripta sunt per modum dialogi ipsum inter & Imperatorem , opus
vel propter unam antiquitatem (quippe bis mille & amplius annorum an-
te Christum) pralis dignum Europæis. Inter cetera quod attinet ad rectam
populi administrationem docet quo pacto is , qui in terris imperat , singe-
re & accommodare se debeat ad subditorum suorum desideria & vota , &
talis esse , qualem subditorum merita vel demerita esse postulant , proposi-
to sibi supremi Cæli exemplo & normâ ; tamen hoc enim , seu potius hu-
jus Imperator nihil non audiat atque intelligat (uti literaliter explicat
Cham Colaus) nupote à quo omnis mens , & ratio , & consilium nobis
indita sunt ; singulis item , quod æquum est , pro suis cujusque meritis re-
pendat ; hos ipsos tamen Providentiæ suæ effectus sic exerit , ut à commu-
nibus mortalium votis atque promeritis regimen suum ordiatur quodam-
modo , seseque ita attemperet ut vox & mens populi sit vox & mens ip-
sius cæli seu cæli Domini. Quo fit , ut quod communi naturæ ad bonum
instinctu universus populus audit , videt , ac percipit ; quod item amat &*

odit; cælum itidem hoc ipsum audiat, videat, percipiat, amet, & oderit: Sive ut (alio loco dicitur) cælum videat ex populi oculis, audiat ex populi auribus, adeoque à populo ipsi praviè moveatur, & quodammodò determinetur, ut debita cuiusque meritis premia, vel supplicia decernat. Et hinc etiam non semel hoc libro Xu kim dicitur Xam ti pu cham hoc est cæli supremus Imperator non determinat, sed si improbos viderit castigat, si probos beat, unde, uti alibi, quod cælum immittat calamitates aut felicitates, pendet à virtute. Et quidem quas cælum infert calamitates potest quis adhuc effugere, at quas per sua scelera sibi quis fabricat non potest equè facile evadere, nisi videlicet sese emendet. Quod si populus n. n. obsequatur virtuti nec subiciat se scelerum correctioni, cælum utique per sinistra portenta eum reverà monet movereque ut ad rectitudinem suam virtutemque revocetur.

Alter sapientum Y yn genus ducebat ab illustri Colao Kie mo, qui octingentis circiter ante hunc nepotem suum annis à consiliis fuerat primo Moravie Imperatori Hoam ti nuncupato: Y yn ergò cum turbatissima natus esset tempora, latitabat prudens, & Agriculture operam dabat; quando tam Regulus Tam quinies invitatum frustra, tandem non sine amica vi afflisset sibi coegit & esse à consiliis. Nec multo post misit ad impium Kie prima familia Imperatorem ultimum, non sine spe hominis ad sanam mentem revocandi: apud quem tamen cum nihil is profecisset, re desperatâ, ad Tam Regulum est reversus, qui deinde evectus ad Imperium, primam à suâ dignitatem consulit sapienti, plurimum usus apud eum operâ & consilio ad familiæ suæ Xam dictæ fundatiorem. Author idem facit arifudinas aperienti, sublevando scilicet populo, quem sterilitus & fames per annos omnino septem quibus ipsis fuit & in Egypto (uti facit testantur pagina) orbe univ. tunc laboratum est, vehementer affligerat. Imperatore Tam mortuo, cum fortè Tai kia adolescens, qui avo suo nepos successerat, à curis negotiisque publicis abhorrens, desidia sese & oblectamentis juvenilibus capisset dedere; Colaus Y yn tantum mali oppressurus in semine, adolescentem in horro sepulchri patrii, ceu custodiâ domesticâ detentam, triennio tot. (quod erat tempus paterno luctui destinatum) severâ ad modum disciplina sic instituit, excoluitque prociâ, quâ valebat, variâ potestate, ut inde prodians, jam alius esset ab se, vinceretque ætatem suam prudentia & maturitate; & avia laudis emulus imperium deinde per annos triginta sapienter admodum gubernârit.

Obiit Colaus Y yn centenarius major, anno 8. Vo tim Imperatoris, qui tertius fuit istius familie. Parentavit hic ei ritu Regio; & merito sanè, ut qui per annos tres administrarat olim Imperium tanto maiorem fide, quod vicaria eum potestate. Sepultus est media fere leuca à sepulchro conditoris in Provincia Ho nan. Successit ei filius Y pu, qui & huius, & quatuor succedentium deinceps Principum Colaus fuit.

Extant cedro digna viri praecepta ac monita in eodem libro Xu kun & primum quidem inscribitur Y hiun, id est, documenta ipsius Y yn quibus scilicet adolescentem necdum depravatam, cum antidosis quibusdam vel armis praemunat. Secundum constat severiori quâdam oratione, quâ eandem, cum mutari jam capisset, paternâ cum auctoritate castigat. Tertium scribitur jam respicienti; quo etiam tempore, finito jam luctu trienniali, mensis duodecimi die primo idem Colaus ei purpuram decemlis ac diademâ; laetumque è custodiâ sepulchrali ad anam & arcum solum reduxit. Quarto denique capite hortatur ad tuendum patra, & ceptum virtutis iter animosè proseguendum. Denique est & alterum caput, quod Yc te inscribitur, acris ad unam potissimum virtutem, velut unicam regiminis fundamentum cohortatio. Fit interim crebra mentio in his omnibus providentia celestis, cui par sit morem gerere, & supremi celorum Imperatoris qui etiam nomine ipsius caeli frequenter venit, more Sinis usitatissimo. Quoniam vero hæc adeo antiqua sunt monumenta; gauderent, opinor, Europæi videre illa prelis suis excusa; atque hoc imprimis inde discere, naturâ legem ne extremis quidem terrarum finibus, cum veri Numinis notitia, defuisse. Viderent etiam non sine admiratione, quæ artes, & quæ praecepta regendi Imperii in una religione & virtute fundata, jam tum, annis, inquam, ante Christum 1750. in Sinâ viguerint.

Juvat hic ex multis delibare unum alterumve monitum ad frugem redeunti jam Principi à fideli suo Y yn administro datum, prout Interpres noster ethnicus cum aliis illud exponit.

Regia persona, inquit, supra quidem habet augustum celum à quo respicitur, infra habet populum à quo nem respicitur, ante & retro, à dextris & sinistris assistunt spiritus. Res sanè maxime pertinescenda. Cælum tamen si Regem nec filium habeat tamen an semper facerebit, an aliquando adversabitur admetque Imperium, nondum quidem decrematis, adeoque hîc non ducitur affectu aut propensione determinata. At vero si quidam Princeps noverit reverenter se gerere & obsequi cælo, si sibi attendere, si in omni motu, actione, sermone, cogitatione ita semper se gerat, ac si cælum Regem insineatur ipsique præsens assistat, adeoque ne unicam quidem cogitationem pravam admittere audeat, tum certè hujusmodi mens reverens & cogitatio penetrat ipsum cælum, moxque cælum amanter juvat, protegit, dilatatque à se delegatum Imperium. Populus item tametsi mentem & oculos in Regem suum semper habeat intentos, spesque omnes suas in eo collocatas, non tamen populi indoli usquequaque fidendum cum modo in bonam modo in sinistram partem flucti queas, adeoque ejusdem subiecto debita, non sit quid stabile & immutabile: Verum si Princeps pietate foveat & protegat populum, si filiorum instar amet nec patiatur vel unum vilem homuncionem & mulierculam qui non gaudeat regiâ benescentiâ; tum sanè tam ample pietatis cor diffunderetur in populum qui adeo venerabitur, redamabit, seseque ultro submiscere gaudebit tam pio &

benigno Principi. *Qua cum ita sint, si quidem Rex in dignitate à cælo datâ constitutus vel unam cogitationem non rectam admittat, jam cælum Regem fastidiet & aversabitur; si vel unica res amiserit debitum ordinem, jam populus hoc ipso alienabitur: à cælo igitur collata dignitas quam periculosa est ac formidabilis! quamvis cum timore & tremore & cura assidua in dies virtutem accumulet, non est tamen quod tibi promittas felices exitus securitatem.*

Sola itaque virtus sita in veneratione, pietate, veracitate & fide firmat regna & regimen: hanc si negligas, jam cæli indignationem, populi diffusionem, spirituum aversionem hoc ipso provocaveris.

Denique alio capite præmunens Principem contra præsumptionem suspirans ait: *Quod 9. Imperii Provinciis domineris, reverè non est nisi à supremi cæli mandato. Sed angusto cælo, quod affectu non ducatur, difficulter credi potest aut confidi. Hujus ordinatio an stabilis an diuturna, an varianda an brevior sit futura, omnino incertum. Possit totius Imperii revolutio contingere, possunt initia esse florentissima, at deinde exitus miserandi: dumtaxat igitur cælum attendit ad Principis virtutem cuiusmodi sit. Revera si is domitiis pravis affectibus constanter nisi insistat virtuti sic ut nullo motu pravo ab ea ne ad momentum deflectat, hoc ipso stabilis & favens constabit cæli erga se favor & voluntas: si virtus deficiat privatis affectibus & illicitis desideriis animum ab ea distrabentibus, aut si sibi vim quidem inferat sed ad breve tempus vix perseverans, tum cæli voluntas consequenter eum à se repellet. Et quamvis cæli decretum seu voluntas incerta sit & nobis cognita, tamen hac cælicum homine reciproca relatio omnino non errat aut fallitur: quare si vis, ô Princeps, conservatum diu Imperium, uni constanter vacare virtuti & sufficere. Confirmat hæc deinde exemplis postremi Imperatoris Kie quem ob impietatem cælum à se repudiaverat, & assumpti in Imperium avi Chim tam: de quo sic ait: Ne existimes, ô Princeps! ex privato quodam affectu à cælo delatum Imperium, aut populi opem aut patrocinium ad eam rem Rege postulatum una: scilicet avi tui virtus fuit & pietas qua commovis supremi (cæli) Imperatoris cor & voluntatem, totiusque populi sola ejus virtute attracti propensissima studia.*

p. 2. §. 1. *Qu cum Magistrum consulit de amicitia, Confucius respondit: Magnâ cum fide & benevolentia commoneto peccantem & comiter affabiliterque dirigito in viam, à quâ is aberravit: Quod si nihil efficere hic potes, tum quidem tu deliste prudens ne aliquin importunitate tuâ ipse tibi sis dedecori.*

§. 2. *Item Qu Confucii discipulus, aiebat: Sapientes per litterarum artiumque liberalium studia & exercitationes, fitas potissimum in exemplis ac institutis, monumentisque Priscorum sapientum, sibi conciliant & associant amicos; per ipsos verò amicos mutuò sese adjuvant ad omnem virtutem & perfectionem animi. Idcirco scilicet*

cet sapiens sic his & illis dat operam, ut non tam seſectetur illas, quam per illas ſeſectetur virtutem.



LIBRI TERTII

PARS SEPTIMA

Fol. 1. pag. 1. paragr. 1.

CV LV discipulus exquirat à Magistro suo modum gubernandi. *Confucius* respondit: Exemplis optimis virtutum fac præceas & præluccas subditis tuis; deinde per te ipse fac cures rem populi, ultroque venias in partem laboris publici.

§. 2. Discipulus Magistrum rogavit ut plura suggereret. *Confucius* mederi volens morbo discipuli, sic respondit: Non habeo quod addam; servantur ista duo, sed constanter, absit pigritia, tardium, lassitudo.

§. 3. Alius è discipulis *Chum cum* nomine, cum esset sub *Ki xi* majori præfecto, minoris & ipse ditionis Præfectus; exquisivit item modum gubernandi. *Confucius* respondit: Primum fac habeas minores præfectos, quorum operâ ministerioque res perficias. Dissimula prudens & condona minora peccata. Evehe ad honores publicos, & admove gerendæ Reipublicæ viros spectatæ virtutis ac sapientiæ: Sic enim tibi tuisque præclarè consules.

p. 2. §. 1. At enim, inquit, idem *Chum cum*, quomodo perspectas habebis sapientum hujuscemodi dotes, ut eos deinde eveham. Respondit *Confucius*: Primum fac evehas ipse quos perspectos habueris, & unicum duntaxat, si tantum unicum noveris. Ipse verò quos non habueris perspectos, num alii quoque ignorabunt illos, adeoque præteribunt ac negligent?

§. 2. *Lim cum* Regulo Regni *Lû* mortuo suffectus erat *Che* Princeps, avo nepos; patre interim profugo contra fas & æquum neglecto: Quin & armis deinde, cum reditum pararet, prohibito. Inter hæc *Confucius* è Regno *çu* fortè rediit ad Regnum *Guei*, ubi per id tempus Magistratum gerebat discipulus *çu lu*; qui Magistrum alloquens sic ait: Regni *Guei* Princeps jamdudum tenetur desiderio tui, & cupidè expectat excepturus Magistrum ut fungâre Magistratu. Hoc ergo si contigerit, aveo scire, ecquidnam tu Magister facturus sis primo loco?

§. 3. *Confucius* respondit : Neutiquam violari debet lex & ordo , quo natura filium patri subjecit & adstrinxit. Jam Princeps tuus *Che* , quandoquidem neglecto patre patrioque jure , cum qui suus avus est , patrem vocet , quo scilicet speciosiori nomine possideat necdum sibi debitam ditionem : Ego ante omnia tam sædæ perturbationi recti ordinis , læsæque pietati mederi conarer ; adeoque omnino reformarem nomen ipsius.

f. 2. p. 1. §. 1. *su-lu* verba Magistri non satis maturè expendens , quasi illa hîc & nunc minùs ad rem facerent , parùm consideratè , estne , inquit , hoc ita , ut ais ? Tu Magister , ut mihi quidem videris , abes hic longè à verò. Quorsum ista , quæso , tam supervacanea nominis reformatio , quando sunt alia longè majoris momenti quæ hoc statu rerum ac temporum potius videntur tractanda ?

§. 2. *Confucius* tam præcipiti responso suboffensus , vah ! inquit , quàm rudis & agrestis es , mi *yeu* ! vir sapiens in iis quæ necdum probè percepit ; certe hæsitantis instar est ac subdubitantis ; nec temerè quod in mentem venit , effutit illicò.

§. 3. Audi nunc igitur quid paucis verbis significare voluerim : Si nomen ipsum Principis non sit rectum , nec ejusmodi , quod ei jure competat ; adeoque si in ipsâ quasi fronte hominis resplendeat mendacium ; tum profectò sermones ac mandata haudquaquam secundis auribus animisque excipientur. Quod si sermo Principis non excipiat secundis auribus & animis ; tum procul dubio publicæ res & negotia nequaquam perficientur.

§. 4. Quando autem res hærent & non perficiuntur ; tum vinculum illud societatis humanæ , officiorum scilicet ordo , mutuaque omnium concordia , haud vigeant. Ordine illo & concordia non vigentibus ; tum penæ ac supplicia non attingent scopum à legibus constitutum ; Suppliciis hoc modo à legum scopo aberrantibus , tum populus infelix , incertus quid prosequatur aut fugiat , planè non habet , ubi tuto collocat pedes manusque. Porro tot ac tantorum malorum caput & radix , est neglecta filii pietas , falso illo & jure & nomine personata.

§. 5. Idcirco vir Princeps quod attinet ad nomen ipsius & compellationem procul dubio debet esse ejusmodi quod possit sine rubore ejusdem vel offendiculo subditorum proferri , sic ut vocetur filius , si filius est ; nepos si nepos. Jam ubi sic proferetur nomen , feliciter procul dubio & sine repugnantia subditorum poterunt res & negotia totius Regni procedere. Quocirca vir Princeps in suis verbis nihil habeat vel admittat , quod inane sit vel temerarium ; & hoc quidem sufficiat , ut intelligas ipsè , quanti momenti sit ea , quam initio exigebam ; nominis commutatio.

p. 2. § 1. Discipulus *Fan chi* , pertæsus , opinor , corruptos mores

ætatis suæ, rogavit doceri Agriculturam. *Confucius* respondit: Ego non sum instar veterani agricolæ peritus artis rusticæ: peritos consulito. Rursus itaque rogavit doceri rem hortensem; *Confucius* respondit: Ego non sum instar scioris hortulani; tu adi, & consule quorum id munus est.

§. 2. *Fan chi* spem suam frustratus egrediebatur; egredientem *Confucius* sic arguens, ut simul tamen hortaretur ad susceptum virtutis sapientiæque studium strenuè prosequendum; ô te, inquit, plebeium & humilis animi virum! mi *Fan siu*!

§. 3. Qui superiorem in Republicâ locum obtinent, si quidem gaudeant exteriori simul & interiori compositione; tum quidem subditorum nullus erit, qui audeat non eos colere ac vereri. Rursus iidem superiores si gaudeant æquitate & iustitiâ; tum subditorum nullus erit, qui audeat eisdem non omnibus in rebus morem gere. Denique superiores si gaudeant fide, verbis factisque præstitâ, tum subditorum nullus erit, qui audeat non exerere vicissim sinceram promptamque voluntatem. Hæc autem si ita se habuerint; tum quatuor regionum, id est, orbis universi, populi, fasciis involutos gestabunt humeris infantulos suos, & ultrò properantes turmatim adventabunt; adeoque nec agris cultores deerunt, nec cultoribus alimenta. Quorsum igitur applices animum agriculturæ, qui tuum, aliorumque animum potes excolere, & sic vel maximè consulere ipsi etiam agriculturæ?

Ne quis fortè existimaret à Philosopho Sinico contemni agriculturam, quam nemo Philosophorum etiam Sinenfium non magni fecit; conatur hic Colaüs Interpres noster Confucii responsum sic exponere, ut etiam conciliare non dubitet cum exhortatione illâ, quâ olim Cheu cum Princeps agriculturam Imperatori Chim vam, cuius erat pater ac tutor, studiose commendaret, uti refertur in Xu kim libro 2. sub titulo Vu ye, hoc est, non vacandum otio: Imprimis autem docet, quanti Reges facere debeant, & quam sollicitè tueri ac fovere agriculturam tanquam basim Imperii, & tanquam elementum quoddam populi, quo is haud secus ac piscis aquâ suâ conservetur. Affert in hunc finem exempla prisorum Regum Xun, yu, ven & Vu-vam, patris, fratrisque sui; qui cum Philosophia studio, studium agricultura quondam conjunxerant. Quid? quod etiam ab Imperiali dignitate non alienum id esse Reges censuerunt, qui manus Regias siron admoventes partem agri quotannis per se ipsi arabant, ex quo deinde liba & vinum in sacrificia, calorum Imperatori offerenda petebantur, uti Memcius testatur citans libros officiorum. Quamquam alia quoque tam rari exempli fuit causa, ut scilicet usu ipso discerent Principes duros colonorum suorum miserari labores: Quorum memoriam ut identidem refrigeret Imperatorum unus; aratrum quoque jusserrat in Palatio suspendi. Illam quoque præter has affert causam exercitanda ab Regibus agri-

cultrâ memoratus. Cheu cum, ut modestia imprimis ac submissivis nobilissimum fructum ex illâ peterent : nec deliciis sese otiose dederent , ac luxui , quæ Reipublicæ solent esse perniciose.

211 p. 1. *Confucius* ait : Operoso labore ac studio perdidicerit quispiam Odatum ter centum capita : Collatum fuerit eidem Reipublicæ gubernandæ munus , nec is tamen res muneris sui perspectas habeat , sic ut si legatus eat ad quatuor partes Imperii , non possit Marte sup & ex tempore apta dare responsa ad quæsitâ Regulorum , ad quos mittitur ; huic homini quamvis multa studio comparata , eccui tandem usui erunt ? Inutilis lucubratio est , quam rebus nequeas faciliſque proferre.

211 p. 2. §. 1. *Confucius* ait : Ipsa persona gubernantis alios si recta sit , & ad omnem virtutem composita , etiamsi nullis utatur monitiſ vel adhortationibus , ultrò tamen ad omnem virtutem ac laudem convertent se subditi , exemplo scilicet gubernatoris pertracti : e contrario , ipsa persona si non sit recta , licet assiduus stimulis & adhortationibus utatur ; tamen non sequentur subditi. Allicient enim verba ; sed potentiùs avertent facta.

211 §. 2. Cheu cum & Cam xo filiis Ven-vam Regis , suæ singulis obtigerant dynastiæ : Huic Regni Guei , illi Lu : quas cum præclaris legibus & exemplis stabilivissent , successorum deinde , temporumque vitio plurimùm sanè desciverant à primis illis institutis. Quod deplorans *Confucius* , duorum , inquit , Regnorum Lu & Guei administratio Germana est , sibiſque invicem perquam similis , olim scilicet & institutis optimis & altâ pace : At nunc vitiis ac perturbationibus Germana item est.

§. 3. *Confucius* dicebat de Regni Guei Præfeto Cum qu kin dicto , qui sortè suâ , vivebat contentus : benè placidèſque privatus degebat domi. Ubi primùm quid habebat , protinùs secum ipse tacitus aiebat : Sat rei cumulatam est. Deinde verò cum perparum illi esset , nihilominùs dicebat : Satis rerum mihi præstò est. At ubi copia rerum denuo illi adfuit ; protinùs dicebat : Sat rerum est mihi etiam ad splendorem.

f. 4. p. 1. §. 1. *Confucius* curru petebat Regnum Guei : Gen-yen ejusdem discipulus agebat aurigam.

§. 2. Locis incolæ cum sortè confluerent turmatim *Confucii* spectandi gratiâ , exclamans *Confucius* , proh ! inquit , quanta hîc populi frequentia est !

§. 3. Ad eam vocem Gen-yen , Magister , inquit , quandoquidem tanta sit frequentia hominum , ecquid præterea ei adderes ? Respondit : adderem copiam rerum seu opulentiam moderatam.

§. 4. Ait rursus discipulus : Ubi jam rerum copia adesset , quid adderes præterea ? Respondet : Rectam institutionem.

§. 5. *Confucius* aiebat : Si quis esset à dynastis ac Regulis , qui uteretur me , operâ meâ , & consilio , annua periodo mensium nec amplius jam perfecissem aliquid , jamque pretium aliquod appareret operæ meæ , gravioribus saltem vitiis sublatiis. Tribus verò post annis , uti sperare ausim , jam foret res perfecta.

p. 2. §. 1. *Confucius* ætatis prisce citans proverbium ait : Instruetus probitate Princeps & administrans Regnum per se sui que similes filios ac nepotes spatio centum annorum equidem poterit convertere & ad frugem reducere quamvis improbos & immanes ; quin & abolere pœnas ipsas mortisque supplicia ; amore scilicet , & non terrore , continente in officio subditos. O quam vera sunt hæc majorum nostrorum verba !

§. 2. *Confucius* ait : Quod si vero detur qui regat instructus rarâ virtute sapientiâque Princeps ; tum planè fiet ut , ubi effluerit triginta annorum spatium , jam deinde nativa virtus nulli non indita feliciter efflorescat.

f. 5. p. 1. §. 1. *Confucius* ait : Si quis rectè instituat suam ipsius personam , in suscipiendo Magistratu ecquid habebit negotii vel difficultatis ? Contrâ , si non possit rectè instituere suam ipsius personam ; quo pacto tandem reget , instituetque alios ?

§. 2. *Gen-çu* consiliarius Præfecti *Ki-xi* hominis turbulenti , fortè veniebat ab aula ejusdem Præfecti. *Confucius* ait : Quis tam serò ? Respondit : Fuerunt negotia Regni publica. *Confucius* , veriùs , inquit , opinor , privata ipsius Præfecti negotia te tam diu detinuerunt. Si quidem enim tractata fuisset publica res , licet hoc loco & tempore non ego adhibear ad gerendam Rempublicam ; pro recepto tamen more , quo Magistratu jam defuncti identidem consuluntur , ego procul dubio ea de re pariter consultus aliquid inaudivissem. Tacitè suggillatur Præfectus , & qui huic à consiliis erat , discipulus , quod aliquid clam contra Regem molirentur.

§. 3. Regni *Lu* Regulus undecimus *Tim-cum* dictus percontatur unicum verbum , seu axioma brevissimum , quo possit erigi , seu efflorescere Regnum aliquod. Daturne hoc ? inquit. *Confucius* respondit : Verbo nequit hujusmodi res sanè magna & operosa ita facile determinari ; conabor tamen brevibus complecti multa.

p. 2. §. 1. Vulgi proverbio dicitur : Agere Regem difficile est , agere Ministrum Regis non est facile.

§. 2. Atqui si Rex probè intelligat quod agere Regem reverà difficile sit ; eam procul dubio asseret curam & vigilantiam , quâ & cæli & suorum gratiam & amorem mereatur & conservet. Nonne hic igitur utcumque determinatur in unico veluti verbo , id quo erigatur & efflorescat Regnum ?

§. 3. Idem Regulus rursus ait : Unicum verbum quo pessumde-

tur Regnum, seu, quo explicetur id quod Regnis solet esse exitio, daturne etiam illud? *Confucius* responder: Verbo item, nequit, ejusmodi res, quæ summa malorum est, ita facile determinari. Vulgi proverbio dicitur: Ego non gaudeo, nec opto agere Regem: quod si agam, tum certè vehementer opto obtemperari meis illis verbis edictisque Regiis, atque neminem omnium mihi adversari.

§. 4. Subsumit *Confucius*: Si ergo hæc imperantis verba bona sint & ad æquitatem, publicamque utilitatem accommodata, & quibus adedò nemo sit omnium qui adversetur; nonne reverà præclarum hoc erit, raræque felicitatis? Contrà verò, si verba imperantis non bona sint, nec cum æquitate & utilitate subditorum conjuncta, & tamen rursus nemo sit omnium qui adversetur, qui arguat malè imperantem Principem; nonne jam determinatum habebis unico propè verbo id quod evertat Regnum, seu, quo contineatur exitium regni. Etenim sicut malis non adversari, perniciēs Regnorum est; sic non adversari bonis, eorundem est quies & firmamentum.

f. 6. p. 1. §. 1. In Regno *su* oppidi *Xe* Præfectus exquisivit modum rectè gubernandi.

§. 2. *Confucius* respondit: Sic rege ut qui propè sunt, gaudeant; qui longius absunt, ultrò adveniant.

§. 3. *su* *bia* discipulus, cum esset ditioni *Xiu fu* in Regno *Lu* sitz Præfectus; consuluit Magistrum de modo rectè gubernandi. *Confucius* ait: duæ cautiones tibi necessariae sunt: prima, ne velis esse præproperus ac præceps, acriter & importunè urgendo, ut, quod mandatum est, illico perficiatur. Altera, ut nolis attendere ad exigua parvique momenti lucra, seu emolumenta. Volens enim accelerare omnia, & semper & ubique properare; tum certè non habebis perspectas res, ad quarum notitiam nonnisi lentè perveniri solet. Jam si attenderis ad exilia quædam lucra & commoda; tunc fiet ut maximæ quæque res & negotia, haud perficiantur.

p. 2. §. 4. Modò memoratus oppidi *Xe* Præfectus alloquens *Confucium* aiebat: Inter meos populares inveniuntur homines, qui admodum simpliciter & rectè procedunt. Ex. gr. cujuspiam pater alteri fortè suffuratus fuerit suam ovem, & ecce filius sine ullâ cunctatione & sine ullis ambagibus coram judice profert testimonium contra patrem.

§. 2. *Confucius* ait: Meorum quidem popularium simplices ac recti, haud paulò diversi sunt ab istis. Pater enim, si quid fortè gravius peccatum est à filio, vel ideò quia filius est, rem occulit: Filius item, si quid fortè peccatum est à Patre; multo etiam magis, quia Pater est, rem occulit, celatque alios, judicem imprimis, & ut mihi quidem videtur, simplicitas quædam & rectitudo existit etiam in hoc ipsò patris filiique occultandi studio.

Hanc Philosophi sententiam confirmat Sic Interpres exemplo sapientis Xun, qui deinde fuit quintus Imperator Sinarum : cum enim pater suum su seu fortè commississet homicidium ; pater filium clam sublatum in humeros, & ad maris usque littus deportatum, severi iudicii, capitisque periculo eripuit.

§. 3. *Fan-chi* quæsit ex Magistro modum acquirendæ veræ virtutis. *Confucius* respondit : Studium illius nullo non loco & tempore est necessarium : Si degis privatus, decorum & gravitatem constanter fac serves. Si admovenda manus est cuipiam operi negotiove publico ; sedulo, mature, sedate te geras. Agenti cum hominibus fides atque veritas cordi sit. Quamvis autem perrexeris ad gentes barbaras, & incultas ; non licet tamen vel unico temporis momento hæc abjicere, quæ dixi, studia virtutis.

f. 7. p. 1. §. 1. *Su cum* quæsit dicens : quo pacto quispiam poterit evadere, meritoque dici vir eximius ac primarius ? *Confucius* respondit : qui in rebus actionibusque personæ suæ propriis verecundus est, sic ut primam quoque speciem turpitudinis & iniquitatis vereatur ac horreat. Item qui à Principe suo legatus ad quatuor Imperii partes negligentia vel imprudentia suâ non dedecorat Principis sui legationem, seu negotia cum Regulis pertractanda ; poterit is dici vir eximius ac primarius.

§. 2. Discipulus ait : Liceat mihi denuò percontari, ab hujusmodi hominum supra vulgus eminentium ordine, quinam secundi sint ? *Confucius* respondet : Secundi sunt ii, qui à propinquis & consanguineis suis jure & merito censentur & prædicantur obedientes. Item, qui à suis popularibus censentur & prædicantur observantes natu majorem.

§. 3. Ait discipulus : Liceat mihi denuò percontari. Ab his ipsis æqui rursus secundi sunt. Respondet *Confucius* : qui in sermonibus suis obfirmatum adferunt animum ad veritatem ; tamen si parum acutè discernant inter verum & falsum. Item, qui in rebus suis & actionibus omnibus obfirmatum adferunt animum ad perficiendum opus susceptum. Hujusmodi duriusculi & pervicacis nescio cujus constantiæ homines, quàm modicæ facultatis & ingenii sunt ! Attamen nonne etiam possunt censerī secundi ab istis : maxime cum nemini plerumque sint damno ; & dum sibi unis vacant, aliquid etiam quod suam laudem mereatur, habeant.

§. 4. *Su cum* rursus interrogat : qui hoc tempore admoti sunt gerendæ Reipublicæ, cujusmodi sunt plerique judicio tuo Magister ? *Confucius* respondet : Eheu ! exiguæ facultatis & capacitatis, & planè ad instar vasculorum *Ten* & *Siao* homines sunt : quomodo mereantur esse in aliquo numero vel pretio ?

p. 2. §. 1. *Confucius* ait ? Ego si non inveniam, qui mediam vir-

tutis viam teneant, ut propagem illam, communicemque cum plurimis operâ ipsorum: tum quidem necesse erit cum duplici hominum genere communicare, scilicet cum iis qui cellas quidem cogitationes habent, sed nihil perficiunt. Item, cum iis, quibus cellæ cogitationes desunt quidem, adest tamen robur & constantia in eo quod semel susceperunt: Illi namque nativâ suâ animositate illâ impulsî feliciter poterunt progredi, & sumere exempla ac normam ab aliis provectis; hi vero saltem habent à quibus sibi sedulo cavent, & quæ non facile ac temerè admittunt, & sic tam hæc quam illi facile poterunt ad medium reduci.

f. 8. p. 1. §. 1. *Confucius* ait: Apud meridionales homines datur tritum sermone proverbium quo dicitur: Homo qui non habet constantiam, non potest exercitare artem vel divinatoriam vel medicam. Laudo proboque.

§. 2. Confirmat autem hoc proverbium autoritate Principis *Cheu cum* in commentariis suis in librum mutationum, ad figuram 32 cui titulus *H-m*, id est, constantia, ubi sic ait: Quisquis non perpetuat & constanter excolit suam virtutem; aliquando sibi accersit probrum & dedecus. In quem rursus locum scribens *Confucius* sic ait: quisquis non constanter exercet suam virtutem, non habet quidquam ad quod vel utilis vel idoneus sit.

§. 3. Ingemiscens hæc *Confucius*: Proh dolor! inquit, non exquirunt neque expendunt cæci mortales hanc veritatem. Actum est!

§. 4. *Confucius* ait: Vir probus ac sapiens, quantum fas & ratio finit, concordat cum omnibus, sic tamen ut non sit unum quid & idem cum promiscuâ hominum turbâ: contra improbus & insipiens delectu nullo unum quid idemque se facit cum omnibus; & tamen cum nemine concordat, quatenus fas & ratio præscribit.

§. 5. *su cum* quaerit dicens: Si populares omnes gaudeant quopiam, quid tibi videbitur? *Confucius* respondet: Necdum id sufficit, ut certi quid de virtute ipsius sapientiæque statuatur. Ac si populares omnes oderunt quempiam, quid de illo tibi videbitur? *Confucius* ait: Hoc quoque necdum sufficit. Longè melius est tutiusque si popularium probissimi quique gaudeant illo, & si eorumdem improbissimi quique oderint illum. De hoc ausim ego tutò affirmare virum esse probum & sapientem.

p. 1. §. 1. *Confucius* ait: Viro sapienti facile est quidem servire, & iussu quælibet imperantis exequi: At difficile est sanè eidem præbere oblectamentum. Etenim si offeras oblectamentum ipsi non consentaneum honestati & rationi, non admittit oblectamentum. Agendo vero de ipso ut est imperans aliis, semper utique metitur vires & facultates eorum, quibus quid imperat. Stulto contrà difficile est servire; at perquam facile præbere oblectamenta: quippe si demulces

si demulces illum & oblectas; quamvis id turpiter & illicitè; delectatur tamen. Agendo verò de ipso ut herus est, seu, Præfectus populi, importunè & inclementer exigit ab suis res omnibus numeris absolutas.

§. 2. *Confucius* ait: Sapiens altâ pace fruitur; & tamen non effertur ullo fastu vel superbia. Stultus autem sibi ipse placet ac plaudit; & tamen expers est idem veræ pacis, quia expers veri boni, veræque virtutis.

§. 9. p. 1. §. 1. *Confucius* ait: Robore constantis animi, forti patientiâ, candidâ simplicitate; denique tarditate quâdam ad loquendum, his quatuor ceu gradibus propè acceditur ad integritatem innocentiamque animi cœlitus inditam naturæ nostræ.

§. 2. *Quia* in sciscitatur dicens: Quo pacto quispiam poterit dici inter suos Magister? *Confucius* respondit: Sit ardor quidam amoris ac studii in consecranda virtute. Adhibeatur exactitudo quædam & efficacia in commonendis aliis officii sui. Ad hæc oris serenitas, affabilitasque sermonis accedat, hic poterit dici Magister. Porro adversus amicos & familiares adhibeatur ardens studium mutux virtutis, necnon acris & accurata mutui officii exactio. Verùm adversus fratres natu majores & minores, blandior quædam suaviorque adhibeatur ratio.

§. 3. *Confucius* ait: Vir probus & integer si doceat populum; quæ officii sui sunt, sive erga parentes, sive erga Principem, idque si doceat per septem annos, hinc etiam poterunt cives ac subditi rei militari periti evadere.

p. 2. §. 1. *Confucius* ait: Adhibere autem necdum probè instructum virtutibus populum ad rem militarem, id profecto jure dicitur abjicere suos, & gravi periculo patriam exponere.

§. 2. Discipulus *Twen bien* quæsitur ecquid erubescendum sit. *Confucius* respondit: In Regno dum vigent leges gerere munus publicum, nec operâ vel consilio conferre quidquam ad utilitatem publicam, & interim frui censu regio, res est pudore digna. Rursus in Regno dum jacent leges pari otio socordiâque diffluere, dum maxime tamen consulendum esset periclitanti patriæ, & nihilominus frui censu regio; vehementer erubescendum est.

§. 3. Instituit idem discipulus quæstionem hujusmodi: Si quis, inquit, immunis esset à vitiis quatuor maxime vulgaribus, atque adeo si quis per ninium appetitum gloriæ; præcellentiæque; item per sui complacentiam jactantiamque; per iracundiam denique, & cupiditatem habendi, nihil omnino faceret; posset is, opinor, censeri præditus primâ illâ quæ homini indita fuit virtute & innocentia.

§. 4. *Confucius* respondit: Non agere quidpiam cum iis, quas

enumerasti, perturbationibus animi, potest id quidem censerī perquam rarum ac difficile: Verumtamen de primævo illo rationis imperio innocentivæ an præditus sit nec ne, equidem ego non scio.

f. 10. p. 1. §. 1. *Confucius* ait: Vir gravis ac sapiens qui de hoc potissimum laborat, hoc assidue meditatur ut commodè suaviterque domi suæ degat, indignus est qui censeatur vir sapiens.

§. 2. *Confucius* ait: Si in regno quopiam viget lex autoritasque boni Principis; fidenter fortiterque loquere; fidenter fortiterque age. In regno si jacent leges autoritasque Principis; tunc nihilominus fidenter quidem fortiterque agendum est; attamen sermones solito plus facilitatis ac submissionis habeant; ne alioquin ægri jam corporis morbum exasperes verius, quam ei medearis.

p. 2 §. 1. *Confucius* ait: Qui habet virtutem, procul dubio habet etiam in promptu sermones ac documenta, quibus eam aliis commendet. Cæterum qui habent sermones in promptu, non tamen certâ necessariâque consequentiâ habent virtutem. Rursum quisquis excellit integritate innocentivæque vitæ, procul dubio robore quodam animi & fortitudine est præditus. Fortis tamen haud necessarium certove præditus est eâ, quam dixi, integritate.

§. 2. Discipulus *Nan cum quo* (alias *Nan yun*) quæsit ex *Confucio* dicens: Olim Regni *Yeu kium* dynasta *Heu y* dictus, idemque *Cola* sub *Chum cam* quarto Imperatore familiæ *Hia* (annis circiter 1700. ante *Confucium*) robustissimus erat, simulque peritissimus jaculandi. Alter idem ejusdem coxtaneus *Ngao* dictus, filius *Han cho* nullo negotio circumducebat huc atque illuc navigia in ærenti solo, tam portentosis erat viribus corporis. Cæterum & hic & ille non adepti sunt suam mortem, ambo scilicet interfecti. Verum duo alii *Tu* scilicet, & *cie* nullo corporis robore vel opulentia conspicui, cum suis ipsi manibus agros colerent, & vitam hancilem, pauperemque viverent; tamen obtinuerunt Sinarum Imperium, *Tu* quidem Imperatori *Xun* succedens, adeoque familiæ *Hia* primæ ipse conditor; *cie* vero, quatenus ex stirpe hujus (licet mille ac trecentis circiter post annis) prognatus fuit magnus ille *Vu.wam*, tertiæ familiæ *Chen* fundator. Sed unde hoc tandem? *Confucius* tunc quidem non respondit: Discipulo verò *Nan cum quo* mox egresso, exclamans *Confucius* dixit: O quàm præstans hic vir est! O quanti facit, & suoverè æstimat pretio virtutem hic vir *Nan cum quo*!

f. 11. p. 1. §. 1. *Gin* nativa cordis virtus est, nec aliud ferè, quàm perpetua quædam animi conformatio cum lege cælesti. Quoniam vero cor ipsum valdè inconstans est ac mobile; hinc fit, ut nobis etiam non advertentibus virtus illa, si non penitus amittatur, certè quidem ceu nebulis quibusdam identidem intercipiatur. Quocirca rectè *Confucius* ait: Vir & probus & sapiens, & tamen quandoque

expers purissima illius tenerrimæque virtutis planè datur. Verbo : levis error, peccatum leve, cadit in sapientem. Cæterum necdum ex- titit, nec verò potest existere simul improbus & simul virtute illâ *Gin* instructus : esset enim conformis cum cælo, & non esset.

§. 2. *Confucius* ait : Quisquis amat, potestne non exercere duris eum quem amat ? Rursus, quisquis fidelis est, verusque Minister sui Principis potestne non monere eum officii sui ?

§. 3. Regnum *Chim* sanè modicum, & inter præpotentia duo Re- gna *gin* & *çu* medio situm loco, virtus ac prudentia Principis sui *Hien cum* dicti, cum fide, concordia, solertiâque Ministrorum fe- liciter conjuncta, non invictum modò præstabat adversus ambitio- nem, potentiamque vicinorum ; sed etiam pace opulentiâque flo- rens ac beatum. Concordis ergo solertiæ, fideique servientis Prin- cipi specimen aliquod hîc daturus *Confucius*, & ex digito robur & elegantiam totius corporis æstimaturus, sic ait : quotiescumque Prin- cipis nomine nuntiandum quid erat finitimis Regulis ; primum qui- dem *Pi xin* Præfectus probe cognitam Principis mentem primâ ma- nu styloque rudiori exponere ordiebatur ; mox deinde *xi xo* scrip- tionem examinabat, & appositis rationibus & exemplis Præcorum confirmabat. Tertius *Hin gin* (officii nomen est) *çu yu* dictus præ- cisus iis, quæ superflua videbantur & additis quæ desiderari judica- bat cultiori stylo & ordine disponebat omnia & exornabat. Quar- tus denique è territorio *Tum ts* otiaundus, cui nomen *çu chan* pro- priam quoque gratiam & venustatem addebat operi, tollens si quid irrepererat jam antiquati. Porro quod à quatuor viris illustribus, & tam concordî operè perficiebatur, an exitum fortiri poterat non optatum ?

p. 2. §. 1. Exponit *Confucius* hoc paragrapho & duobus sequenti- bus, quid censeat de quibusdam viris & Ministris variorum princi- pum. Quodam igitur sciscitante de *çu chan* quid sentiret. *Confucius* respondet : Beneficus est, & talis habetur ab omnibus, quamvis idem severus sit & censor & iudex.

§. 2. Interrogatus de *çu si* quid sentiret, aspernantis in morem sic respondet : Vir iste, iste ? Favebat scilicet dynastæ Regni *çu* legiti- mo illi quidem, sed qui contra jus Regis titulum sibi vendi- caret.

§. 3. Interrogatus de *Quon chum* Præfecto Regni *gi*, qui *Huon cum* Regulorum tunc facile Principi, à consiliis olim fuerat ; respondit : Hic vir hic erat *Huon cum*. Certè cum privasset unum præfectorum (cui nomen *Pe xi*) reum certi criminis, eâ quâ ipsum quondam do- naverat *Pien* ditione trecentarum familiarum ; cumque hanc ad *Quon chum* transtulisset, *Pe xi* deinde redactus ad egestatem, adeoque vescens orizâ viliori, tamen ad extremum usque ætatis suæ non protu-

lit unquam iniquioris vel indignantis animi verbum. Reputabat enim assidue, & quid ab se peccatum fuisset; & quæ quantaque essent alterius qui sibi in eâ ditione successerat, merita.

f. 12. p. 1. §. 1. *Confucius* ait: Versari in paupertate, & tamen non odisse illam, perquam difficile est. Esse divitem & tamen esse sine fastu vel superbiâ, facile est.

§. 2. *Confucius* ait: Regni *Lu* quondam Præfectus *Mem cum cho*, is ut agat quidem, *Chao* & *Guei* duarum familiarum in Regno *çin*, quamvis admodum illustres & copiosæ sint, supremum æconomum; utique habet affatim facultatis & industriæ: At non potest agere ne minimæ quidem dynastiæ *Tem* vel *Sie* Præfectum.

p. 2. §. 1. *çu lu* percontatur quænam maximè res numeris omnibus absolutum reddat hominem? *Confucius* respondet: Si quidem Præfecti Regni *Lu*, *cam ru chum* dicti scientiam & prudentiam; Item modo memorati *Mem cum cho* moderationem animi cupiditatis & avaritiæ expertem: Insuper Præfecti ditionis *Pien*, *chuam çu* dicti robur tam animi quàm corporis: Denique condiscipuli tui *Gen kien* industriam peritiamque artium liberalium, has, inquam, dotes ac laudes si exornaverit quis, & temperaverit quodammodo officiis ritibusque civilibus, & musicâ mutæ concordiæ morumque optimorum blanda magistrâ, equidem poterit hujusmodi censeri vir numeris omnibus absolutus.

§. 2. At hæc omnia unus qui complectatur? Concipere animo perfectionem tantam possumus; invenire qui illâ præditus sit, ægrè possumus, attamen, ætatis hujus nostræ perfectos viros quid magnopere necesse est esse tales? Certè si quis videns lucrum, protinus meditetur justitiam, item videns discrimen Reipublicæ vel Principis, alacriter exponat offetatque vitam. In veteribus autem pactis & promissis non obliviscatur, nec inficietur suos universæ vitæ sermones & fidem semel datam nunquam fallat. Hujusmodi qui sit, etiam poterit suo modo censeri vir perfectus.

f. 13. p. 1. §. 1. *Confucius* percontans de Regni *Guei* Præfecto *cum xo rem çu* ab indigenâ quopiam, cui nomen *cum mim kia* sic ait: an est credibile, quod vulgo dicitur, dominum tuum non loqui, non ridere, non admittere quidpiam?

p. 2. §. 1. *Cum mim kia* respondit: qui hæc narrant, excedunt limites veritatis. Dominus meus, si adest tempus loquendi, si locus & ratio id postulat; tum deinde loquitur: atque ita homines non fastidiunt ejus sermones. Si lætandum est, ubi iusta datur risus & hilaritatis causa; tum deinde ridet: homines itaque non fastidiunt ipsius risum. Denique si jus & æquum patitur; tum deinde, quæ offeruntur admittit: hoc pacto homines nec fastidiunt in ipso acceptationem munerum. Moderatio autem ejusmodi, quia non vulgaris est

est ætate nostrâ, idcirco Dominus meus vulgo nec loqui dicitur, nec ridere, nec quidquam admittere. Audiens hæc *Confucius*, admirabundus, ac subdubitantis instar, ait: Erit ita ut narras. Miranda res quidem & raræ laudis: sed quomodo, tamen ita prorsus est?

§. 2. *Sam vu chum* Regni *Lû* præfectus, graviter deliquerat in Principem, à quo poenam metuens, profugerat in finitimam dynastiam *Chu* dictam: sed hinc non multò post reversus in Patriam, & sitam in eâ ditionem juris quondam sui, incolas rogitar ut pristinam ejus possessionem uni saltem posterorum suorum à Principe exorarent. Sed *Confucius* ambages istas haudquaquam probans, sic ait: *Sam vu chum* super pristinâ ditione suâ *Fan* procurat ac petit pro posteris suis apud Regni *Lû* Principem: Sed ego timeo, ne sint armatæ preces istæ, & quamvis ipse dicat, nihil ego per dolum aut vim volo à Rege: ego tamen non credo: Crederem verò si rectâ ad Principem & non ad suos quondam subditos se contulisset.

f. 14. p. 1. §. 1. *Confucius* ait: Regni *çin* Regulus *Ven cum* in iis quâs suscipiebat, expeditionibus fictus erat subdoleque industrius, & non rectus & syncerus. E contrario Regni *çi* Regulus *Huon cum* syncerus, & qui præstabat cum fide quidquid promiserat, & minime fictus erat; ex hoc scilicet capite longè illi anteponendus.

§. 2. Mortuo *Siam cum* Regni *çi* Regulo gravis inter indigenas exorta seditio est, aliis majorem natu deposcentibus ad Regnum, minorem aliis, idque non sine vi & armis. Fugit interim major natu *Huon cum* unâ cum *Pao xo ya* cliente suo & consiliario in Regnum *Kiu*, ibidem milites comparaturus. Minor verò, (cui nomen *cum çu kieu*) in Regnum *Lû* sese contulit cum duobus item clientibus (*Chao ho* & *Quon chum*. Victo tandem minore natu, major ingressus Regnum *Lû*, terrefactos indigenas ad eandem compulsi profugi Principis; ambos autem fugæ socios detrudi jussit in carcerem. Non sustinuit horum alter *Chao ho* superstes esse Domino; sed morte spontaneâ vinculorum opprobrium antevertit. *Quon chum* fortunæ cedens admisit vincula: sed his deinde solutus jussu victoris, etiam supremus ejusdem Consiliarius & administer, adnitente *Pao xo ya* creatus est. Vicit rei successus omnium spes ac vota: cum enim finitimi Barbarorum invasissem Regnum *çi*, brevi novus administer consilio, prudentiâque suâ perfecit non modò ut Regnum *çi* victis ac fugatis Barbaris pristinam quietem ac libertatem recuperaret; sed Imperatoriæ quoque domui *cheu*, quæ tunc temporis jacebat ingloria; multi Regulorum denuò parerent, & clientelare obsequium persolverent. Discipuli itaque *çu-lu*, ac *çu cum*, magistri sui exquirentes sententiam, *çu lu* quidem sic ait: *Huon cum* Regulus occidit *cum çu kieu* fratrem suum. *Chao ho* pariter occubuit cum Domino fugæ necisque fidus comes. *Quon chum* sanè diversus ab hoc non

occubuit; sed rebellis instar ac transfugæ secutus est victorem. Itaque diceturne hic non fuisse pius?

p. 2. § 1. *Confucius*, inquit, *Hu-n cum*, uti scitis, congregavit, studiisque & armis sociavit varios dynastas ac Regulos, quorum scilicet operâ Barbaros sic expulit, ut Imperatoriæ quoque domûs honori pariter & incolumitati consuluerit. Nec adhibuit tamen suæ ditionis arma vel currus bellicos ad tantam rem perficiendam: unius potissimum *Quon chum* vis ista fuit ac virtus prudentiâ suâ industriâque perficientis omnia. Quod si ita est, eccujus pietas conferri poterit cum hujus pietate? Equus æquè ut iste *Quon chum* rectus ac pius esse censebitur?

§. 2. Instat *çum cum* alter discipulorum, & ait: Nonne tamen iste *Quon chum* reverà fuit non pius? Regulo namque *Hu-n cum* interficiente Dominum ipsius *cum çu kien* non sustinuit ipse pariter mori, uti decebat tamen facere fidum clientem. Quin etiam ad partes fratricidæ transiit, ipsumque adjuvit.

§. 3. *Confucius* respondit: *Quon chum* Consilio & operâ juvit Regem *Hu-n cum*, (per annos 40.) sic ut is dominaretur ipsismet Regulis non ut Imperator, sed velut primas ac præses reliquorum. Qui adeò ex quo tempore renovavit ac erexit quod jacebat Imperium; populus usque ad hunc diem suscipit ac conservat ipsius tam præclaram navantis operam beneficium. Si non extitisset *Quon chum*, ego vobiscum jam servirem barbaris, rituque barbarorum hanc solutam haberem Cæsariem, & non more nostro collectam, ritu item barbarico ad lævum latus, & non ad dextrum, vestem fibula adstringerem.

f. 15. p. 1. Quorsum igitur instar abjecti cujusdam hominis, vilisve mulierculæ præstiturus nescio quam fidelitatem sanè perexiguam, semetipse laqueo peremisset in fossâ quâpiam seu flumine, sic ut à nemine fuisset deinde cognitus?

p. 2. §. 1. Celebris cujusdam præfecti in Regno *Gnei*, cui nomen erat *cum xo ven çu* subditus ac Minister domesticus, *Siven* dictus, & ob egregias dotes ad eandem, quâ Dominus suus potiebatur, dignitatem, adnitente ipso Domino, evectus; jam una cum ipso *ven çu* Domino suo pariter ascendeat in aulam Regiam negotia tractaturus.

§. 2. *Confucius* id audiens, ac meritam viri laudem ex nomine ejusdem petens; reverà, inquit, vel ex hoc uno capite dignus est illustri nomine, quod ei Rex quondam honoris gratiâ tribuit, dignus est, inquam, qui censeatur ac prædicetur vir prorsus obsecundans rectæ rationi, & ornatissimus virtutum laude. Suspiciit enim Philosophus taram viri virtutem, apud quem tantum valuerit utilitas publica, ut sui quodammodo oblitus, non dubitârit hominem

usque adeo humilem ad eundem cum suo gradum promovere.

§. 3. *Confucius* degens in *Lu* Regno patrio, cum diceret Regni *Guei* Principem *Lim cum* sine more modoque boni Principis vivere : *Cam cu* Regni *Lu* Præfectus ait : Hoc si ita est, quomodo non perit Regnum *Guei*?

§. 4. *Confucius* respondit : *Chum xo yu* munus gerit excipiendorum legatorum & hospitem. *Cho to* præpositus est gentilitiis majorum aulis. *Van sun kia* Præfectus est castrorum, & hi tres scilicet magnâ cum prudentiâ solertiaque res sibi commissas feliciter administrant. Hæc si ita sint, si nitatur Regnum viris talibus tantisque, quomodo illud pereat, quantumvis ipse Princeps officii vivat immemor?

f. 16. p. 1. §. 1. *Confucius* ait : Quotiescumque hominis cuiuspiam sermones imbuuntur verecundiâ quâdam seu modestiâ, & moderatione; sed cum temeritate jactantiâque proferuntur; tunc certe rebus factisque explere illos perquam difficile est. Nactus ergo loquentem grandia, quid is agat, observa; memor, inopiam factorum cum verborum copiâ non raro conjungi.

§. 2. Molicbatur clandestinam rebellionem *chin chim cu* Præfectus Regni *gi*; de quâ jam suspectum oderat Regulus suus, & ab homine fido, cui *Han chi* nomen, diligenter observari jusserat: Verum perduellis rem subodoratus occidit primum quidem exploratorem suum; deinde etiam Regulum ipsum *Kie cum*.

§. 3. *Confucius*, qui paulò antè gravem Magistratum gesserat, tam nefariæ cædis atrocitate commotus, priùs de more lavit corpus, & ita mox ad aulam pertexit certior facturus *Ngai cum* Regulum; in cuius ubi conspectum pervenit, Præfectus inquit *Chin bem* (*alterum parricide nomen est*) interfecit suum Regem: Rogo te ut misso milite perduellem comprehensum punias; & quando finitimum est tuo Regno, primus sis, qui de facinore, quod cælum ipsum haudquaquam tolerat, expetas ultionem.

§. 4. Regulus ut erat jam senex, ac propè inutilis ad res gerendas, ad hæc modicæ autoritatis, tribus scilicet familiis autoritate tantum non regiâ dominantibus, *Confucio* respondit : Vade, & nuncia rem istam meis tribus clientibus *Mem sun*, *Xo sun*, & *Ki sun*.

§. 5. *Confucius* priusquam discederet, ô Rex, inquit, ego tamen nunc Magistratum non geram; quoniam tamen gessi aliquando, & nunc ego à præfectis tuis sum proximus; equidem non ausus fui non certior te facere de re tanti momenti. Rex iterum vade, inquit, & nuncia rem tribus meis clientibus.

p. 2. §. 1. *Confucius* Regulo mortem gerens, pergit ad tres illos clientes, rem exponit; at illi haud convenit nec possumus, inquiunt, injuriam istam persequi. Quo audito *Confucius*, quasi officio suo sat

superque jam perfunctus iisdem, quibus supra, verbis : Proceres, inquit, quoniam ego à præfectis proximus sum dignitate; non ausus fui non certiores vos facere de re tanti momenti. Referuntur hæc à discipulis, ut constaret posteris de calamitoso statu regnorum istorum; finitimi quidem, in quo tam dira cædes patrata, patrii verò quod ultionem parricidii non suscipiebat.

§. 2. *çu lu* quærit à Magistro, quâ ratione serviendum sit Principi. *Confucius* respondet : Ne fallas ; ac tum fidenter adversare vel erranti vel peccanti Principi.

f. 17. p. 1. §. 1. *Confucius* ait : Vir probus ac sapiens assidue sursum provehitur ac penetrat : stultus ac improbus assidue deorsum labitur ac penetrat : Et hic quidem (ait Interpretes) prorsus ad instar fodientis & aperientis sibi puteum, quò tandem in profundo cupiditatum suarum cæno, pecudi similior quàm homini, demergatur.

§. 2. *Confucius* ait : Prisci studebant literis optimisque disciplinis primùm ac potissimum propter se, fructum virtutis ac sapientiæ inde petentes. Homines verò ætatis nostræ student literis propter alios, à quibus scilicet vel inanem plausum expectant, vel honoris ac rei familiaris amplificationem.

§. 3. *Kim Pe yo* Præfectus Regni *Guei* misit salutandi gratiâ hominem ad *Confucium* hospitem quondam suum.

§. 4. *Confucius* honoraturus Dominum in ipso famulo admisit ipsum ad confessum, ac deinde sciscitabundus ait : Dominus tuus ecquid potissimum agit ? Respondit : Dominus meus desiderat imprimis emendare & imminuere sua peccata ; sed necdum potest compos votorum fieri. Eo qui missus fuerat paulò post egresso, *Confucius* exclamans ait : O egregium Ministrum ! ô egregium Ministrum ! qui videlicet tam paucis verbis tam uberes amplaque laudes heri sui complexus est !

p. 2. §. 1. *Confucius* ait : Quando non versaris in hoc vel illo munere ; ne tractandam suscipias illius administrationem.

§. 2. *çem çu* utens assidue sententia, quam depromperat ex *Te Kim* dicebat : Vir sapiens dum publico munere perfungitur, etiam in iis quæ, cogitat non evagatur extra suum illud munus.

§. 3. *Confucius* ait : Sapiens erubescit sua ipsius verba, si quando vincant seu excedant sua ipsius facta.

f. 18. p. 1. §. 1. *Confucius* ait : Laus veri sapientis & via seu norma triplex est. At ego pro dolor ! Nullam adhuc teneo. Innocentiâ vitæ præditus rationi ac cælo constanter obtemperat ; adeoque non turbatur, quæcumque tandem subeat fortunæ vicissitudo. Prudentiâ instructus sincerum à pravo, falsum à vero solèter discernit ; adeoque non hæsitat, nec anceps distrahitur. Denique fortis ac sine metu

meru, & singulari quodam præditus robore excelsi invictique animi, non pertimescit aut pavet.

§. 2. *ſu cum* discipulus hæc audiens, sic quidem, inquit, tu, ô Magister, pro singulari tuâ modestiâ de te iplo & sentis & loqueris.

§. 3. *ſu cum* totus erat in comparandis inter se hominum moribus. *Confucius* eum redarguens, tunc, inquit, ô mi discipule *ſu*, an es vir sapiens? Mihi equidem non est sat otii ne ad res quidem curasque meas; quantò minus, ut inquiram curiosus in mores & vitam aliorum.

§. 4. *Confucius* ait: Ne angaris animo vel te discrucies quòd homines non te noverint: Angere potiùs ac discruciare de istâ impotentia & imbecillitate tuâ; qua fit scilicet ut necdum perspecta habere, & multo minus perficere valeas quæ sunt officii tui.

p. 2. §. 1. *Confucius* ait: Si quis non antevertit sollicita suspicio-
ne & cura procul adhuc remotam deceptionem ac fraudem; nec sit ex eorum numero qui omnia, quamvis sint tutissima, timent assidue: Si quis item non diu ante statuit apud animum suum, non datum iri fidem sibi dicturo quidpiam vel facturo: Si quis, inquam, homo sit hujusmodi, ut nunquam curis istis ac suspicionibus, quæ hominum societati, commerciisque mutuis tam inimicæ sunt, implicetur; idem tamen si polleat eximia quadam solertia, perspicaciaque vel hominum vel rerum; atque adeò statim odoretur ac præsentiat quidquid fortè latet fraudis ac fallaciæ; is sane vir est perspicax ac prudens.

§. 2. Unus è numero sapientum, sed qui uni sibi vacabat, *Vi sem mu* nomine, alloquens *Confucium* sic ait: *Kien* (lege *meu*) quid agis dum sic anxie vagaris ac sine intermissione percurris, uti video; terras omnes Imperii: Modo versaris in Regno *ſi*, modò in Regno *Lû*: Venditas ubique doctrinam tuam; sed nulquam invenis qui emant; nonne est hoc circumforanei prorsus instar esse loquacem & garrulum, & inanem captare plausum imperitiæ multitudinis; fortasse & dignitatem quampiam emendicare?

§. 3. *Confucius* ut factum hominis aliquantulum retundat, in hunc modum responder: Non ausim ego nugæ & verba vendere, & agere loquacem. Cæterum odi etiam ac damno pertinacem unique rei & sententiæ affixum, & qui ad primos impetus aut minas publicæ calamitatis illicò latibulum quæriter, & ne cogitare quidem sustineat de restaurandis legibus, moribusque depravatis hominum corrigendis.

§. 4. *Confucius* aiebat: In raro & præstanti equo non tam laudatur ipsius robur, quàm laudatur ipsius virtus, id est, docilitas, mansuetudo, facilitas.

f. 19. p. 1. §. 1. Fortè quispiam dixit: Beneficiis compensare odia & injurias, de hoc quid videtur tibi?

§. 2. *Confucius* respondit : Qui sic agat , ecquâ tandem compensabit benefacta ? Dispar enim debet esse merces ac ratio ejus , qui bene meretur , & illius qui malè.

§. 3. Mea igitur hæc est sententia : eo , quod rectum justumque est , compensato injurias nec odia ; benefactis compensato benefacta. Quæ verba sic exponit *Interpres*. Injuriam quis intulisse mihi visus est ; non illam ego recordabor , nec considerabo , ut mihi est illata ; sed æquâ rationis trutinâ expendam singula ejusdem momenta , ut queam statuere ; quid hîc odio , quid amore , quid fugâ , quid læsionis dignum sit. Expendis omnibus si comperiam , cum qui me læsit , aliis tamen ex capribus & simpliciter amore dignum esse ; ego certè ob privatam offensionem nullas invidus offundam renebras ipsius laudi ac virtuti : At si multa sint , quæ odiosum reddant , ac meritò exterminandum , parebo tunc rationi , quæ improbitatem aliaque vitia odio prosequi & exterminare nos docet. Atque hoc est eo , quod rectum justumque est , odia rependere.

Habes hic, Christiane Lector, Eθνici Philosophi de re tam arduâ sententiam : sed & Interpretis similiter Eθνici dignam Philosopho exclamationem ; que ut non attingat Evangelicam sanctitatem ; quanto tamen mitior hic sermo est , quanto humanior Pharisaico illo crudoque axioma ; odio habebis inimicum tuum : Quamquam nec ab Evangelicâ Luce ; si fas est ita loqui , procul absuisse videtur Confucius , cum uti refertur in lib. Offic. 9. fol. 38. Y te pao yven , & quon xin chi gin ye , hoc est , Beneficiis compensare odia , hoc enimverò est perampli pectoris virtus ac pietas.

§. 4. *Confucius* ut provocet discipulum & cum ad percontandum quidpiam , suspirans ait : Nemo est omnium qui me nôrit.

§. 5. Audiens & cum , *Magister* , inquit , quomodo sit hoc ut nemo sit qui nôrit te ? *Confucius* respondit : Primùm quidem non ego indignor cælo , non etiam culpo mortales : orsus ab inferioribus non sine labore & constantiâ res disco , & sic paulatim gradum faciens ad sublimiora evado ac penetro. Interim quod peripsectum habet me , ipsum est cælum.

Ego (exponit Colaüs) quamvis humilis sim ac tenuis , nec coram illam Cæli munificentiam , que vulgò tanti fit , expertus ; haudquaquam tamen indignor cælo , vel obmurmuro : Sed nec homines in crimen voco , quod operâ meâ non utantur : Unum hoc ago , ut exolam me ipsè , & orsus iter meum à radice montis , ad culmen ejusdem pedetentim contendo : Regiam tero viam ; fugio nova & inusitata. Latere ergo me & ignorari , non est quod mireris. Nam erubescio interim oculos astollere , & fidenter intueri cælum , quamdiu ab eo quod dixi studio conservanda mentis mea non abisso. Est enim credibile , quod supremum cælum in medio arcana illius abditaque caliginis me contempletur , & peripsectum habeat. Quod si

ita est; quid obsecro tum referre, videri me ab hominibus, cognosci, & celebrari?

Hætenus paraphrasis Colai, qui proprio illam epiphonemate concludens; sic omnino res habet, inquit, Sancti postquam labore suo & constantia id affectu sunt, ut supremam cæli de se dispositionem habeant perspectam; coniungunt tandem ac sociant ipso cum cælo, quem in se clam continent, virtutum splendorem. At res ista quàm est perspecta cælo, tam est obscura plerisque mortalium

p. 2. Vir Regni Lu, cum pe leao obtrectabat discipulo çu lu apud Ki sun, cujus tunc erat Mandarinus & affecla. çu fo Ki pe ejusdem Regni Præfectus offensus illâ petulantia & temeritate obtrectatoris, rem significavit Confucio dicens: Dominus meus Ki sun planè finistri quid suspicatur ac malè vult discipulo tuo propter Cum pe leao, à quo in suspensionem & crimen vocatus est. Si quidem per te licet, ego pro autoritate meâ & potestate etiam possum caltigare & à medio tollere & abicere in forum publicum tam improbum obtrectatorem.

f. 20. p. 1. §. 1. Confucius, ut Præfectum avertat à proposito necis inferendæ, sic ait: Rectam administrationem Regni cuiuspiam feliciter procedere, decreti cælestis est. Rectam administrationem Regni cuiuspiam negligi ac perire, est item decreti cælestis. Cum pe lea, igitur ecquid ipsi tandem cum hoc cæli decreto? An valeat fortassis cum perdere quem cælum protegat? aut tueri atque protegere cui infestum sit cælum?

Interpres noster, postquam exposuit hoc responsum Philosophi, eo ferè modo, quasi inevitabili fatum lege tenerentur humana omnia: Tandem tamen declaraturus mentem Philosophi, suamque ipsius sententiam, planè negat esse sapientis, quando liber esse possit, ac sequi in omnibus rationem ac naturam ducem; ultrò se constringere vinculis fatalibus tam dura necessitatis. Confucium interim prudenter accomodantem sese tempori ingenioque hominum; sic locutum esse, tum ut solaretur ac placaret offensum discipulum; tum ut alteri cogitatam ultionem tanquam superacaneam dissuaderet; tum denique ut castigaret hac ratione obtrectatorem ipsum.

§. 2. Confucius ait: Sapientes quandoque fugiunt sæculum, sic ut penitus relpuant honores omnes & curas publicas.

§. 3. Ab his proximi fugiunt quandoque regionem ubi degunt, quod perturbatam esse videant; & migrant in aliam, quæ rectè administratur.

§. 4. Ab his rursus secundi fugiunt conspectum sui Principis, quando vident illum inconditis esse moribus.

§. 5. Denique & ab his secundi fugiunt sermonem, seu colloquium hujusmodi Principis.

§. 6. Confucius suspirans aiebat: Qui sic profugerunt à curis pu-

blicis periculifve ad privatum otium & quietem, septem numero fuerunt homines (*non extant eorum nomina*.)

§. 7. Olim *çu lu*, dum Magistrum sequitur ex alitis in alia migrantem regna, fortè pernoctavit in loco quodam *Xe muen* dicto. Custos portæ, qui & ipse erat ex occultis sapientibus unus, sciscitatur ab eo, quem tu sequeris? *çu lu* respondet: Sequor. *Confucium*. Tum alter ait: An est vir ille, qui intelligens quidpiam non convenire, tamen agit idipsum quod non convenit; dum frustra scilicet opitulari vult laboranti Imperio?

p. 2. §. 1. *Confucius* quo mororem animi calamitate publica tam afflicti leniret, fortè pulsabat instrumentum musicum lapideum, sed suis fidibus constans, quo tempore versabatur in Regno *Guei*. Fuit unus itaque ex illo latitantium sapientum numero, qui bajulans stramineos corbes transiret ante *Confucii* januam. Cumque ex ipso genere musices, quæ tota lamentabilis erat, sensum Philosophi deplorantis calamitatem publicam solerter cognovisset; admirandus, ac stomachanti similis; fierine hoc potest? inquit, reverà habet ille quidem, ut video, sensum calamitatis publicæ, quem & nos habemus, quem etiam satis prodit pulsato sic instrumento.

§. 2. Exinde, cùm aliquantisper substitisset, rursus audiens canentem, dixit: O vilem hominem & pertinacem! Nemo prorsus est qui ipsum nôrit, aut certe nosse velit, ejusque uti operâ. Desistat igitur à studio tam importuno! tamque inutili. Jam, plusquàm satis est, tentatum & concursatum. Meminisse te oportebat Proverbium Regni nostri: Si profundum est flumen; quod transire vis pedibus; tum nostro Priscorum more amictus transito: Si vadofum est, medicæque profunditatis; tum vestes succingito. Quasi diceret: Cur explorato jam statu nostrorum temporum, *Confucius* eidem non accommodat sese, prudensque abstinet tam inutili cura & concursatione?

f. 21. p. 1. §. 1. *Confucius* audito sermone tristis ac severi Philosophi suspirans ait: O virum nimis tenacem propositi: Nihil equidem difficultatis habet agere quod agit iste, & labori sese periculoque subducere: At meus certè non sustinet animus sic agere.

Accinens huic dicto Philosophi propriâ quoque sententiâ Interpres noster, Sanctorum, inquit, *animus cælo terræque similis est. Cælum & terra, quantumvis obfessa sint nebulis, sentiantque procillas ventorum ac tempestatum; nunquam tamen desistunt ab officio suo procreandarum & fovendarum rerum per influxus suos. Similiter & sapiens, quantumvis aspera sint, calamitosæque tempora; semper tamen hoc agit, ut benè mereatur de humano genere: Infra quidem semper miseretur consortes sibi mortales; supra verò constanter veretur inviolabilem cæli nutum ac voluntatem.*

§. 2. Discipulus *çu cham* percontans ait : In *xu kim* annalibus Priscorum Regum narratur. Quod Imperator *Cao çum* (alias *Vu-tim*) delitescens in *Leam ngan* (nomen est sepulchralis horti lucive Regii, in quo pater ejus *Siao ye* tumulatus fuerat) per tres annos, pio luctui sic dederit sese, ut non sit locutus. Quid hoc significat? nam id quidem intellectu difficile est.

§. 3. *Confucius* ait : Quotum obsecro, vis fiat in uno *cao çum*? Prisci Reges ad unum ferè omnes erant hujusmodi. Officiorum libros consule, ubi docetur quod Principe Regni vel Imperii demortuo, suecessor ejus idemque filius per annos omnino tres luctui se dabat : Universi interim Præfecti atque Magistratus fungebantur suo quisque officio; quia mandata excipiebant ab supremo administro, qui vices gerebat lugentis Principis; idque per triennium.

Cao çum seu Vu tim familie Imperialis secunda *Xam* diste fuit Imperator vigesimus, qui Imperare cepit anno ante Christum 1324. de hoc Principe religiosissimo refertur in libro 5. *Xukim* fol. 28. quod, cum in horto sepulchrali *Siao ye* patris sui delitescens de renovando Imperio, secum ipse sollicitè meditaretur, oblata ei fuerit à *Xam. ti* supremo cæli Imperatore (seu Deo) per somnium species ignoti viri, quem, prout ipse *Cao çum* etiam Senatu suo depingebat verbis, coloribus expressum & undique conquistum, ac demum inter camentarios inventum in loco *Fu yen* (nunc oppido *Pim lo* dicto in prou : *Xanli*) è luto suo ad supremam consiliarii dignitatem evexit.

Hic *Fu yve* vulgo nominabatur; cujus extant in libro *Xu kim* tribus contenta capitibus præclara monita, quibus Imperator *Vu tim* (alias *Cao çum*) adeo profecit, ut per annos 59. pietate & religione feliciter ac pacifice administravit Imperium.

Hic verò planè jucundum est videre, quomodo Interpretæ primi nominis *Chu hi* dictus posteriorum temporum atheopoliticorum antesignanus secum ipse luctetur; nec tamen miser eludari valeat : hinc enim Prisci textus auctoritate (que apud Sinas sacra est) prohibetur negare rei gesta veritatem; inde verò quamcunque in partem se vertat à supremi cujusdam Numinis præsentia & majestate expedire se nequit. Sic igitur in majoribus suis commentariis ait:

Quando Imperator *Cao çum* somniavit de *Fu yve*, distinctè & manifeste fuit aliquis *Fu yve* qui existeret illi : *Cao çum* reverà non eum cognoscebat cujus species in somnis ostendebatur: Neque enim hominem hujusmodi unquam ipse viderat. *Cao çum* somniavit de *Fu yve* quod existeret: illi : Hoc igitur cum ita sit; verè fuit aliquis Cæli Imperator, qui coram *Cao çum* diceret, ego assigno tibi fidelem adiutorem : Nunc autem homines per vocem *Ti* non aliud quam Dominum & gubernatorem intelligi dicunt; eundemque dicunt expertem corporis & figuræ : Sed puto quod ita res non habuerit

(nimirum non capiebat hic Scriptor quo pacto expert corporis, assumptâ tamen figurâ conspicuus homini redderetur) quod attinet (prosequitur Interpres) ad eum qui hac ætate nostrâ vocatur *Yo hoam-ta-ti*, id est, *Yo hoam* magnus (celi) Imperator, puto equidem nec de hoc id dici posse (utique dici nequit: Quomodo enim homo ille *Yo hoam* apparuerit, quem aliquot post *Cao* cum seculis natus & deinde nonnisi exactis aliis aliquot sæculis per insanam superstitionem Imperatoris, *Hoci* cum dicti, è 19. familiâ *Sum* numero, supremi Numinis titulo donatum?) Rursus (prosequitur Interpres) quam non inane & fortuitum fuerit illud somnium, successus ipse docuit: Rex enim *Cao* cum somniavit à cæli Imperatore assignari sibi fidelem adiutorem, ei procul dubio in somnis adfuit cæli Imperator qui illum indicaret; nec ullo modo dici potest rem ita non habuisse: nec item hic dici potest fuisse cælestem illam rationem, quam *Li* dicimus. (Et hætenus quidem Interpres *Chu hi* quo se vertat ignorans; ceterum ignorantia illâ & perplexitate suâ Veritati Providentiæque Numinis vel invidus favens. *Li* hoc atheopoliticorum figmentum quodpiam post 40. sæcula inventum à novatoribus interpretibus. Intelligunt autem per *Li* virtutem quandam seu influxum naturalem mente & voluntate destitutum, sed principium rerum omnium, ad quod omnia conantur referre, totius retro antiquitatis monumenta & sensum in suam detorquentes sententiam.

§. 4. *Confucius* ait: Qui præpositus est aliis, si quidem gaudens officiorum contemperatione debita, discrimen æquum semper faciens inter humiles, & honoratos inter summos & imos: tum populo facile imperabit.

p. 2. §. 1. *su lu* sciscitatur de viro sapiente, & qui longè supra vulgus emineat; *Confucius* respondit: Excolat sese, ut hoc pacto rectus evadat per assiduam suiipsius vigilantiam & attentionem. Querit *su lu*, ubi sic egerit, num sufficiet? Respondit: Excolat ergo sese, atque ita excolat, ut expleat vota aliorum, sicut optat expleri sua ipsius. Instat discipulus: Ubi se res sic habuerit, nihilne requiratur præterea? Respondet: Excolat sese, & partas virtutis industrizque opes tam largè diffundat, ut procuret pacem, expleatque vota universi populi. Sed enim ardua res hæc est, & in hoc excolendi sui ipsius studio, sic ut explerent vota universi populi, *yao* & *xun* viri Principes tales ac tanti, tamen ipsi quoque vehementer laborabant & quasi perpetuâ quâdam tenebantur ægitudine animi & curâ, ne fortè vel unus esset ex omnibus, cujus amorem ac benevolentiam non obtinerent: Usque adeò suos haud secus ac seipsos diligebant.

f. 22. p. 1. §. 1. *Twen-jam* sectator quidem Philosophi *Lao Kinn*; sed vir incenditis corruptisque moribus, quodam die decussatis cruribus sedens (quem *sinum Sina* indecorum esse censent) expectabat

Confucium jam olim sibi notum. *Confucius* tam agrestes heminis mores, aliaque totius vitæ vitia animo damhans, sic ait: Olim quidem tu adolescens cum esses, non fuisti submisso animo & observans nam majorum: Grandior factus nihil habuisti virtutis ac laudis, quod prædicaretur: Senior verò jam siquidem non moriaris ocyùs, hoc enim verò erit esse damno quamplurimis pravo exemplo & moribus. Hoc dicto, scipione leviter percussit ipsius crura, sic quoque debitæ gravitatis ac decori moniturus agrestem hominem.

§. 2. Ex ditione *Kiue tam* dicta pueri aliquot indigenæ *Confucio* in disciplinam recens traditi deferrebant Magistri mandata ad hospites, & horum vicissim responsa ad Magistrum. Aliquis fortè sciscitatus ait: Proficiuntne illi pueri?

§. 3. *Confucius* respondit: Oporteret quidem illos non in medio sedere, sed à latere; & dum sequuntur majorem natu, pone sequi: nunc autem ego video ipsos temerè confidere in loco honorato. Video illos cum Magistro suo sine ullo intervallo pariter incedere, adeoque non observare, quæ sunt propria ætatis suæ. Quocircà judico quod non sunt studiosi profectus sui. Cæterum ego sumam mihi hanc Provinciam: Desidero quamprimùm sublatâ ruditate illâ, bonis moribus ac disciplinis excolere illos ac perficere; Verumtamen sic, ut à facillimis infinitisque ordiar; & eos ipsâ cum ætate ad majora pedetentim manuducam.



LIBRI TERTII

PARS OCTAVA

Fol. 1. pag. 1. paragr. 1.

REGNI *Guei* Princeps *Limcum* dictus belli magis quam virtutis cupidus percontatus est de instruendâ acie ad prælium, à *Confucio*. *Confucius* respondit: *çu* & *teu* valorum factorum res ego quidem assidue audiui: Castrenses res necdum didici. Quare illufcescente die statim profectus est, quod videret operam perdi.

§. 2. Existente *Confucio* in Regno *Chin* defecit victus: Sectatores ipsius languebant, nec poterant iter prosequi fame scilicet debilitati.

§. 3. Discipulus *çu Ia* molestiam animi prodens ait: Inter viros probos ac sapientes etiamne dantur egentissimi? *Confucius* ait: Vir

probus ac sapiens durat in egestate gravi : Stultus & improbus in egestate gravi constitutus hoc ipso dissolvitur animo.

p. 2. §. 1. *Confucius* ait : Discipule mi *Su*, (aliàs *su cum*) tunc sic de me censes, operose me multa didicisse ac mandasse memoris, atque ideo tam promptè meminisse ?

§. 2. Respondet discipulus : Utique. Sic mihi persuasi semper. Num aliter fortè res habet ?

§. 3. *Ertas*, inquit *Confucius* : aliter se res habet. Ego duratæ per unum res pectro.

f. 2. p. 1. §. 1. *Confucius* ait : Mi discipule *Ten*, (aliàs *en lu*) qui perspectam habeant virtutem, pauci sunt.

§. 2. *Confucius* ait : Nihil agens & tamen imperans nonne is fuit *Xun* ? Hic quid agebat ? totus spirans virtutem rectè aultrum spectabat (*Quo situ Imperatores, ac Magistratus hic jus dicunt*), & aliud nil agebat : Omnia scilicet cursu suo, quem optimum tenebant, ire suens.

§. 3. Discipulus *su cham* quærit à Magistro suo modum gerendi res cum utilitate & profectu aliorum.

§. 4. *Confucius* respondet : Loquerè simpliciter, candidè, cum fide : Agè constanter, graviter, maturè : etiam in Australiū vel Borealiū Barbarorum Regno constitutus proficies. Contrà verò si loquaris haud simpliciter, candidè, & cum fide ; Si agas haud solide, graviter, ac maturè ; quamvis in cœtu familiarum 2500, vel in cœtu familiarum 25. verberis ecquid tandem proficies ?

p. 2. §. 1. Si consistis rectus : protinus contemplare ista velut ordine posita coram te. Si existis in curru ; protinus contemplare ista velut innixa jugo currus : hoc modo demum, ubicumque fueris, res getes.

§. 2. Discipulus *su cham* adnotavit hæc præcepta in cingulo, id est, in anteriori sinu cinguli sui descripsit, ut ostenderet, quanti faceret Magistri sui documenta.

§. 3. *Confucius* ait : O quam rectus est *Su yu* ! Præfectus is erat Regni Guei) Regno pacato instar sagittæ est. Regno turbato instar sagittæ est. Verbis scilicet factisque constans, rectus, integer.

f. 3. p. 1. §. 1. O virum præstantem *Xiu pe yoc* jusdem Regni Præfectum : Regno pacato protinus administrat Reipublicam ; Regno turbato, protinus novit subducere sese & latitare.

§. 2. *Confucius* ait : Dignus est quispiam qui cum instituas sermonem, & tamen si cum eo non instituas sermonem ; perdis hominem : indignus est quispiam qui cum instituas sermonem, & tamen si cum ipso instituas ; perdis verba. Prudens nec perdit hominem, nec perdit verba.

§. 3. *Confucius* ait : Vir excelsi magnique animi, idemque vir virtutis

tutis solidæ, non flagitat vivere sic ut damno sit virtuti suæ : imò datur qui prodigat vitam ut consummet virtutem.

p. 2. §. 1. *Confucius* cum discipulus percontatur quâ arte quis evadat probus : *Confucius* respondit : Artifex volens perficere suum opus, haud dubiè priùs acuit sua instrumenta. Commorans in aliquo regno fac servias ejusdem præfectorum sapientioribus : amicitiam contrahe cum ejusdem Regni literarum probioribus.

§. 2. Discipulus *Ten yven* consulit Magistrum de administrando bene Regno.

§. 3. *Confucius* haud ignarus, quanta, quamque eximia discipuli facultas esset, sic ait : Age res & exige juxta familiæ *Hia* temporum rationem.

Hac imperante familiâ novilunium illud, quod ab ingressu solis in gradum 15. Aquarii proximè aberat, anni cujusque constituebat exordium quæ ratio temporis quoniam ad Agriculturam, aliosque usus viæ humana hic valde erat accommodata ; Confucio magnoperè probabatur : & verò perseverat eadem hodieque tametsi sub familiis aliquot Imperatoris subinde fuerit immutata.

f. 4. p. 1. §. 1. Cohæscende familiæ *Tu* currum. Fac imiters, inquam, secundæ hujus familiæ mores antiquos, id est, simplices, rectos, æquabiles, & constantes ; quos adèò prodebat cultus ille vulgaris & simplex ; & firmitas rhedarum & curruum, quibus Reges, absque pompæ apparatu tunc utebantur.

§. 2. Dum sacris das operam, induere familiæ *Chen* nunc imperantis tiarâ.

§. 3. Musica verò sit ea quæ *Xao* dicitur cum choris tripudantium.

§. 4. Missas facito Regni *Chim* cantiones. Procul amanda loquaces : Regni *Chim* cantiones, ruires, loquaces, periculosi.

p. 2. §. 1. *Confucius* ait : Non eminus ac longè res & negotia præmeditans, procul dubio habebit propinquum tibi interitum. *Exponunt Sine hanc Philosophi sententiam alio proverbio : Liu pu çai çien li chi vai, çe hoan çai xi sic chi hia præmeditatio nisi sit ultra mille stadia, tum calamitas est sub ipsâ mensâ & strato.*

§. 2. *Confucius* ait : Proh dolor ! ætium est : ego nondum vidi qui gauderet virtute sicut quis gaudet eleganti formâ corporis.

§. 3. *Confucius* ait : Regni *Lu* Præfectus *çam ven çhum* nonne ipse furtim & fraudulenter Magistratum gerit, ac tuetur suam dignitatem. Hic enim cum perspectam habeat *Lien hia boei yiri* nobilissimi sapientiam & virtutem, & quanto is emolumento possit esse Reipublicæ ; Regi tamen eum non commendat aut proponit ut promoveatur.

f. 5 p. 1. §. 1. *Confucius* ait : In seipsum graviter, ac leviter anim-

advertere in alios, utique procul amoveat odia.

§. 2. *Confucius* : Qui non dicit ; hoc quomodo ? illud quomodo ? Ego nescio hujusmodi homine quid faciam. Actum est.

§. 3. *Confucius* ait : Plures simul commotantes per totum diem, si in colloquiis inter se non attingant virtutem ; sed gaudeant proferre in medium privatam prudentiam , & quantum laborabunt !

p. 2. §. 1. *Confucius* ait : Vir verè præstans ex convenientiâ cujusque rei statuit rei fundamentum : Debito cum rigore modoque exercet illam ; cum animi modestia demissioneque palam facit illam : cum fide perficit illam. O virum hujusmodi verè præstantem !

§. 2. *Confucius* ait : Philosophum affligit impotentia sua , non affligit ab hominibus se nesciri.

§. 3. *Confucius* ait : Philosophum affligit occidere sibi vitam , & nomen suum nondum celebrari , aut nihil dignum famâ peregisse.

§. 4. *Confucius* ait : Sapiens causam peccati datque offensionis, exquirat ab se : stultus exquirat ab aliis.

f. 6. p. 1. §. 1. *Confucius* ait : Philosophus est quidem severè retinens gravitatis , at non asper & intractabilis : Socialis est , at non qui temerè abripiatur impetu multitudinis.

§. 2. *Confucius* ait : Sapiens nec ob sermonem evehit hominem ; nec ob hominem (qualiscumque is sit) aspernatur ac negligit sermonem.

§. 3. *qu cum* sciscitando ait : Num fortè extat unum aliquod vocabulum , secundum quod velut normam quampiam possit quis per omnem vitam operari ? *Confucius* respondit : Nonne istud vocabulum est, *Xu* ? Scilicet , tibi quod non vis , ne facias erga alios ?

p. 2. §. 1. *Confucius* ait , Ego agens cum hominibus , cuinam obtrecto ? quemnam deprædico ? Si datur quod deprædicandum sit ; idipsum habet quod prius discutiatur.

§. 2. Moderni , seu hujus ætatis homines , etiamnum gradiuntur rectâ , quâ tres familiæ incedebant , viâ.

§. 3. *Confucius* ait : Ego adhuc attingi Historiographorum succinctum stylum. Tunc habens equum , alteri dabat commodatò , ut conscenderet : At nunc ista obsoleverunt.

f. 7. p. 1. §. 1. *Confucius* ait : Fucati sermones perturbant virtutem ; modica impatientia utique perturbat maxima consilia.

§. 2. *Confucius* ait : Multitudo odit quempiam ? omnino examine-tur. Multitudo gaudet quopiam ? omnino examinetur.

§. 3. *Confucius* ait : Homo potest illustrem reddere & magnificare normam rationis ; Non autem citrà conatum arbitriumque hominis norma rationis per se valet magnificare hominem.

§. 4. *Confucius* ait : Peccare nec emendare , hoc ipsum dicitur peccare.

p. 2. §. 1. *Confucius* ait : Ego plerumque totos dies non manducem : totas noctes non decumbam , ut vacem meditationi : & tamen nullum propè referam fructum : Non est quid melius quàm operam dare monumentis literarum , in usum scilicet exercitiumque , quæ didiceris , traducere.

§. 2. *Confucius* ait : Philosophus laborat de virtute ; non laborat de cibo ; & verò ipsam Agriculturam , fames subinde sequitur & insperata sterilitas : at in virtutis studio , census & fructus nunquam deficiunt. Quare Philosophus angitur de virtute ; non angitur de paupertate.

§. 3. *Confucius* ait : Prudentiâ affecutus quidpiam , nisi virtute interiori valeas idem conservare , licet fortè adeptus sis , procul dubio amittes.

§. 4. Prudentiâ quidpiam affecutus , & virtute interiori valens conservare ; nisi quoque adhibeas morum gravitatem & auctoritatem ad rectè gubernandum ; tum subditi non te verebuntur.

f. 8. p. 1. §. 1. Prudentiâ quidpiam affecutus , & virtute interiore valens conservare , exteriorem item morum gravitatem & auctoritatem adhibens ad rectè gubernandum ; nisi moveris subditos convenienti ac debito modo ; nondum perfecta res est.

§. 2. *Confucius* ait : Vir eximius non potest parvis ex rebus , quamvis eas præclarè gesserit , illicò sciri seu statui etiam potens esse seu idoneus ad res magnas suscipiendas & tractandas. Contrà verò à vulgari homine & modicis naturæ dotibus instructo , non debent exigi res magnæ , nedum suscipi ; & quid possit ipse in modicis vulgaribusque rebus , cognosci debet , alioqui.

p. 2. §. 1. *Confucius* ait : Populo in virtute plus est quàm in aquâ & igne. Aquam & ignem ego vidi qui calcaret & periret : nondum vidi qui insisteret virtuti & periret.

§. 2. *Confucius* ait : Suscipiens excolendum virtutibus animam , non cedat Magistro , primalve in virtutis studio deferri patiatur.

§. 3. *Confucius* ait : Vir perfectus rectus & constans est , at non pervicax.

§. 4. *Confucius* ait : Serviens uti servire par est , Regi , ante omnia & præ omnibus cordi habet quæ sui muneris officique sunt ; ac postponit his censum suum , suæque stipendia.

f. 9. p. 1. §. 1. *Confucius* ait : Sit institutio sine discrimine.

§. 2. *Confucius* ait : Viâ discrepantes , haudquaquam inter se convenient ad consultandum quidpiam.

§. 3. *Confucius* ait : Verba percipiantur (seu verborum nuda veritas absque fūco & atatis nostre luxuriosa elegantia) & hoc sufficiat.

§. 4. Magister mulices, *Mien* nomine, *Confucii* visendi gratiâ venerat. Accedenti itaque ad gradum quempiam, hospiti (quippe qui cæcus erat) *Confucius* admonens illicò dicebat; hic gradus est: Eidem verò jam progresso in aulam excipiendis hospitibus destinatam, & accedenti ad stoream. *Confucius* iterum dicebat: Hic storea est. Mox inde Magistro illo mulices, cæterisque hospitibus pariter confidentibus, *Confucius* eundem commonefaciebat dicens: Titus existit sive confidet ab hac parte: Sempronius existit ab illa parte; ut aptius scilicet fungeretur debito cuique salutationis & honoris officio.

§. 5. Magistro *Mien* jam egresso, discipulorum unus cui *qu cham* nomen erat, quaesivit ex *Confucio* dicens: Cum Magistro mulices sic loquendi & agendi an etiam datur regula ex principiis nimirum Philosphiæ suæ?

§. 6. *Confucius* respondit: Est hæc sanè juvandi cæcos Magistros regula, olim scilicet instituta.

p. 2. §. 1. In Regno *Lu* tres erant præpotentes ac nobiles familiar, quæ tanum non rebellantes contra suum Regem, quatuor Regni ditiones inter se partitæ fuerant. Earum unam *Mem sun* invalerat, alteram *Xo sun*; tertiam verò quartamvè Regni Præfectus *Ki* potentior utrisque sibi vindicarat. Quibus haud contentus, (ut est insatiabilis dominandi libido) aliam quoque dynastiam in ejusdem Regni medietullio sitam, & clientelari jure eidem obnoxiam meditabatur invadere. Hic itaque *Ki xi* seu *Ki sun* erat in procinctu ut bello peteret dynastiam *chuen yu*.

§. 2. *Gen yeu* & *Ki lu* adstantes coram *Confucio* dicunt: *Ki xi* Domino nostro proximè futura est res cum *chuen yu* Dynastâ: Ambo erant discipuli *Confucii*, & tunc fortè Magistratum gerébunt; nec probabant hujulmodi invasionem.

§. 3. *Confucius* ait: *Kiem*, nonne est tuum quoque hoc crimen?

f. 10. p. 1. §. 1. Belli porro arguens injustitiam, ex tribus maxime capitibus eam probat. Hanc (inquit) dynastiam *chuen yu*, olim prisca Imperatores familiar *Chen* fecerunt montis *mum cum* in eadem siti ditione dominam, ubi dynastæ curam habent sacrificiorum, quæ spiritui montis præfidi rite hunt. Deinde sita est in medio terminorum Regni. Est denique regis domui familiarque subjecta & clientelaris, quo pacto igitur, & quo jure illam sibi vindicet improbus, & invadat?

§. 2. Discipulus *Gen yeu* hæc oratione Magistri sui jam doctior, sic ait: *Ki xi* Dominus noster vehementer expetit illam ditionem: Nos quidem ambo ejusdem Ministri ac subditi pariter haud desideramus aut approbamus.

§. 3. *Confucius* ut doceat oportere eos, quod animo damnant, verbis quoque

quoque factisque arguere & damnare; & si quidem monendo arguendoque non proficiant, muneri suo renunciare, sic ait: mi discipule *Kieu*, antiqui illius & celebris Historiographi *Chen gin* extat sententia per quam apposita ad rem nostram: Si cuipiam, inquit, suppetunt vires ac facultates ad gerendam Rempublicam, adeat sane munus publicum: non autem valens prastare quæ sunt officii sui, sistat, & gradu, si quem fortè obtinet, sese abdicet: Is etenim præcipitio proximus periclitatur, & tamen non manu tenetur, seu non monetur, quia moneri scilicet impatiens est: Prolabitur, & tamen jam labens non manu fulcitur: quia nimirum non est qui audeat manum admovere, constatque præcipitem abire velle. Hujusmodi ergo cæco vel amenti veriùs, cui tandem sit usui iste adjutor vel ductor?

p. 2. §. 1. Atque adeo tu quod dicebas modò, invitis vobis & improbantibus parari bellum, sic ut crimen omne in præfectum derivaretur; hoc ipsum alterum est crimen tuum; & eo quidem turpius, quò turpiori cum errore conjunctum. Quæro enim abs te, tigris quæpiam, aut bubalus sylvestris evasit extra septa, repagulaque sua; testudo item raræ artis; aliave pretioso è lapide supellex si damnum passa perit, quamvis in arcæ medio reposita: Fuga hæc, & damnum hoc cujus tandem erit crimen? Numquid ejus cujus fidei & curæ commissa tam septa, quàm supellex fuerat?

§. 2. Discipulus *Gen yeu* intelligens hoc argumento agi se eum, suam pariter ac Domini sui causam specioso necessitatis ac justitiæ nomine tuendam suscipiens, sic ait: Nunc ditio hæc *chuen yu* fortis ac munita est, & fieri potest ut munitior evadat in dies: Nunc illa vicinis suis non est infesta; sed ecquis spondeat nullo unquam tempore futuram? Porro eadem vicina est finitimaque *Pi* avitæ ditioni & patrimonio *Ki xi* Domini mei. Quocirca si nunc cam, quando potest, tempusque & fortuna favet, non occupat ac facit juris sui; olim procul dubio erit illa filiorum ejus ac neporum acerbus dolor ac sera pœnitendi materia.

§. 3. *Confucius* patefacto hunc in modum ulcere tam discipuli quàm præfecti; verus, inquit, ô *Kieu*, Philosophus odit & execratur ejusmodi hominem tergiversantem ac nolentem candidè profiteri cupiditatem suam, alioque morbos animi occultantem sollicitè, & interim violenter prætexentem verba, seu verborum ambages, quibus veritatem eludit.

§. 4. Audi nunc igitur, quid ego sentiam. Ego sic audiui semper eos qui habent Regnum vel dynastiam, vel, qui habent amplam splendidamque familiam, si quidem probi sint ac sapientes, non solere angri animo & dilcruciari paucitate subditorum, quibus imperitant: sed dilcruciari & angri quod non obtingat suum cuique

prout jus & ratio postulat; audiui item non angere illos, quod penuriâ rerum laboret sua ditio sed angere & affligi quod non fruatur optatâ pace & concordia. Et merito sanè, quippe si tollantur expensæ inutiles, si luxus immodici prohibeantur, & cuique tribuatur quod æquitas postulat, quamvis alii aliis opulentiores futuri sint, non erunt tamen inopiâ vel mendicitate laborantes: Ubi item viget concordia, ibi nulla est paucitas, ibi vastitas nulla: Quamdiu verò fruuntur concordia, fruuntur & pace, quæ ex illa nascitur: At vigente pace & tranquillitate, nullus erit ruinæ locus, vel gravioris cujusque calamitatis periculum.

f. 11. p. 1. §. 1. Tria hæc, justitia, concordia, tranquillitas, si eo modo, quo dixi, se habeant, ac vigeant: Tamen si fortè remotiores populi jugo tam suavi non se subiciant; tum quidem hoc erit agendum, ut perficiantur magis ac magis, & perpoliantur quodammodo virtutes Regiæ, ut sic adveniant tandem exteri non dolo victi, non armis, sed famâ virtutum. Ubi verò sic advenerint, & in jus ditionemque tuam transierint; tum commodis eorum quietique amanter consulas.

§. 2. Nunc autem, ô discipuli mei *Ten*, & *Kien*, adjutores estis vos quidem, & consiliarii *Ki xi* Domini vestri. Sed quo tandem operæ pretio, quo fructu? Alienigenæ non modò non parent vobis: sed quoniam apud vos desideratur vera virtus, neque possunt imperare sibi ut ad vos migrent. Regnum *Lu* miserabiliter divisum concidit, distractumque in partes, & factiones, tantum non periit funditus, atque adeo non potest ipsum jam diutius conservari.

p. 2. §. 1. Et quasi hæc non sufficiant ad calamitatem, interitumque publicum; nunc etiam molitur Præfectus ille nova movere arma; & quidem sic, ut in ipsis Regni visceribus atrox bellum exardescat. Sed ego sanè vereor ne familiæ *Ki* nepotum dolor, seu ruina, non existat seu inferatur à finitimâ ditione *Chuen yu*; Sed existat ex ipsorummet domesticorum parietum visceribus, suoque ipsa tandem consumatur incendio.

§. 2. *Confucius* ait: Imperio pacatò & cum autoritate administrato protinus oratio officiorum mulicæ & bellicæ expeditionis ab Imperatore procedunt: Imperio perturbato, jam ratio officiorum mulicæque & bellicæ expeditionis à Regulis procedunt, à Regulis si procedunt, tum quidem decem ætatum spatio, paucissimi ex his erunt qui non amittent Regnum suum. A Præfectis si procedunt, quinque ætatum spatio paucissimi erunt qui non amittent. Domestici clientes si usurpârint regni dominatum, trium ætatum spatio paucissimi erunt qui non amittent malè parta.

f. 12. p. 1. §. 1. In Imperio si vigeat lex, tum absoluta administratio non erit penès Præfectos: quippe quæ nec penès ipsos Regulos sit futura.

§. 1. In Imperio si vigeat lex, tum populus non immitteret se in consilia publica: Quippe subditi omnes lubenter ac certatim cum eâ conformabunt sese administrandi normâ, quam intelligent ad normam cœli, rectæque rationis esse exactam.

§. 3. *Confucius* ait: Vectigalia abscesserunt à Regiâ domo per quinque generationes: Administratio pervenit ad præfectos per quatuor generationes: Ideò isti tres Regis *Von cum* posterius attenuati sunt. Confirmare videtur hic *Confucius* ea quæ dixerat, exemplo domestico *Lu* Regni patrii, in quo Reges ordine duodecim imperitârunt. Etenim post obitum sexti Regis *Von cum* occiso ejusdem filio & hærede legitimo, euectus est ad Regnum frater occisi *Siven* dictus. Ex illo tempore Regni istius administratio cœpit concidere, & vectigalia transierunt à domo Regiâ ad privatas Præfectorum familias; qui freti nobilitate suâ, quod ex stirpe *Von cum* secundi Regis oriundi essent, Regium jus paulatim sibi vindicârunt.

p. 1. §. 1. *Confucius* ait: Utiles sunt tres amici: Perniciosi tres item amici. Amicus rectus; amicus fidelis; amicus multa audiens, utiles sunt. Amicus exterius solum compositus & gravis: Amicus blandus ac mollis; amicus loquax & garrulus, perniciosi sunt.

§. 2. *Confucius* ait: Utilia sunt tria gaudia; Perniciosa, tria gaudia. Gaudere debito usu officiorum musicæque: gaudere proloqui aliorum rectè dicta & facta: gaudere multorum sapientum amicitia, utilia sunt. Gaudere superbiz vanitate: gaudere otio vitæque licentiâ: Gaudere epularibus jocis ac voluptatibus, perniciosa sunt gaudia.

f. 13. p. 1. §. 1. *Confucius* ait: Assistentium Principi dantur tria peccata. Verba scilicantis principis si nondum pertigerint, seu referantur ad te solum, & tamen loqueris, dicitur præcipitancia: si verba pertigerint, & tamen non loqueris dicitur morosa & inutilis taciturnitas, si præviè nondum observaveris faciem, & tamen loqueris, dicitur cœcitas.

§. 2. *Confucius* ait: Sectator virtutis habet tria sibi cavenda. Adolescentiæ tempore, sanguine & spiritibus necdum consistentibus, quod cavendum, est res venerea. Proiectus ad suam maturam ætatem, sanguine spiritibusque jam corroboratis, quod caveat, sunt rixæ. Proiectus ad suam senectutem, sanguine spiritibusque jam languentibus, quod caveat, est cupiditas habendi.

p. 2. §. 1. *Confucius* ait: Sapiens ac probus habet tres timores: Timet Cœli mandatum, timet magnos viros: Timet Sanctorum verba.

§. 2. Improbis ac stultis non agnoscit Cœli mandatum, adeoque nec veretur. Aspernatur magnos viros: Explodit Sanctorum verba.

Colamus sententiâ verè Christianâ longam explanationem concludens docet, timores modò memoratos ad unum maximè timorem reduci omnes; eum scilicet, quo revereamur cælum, & non amplius: Kim tien lh y Confirmat hoc exemplis Priscorum, qui omni cum reverentiâ & tremore; curâ item vigilantiaque prorsus singulari gerebant sese adversus cælum, & quidquid eis à cælo conferebatur.

§. 3. *Confucius ait: Qui nascuntur & hoc ipso scientes sunt, haud secus ac, si cum ipsâ vitali aurâ & spiritu scientias rerum hausissent; supremi ordinis sunt, censendi sapientes. Qui discunt autem, & operam dant Magistro, & hoc pacto evadunt scientes, à primis illis secundi sunt. At qui hebetiores sunt, & tamen discunt improbo labore & constanti, hi rursus ab eis, quos proximè memoravi, secundi sunt. Jam verò qui hebetes sunt, & tamen non discunt, in vulgo hi censentur infirmi & inutiles; quamvis alioqui sint homines integri & innocentes.*

f. 14. p. 1. §. 1. *Confucius ait: Virtutis ac sapientiæ studiosus adhibet novem considerationes. Dum conspiciatur quidpiam, seu lustrat oculis; meditatur perspicaciam, id est clarè, probeque percipiendum sibi esse, quod oculis objicitur. Audiens quidpiam, meditatatur acutam vim audiendi, probeque percipiendi voces, & vocum significationes. Ad speciem habitumque oris quod attinet, meditatatur serenam quandam placiditatem, quâ non alius color est, qui animos sibi potentius suaviusque conciliet. Quod attinet ad statum & conformationem totius corporis, meditatatur gravitatem cum reverentia conjunctam. Ubi loquendum est, meditatatur fidem ac veracitatem; quâ lingua scilicet cordi respondeat. Dum agit quidpiam ac molitur, meditatatur sedulitatem. In rebus dubiis ac perplexis, secum meditatatur ipse, quem consulat potissimum, & quâ ratione sibi lumen petat in illa caligine. Concitari sentiens animum iracundiâ, & studio contentionis ac vindictæ, maturè secum ipse reputat incommoda, damnaque nasci solita. Videns offerri copiam rei familiaris augendæ, protinus ob oculos sibi ponit jus & æquum.*

§. 2. *Confucius ait: Contemplare alterius quod bonum est, tanquam eò nondum perveneris: Contemplare alterius, quod malum est, tanquam si contingeres bullientem aquam. Ego vidi ejusmodi hominem: Ego audivi ejusmodi proverbium.*

p. 2. §. 1. *Privatus adhuc degens, cum præparat suas rectè gubernandi rationes & industrias: Post verò publico fungens officio fidelis administri, tum scilicet exercitat suas, quas præmeditatus fuerat, rationes & industrias. Ego audivi hoc proverbium: at necdum vidi ejusmodi hominem.*

§. 2. *Regni çî Regulus Kim cum habuit equorum mille quadrigas, & tamen à mortis, quâ violenter sublatu est, die, populus non invenit*

venit in eo virtutem, quam in eo celebraret. *Pe y* & *Xo ci* inedia consumpti fuerunt ad montis *Xen yam* radicem; populus usque modo illos celebrat.

§ 3. Quod igitur alii sint in oblivione, uti *Regulus Kim cum*; aliorum vero memoriam, uti duorum, quos dixi, fratrum, posteritas omnis conservet, nonne hoc ipsum est quod dicebam?

§ 4. *Chin cam* discipulus *Confucii* quod putaret plura & secretiora cum filio communicaret pater, quam cum reliquis discipulorum; adit explorandæ rei gratiâ filium ejusdem unicum, idque sciscitaturus ab ipso *Pe yu* (nomen est filii) sic ait: Condiscipule etiamne fortassis habes arcanum quodpiam & extraordinarium documentum, clam nobis scilicet, uni tibi suggestum à patre?

f. 15. p. 1. §. 1. *Pe yu* respondit: Adhuc quidem non audiui ex patre meo arcani quidpiam: nec enim mihi propriam impertit vel operam vel doctrinam. Semel dumtaxat, cum domi solus consisteret, me nescio quò pergente properantius ac fortè transeunte per aulam, ubi pater consisteret, percontatus est ipse, studeſne, fili, libris Odarum. Respondi ego candidè; necdum me studere. Tum pater, si nunc, ô fili, non das operam libris Odarum pervolvendis; non habebis quidpiam facultatis aut copix quo instituas sermonem viro gravi & Philosopho dignum. Quod audiens ego protinus abii, & operam dedi libris Odarum ediscendis.

§. 2. Alio die pater meus rursus solus cum consisteret, & ego fortè properarem ac transirem per aulam, percontatus est; fili studeſne libris officiorum, rituumque civilium? Respondi: Necdum me studere. Hic itaque rursus pater: Nisi des operam libris istis; non habebis quo vir evadas, & inter cives tuos emineas. Quod ego audiens, nihil cunctatus, abii, & operam dedi libris Officiorum.

§. 3. Audiui hæc duo à patre; nec quidquam præterea diverſi ab iis, quæ palàm vos docet.

§. 4. Discipulus *Chin cam* his auditis abiit, ac lætus, sibi que ipse gratulatus ait: Quæſivi de re una, & asscutus sum tres. Audiui quippe de libris Odarum: audiui de libris Officiorum & rituum, præterea didici exemplo *Confucii* nostri, viros verè præstantes remove-re ab se, seu ab ienſu, fructuque privatæ dilectionis ipsum quoque filium: non ei plus impertiendo vel operæ, vel doctrinæ, quam cæteris discipulorum.

Miratur Interpres V, & secum ipse disquiris causas, cur hic paragraphus, alique non absimiles parvi sanè momenti proferantur in medium: idonee fortassis, quod extant in codicibus authenticis, maximeque vetustis? An quod revera Confucius, dum Præſcorum ritus & officia suis exponerat, minutissima quæque soletet persequi; sicut in hoc quidem para-

grapho dici potest persecutus esse, ubi sic ait: Ejus qui amphoris cujusdam ditionis est Princeps, ex!gr. Reguli, Satrapæ, dynastæ uxorem, Princeps maritus suus compellans vocat consortem, conjugem, seu adiutorium. Hæc autem Principis conjux seipsam coram marito suo nominans, debita submissionis, modestiæque memor dicit: Ego rudis puella. Jam verò ditionis hujus homines ac subditi compellantes eam, vocant Reginam conjugem, sive Principis adiutorium; quia nimirum Palatii domestici, familiarumque Regiæ gubernatrix est. Sicut ipse Princeps, totius gubernator est ditionis. Rursus hæc ipsa Princeps fœmina sese nominans coram exteris ditionibus, id est, legatis earum, vel etiam Principibus, dicit: Ego modicæ virtutis parvula Princeps. Exterarum verò ditionum homines ac legati nominantes eam sic etiam, ut ipsimet subditi, vocant Reginam conjugem, sive, Principis adiutorium.

Fuit ab omni retro memoria, estque hæc etiam atate propè incredibilis apud Sinas & varietas, & copia nominum, quæ pro ipsâ varietate vel loci, vel temporis, vel conditionis; item pro arbitrio Principis tunc imperantis, alia tribuuntur atque alia, unis & eisdem non hominibus modò, sed etiam familiis, ditionibus, urbibus, muneribus publicis, distictisque ipsis hominum & factis. Nec minor etiam modestia est, gravitas, & reverentia, quæ copiam illam & varietatem continetur: quodque magis est mirandum, nullus ordo vel sexus est hominum, ætas propè nulla, nec inter sylvas ac montes tam rudis & agrivillis quidpiam, qui non ipso propè cum lacte nutricis, usum aliquem varietatis hujus copiamque perceperit.

Quod etsi videri possit haud necessarium pluribus exemplis declarari; quando nobis hi libri, quos habemus in manibus, non pauca suppeditant: juverit tamen vel oblectandi Lectoris gratiâ brevibus exponere, quæ nos ipsos, qui ex Europâ in Chinam venimus, discere cogerit, & exercitare cogat usu propè quotidiano Sinensis illa comitas, elegantiaque civilis.

Quotiescumque ergo contingit sociorum aliquem cum ipso gentis Imperatore loqui, non aliter ferè quàm Yven chin vel simpliciter Chin, id est, advenam è remotis terris subditum sese nominat. Ipse verò Princeps nos alloquens vel pronomine tu; vel nomine vulgari nostro. Imperatorem nos, uti Sine omnes, Van sui compellamus, quibus vocibus acceptissimum longè ætatis votum, annorum scilicet myrias continetur. Jam si cum Regulis, aut Colais Imperii, qui summus est Magistratus, sermonem habemus, pari ferè modestiâ, nobis quidem Liu gin, peregrinorum nomen tribuimus; Regulis verò titulum Vam ye, Principis ac Domini; necnon çien sui, quo ipsis mille annos vite precamur: Colais autem Lao ye, Dominorum honorificum damus nomen; & vicissim ab his quidem Sien sem, id est, seniorum; sive Magistrorum nomine plerumque honoramur: Regulis interim eadem, quâ ipsemet Imperator ratione nos compellantibus.

Quoniam verò ceteri Magistratum, à quibus administrantur Imperii partes omnes, alii censentur literarii, militares alii; hos quidem non alio ferè nomine quàm Lao ye, Dominorum nuncupamus: Illis autem vel hoc ipsam, vel cerè Lao sien sem, id est, Seniorum Magistrorum grave imprimis & honorificum tribuimus. De nobis verò ipsis loquentes, non alio ferè quàm Hio sem, id est, Discipulorum, & si quando major usus ac familiaritas interceperit; Siao ti; fratrum natu minorum nomine utimur: Ipsis vicissim pari cum significatione & modestia & honoris Magistrorum nobis, discipulorum sibi, fratrumque nomen dantibus. Nec absimilis comitatis ratio observatur cum quovis homine, qui vulgo sit honoratus; tamen si publico munere non fungatur. Quamquam non desunt etiam, qui nos aliquanto familiarius nomine Siam cum, quod Baccalaureorum est proprium, & hodie quidem perquam vulgare. Neophyti denique, si quidem literati sunt, Lao su, seniores Magistros nos vocant: si de vulgo, Dominos.

Ubi verò ad penitentia tribunal acceditur, Xin fu, spirituales Patres & hoc quidem loco omnes omnino, (multi etiam quovis loco & tempore) cui gin, id est, peccatores se nominant: Plerumque tamen Neophyti literati Mucn sem, discipulorum; famuli vero, alique infima plebs, humillimo Siao tie, h. munctionum vocabulo coram nobis utuntur; sic ut præter Imperatorem ac Regulos nemo ferè sit omnium, qui pro nominibus Ngo, ni, id est, ego, tu, uti sustineat. Porro eadem est ipsorum inter se, qua nobiscum comitatis, officiorumque ratio: Nisi quod hominibus exteris prius honoris & primum locum largiri soleant.

Universum autem, quotiescumque de rebus ad se pertinentibus sermonem faciunt, non modo perquam modè loquuntur; sed vocabulum ferè adnectunt humilitatis ac modestie significatissimum, sic Pi que, humile Regnum suum patrum; cien çu vile nomen: Siao lh, parvum filium; ipsum quoque morbum, si de valetudine quasitum fuerit cien yam, vilem abiectionemque nuncupant. Hospitis vero patriam honorificam, çun que vel quei que: nomen sublime, cao sim: sobolem ingeniosam, Lim lam: morbum denique ipsum, quantumvis teter foetidusque fuerit, modo quei yam pretiosum, modo çun yam, honorandum vocant. Quoties patrem suum aut matrem quis coram aliis nominat Kia fu, Kia mu, id est, familie patrem, & matrem nominat. Hospitis vero pater Lim çun vester honor, mater vero Lim tam vestra aula (domestica scilicet): propria verò domus aut familia Han kia frigida seu pauper domus, alterius quei kia honorata nuncupatur, & sic de ceteris, & sic de ceteris, que tam in familiari sermone, quam in epistulari stylo, qui à quovis alio multum differt, ubique passim observantur.



LIBRI TERTII

PARS NONA

Fol. 1. p. 1. paragr. 1.

TAM *ho* (Præfæcti *Ki*, subditus ac minister) desiderabat prior visitari à *Confucio*: Sed *Confucius*, quod intelligeret hominem esse turbulentum, & è familia illius, qui jus & authoritatem Principis legitimi per vim sibi vindicabat, cum non visit. Interim *Tam ho* munus epulate misit ad *Confucium*, pocellum scilicet, more gentis tunc usitato. Obstrictus hoc munusculo *Confucius*, cum non posset salva lege humanitatis non adire hominem, gratias acturus; de industriâ captavit tempus quo ipse non esset domi, coque tunc perrexit salutaturus: Quando ecce occurrunt sibi mutuo in ipsa via.

§. 2. *Tam ho* protinus alloquens *Confucium* ait: Veni, obsecro; nam ego tecum sermonem habeo, quem conferam. Mox ait: Si quis recondat in sinu suo, servetque sollicitè suam quampiam gemmam pretiosam, & interim perturbatum sit afflictumque patrium ipsius Regnum; nec velit tamen eam venundare, quo medeatur publicæ calamitati. Hujusmodi qui sit, an poterit dici pius? Respondet *Confucius*: non poterit, ejusmodi qui sit, dici pius. Instat alter: si quis gaudeat ac vehementer optet agere semper aliquid ac moliri quod profit Reipublicæ, & intetim oblatam sæpius negligat ac perdat occasionem. Hujusmodi qui sit, an poterit dici prudens? Respondet *Confucius*: Non poterit dici prudens. Hic alter concludens, dies, inquit, & menses torrentis instat præterfluunt; & tamen de annis tuis nihil mihi nec flagitanti tribuis? Quin expergisceris, & tui studioso, tibi que ipsi, & patriæ tuæ consulens, Magistratu fungens? Ad hæc, ut expidiret se ab importuno hortatore *Confucius* ait; Bene habet; ego suscepturus sum Magistratum.

p. 1. *Confucius* ait: Homines natura & rationis lumine inter se mutuo proximè conjuncti, studiis sæpè moribusque inter se longissimè distant.

f. 2. p. 1. §. 1. *Confucius* ait: Soli illi qui ipsa cum sapientia & probitate nati sunt: Sicut & illi qui ipsa cum ruditate & improbitate nati sunt, per mutuum commercium haud faciliè mutantur.

§. 2.

§. 2. *Confucius* die quodam perveniens in oppidulum *Vuchin*, quod *cu yeu* discipulus ejusdem gubernabat; fortè audivit oppidanorum perquam operosè fidibus canentium symphoniam prorsus ad normam & gravitatem illam Priscorum institutam.

§. 3. *Confucius*, quasi miraretur institui musicam tam gravem; tamque operosam in tam ignobili oppido; leniter tunc subridens, utenique vulgari proverbio, ait: Jugulaturus gallinam, quorsum utaris bovis cultro? Quasi dicat: non capiunt angustiae loci hujus tantum musices apparatus & majestatem.

p. 2 §. 1. Loci Praefectus, idemque musicae exercitationis author *cu yeu*, cum exultimaret illam seriò improbari à Magistro, Respondit in hunc modum. Olim ego audi vi saepe numero ex te Magistro meo, cum diceres: Praefectus aliorum, si quidem studiosus sit virtutis ac sapientiae; utique amat suos, erudit, tuerur, ac fovet. Plebs vicissim exemplo studioque Praefecti sui provocata, pro suo quoque modulo & ipsa studiosa si sit virtutis ac sapientiae; utique facillimum erit ei imperare & in officio continere omnes.

§. 2. *Confucius* advocatis discipulis suis ait: O vos duo tresve quotquot estis, discipuli mei! hujus condiscipuli veltri *yeu* oratio vera est, & rationi consentanea. Quod ego paulò ante sic locutus sum joci certè & animi gratià scilicet, ac tentaturus ipsum feci: neque enim sum ignarus; vigorem illum legum, ad oppida quoque pertinere.

§. 3. Alter ejusdem familiae *Ki Regium* jus affectantis affecta & Minister *Cum xan fa jao* dictus, cum in *Pi* oppido Regni *Lu* rebellio exorta esset, accivit *Confucium* è Regno *ci*, missò ad eundem munusculo. *Confucius* desiderabat: eò pergere, quòd speraret adventu suo opitulari se posse periclitanti patriae.

§. 4. E contrario discipulus *cu lu* non gaudens *Confucium* eò pergere; Magister, inquit, non est quòd pergas, quæ, obsecro, necessitas est hominis istius *Cum xan* familiam adeundi?

f. 3. p. 1. §. 1. *Confucius* quod sciret memoratum *Cum xan* moverè armia contra *Ki xi*, suum ipsius Dominum; non autem contra legitimum Regulum Regni *Lu*, respondit: quod hic ultro vocet me, & tanta cum significatione honoris, quomodo sine causa faciat? Si datur in quo utatur me, quorsum occasionem hanc de afflictâ patriâ merendi bene elabi Sinam? Quid si ego ex hoc Regno *Lu* effugiam atque erigam Orientalem, id est, novam, familiam *Chen* ad normam scilicet Occidentalis?

§. 2. *cu cham* discipulus percontatus est de verâ germanâque virtute *Gin* dictâ ex *Confucio*. *Confucius* respondit: Quisquis novit ac valet perficere ac servare quinque in ordine ad Imperium, is procul dubio praeditus est virtute, de qua quaeritur. Hic rursus discipulus

rogavit, quænam essent illa quinque. Sunt, inquit, *Confucius*, vigilans observatio suiipsum; amplitudo clementiaque animi; fides atque veracitas; assiduitas ac diligentia; amor ac beneficentia: Quippe si geras te graviter ac maturè semper & ubique, jam non erit qui te negligat aut contemnat; contra verebuntur omnes & colent. Si magni, liberalis, clementisque animi fueris; jam obtinebis omnes, omnium, inquam, studia, amores, voluntates. In verbis factisve fidem si præstiteris, jam homines omnes tibi nitentur securi, tuæque fidei se pariter ac sua committent. Si velox, impiger, & alacriter sedulos fueris in tractandis negotiis, jam habebis res perfectas; & ad exitum perduces optatum. Denique si fueris beneficus & amans tuorum, jam certè sufficiet hæc; ut imperes tuis felicissimè.

p. 2. §. 1. Regnum *sin* sex è primoribus administrabant non sine magnâ rerum perturbatione: Duo quippe illorum *Fan chum*, & *Kien gu* non modò consiliis animisque dissidebant; sed etiam copiis & armis: sub hoc autem magistratum gerens *Pie hie* accivit *Confucium*; *Confucius* desiderabat ire.

§. 2. Discipulus *gu lu* distulaturus Magistro suo protectionem, sic aiebat; quondam *Yeu*, id est, ego, audiivi ex te Magistro meo, cum diceres; In suâ ipsius personâ agentem improbè vir probus non adit. Vereor enim, ne ex consuetudine ipsius, damnum pariter ac probum accersat sibi: Nunc veto qui te invitat *Pie hie* unâ cum ditione *chum meu* dictâ molitur rebellionem: quorsum obsecro, tu ô Magister pergas ad hominem ejusmodi?

§. 3. *Confucius* respondit: Sic est, fuit hic mihi quondam sermo tecum. Sed nonne dixi quoque aliquando rem durissimam, eam quidem raro teci nec tamen frangi, atteri & consumi? non item dixi per sepe de re in se candidissimâ, atro colore tingi quidem; intrinsecè tamen non nigrescere, nec amittere unquam nativum candorem.

f. 4. p. 1. §. 1. Ego qui cessare queam inutilis ac iners? Ego quomodo sim magna quædam & amari sapotis cucurbita? Qui, inquam, possum, vel sustineam animo cucurbitæ illius instar manere suspensus & immotus, & qui non manducet, pascam neminem, prosum nulli? cæterùm non adivit hominem Philosophus, quod postea intelligeret hominem esse ejusmodi, cui mederi non posset.

§. 2. Ad latus Magistri sui fortè confederat discipulus *gu lu*, studiosior ille quidem laudis bellicæ, quam literariæ. *Confucius* ait: Discipule, mi, *Yeu*: Num tu audivisti aliquando sex virtutum magis illustrium, nomina? Sex item viciantia seu obscurantia ipsas virtutes? Discipulus assurgens respondit: nondum audiivi.

§. 3. Tu ergo paulisper hæc consilite, inquit *Confucius*, quoad ego exponam tibi.

§. 4. Qui gaudet amplissimo charitatis sinu complecti omnes, & de nullo non mereri bene, nec gaudet interim discere, quis esse debeat charitatis istius usus ac modus: hominis huiuscemodi vitium, in quod scilicet ipsa virtus degenerabit, erit ruditas, cæcitasque, dum scilicet cæco impetu benevolentiae, cæu vento incitatus, sine iudicio vel modo beneficia delaturus sit. Qui gaudet prudentiâ, seu veri perspicientia; nec gaudet interim discere, & indagare atque consulere; hominis huiuscemodi vitium erit perpetua quædam ambiguitas & incertitudo fluctuantis animi. Qui gaudet fide, seu dictorum convenrorumque constantiâ & veritate; nec gaudet interim discere, tempus & modum scilicet: hominis huiuscemodi vitium erit crebra & gravis offensio, cum damno vel suo vel aliorum. Qui gaudet rectitudine & candore, dolos autem & ambages, & quidquid fictum est ac simulatum, odit; nec gaudet interim discere, quis hîc quoque modus servari debeat; hominis huiuscemodi vitium erunt angustiae coarctati animi & triæ perquam difficiles, in quas eum nimis candidum & dissimulare nescium, tum simplicitas sua, tum fraus aliena conjiciet. Qui gaudet generosè ac fortiter quidlibet agere & pati; nec gaudet interim discere, quis virtutis huius sit usus ac modus: hominis huiuscemodi vitium erit insolentia, Reipublicæ perturbatio ac rebellio. Qui gaudet adamantino quodam robore animi atque constantiâ; nec gaudet interim discere, ubi, quando, quomodo, quantâ cum moderatione sit adhibenda: hominis huiuscemodi vitium erit stulticia & amentia.

p. 2. §. 1. *Confucius* adhortans discipulos suos ad studium Præcorum Poëmatum, ô, inquit, filiioli, quare non studetis istis Odarum libris?

§. 2. Etenim si humi repimus, si jacemus inutiles atque inglorii, per odarum documenta, possumus erigi quodanmodo, & assurgere ad verum decus.

§. 3. In odis, velut in speculo, possumus contemplati, quid nos maxime deceat; quid rursus dedeceat: hæc autem contemplan-do permoveri salubriter.

§. 4. Odarum præsidio possumus sociales evadere, & affabiles, & jucundi. Ut enim musica sonos aptè temperat, sic & Poësis ista motus & appetitus nostros.

§. 5. Possumus odisse sine itacundiâ vel alterum quemcumque naturæ notum sentire, & tamen citra vitium sequi.

§. 6. Eadem nos docent, quo pacto domi serviamus patri; absentes verò & procul à domo serviamus & Principi.

§. 7. Ad extremum, beneficio illarum, plenam voluptatis, & uberem imprimis noticiam acquirimus de propriis avium, quadrupedum, herbarum, arborumque nominibus, ac naturis.

§. 8. *Confucius* alloquens *Pe yu* filium suum ait: Num tu te exercitas in primis odarum capitibus *Cheu nan* & *Chao nan* dictis, quilibet haud exercitat sese in capitibus *Cheu nan* & *Chao nam* (inquit) hic similis est hominis directâ ad parietem facie consistentis, id est, inutilis ad omnia, utpote qui nec uno passu queat progredi, nec quidquam rerum contemplari.

Contipetur istis odis epithalamium *Reguli Ven-vam*, sponsæque ejusdem *Tai gin virginis à prudentiâ* & virtute celebratissima, quæ mater deinde fuit *Vu vam conditoris tertiæ familie Cheu*, qui imperare cepit anno ante Christum 1122. Porro celebrantur laudes utriusque conjugis, quod primum quidem de suo ipsorum animo virtutibus excolendo sapienter laboraverint; tum de familiâ rectè instituendâ; ac denique de Regni totius ad Septentrionem sibi administratione: cujus præclarâ normam ad australia quoque regna deinde traduxerint.

f. 5. p. 1. §. 1. *Confucius*, priscorum textuum buccinatores hypocritas non sine quodam sarcasmo ferens, quorum, inquit, illæ tot citationes & mera verba liber *Officiorum ac rituum* ait: Liber *Officiorum ac rituum* ait? Num fortasse vasa ista pretiosa variaque insignia dignitatum, & vestes sericæ vobis aiunt quidpiam? Rursum *Muscorum liber* ait, *Muscorum liber* ait; ecquis tandem liber? Num æra campana, num tympana quid officii vestri sit, vobis aiunt? Pulcherrima interim documenta, quorum maxime causâ majores nostri ritus & musicam instituerunt, vitâ certè, moribusque non ex-
primitis.

§. 2. *Confucius* ait: Qui oris externa specie graves, constantes, severi sunt; & tamen intus, in animo, inquam, suo mobiles & flaccidi, ii rectè comparantur cum abjectis & improbis quibusdam hominibus, qui cum reverâ nocturni fures sint; de die tamen gravis honestique viti personam gerunt: Sic & isti sunt prorsus ad instar quorundam vel perforantium, vel transilientium parietem nocturnis horis latronum.

p. 2. §. 1. *Confucius* ait: Eiusdem farinae sunt cum his, quos dicebam modo, latrunculis nocturnis, ii qui vulgo habentur ab hominibus ruri degentibus probi, ingenui, comes officiosi: & specie quidem tenus sunt tales, rē autem verâ fallaces, malitiosi, callidi, veteratores, vafri, veri denique virtutum latrones, seu pestis atque perniciēs.

§. 2. *Confucius* ait: Benè beatèque vivendi rationes ac præcepta de viâ fortè audita, protinus de viâ proloqui, & auribus vixdum percepta, per os illicò profundere; neque hoc agere, ut ea tibi ipse primum applies, quam impertias aliis; virtutis quædam projectio est, contemptus, ac repudiatio.

§. 3. *Confucius* ait: Iis, qui conditione & moribus viles & abjecti hominēs

homines quomodo possunt hi servite Principi ac Reipublicæ; quāvis etiam afferant raras facultates ingenii & industriæ.

§. 4. Omnino non possunt: quippe homines hujusmodi & priusquam obtineant quod expetunt, anguntur intimis sensibus, donec per fas & nefas id obtineant. Ubi vero jam obtinuerunt; rursus tamen anguntur & discruciantur ne amittant.

§. 5. Atqui ubi timetur amitti, quod sic acquisitum est opum & dignitatum, jam nihil est quod noti pertingatur. Nihil, inquam, est tam abjectum, tam turpe, tam iniquum, quod non agant & patiantur.

f. 6. p. 1. §. 1. *Confucius* ingravescentem vitiis morbisque animi ætatem suam deplorans, sic ait: Prisci quidem habuerunt ites maximè morbos, quibus tunc quoque laborabatur; at sic, ut neque graviter, nec à multis: At nunc dici fortasse queat, quòd hi ne existunt quidem; usque ad eò scilicet vis mali crevit, ut in ratum videatur transisse.

§. 2. Priscorum morbus erat appetitus quidam immodicus honoris & gloriæ; & ex hoc nata dissolutio quædam, seu neglectus rerum saltem humiliorum, minorisque momenti; & non ampliùs. At hoc tempore appetitus iste, ita vchemens quædam dissolutio est animi, ut fas & jus omne temerè proculcent. Priscorum morbus alter severitas, gravis illa quidem & inexorabilis; non ea tamen, quæ solo timore contenta, amorem propè omnem excluderet. Verum ætatis nostræ sèveritas, rixosa est; nihil ferè præter odium, rixas, acerbiteriam, desperationem, aliasque ex aliis perturbationes parit. Priscorum simplicitas ac ruditas, candida; ætæra, & recta: Ætatis nostræ iuditas ac simplicitas, meri fuci, meræ fraudes atque fallaciæ, & præterea nihil.

p. 2. §. 1. *Confucius* ait: Affectati sermonis & facundiæ, necnon blandiusculi oris homines, pauci veræ virtutis sunt.

§. 2. *Confucius* inductione quadam similium declaraturus quanto sit damno, & quam digna odiis omnium species oris simulata & assentatrix mendacisque linguæ facundiæ, sic inquit: Odi colores inter, colorem violaceum, quatenus tollit ac suffuratur quodammodo purpureum qui natus est; imminuto scilicet ejusdem pretio & amore. Odi similiter Regni *Chin* musicam: perturbat enim & delictis enervat. Priscorum eam, quæ *Ta* dicitur, musicam, verecundiæ, modestiæ, gravitatis magistratam. Odi denique acutum illud & malè disertum os, mille fingendi adulandique artibus, instructum. Perfumdat enim, ac funditus pervertit regias domos, nobilissimasque familias.

§. 3. *Confucius* hortaturus suos ad studium taciturnitatis, & ut rebus, factisque potius quàm copiosis ornatisque sermonibus insti-

tuant alios; posthàc, inquit, ego velim nihil fari amplius.

§. 4. Miratus hanc Magistri vocem *su cum* discipulus ait : Magister, si quidem posthàc nihil profaris ; tum nos discipuli quid discemus , & consequenter aliis referemus ? quid posteris impartiemur quando nihil ipsi accipimus ?

§. 5. *Confucius* ait : Cælum quomodo fatur ? quâ voce , quâ ratione nos docet ac instituit ? Ecce quatuor anni tempestates, ut peragunt cursum suum : ut item universæ res felicissimè procreantur. Declarant hæc scilicet & silentio maximè facundo deprædicant arcanum illud principium suum , in quo uno vertuntur omnia. Cælum igitur, quod rem tam arcanam tam disertè loquitur , quo tandem modo loquitur ?

f. 5 p. 1. §. 1. *Ju poi* vir literatus , quem jussu Regis *Ngai cum* (fuit hic duodecimus Regni *Lu*) *Confucius* edocebat ritus funebres, quodam die desiderabat visere *Confucium* : *Confucius* excusavit se , causatus invalitudinem : Dumque jam famulus qui exceperat heri sui mandatum , egreditur cubiculi foribus Id hospiti renuntiaturus : Philosophus sumpsit in manus instrumentum mûsicum, & cecinit datâ operâ , ut hospes audiret canentem , atque intelligeret, se non ideo quod malè haberet Philosophus , non admitti ; sed quod ipsemet nescio quid peccavisset , cujus meritas pœnas hujusmodi repulsâ daret.

§. 2. *çai ngo* discipulus Magistrum suum consulit de trium annorum luctu in obitu parentum , quid censeat ? Quod enim , inquit, unicus annus , & non amplius , tribuatur luctui , jam diu est.

§. 3. Et meo quidem judicio planè sufficit : etenim si vir gravis ac probus domestico luctu occupatus totos tres annos non fungitur ullis officiis civilibus ; officia procul dubio vel ipsa desuetudine paulatim obliterabuntur ac peribunt. Idem rursus si per tres annos non adhibeat exercitationem musicam ; musica procul dubio corruet.

p. 2. §. 1. Quid quod ipsa rerum natura docere nos videtur Luctum , qui major annuo sit , haudquaquam requiri : Plurimarum quippe rerum principium & finis , & ortus & interitus , unius anni spatio definitur. Videmus certè , quòd adulta maturaque seges ubi demessa est , & in horreum collecta vivere quodammodo jam desit ; nova , quæ succedit , seges herbescentem protinus ostendit viriditatem , quæ nixa fibris stirpium , sensimque coalescens culmo jam erigitur geniculato , & vaginis suis quasi pubescens includitur : quin etiam , prout singulis ferè anni tempestatibus diversa quædam ratio est plantarum & arborum : Ita qui elicitur terebrando lignum per quatuor tempestatum singulas, & ipse mutatur, ignis : Prorsus itaque annum spatium ad luctum potest sufficere.

§. 2. *Confucius* respondit in hunc modum: Veteres quidem officiorum libri ac rituum præscribunt filiis, ut in funere parentum per res annos vescantur oriza admodum vulgari & malè purgatâ; potent aquam; cannabinâ veste, asperâ scilicet, humilique utantur. Tu nunc unico igitur exacto anno, quando jam luctum abjeceris, vescens denuò aliâ illâ puriore orizâ, denuò indutus aliam illam vestem sericam & pretiosam, an tu tranquillo eris animo? nonne cruciabit conscientia neglectæ pietatis? Respondet discipulus minime verò cruciabit: Tranquillo sum futurus animo.

§. 3. Tu, inquit *Confucius*, si quidem hæc faciens tranquillo futurus es animo: fac sanè quod libitum fuerit. Viro quidem probò ac sapienti versanti in luctu ac sordibus propter amissos parentes vescenti licet opiparis ac deliciosis dapibus, non tamen ex dulcescunt ac sapiunt. Idem audiens fortè concentum musicum sic eo non delectatur, atque si non audiret. Idem quamvis molliter ac deliciosè cubans, non tamen ullam capit quietem: tanta pii mororis vis est; tantum, tamque perenne optimorum parentum desiderium. Quocirca nunquam committet, ut contrahat lugendi spatium à majoribus constitutum: nunc autem tu quando sustines id facere, fac sanè, quod lubitum fuerit.

§. 8. p. 1. §. 1. Discipulo *çai ngo* foras egresso *Confucius* ad reliquos conversus, discipulus, inquit, *Tu* (idem est qui *çai ngo*) non est verà germanâque virtute præditus, quando statuit tam facilè mores antiquos negligi posse & instituta majorum violari, quæ tamen videntur consentanea naturæ legibus atque rationi. Etenim proles nata & fota jam tres annos, deinceps eximitur è patris matrisque sinu: Quid ergo justius, quàm ut amor trium annorum totidem quoque annorum pietate luctuque liberi respondeant? Hic certè trium annorum luctus & maximè vetustus est, & per Imperium totum vulgatus & usitatus luctus: An fortè *Tu* discipulus perceperit etiam trium annorum curam & amorem ab suis parentibus, uti reliqui mortaliùm, quod adeò patrocinetur huic novitati & errores tueatur ætatis nostræ?

p. 2. §. 1. *Confucius* ait: Qui ingurgitant sese cibo potuque per totum diem, nec habent quidquam sericæ rei, quo occupent animum, proh quantum hi laborabunt, ut præstent quidpiam homine dignum! At enim nonne datur ludus scacchorum quo se occupent? At saltem qui dant operam istis ludis, ut otium fugiant, vel in hoc uno præ illis certè sapiunt.

§. 2. *çu lu*, ut erat animosus, quærens ait: Vir gravis & eminens suprà vulgus hominum, nonne plerumque primas defert fortitudini? *Confucius* respondet in hunc modum: Eminens vir ejusmodi non fortitudini, sed æquitati justitiæque primas defert. Certè vir gra-

vis ac præstans, si quidem sit instructus robore illo animi corporisque, & interim non instructus sit temperamento rationis & æquitatis; facile causam præbebit gravissimis Imperii perturbationibus: Uti & plebei homines habentes simile robur, & carentes moderatrice illâ sui roboris æquitate, nullo negotio rapinas & latrocinia exercebunt.

§. 3. Discipulus *quæ cum* aliam instituens quæstionem, sic ait: Vir præstans atque Philosophus, si quidem tenetur studio de omnibus benè merendi; an nihilominus etiam tenetur odio quorundam? *Confucius* respondet: Tenetur odio. Odit imprimis eos qui vulgant hominum vitia & peccata. Odit eos qui viles & abjecti cum sint, tamen impudenter ac temerè obtreçant obmurmurantque iis qui superiorem locum & dignitatem obtinent. Odit præterea fortes & animosos, at sine more modoque. Odit item certum quoddam genus hominum sibi stultè placentium, qui perquam tenaces sententiæ suæ, pervicaces, obstinati, quidlibet temerè aggrediuntur, nec rationi dant locum.

f. 9. p. 1. §. 1. His dictis, quæro nunc abs te vicissim, inquit *Confucius*, mi discipule *Su* num præter eos, quos dixi, & tu habes quos oderis? Ait ille: Habeo, suntque triplicis generis: Odi eos qui parùm perspicaces cum sint, ac intelligentes rerum, tamen acres censores sunt aliorum, idque putantes esse prudentiæ. Odi homines non submissos, & ob superbiam contentiosos, idque reputantes esse fortis ac generosi animi. Denique odi homines qui imprudenter & importune & exprobratis in morem alios reprehendunt de vitiis clam cognitis; idque reputant esse candidi, synceri, rectique animi.

§. 2. *Confucius* ait: Solas ferè mulierculas & infimæ conditionis homines, cuiusmodi sunt, qui nobis famulantur, perquam difficile est sic tractare, ut tamen contentos habeas. Etenim si propior illis fias per indulgentiam quandam & facilitatem; jam non submisisse se gerent, sed insolescent, nec te (uti par erit) colent ac verebuntur. Si te removeas ab eis, nec nisi perrarò cum ipsis agas, idque cum autoritate quadam & severitate; jam querentur; & odio habebis uti aulterus, illiberalis, inhumanus.

p. 2. §. 1. *Confucius* ait: Quadragenarius qui sit, & tamen propter improbitatem suam, stulticiamque etiamnum appareat habeaturque gravis ac invisus omnibus; huiusmodi desperata emendatio est, ad finem usque sic perseverabit.

§. 2. Tres hoc paragrapho recensentur Heroës illustres: quorum prius *Pi qu* frater impij *Cheu* (fuit hic vigesimus octavus & ultimus Imperator secundæ familiæ *Xam* & *Tn* dictæ) cum sæpius, at nullo profectu, monuisset fratrem, veritus ne si monere perseveraret, ac-

ret, acceleraret ruinam Imperii, & tyranni furentis rabie in caput suum concitatâ, labentis familiæ spes ac reliquæ penitus extinguerentur; tempori paulisper cedendum ratus, discessit ab aulâ. Alter *Ki cû* dictus, & ejusdem tyranni patruus, quod eum crebrò quoque monuisset officii sui, in carcerem detrusus est, & reductus in servitutem, qui cûm metueret, ne gravius quid de se statueretur, amentiam callidè simulavit; itaque vit tantus petulanti multitudini amentis instar ludibrio aliquamdiu fuit. *Pi cû* denique alter tyranni patruus eundem reprehendit & objurgavit, sed & periit.

*Hic enim, cum nepotis insolentiam & crudelitatem ferre diutius non posset, ac videret jam pessum ire omnia; paulisper secum ipse deliberans tandem; scius est, inquit, mori, quàm diutius dissimulando & in Regem & in patriam peccare: Omnino dicenda veritas est, licet odium & exitium paritura. Non audiet tyrannus? At audiet patria, audiet posteritas omnis. Hoc dicto progressus in c nclave Regium, patriâ cum auctoritate nepotem admonet; respiciat tandem aliquando; sibi consulat, susque. Minus addit, procul dubio futurum ut, expectante pœnas ipsomet cœlo, amittat Imperium cœlitus collatum. Quocirca expulget animum flagitiis inquinatum; revocet abjectam pudorem; revocet jura & leges; sic enim placari cœlum posse, & decretum, quod in ipsum jam sanxeris, revocari. Hac ille. Sed tyrannus veritatis impatiens, & monitione ipsâ jam efferat. & innocentem & patrum, & tunc maxime utilia suadentem, non sine probro lûbriquoque perempturus, ad circumstantes principes convertens sese; *Pi can iste; si nescitis, inquit, sanctum se esse arbitratum: Ego autem audire me nemini, quod cordi cujusque viri sancti foramina suis omnino septem: Explorare nunc juvat, an res habeat. Hac effatus, in ipso vestigio contrucidari patrum jussit, & adhuc spiranti cor extrahi.**

§. 3. Agens porrò de tribus hisce *Confucius* dicebat: Familia *Tu* seu *Xam*, habuit omnino tres raræ fidei, constantiæ, pietatis viros.

§. 4. Eximius ille vir *Lien hia boei* agens in Regno *Lu* judicem causarum criminalium iterum ac tertio dejectus fuit de illâ dignitate. Quodam igitur sic dicente: In hac perturbatione tantâ rerum, bone vir, an necdum jure possis renunciare tuo muneri, & hinc aliò migrare? Respondit ipse: Ego rectam viam normamque teneo, & secundum hanc servio Regi & hominibus: Sed enim quò tandem commigrabo infelix, ubi fides, integritasque non sentiat horum temporum calamitatem? Atque adeò ubi non tertio ac sepius meâ dignitate priver? Quod si induxero in animum, turpiter servire tempori, si perversâ quâdam ratione ac viâ serviam hominibus; quorsum opus est, obsecro, discedere ex patrio regno?

§. 10. p. 1. Regni *çi* Princeps *Kim cû* nomine excepturus *Confucium*, deliberans cum suis quo maxime ritu exciperet, sic ait: Quod

attinet ad Præfectum *Ki xi*, id est, ad apparatus, quo hunc Regni *Lu* Princeps nuper exceperat, utique ego non possum imperare mihi ut pari utar. Medio quodam ritu inter dictos *Ki* & *Mem* excipitur. Quod attinet interim ad doctrinam ipsius, inquit, & instituta; ego jam consensui, non possum illis uti. *Confucius* ubi hoc cognovit, desperans aliquod operæ suæ pretium, insalutato Rege protinus discessit.

p. 2. §. 1. Regni *çi* homines dono milerunt Regi *Lu* puellas cantatrices. *Ki huon çu* Regni Præfectus admisit. Triduo Rex non prodiiit in conspectum. *Confucius* discessit. Prætoris officioungebatur Philosophus in patrio Regno anno 14. *Tin cum* Regis undecimi; eo quidem successe, ut exactis vix tribus mensibus, jam novus esset legum vigor & observantia. Atque ita factum est ut Regnum *Lu* æmulo finitimoque *çi* Regno formidabile jam redderetur. At Rex & proceres Regni hujus nova illa ditionis æmulæ firmamenta per insidias & quasi cuniculos subruturi, puellas octoginta formæ perelegantis, omnique luxu & opulentia conspicuas; quos item centum & viginti, cum variis instrumentis musicis Regni *Lu* Principi dono mittunt. Captus est insidiis tam illecebrosis, Regni Præfectus; & in eisdem protinus conjecit incautum Principem. At hunc usque adeo puellarum istarum forma, vox, gratia cepit ac demeravit, ut sui immemor, Regni tertium jam diem à conspectu suorum, & jure dicundo abstineret. Quod ubi *Confucius* animadvertit, certus non servire Principi, qui tot illecebris serviret, abscessit indignabundus.

§. 2. Literæ *çum* avem solis denotat, nos hic vocabimus aquilam Sinicam; auspiciatissima quidem, uti ferunt, avis est, & jam ab ipsis Monarchiæ exordiis habita fuit venturæ felicitatis nuntia. Homo quidam Regni *çu*, quo *Confucius* diverterat, specie quidem mentis inops (ut enim lateret felicius, amentis prope ritu in plateâ quandoque cantillabat) re autem verâ Philosophus, cui *çie yu* nomen erat, cantillans & præteriens *Confucium*, qui curru suo tunc fortè vehabatur, sic ait: O aquila! ô aquila! (vox est vehementer exoptantis id, cujus nuntia solet esse aquila.) Ah quantus hoc tempore virtutis languor est! errata præterita non possumus redarguere & corrigere; ex præteritis autem futura adhuc possumus per conjecturam attingere. Desiste, si sapis, ô *Confuci*, desiste! Hoc tempore qui administrant Rempublicam, periclitantur.

f. 11. p. 1. §. 1. Cognovit illico personatæ stultitiæ sapientiam *Confucius*; nec mora, desiluit de curru, vehementer desiderans cum eo colloqui. At profugit ille & subduxit se *Confucii* oculis, qui adeo non potuit cum eo loqui.

§. 2. Revertebatur olim *Confucius* è regno *çu* in Regnum *çi*:

dumque veheretur curru unâ cum discipulo suo *çu lu*, qui & ipse currus erat auriga, fortè obvios habuerunt duos Philosophos ex Regno irem *çu* oriundos, & eodem, quo superior ille, consilio tædioque miserrimorum temporum latitantes. *Cham cin* & *Kie nie*, illis nomen erat: Agriculturæ dabant opetam, & desertos nescio quos agros simul tunc arabant. *Confucius* aliquantulum illos prætervectus jussit discipulum *çu lu* exquirere ab eis vadum proximi fluminis, quod transeundum erat.

§ 3. Alter illorum *Cham cin* percontans à *çu lu* ait: Ille quiregit ibi currum ecquis est? *çu lu* respondit: Est *Cum kieu*. Num est, inquit, iste è Regno *Lu* oriundus *Cum kieu*, seu, *Confucius*? Respondet: Est ipse. Ait Philosophus: Ipse novit vadum fluminis, qui viam hanc itque reditque tories: Quorsum percontari te jubet?

§. 4. Discipulus accepto responso tam mordaci percontatur ab altero *Kie nie* nominato, quâ parte sit vadum fluminis. *Kie nie* vicissim percontans ait: Fili, tu quis es? Respondit: Ego sum *Chum yeu* (nomen alterum ipsius *çu lu*) Philosophus, tamen tu inquit, es fortasse oriundi è Regno *Lu* Philosophi, cui nomen est *Cum kieu*, discipulus? Hic intellexit *çu lu* virum esse sapientem qui cum loquebatur. Itaque respondens ait: Sum planè. At ille damnaturus studium Magistri pariter ac discipuli, sic ait: Torrentis in morem præcipientes sic ruunt Imperii res pariter omnes: Et quisnam afferat mutationem, & quasi refluxum in statum pristinum? Enimverò præ hoc quod agis, sectari scilicet fugientem homines Magistrum (fugientis enim ritu sedem mutat astiduc) quantò satius foret te sectari fugientes sæculum Philosophos? Hæc fatus occubat semen, nec cessabat ab isto opere: Transiit autem fluminis nec ipse indicavit.

p. 2. *çu lu* discessit de his certior facturus Magistrum suum: *Confucius* altè suspirans ait: Aves & quadrupedia non possunt in eodem simul loco congregari. Sed ego si non his ætatis meæ hominibus me sociem; cum quibus tandem me sociabo? Imperio pacato ego non ero necessarius ut afferam mutationem.

Planè sic res habet (verba *Colai* sunt suo ipsius, non jam Philosophi nomine loquentis) Viros sanctos ac sapientes *Calum* procreat, eo maxime consilio, ut quamplurimis emolumento sint ac saluti. Sic olim magni illi Reges ac Fundatores Imperii nostri communem populi calamitatem suam esse reputabant: fames enim, & inopia, quâ subditi quandoque laborabant, nullos aequè ut ipsos cruciabat; quò ardentiori etiam studio contendeant ne vos omnes ingenii industriaque sue, ut publice calamitati quàm citissime possent, mederentur. Infelicem patriam, miserum genus humanum, si doctrinam, seu veriùs desperationem ac socordiam istorum Philosophorum sequi par fuerit.

f. 12. p. 1. §. 1. *çu lu* dum una cum Magistro iter facit, cumque lentiori fortè gradu sequens aliquanto posterius, ac retro manet; evā. sit alter repentè extra conspectum discipuli: Qui dum hæret incertus, quam viam tenuerit; obvium habet senem supensani ex baculo portantem fiscinam; quem *çu lu* percontans ait: Bone vir, num fortè vidisti Magistrum meum? Senex ad quæsitum nihil respondens, sed cum gravi oratione castigaturus sic ait: Tu quidem, bone juvenis, vagus & otio diffuens, uti video, corpus non habes duratum labore, dum ego interim id ætatis homo Agriculturæ do operam: Quâ tu neglectâ quinque frugum species quamvis notissimas fortasse ne distinguis quidem, Ignarus quid phascolos inter & milium, triticumque discriminis sit. At tu quem Magistrum tuum mihi prædicas? Quis est ille Magister tuus? His dictis, humi defixit suum baculum, & agrum purgabat, herbas inutiles eradicans.

§. 2. *çu lu*, qui ex sermone illo habituque totius oris & corporis, occultam latentis Philosophi sapientiam cognoverat; non modo nullum suboffensi animi dedit indicium; sed curvatis in arcum ante pectus manibus honorem exhibens (uti mos est gentis hujus) deinde cum insigni quâdam modellæ observantiæque significatione conlittit.

§. 3. Specimen hoc animi tam sedati, & indolis tam ingenuæ admiratus est senex, atque adamavit. Deduxit itaque domum suam ibique detinuit ipsum *çu lu* ut pernoctaret: occidit gallinam, instruxit cænulam, & incemptis dapibus refecit hospitem: Deinde produxit in conspectum suos duos filios majorem & minorem natu; qui pro suo quilibet ætatis gradu comiter ac ricè hospitem salutarant.

§. 4. Illucente postero die *çu lu* discessit ut de omnibus certior faceret *Confucium*. *Confucius* auditâ rotius rei serie, procul dubio, inquit, unus est de numero sapientum, sed occultus est sibi que vacans. Jussit ergò discipulum *çu lu* reverti & revîsere senem. Ivit, pervenit ad ejus domum: sed jam senex discesserat.

§. 5. *çu lu* Magistri sui mentem, & de occultis illis sapientibus sententiam posteris expositurus, sic ait: Non gerere Magistratum etiam hoc statu rerum, miserrimoque tempore, si modò sis idoneus ad gerendum, nec fas nec ratio linat. Enimvero si duorum fratrum majoris ac minoris natu ordinem, mutuumque jus in fortuito nascendi tempore fundatum nefas est violare (alludere videtur ad id, quod paulo ante spectaveram in domo senis Philosophi) Regis ac subditi mutuum jus ac officium, quo tamen pacto id violabitur? Desiderant quidem boni isti viri consulere integritati innocentiaque suæ personæ, ut aiunt: At non considerant interim quod perturbant

bant violantque magnum illum generis humani ordinem arctissimumque vinculum, quo subditi suo Principi (maxime dum is periclitatur) & cives laboranti patriæ obstringuntur. Idcirco vir probus ac sapiens perturbatis quoque rebus vel maxime Rempublicam gerit, & explet suum probi civis munus; hoc ipso quod mos patriæ ac leges non vigent, jam intelligit hoc, quod modò dicebatur, civis probi ac sapientis munus, quod scilicet est succurrere patriæ etiam cum capitis discrimine, nec senum istorum more sedere otiosos spectatores ruinæ publicæ.

§. 13. p. 1. §. 1. Recensentur hoc paragrapho septem occulti sapientes qui dignitate vel amissâ, vel ultrò etiam abjectâ, privatam vitam duxerunt; non omnes quidem eodem vel modo, vel consilio; sapienter tamen & cum laude. Fuerunt autem *Pe y*, *xo çi*, *yn chum*, *ye*, *chu cham*, *lieu bia hoëi*, & *xao lien*.

Confucius ait: Qui neutiquam demiserunt suum liberæ invictæque mentis propositum, qui neutiquam dedecorârunt suam personam, fuerunt duo fratres *Pe y*, & *Xo çi*. Si loquamur de *Lieu bia hoëi* & *Xao lien*; demiserunt hi quadamtenus suam libertatem & arbitrium; dedecorârunt (alienâ quidem injuriâ) personam suam. Verba tamen ipsorum responderunt rationi: facta responderunt votis hominum: Hæc isti, & nil aliud.

§. 3. Rursus si loquamur de *Tu chum*, & *T'ye*, occulti debebant hi quoque liberiùs loquebantur: Persona tamen ipsorum attingebat puritatem, abjecti licet in speciem attingebant tamen cordis æquilibrium.

p. 2. §. 1. Ego verò sum diversus ab his; quippe nil habeo quod semper probem, nil item quod semper improbem. Horum omnium itaque finis erat idem; diversa media, idem terminus, viæ diversæ. Non illos ego condemno: laudo potius: imitari tamen haudquam volo, servio tamen & loco, & tempori, & populo, & Principi; quatenus hæc omnia, ubi quid aut agendum est, aut omitendum, consulo, meque omnibus, ut bene merear de omnibus, quoad fieri potest, accommodo.

§. 2. Magnus Magister Musices, cui *Chi* nomen, migravit in Regnum *çi*. Alibi jam diximus, quantum politica hæc Monarchia Priscis maxime temporibus, tribuerit musica, seu verius, ei doctrina & institutioni, que numeris illigata musicis, temperata deinde varietate sonorum, ad animos audientium penetrabat. Quid multa? concidisse musicam, & concidisse jam Regnum, idem propè erat. Hic certè, quo constaret omnibus Regnum *Lu* jam esse ruina proximum; nihil aliud, quam cessatio musicæ, & fuga Musicorum describitur; qui à familiis potentiâ insolentibus exaustorati, & privati censu suo, alias alii ditiores & Regna petiverê.

§. 3. Qui secundæ mensæ seu refectionis Regiæ musicam regebat, *Can* nomine, migravit in Regnum *çu*. Qui tertiæ refectionis, *Leao*

nomine, migravit in satrapiam *gai*. Qui quartæ refectionis, nomine *Kive*, migravit in Regnum *gin*.

§. 14. p. 1. §. 1. Qui grande tympanum pulsabat *Fan* nomine, ingressus est in ditionem ad flumen *Hoam* ho sitam.

§. 2. Qui pulsabat parva tympana, *Vu* nomine, ingressus est in ditionem *Han chum*.

§. 3. Secundus, seu minor Regiæ musicæ Præfectus, *Tam* nomine : Item alter qui pulsabat instrumenta lapidea, *Siam* nomine (eratque idem ipsiusmet *Confucii* Magister in musicis) ingressus est in mare, id est, insulas vicini maris.

§. 4. *Cheu cum* inter Principes Sinicos famâ sapientiæ vix ulli secundus, alloquens filium suum *Pe Kin* Regni *Lu* satrapam jam creatum, eoque propediem profecturum præceptis maximè necessariis præmuniens sic aiebat : Vir Princeps ac sapiens non aspernatur abjicere suos consanguineos & affines ; Non reddit idem præcipuos administratos Regni sui alienos ab se, justæ offensionis odique causam præbens, quod eis non utatur ; repente scilicet eos privans dignitate suâ ; vel ob exigua quæpiam peccata, vel ceterè nulla eis facti sui, & pænæ tam gravis datâ ratione, offensiones, inquam, hujusmodi vitat prudens : Intelligit enim malè consultum iri toti corpori, cujus capiti cum membris suis haud conveniat. Familias nobiles ac perverustas, nisi fuerit gravis & atrox causa, ceterè non abjicit ; sed quotquot ex illis ad gerendam Rempublicam sunt idonei, haud cunctanter admovent Reipublicæ : qui verò idonei non sunt ; suo tamen censu propter majorum merita potiri sinit. Sapiens Rex non hoc exigit, ut omnia prælo sint in uno eodemque homine ; sed onera cujusque viribus prudenter accommodans, suos haud secus ac vasa tractat, alios ex aliis usus pro singulorum capacitate petens.

Extant in annalibus alia ejusdem Principis præcepta, quibus instruit eundem filium suum ; ut ferat magno animo obmurmurationes suorum, & obtrectationes ; & seridè circumspiciat seipsum, ac disquirat, an eis causam fortè præbuerit ; detque operam ut aequitate suâ, patientiâque, & vita imprimis innocentia, quamvis infestos animos malè de se loquentium mitiget, sibi que obstringat. Ut item constitutus in illo fastigio, summo pere sibi caveat ab elatione animi, & fastu, & vanitate ; sibi que ipse vigilanter attendat, non sui tantum causâ, sed totius satrapie, cujus caput sit. Vehementiores denique stimulos à suo ipsius exemplo subditurus ; scis, inquit, fili mi, quod ego Ven vam Regis sum filius, quod idem Vu vam Imperatoris frater, quod patruus ac tutor Chim tam Imperatoris ; & tamen cum talis sim ac tantus, non dubitavi ter uno die ex balneo, ubi fortè corpus curabam, profluvio, soluto etiamnum capillo, & inter eandem refectionem ter ad signum quod dabatur, à mensâ surrexi, non alia

de causa, quam ut maiorem vel quærelis vel postulatis aures præberem.

p. 1. §. 1. Imperatoria domus familiaque *Chen*, quo tempore potiebatur rerum, eratque florentissima, habuit octo sapientes, omnes fratres, nec modò germanos, sed etiam gemellos, quos mater quaterno scilicet partu, & eo ordine, quo hic geminis singuli literis nominantur, enixa fuit: quodque vehementer auget miraculi huius raritatem; dicuntur omnes omnino iis instructi fuisse naturæ donis, eâ gravitate morum, & integritate vitæ, ut inter sapientes ætatis suæ, facile censerentur Principes. Si nimirum res habet; quotiescumque cælum pacandis & instaurandis Imperii rebus Reges submittit ac Principes; adjutores etiam Principum, qui horum conatus, industriâ, virtute, sapientiâque juvent, benignè submittit: Nomina dictorum sapientum: *Pe ta, Pe qu, Chum to, Chum ho, Xoye, Xo hia, Ki sui, Ki va.*



LIBRI TERTII

PARS DECIMA

Fol. 1. p. 1. paragr. 1.

DISCIPULUS *çu cham* aiebat: Vir gravis ac sapiens videns grave periculum regni, familiæque Regiæ, sine ulla cunctatione exponit vitam pro salute publicâ: Idem verò videns lucri occasionem, secum prius ipse reputat, quid jus & æquitas sinat: Idem sacris dans operam, memor est venerationis ac reverentiæ: denique in funere & exequiis memor est luctûs & commiserationis. Huiusmodi dignus est suo sapientis nomine, nec aliud requiritur.

§. 1. *çu cham* aiebat: qui arripit quidem virtutem, eique dat operam, sed non amplè; sed carptim, exili studio & conatu, exiguum (ut ita loquar) angustî pectoris vasculum afferens: Aures item, & fidem qui præbet documentis ac disciplinis optimis; ac non eâ cum firmitate vel constantiâ, quâ par erat, quolibet opinionum vento flatuve commotus vacillet ac fluctuet. Huiusmodi qui sit, quomodo possit censeri, eò quod existat ipse, accedere quidpiam huic mundo? & quomodo rursus possit censeri, eò quod non existat ipse, decedere quidpiam huic mundo?

p. 2. §. 1. *çu hia* & *çu cham* ambo discipuli erant *Confucii*, celebres

imprimis; opinionibus tamen & vivendi ratione discrepabant. *çu hia* quidquid agebat, agebat perquam seriò, sedulò, constanter; gradu suo, partisque opibus contentus. Contrà *çu cham* quietis & mediocritatis impatiens ad altiora semper adspirabat. Illius ergo, cui *çu hia* nomen erat, discipuli quodam die instituerunt quæstionem de amicitia apud *çu cham*. *çu cham* percontans ipsos ait: *çu hia* Magister vester ecquid sentit, quid ait? Respondent illi; *çu hia* Magister noster ait: Cum iis qui digni sunt amicitia, quia scilicet recti sint, synceri, amantes discere, & tales vicissim, à quibus ipse discas, conjungere quàm volueris arctissimo vinculo amicitia: Eos verò qui non sunt digni illà, quod nec tibi possint, nec sibi velint esse utiles, procul abs te remove. *çu cham* hæc audiens; miror, inquit, ea quæ dicitis: vehementer enim discrepant ab his, quæ ipse quondam audiui; quod nempe vir sapiens studiosè colit sapientes, & amplissimo quodam charitatis sinu admittit reliquos omnes, & benignè complectitur: exornat & extollit eos qui egregiis sunt instructi dotibus, & misetur imbecilles, quos erigit jacentes, & consilio opibusque sustentat ac roborat. Qualescumque ergo sint alii, & qualiscumque sim ego ipse; neminem unquam velim repellere. Ego fortè sum magnus sapiens? De hominibus æquis erit quem non admittam & complectar? Ego contrà non sum unus de sapientibus; sed è vulgò homo rudis ac tenuis? tunc certè alii facilè, nec injurià repulsuri sunt me, & neglecturi: quorsum igitur illa repulsio mea aliorum hominum? quâ fronte, qui ipse despicibilis sim, despiciatui quemquam habeam?

§. 2. *çu hia* discipulus ait: Quamvis exilis ars atque ratio ad res maximè vulgares & exiles ex. gr. Agriculturam & exercitationes mechanicas accommodata, omnino tamen habet spectabile quid & dignum quod observes & discas. At si extendere volueris eandem deinde exilitatem & accommodare ad res sublimes & remotas à vulgò, ex. gr. Administrationem Imperii, familiarque Regiæ; vereor ne tunc protinus velut in luto hæreas, nec quidquam proficias. Quocirca vir sapiens idemque gerendæ Reipub. jam admotus non tractat res hujusmodi.

f. 2. p. 1. §. 1. *çu hia* ait: Vir in dies diligenter exquirens, ac probè intelligens sibi quid desit: Similiter singulis mensibus memoriam refricans eorum, quæ didicit, adeoque nihil obliviscens eorum quæ ipse semel percepit, potest dici Philosophus: nec amplius requiritur.

§. 2. *çu hia* ait: Improbo quodam discendi studio completi scientias omnes, & firmam, synceram, integramque voluntatem afferre: Ad hæc, ubi dubii quid oritur, diligenter & accuratè consulere peritos; ac denique apud animum suum intimè perpendere seu rumi-

nari

nari arcanas solidasque veritates : quis non videt quod ipsa virtus jam inest his ipsis exquirendæ virtutis conaribus, maximè cum quod exquiratur, exquirentis animo sit innatum, cælitusque impressum?

§. 3. *Gu bia* ait: Omnes artifices, & mechanici, degunt in suo quisque foro, ut hæc ratione utiliter & commodè perficiant suum opus. Similiter Philosophus in virtutis ac sapientiæ scholâ constitutus, assidue studet ac discit, ut perficiat suam illam, cui totus vacat, virtutem; artificem quamvis ignobili meritò postponendus, si propter inconstantiam inertiamve non perficiat suum opus.

p. 2. §. 1. *Gu bia* ait: Stulti improbique quod peccatum est, haud dubiè recti honestique fucata specie cohonestant; quò licentiùs scilicet, ac magis impunè in eodem persistent.

§. 2. *Gu bia* ait: Vir probus ac sapiens, cum sui semper sit similis, habet tamen, seu veriùs, habere aliis videtur tres mutationes. Eminus cum contemplantibus admodùm gravis ac severi est instar, sic ut arceat ipsos quodammodo species illa ab accessu propiòti: Fidenter interim propiùsque accedentibus talis apparet illico qualis reverà est, facilis, affabilis, benignus; audientibus verò deinde ipsius sermones, adeo rectos, & ab omni furo, falsique specie tam alienos, jam rursus severus, non nihil, rigidusque apparet.

§. 3. *Gu bia* ait: Quisquis gerit Rempublicam & administer est Principis, vir sit spectatæ fidei, ac deinde fidenter quidvis oneris imponat ipsi populo. Quod si necdum vulgo famam ejusmodi fidemque obtineat; tum si quid oneris imposuerit, populus hoc ipso censebit divexari sese. Similiter notus jam à fide ruâ, tum deinde fidenter moneto Principem: Audiet is monentem, colet, diliget. At si necdum fidelis audias, quia reverà talis non sis, tum quamvis optima monentem, tamen averfabitur, & hoc ipso censebit non tam monere, quàm calumniari te illum.

f. 3. p. 1. §. 1. *Gu bia* ait: In majoris momenti rebus, iis scilicet, quarum maximè præsidio conservatur humana societas; & in quibus velut cardinibus officia quæque majoris momenti vertuntur, ex. gr. Filiorum officiis adversus parentes, subditorum adversus suum Principem, neutiquam transiliamus limen, seu ordinem, modumque à naturâ & legibus constitutum: At in minoris momenti rebus, & quæ majoribus illis famulantur quodammodo, consistere ultra citraque limen quandoque possumus in his, inquam, suis datur epiceie indulgentiæque locus, tunc maximè, quando peccantis ruditas dissimulationem meretur ac veniam: Neque enim hoc sensisse existimandus est discipulus, quod in eo, qui sapientis nomine gloriatur, tolerari vel nævus possit, aut ignorasse pervetustum illud ætatis prisca proverbium, vitanda esse minima, ne maxima amittantur: cui etiam consonat præclara libri *Xu kim* sententia, *Pu kim*

si him, chum lui ta se, negligere minora, tandem aliquando damno est magni momenti rebus.

§. 2. *çu yen* fugillans discipulos amici sui *çu bia* quod minoris momenti rebus admodum intenti, de cardine ipso rerum ac fundamentis minus viderentur laborare, sic ait: *çu bia* familiaris mei discipuli adolescentiores, cum officia obeunt propria suæ ætatis, nempe, aspergendi solum aquâ, verrendi, respondendiultrò citròque, ingrediendi, egrediendi; equidem satis benè obeunt. Sed enim minoris momenti hæc sunt, & foliorum instar, ac flosculorum: radiis verò & fundamentum deest. Quî hoc?

§. 3. *çu bia* hæc fortè audiens ait: Proh quantum *Ten yen* (idem est qui *çu yen*) hic aberrat, dum existimat me radice neglectâ de foliis dumtaxat laborare. Ab infimis, maximèque facilibus consulto ordior; ad altiora deinde, magisque ardua facturus gradum. In sapientis enim suos instituendi modo ac ratione ecquid tandem certum fluxumque sit, quod primo loco tradatur, ecquid deinde & secundo loco in modo dictâ institutione operosius inculcetur? Omnino scilicet prudentis est Magistri diligenter exquirere, quid ferre valeant discipulorum suorum humeri, quid ferre recusent: Quid ætas singulorum, quid vires Ingenii capiant; ac deinde singulorum facultati attemperare institutionem suam. Quemadmodum varii generis herbæ & plantæ pro suis quæque speciebus propriisque virtutibus ab earum perito perquam aptè varios ad usus distinguuntur; & deinde cum insigni utilitate applicantur. Operam certè ludam, & me fallam, meoque, si non exploratis primùm cuiusque viribus, temèrè quidvis docuero, & difficilima quæque necdum maturis importunè obtrulero. Sapientis Magistri suos instituendi ratio qui potest sic ludi & illudere? Simul complecti principium, & complecti finem seu radicem, & quidquid ex ea prognascitur, id solius est Sancti proprium; cui scilicet unâ cum vitali spiritu sapientia cœlitus esset infusa: cuiusmodi quidem nec me in docendo, nec discipulos in discendo esse profiteor.

f. 4. p. 1. §. 1. *çu bia* ait: Admotus est quispiam rebus curisque publicis, & tamen inter has habet affatim otii ac virium, ut studiis vacet, omnino vacet is sibi studiisque suis, & partas opes ingenii ac prudentiæ ex monumentis veterum optimisque disciplinis continenter augeat. Rursùm vacat studiis quispiam, & jam affatim facultatis ac virium adeptus est, ut Magistratum gerat; tum nihil cunctatas Magistratum suscipiat, & privatas opes ingenii industriæque in communem patriæ utilitatem expendat.

§. 2. *çu yen* ait: Iusta dum perfolvuntur mortuis, maximè quidem parentibus; pius filiorum luctus penitus exerat se in vehementi quadam commiseratione intimoque sensu animi lugentis ac desi-

derantis amissos parentes, & sistant hic filii, nec magnopere laborent, tametsi ad luxum & apparatus ætatis nostræ, in quo sæpe plus est vanitatis, quàm pietatis, copię non suppetant.

§. 3. *çu çu* ait: Meus sodalis *çu çam* ad perficiendas res arduas ac difficiles, habet ille quidem & animos & facultatem; verumtamen necdum præditus est interna solidâque virtute, ex quâ tamen laus omnis veri roboris peti debet?

§. 4. *çem çu* ait: Quàm magnificè gravis est totius oris corporisque habitus amici mei *çu çam*; sed vel idèò perquam difficile est unâ cum illo exercitare internam solidamque virtutem, sic ut vel ipse ex aliis, vel alii vicissim ex ipso proficiant: quid enim adjumenti mutui ad interiorum animi cultum speretur, quando magis videtur laborari de ostentatione quâdam virtutis, quàm de virtute ipsâ.

p. 2. §. 1. *çem çu* ait: Ego quondam audiui ex Magistro meo, vulgò quidem inter homines non esse quemquam qui penitus exhauriat vires animi sui in exercitio virtutis cuiuspiam. Quod si datur ejusmodi, reverà datur in parentum luctu & funere.

§. 2. *çem çu* ait: Ego quondam audiui ex Magistro meo, cum diceret: *Mem çuam çu* Præfecti Regni *Lu* præclaram pietatem & obedientiam, quam in obitu parentis sui *Hien çu* item Præfecti luculenter est testatus, cum alius quispiam poterit etiam præstare & imitari! Hoc unum tamen quod ipse non immutaverit patris sui, Ministros ac subditos, quibus is pro officio usus fuerat; uti etiam quod non immutaverit patris sui gubernandi rationem: Hoc, inquam, perquam difficile est præstare.

§. 3. *çem çu* Confucii discipulo septem quoque fuere discipuli, *Mem xi* Regni *Lu* Præfectus jussit unum illorum *Tam fu* ductum agere judicem criminum & Præfectum custodię publicę: Consultuit hic igitur Magistrum suum *çem çu*, quâ ratione gereret injunctum sibi munus. *çem çu* respondit: Hoc tempore superiores Magistratus, quos oporteret optimis exemplis præluce ceteris, passim deflexerunt à propriâ ipsorum recte vivendi & gubernandi viâ ac normâ: Populus igitur quod item aberraret, quod dispergatur studiis sententiisque male distractus, jam diu est. Si ergò, dum causas & crimina singulorum examinas, compereris ea hoc modo se habere, id est, si tibi constiterit de naturâ causęque criminum, quę vulgò committuntur; tum licet, qui rei sunt, non possint non pleâti, semper tamen utere commiseratione & clementiâ, & nequam latere, quasi placens tibi ipse (ut Colaüs exponit) qui latentia miserorum crimina callidè detexeris: Sed memor esto, non omnem culpam pene ipsos esse; utpote quibus ignorantia sua, nec non superiorum prava exempla fraudi fuerunt.

Tria omnino millia criminum esse docet alibi Confucius; quibus sua

pro cuiusque gravitate decreta sint supplicia. Celebris est Xun Imperatoris moderatio & clementia, quâ presidibus populi alia atque alia dans præcepta, concludit identidem his verbis: Guei hîm sió cãî, id est, eos, à quibus pœnas exigitis, miserari vos volo. De his vide postremum librum Xu kim sub titulo Liu hîm, quem mille trecentis circiter post annis conscripsit Liu Regulus, iussu Imperatoris Mo vam ex familiâ Cheu quinti, qui regnare cepit anno ante Christum 1001.

§. 5 p. 1. §. 1. *çu cum* ait: Cheu ultimi ex familia Xam Principis improbitas quamvis reverà crudelis ac libidinosa, haud fuit tamen usque adeò gravis & inaudita, ut non persimilis & aliorum exciderit: & tamen quotiescumque de graviore quopiam crimine sermo est, unus ferè Cheu protinus in exemplum adducitur, & quasi reus omnium scelerum, linguis omnium hodieque vapulat, non aliâ scilicet de causâ, quàm quod simul improbus & Imperator fuerit: hoc enim potentior fuit & majori offendiculo ipsius improbitas, quò ipsemet sublimiori ex fastigio in vitiorum cœnum se abjecit. Idcirco vir Princeps horreat sanè, quamvis exiguo tempore degeret in huiusmodi cœno & sentinâ errorum ac pravitarum: Imperiû namque totius peccata & mala, etiam illa, quorum haudquaquam reus est, omnia tamen, non aliter ac fœces & aqua in sentinam sic in unum ipsum conferentur & confluent, & brevissimi labem temporis, invidia sæculorum omnium, & opprobrium perenne, (sicut isti Cheu contigit) consequetur.

§. 2. *çu cum* ait: Qui peccata sua emendare non laborant, ea tegere conantur, fucoque inducere. Quocirca viri sapientis (maximè Principis) peccatum est instar solaris lunarive defectionis. Peccatum enim quod, nec celat ipse, & sua quoque peccantis celsitudo prodit ac dignitas, homines universi spectant: Eiusdem similiter mutationem in melius, (quando scilicet animadvertens ipse defectionem suam & peccatum, haud secûs atque sol & luna ad pristinum nitorem ac splendorem mox rediit) homines universi suspiciunt, & læti deprædicant.

§. 3. Regni Guei Præfectus, cui nomen Cum sun chao quæsitivè ex *çu cum* dicens: Chum nbi, sive, Confucius Magister tuus, quomodo studuit?

p. 2. §. 1. *çu cum* respondit: Ven & Vu Regum doctrina, leges, instituta, licet ipsi à sexcentis ferè annis vivere jam desierint, necdum tamen deciderunt in terram, necdum perierunt, penitusve oblitterata sunt. Etenim existunt & perseverant adhuc in hominibus, & sapientes quidem memoriâ retinent illorum præcipua quæque capita. Rudiores è vulgo hominum etiamnum meminerunt illorum minutiora quædam minorisque momenti: Sive autem magna consideres sive parva, nihil est omnium quod non extet in conditorum nostrorum

nostrorum *Ven & Vu* institutionibus. *Confucius* ergo quomodo non studuerit didiceritve, qui ab omnibus, ipsâque adeò rudi multitudine tam parva quàm magna semper discere conatus est? Item quomodo unum eundemque Magistrum habuerit is, qui nullo non loco & tempore, & ex re qualibet fructum petiit doctrinæ sapientiæque.

§. 2. Regni *Lu* Præfectus *Xo sun yu xo* quodam die colloquens cum Præfectis aliis in aulâ regiâ, aitbat: *Confucii* discipulus *çu cum* meo quidem iudicio sapientior est quàm ipsemet Magister *Confucius*.

§. 3. *çu fo kim pe* Præfectorum unus de his certiorẽ fecit ipsum *çu cum*: Quibus auditis *çu cum* inquit, quod ad meam discipuli, & illam Magistri doctrinam sapientiamque attinet; illa planè habet se sicut extimus ædium paries, qui totas ambitu suo complectitur: at meus quidem paries perquam demissus altitudine suâ tantum pertingit ad humeros adstantium, à forinsecus enim consistentibus primo conjecta oculorum protinùs videntur totius domûs, si quæ sint, pretiosa & bona.

§. 4. At verò Magistri mei paries, custos ille reconditarum opum Regiæque Philosophiæ, plurium est orgyarum altitudine conspicuus. Si non obtineas ut illius portas ingrediaris; haud unquam profectò videbis gentilitiæ Regum aulæ ornatum & venustatem, omniumque procerum & Magistratuum splendorem, opulentiam, majestatem.

f. 6. p. 1. §. 1. Quo minùs mirandum est, quòd ex hominibus ætatis nostræ, qui vel pertingant ad ipsam portam, fortè pauci sint. Præfecti igitur *Vu xo* sermo iste qui nihil nisi extrinsecum in me videt, numquid quadamtenus rationi congruit?

§. 2. Dictus *Xo sun vu xo* detrahebat *Confucio*: quòd audiens *çu cum*, nec ferens hominis temeritatem, sic ait: Abstine, quæso ab hujusmodi obtrectatione: Ne sic agas: Vincit communem laudem sapientia Magistri nostri. *Confucio* nefas est obtrectare: Aliorum hominum sapientia, collis aut mons est, qui licet ex plano contemplantibus videatur altus esse; adhuc tamen potest transcendendi. At verò *Confucius*, *Confucii*, inquam, doctrina & sapientia, montes ipsos transcendit, & propter sublimitatem suam sol est quodammodo & luna, nec est qui possit eam transcendere vel superare. Degeneres, improbique homines licet cupiant ac nitantur sese penitus abscondere & longissimè removere ab optimâ institutione & doctrinâ: ipsi tamen quo pacto tandem damno erunt huic ætatis nostræ Soli & Lunæ? Planè jam patet, obtrectatores hujuscemodi non scire suam parvis ac magnis, imis & summis mensuram tribuere.

§. 3. *Chin çu kim* quondam unus discipulorum *Confucii*, sed qui

doctrinæ ejus sublimitatem necdum æstimare noverat, interpellans *su cum* Magistri sui tantum encomiasten; equidem, inquit, tu quando tam præclare & sentis & loqueris de *Confucio*, nimirum quæpiam veneratione ductus demittis te: *Confucius* enim quo pacto tandem te sit sapientior?

§. 4. *su cum* hujus vel errorem vel adulationem, æquè ut alterius, contemnens; sic respondit: Philopophus ex unico etiam verbo non raro statuitur pollere prudentiâ, & è contrario ex unico etiam verbo idem non raro statuitur laborare imprudentiâ. Omnino in verbis non oportet non esse consideratum.

p. 2. §. 1. Sic igitur sentio, sic dico: Ad Magistrum meum (quod ad illius virtutem & doctrinam attinet) non potest pertingi, non aliter ferè ac cælum nequit per scalas conscendi; licet ejusdem amplitudinem & ornatum suspicere possimus eminus, & cum voluptate quâdam admirari.

§. 2. *su cum* jam declaraturus, non inanes fuisse laudes, quas in *Confucium* contulerat, ex. gr. unam de multis, nempe suavem ejusdem efficacitatem brevibus hic expendens; Magister meus, inquit, nactus aliquando magnam ditionem pro ipso ditionis Principe administrandam, numeros omnes sapientis & benigni gubernatoris hoc ordine & modo explebat. Primum quidem quod vulgo dicitur ac præcipitur gubernatoribus, erige & sustenta populum, æqua scilicet agrorum divisione, & vigilantia industriâ, ne quid earum rerum quæ ad victum cultumque corporis sunt necessariæ, desideretur. *Confucio* res administrante, proinùs erigebatur populus, & instar cultæ lægetis succrescebat. Hunc verò in modum suppetente rerum copiâ, quod deinde præcipitur, verbis & exemplis tuis ad omnem rectè honesteque vivendi rationem ac disciplinam manuducito & dirigito rudem populum: *Confucio* dirigente idem protinus volens lubensque sequebatur, & viæ quæ monstrata fuerat, constanter insistebat. Constitutâ verò hunc in modum optimis legibus ac disciplinis Republicâ; quod deinde præcipitur, procura quietem populo; sic ut tuo singuli loco & conditione contenti, in natali solo velut in centro conquiescant: Procurabat hanc quoque rara solertia prudentiaque *Confucii*. Protinus itaque exteri complures finitimis è terris tam optatæ quietis famâ & desiderio impulsî, turmatim ventitabant. Partâ verò tranquillitate publicâ quod deinde præcipitur: permovere & excita populum, & alius industriis aliisque studium virtutis, maturæque inter omnes charitatis & observantiæ renova; erige languentes, currentibus subde calcaria. *Confucio* quidem sic excitante suos protinus vigeat inter omnes concordia, & quæ hanc comitantur, ritus, officiaque colentium amantiumque inter se civium. Ad cumulum vero laudum istarum accedebat, quod tanti fierent

animorum motus sine motu strepituve illius qui movebat; non aliter ferè, quàm tacita occultaque cœlorum virtus, cum plurima perficiat in terris, secretissima tamen est; & non oculos modò, sed intellectum quoque mortalium fugit. His aliisque de causis, fuit omnino ipsius vita perquam gloriosa; ejusdem vero mors perquam lachrymosa, communi diuturnoque luctu, qui hanc consecutus est, testante, fuisse ipsum civibus suis haud secùs ac patrem suis liberis in honore; nec aliter ferè, quàm blanda mater esse solet in deliciis & amore. Quæ cum ita sint, quomodo tandem ad ipsum queat pertingi?

Ecce quam non discessit procul à terris hyperbolica laus illa (a) *predicatio, quæ prima fronte super nubes ac sidera videbatur efferre Confucium. Nature limites excedere videbatur; cum repentè unius, exiguique populi, quem is sapienter ac placidè gubernandum suscepit, angustis sane terminis seipsa conclusit. Itaque nihil hîc erit, opinor, quod Lectorem Europæum, utpote non minus candidum, quam benevolum suboffendat.*

f. 7. p. 1. §. 1. Hoc (b) sequentibus paragraphis exponitur à discipulis quod hi creberrimè audierant à Magistro suo, quibus maximè usi sint artibus, industriisque primi Legislatores gentis Sinicæ, primique conditores trium familiarum principum Hia, Xam, Cheu, quæ isem voluerint esse principia (c) quasi fundamenta politices sue; dum alii altis succedentes, amplissimi res imperii non uno quidem tempore; normâ tamen propè unâ, tam feliciter administrârunt, & furore Cæli tam constante, ut sola tres familiæ istæ, cum duobus Legislatoribus Yao (d) Xun longè diutius posita fuerint rerum, quàm novemdecim, quæ deinceps scienæ sunt, usque ad annum hunc 1670. hæc quippe simul omnes 1929. annos numerant tres vero illæ 2108.

Excerpta sunt, sed compendio, pleræque harum sententiarum ex pervetusto, primæque authoritatis codice Xu kim dicto; quod (e) styli simplicitas, propria istorum temporum satis prodit. Xu kim porrò brevis Priscorum quorundam Regum historia est, præclaris eorumdem documentis instructa. Nos autem claritatis gratiâ exponemus ea, quæ historici sunt generis, præter morem nostrum uberius aliquando, quàm Colaus ipse, qui pleræque vel præterivit hîc tacitus, vel verbo tantum attingit, quod intelligeret Lectori suo esse notissima.

Yao Sinicæ gentis Legislator (de quo supra sapius meminimus) (f) Imperator, si non primus, certè quidem celeberrimus, cepit anno ante Christum 2317. (g) imperavit annis 100. Hic igitur nullâ filiorum suorum, domesticæque gloriæ habitiâ ratiome, sed unius dumtaxat virtutis ac sapientie, jam senior & resignaturus imperium in Xun, quem propter excellentem pietatis, obedientie, prudentieque laudem diu antè ab aratro (h) stivâ, ad Imperii societatem quandam evocarat, hac ipsum oratione corroboratus sic ait: O tu nû Xun, Cælum decrevit Imperii successionem

existere in tuâ personâ. Cum fide fac apprehendas teneasque ipsum medium. Quatuor maria si laborent egestare, & inopia; cœli census in perpetuum desinent.

Macte animis, (verba sunt Interpretis) *administer & sociè laborum meorum & curarum.* Adest jam tempus, ut in te unum curas omnes simul & humores resignem. Ego hoc imperium à cœlo quondam suscepi, & suum quoque Prisci Reges susceperunt. At nunc ejusdem nutu tibi deferò: cœlo est obsequendum: Favebit hoc tibi, si tuis ipse faveris; si consulueris, inquam, salutem, commodis, & tranquillitati tuorum. Pondus gravè est, non inficior, res imperii; cureque sunt infinitæ. Sua tamen singularum propria quadam ratio & convenientia est, quam medium vocamus, excessus omnis defectusque impatiens. Hoc igitur tene: Ad hujus trutinam expende, & exige res omnes; si te tuisque vis esse beatos & florentes. quod si neglexeris consilium meum, & à media, quam dixi, via discesseris; ingruent procul dubio calamitates alia ex aliis; & omnis hac regio, quæ intra quatuor maria continetur, fame & inopia rerum divexata, peccati tui penas dabit. Verum jam nunc ego tibi denuntio, daturum te quoque, & quidem gravissimas, atque adeo dignitate calidius collatâ in perpetuum spoliatum iri.

Nun quoque verbis hujuscemodi ultima dedit præcepta Tu, successori suo, in quem similiter resignavit Imperium, postquam id per annos quinquaginta feliciter solus administrârat. Erat & ipsi filius; neglexit tamen exemplo decessoris sui, & præcelsæ sapientiæ, maximisque meritis ipsius Yu, qui ingentes aquarum eluviones derivârat in mare, Imperium debere censuit. Yu, porro, tametsi vestigiis amborum insistens, neglecto similiter filio, Imperium destinâset Regulo Ye, sapientiæ famâ tunc celeberrimo: Quoniam tamen ad merita patris, virtus quoque ipsius filii imperio revera digni accedebat; hunc, ubi vivere desiit pater, omnino & populus & proceres imperare voluerunt: Ex quo cum dignitas Imperatoria ad filios deinde ac nepotes transierit; ipsi Yu tribuitur conditoris nomen; conditoris, inquam, prima familiæ Imperialium Hia dicta: quæ spatio annorum 418. numeravit Imperatores 17. ordine succedentes:

Omnibus silentio præteritis, agitur sequenti paragrapho de Chim tam, conditore ac Principe familiæ Xam, Imperiales inter Familiâs secunda. Sed antequam textum prosequamur jurat hic præmittere, quæ de ultimo præcedentis familiæ Imperatore Kie dicto in libro Regum seu Xu kim referuntur: sic enim ea quæ in textu nostro afferuntur, melius intelliguntur. Maximè illustris est locus de impio Kie Principe quem affert Imperii primas & Vu vam Imperatoris frater Cheu cum in oratione ad eundem habitâ ubi sic ait:

Audi vi Priscorum effatum quod sic habet: Supremus cœli Imperator, dum dirigit homines placidè & quietè, non facit hoc per receptionem alicujus corporeæ vocis, sed cor hominis recipit quietam

quietam illam placidamque directionem, adeoque fetventer & sine interruptione operatur : Atque hæc supremi cæli Imperatoris inæterna directio, cum sit cælitus & æqualiter omnibus indicata, quo pacto Rex Kie ab eâ excipi poterat ? Sed enim Rex Kie sepeliverat, (hoc est pessumdederat) naturalem illam cordis bonitatem, neque ipsemet per se voluit sequi tacitam illam placidamque cælestis Imperatoris directionem, nihilominus supremus Imperator serio verè illum dirigebat, sed Rex Kie verè constanterque illam subterfugebat respuebatque : Attramen supremus Imperator adhuc illum respiciebat & necdum illum à se rejiciebat penitus, sed in illum calamitates immittebat & prodigia, ut suum illi manifestaret consilium & intentionem, sic quidem ut fragore quodam & veluti tonitru percelleret Regem Kie (ut ita respisceret) sed Rex Kie, nequaquam noverat pettinescere aut percelli, neque voluit reverenter uti supremi Imperatoris voluntate ac favore, sed in scelera & luxus effrænis ruebat : & quamvis subinde verba quædam insultantia & illusoria (aut ut alii) simulata aut respiscantis instar verba depromeret ; tamen cælum hujusmodi verborum rationem nullam habuit, & audire, contempsit tandemque magnum illius Imperium delevit, & ex alto demisit commeritas pœnas : atque ita Imperialis Hia familia finem accepit.

Ita Cheu cum juxta Ethnicorum interpretum præcipuè cæi xin expositionem. Urgebatur tamen in dies à populo & Regulis pius Princeps Tam octogenario major, ut se suisque tam acerbo & diuturno jugo impiissimi Regis Kie tandem exsolveret : Ipse autem, ut erat timens à supremum Numen ejusque mandatum adeoque non audens non eidem obtemperare hærebatur perplexus & incertus quid ageret. Quare Chum hoc, alii- que qui Principi à consiliis erant, eum de cæli voluntate securum reddunt : B à cælo nimirum procreari populum cum afflictibus suis, quibus si non sit qui dominetur, fore ut ruinam sibi & Imperio per seditiones accersat : Et ratioinandi quidem vim, necnon judicii & ingenii c talenta in reliquis mortalibus à cælo esse : ab hoc insuper ei gratisito & concessam animi fortitudinem ac prudentiam, qua liberare possit Imperium periculo ruine proxime jam imminenti : proinde obtemperet cæli voluntati : Scire se equidem, eos, qui impie tractant spiritus, & crudeliter populum, à cælo diu non conservari ; eos vero qui venerantur cæli leges, æternum

A Ego timeo supremum cæli Imperatorem.

B Dumtaxat cælum creat populum cum passionibus suis.

C Dumtaxat cælum creat ingenii talenta.

D Cælum equidem impertitur Regi-

bus fortitudinem & prudentiam.

E Venerabundus obtempera cæli mandato ac voluntati.

F Eum, qui indignè tractat spiritus & crudeliter populum Regale, cælum non conservat.

G Qui adoraverit & coluerit cæli le-

conservare propensam erga se cœli voluntatem: cui equidem cum se *H* sub-
 ficere impius *Kie* detrectaverit, adeoque sceleribus scelera accumulaverit,
 per insignem vesaniam 1 volens fallere cœlum, cujus erga se favorem non
 defecturum semerè apud populum jasset; aſteratque, se, cum demum cum
 Sol in calo deſinens, deſiturum; procul dubio cœli vindicis decreto, & ip-
 ſum jam nunc & familiam ipſius *X* exitio addictam videri. Nec ignorabam
 ſcilicet, cœlum non ex privato 1 quodam erga familiam *Xam* affeſſu &
 favore, *M* ſed virtutis dumtaxat intuitu hoc ſua Familie Imperium contu-
 liſſe: unicam ſcilicet puriſſimamque virtutem eſſe, qua cœli tam & pro-
 penſam erga ſe attraheret voluntatem. Exinde viſtricis vindicique Fami-
 lia de parta jam pace & accepta à cœlo felicitate gratulantur omnes, ſed
 & ſuis viciffim gratulatur ipſa domus Regia; proſus enim ut à matre
 ſua infansulus ita & à cœlo populus *O* benignis oculis & aſpicitur & pro-
 regitur: diu utique beandus niſi ipſemet per nova ſcelera *P* opſatos vira-
 annos ſibi abrupat, & accerſat calamitates: qua non aliunde ſcilicet,
 quàm ab hominum ſcleribus ſolent exiſtere, eas enim cœlum infligit, ne
Q manifeſtentur ſcelera: adeoque cum diſſiculter effugere quis poſſit ea
 mala que per *R* ſcelera ſibi ultro accerſit, dedamus nos virtuti oportet, nec
 relabamur in peccata, præcipuè cum, ut ita nos *S* geramus, cœlum ipſum
 novis identidem prodigiis nos admoneat revocetque ad frugem.

- gem, æternum conſervabit cœli vo-
 luntatem erga ſe (*aia* ut alii) cœ-
 litus collatum Imperium.
- N* Supremum cœlum fideliter juvat
 ſubditum populum: impius verò
 homo ille (*Rex Kie*) excuſſit à ſe
 ſubjectionem.
- I* Familix *Hia* ſunt multa ſcelera, Cœ-
 lum jubet ut extingatur.
- X* Familix *Hia* Rex *Kie* patravit ſce-
 lera fraudulentè illudens ſupremo
 cœlo.
- L* Dumtaxat cœlum non amat priva-
 tim: at eos qui cœlum debitè co-
 lunt, dumtaxat amat.
- M* Non eſt quod cœlum privatim fa-
 verit huic mœx familix *Xam*: dum-
 taxat cœlum adjuvat habentes pu-
 ram virtutem.
- N* Qui poſſident unicam & puram vir-
 tutem, poſſunt in ſe recipere cœli
 cor ac voluntatem; & obtinere
 cœli perſpicuum mandatum.

- O* Regale cœlum amanter aſpicit ac
 protegit eos qui ſunt Familix *Xam*.
- P* Omnino cœlum contemplatur ſub-
 ditum populum: ex iis quos indul-
 get, annis, alii ſunt æterni, alii
 ſunt non æterni: at non eſt quod
 cœlum abbreviaverit annos popu-
 lo, ſed populum inter ſunt qui
 per ſua ſcilicet ſcelera abruperunt
 ſibi vitam.
- Q* Cœli ratio ac lex eſt beare probos
 peſſumdare improbos: ideo immi-
 ſit calamitates in familiam *Hia*, ut
 palam Orbi faceret ejus ſcelera.
- R* Quas cœlum inferit calamitates po-
 teſt quis effugere: at, quas per ſua
 ſcelera ſibi quis fabricat calamita-
 tes, non poteſt evadere.
- S* Si populus non ſequatur virtutem;
 nec ſubſiciat ſe correſſioni ſcele-
 rum, cœlum utique per portenta
 eum reverà admonet ut rectificet
 ſuum animum.

Tam ergo Princeps poſtquam debellavit impium *Kie*, poſtremum Fa-
 milia *Hia* Imperatorem profugum in Nanchao (ubi poſt triennium exul

obiit maximo consensu studioque populi & satraparum coactus imperium suscipere; jamque rediens ad aulam Po tu Ho nan Provinciâ sitam, ibi frequentissimis in comitiis, maximeque celebribus Imperii totius & universo populo orationem (Tam cao dicitur) sequentem pronuntiavit, quâ facti sui dans rationem coram supremo colorum Imperatore, sic primum oratur: O vos omnium terrarum incolæ universi clarè audite, & intelligite meum unius hominis monitum: Ex quo tandem fonte putatis profluxisse mortalium naturam quinque virtutibus, pietate, justitiâ, prudentiâ, fide, honestate instructam? A principio nimirum solus ille augustus & supremus (cæli) Imperator dum procreare cœpit humanum genus de cælo contulit naturam istam, quæ medii rectissima norma est, in subditum sibi populum: quod si populus suæ naturæ tot donis instructæ pareat, fiet ut, quæ omnibus eadem indita est, perseveret immutabilis natura: ut autem possit populus placidè pacificeque vitam instituere ex illâ cælesti norma, dependet imprimis à personâ regiâ quæ suos assidue hortetur exemplo, doctrina, rectaque administratione ad illius normæ observationem, &c. Tandem coram cælo rationem facti sui reddens sic prosequitur: Ego parvulus Li (submissiois ac modestiæ gratiâ infantem se dicit, annorum septem & octoginta senex; & humili domesticoque nomine suo, Li scilicet, utitur) audeo adhibere nigri coloris hostiam taurum: (niger color proprius erat Imperatoria hujus familie) audeo etiam palam ac manifestè rationem dare facti mei coram ter maximo & augustissimo colorum Rege & Imperatore. (Sive, uti Colai duo & dictionaria Sinica exponunt) coram augustissimi cæli & complectentis omnia teluris spiritu. Gravier, ac multis peccatum fuit contra cælum ab Imperatore familiæ Hia: Non aulus fui ego condonare, seu non exigere justas pœnas. Viros sapientes ac bene meritos, adeoque colorum supremi Imperatoris charos subditos & clientes non ausim ego oculere, & non palam facere virtutes ipsorum ac merita: maximè quando ipsi singillatim conspicui sunt in Imperatoris supremi corde (quæ verba sit exponit Chu hi) bona & mala cælum omnia novit, ac si ordine suo notata numerataque haberet singula peccata: Prorsus sic videtur esse. Tu si quid habes boni, jam est hoc positum in supremi Imperatoris corde & animo: Ego si quid commiseri mali, hoc item residet in supremi Imperatoris corde & animo. (Prosequitur textus seu oratio Tam Regis) Quod si ego ipsemet, pro humana imbecillitate crimen aliquod commiserim, jam nunc supplex obsecro & obtestor, ne fraudi sit damnove subditis; neque habeant idcirco crimen omnes meæ ditiones: Me unum scilicet, qui unus in culpa sum, supremus Imperator plectat. Quod si quicumque ex omnibus meis ditionibus deliquerint aliquando, tum planè hæc delicta imputentur meæ personæ: Ea ego jam nunc unus ex-

pianda suscipio : Nec recuso pœnas ullas , ut qui unus omnium maximè sum reus , quando pravo exemplo meo , & prava administratione anſam peccandi omnibus præbui.

Et hætenus quidem Chim tam Rex juxta Colai explanationem. Quantum vero fuerit ejusdem Principis erga cælum seu supremum celi Dominum religionis studium cum insigni erga suos pietate conjunctum , hoc imprimis quod subjicere hic licet ex annalibus exemplo mirifice confirmavit , quod hodieque scriptis & sermonibus omnium celebrari solet , & nos quoque voce & scriptis identidem afferimus ad politica genti persuadendum , non indignum fuisse divina & infinita majestate hominem fieri , & vitam spontaneam pro humani generis salute æternâ.

Per septem annos (inquit textus) prægrandis siccitas , extitit scilicet. (*An fuerit fames Ægyptiaca quam testantur sacra littera in universo orbe prævaluisse gen. 41. Chronologis discutiendum relinquimus*) Is qui Astronomicæ rei præfectus erat , significat Regi , non jam vitulorum aut ovium sanguine (*ut moris erat*) sed humano dumtaxat placari cælum oportere , si quidem tantis malis remedium ultimum quaereretur. Cui Rex : Ego , inquit , cælum deprecari volo pro meorum salute & vita : Quod si hanc ipsis adimens humanum effundam sanguinem , utique jam mihi ipse adversabor : Quin potius , ut salutem meorum consulatur , ego unus sim victima. Nec mora : Sacrificium sui cælo facturus prius in secretiorem locum , de more , sese abdens per triduum jejunit , ac dein venerandam capitis sui caniticam nonagenario jam major , & unâ barbâ radi , atque ungues præscindi jubet , summi scilicet luctûs indicia : Ad currum deinde bigas albi coloris (*lugentium is est*) jungi imperat : ipse ovinis indutus pellibus currum conscendit ; totaque aula pari cum luctu comitante ad locum *Sam lin* (hoc est , mororum sylvam dictum) contendit : Hic pro salute sui populi & Imperii , cælo futurus victima , collem sedit ; subit autem , quo victimæ videatur similior , manibus pedibusque reptans (*ut aliqui scribunt*) hinc sublati in cælum oculis supplex idem precatur , ne ob suos unius in regendo defectus , populi totius salus & vita in discrimen veniat : Exinde sibi uniquidquid fortè peccatum fuerit adscripturus , & ad quasvis paratus pœnas , de sex rebus præcipuè (*quæ 24. litteris continentur*) ex cælo quaesivit. 1. An fortè sua gubernandi ratio careret debita moderatione & æquitate ? 2. An suo deessent officio subditi ? 3. An sumptus in Palatium & rerum ad hoc spectantium essent immodici ? 4. An à feminis gynæcei sui luxu vestium & modestiæ neglectu peccaretur ? 5. An munera in judiciis , an item fraus & avaritia in commerciis regnarent ? 6. An in Festis & Cantibus detractioni cuipiam aut morum corruptelæ daretur anſa ? Memorant autem Scriptores omnes rem sanè dignam admiratione ; fari scilicet vix desiisse pium Principem

LIBER TERTIUS.

153

cepem, cum repente magnus cœlo imber decidit, qui quidquid erat Sinici Soli per aliquot leucarum millia (Sinicarum intellige) largissime rigarit: quam pluviam magna deinde fertilitas mox consecuta sit. Porro de hoc tam memorabili & optato successu musicam instituit ipse Rex *Ta boe* dictam, quod idem sonat: ac magna protectio, seu magnum quid à cœlo videlicet obtentum.

Contigerunt hæc cycli 16. anno 38. hoc est, anno ante Christi aram 1756. imperantis vero Chim tam anno septimo, ætatis vero suæ 94. & ante obitum septimo. Bina hæc oratio tam clementis ac pii Principis, centum annis & amplius ante Moysen & legis tabulas; tot vero ante Christum annis coram omni populo pronuntiata & conscripta, num parum clare testatur, quam vigeret tunc temporis in hoc ultimo Oriente nature lex, & notitia veneratioque supremi Numinis; de cujus iustitiâ providentiâque delictorum quorumvis conscia tam præclare sentis ac loquitur iste Princeps? Eant nunc, & nihil ipsum agnovisse dicant præter inanem mutumque aërem aut influxum inanitem, aut cœlum illud quod conversione suâ diem noctemque conficit, qui putant tantum fidei tribuendum esse Atheis quibusdam & verè cæcis ac insidis interpretibus, qui imperante familiâ Summi ordine decimâ nonâ, adeoque septingentis circiter ac bis mille post annis, quam pronuntiata ista fuerint, corruperunt impiissimis erroribus præscam veritatem; & luci tam candidæ ævernales tenebras offuderunt. Sed ad textum, unde longius digressi sumus redeamus.

p. 2. §. 1. A secundâ familiâ descendit ad tertiâ (*Chœu* dictam, cujus normam administrandi Imperii copiosè depictam in libro *Xu kim*, paucissimis hæc verbis attingit. Fundator hujus familiæ fuit *Vu nam*, qui imperare cepit anno ante Christum 1121. Non aliâ familiarum Imperialium florentior istâ fuit, sive cultum spectes, & majestatem, sive Principum & antorum numerum. Annos certè numeravit 873. Imperatores vero 35. Princeps ergo, quem dixi, totius familiæ, *Vu nam*, postquam debellato impio (*Chœu* cum quo tandem occidit secunda familia) suscepit Imperium communibus populi procerumque suffragiis sibi delatum; item post vota, solemnique sacrificia Imperatori cœlorum, reliquisque spiritibus terrarum præsidibus rite perfolura (uti pluribus refertur in libro *Xu kim* 6. & 7.) Primum quidem arma omnia, machinasque bellicas collegit ac reclusit: tum custodias & carceres pandi jussit, ac reos criminum dimitti: Omni denique studio & industriâ conatus fuit opulenti populo, fame, inopia, variisque calamitatibus laboranti: Eos interim quorum insignia quædam extiterunt merita, maximis augens honoribus opibusque; sic ut verissimè dici queat, quod domus hæc Imperatoria *Chœu* in exordio & fundatore suo habuit quidem, exercuitque erga omnes omnium suarum dirionum homines magnam & insusatam liberalitatem & beneficentiam. At longè tamen maximam

erga eos omnes, qui à fide, probitate, sapientiaque maximè commendabantur. Itaque optimus quisque tunc fuit dicissimus, amplissimis, inquam, honoribus, amplissimoque censu instructus & ornatus.

§. 2. Verba sunt *Pu van* Imperatoris : Quamvis, inquit, dentur complures admodum propinqui familiæ *Xam*; quibus adeò jure quodam stirpis Regiæ, primæque nobilitatis debèri videntur præcipua quæque munera & dignitates : quoniam tamen plerique eorum non sunt comparandi cum aliis, isque plurimis è familiâ nostrâ *Cheu* sp. Statæ fidei, probitatis, sapientiæque viris ; certum mihi est hos, potius, quam illos adhibere consiliarios & ministros rerum mearum. Instructus autem præsidio tot optimatum, si nihilominus mihi metipse defuero, nec pœnas expectet de impio *Cheu*, nec insolentiam assecularum ejus, licentiamque, uti par est, compressero, tum cerè non unius tantum inertia locordiaque reus agar : Sed & multitudo subditonum meorum quicquid peccaverit, tribuetur id uni mihi vel maximè, labesque & damna totius corporis, in meum unius caput justissimè recident.

§. 3. Is ergò cùm teneretur adeo salubri curâ & metu, nec ignarus esset, quantum vitii irrepsisset in Rempublicam, ante omnia plurimum studii vigilantiaque posuit in ponderibus ac mensuris ad æquitatem normamque pristinam revocandis. Examinauit item leges omnes & constitutiones, ram eas quibus officia, ritusque & jura civium, quàm quibus res, artesque Musicæ continebantur. Ad aulam quoque & dignitatem pristinam, revocavit erexitque dejectos & afflictos sub impio *Cheu* Præfectos Urbium & Provinciarum, atque ita renovatis & constitutis præclarè rebus, quatuor regionum, id est, totius Imperii administratio optatissimum cursum habuit.

§. 4. Idem restauravit extinctas ab impio *Cheu* satrapias, legitimisque Dominis restituit. Revocavit ac perpetuare instituit per vetustas ac nobiles, sed jam succisas ac propè deletas Priscorum Principum prosapias ex stirpe nobilissima *Hoam si* conditoris Monarchiæ Sinicæ; nec non Legillatorum, *Tao* scilicet, *Xun* & *Tu*, & Principibus familiæ *Xam* proximè præcedentis, oriundas. Quorum omnium posteros dynastis ornatos, amplo quoque censu locupletavit, revocatis etiam variis dignitatum titulis, *Heu*, *Cum*, *Pe*, *çu*, *Nan*; hoc imprimis agens, & vehementer optans ; ut tam illustri maxime hominum progenies non tantum ipsa quàm diutissime floretet, sed memoriam quoque majorum suorum maximo cum splendore, & usitatis cum officiis muneribusque parentalibus ritè pieque conservaret, adeoque mortuis quoque parentibus, filiorum tamen pietas & observantia semper viveret ac perennaret. Exiit præterea admovitque gerendæ Reipublicæ jacentes ac latitantes viros virtute

ac sapientiâ insignes, sed qui ultrò dignitatî suæ renunciantes, ex superiore illâ tempestate perturbati Imperii, ad otium privatæ vitæ, seu portum, cauti perfugerant. Hunc autem in modum constitutis optimè rebus Imperii totius, populus subdidit sese ultrò, & ex animo; eoque promptius voluntates suas ac studia cum studiis optimi Principis omnes conjunxerè, quò felicius sibi cum illo jam convenire, seu membris obsequentissimis cum dilecto capite, intelligebant.

§. 8. p. 1. §. 1. Ad extremum quæ circa populi sui gubernationem valde cordi habuit memoratus Imperator, & magni pondetis ac momenti esse duxit, tria fuerunt: Subditorum annona, ut semper affatim esset earum rerum, quæ vulgo sunt ad vitam sustentandam necessariæ: funera & exequiæ, ut debito ritu modoque peragerentur: Parentalia denique, seu honores funebres & solemnia quædam fercula statis anni temporibus in memoriam defunctorum parentum ac majorum offerri solita; quibus admonerentur filii gratæ pietatis & observantiæ erga parentes etiamnum superstitres, quando videbant eam erga progenitores jampridem demortuos tam accuratè sollicitèque exerceri.

§. 2. *Expositâ breviter eâ gubernandi methodo, quam tenuerant Yao & Xun duo gentis Legislatores; necnon Yu, Tam, Vu, conditores trium familiarum Principum, penes quas per tot sæcula summum jus fuit; concludunt tandem, eos pro ratione quidem temporum aliquantulum inter se mutuo discrepasse; verumtamen in studio & arte tuendi suæ & conservandi amplificandique Imperii, & in substantiâ ipsarum rerum, fuisse quàm simillimos. Complectuntur autem similitudinis hujus summam quatuor litteris, quibus totidem virtutes Regiæ exprimuntur. Sic aiunt igitur: Princeps si magnificus erga suos, si magno liberalique animo fuerit, cæli instar protegens, & complectens omnes, & telluris instar sustentans, nihil interim faciens inclementer, avarè, sordidè: tum is obtinebit omnes; omnium scilicet admirationem, amores omnium, & studia, & voluntates. Si fidem servet ac veritatem, ab omni furo, mendacio, fraude semper alienus; tum subditi sine ullo metu vel cunctatione innitentur ipsi, & se suæque incorruptæ fidei Principis committent. Si vigilans, impiger, sedulusque fuerit in avertendis damnis publicis, & commodis suorum procurandis; nec quidquam unquam negligat aut contemnat; tum habebit felicem exitum & perfectionem rerum, quascumque tandem suscipiet; amantissimis vicissim subditis, quidquid operis publici fortè Imperatum fuerit, impigrè, sedulò, constanter perficientibus. In exigendis pœnis & præmiis conferendis, si rectus, si æquus omnibus fuerit, nec quidquam tribuat privato vel odio, vel amori, tum gaudebit subditi, & æquissimo Principi omnibus in rebus alacriter ac promptè*

morem gerent. Et hæc quidem dictorum quinque Principum fuerunt artes, hi nervi, hæc firmamenta, quibus Imperii tanti molem tam feliciter ac diu sustentârunt. Quidquid autem à folio septimo hucusque commemoratum est à discipulis *Confucii*, eo potissimum sine est commemoratum, ut posteris constaret, doctrinam magistri sui, quam ipsi maximè propagatam volebant, à placitis & institutis præcorum Legislatorum *Tao Xun* & Regum minimè discrepasse.

§. 3. Discipulus *çu cham* quæsit ex *Confucio* dicens, quâ ratione quispiam poterit rectè administrare Rempublicam, *Confucius* respondit: Qui magni facit quinque bona, & qui removeret quatuor mala, is poterit rectè feliciterque administrare Rempublicam. *çu cham* rursus ait: Ecquæ dicuntur illa quinque bona? *Confucius* respondet: Gubernator Reipublicæ beneficus sit, & tamen nihil expendat, absumatve. Subditis oneri sit, & tamen non sit odio: Desideret, & tamen haud expetat cupidè: Sit magnus, sit beatus ac florens, & tamen non effertur superbiâ & fastu: Severus & gravis sit, & tamen non sit asper & truculentus.

p. 2. §. 1. *çu cham* Laconico Magistro responso non satis percepto, inquit, ecquid, obsecro, significat illud, beneficus sit, & nihil expendat. *Confucius* respondet: Constantè obsecundare, & favere iis rebus & artibus quæ subditis lucro sint, commerciis & Agriculturæ scilicet, aliisque huiusmodi, & sic eorum lucra procurare; solerter tuendo & conservando communia illa cæli terræque beneficia: quo tandem fiat, ut magna sit ubique annonæ vilitas & rerum copia: Hoc nonnè reverà est esse beneficium & tamen nihil expendere vel privatæ rei vel publicæ? Similiter si habeas delectum eorum qui pares sunt ferendo labori & oneri, & oneres illos dumtaxat si habeas, inquam, justam & accuratam rationem loci, temporis, ætatis, & virium cujusque ac facultatum, quotiescumque imperandum est aliquid oneris operisve publici, ecquis tunc oderit vel imperata vel imperantem? Quæ juris alieni sunt, appetere, nefas ac turpe est: At vero si desideres expetasve veram virtutem, adeoque si tam laudabiliter expetitam, feliciter adipiscere veram illam virtutem expleasque deinde numeros illius omnes; quo modo viciosè cupidus sis, aut censeris talis queas? Si Princeps inter flatus illos tam secundos fortunæ faventis constet sibi ipse, & non attendat magnoperè ad frequentiam suorum, vel paucitatem, ut hanc scilicet aspernetur, illi deferat aliquid: Rursus si non attendat magnoperè gravissine sint momenti an parvi res eæ quas habet perficiendas; sed pari ferè cura res æquè minimas atque maximas constanter tractet; nullusque sit, quamvis humilis & abjectæ conditionis homo, quem audeat habere despectui; qui hoc modo sibi imperet, seseque contineat, nonne quamvis multâ pace, opulentia

tiâ, gloriâ beatus ac florens sit; tamen haud efferetur superbiâ? Gravitas dentique & severitas, si quidem modo careat, facilè degenerabit in odiosam asperitatem & truculentiam: Ar verò si Princeps alienus ab omni affectatione hic fuerit mediocritate quâdam contentus, ex. gr. Si graviter ac decenter compositam gerat suam ipse vestem & p̄teum; si modestiâ quâdam reverentiâque imbuat suum ipse os oculosque; si in omni motu, gestu, statuque corporis decorum servet; procul dubio cum reverentiâ planè singulari homines universi contuebuntur cum ac verebuntur: Hoc autem nonne est severum esse ac gravem, & tamen non esse asperum & truculentum?

§. 2. *Quidam* rursum quærit: Ecquæ dicantur quatuor mala, quæ vitare debeat ac remove ab se, quisquis administrat Rempublicam. *Confucius* respondet: Non docere subditos accurare quæcumque sunt juris publici, & officii singulorum; & interim si fortè die quopiam deliquerint; illicò. punire miseros, & prorsus inclementer occidere: Hoc enimverò dicitur tyrannidem exercere. Ubi quid operis operæque publicæ exigendum est, non ante præmonere subditos, & præparare quodammodo, quo commodius ordinatusque res fiant; sed obruere miseros derepentè, & in ictu oculi videre velle præscriptum opus perfectum & absolutum; inclementer instando operis, & moras omnes severè castigando; Hoc enimvero dicitur crudelis violentia. Cunctanter frigideque imperare subditis opera publica; deinde verò repentinâ acceleratione contrahere præstitutum antea temporis spatium, ferociter & inexorabili cum severitate eadem exigendo: Hoc metitò dicitur latrocinantis instar, & velut ex insidiis opprimentis incautos, sic suis esse damno. Denique sordidum & illiberale esse, ex. gr. Certo quodam modo se gerere cum dandum quidpiam est alius, ex. gr. cum sua militibus persolvenda sunt stipendia, suum operariis operæ pretium, sui census & honores conferendi sunt aliis: Avarâ scilicet lentâque & invitâ manu, nunc promentis & porrigentis instar, nunc teposcentis ac retrahentis hoc ipso quo dat, sordes avaritiamque prodere; tametsi detur tandem aliquando, quod jus cujusque postulat; quoniam tamen sic datur, ut videatur extorqueri verius, quàm dari; jam istud nec gratias quidem meretur, quod animo datum liberali, magni muneris fuisset instar; adeoque non est hoc agere Principem, sed meritò dicitur infimæ cujusdam notæ ministrum esse ærarii publici.

f. 9. p. 1. §. 1. *Confucius* aiebat: Qui non sit, adeoque nec credit dari cæli mandatum & providentiam, id est, qui non intelligit & credit prospera & adversa, vitam & mortem, &c. à cæli nutu consilioque pendere. (Vel, ut exponunt alii, qui non cognoscitur

men rationis cœlicus inditum esse mortalibus, ad quod vitæ suæ rationes omnes componat, & quæ prava sunt, fugiat, quæ recta, prosequatur: Vir hujusmodi profecto non habebit quo evadat probus ac sapiens: quin imò multa committet hominē indigna, dum quæ illicita sunt, vel supra vires suas, confectabitur, vel iis malis, quæ frustra conabitur effugere, succumbee.

§. 2. Quisquis ignorat de eorum cuiusque rei & modum, necnon ritus officiaque civilia, quæ societatis humanæ vincula quædam sunt, ac proprium cuiusque hominis decus & firmamentum, non habebit is, quo erigatur aut evadat vir gravis & constans, & sibi aliisque utilis: Labetur enim assidue, fluctuabit incertus, & ipsius quoque virtutis, si quam fortè adeptus est, jacturam aliquando faciet.

§. 3. Lingua cordis index est; nec raro quidquid in toro latet homine, brevis ejusdem prodit oratio. Quocirca quisquis non intelligit sermones hominum, sic ut aptè discernat quàm rectè, quàm peccatam quid dicatur, non habebit quo perspectos habeat ipsos homines; errores illorum scilicet, indolem, consilia, facultates.

Porro quisquīs hæc tria, cœli, inquam, providentiam, rerum modum, ipsos denique homines probè cognoverit, itaque vixerit, ut huic cognitioni vitæ moribusque respondeat; is omnino dici poterit partes omnes rari sapientis, & qui longè supra vulgus emineat, explevisse.

Atque hic tandem finis est trium librorum Scientiæ Sinicæ quorum explanationi è Sinico vertende in Latinam præcipuo quodam studio ac labore communi quatuor sociorum, otium ii fecerunt, qui nos quartum jam annum ab anno 1686. detinuerunt in Camonesius Provincia exilio, ac cessare coegerunt maxime invitos à propaganda doctrinâ longè sublimiori, quæ quidem una lux mundi est, & sine quâ, scientia omnis & doctrina, mera caligo est & ignorantia. Autor porro trium librorum censetur Confucius, tametsi contineantur hisdem libris non pauca vel à discipulis ipsius effata, vel à contaneis eidem Philosophis; virisque Principibus; vel à primis etiam gentis Regibus, prisque sapientibus pronunciata: è quibus alii sexcentis vixerunt annis antè ipsum Confucium, urbisque aded Romæ principia; annis mille alii; quidam etiam annis circiter mille septingentis, quâ quidem dignos esse Sinas haud minus quam nationes alias, it facile iudicabunt, qui expendunt æquo animo gentis industriam, fidem, diligentiam, quâ consuevit res suas ab omni retrò ætate litterarum suarum monumentis commendare; & quidem per suas 60 annorum periodos, uti patebit ex tabulâ Chronologicâ quam huic operi placuit annexisse cum trium principum familiarum (quarum in præfatis libris iterata fit mentio) tabulâ quoque genealogica. In versione autem nostrâ scientiæ Sinicæ consuld multa contraximus; & quamvis subinde videatur copiosior explanatio, sciat Lector nequaquam esse cum ipsius Interpretis

(*Cham Colai, quem præcipuè sequimur, ubertate copiæque comparanda. Et hujus quidem vestigiis, sicut alibi jam significatum est, constanter insistimus: Itaque, si excipiantur ea quæ vel eruditionis gratiâ vel claritatis ex aliis ejusdem gentis Authoribus interseruimus, reliqua sunt Interpretis nostri; tota inquam paraphrasis unius Colai est, sententiæ Colai omnes, quas aded nemo suspicetur Europæi esse hominis, quamvis sint Europeo sermone ac stylo, quin & ipsis quandoque Europeanum Philosophorum sententiis, verbisque exposita. Non inficior tamen esse non pauca, quæ meritò censendantur esse vulgaria, ne dicam frivola; procul dubio prætermittenda, si nos soli laboravissimus oblectationi Europeanorum. Sed enim jam satis disfertè significavimus in ipso operis limine, iis potissimum hæc scribi, quibus in hanc Christi vineam concessuris, &), uti speramus, deinceps in eâ laboraturis. Quamquam par est etiam nos meminisse, non ejusdem esse palati mortales omnes; & multa, quæ Europæi fastidiant, huic genti esse in deliciis. Quid insuavius homini Europeo calidâ potione? Hæc tamen sic delectantur Sine, ut per æstivos quoque dies baud abstineant. Sinen-sium musicam reïpungunt ferè aures nostræ: At illos vicissim in musica nostrate discors illa vocum cõcordia, si non offendit, parùm certè oblectat. Itaque pari ferè modo, quod ad sermones sententiisque spectat, habet le-porem suum & gratiam in Chinâ, quod idem in Europa risum propè sto-machumque moveat. Utrumque tamen res habeat, non poterit non fateri æquus Lector, multa hic esse, quæ nunc quoque suum mereantur pretium vel in Europâ: Nec dubitabit præclaram fuisse vetustissime Monarchia ad-ministrationem, quotiescumque illa, quæ hic traduntur, sive pie recteque viven-di, sive Regni probè administrandi præcepta, vignerunt.*

Sequitur nunc Scientia Sinica Liber quartus, sive Mem̃ cu dictus, Sinarum Philosophus secundus qui uno post Confucium sæculo vixit. Constat septem partibus seu capitibus ejusdem opus, operi Confuciano mo-lem si spectes, omnino par, superius etiam quodammodo, si dumtaxat ar-tendas ad ingenium & copiam, facundiamque auctoris: doctrina tamen in-tegritate, & Priscâ simplicitate illâ, necnon arcanâ quadam sublimitate, quam in Confucio suo tantopere mirantur Sine ac deprædicant, meritò postponendum. Mencium igitur, Deo favente, in lucem Europeanam pro-ducemus, si quidem intelligamus, suum qualemcumque locum & appro-bationem in hoc eruditissimo sæculo, & amplissimo omnium Scientiarum theatro obtinuisse Confucium.

Finis Libri tertii Lun yu.

2

TABULA CHRONOLOGICA Monarchiæ Sinicæ

JUXTA CYCLOS ANNORUM LX.

Ab anno ante Christum 2952. ad annum
post Christum 1683.

*Auctore R. P. PHILIPPO COUPLET Belgâ, Soc. Jesu,
Sinenfis Missionis in Urbem Procuratore.*

Nunc primùm in lucem prodit
è BIBLIOTHECA REGIA.



PARISIIS,

M. DC. LXXXVI.
CUM PRIVILEGIO REGIS.

PRÆFATIO

AD

TABULAM CHRONOLOGICAM

SINICÆ MONARCHIÆ.

PARAGRAPHVS I.

Unde sumat exordium Sinica Chronologia.



QUI *Annales Sinarum conscripserunt, omnes ferè ab eo, qui Imperii Conditor fuit, Fohi dictus, ordiuntur. Hic autem cæpit imperare anno ante Christum 2952. Quæ verò nonnulli Historicorum commemorant ante dicta Fohi Regis tempora contigisse, pleraque ut apocrypha nulliusque fidei, ab ipsis quoque Sinicis Interpretibus & gravioribus Historicis rejiciuntur. Certe Tai su cum primæ auctoritatis Scriptor disertis verbis testatur, ea quæ ante Xinnum secundi Conditoris tempora acciderunt, ab se ignorari. Auctor quoque magnorum Annalium, qui centum quinquaginta ferè voluminibus constant, tametsi ea referat quæ ante Fohi tempora contigerunt, nolle tamèn his à quopiam fidem adhiberi, satis innuit cùm dicit, se quidem non credere omnibus, quæ non alio quàm famæ popularis ejusque variæ testimonio de remotissimis illis temporibus ad posterorum aures pervenerunt; credere autem se libris Kim utique authenticis, adeoque non esse sibi dubium quin ordiri debeant historiam ab ipso Fohi Conditore Scriptores omnes. Nec immeritò, cùm pleraque eorum quæ*

a ij

ante Fohi memorantur accidisse, primâ statim specie fabulosum quid prodant. Memorant enim quodd Cælum horam noctis undecimam inter & duodecimam conditum fuerit; Terra verò horam noctis primam inter & secundam. Quodd primus Homo conditus sit inter tertiam & quartam matutinam; Fæmina post meridiem tertiam inter & quartam. Item primum illum Hominem (quem Puon cu nominant, & sepultum dicunt in urbe Yam cheu provincie Nan kim, aut, ut alii, in provincia Pe kim in territorio urbis Ho kien) ex sterili terra prognatum, & admirabili rerum scientiâ fuisse instructum, dominatumque omnibus; originem tamen illius ignorari. Narrant denique tres Imperatores extitisse, primum cæli, secundum terræ, tertium hominum; & horum quidem fratres alios aliis successisse per annos amplius 49000. post quos aliæ rursus 35. familiæ perpetua serie per aliquot annorum millia imperarint. Quæ omnia tametsi etiam Sinæ, ut dixi, respuant uti falsa, negare tamen non possumus Europæo homini studiosius singula consideranti, nescio quid rursus priscae veritatis inter fabulas istas, ceu densas inter tenebras, pauxillum tenuissimæ lucis intermicare: quod eò fidentiùs affirmo, quodd omnes ferè fabulæ ortum suum habeant ex eo quodd fabulosum non est. Certè mihi prorsus credibile est à Noëmi nepotibus accepisse aliqua de prima rerum creatione, & quàm vivaces ac longævi essent primæ ætatis homines: quæ cùm deinde ad filios & nepotes quasi per manum tradita pervenerent, utique primum erat paulatim ceu deteri priscam illam veritatem, vel etiam mendaciorum & fabularum accessione vitari. Et verò quodd creationem cæli & terræ, maris ac fæminæ, determinatis temporibus assignent, jam satis clare fatentur non extitisse Mundum ab æterno, ut plerique Philosophorum & ipse Aristoteles olim docuerunt:

docuerunt : adeoque facile est ratiocinando hîc conficere Numen aliquod supremum Sinenses cognovisse, à quo hæc omnia tam certis temporum intervallis procreata sint. Ad hæc non ignaros fuisse longævæ ætatis primorum hominum, hinc licet intelligere, quod aliis majorum suorum octo aut decem tribuant annorum millia, & supra decem millia aliis. Cùmque Sinici Interpretes centum pro mille numerandos esse, aut (ut alii) lunares menses pro annis solaribus computandos dicant, non equidem in omnibus à vero longe aberrasse dici possunt. Adde quod tertius Sinarum Imperator, cui Hoam ti nomen fuit, & imperare cœpit anno post Fo hi 256. librum illum, quem de pulsibus & de medendi arte conscribi jussit (fuit enim artis quoque medicæ Princeps ac Magister) sic ordiatur, ut hanc ante omnia quæstionem instituat : Cur cùm prisci homines tam viraces & longævi extiterint, tam brevis tamen sit vita hominum ætatis suæ. Constat denique ex vetustioribus Sinarum libris, virum fuisse sapientiæ famâ, & imperante secundâ Xam familiâ, gesto magistratu clarum, Lao pum vulgò nominatum, cujus & Confucius meminit, qui annos omnino septingentos vixisse perhibetur.

Ad universale Diluvium quod attinet, nihil adhuc quidem certi vel explorati in Sinarum libris ac monumentis inveni : tamen hujus quoque notitiam quamvis rudem perturbatamque habuisse, fortassis erit qui probet ex iis libris qui inscribuntur Sim li Ta ciuen ; qui quidem libri editi sunt trecentis circiter abhinc annis, regnante Mim familiâ, quando jussu tertii Imperatoris (qui cœpit imperare anno Christi 1402.) coactus fuit litteratorum aliquot cœtus, quorum operâ ii quos dixi libri conflati sunt ; verùm uti pleni figmentis ipsorum, ita mendaciis quoque erroribusque pleni : quod haudquaquam mi-

randum, cùm non pauci eorum priscæ veritatis vitia-
res fuerint potius quàm commentatores. Cæterùm quia ad
id, quod agebamus, adstruendum, suam qualemcumque
auctoritatem habere potest, verbo referam quid isthic de
Mundo & Cataclysmo dicatur. Primò totum hoc Uni-
versum merâ aquâ (quam & Auctor quidam supra ipsos
Cælos constituit) constituisse, quæ assiduo motu tandem
ipsam Terram confecerit crassiori materiâ paulatim ad
centrum subsidente: montes quoque ex vehementiori ea-
rumdem aquarum agitatione & fluxu refluxuque spar-
sim exortos; hos quidem coopertos aquis fuisse aliquando,
convinci putant ex conchis marinis, quæ, unde tandem
advectæ fuerint ad montium cacumina, ubi tamen pas-
sim reperiuntur, nisi dicantur montes sub aquis aliquando
latuisse.

Sed esto vim nullam habeat hoc, quo nituntur, argu-
mentum; huic certe quod subjungo ad probandam inter-
ruptionem generis humani per Diluvium universale, vis
sua quorundam judicio fortassis inerit. Narrant, ante
Regem Fo hi complures extitisse Reges, familiasque re-
gias, viros item insignes, quorum alii distinxerint anni
tempora, alii cælestes motus observarint, Kalendarii &
Cycli sexagenarii, aliarumque artium auctores extite-
runt: cùmque primis illis temporibus mortales in silvis ac
montibus ritu ferarum viverent, herbis & ferino sanguine
vescerentur, concubitus essent promiscui, aliaque hujusce-
modi, viros extitisse prudentiâ ac ingenii sagacitate in-
signes, à quibus domita fuerit agrestis illa barbaries, sic
ut vagi ferique homines paulatim formati ad humanita-
tem jam suis quoque legibus in officio continerentur. Porro
cùm Historiographi propè omnes denud à Regibus Fo hi
& Xin num historiam suam veluti certam & indubita-
tam ordiuntur, memorant iis quæ modò memoravi quàm

simillima, iisdemque serè verbis de illa ætate quâ duo dicti Reges vixerunt: atque eandem forte ob causam, quando totius Monarchiæ summarium annorum computum conficiunt, huic vix unquam inserunt annos illos, qui ante Fo hi tempora numerantur; quâ re non obscure declarant, aut fidem iis derogatam velle, aut si qui omnino non derogent, quasi interitum quemdam ortumque gentis hîc extitisse, adeoque & interruptionem generis humani. Illa autem interruptio quid aliud fuerit quàm universale Diluvium, cuius cùm octo duntaxat homines testes extiterint, quàm pronum erat alios nepotum & abnepotum oblitos quæ ab arvis narrabantur, alios nec fidem narrantibus dedisse, atque adeo nihil præter spissas altasque tenebras, sed tamen non sine illa, quam modò eliciuimus, lucis ac veritatis scintilla, ad posteros pervenisse.

Cæterùm quia nonnulli Sinensium in hoc errore sunt, quòd putent eos Reges familiasque revera extitisse, neque ullis tamen aquarum eluvionibus periisse genus humanum, facillimè nos & unica tantùm ratiocinatione errorem tollimus, & cogimus eos aut admittere commune totius Orbis Diluvium, aut fateri fabulosa prorsus esse quæ de priscis illis temporibus traduntur. Etenim cùm à Fo hi ad hunc usque annum 1683. quo hæc scribimus, per annos quater mille duntaxat sexcentos & triginta, tot millionibus hominum propagatum in China fuerit humanum genus; quanto majori numero necesse est propagatum fuisse maximo illo ante dictum Regem temporum spatio, quo supra quadraginta annorum millia effluxisse affirmant. Item si ab eodem Rege ad hanc usque ætatem tot artes inventæ fuerint, tam brevi temporis spatio, si cum altero comparetur, quî fieri potuit, ut non tantùm eadem, sed longè plures per immensa tot sæculorum spatia mortales excogitarint? & tamen, nisi mendaces esse fateamur

in ipso statim exordio Sinicos annales, temporibus Fo hi Conditoris & summa fuit mortalium ruditas, & ipsi quoque mortales perquam rari. Unde autem manaverit quorundam error, qui existimarunt in Sinicis annalibus de communi Orbis Diluvio mentionem fieri, planè jam liquet: nam temporibus Yao quinti, aut, si à Fo hi numeraveris, septimi Imperatoris, (cœpit hic imperare anno ante Christum 2357.) imperii ipsius anno 61. Cycli septimi 41. memorantur ingentes aquarum eluviones extitisse, quæ plurimas terras per annos omnino novem longè latèque inundarint. Cùm itaque dictum Diluvium à sexcentesimo Noëmi anno quàm proximè abfuerit, siquidem Vulgatæ computum sequamur, utique proum erat Europæum hominem, tum præsertim cùm necdum tota annalium ratio perspecta esset, in errorem huiusmodi incidere. Sed hæc hætenus.

Cæterùm quid historia Sinica, ut ab ipso Fo hi gentis Conditore sumit exordium, digna sit cui fides detur, argumento esse possunt, primò quidem quod hodieque apud Sinas est primæ auctoritatis monumentum illud litteris (si tamen litteris, & non lineolis potiùs) exaratum, quod Ye xim dicitur, & ipsi Fo hi à tota posteritate nullo refragante tribuitur, quas quidem lineolas seu figuras 64. (quarum singulæ sex lineolis constant partim integris partim interruptis) commentatus fuit 1800. fere post annis Rex Ven vam, & hujus filius Cheu cum, & sexcentis fere post annis ipse Confucius. Item Herbariolum Xin num secundi gentis Sinicæ Conditoris. Libri item primi Monarchiæ Conditoris & unà Imperatoris Hoam ti de pulsibus, & arte medendi, cujus operis adjutores necnon scriptores fuerunt Lui cum, Ki pe & Souen tres nobilissimi Medici, quorum libri tot ubique Interpretum commentariis ad hæc usque tempora leguntur

guntur illustrati. Accedit quod & ab ipso Principe Philosophorum Confucio in Commentariis in librum Ye kim, necnon in libris Officiorum, horum trium expressa mentio habeatur.

Secundò nomina locorum ubi nati sint, & quibus nati parentibus primi illi Imperii Fundatores; ubi aulam constituerint, ubi sepulti. Quid? quod præcipui eorundem Administri suis quique nominibus produntur posteritati; qui item, quarum artium rerumque inventores extiterint, litterarum imprimis: harum etenim prima rudimenta ipsum Fo hi dedisse narrant, (nam litterarum loco nodis antea utebantur) quas litteras exinde consecuti Reges aliis atque aliis litterarum earundem figuris, quas in Sina illustrata descriptas habes, expresserunt & exornarunt. Hoam ti porro usum fuisse ad eam rem perficiendam operâ çam kie, cujus & natale solum, oppidum scilicet Cham ngan in provincia Xen si, & is ubi sepultus est locus, memoriæ produntur; cui proinde & institutio, & litterarum ordinatio & compositio quædam ab omnibus tribuitur. Musices verò, adeoque muscorum instrumentorum ipsum quoque Fo hi; aratri autem, aliorumque quæ ad agros colendos spectant, inventorem fuisse docent Xin num primum ipsius Fo hi successorem, & qui hunc secutus fuit Hoam ti Monarchiæ Conditorem, maximis encomiis prosequuntur, quod inventor extiterit tot rerum artiumque, quas in Tabula Chronologica obiter enumeramus. Et verò si posteriorum temporum Imperatores aut Sapientes, earum quas dixi rerum invenissent aliquam, num credibile est, quod illorum temporum Scriptores, qui minutissima quæque tam studiosè prosecuti sunt, sua laude eos fraudavissent? At ignorabant, inquires, posterì rerum artiumque istarum inventores; cùmque non invenirent quibus potissimum attribuerent, id-

circo laudem hanc ex pia magis conjectura, quàm scientia Fundatoribus attribuire : esto, ignorarint; esto, laudem fortè non debitam tribuerint : at hoc certè non ignorabant, laudem ejusmodi non aliis quàm qui aliquando extitissent, tribui posse. Denique argumentum illud, in quo plurimum video inesse roboris ad opinionem hanc adstruendam, peti debet potissimum ex eâ, quam inseruimus Tabulæ huic nostræ Chronologicæ, & quæ à Sinis accuratissimè textitur, Genealogiâ trium Regum Yu, Tam, & Vu vam; qui quidem Reges Conditores & Principes fuerunt trium præcipuarum familiarum, petitis ab ipso inde Hoam ti nobilissimæ stirpis suæ principis per annos bis mille 457. & 86. Imperii successores.

Erit fortè qui contendat, omnino non extitisse tres illos, quos historiæ commemorant Imperii Fundatores, scilicet Fo hi, Xin num, Hoam ti, propterea quod actus eorum inserantur quædam planè falsa & fabulosa. Exempli gratiâ, quod mater Fo hi dicta Hoa si, dum forte premeret gigantis vestigium, & lucidâ iride cingeretur, eum conceperit; quod huic deinde caput humanâ quidem formâ fuerit, sed corpus serpentinâ : quod Regi Xin num caput item fuerit bovinâ specie; quòd is uno eodemque die duodecim herbarum venenatarum genera repererit, totidemque singularum antidota : quod dum agriculturam instituere meditaretur, Cælum pluerit triticum & orizam, quæ humo deinde mandarentur : quod mater Hoam ti dicta Fu pao sætum ediderit quatuor & viginti post mensibus quàm conceperit; quod cùm dictus Imperator octoginta & unum fratres rebelles debellare non valeret, submissa è Cælo virgo eos commisso prælio extinxerit; & alia hujusmodi. Sed enim quamvis hæc meritiò censeantur fabulosa, non ausim tamen ob eam causam fidem omnem derogare Sinicæ antiquitati, asse-

rendo hujusmodi homines numquam extitisse. Quis enim neget extitisse quondam Saturnum, Janum, Jovem, Herculem, Bacchum, Orpheum, Romulum, &c. tametsi res plurimas quæ nunquam extiterunt, eisdem non tantùm Poëtæ affinxerint, sed Historiographi quoque gravissimi tribuerint?

Adde quod ea ipsi quoque Sinenses, alii ne commemorarent quidem, alii vel rejiciant ut apocrypha, & à reliquo quod sincerum est secernant. Unde Nan hien auctor meritò dicit, multa ex iis quæ referuntur ante tempora Yao & Xun accidisse, esse pu kim, hoc est, non authentica; vel certè usitato prisca temporis stylo figuris quibusdam hieroglyphicis depicta, & posteritati proposita fuisse contendunt: exempli gratiâ, primum Conditorem Fo hi serpenti comparatum propter prudentiam, callidumque viri ingenium, fortassis & propter cutem corporis, quæ maculosa fuisse scribitur: successoris verd Xin num industriam in agricultura, & mittendū sub jugum bobus commendatam. Quòd si nequaquam videatur tantum fidei atque auctoritatis tribui posse Sinicæ antiquitati, age, tollantur sanè, uti à quibusdam tolluntur, duo illi gentis Atavi primique Conditores Fo hi & Xin num; certè quidem Imperatorem Hoam ti quis extitisse neget? quis ab hoc Monarchiam Sinicam non ordiatur securus, cum præsertim, ut paulò ante dixi, ejus stirpis series per tot sæcula tam accuratè tantaque cum fide recenseatur, ut infrà videre est in serie genealogica trium familiarum principum, cum libri item ejusdem medici aliaque monumenta à tota posteritate unanimi consensu eidem attribuantur?

PARAGRAPHVS II.

Quâ regulâ temporum, & quo annorum numero,
velut aureo, utantur Sinenses.

UT autem Chronologiam Sinicam texamus quàm possumus certissimam, secundùm Cyclum seu periodum annorum sexaginta, qui unica sunt gentis regula, procedendum est. Illam igitur ab ipso Hoam ti, sive ab anno ante Christum 2697. auspicamur, quando & hic Cyclum illum perfecit: nam tametsi ante Yao tempora Historiographi quoque annos omnes Imperii præcedentium sex Imperatorum uniformiter sere assignent, per Cyclos tamen plerique non supputant, exceptis paucis, qui à tertio Imperatore Hoam ti, propterea quod is dictum Cyclum à Fo hi excogitatum perfecit, rationem hanc numerandi ordiuntur. Ut ut fuerit, saltem ante Yao Imperatoris tempora in usu fuisse dictum Cyclum, vel hinc saltem liquet, quod primum hujus imperantis annum non à primo Cycli anno, sed à quadragesimo primo, Kia xin dicto, Sinarum annales omnes uniformiter incipiant. Quid autem Sinæ per suum sexaginta annorum Cyclum velint intelligi, item quos usus inde petant, breviter declarandum est.

Sciendum igitur, dictum Cyclum nihil esse aliud quàm periodum, seu aureum quemdam, ut ita loquar, numerum annorum sexaginta, qui binis singuli characteribus ceu nominibus sunt insigniti, quibus semel exactis, denud illos à capite seu unitate, quoad sexaginta confecerint, & sic iterum iterumque ordiuntur; non aliâ prope ratione, quàm quâ, exactâ primâ Olympiade, sive quatuor, ex quibus hæc constabat, annis, ad alios quatuor annos, adeoque

adeoque secundam Olympiadem, & sic ad tertiam quartamque Græci procedebant, cum ea tamen disparitate, quod Græci quidem, cum unaquæque Olympias quatuor duntaxat annis constaret, adeoque crebras admodum Olympiades esse necesse foret; ipsi non tantum quoto Olympiadis anno res aliqua fuisset gesta, sed etiam quota esset ipsa Olympias, sollicitè significarent, ne alioquin prorsus incerta confusaque redderetur temporum ratio. Sinæ verò tametsi in summario computo significant Cyclorum ipsorum numerum, haudquaquam tamen laborant, ut in decursu historiæ suæ identidem id Lectori revocent in memoriam, annum currentis Cycli duntaxat, ejusque nomen indicare contenti, ex quo nomine quotus is sit Cycli annus, facile conjicitur: cum is enim ætatem serè æquet hominis, & satis numerosam quippe sexaginta annorum seriem comprehendat, supervacaneum scilicet videbatur identidem rememorare quotus ipse Cyclus esset: in fine tamen suorum annalium summam Cyclorum omnium exactam Scriptores plerumque subducunt. Nos autem in hac Synopsi Chronologica, quod clariores simus, significabimus etiam quotus sit quisque Cyclus, uti & apud aliquos Scriptores legimus, & Olympias, ut ita loquar, Sinica. Porro singulis annorum suus, ut dixi, character est, suumque nomen, quod binis duntaxat litteris constat: litteræ autem partim sunt duodecim illæ, quibus ipsi diei noctisque duodecim horas distinguunt: tot etenim horas numerant, non uti nos quatuor & viginti: partim decem aliæ litteræ, quas nos radicales seu cardinales vocabimus. Jam verò & his & illis sic utuntur, ut primam numero horariam adjungant primæ cardinali, deinde secundam horariam secundæ cardinali, & sic deinceps: exacto denario numero, rursus primæ cardinali adjungunt undecimam horariam, secundæ duodecimam, tertiæ deinceps cardinali horariam

primam, &c. atque ita cùm horariae duabus litteris seu numeris superent cardinales, fit ut quævis horaria diversæ semper cardinali adjungatur, quoad exhaustis sexaginta annorum numeris, singuli ad primum situm & quasi pristinam societatem revertantur: quod ut magis perspicuum sit Lectori, nos hic Paradigma Sinicum, seu potius Europæum, quod Sinico respondet, subjicimus; hoc autem ex decem primis Alphabeti litteris sexies redeuntibus, nec nisi duodecim notis numeralibus seu horariis quinies redeuntibus contextetur.

PARADIGMA CYCLI SEXAGINTA ANNORUM
ex decem alphabeti litteris, & duodecim horarum
numeris concinnatum.

A I.	B II.	C III.	D IV.	E V.	F VI.	G VII.	H VIII.	I IX.	K X.	10.
A XI.	B XII.	C I.	D II.	E III.	F IV.	G V.	H VI.	I VII.	K VIII.	20.
A IX.	B X.	C XI.	D XII.	E I.	F II.	G III.	H IV.	I V.	K VI.	30.
A VII.	B VIII.	C IX.	D X.	E XI.	F XII.	G I.	H II.	I III.	K IV.	40.
A V.	B VI.	C VII.	D VIII.	E IX.	F X.	G XI.	H XII.	I I.	K II.	50.
A III.	B IV.	C V.	D VI.	E VII.	F VIII.	G IX.	H X.	I XI.	K XII.	60.

Atque hic est aureus ille, quem exhibemus, Sinarum numerus, ipsis lo xe hoa kia dictus, id est, sexaginta conversionum constructio: qui quidem numerus perennis instar fluvii suum semper cursum tenens, quæcumque tandem incidunt mutationes rerum, adeoque ipsos inter ortus atque occasus Regalium familiarum volvitur & volvetur, ut aiebat ille, in omne volubilis ævum. Illo autem non anni tantum, sed & menses, & dies, & horæ sua cum proportionem per totum signantur Imperium.

Ut igitur aptè dilucideque texatur hæc Chronologia,

Et sic, ut deinde nullum sit erroris periculum, pro regula nobis esse debet *Cyclus* ille, quem dixi, sexaginta annorum: hoc enim *Cyclo* ceu manu ducunt Lectorem *Historiographi* ad propria cujusque Imperatoris tempora, tam ea quibus ipse est auspicatus Imperium, quàm ea quibus idem tenuit atque administravit. Quòd si observetur aliqua varietas *Scriptores* inter, dum supputant annos quibus quisque imperavit, *Cyclus* iste litem mox dirimit; Et si quid fortè temporis vitio, vel negligentia *Typographorum* irrepperit, ceu accuratus *Censor* castigat emendatque. Exemplis res patebit.

In more positum est apud *Sinas*, ut annus iste quo moritur Imperator, tametsi primo anni mense mortuus sit, totus tamen eidem etiam mortuo adscribatur; adeoque is qui in Imperium successit, non nisi à primo mense proximè sequentis anni annos ordiatur Imperii sui; ubi è contrario, annum quo nati sunt, totum ætati suæ vulgò *Sinæ* adscribunt, tunc etiam quando postremo die anni nati sunt. Ita dicimus quòd *CHRISTUS* natus sit anno sexto Imperatoris ex *Han* familia, *Hiao ngai ti* dicti (quæ voces obedientem Et misericordem Imperatorem sonant) cùm hic tamen ejusdem anni mense sexto obierit; atque ita quinque ante mensibus quàm *Salvator* nasceretur. *Salvator* enim revera natus fuit sub ejus successore, cui *Hiao pim ti* cognomentum erat; quæ duæ voces seu litteræ obedientem Et pacificum Imperatorem significant. Cùm ergo nono mense ejusdem anni Princeps ille pacificus adierit Imperium, sequitur natalem Regis Regum verique *Pacifici* incidisse in tertium mensem novi Imperatoris, qui *Decembri Europæo* exactè respondebat, Et erat mensis undecimus anni sexti, qui totus tribuitur defuncto Imperatori. Atque hæc etiam est causa, cur plerumque *Historiographi*, tametsi mentionem faciant eorum Impera-

d ij

torum, quos non nisi diebus aliquot aut mensibus ejusdem anni, quo decessor obierit, contigit imperasse, à serie tamen Imperatorum eos excludant, quandoquidem nequeat iis adscribi iste annus quo orsi sunt Imperium.

Cæterum non raro accidit, ut aliqui Imperatores, præter morem jam dictum, pro arbitrio adscribi sibi voluerint annum illum quo eorum decessor obierat, tunc præsertim quando extinctâ veteri familiâ, nova & victrix Imperium suum auspicabatur, siue id felicitatis novo dominatui suo captandæ gratiâ, siue aliis de causis fecerint, uti planè nostris temporibus usuenit; nam ei qui auspicatus est Monarchiam Tartarico-Sinicam, Imperatori Xun chi dicto anni tribuuntur octodecim, cum tamen septemdecim tantum tribuendi sint, siquidem morem stylumque modò dictum rigidè observemus: sed nimirum vindicavit sibi Tartarus annum illum, quo postremus ex Ta mim familia Imperator cum chim dictus, laqueo sibi vitam & imperium finivit; adeoque cum dicitur hic cum chim imperasse annis septemdecim, & Tartarus octodecim, hic tamen revera nisi septemdecim imperaverit, eosque non integros, patet duos annos pro unico menses numerari: dixi non integros, quia Xun chi diem obiit secundo mense anni decimi octavi, qui pro antiquo usu totus ei tribuitur, prorsus ac si Cam hi ejus filius non nisi anno proximè sequenti patri successisset. Quocirca Lector perturbari non debet, si fortè in uno Scriptore aliud anni Cyclici nomen quo quis cæpit imperare, reperiat, in alio item aliud: quod enim decessoris annis exempli gratiâ adnumeratur, annis successoris detrahatur; unde errorem hunc aliosque hujusmodi Cycli perenni semper cursu volvens corrigit: quo neglecto, si quis omnes annos cæcè computet, qui unicuique Imperatorum plures ab aliis, ab aliis pauciores adscribuntur, à justo annorum computo pronissi-

pronissimum est aberrare; cum è contrario siquidem illâ Cyclorum normâ se rexerit, nullo negotio quidquid superfluum vel inæquale fuerit, mox tollet vel æquabit.

Imò ne tunc quidem errare periculum erit, cum plurimum annorum hiatus, vel alia quæpiam Scriptores inter diversitas occurrerit: etenim factum est subinde, ut priore familiâ nondum penitus extinctâ (propterea quod hujus Imperator quamvis obscurus jam victusque, adhuc tamen superstes esset) victor annos victi præter morem sibi vindicaret. Sic primo Imperatori duodecimæ familiæ Sui dictæ tribuuntur à quibusdam Historicis anni viginti quatuor, cum tamen tantum sexdecim tribui debeant, quippe non ante septimum ejusdem annum extinctus fuit præcedentis familiæ Chin dictæ Imperator: quos septem annos cum iisdem Scriptores familiæ quæ victa fuit non demant, & eosdem tamen rursus adscribant victrici, utique pronissimum erat errare, nisi bis repeti novem annos Cyclus illico doceret.

Rursus omittunt aliquando Historiographi non tantum Imperatores illos, qui per dies aliquot aut menses imperarunt, sed & illos qui per aliquot annos Imperium tenuere. Sic ante Yao Imperatorem per octo aut novem annos imperasse dicitur Chi Imperatoris Tico dicti filius; sed quia is deinde à paternis exemplis atque institutis degener deflexit, à Regulis Imperio suo privatus est, subrogato in ejus locum Yao Rege; quod alibi quoque non raro usurvenit.

Atque hisce de causis inter Scriptores haud exigua quandoque varietas existit, illos præsertim qui compendia sectantes, magis de rerum & sententiarum pondere, quàm de exacta illa temporum ratione laborant: unde si unum duntaxat alterumve Scriptorem Europæus hic consulat, utique periculum erit ne is in annis supputandis erret; contra si plures consuluerit, conciliare omnes inter se nullo propè negotio poterit.

Sed aliud quoque hic indicare operæpretium fuerit, quod erit Lectoribus Annalium Sinensium studiosè observandum: instituerunt enim quintæ familiæ Han Imperatores characteres quosdam seu potiùs cognomenta annorum ex duobus characteribus conflata, præter ea quæ à Cyclo, ut supra diximus, suo singuli ordine sortiuntur. Porro non illo tantùm anno quo quisque auspicabatur Imperium, sed & aliis deinde annis pro cuiusque Principis arbitrio nova nomina imponebant, priore scilicet cognomento cum suis annis relicto; atque ita novis quodammodo auspiciis imperare incipiebant, sive id captandæ novæ felicitatis gratiâ facerent, sive renovandi in se suisque Imperii. Hujusmodi cognomenta de multis sunt sequentia: æternum principium, æterna fortitudo, tranquillitas, veritas, lætitia, concordia, sanctitas, gloria, felicitas: item, summa virtus, belli virtus, mars inundans, suprema lex, suprema pax, gubernatio, concordia, prosperitas, pietas longæva; cæli auxilium, cæli lex, cæli thesaurus, cæli opus, cæli decus, cæli favor, cæli gaudium, cæli fortitudo, cæli firmitas, cæli prosperitas, &c. Fuerunt igitur qui decies mutarunt anni cognomentum pro ratione annorum plurium quibus imperavere: ad hæc cognomentis singulis alii annum unicum dederunt, alii quatuor, alii sex vel septem, alii denique omnes, quibus imperabant annos uno eodemque cognomento insignitos volvere.

Cùm igitur Historiographi in actis Imperatoris cuiuspiam commemorandis, quoad temporis computum, illius præcipuè cognomenti, quod proximè ab eo institutum erat, rationem habeant, ab illo numerantes annos Imperii, non aliter quàm si isto re vera anno auspicatus Imperium fuisset, pronissimum utique est Lectorem in supputandis istius Imperii annis hæsitare identidem, quin & errare,

(quamvis ipsi Cylo suus constet numerus & cursus imper-
turbatus) nisi institutionis hujus conscius reddatur. Res
tota exemplo fiet clarissima. Dicimus CHRISTUM Do-
minum natum fuisse Han' Ngai' Ti' Yuen' Xeu' Lh'
Nien', id est, Han' familiæ Ngai' Imperatoris' origi-
nalis' longævitatis' secundo' anno', (binæ litteræ Yuen
Xeu, seu originalis longævitatis anni cognomentum sunt)
sive postquam dictum cognomentum in usu esse cepit anno
secundo. Porro secundus hic annus revera sextus est dicti
Imperatoris, siquidem annos supputemus ad infallibilem
Cycli calculum: sed hic Imperator bina scilicet regnatui
suo cognomenta instituit: primum fuit Kien pim, ab eri-
genda pace dictum, quod cognomentum cum ipsis Imperii
auspiciis ortum suum habuit, & per annos quatuor fuit
in usu, quibus exactis aliud istud Yuen xeu, quod ori-
ginalem longævitatem sonat, anno Imperii sui quinto
imposuit, à quo tamen anni Imperii ejus denuò capti
sunt numerari à capite prorsus ac si alii quatuor non præ-
cessissent. Porro hoc cognomentum duobus annis duntaxat
(neque enim pluribus ipse vixit) duravit; cumque secun-
do ejusdem cognomenti anno natus sit CHRISTUS, si
supputes juxta Cyclum sexagenarium, erit is sextus
illius annus & postremus, qui est instituti ab ipso cogno-
menti secundus. Atque hic mos jam inde à quarto Impe-
ratore familiæ Han, anno ante Christum 196. inductus
usque ad hæc tempora nunquam interruptus perseveravit.
Ex penultima tamen familia Mim dicta, & hac Tar-
taro-Sinica, Imperatores singuli unicum duntaxat cogno-
mentum suo quisque regnatui assignaverunt.

Et hæc quidem de Sinicæ Chronologiæ epocha, seu sexa-
ginta annorum Cyclis eorumque usu dicta sufficiant, nunc
ad ipsam Tabulam Chronologicam progrediamur.



PRIMI SINARUM CONDITORES.

FOHI Sinicæ gentis Conditor, oriundus ex provincia *Xen si*, unde sedem transtulit in *Chin cheu* oppidum prov. *Ho nan*. Vi-ctimas offert Spiritui cœli & terræ, in quem finem alebat animalia. Ex contemplatione cœli & rerum sublunarium commentus librum seu tabulam *Te Kim* dictam, hoc est, Mutationum, cui commentandæ Rex *Ven nam* 1800. ferè post annis, & ejus filius *Cheu cum*, & 600. rursus post hunc annis *Confucius* Philosophus operam dedere. Orientis extremi incolas à barbara & agresti vita ad humanitatem FOHI paulatim reducit. Connubia stabilis eâ lege, ut non incantur nisi inter diversî nominis familias; quæ lex hodieque viget. Litterarum (quarum loco nodis utebantur) fundamenta lex jact. Musica quoque instrumenta, alterum 27. alterum 36. fidium invenit. Draconem vult esse gentis insigne, quod deinde *Vu nam* tertix familiæ Fundator sanxit ut esset quinque unguium pro solis Imperatoribus. Regnasse fertur centum & quindecim annis.

XIN NUM matre *Ngan tem* oriundus, placidi vir ingenii, & qui elementia suâ vicinos sibi barbaros conciliavit. Aux sedem ex *Honan* transtulit in *Ten cheu* in prov. *Xan tum*. Invenit aratrum, & docet agros colere & serere. Medicum agit. Die uno fertur duodecim herbas venenatas, ac totidem antidota invenisse. Herbariolum conflatur. Ex aqua marina sal conficit. Mercimonia instituit, forum ad nundinas designat. Dicitur obiisse dum ditiones *Hu quam* lustraret. Regnasse traditur 140. annis, & sepultus esse in civitate *Cim*.

Recensentur hujus posterî seu successores septem per annos 380. an & quam privatim ditionem administrarint, incertum. Memorant certè XIN NUM posteros à tertix *Cheu* familiæ Conditor *Vu nam* donatos dynastiâ *Ciao* 1700. circiter post annis. Scribunt item aliqui XIN NUM fratrem extitisse proximè sequentis HOAM TI Imperatoris ex patre scilicet Regulo *Yeu hiun*.



TABULA

TABULA
GENEALOGICA
TRIUM FAMILIARUM
IMPERIALIUM
MONARCHIÆ SINICÆ

à HOAM TI primo gentis Imperatore
per 86. successores, & annos 2457. ante Christum.

*E Sinico Latine exhibita à R. P. PHILIPPO COUPEET
Belgâ, Soc. Jesu ; Sinicæ Missionis
in Urbem Procuratori.*



HOAM TI.
PERDUIT ANNI 100.



Linea tertiaz familiæ Imperialis.

- A. HOAM TI primus Imperator, à quo perpetua hæc series genealogica trium familiarum Principum ducit exordium. Cœpit imperare ante Christum 2697. imperavit an. 100. Ex hujus quoque stirpe 1500. ferè post annis à VU VAM creati sunt Reguli regni *Cho*, in prov. *Xan tum* propagati per 700. circiter annos.
- B. *Cham y* filius HOAM TI. Hujus filios ac nepotes TI CO quartus Imper. donavit ditionibus regni *Xo*, nunc prov. *Sa chuen*.
- C. *Hoen tun* filius HOAM TI, vir improbus & ferox, cujus filium aut nepotem certè, ejusdem cognomenti, extinxit XUN sextus Imperator.
- D. *Pa tai*, hoc est, octo concordēs, filii CHUEN HIO, qui imperante XUN præcipuis muneribus perfuncti sunt.
- E. *Kunt ki* filius XAO HAO, vir improbus: hujus stirpem extinxit XUN Imper.
- F. *Hi, Sin, Cai, Chum*, quatuor filii Imperatoris XAO HAO munus publicum obierunt imperante CHUEN HIO.
- G. *Pa yuen*, hoc est, octo probi, filii TI CO, qui imperante XUN inter Primates Imperii recensentur.
- H. *Hen cie* filius TI CO, tertiæ familiæ Imperialis *Chen* truncus: huic à XUN Imp. demandata rei agrariæ cura. Creatus fuit Regulus regni *Tai* in prov. *Xen si*.
- I. YAO quintus Imperator & unà Legislator, fuit filius TI CO: hujus deinde posterii 1200. ferè post annis à VU VAM creati Reguli regni *Ki* in prov. *Pe kam*, & 700. ferè post annis extincti.
- K. *Chi* filius TI CO, mortuo patre imperat an. 8. sed quia veneri & luxui deditus, à Regulis ejectus, substituto YAO fratre. Non ponitur in serie Imperatorum à scriptoribus.
- L. *Sie* filius TI CO, secundæ familiæ Imperialis *Xam* truncus. Imperantibus YAO & XUN præcipuum magistratum gessit, donatus ditione *Xam* dictâ: quod nomen ad Imperatoriam familiam transit.
- M. *Cu seu*, pater XUN sexti Imperatoris, vir improbus.
- N. *Lao pun*, aliàs *Cien kien*, cujus meminit *Confucius*, filius erat *Hoei*, pronepos Imperatoris CHUEN HIO. Magistratum gessit sub variis Imperatoribus. Vivisse traditur 700. annis, filios genuisse 54. sepultus in *Mai cheu* oppido prov. *Sa chuen*, aut *Siu cheu*, prov. *Nan kin*.
- O. *Tan chu* filius YAO Imper. ob pravam indolem à patre exclusus à successione.
- P. *Ho xo, Ho chum, Hi xo, Hi chum*, quatuor filii YAO Imperatoris, per singulas anni tempestates Præfecturam gesserunt, sic ut primus magistratum gereret verno tempore, alter æstivo, tertius autumnali, quartus denique brumali.
- Q. *Siam* filius *Cu seu*, frater XUN ex noverca, vitæ fratris quondam infidiatus, ab eodem tamen deinde regni potito donatus ampla ditione.
- R. XUN sextus Imperator & unà Legislator. Hujus posterii 1100. ferè post annis à VU VAM creati Reguli regni *Chin* in prov. *Ho nan*.
- S. *Quen* tertii Imp. CHUEN HIO è quintâ (ut aliqui scribunt) stirpe nepos. Pater fuit YU primæ familiæ conditoris, vir improbus, quique ob expensas publicas in aquarum eluvionibus aliò derivandis inutiliter factas à XUN Imperatore interfectus est.
- T. *Xam kien* filius XUN, à successione exclusus à patre, quia inutilis ac degener.
- V. YU seu *Ta yu*, filius *Quen*, è quinta stirpe nepos CHUEN HIO tertii Imperatoris. Fuit primæ familiæ *Hia* dictæ Princeps & Conditor: quæ familia per annos 458. sub 17. Imperatoribus stetit. Posterii illius à CHIM TAM sequentis familiæ Conditor creati Reguli regni *Ki* in prov. *Ho nan*, propagati per 700. ferè annos.
- X. *Vu yu* & *Kio lie*, filii XAO CAM, creati Dynastæ, hic ditionis *Hoei*, ille ditionis *Vm*.
- Y. *Kie* ultimus Imperator primæ familiæ *Hia*, quam justitiâ & pietate inchoatam, tyrannide & libidine pessum dedit. Huic successit secunda *Xam* familia.


Secundæ Familix Imperialis *Xam* Tabula.



Linea tertix Familix Imperialis.

- A. *Sie* filius est *Ti* co quarti Imperatoris, & *HOAM TI* è quarta stirpe nepos. Ab hujus stirpe continuatur series secundæ familiæ Imperialis.
- B. *CHIM TAM* Princeps & Conditor secundæ familiæ *Xam* dictæ, & deinde *Yen* quæ per annos 644. à 28. Imperatoribus propagata est.
- C. *Tai tim* primogenitus *CHIM TAM*, patre superstiti obiit, relicto hærede filio.
- D. *Ki en* filius *TAI TIM* 26. Imperatoris, dimissus è carcere, à *VU VAM* Imperatore creatur Rex *Coreæ*, planè dominus & juris sui, & obsequio clientari liber.
- E. *Pi can* filius *TAI TIM* Imperatoris, à *CHEU* postremo Imperatore qui monentem non ferebat, crudeliter interemptus.
- F. *Pi en* filius primogenitus *TI YE* Imperatoris, imperante tyranno *Chen* in sylvas fugerat. unde revocatus, à *CHIM VAM* tertiæ familiæ secundo Imperatore creatur Regulus regni *Sam* in prov. *Honan*, exemptus onere clientelari, & ritu familiæ suæ proprio regere permixsus. Porro familia hæc filio præmaturè mortuo, & ad *Pi chum* fratrem translata, per 32. Regulos propagata, tandem fuit extincta à Dynastiæ regni *Ci*. Regni autem *Ci* caput & princeps deinde à *VU VAM* creatus fuit *Tai cam vam*. Propagata hujus familia à 28. Regulis, donec à *Colao Tien ho* dicto extincta. *Tien ho* deinde creatus Regulus ejusdem regni *Ci* à familiæ *Chen* 30. Imperatore *NGAN VAM*. Hæc fuit stirps propagata per 7. Regulos, ac demum à Regulo regni *Cin* extincta.
- G. *CHEU* filius tertius *TI YE* Imperatoris: ob cujus tyrannidem extincta familia *Xam*, succedente tertiâ *Chen* familiâ.
- H. *Pi chum*, aliâs *Chum yen*, secundus filius *TI YE* penultimi Imperatoris: in regno fraterno *Sam* degit, ubi ejus filii & nepotes publicis perfundi muneribus. Ab hoc continuatam describunt stirpem *Confucii* Sinarum Philosophi.
- I. *Vu kem* filius *Chen* ultimi ex familia *Xam* Imperatoris, cum temere multa spargeret in vulgus contra *CHIM VAM* secundum novæ jam familiæ *Chen* Imperatorem, decedens fuit à *Chen cam*.
- K. *Cam su kia* filius *Chum cao su*; à quo fa-

- milie *Confucii* nomen *Cam* inditum, quod hodieque in familiâ conservatur.
- L. *Xo leam be*, filius *Pe ha*, Præfectus ditionis *Cen* dictæ. Hic cum novem filias, marem nullum genuisset, jam septuagenarius puellam *Chum* duxit, oriundam ex familia *Yen*, quæ tunc præcipue nobilitatis erat; & quamvis obscurior ipse censeretur, quod tamen constaret, stirpem ex Imperatoris sanguine quamvis remotam ducere, expetitis nuptiis potitus est: ex his natus est *Confucius*.
- M. *Cum su en*, seu *Confucius*, filius *Xo leam be*, natus an. 11. *Lim vam* Imperatoris, ante Christum 551. vir, uti morali nobilitate, quæ à virtute litteris que petitur, inter Sinas nobilis; ita sanguinis quoque nobilitate nemini fortassis aliarum Gentium secundus. Præterquam enim quod à *HOAM TI* primo gentis Imperatore per rectam lineam descendat, ipsiusmet quoque filii & nepotes per annos bis mille dðcentos & amplius splendorem domus suæ conservant in hodiernum usque diem, quo ejus nepos ordine 67. (aut fortè 68.) cum titulo *Que cam*, hoc est, Ducis, solus è Sinis à tributo liber residet in natali urbe *Kio seu* in prov. *Xan tam*, propriâ & perantiquâ familiæ istius sede. Itaque ab Imperatore *HOAM TI* supputando annos usque ad natum *Confucium*, sunt 2146. his si addas 2237. qui sunt à nato *Confucio* usque ad sæculi hujus 1683. fatendum erit unam eandemque stirpem annis omnino 4383. per filios & nepotes numquam interrupta serie fuisse propagatam, siquidem Sinenfium fastis fides adhibenda.
- N. *Pe yu* filius unicus *Confucii* obiit ætatis suæ anno 50. cum pater ageret ætatis annum 69.
- O. *en su* filius *Pe yu*, magnis in Imperio perfundus muneribus, scripsit librum *Chum yam*, seu de medio, ex mente avi sui *Confucii*, cujus adeo censeretur interpres. Magister & ipse secundi Sinarum Philosophi, cui *Memius* est nomen, cujus posteritas tamen in ortu suo obscura, tamen huc usque perseverat, & in aulâ suis quoque honorumtutulis ab Imperatoribus decoratur.



- A. *Hen cie* quarti Monarchiz Imperatoris *Ti co* filius, & tertiz familiz *Chen* deinde dictæ truncus. Huic à *Xun* demandata rei agrariz cura, & ob merita creatus Dynasta ditionis *Tai* in prov. *Xen si*. Hujus stirps sub duabus familiis regijs *Hia* & *Xam* per 40. generationes continuata recensetur: hic verò eorum ferè nomina qui rem memoriâ dignam reliquerunt, à scriptoribus asseruntur, et si recenseantur fortè in alijs libris qui hic desiderantur.
- B. *Pu co* è stirpe *Hen cie* magistratum gessit sub primâ *Hia* familiâ. Cùm autem videret leges & jura regni pessumdari, & familiam regiam ad interitum vergere, deposito Magistratu clam confugit ad terras barbarorum, ibique rem agrariam (antiquum & proprium familiz munus) cœpit instituere, qua re omnium animos sibi devinxit. Ab hoc rursus propagata familia per filios & nepotes usque ad *Cum lien*.
- C. *Cum lien* cùm ditionem barbaris cinctam obtineret, sic tamen suos instituit, ut vicinis quoque amori esset ac venerationi; unde crescente in dies populi multitudine, in amplam ditionem *Pin*, nunc *Pin chen* dictam, in prov. *Xen si* sese contulit anno 22. Imperatoris *Kie*, qui è prima familia *Hia* 17. fuit & postremus. A *Cum lien* verò usque ad *Tai vam* recensentur 9. generationes.
- D. *Tai vam* seu *Cu cum*, collapsum nonnihil familiz statum restauravit, & debellatis deinde barbaris in loco *Ki xan* (ubi modò est *Fum tiam* urbs prov. *Xen si*) ibidem stabilem fixit sedem, & novum familiz suæ nomen *Chen* indidit, quod idem nomen perseveravit deinde in familia Imperiali. Facta est autem ea ex *Pin* ditione in *Ki xan* transmigratione anno 26. *Siao ye* Imperatoris decimi non ex familia *Xam* secunda.
- E. *Tai pe*, & *Yu chung*, aliàs *Chum yam*, (laudati ambo à *Confucio*) filii *Tai vam* majores natu, cùm scirent minorem natu fratrem *Ki lie* à patre amari impensius, eique destinari regnum, in utriusque gratiam spontanei exules barbarorum Australium ditiones ultrò petunt: quos ut celent genus suum tonsa cæsarie, nec non maculis servilibusque notis cor-

- pus suum deformant: *Tai pe* tamen à barbaris illis electus fuit *Regulus regni V*, fundavitque nobilem urbem *Su chen*, ubi ejus sepulchrum hodieque extat, in prov. *Nan kim*. Scribunt item à *Vu vam* creatum *Regulum* ejusdem regni *V* pronepote[m] hujus *Chum yam*.
- F. *Ki lie*, seu *Vam ki*, patri *Tai vam* succedit in ditiones. Insigni pietate & justitia *Regulorum* animos sibi devinxit. Barbaros *Pekineses* jussu *Tai tim* & *Ti ye* duorum Imperatorum feliciter domuit. Obiit imperantis *Ti ye* anno septimo, relicto filio *Ven vam* 47. annos tunc agente.
- G. *Ven vam*, filius *Ki lie*, Imperiali familia *Xam* in ruinam vergente. 40. *Reguli* se illi subdunt. E tribus Imperii partibus duas benevolentia & veneratione virtutum devinctas sibi habet. Non ponitur tamen in serie Imperatorum. Reliquit filios 12. quos inter *Vu vam* tertiz familiz *Chen* fundator.
- H. *Vu vam* filius præpotentis Regis *Ven vam*, ipse Princeps & Conditor amplissimæ *Chen* familiz, quæ per annos 873. à 35. Imperatoribus propagata est. Hic Imperator fratribus suis varia contulit regna: filios quoque suos ac nepotes, prout quisque virtute cæteris præcelleret, dignitate quoque voluit præcellere.
- I. *Pe ye cao*, filius *Ven vam* natu maximus, ex optimatibus Imperatoris *Chen*, qui postremus fuit familiz *Xam*. Hic eundem *Pe ye cao* (patre in vinculis detento) interfecit, & carnes intersecti frigus apteque conditas *Ven vam* patri ceu edulium è mensa Regia offerri jussit, addens, siquidem ipse vir sanctus esset, jam proculdubio præciturum cuiusmodi edulium istud esset.
- K. *cao vo chin* filius *Ven vam* præmaturè obiit.
- L. *Pie cam cao* filius *Ven vam*, ex optimatibus Imperii unus; creatus ab fratre suo *Vu vam* *Regulus regni Pu*, quæ nunc est Metropolis prov. *Xen si*, dicta *Singan*.
- M. *Cam xo* filius *Ven vam*, creatus à fratre *Vu vam* *Regulus regni Guel* in prov. *Ho nan*. Post 800. & amplius annos extincta ejus familia à *Regulo R. Cim* postquam fuerat per 37. *Regulos* propagata.

- N. *Xo fen* filius *Pen vam*, à fratre *Vu vam* creatus Regulus regni *Quon* in prov. *Ho nan*: sed mox imperante *Chim vam* eum rebellium moliretur, à *Chen cum* fratre occisus est.
- O. *Xo chen* filius *Pen vam* creatus à fratre *Vu vam* Regulus regni *Ho* in prov. *Xan f*, nunc urbs *Pum yam*: quia verb imperante *Chim vam* visus est rebellionem moliri. in ordinem plebeiorum redactus fuit à *Chen cum*: ejus tamen familiae Reguli per 700. ferè annos propagati sunt; & tandem extincti à *Regulis* regnum *Cin* & *fu*.
- P. *Chen cum* & filius *Pen vam*, ex Imperii primatibus unus, & à fratre *Vu vam* creatus Regulus regni *Ten* nunc prov. *Pe kim*. Per 18. Regulos propagata hujus familia, demum à Regulo regni *Cin* extinguita est.
- Q. *Chen cum* filius *Pen vam*, omnium scriptorum *Confucii* imprimis encomiis celebratus, à fratre suo *Vu vam* creatus primus Regulus regni *Lu* nunc prov. *Xan tum*.
- R. *Xo vu* filius *Pen vam*, à fratre *Vu vam* creatus Regulus regni *Chim* in prov. *Xan tum*, quod deinde collapsum Imperator *Siu am vam*, hujus familiae *Chen* undecimus, dedit fratri suo *Chim* dicto.
- S. *Xo chin* filius *Pen vam*, à fratre *Vu vam* creatus Regulus regni *fo* in prov. *Xan tum*. Hujus familia propagata fuit per 15. Regulos, donec à Regulo regni *Sam* extinguita.
- T. *Xo tu* filius *Pen vam*, creatus Regulus regni *fo* in prov. *Ho nan*, at quia suspectus rebellionis contra *Chim vam*, ejectus fuit à *Chen cum*: familia tamen ejus per 11. Regulos propagata fuit, ac tandem à Regulo regni *fu* extinguita.
- V. *Pe kim* filius *Chen cum*, revocato à *Chim vam* in aulam patre, huic in regnum *Lu* successit; & eum perpetua deinde serie 31. Reguli consecuti, donec à *fu* regni Regulo *Chao lie vam* dicto extinguita est hæc familia. Porro à *Chim vam* creatus erat *Hium ye* caput & Princeps regni *fu*. Propagata hujus familia per 15. Regulos, ac demum extinguita à Regulo regni *Cin*.
- X. *Xo yu* filius secundus *Chim vam*, à qui creatus Regulus regni *Tam*, ac deinde regni *Cin* dicti, in qua familia propagata fuit à 19. Regulis, donec à tribus Regulis regnorum *Han*, *Guei* & *Chao* fuit extinguita. Hæc autem tria regna à *Gusilia vam* 19. Imperatore familiae *Chen* inter Optimates distributa sunt: & demum à Regulo regni *Cin* extinguita & postquam regnum *Han* numeraverat 10. Regulos, regnum *Guei* octo, & regnum *Chao* 11. Hujus postremi regni olim à *Mu vam* 5. Imperatore familiae *Chen* creatus Regulus *fo* & *fu* fuerat.
- Y. *Chim* filius *Li vam*, à fratre *Suen vam* creatus Regulus regni ejusdem cognomen *Chim*: hujus familia per 11. Regulos propa-
- gata, extinguita tandem fuit à Regulo regni. *Han*.
- Z. *Pe fo* filius Imp. *Yeu vam* ex *Pao fu* pellice. Hunc destinaverat pater Imperii hæredem: sed occiso patre & pellice, successit legitimus filius *Pim vam*.
- AA. *Ke* patre mortuo regnum affectat: detecta conjuratione fugit.
- BB. *fu mi*, patre mortuo regnum affectat: sed tandem eum rebellibus occisus.
- CC. *Xo sai* filius secundus *Horz vam*, quem pater Imperii hæredem destinat, qui tamen potiri non potest, Regulis jurejurando fidem ubi stringentibus majori natu *Siam vam* postea dicto: itaque post multa bella tandem occiditur à *Pen cum* Regulo regni *Cin*.
- DD. *fu xim*, *Ad cum*, & *fu chao* filii Imper. *Kim vam* premortui abierunt.
- EE. *Ngai vam* filius *Chin tim vam*, patre sub ictum anni mortuo imperare via coepit, eum tertio mense à fratre interfecit.
- FF. *Su vam* filius item *Chin tim vam*, & fratriscida, usurpavit Imperium, quod quinto post mense amisit, interfecit à minore fratre *CAO vam*, qui 15. deinde annis Imperium administravit.
- GG. *Huen cum* filius *CAO vam*, à fratre *Guei* *lie vam* creatus Regulus in prov. *Ho nan*, cui dein successit *Guei cum* filius.
- HH. *Heti cum*, nepos *Huen cum* Regulus *Ho nan*, filium minorem *Tam chen kim* dictum creavit Regulum ditionis *Cum*, nunc urbs est *Ho nan* prov. *Ho nan* item dictæ.
- II. Si *chen cum* primogenitus *Heti cum* sic dictus, quia fuit regionis Occidentalis Regulus in eadem prov. *Ho nan*.
- KK. *Tum cheu kim* ultimus & 35. familiae *Chen* Princeps, filius hic fuit *Heti cum*, & à quinta stirpe nepos *Chin tim vam* Imperatoris 17. Extincta fuit hæc familia à Regulo regni *Cin*, dicto *Chuan siam vam*: erat autem dictus Regulus oriundus ex stirpe *Pi fu*, quem 8. Imperator familiae *Chen* *Hiao vam* regno *Cin* donaverat: ejus stirps à 37. Regulis propagata, tandem sub *Xi nuam ti* Imperio quoque potita fuit, verum tribus & quadraginta post annis extinguita familia, ad eam quæ *Han* dicitur, translata Imperium.
- Atque hæc demum est trium familiarum Imperialium series genealogica, quam idcirco placuit hic habere, quæ ex familiae reliquis omnes quæ consecutæ sunt, decem & novem & annorum diuturnitate & felici administratione, nec non virtutum & pietatis laude (si postrema tertie familiae tempora exceperis) longè superaverint; reliquarum verb familiarum series genealogicae accuratè conscriptas qui voluerit, consulat, si placet, Sinenfes Historiographos.



TABULA CHRONOLOGICA Monarchiæ Sinicæ ANTE CHRISTUM juxta Cyclos annorum 60.

CYCLUS
1.
Annus
ante Chr.
1697.

1. HOAM TI,
alio nomine
Hsien yuen,
regnat annis 100.



OAM TI, hoc est, flavus Imperator, matre *Fu pao* natus, & Fundator Monarchiæ, duodennis cœpit imperare, electus à Regulis. Aulam habuit *Cho cheu* in provincia *Pe kim*. Templum Pacis dedicat *Xam ti*, id est, supremo Imperatori seu Deo, etsi dein sub dio sacrificari solitum. Rebellem *Chi yu* è stirpe *X'in num* tertio prælio debellat. Majestas Imperii sub hoc cœpit; diadema, color flavus solis Imperatoribus permissus.

Ulus operâ *Ta nao* Cyclum sexagenarium perficit.

Astronomiam & Arithmeticam tabulam, necnon Musicam & musica instrumenta invenit, item arma, arcum, retia, currus, navigia, artes fabrilem & figulinam, mensuras ac pondera.

Fundit 12. æra campana, 12. anni menses referentia.

Ciu cum & *cam kie* (qui & characteres invenit) Chronistas creat.

Colaos, seu supremos regni Ministros sex creat.

Rebelles Principes quinque debellat.

Regina *Luy fu* docet bombyces alere, sericum texere, & coloribus intingere.

CYCLUS
11.
Annus
ante Chr.
1637.

HOAM TI artem quoque medicam de pulsibus huc usque usitatam pluribus libris conscribit, adiutoribus *Ki pe*, *So ven*, *Luy cum*.

A

MONARCHIÆ SINICÆ

		<p>Avis Solis in palatii fastigio, & in sylva Unicornis conspicitur, utrumque magnæ felicitatis augurium.</p> <p>Filios mares habuit 25. à quibus series nepotum longissima: quin & trium Imperialium familiarum Imperatores 85. per annos 2457. ab HOAM TI ceu rami à trunco ortum ducunt.</p> <p>Anno secundi Cycli 40. HOAM TI moritur æt. 111. sepultus in prov. <i>Xan tum</i>. Anno 41. succedit XAO HAO decessoris filius ex <i>Luy su</i> Regina: hujus natale solum, aula & sepulcrum, <i>Kio seu</i> civitas prov. <i>Xan tum</i>.</p>
<p>CYCLUS III. Annus anteChr. 2577.</p>	<p>2. XAO HAO, aliàs <i>Kim sien</i>. regn. 84.</p>	<p>Imperante XAO HAO Avis Solis rursus visa, quam vult esse insigne Imperii.</p> <p>Pax sub hoc diuturna. Cœtus hominum muris claudit, urbesque constituit.</p> <p>Auctor est novæ musicæ. Trahendis curribus boves jungit.</p> <p>Per varia volucrum genera distinguit Præfectorum civilium gradus novem: per belluarum symbola, militarium Præfectorum sex ordines, qui mos hodie durat.</p> <p>Hujus 4. filii magistratum gerunt sub sequenti Imp. <i>Kien li</i> seu novem Dynastæ ordinem sacrificiorum perturbant, plebem spectris & larvis dementant: hinc initia superstitionum, ex quo periclitatur Imperium.</p>
<p>CYCLUS IV. Annus anteChr. 2577.</p>	<p>3. CHUEN HIO, aliàs <i>Cao Yam</i>. regn. 78.</p>	<p>Anno hujus Cycli 4. moritur XAO HAO ætat. 100. Anno 5. succedit CHUEN HIO nepos HOAM TI ex matre <i>Kim kine</i>.</p> <p>Aula in oppido <i>Hoa</i> prov. <i>Pe kim</i>.</p> <p>Princeps pius & religiosus, debellat 9. Regulos, sacrificiorum ritus ad pristinum reducit, sublati abusibus.</p> <p>Statuit ut supremo cœli Imperatori solus Imperator in terrâ solenni ritu sacrificet.</p> <p>Fuit auctor & parens Calendarii, quod quotannis à solâ aulâ solenniter per Imperium hodieque distribuitur.</p> <p>Principium anni statuit à Novilunio principio Veris proximo, quod respondet in Sina quinto Aquarii gradui, quæ ratio temporis subinde fuit immutata, & uno altero mense anticipata, ac tandem sub 5^a familiæ <i>Han</i> 5^a Imperatore <i>Hiao nu</i> revocata usque hodie observatur.</p> <p>5. Planetarum conjunctio tum ab eo observata eo ipso die, quo Solis & Lunæ conjunctio fuit.</p>
<p>CYCLUS V. Annus anteChr. 2457.</p>	<p>4. TI CO. aliàs <i>Cao fan</i>. regn. 70.</p>	<p>Anno Cycli 22. moritur CHUEN HIO æt. 91. sepultus in oppido <i>Hoa</i> prov. <i>Pe kim</i>. Ejus epitaphiû hodie extat.</p> <p>Anno 23. succedit TI CO ejus nepos ex <i>Chao kie</i> patre.</p> <p>Aula <i>Yen su</i> civitas, prov. <i>Honan</i>.</p> <p>Princeps obediens cœlo, spirituum quoque venerator, gravis & beneficus, forma Imperio digna.</p> <p>Eodem quo sapientes habitu & cultu utitur.</p> <p>Pax sub hoc diuturna. Fratres eorumque filios Dynastas creat in prov. <i>Sa chuen</i>.</p>

TABULA CHRONOLOGICA.

3

		<p>Quatuor Reginas novo exemplo habuit. Prima post votum Deo factum impetravit <i>Cie</i> filium, de re agraria optime apud posteros meritum. Secunda dicta <i>Kim</i> tu, decimo quarto à conceptu mense enixa est <i>Yao</i>. Tertia post oblatum Deo sacrificium suscepit <i>Sie</i>. Quarta <i>Chi</i> filium habuit.</p>
<p>CYCLUS VI. Annus ante Chr. 2397.</p>	<p><i>Chi</i> regn. 8.</p> <p>5. <i>YAO</i>. aliis <i>Tam</i> & <i>Tao</i>, regn. 100.</p>	<p>Ti co cōstituit publicos præceptores edocēdis populis. Vocalem musicam instituit, ad unionem mutuam & virtutum studia provocantem.</p> <p>Anno Cycli 32. moritur Ti co æt. 105. sepultus in <i>Pe kim</i>. Anno 33. succedit <i>Chi</i> filius è quarta Regina, sed quia exlex & degener, anno Cycli 40. à regulis privatur Imperio. Hic à numero Imperatorum excluditur.</p> <p>Anno 41. <i>YAO</i> filius Ti co Imperio præficitur. Solus regnat annis 72. & insuper cum <i>XU N</i> Collega 28. an.</p> <p>Aula urbs <i>Tai yuen</i> in prov. <i>Xan si</i>.</p> <p>Fuit hic Imperator simul & Legislator uti & <i>XU N</i> successor, uterq; totius posteritatis Principibus norma & exemplar jerga pauperes pius, & ætate grandævus reverens: quod eorum certus numerus in singulis urbibus hodieque annonà regià alatur, hinc manasse creditur.</p>
<p>CYCLUS VII. Annus ante Chr. 2337.</p>		<p><i>YAO</i> cū opibus abundaret, vulgari victu, vestitu, domo, strato contentus imperat. Suorum culpās & publicas calamitates sibi uni adscribit.</p> <p>Astronomis <i>Ho</i> & <i>Hi</i> adiutoribus ordinat 12. lunares menses, sex 30. dierum, & totidem 29. quin & intercalares menses, qui intra annos 19. septies recurrunt.</p> <p>Sex tribunalia suprema instituit, quæ hodieque perseverant, uti & quinque ordines Nobilium titularium.</p> <p>Adeò suaviter per 50. annos regit, ut regere non sentiretur.</p> <p>Anno Cycli 40. ingens diluvium novennale. Ejus aquis educendis præfuit <i>Quen</i>. Hic inertie suæ pœnam capite luit. Ejus filius <i>Yu</i> substituitur, qui 13. annos educendis in mare & aliò aquis feliciter impendit, sceptrum pro meritis obtenturus.</p> <p>Anno 50. <i>XU N</i> ex agro ad præfecturam evehitur ab <i>YAO</i> solà obedientiæ famâ commoro. Eidem duas filias nuptui dat.</p> <p>Anno 53. ad Imperii per annos 28. societatem evehitur <i>XU N</i>. Hic quoties lustrat Imperium, priùs <i>Xam ti</i> seu Deo sacrificat. Domat rebelles quatuor è stirpe <i>Hoam ti</i>. Quinque genera suppliciorum instituit, in iis exequendis cōmiserationem commendans. Vide <i>Xu kim</i>.</p>
<p>CYCLUS VIII. Annus ante Chr. 2277.</p>		<p><i>XU N</i> Sphæram 7. planetarum construit ex pretiosis lapidibus; Imperium in 12. dividit regiones.</p> <p>Anno Cycli 20. moritur <i>YAO</i> æt. 118. relictis 9. filiis, sepultus in <i>Kio fen</i> in prov. <i>Xan tam</i>. Eum per triennium luget populus, velut patrem matremque.</p>

	6. XUN, aliàs Xn, solus regn. 50.	<p>Anno 21. succedit XUN à decessore designatus. Aula <i>Pu chen</i> in prov. <i>Xan fi</i>. Tria examina instituit ad Præfecti cuiusque merita & demerita exploranda.</p> <p>Anno 36. novæ stellæ visæ, quorum una instar semilunæ, nubes item visæ insolitis coloribus variegatæ.</p> <p>Musicam novam instituit, canit ipse tam voce quàm fidibus.</p> <p>Hiscæ temporibus aut fasces lignorum cadavera invollebant, aut testaceis usi sarcophagis, hos seq. Imperator iussit è ligno compingi, qui mos hodieque viget.</p> <p>Anno 54. feligit Xn in Imperii Collegam per an. 17.</p> <p>In tabula palam exposita notari à quovis permittit, si quid à se peccatur. Sunt huic à consiliis octo è stirpe CHUEN HIO, & totidem è stirpe TI CO. Optimatum ejus <i>Cao tao</i>, <i>Pe ye</i> & <i>Cie</i> præclara monita extant in libro <i>Xn kim</i>.</p>
CYCLOS IX. Annus ante Chr. 2117.	<p>1. YU, solus reg. 10.</p> <p>2. TI KI regn. 9.</p> <p>3. TAI CAM reg. 29.</p> <p>4. CHUM CAM regn. 13.</p>	<p>Anno Cycli 10 XUN moritur ætat. 110. sepultus in prov. <i>Xan fi</i>. Anno 11 succedit YU seu TA YU, id est, <i>Magnus YU</i>, CHUEN HIO ex quinta stirpe nepos, à XUN electus relictis filiis. Fundat primam Imperialem familiam <i>Hia</i>, quæ tenuit annis 458. sub 17. Imperatoribus.</p> <p>Aula, oppidum <i>Ngan ye</i> in prov. <i>Xan fi</i>.</p> <p>Pius & misericors. In 9. provincias Imperium dividit, annotans cuique ditioni quænam (ex 28.) constellatio respondeat. V. in lib. <i>Xn kim</i> quæ de agrorum divisione & agricultura conscripsit.</p> <p>Novem vasa ingentia fundit velut 9. Provinciarum monumenta. Musicam instituit in laudem 2. Legislatorum <i>Yao</i> & <i>Xan</i>. Vinum vetat, inventore <i>X tie</i> castigato. Tympanum & campanam ad palatii valvas erigit, cujus pulsus suos auditurus prodeat: qui usus hodieque viget.</p> <p>Anno 20. YU moritur ætat. 100. Anno 21. succedit TI KI filius, à Regulis ob merita patris electus, relicto <i>Ye Colao</i>, quem YU prædecessor cælo proposuerat in successorem. Ab hoc hæreditaria per filios successio & nepotes. Novem ordines musicæ & tripudiorum instituit.</p> <p>Anno 29. moritur TI KI, an. 30. succedit TAI CAM fil.</p> <p>Anno 31. quinque fratres suos dynastiis donat: ipse verò luxui & venationi deditus, Imperii res negligit.</p> <p>Anno 47. venationi ultra fluvium <i>Lo</i> per 100. dies vacanti intercipitur ab <i>T</i> Regulo ad aulam reditus, assumitur in folium frater minor CHUM CAM, qui titulum regium recusat vivente fratre.</p> <p>Anno 58. TAI CAM moritur, pergit regere CHUM CAM prudens & modestus Princeps.</p>
CYCLOS X. Annus ante Chr. 2157.	5. TI SIAM regn. 27.	<p>Anno Cycli 2. aut ut alii, 6. Eclipsis Solis, quam quia <i>Hi</i> & <i>Ho</i> Astronomicæ rei Præfecti vino immergi non detexere, morte mulctantur.</p> <p>Anno 13. CHUM CAM moritur. Anno 14. succedit TI SIAM filius,</p>

A patris

TABULA CHRONOLOGICA.

5

	<i>Hanze intrusus</i> regn. 40.	A patris institutis degenerat: aulā mutat in <i>Xamkien</i> . Committit temerē regimen Imperii & Regulo; hic <i>Hanze</i> , à quo paullo pōst ē medio tollitur. Anno 38. <i>Ti SIAM</i> occiditur à <i>Hanze</i> , qui usurpat tenetque Imperium per 40. annos. Regina ad patrem Regulum regni <i>Gem</i> pragnans fugit, paritque <i>Xao cam</i> , qui post 40. annorum interregnum imperabit.
CYCLUS XI. Annus anteChr. 1097.	6. <i>XAO CAM</i> regn. 12. 7. <i>TI XU</i> regn. 17. 8. <i>TI HOAY</i> regn. 16.	<i>Xao cam</i> adhuc privatus degens, per plures annos ditionem <i>Yn</i> , cui maternus avus eum praeferat, cum laude regit. Anno Cycli 18. in praelio occiditur rebellis <i>Hanze</i> à Regulo <i>Mi</i> , qui anno seq. <i>XAO CAM</i> generum suum ad Imperium paternum reducit, quod 22. an. administrat. Sub hoc pristina Imperii refurgit norma. Barbari le- gatione funguntur. Comitia Regulorum veteri more peraguntur. Filium <i>Vuyn</i> creat Regulum ditionis <i>Yn</i> , alterum <i>Kio lie</i> creat Regulum ditionis <i>Ym</i> . An. 40. moritur <i>XAO CAM</i> . An. 41. succedit <i>TI XU</i> filius. Anno 44. maris Eoi rebelles domat. An. 57. <i>TI XU</i> moritur. An. 58. succedit <i>TI HOAY</i> filius. Anno 60. novem barbarorum Orientalium Legati clientelam agnoscunt.
CYCLUS XII. Annus anteChr. 1037.	9. <i>TI MAM</i> regn. 18. 10. <i>TI SIE</i> regn. 16. 11. <i>TI PU KIAM</i> regn. 59.	<i>TI HOAY</i> Imperator otio & veneri se dedit, res Im- perii Ministris tradit administrandas. Anno Cycli 23. <i>TI HOAY</i> moritur. Anno 24. succedit <i>TI MAM</i> filius. Hic lustrat Imperium ad mare eoum. Aulæ sedem mutat ad Crocci fluminis occidentem. Anno 41. <i>TI MAM</i> moritur. Anno 42. succedit <i>TI</i> <i>SIE</i> filius. Primus titulis donat Barbarorum Dynastas. An. 57. <i>TI SIE</i> moritur. An. 58. succedit <i>TI PU KIAM</i> fil.
CYCLUS XIII. Annus anteChr. 1977.	11. <i>TI KIUM</i> regn. 11.	Debellatis novem Dynastis, pacificè gubernat. Anno Cycli 56. <i>TI PU KIAM</i> moritur. Anno 57. succedit <i>TI KIUM</i> frater, expulso scilicet per nefas hærede filio <i>CUM KIA</i> dicto, postea regna- turo.
CYCLUS XIV. Annus anteChr. 1917.	13. <i>TI KIN</i> regn. 21. 14. <i>CUM KIA</i> regn. 31.	Anno Cycli 17. moritur <i>TI KIUM</i> . Anno 18. succe- dit <i>TI KIN</i> filius. Deditus veneri & superstitionibus. Multi Reguli re- bellant, hinc Imperii res pessum eunt. Anno 38. <i>TI KIN</i> moritur. Anno 39. succedit <i>CUM</i> <i>KIA</i> filius <i>TI PU KIAM</i> . Luxui & veneri totum se dedit, hinc Imperio impen- det ruina. Ad Comitia Reguli venire detrectant. Anno 57. duo dracones mas & femina capti, & cui- dam commissi ad alendum.

B

CYCLUS xv. Annus anteChr. 1857.	15. TI CAO regn. 11. 16. TI FA regn. 19. 17. KIE regnayit 52.	<p>Anno Cycli 5. nascitur CHIM TAM futurus familiae sequentis Conditor.</p> <p>Anno 9. CUM KIA moritur. Anno 10. succedit TI CAO filius, luxui & veneri deditus.</p> <p>An. 20. TI CAO moritur. An. 21. succedit TI FA filius. Reguli beneficiarii Imperatorem de more adeunt.</p> <p>Anno 39. TI FA moritur. Anno 40. succedit KIE filius, tyrannus & lascivus.</p> <p>Princeps magnis naturæ dotibus instructus, iis corporis viribus, ut ferrum manibus frangat.</p> <p>In pellicis <i>May hi</i> gratiam rurim è lapide pretioso construit: monitores clientes occidit, alii aulam deferunt.</p> <p>Lacum vini efficit, in quo 3000. hominum lasciviant.</p>
CYCLUS xvi. Annus anteChr. 1797.	1. CHIM TAM regn. 13.	<p>A <i>Tam</i> Regulo mittitur Sapiens <i>Y yn</i>, ut KIE Regem ad frugem reducat: hic desperatâ ejus correctione quarto anno rediit.</p> <p>Anno Cycli 21. <i>Tam</i> in carcerem à KIE mittitur, mox solvitur. <i>Tam</i> ab 800. Dynastis & populo contra KIE incitatur, cogitur vel invitatus arma capere.</p> <p>Anno 31. KIE à suis copiis desertus, & extra fines Sinicos fugitivus post triennium moritur. Prima familia Imperialis extinguitur.</p> <p>Anno 32. CHIM TAM nepos HOAM TI ordine 17. Imperium adit anno æt. 87. & fundat familiam <i>Xam</i>, quæ tenuit annos 644. sub 28. Imperatoribus. Aula urbs <i>Quei te</i> in prov. <i>Honan</i>. Princeps pius & modestus.</p> <p>Annum inchoat à Lunâ quæ hyemali solstitio vicinior, & respondet Januario. Colore albo in vexillis & insignibus utitur, quemadmodum nigro præcedens <i>Hia</i> familia, & purpureo sequens familia <i>Chen</i>.</p> <p>Sub hoc fames septennalis, fortassis eadem quæ in sacris Litteris in universo orbe fuisse scribitur Gen. 41.</p> <p>CHIM TAM pro populo se in victimam Deo offert, oranti cælum annuit effusus imbris: aurifodinas aperit: lætitiæ publicæ musicam instituit.</p> <p>Anno 44. CHIM TAM moritur æt. 100. Anno 45. succedit TAI KIA nepos ex primogenito TAI TIM vitâ functo. <i>Y yn</i> Colaüs degenerantem Principem horto avi sepulchrali includit, donec respiciens ad solium post triennium reducitur.</p>
CYCLUS xvii. Annus anteChr. 1737.	3. VO TIM, regn. 29. 4. TAI KEM, regn. 25.	<p>TAI KIA pii Principis & morigeri speculum fuit.</p> <p>Anno Cycli 17. TAI KIA moritur. Anno 18. succedit VO TIM Conditoris alter nepos. Is Colai <i>Y yn</i> consiliis utitur.</p> <p>Anno 25. <i>Y yn</i> Colaüs moritur ætat. 100. Parentat ei apparatu regio Imperator: hujus deinde filius <i>Y pn</i> quinque Imperatoribus à consiliis fuit.</p> <p>Anno 47. VO TIM moritur. Anno 48. succedit TAI KEM frater.</p>

TABULA CHRONOLOGICA.

7

<p>CYCLUS xviii. Annus ante Chr. 1677.</p>	<p>5. SIAO KIA, regn. 17. 6. YUM KI, regn. 12. 7. TAI YU, regn. 75.</p>	<p>Anno Cycli 11. TAI KEM moritur. Anno 12. succedit SIAO KIA filius. Anno 18. SIAO KIA moritur. An. 29. succedit YUM KI frater. Initia collabentis Imperii. Regulorum aliqui ad Comitia detrectant venire. Anno 40. YUM KI moritur. Anno 41. succedit TAI YU frater. Eo ipso anno arbor morus 7. dierum spatio frondes explicat, mox tridui spatio prorsus exarscit: hinc sinistrum augurium. Colaüs Ye pu docet inferiora esse virtute auguria. Imperii res restaurantur.</p>
<p>CYCLUS xix. Annus ante Chr. 1617.</p>	<p>8. CHUM TIM, regn. 15.</p>	<p>Aulam transfert in <i>Ho nan</i> provinciam ob frequentes eluviones fluvii Crocei, quod saepius factitatum, aulâ jam trans, jam cis fluvium translatâ. Magna sub hoc Imperatore pax per 70 circiter annos. Comitibus intersunt 76. regnorum Legati. Priscas leges de senibus sustentandis, & justis erga mortuos persolvendis restaurat. Anno 55. TAI YU moritur. An. 56. succedit CHUM TIM filius. Sub hujus auspiciis domantur latrocinantes barbari. Ob eluviones aula ex <i>Pe</i> prov. <i>Xan si</i> tranfertur in <i>Ngao</i> prov. <i>Ho nan</i>, & deinde in prov. <i>Fe kim</i>.</p>
<p>CYCLUS xx. Annus ante Chr. 1557.</p>	<p>9. VAI GIN, regn. 15. 10. HO TAN KIA regn. 9. 11. ZU YE regn. 19. 12. ZU SIN, regn. 16.</p>	<p>Anno Cycli 8. CHUM TIM moritur. Anno 9. succedit VAI GIN frater. Aulâ sedem mutat. Ab hoc tempore filios inter & fratres pro Imperii jure bellorum initia per an. ferè 200. Anno 23. VAI GIN moritur. Anno 24. succedit HO TAN KIA frater. Aulâ transfert ex <i>Ngao</i> in <i>Siam</i> ditionem prov. <i>Ho nan</i>. Anno 32. HO TAN KIA moritur. Anno 33. succedit ZU YE filius. Aulam transfert in <i>Kem</i>, nunc urbem <i>Xan tu</i>, deinde ob eluviones ad Ortum. Res Imperii collapsas restaurat: hinc pax alta. Reguli ad Comitibus celebranda ventitant. Anno 51. ZU YE moritur. Anno 52. succedit ZU SIN filius.</p>
<p>CYCLUS xxi. Annus ante Chr. 1497.</p>	<p>13. VO KIA, regn. 25. 14. ZU TIM, regn. 32.</p>	<p>Anno Cycli 7. ZU SIN moritur. Anno 8. succedit VO KIA frater. Anno 32. VO KIA moritur. An. 33. succedit ZU TIM filius ZU SIN.</p>
<p>CYCLUS xxii. Annus ante Chr. 1437.</p>	<p>15. NAN KEM, regn. 25.</p>	<p>Anno Cycli 4. ZU TIM moritur. Anno 5. succedit NAN KEM filius VO KIA. In Imperio ortæ dissensiones. Aula transfertur in <i>Ho nan</i>.</p>

	<p>16. YAM KIA, regn. 7.</p> <p>17. PUON KEM, regn. 18.</p>	<p>Anno 30. succedit YAM KIA filius ZU TIM. Reguli Comitia negligunt.</p> <p>Anno 36. YAM KIA moritur. Anno 37. succedit PUON KEM frater.</p> <p>Aulam Conditoris in prov. <i>Xan</i> <i>ſ</i> eligit, Imperii statum renovat. Pax alta. Comitia frequentantur, familiam <i>Xam</i> dictam vult deinceps nominari <i>Yn</i>.</p>
<p>CYCLUS XXIII. Annus anteChr. 1377.</p>	<p>18. SIAO SIN, regn. 21.</p> <p>19. SIAO YE, regn. 28.</p> <p>20. VO TIM, regn. 39.</p>	<p>Anno Cycli 24. PUON KEM moritur. Anno 25. succedit SIAO SIN frater, otio & luxui deditus.</p> <p>Incipit rursus Imperium ruinam minari.</p> <p>Anno 25. SIAO SIN moritur. Anno 26. succedit SIAO YE frater, ſocordiz mancipium.</p> <p><i>Tai pe</i> & <i>Chum ym</i> fratres, filii Reguli <i>Cu cum</i>, quod hunc viderent plus affici natu minimo <i>Kilie</i>, ſponte ei regnum cedunt, & in Austrum pergentes regni <i>Nam kim</i> fundamenta jaciunt.</p> <p><i>Tai vam</i> Regulus ex ditione <i>Pin</i> migrat in <i>Ki</i> ditionem: nomen indit familie <i>Chen</i> poſt hanc imperaturæ.</p> <p>Anno 53. SIAO YE moritur. Anno 54. succedit VO TIM filius, Princeps religioſiſſimus & pacis amans.</p>
<p>CYCLUS XXIV. Annus anteChr. 1317.</p>	<p>21. ZU KEM, regn. 7.</p> <p>22. ZU KIA, regn. 34.</p>	<p>VU TIM in ſepulchrali horto patris per triennium de reformando Imperio meditat: offertur ei à Deo in ſomniis ſpecies viri, quem coloribus, prout viderat, expreſſum conquiri jubet; inventum inter cæmentarios Colaum creat, <i>Fu yac</i> is dicitur, cujus præclara mnnita vide in lib. <i>Xn kim</i>.</p> <p>Pax magna in toto Imperio, & regimen proſperum.</p> <p>Dum majoribus de more parentat, phaſianus advocans inſiſtit anſæ vaſis Imperialis, mox crocitat, unde felicitatem ſibi auguratur, ſed Colaſ <i>Zn ki</i> à ſolâ virtute capiendum docet felicitatis augurium. Vide <i>Xn kim</i>.</p> <p>Anno 52. VU TIM moritur. Anno 53. succedit ZU KEM filius.</p> <p>Anno 59. ZU KEM moritur. Anno 60. succedit ZU KIA frater.</p>
<p>CYCLUS XXV. Annus anteChr. 1257.</p>	<p>23. LIN SIN, regn. 6.</p> <p>24. KEM TIM, regn. 21.</p> <p>25. VU YE, regn. 4.</p>	<p>ZU KIA perditis moribus Princeps, arrogans, ſuorum contemptor, hinc rebelliones, ex quibus Imperium ruſus ruinam minatur.</p> <p>Anno Cycli 27. naſcitur ex <i>Kilie</i> laudatiſſimus ubi. que <i>Ven vam</i>.</p> <p>Anno 32. ZU KIA moritur. Anno 33. succedit LIN SIN filius patri non abſimilis.</p> <p>Anno 38. LIN SIN moritur abſque prole, anno 39. succedit KEM TIM frater.</p> <p>Anno 50. VU VAM, aliâs <i>Fa</i>, naſcitur, familie ſequentis fundator.</p> <p>Anno 59. KEM TIM moritur. Anno 60 succedit VU YE filius, blaſphemus & ſceleſtus: ſuſpensam utrem plenam</p>

TABULA CHRONOLOGICA.

9

		nam sanguine sagittâ petit, dicens: <i>Iaculor in calum</i> , seu spiritum cœlestem: in scacchulorum ludo nomina indit spirituum, quibuscum ludens, per ludibrium victis insultat. Orientales populi per insulas maris eoi disperguntur; hinc fortè Japonia aliæque insulæ habitatz.
CYCLUS XXVI. Annus anteChr. 1197.	16. TAI TIM, regn. 3. 17. TI YE, regn. 37.	Anno Cycli 3. VU YE blasphemus, fulmine ictus perit in venatione. Anno 4. succedit TAI TIM filius. Orditur bellum cum Regulo regni Yen, nunc <i>Pe kim</i> . Anno 6. TAI TIM moritur. Anno 7. succedit TI YE filius. Sub hujus auspiciis <i>Ki lie</i> debellat Regulum regni Yen, unde ab Imp. titulo <i>Hew pe</i> (hoc est Marchionis) donatur. Hic post triennium, seu anno Cycli 13. moritur, succedit <i>Ven vam</i> filius. TI YE Imperatori tres erant filii; natu minimus designatur hæres, eò quòd duos natu majores antè peperisset uxor, quàm reginæ titulo esset donata. Anno 43. TI YE moritur. Anno 44. succedit CHEU filius tertius, tyrannicè imperat, pellicis <i>Tan kia</i> amoris & furori indulgens. Novum supplicii genus columnam æneam ignitam instituit, quam dein suasa <i>Ven vam</i> Reguli sustulit. Anno 54. in vincula conjicit <i>Ven vam</i> Regulum, qui tertio anno solvitur. Optimates monitores è medio tollit. Ab <i>Tan kia</i> pellice manasse creditur studium foeminarum in extenuandis pedibus. Festum lucernarum, quod quotannis 15. primæ Lunæ celebratur, ab hoc tempore ortum creditur, quòd perpetuos sine nocte dies congestis luminibus in Palatio æmularetur Imperator.
CYCLUS XXVII. Annus anteChr. 1137.	I. VU VAM, regn. 7.	Anno Cycli 3. per 5. dies terræmotus, quo anno <i>Ven vam</i> , principatus sui anno 5. moritur, ætat. 97. relictis filiis 12. quos inter VU VAM, qui cum 700. millibus debellat tyrannum CHEU. Anno 16. CHEU voluntario incendio, & cum eo secunda familia <i>Xam</i> extinguitur. Eodem anno VU VAM fundat tertiam familiam <i>Cheu</i> , quæ tenuit 873. annis sub 35. Imperatoribus. Aula <i>Cham Ngan</i> in prov. <i>Xen si</i> . Inito Imperio, more veteri sacrificat Deo, patrem, avum, atavum, de more Imperatoris titulis ornat. Collapsas familias restaurat; 70. & ampliùs dynastias inter propinquos & bene meritos distribuit, futurorum bellorum semina. Principium anni statuit cum mensem qui respondet circiter Decembri nostro. <i>Kien</i> patrum <i>Cheu</i> tyranni Coreæ Dynastiam creat absque onere clientelæ; hujus monita V. in <i>Xo kim</i> . C

		<p><i>Chen cum</i> vitam suam cœli numini devoveret pro fratribus <i>VU VAM</i> salute, & exaudiretur.</p> <p>Anno 12. <i>VU VAM</i> moritur æt. 93. Anno 23. succedit <i>CHIM VAM</i> filius.</p> <p>Tutor hujus <i>Chen cum</i> patruus ob invidiam multorum ab aulâ se suberahit; revocatur cum honore. Ejus præclara consilia vide in <i>Xu kim</i>.</p> <p>Dum Imperator in horto fratrem suum joco dynastiâ donat, Colaüs <i>Su ye</i> pro serio haberi vult, addens non esse regium jocari. Legatio fit à <i>Cochinchina</i>: inter munera, alba fuit Gallina. <i>Chen cum</i> magneticum indicem ad reditum austrum versus dirigendum donat.</p> <p>Anno 33. moritur <i>Chen cum</i>, æt. 100. ritu & sepulturâ regiâ honoratur.</p> <p>In Comitiiis de vini moderato usu statuitur.</p> <p>Anno 59. <i>CHIM VAM</i> moritur æt. 50. Anno 60. succedit <i>CAM VAM</i> filius, pacis amans & fautor. Comitia celebrat, visitat Imperium, agriculturam reformat, ejus curâ <i>Chao cum</i> commissâ.</p>
<p>CYCLUS XXVIII. Annus ante Chr. 1077.</p>	<p>4. CHAO VAM, regn. 51.</p>	<p>Alta pax & concordia tanta, ut emissi è carceribus ad agros colendos ex pacto redeant omnes.</p> <p>Anno Cyclii 25. <i>CAM VAM</i> moritur. Anno 26. succedit <i>CHAO VAM</i> filius, venationi immodicè deditus, hinc regiminis neglectus.</p> <p>Anno 41. Imperatoris autem 16. nascitur in India ex Regulo <i>Cim fan</i> & matre <i>Mo ye</i>, auctor sectæ Bonzyorum & transmigrationis Pythagoricæ, <i>Fæ</i> dictus. Hæc post annos 1060. anno post Christum 65. in <i>Sinam</i> regiâ auctoritate primum introducetur.</p> <p>Lustrat Imperium Imperator.</p> <p>Colores prodigiosi observati in Luna.</p>
<p>CYCLUS XXIX. Annus ante Chr. 1017.</p>	<p>5. MO VAM, regnavit 55.</p>	<p>Anno Cycli 16. Rustici redeuntem à venatu Imperatorem navi malè agglutinatâ dolosè excipiunt, quâ in medio alvei dissolutâ Rex unâ cum suis merfus perit.</p> <p>Anno 17. succedit <i>MO VAM</i> filius, æqui & recti amans.</p> <p>Equorum & rhedarum immodicè amans, quibus vèctus Imperium lustrat.</p> <p>Domat Australes barbaros provinciæ <i>Hu quam</i>, ab expeditione redit cum quatuor lupis albis & cervis.</p> <p>Belli Ducem <i>Cao fu</i> creat Regulum regni <i>Chao</i> in prov. <i>Xan si</i>.</p> <p>Bellum movet in Tartaros, genero frustrâ dissuadente. Tartari fugâ sibi consulunt, unde infectâ re aulam repetit.</p>
<p>CYCLUS XXX. Annus ante Chr. 917.</p>		<p>Anno Cycli 9. moritur in India <i>Fæ</i>, auctor Metempsychosis, æt. 79.</p> <p>Præclara monita <i>Kim ya</i> & <i>Pe kim</i> vide in Libro <i>Xu kim</i>.</p>

TABULA CHRONOLOGICA.

21

	<p>6. CUM VAM, regn. 12.</p> <p>7. YE VAM, regn. 25.</p> <p>8. HIAO VAM, regn. 15.</p>	<p>Anno 11. MO VAM moritur. Anno 12. succedit CUM VAM filius. Ob tres puellas ejus oculis subductas populum <i>Atse</i> regionis infontem delet; facti mox poenitet.</p> <p>Anno 13. CUM VAM moritur æt. 84. Anno 24. succedit YE VAM filius.</p> <p>Nil dignum Imperatore egit, hinc multorum satyricos calamos contra se provocavit.</p> <p>Anno YE VAM 48. moritur æt. 50. Anno 49. succedit per vim HIAO VAM frater.</p> <p>Equis adeò deditus, ut <i>Fi xw</i> præfectum equilis dynastiæ <i>Cm</i> donarit, hujus posteritas per nefas Imperatoriam ab hac familiam fundabit.</p> <p>Inusitatus grando boves & equos mactat.</p>
<p>CYCLUS XXXI. Annus ante Chr. 897.</p>	<p>9. Y VAM, reg. 16.</p> <p>10. LI VAM, regn. 54.</p>	<p>Anno Cycli 3. HIAO VAM moritur æt. 63. Anno 4. succedit Y VAM filius, adeò hebes, ut vix Legatos aut Regulos præ pudore admitteret. Advenientes ad Comitia Regulos uno gradu descendens primus excipit cum majestatis regis dispendio.</p> <p>Anno 19. Y VAM moritur æt. 60. Anno 20. succedit LI VAM filius.</p> <p>Princeps re & nomine crudelis, superbus, & exhaustis civium opibus prodigus.</p> <p>Publicis dictis scriptisque sugillatur. Capite sancit, ne quis subditorum inter se loqueretur aut multaret. Triennium tenuit durum silentium.</p> <p>An. 52. à furente plebe ad necem quæritur Imp. fugit hic; familia à fureore populo occisa, excepto filiolo, quem <i>Chao cum</i> Colaüs occulterat. Re cognita plebs filiolum reposcit; Colaüs filiolum suum tradit, qui à populo fraudis ignaro laniatur. Colaüs frustra tentat reducere Imperatorem per 17. annos vagum & exulem</p>
<p>CYCLUS XXXII. Annus ante Chr. 837.</p>	<p>11. SIUEN VAM, regn. 46.</p> <p>12. YEU VAM, regn. 11.</p>	<p>Anno Cycli 10. LI VAM exul moritur. Anno 11. succedit SIUEN VAM filius.</p> <p>Hic sub <i>Chao cum</i> & <i>Chen cum</i> tutela est per annos 15. Boni Principis specimen præbet, sapientes profugos undique convocat.</p> <p>Ritum quo præci Reges agri partem suis manibus colebant, negligit, obnitente frustra Colao.</p> <p>Hac ætate quatergemini sapientes florent, quos una mater quaterno partu ediderat. Redcunt ad obsequium clientelare Reguli & Dynastæ.</p> <p>Rebelleres populos Australes <i>Hony ngan</i> & <i>Hu quam</i> ad leges Sinicas armis adigit.</p> <p>Regina <i>Kiam</i> prudentissima librum scribit de Gynecæi institutione.</p> <p>Anno 56. SIUEN VAM moritur. Anno 57. succedit YEU VAM filius, degener à paternis virtutibus.</p> <p>Bella cum Tartaro Occidentali infeliciter gerit. Pellicis <i>Pao su</i> amore captus Reginam cum filio repudiât.</p> <p>Anno 57. terræmotu montis <i>Ki</i> pars ruit.</p>

CYCLUS XXXIII. Annus anteChr. 777.	13. PIM VAM, regn. 51.	<p>Anno Cycli 2. <i>Lunâ 10. Eclipsis Solis.</i> Anno 7. YEU VAM occiditur in prælio. Anno 8 succedit PIM VAM filius legitimus. Hic aulam transfert ab Occidente <i>Xan si</i> prov. in Orientem prov. <i>Ho nan</i>, hinc alienatio animorum. Reguli <i>Ho nan</i>, <i>Hu quam</i> & <i>Kiam sy</i>, <i>Xantum</i>, <i>Xen si</i>, <i>Xan si</i>, quisque pro suo regno decertat. Reguli ad Comitia venire detrectant: sunt qui & ritus à solis Imperatoribus fieri solitos sibi usurpant: quod idem est ac Imperium ambire. Duce <i>Ven cum</i> variis præliis victi Tartari Occidentales coguntur remeare ad propria. Ab anno 56. hujus Cycli historiam Regulorum <i>Chun cium</i>, id est <i>ver & autumnus</i>, dictam, orditur <i>Confucius</i>. Anno 58. PIM VAM moritur. Anno 59. succedit HUON VAM nepos, vir bellicosus.</p>
CYCLUS XXXIV. Annus anteChr. 717.	15. CHUAM VAM, regn. 15.	<p>Armis tentavit ad obsequium reducere Regulos, sed frustra. <i>Anno Cycli 9. Lunâ 7. totalis Eclipsis Solis.</i> Anno 11. HUON VAM in conflictu à rebellium exercitu victus, accepto à tergo vulnere. Anno 21. HUON VAM moritur. Anno 22. succedit CHUAM VAM filius. Conjunctio detecta. <i>Anno 23. Lunâ 10. Eclipsis Solis.</i> <i>Quem chu</i> Colai operâ Rex <i>Ci</i> ad magnam potentiam excrevit. Anno 36. CHUAM VAM moritur. Anno 37. succedit LI VAM & <i>Ci</i> Regis familia, è stirpe Imperatoria. Principis Regulorum titulus <i>Pa</i> assumitur à <i>Huon cum</i> regni <i>Ci</i> Regulo, deinde ab aliis. Post 100. annos hic titulus aboletur. Anno 41. LI VAM moritur. Anno 42. succedit HOEI VAM filius, ardearum aucupio deditissimus. <i>Eodem anno Lunâ 3. Eclipsis Solis.</i> Tartari ultra <i>Xan si</i> fines debellantur. Cladem accipit à Regulo regni <i>Ci</i>, qui & Regulo- rum Comitia celebrat tanquam caput ipsorum. Jure- rando mutuam obstringunt fidem, hausto de more Galli occisi sanguine. <i>Anno 49. Lunâ 6. Eclipsis Solis.</i> <i>Anno 50. Lunâ 12. Eclipsis Solis.</i> <i>Anno 54. Lunâ 9. Eclipsis Solis.</i> Anno 58. Imp. 16. anno ante Christum 660. cœ- pit Japonia habere Reges. Hi usque ad annum hujus sæculi 1608. numerantur 108.</p>
CYCLUS XXXV. Annus anteChr. 817.	18. SIAM VAM, regn. 35.	<p><i>Anno Cycli 3. Lunâ 9. Eclipsis Solis.</i> Anno 6. HOEI VAM moritur. Anno 7. succedit SIAM VAM filius natu major. Reguli Comitia frequentant: pristina Imperii nor- ma</p>

		<p>nia non nihil revocatur.</p> <p>Anno 10. <i>Lunâ 3. Eclipsis Solis.</i></p> <p>Anno 13. <i>Lunâ 5. Eclipsis Solis.</i></p> <p>Anno 17. Imperator prælio victus à fratre <i>Xo tai</i>, fugit, sed à <i>Ven cum</i> Regulo restituitur, interfecto <i>Xo tai</i>.</p> <p>Anno 32. <i>Lunâ 2. Eclipsis Solis.</i></p> <p>Anno 39. SIAM VAM moritur. Anno 40. succedit KIM VAM filius, sapiens, charus omnibus.</p> <p>Legati assistunt exequiis patris, sed absque solitis muneribus.</p> <p>Anno 45. KIM VAM moritur. Anno 46. succedit QUAM VAM filius, patri per omnia similis.</p> <p>Eodem anno <i>Lunâ 6. Eclipsis Solis.</i></p> <p>Anno 51. QUAM VAM moritur. Anno 52. succedit TIM VAM frater, pacis studiosus.</p> <p>Anno 54. mense 9. die 14. natus in prov. <i>Hu quam Lao kin</i> auctor sectæ immortalium, quin & Epicurææ; Deum videtur agnovisse, sectarii ejus dogmata depravarunt, obiit æt. 84.</p> <p>Anno 57. <i>Lunâ 7. Eclipsis totalis.</i></p>
<p>CYCLUS XXXVI.</p> <p>Annus anteChr. 597.</p>	<p>11. KIM VAM, regn. 6.</p> <p>10. QUAM VAM, regn. 6.</p> <p>11. TIM VAM, regn. 11.</p>	
		<p>Anno Cycli 6. <i>Lunâ 6. Eclipsis Solis.</i></p> <p>Eodem anno ingens terræmotus.</p> <p>Anno 12. TIM VAM moritur. Anno 19 succedit KIEN VAM filius.</p> <p>Circa hæc tempora hæreses ortæ, <i>Yam</i> & <i>Me</i>. Hic docet omnes æqualiter amandos, nullo ne parenrum quidem discrimine: <i>Yam</i> curam sui dumtaxat habendam, ne Regis quidem ratione habitâ.</p> <p>Anno 23. <i>Lunâ 6. Eclipsis Solis.</i></p> <p>Anno 24. <i>Lunâ 12. Eclipsis Solis.</i></p> <p><i>Nankinensis</i> regni in <i>Su chen</i> initia.</p> <p>Anno 26. KIEN VAM moritur. Anno 27. succedit LIM VAM filius cum barbâ natus.</p> <p>Multa inter Regulos bella & cædes.</p> <p>Imperator prudentiâ & virtute pollens rectè administrat Imperium.</p> <p>Anno 38. <i>Lunâ 2. Eclipsis Solis.</i></p> <p>Anno 40. <i>Lunâ 8. Eclipsis Solis.</i></p> <p>Anno 45. <i>Lunâ 10. Eclipsis Solis.</i></p> <p>Anno 47. Imperatoris verò 21. mense 11. die 4. nascitur in prov. <i>Xan tam</i> Confucius Princeps Philosophorum.</p> <p>Anno 48. <i>Lunâ 2. Eclipsis Solis.</i></p> <p>Anno 49. <i>Lunâ 7. totalis Eclipsis Solis.</i></p> <p>Anno 50. moritur <i>Xo leam he</i> pater Confucii, Præfectus ditionis <i>Cen</i>.</p> <p>Anno 52. <i>Lunâ 10. Eclipsis Solis.</i></p> <p>Anno 53. LIM VAM moritur. Anno 54. succedit KAM VAM, KIM VAM filius.</p>
	<p>12. KIEN VAM, regn. 14.</p> <p>23. LIM VAM, regn. 27.</p> <p>24. KAM VAM, regn. 25.</p>	

CYCLUS XXXVII Annus ante Chr. 517.	<i>Mēm vām,</i> regn. paucissem. 25. KIM VAM, regn. 44.	<p>Anno Cycli 3. <i>Lunā 4. Eclipsis Solis.</i> Anno 11. <i>Lunā 6. Eclipsis Solis.</i> Anno 13. <i>Lunā 6. Eclipsis Solis.</i> Anno 17. <i>Lunā 7. Eclipsis Solis.</i> Anno 18. KIM VAM moritur, succedit minimus filius <i>Mēm vām</i>, sed mox occisus. Anno 19. succedit vi ar- morum KIM VAM filius secundus. Anno 20. <i>Lunā 5. Eclipsis Solis.</i> Anno 27. <i>Lunā 12. Eclipsis Solis.</i> Anno 33. <i>Lunā 3. Eclipsis Solis.</i> Confucius discipulorum numerat tria millia, hos in- ter 72. selectiores, & hos inter decem selectissimos. Anno 38. Confucius Præfectum agit regni patri <i>Zu</i>, reformat omnia juxta priscorum regulam. Anno 40. <i>Lunā 11. Eclipsis Solis.</i> Anno 43. <i>Lunā 8. Eclipsis Solis.</i> Inter Regulos R. V (modò <i>Nankim</i> australior) & R. <i>Yue</i> (modò <i>Che kiam</i>) ardet bellum: V Regulus occisus. Anno 52. à Regulo <i>Sun</i> extincta familia <i>suo</i>, quæ sub 25. Regulis steterat annis 636. An. 57. Unicornis in saltu regio apparet. Hic terminat Confucius historiam bellorum inter Re- gulos per 200. an. Eodem anno 57. <i>Lunā 5. Eclipsis Solis.</i> Anno 59. Imperatoris 41. Lun. 4. moritur Confucius Philosophus æt 73. Anno 60. à Regulo <i>Zu</i> extinguitur regnum & fa- milia <i>Chin</i>, quæ numeravit 24. Principes per an. 645.</p>
CYCLUS XIXVII. Annus ante Chr. 477.	16. YUEN VAM, regn. 7.	<p>Anno Cycli 2. KIM VAM moritur. Anno 3. succedit YUEN VAM filius, pius & charus. Proscribit Regem <i>Zuad</i> Comitibus venire detestantem. A Regulo <i>Yue</i> extinguitur regnum V, quod sub 20. Regulis steterat 650. annis.</p>
	17. CHIN TIM VAM, regn. 28.	<p>Anno 9. YUEN VAM moritur. Anno 10. succedit CHIN TIM VAM filius, Princeps castus dictus, quod mortuæ conjuge cœlebs manserit. Anno 31. à Regulo regni <i>Zu</i> extincta dynastiæ <i>sei</i>, quæ sub 25. Principibus steterat annis 676.</p>
	18. CAO VAM, regn. 15.	<p>Anno 35. <i>totalis Eclipsis Solis sicut stelle apparet.</i> Anno 37. moritur CHIN TIM VAM tribus relictis filiis. Anno 24. succedit primogenitus <i>Ngan</i>, qui tertio mense à fratre <i>Su</i> occiditur, & hic quinto mense occidi- tur à fratre minore CAO VAM, qui succedit in Imperio. Fratrem alterum creat Dynastam in prov. <i>Ho nan</i>, nomen ei est <i>Huon cum</i>, cujus abnepos erit hujus fa- milie <i>Chen</i> postremus Imperator.</p>
	19. GUEI LIE VAM, regn. 14.	<p>Anno 43. <i>Lunā 6. Eclipsis Solis.</i> Anno 45. <i>Cometes apparet.</i> Anno 52. CAO VAM moritur. Anno 53. succedit GUEI LIE VAM filius. Ab hoc tempore rursus bella inter Regulos per 300.</p>

CYCLUS
XXXIX.
ANNUS
ante Chr.
417.

30. NGAN VAM,
regn. 16.

31. LIE VAM,
regn. 7.

32. HIEN VAM,
regn. 48.

ferè annos; *Chen que* dicta, id est, bellantia regna.
Hic & sequentes nomine tenus erant Imperatores,
paulatim & maiestate & terris exuti.

Anno Cycli 8. Eclipsis Solis.

Dicuntur 9. vasa Imperialia olim ab YU primæfa-
milie Conditor conflata spontè contremuisse.

Regni *Chao* Regulus bello victum Ducem *Chi fiam*
occidit, ejus cranium pro cyatho confici jubet.

Anno 16 *GUEI LIE VAM* moritur. Anno 17. succedit

NGAN VAM filius.

Eodem anno 17. Eclipsis Solis.

Regulo regni *Guei* gloriant de regno suo naturâ
munitissimo *Vki* Colaui respondit, firmitatem in vir-
tute, non in præruptis faxis constituendam.

Anno 36. totalis Eclipsis Solis.

Anno 42. *NGAN VAM* moritur.

Eodem an. 42. à tribus Regulis Han, Chao, Guei extin-
cta dynastia *Cin*, quæ sub 38. Principibus steterat an. 741.

Anno 43. succedit *LIE VAM* filius; huic potentissimus
Regulus *Ci* solus desert obsequium clientelare.

Eodem anno à Han Regulo extinguitur regnum
Chin, quod sub 23. Dynastiis steterat annis 432.

Eodem anno 43. Eclipsis Solis.

Anno 46. nascitur *Mencius* Philosophus secundus.

Anno 49. Eclipsis Solis.

Anno 49. *LIE VAM* moritur. Anno 49. succedit *HIEN*
VAM frater minor. A nullo Regulorum ferè agnoscitur.

Anno 57. Cometes in Occidente.

CYCLUS
XL.
ANNUS
ante Chr.
357.

33. XIN CIN VAM,
regn. 6.

34. NAN VAM,
reg. 59.

HIEN VAM cum sciret vasa 9. Imperialia ambiri seu
sacra Imperii pignora per 1970 annos conservata, jussit
demergi in lacu *Su* profundissimo, unde nulla arte
extrahi potuere.

Anno 22. *Mencius* ad Regem *Guei* pergit, & multò
post ad *Ci* Regem, de recta ubique Imperii administra-
tione differens: numeravit 17. discipulos. Extant
septem ejus libri morales.

Anno 37. *HIEN VAM* moritur. Anno 38. succedit
XIN CIN VAM filius, ignavus & fociors.

Hiao cum Regulus regni *Cin* præclara administra-
tione omnes excellit, qua ratione ad Imperium viam
sternit.

Anno 42. *Cin* familie potentia adeò crevit, ut quin-
que Regulorum exercitus penitus deleverit.

Anno 43. *XIN CIN VAM* moritur. Anno 44. succedit
NAN VAM filius, princeps probus & modestus.

Regni *Zu* Colaui *Kine yen* vir rectus, invidia æmu-
lorum dejectus, se in fluvium *Colo* præcipitat. Ejus de-
siderium produunt Sinenfes, dum ludicris navigiis toto
Imperio quotannis die 5. Lunæ 5. mersum quæritant.

Annis 53. & 55. Cometes.

Anno 57. totalis Eclipsis Solis.

CYCLUS
XLII.
Annus
ante Chr.
117.

Anno Cycli 9. moritur *Mencius* secundus Philo-
phus, ætatis 84. hujus posteritas uti & *Confucii* usque
hodie perseverat, gaudetque privilegiis regis in aula.

Anno 12. à Regulis *Ci*, *Zu*, *Guei* extinguitur regnum
Sam, quod sub 32. Dynastis steterat per annos 381.

Subactis variis regnis duo præcipua *Cin* & *Ci* inter
se depugnant pro Imperio toto.

Chao siam Regulus regni *Cin* Imperatorio ritu sacri-
ficat *Xam ti* seu Deo, quod idem est ac Imperium
ambire.

A regni *Zu* Regulo extinguitur regnum *Lu*, quod
sub 34. Regulis steterat. A *Cin* Regulo extinguitur re-
gnum *Guei*, quod sub 37. Principibus steterat.

Cin Regulus duos potentissimos Reges occisis 60.
millibus delet.

Anno 42. *NAN VAM* victus, se cum copiis dedit
clientis in morem; in ordinem redactus, anno post in
Xen si prov. obiit.

35. *CHEU KIUN*,
regu. 7.

Anno 43. subrogatus *CHEU KIUN Cao vam* 31. Im-
peratoris ex fratre pronepos, exigui territorii dominus,
qui re desperatâ se abdicat, & vitam privatam inglo-
rius duxit. Cum hoc familia *Chen* extincta.

Quarta familia.
1. *CHUAM SIAM*
VAM,
regu. 3.

Anno 49. *CHUAM SIAM VAM* filius *Hiao ven vam*
(qui triduo dumtaxat imperitaverat) fundat familiam
Cin dictam, quæ tenuit annos 43. sub 4. Imperatoribus.
Anno 50. *Eclipsis Solis*.

Anno 51. *CHUAM SIAM VAM* moritur 37. & ultimus
familiz: *Cin*, & regni, quod sub Reguli titulo admi-
nistraverat.

1. *XI HOAM TI*,
regu. 37.

Anno 52. succedit *XI HOAM TI* filius adoptivus, duo-
decimo à conceptu mense natus, bellicosus, crudelis,
moneri impatiens, unde 20. & amplius Magnates neci
dedit.

Aulam in *Si ngan* Metrop. prov. *Xen si* constituit.

Principium anni statuit primam lunarem in Sagit-
tario conjunctionem.

Titulum *HOAM TI* (qui hodieque viget) instituit,
estque eadem vox quâ totius Monarchiz fundator est
usus, at non idem character; nam *Hoam* littera ibi
Flavum, hic verò *magnificum & angustum* significat.

CYCLUS
XLIII.
Annus
ante Chr.
117.

XI HOAM TI extinctis sex regnis & horum familiis
Han, *Guei*, *Zu*, *Yen*, *Chao*, *Ci*, Dynastas omnes cum
titulis abrogat. Ingentem classem *Bengalam* usque ex-
pedit, aliam classem cum trecentis puellis ad mare
eoum mittit, ut medicinam immortalitatis reportent;
tempestate dissipatur classis, aliis in alias insulas dis-
tractis. In 36. provincias Imperium distribuit; fundit
ex ære 12. heroum statuas staturâ giganteâ, quarum
singulæ 120. mille libris constant.

Anno Imperii 14. murum celeberrimum 400. & ultra
leucarum extruit contra Tartarorum irruptiones.

Anno

		Anno 25. libros omnes præter medicos & judicia- rios cremari jubet. Anno 26. plurimos litteratos vivos sepeliri mandat.
3. UL XI, regn. 3.		Anno 28. XI HOAM TI lustrans Orientem moritur. A morte varia rursus regna insurgunt. Anno 29. succedit UL XI filius secundus, cum tamen pater primogenitum designasset, qui à fratre iussus sibi vitam adimere.
4. IM VAM, regn. 45. diebus. <i>Quinta familia.</i> 1. CAO ZU, regn. 12.		<i>Lien pam</i> gregarius miles copias cogit. Physiono- mus Imperium ei prognosticatur, traditâ in conjugem filia tyrannicè postea imperaturâ. Anno 31. UL XI occiditur æt. 24. succedit IM VAM è fratre nepos, qui occiso patricidâ post 45. dies victori se tradit <i>Lien pam</i> , cum quo familia <i>Cin</i> extinguitur.
		Anno 32. CAO ZU, aliâs <i>Lien pam</i> , fundat quintam familiam <i>Han</i> dictam, quæ tenuit annis 426. sub 25. Imperatoribus. 17. præliis victus, tandem victor evasit. Aulam habuit in <i>Xenfi</i> , seu Occidente, 230. annis, sub 13. Imp. deinde transfuit in <i>Ho nan</i> , seu Orien- tem, per annos 196. sub 12. Imp.
		Anno 34. <i>Lunâ 10. ant 12. Eclipsis Solis.</i> Anno 39. <i>Lunâ 6. die ultimo totalis Eclipsis Solis.</i> Anno 43. CAO ZU moritur æt. 52. Anno 44. succe- dit HOEI TI filius, pius, pacificus, obediens, quod <i>Hiao</i> sonât. Matri regimen imprudens committit, quæ proximè per nefas imperat.
2. HOEI TI, regn. 7.		Anno 50. <i>Lunâ 1. Eclipsis Solis.</i> Eodem anno 50. HOEI TI moritur æt. 50. Anno 51. succedit contra jus regium LIU HEU Physionomi filia, crudelis & versipellis. Confanguineos omnes dy- nastiis & præfecturis donat.
LIU HEU intrafa, regn. 8.		Anno 52. <i>Lunâ 6. die ult. Eclipsis Solis.</i> Anno 57. <i>Lunâ 1. totalis Eclipsis Solis.</i> Anno 58. LIU HEU moritur. Mox tota ejus familia in convivio ludo gladiatorio subornato funditus deletur.
		Anno 59. VEN TI filius Fundatoris è privato suo re- gno ad imperium evehitur.
3. VEN TI, regn. 13.		Anno 60. <i>Lunâ 17. die ult. Eclipsis Solis.</i>
CYCLUS XLIII. Annus anteChr. 177.		Anno Cycli 1. <i>Lunâ 10. die ult. Eclipsis Solis.</i> VEN TI frugalis ac modestus, victu, vestitu, strato humili contentus; in Gynecæo ad exemplum Reginæ nec acu pictis vestibus & humum verrentibus uti fas est. Cognomenta annis Imperii variis varia primus tri- buit, qui mos hodieque viget. In publica calamitate de culpis suis commoneri vult. In sacrificiis cælo factis preces ac vota primò pro po- puli, deinde pro sua unius incolumitate fundit. Pium priscorum morem agri regis manibus colendi reno- vat. Salem publici juris facit. Sub hoc duæ provinciæ <i>Quam sum</i> & <i>Quam si</i> ultro se subjecere virtuti legibus- que Sinicis. Papyrus item hoc tempore inventa. Mone-

		<p>tam cupream in solâ aulâ cudi solitam, ubique cudi permittit.</p> <p><i>Anno 6. Cometes ab ortu.</i></p> <p><i>Anno 18. Lunnâ 4. die ult. Eclipsis Solis.</i></p> <p><i>Anno 21. VEN TI moritur æt. 46. Anno 22. succedit KIM TI filius, sincerus, clemens, mitigat suppliciorum acerbicatem. Primus filiam Tartaro in matrimonium tradit. E decimo hujus filio exurget 16. hujus familiz Imperator. Tres Regulos debellat. Septem Regulorum exercitus uno conflictu vincit.</i></p> <p><i>Anno 24. Cometes ab Occidente.</i></p> <p><i>Anno 25. Lunnâ 10. die ult. Eclipsis Solis.</i></p> <p><i>Anno 28. Lunnâ 11. Eclipsis Solis.</i></p> <p><i>Annis 29. & 36. terræmotus.</i></p> <p><i>Anno 30. Lunnâ 10. Eclipsis Solis.</i></p> <p><i>Anno 32. Lunnâ 10. Eclipsis Solis.</i></p> <p><i>Anno 35. Lunnâ 7. die ult. Eclipsis Solis.</i></p> <p><i>Anno 37. KIM TI moritur æt. 48. Anno 38. succedit VU TI filius, bello & literis clarus: fragmenta & reliquias incendiû librorum undique colligi jubet, & in ordinem redigi quinque libros classicos. Immortalis vitæ portioni nimium credulus, serô pœnituit.</i></p> <p><i>Tartaros multis cladibus quater afficit, ultra murum & desertum Lop arma proferens usque ad vicina Indiz regna Pegu, Siamum, Cambojiam, Bengalam, &c. classes etiam ad insulas eoi maris. Vini fontes populo exhilarando erigi jubet: statuit ut Reguli inter filios æqualiter terras suas distribuere; quod si prole caruerint, ditiones Imperio restitui.</i></p> <p><i>Filium Regis Tartarorum, qui in aulam venerat, stabuli Præfectum creat, deinde militiz Ducem; nomine novo Kin illum impertit, quod nomen Tartari Orientalis fanulâ Regia, quæ dùm scribimus, Chinæ imperitat, conservat. Occidentalis barbari statuum ingentem auream offerunt Imperatori.</i></p> <p><i>Anno 59. stella instar Solis apparet.</i></p> <p><i>Anno 43. magnus Cometes ab ortu.</i></p>
4. KIM TI. regn. 17.		
5. VU TI. regn. 54.		
CYCLUS XLIV. Annus ante Chr. 117.		<p>Idem superstitionibus & spiritibus immortalibus mirè addictus, quibus proinde & templa erigit.</p> <p>Magos qui eum dementarant, promiserantque uxorem sibi charissimam à morte videndam exhibere, elusus occidi jubet: alios qui philteris & maleficiis mulieres in amores illicitos provocabant, aulâ & Imperio exesse iussit.</p> <p>Filium de concubina sibi præ cæteris charum, quod 14. à conceptu mense natus esset, Imperatorem octennem designat, matre mori iussâ, ne, ut aiebat, impotentia muliebri perturbaretur rursus Imperium.</p> <p>Annis 8. 9. 10. & 11. ingens sterilitas.</p> <p>Anno 14. principium anni ad pristinam normam revocat, quæ hodieque perseverat, & Febuario respondet.</p>

	<p>6. CHAO TI, regn. 13.</p> <p>7. SIUEN TI, regn. 15.</p>	<p>Anno 31. VU TI moritur æt. 71. Anno 32. succedit CHAO TI filius natus minor, super ætatem prudens, erga egentem populum munificus, tributa remittit, pacem cum Tartaris init, annisiam more veteri indicit.</p> <p>Anno 44. CHAO TI moritur æt. 22. Anno 45 succedit SIUEN TI nepos HIAO TI repudiato demortui patris, quod crapulæ & veneri deditus esset, & ad suam dynastiam remisso.</p> <p>SIUEN TI Princeps placidæ indolis & piæ erga omnes, præcipuè pauperes.</p> <p>Bis à morte decretæ servatus à carceris custode, quem deinde è carcere ad solium relictus Regulum creat. Indiæ regna ab VU TI debellata rebellant: dissuadetur contra eos bellum velut res parvi momenti & populo onerosa.</p> <p>Anno 48. Lunà 4. terræmotus.</p>
<p>CYCLUS XLV. Annus ante Chr. 57.</p>	<p>8. YUEN TI, regn. 16.</p> <p>9. CHIM TI, regn. 26.</p> <p>10. HIAO NGAI TI, regit. 6.</p>	<p>Tartarus Rex <i>Tan yu</i> legationem mittit, quæ se clientem agnoscit.</p> <p>Anno Cycli 4. Lun. 4. Eclipsis Solis.</p> <p>Anno 9. SIUEN TI moritur æt. 43. Anno 10. succedit YUEN TI filius, moderatus, frugalis: splendorem sumptusque immodicos refecat.</p> <p>Belli Duces amicitie jure violato occidunt duos Tartariæ Reges. Tartarus ultionem parat, sed datâ in uxorem è regio sanguine puellâ reconciliatur.</p> <p>Anno 18. Lun. 6. die ult. Eclipsis Solis.</p> <p>Anno 21. & 23. terræmotus.</p> <p>Anno 24. Lun. 6. die ult. Eclipsis Solis.</p> <p>Anno 26. Lun. 12. Eclipsis Solis & terræmotus.</p> <p>Anno 26. YUEN TI moritur æt. 43. Anno 27. succedit CHIM TI filius, Princeps veneri & vino deditus: repudiât Imperatricem, Comædi filiâ saltatrice assumptâ. Monentes de lege regni violatâ necari jubet.</p> <p>Leam familiam è qua erat Regina mater, ad summas præfecturas evehit. Ab hac deinde secuta plurima in Imperio mala, & cædes innocentum. A <i>Tan yu</i> Rege Tartaro invasitur.</p> <p>Anno 28. Lun. 12. Eclipsis Solis & terræmotus.</p> <p>Anno 30. Lun. 4. die ult. Eclipsis Solis.</p> <p>Anno 32. Lun. 8. Eclipsis Solis.</p> <p>Anno 34. Lun. 2. Eclipsis Solis.</p> <p>Anno 42. Lun. 9. die ult. Eclipsis Solis.</p> <p>Anno 44. Lun. 1. die ult. Eclipsis Solis.</p> <p>Anno 46. Cometes ad ortum.</p> <p>Anno 51. CHIM TI decrepente moritur æt. 45. nullo relicto hærede.</p> <p>Eodem anno, terræmotus per 30. & amplius urbes.</p> <p>Anno 52. succedit HIAO NGAI TI, id est, obediens & misericors, decessoris ex fratre nepos.</p> <p>Anno Imperii quinto vox insolita totâ aulâ personat. Excipitur Rex Tartarorum <i>Tan yu</i> regiâ pompâ,</p>

		<i>Anno 56. Lun. 1. die 1. Sol deficit.</i>
		Anno 57. NGAI TI moritur Imperii anno sexto, Lunâ 6. ætat. 25.
		<i>Lun. 5. ejusdem anni Solis Eclipsis.</i>
		Eodem anno SALVATOR MUNDI Lunâ 11. quâ regnabat successor dictus <i>Pacificus</i> , etsi more Sinico annus 6. totus attribuitur decessori.
11. HIAO PIM TI,	regn. 13.	Anno 58. succedit HIAO PIM TI, id est obediens, <i>pacificus</i> , ex YUEN TI nepos novennis. Hic idem annus 58. hujus Cycli 45. primus est à Christo nato.



TABULA CHRONOLOGICA Monarchiæ Sinicæ

JUXTA CYCLOS ANNORUM LX.

Ab anno post Christum primo, usque ad annum
præsentis Sæculi 1683.

*Auctore R. P. PHILIPPO COUPLET Belgæ, Soc. Jesu,
Sinensis Missionis in Urbem Procuratore.*

Nunc primùm in lucem prodit
è BIBLIOTHECA REGIA.



PARISIIS,

M. DC. LXXXVI.
CUM PRIVILEGIO REGIS.

PRÆFATIO

Summatim exhibetur perpetua series Familiarum Imperialium.



NTEQUAM Tabulam alteram Chronologicam Monarchiæ Sinicæ post Christum hîc subijciam, juvat præmittere, & sub unum quasi aspectum Lectori offerre Imperialium Familiarum Monarchiæ tam quæ ante, quàm quæ post Christum florere, quoddam summarium. Rectè notant Sinenses Interpretes, quòd sicut Elementis totique Mundo sublunari suæ sunt rerum temporumque vicissitudines, ita suis sint etiam regnis atque imperiis, adeoque familiis illis, penes quas sunt ipsa imperia, sic ut dum una occidat, oriantur aliæ; dum hæ vigent ac florent, marcescant illæ & consenescant, nec quidquam ferè constantius sit quàm ipsa rerum vicissitudo & inconstantia. Locupletissima veritatis hujus testis est Sinarum Monarchia.

Primus itaque gentis Sinicæ Conditor Fo hi vagos & agrestes homines ad quandam vitæ societatem primâ adduxit, mox etiam conjugis blandè vinctos, ad humanitatem informare cæpit. A Xin num deinde agriculturam docti sunt, atque aliis vitæ tuendæ præsidii muniti. Postea verò celebrem illum Hoam ti, à quo periodum sexaginta annorum orsi fuimus, & tres ejusdem successores (scilicet Xao hao, Chuen hio, & Ti co) duces & magistros nacti, ac cultioris vitæ rudimentis imbuti, adolevere paulatim in Regnum hoc & Imperium ultimi Orientis.

Sex gentis Sinicæ Conditores ac Principes secuti sunt celeberrimi duo Imperatores iidem & Legislatores Yao & Xun. Quod autem Confucius in libris suis, & qui huic proximus censetur, centum annorum intervallo, Memcius, horum duorum Principum mentionem potissimum faciant, non item sex præcedentium, non alia, ut opinor, causa fuit, quàm quòd ambo isti & Reges fuerint & Legislatores, quòd ab iisdem præcipui quique ritus civiles & institutiones politicæ sint profectæ. Horum verò duorum Imperatorum seu Legislatorum tempora annos 150. expleant, qui si ad annos 587. præcedentium sex addantur, universim existent 737.

Duos gentis Conditores & sex Imperatores secutæ sunt Imperiales Familiæ, penes quas ad hæc usque tempora suprema dignitas fuit, & monarchica Sinarum administratio. Universim duæ & viginti numerantur, novem scilicet majores, minores tredecim; si tamen his omnium postremam familiam, & quæ jam maximè adolefcit, Orientalium dico Tartarorum, sub qua hæc scribimus, adjungamus.

Porro tres illæ Familiæ, quæ reliquas antecesserunt, tempore, famâ quoque & laudibus antecedunt; quippe morum integritate, pulcherrimis institutis, ad hæc clementiâ, æquitate & fide administrantium Rempublicam, aliarum omnium verè principes. Has inter prima, quæ Hia dicitur, Imperatores 17. numerat, quæ per annos 458. imperium tenuere: altera Xam ac deinde Yn dicta, Imperatores 28. per annos 644. tertiam denique, quæ vulgò Cheu nominatur, Imperatores 35. per annos 873. rexerunt; vicitque hæc omnes & Principum numero, & annorum. Trium verò familiarum annos conficiunt 1975.

Quæ tempore trium Familiarum gesta sunt, partim referuntur

feruntur in toto libro Xu kim à variis illorum temporum Historiographis Regiis, partim in aliis haud minoris fidei libris classicis atque authenticis, quos ipsemet Confucius Philosophus singulari studio atque operâ collegit: multa quoque à Tai su cum commemorantur, qui plusquam duobus sæculis vixit ante Confucium; & à Lao kiun, qui coætaneus ejusdem fuit, tametsi senior: quin & Philosophus ipse sub vitæ exitum sanctus Historiographi munere, non pauca memoriæ posterorum prodit in eo libro qui Chun cieui dicitur; atque in libris Scientiæ Sinicæ, quos in lucem damus, multa quoque reperiuntur à Confucio Memcioque inspersa, quæ ad ætatem trium Familiarum spectant.

Cæterùm familia Cheu trium principum familiarum, uti jam diximus, postrema, uti fuit primis maximè temporibus florentissima, ita copiosiore quoque scribendi materiam præbuit: annis tamen labentibus & ipsa labi cœpit, & fallentia rerum humanarum decreta paulatim experiri. Certè quo tempore Philosophus vivebat, multum jam de antiquis suis moribus, priscaque integritate & severitate amiserat. Laboravit ille quidem per annos complures, & incenso planè studio tam verbis quàm scriptis egit, ut auream illam Priscorum ætatem innocentiamque revocaret, sed nullo vel perexiguo certè quidem successu laboravit. Perierunt ergo tandem tres familiæ principes, postquam ex eis octoginta Imperatores per annos omnino 1975. Imperium Sinense tenuerunt, & quæ humanæ conditionis infelicitas est, periit unà cum illis prisca fides, candor, innocentia: quin & hæreses ab ipso Confucii tempore invalescebant, nec multis post sæculis execrabilis idolorum pestis ab India invec̃ta cultissimam gentem sædis insanisque superstitionibus miserandum in modum contaminare cœpit. Et quamvis aliquæ familia-

rum, quæ tres modò memoratas consecutæ sunt, impensè hoc egerunt, ut instituta Majorum ac disciplinam, pristinosque mores revocarent, nunquam tamen perficere potuerunt, ut non labes aliqua vitiatæ semel ætatis, & quasi rugosum quid ac senile persisteret, multumque priscæ integritatis atque severitatis (quemadmodum observant omnes) desideraretur. Est interim memoriâ sanè dignum quod Yam cie gravissimus inter Sinas auctor animadvertit in Prologo suo, qui quidem omnibus omnino annalibus præscribi solet, ruinam scilicet trium familiarum tam illustrium ex tribus maximè pellicibus, quarum singulæ singulis familiis damno fuerint, extitisse. Quod tametsi non sine causa vir prudens animadverterit, aliam tamen quoque rem tertiæ huic familiæ damno fuisse atque exitio multi observarunt: quippe cùm Fundator illius Vu vam, Princeps militari gloriâ clarissimus, idemque mirificè liberalis erga suos, septuaginta Regna seu Dynastias, eoque amplius, eis qui bene de Imperio meriti fuerant, nec non consanguineis suis largitus fuisset, hæc munificentia cupiditati, sicut fit, ambitionique materiam præbuit, adeoque bellis sanè diuturnis ac luctuosiss. Certè cùm procedente tempore octodecim majora Regna mutuis inter se bellis arderent, tandem imperante Yeuvam, qui duodecimus ex familia Cheu Imperium moderatus est, ad septem Regnorum Principes seu Regulos spes tota victoriæ bellicue moles devenerat, sic prorsus ut septem postremi Imperatores præter augustum nomen Filii Cæli, sive cælitus dati, & sigillum, & novem vasa Imperialia, præter imagines denique & umbras imperii vix aliud quidquam retinerent: ei verò, qui postremus fuit omnium, ex amplissimo terrarum imperio nihil jam superesset præter exiguam septem oppidorum ditionem.

¶ Tribus ergo familiis Hia, Xam, Cheu, quarta suc-

cessit Cin dicta, quæ postquam per annos omnino ducentos ac decem cum aliis sex Regnis pro suprema dignitate decertaverat, omnium tandem victrix votis suis amplissimoque Sinarum Imperio potita est: sed enim brevissimo potita tempore. Certè tertio post die quàm solium occupavit, in tumultum est illatus; filius exacto mox triennio, spe pariter ac vitâ spoliatus, secutus est patrem, & cum eo stirps omnis familiaque concidit. Usque adeo scilicet brevis & caduca fuit felicitas, imò spes mera felicitatis, ad quam ambitio tot annorum per tot cædes ac vulnera sibi viam fecerat. Quamvis autem qui deinde successit Xi Hoam ti dictus, atque omnium tandem victor nomen familiæ Cin, in quam aliena ex stirpe adoptatus fuerat, per annos 37. quibus imperavit, tutatus sit, atque usus consilio sanè perapposito Monarchiæ suæ non solum conservandæ, sed etiam perpetuandæ, Regulos omnes factionum bellorumque duces in ordinem, Regna verò in Provincias redigeret; tandem tamen unâ cum illo ipsum quoque nomen extinguitur: immortale quidem futurum apud posteros, nisi rerum suarum gloriam, quas utique gessit maximas, & muri propè immensi contra Tartaros extructi merita, inaudito quodam litterarum hominumque litteratorum odio, nec minùs tyrannide sævitæque suâ fædè commaculasset: qui aded cùm se jam plurimis exosum esse cognosceret, insidias veritus ac vim suorum, non arma tantum, sed æs omne ferrumque privatis ex ædibus jussit auferri. Verùm brevè didicit nequidquam iis tela adimi, quos odium & furor armat. Certè versâ tandem in furorem patientiâ, cannis igne duratis præustisque tyrannum aggressi, cum cæsis ac fugatis non semel exercitibus, nisi mortem natura prævenisset, imperio tandem ac vitâ exuissent. Dux autem facti, vir ignobilis è plebeiorem turba, cui Lieu pam

nomen, qui indolem regiam toto corporis proceri habitu præferebat, mox Sinarum Dominus, atque Imperialis familiæ Han vulgò nominatæ Conditor ac Princeps. Hæc autem multò quàm præcedens fortunatior, & sago togæque nobilis, militarem gloriam sic est sectata, ut litteras baudquaquam aspernaretur: harum itaque studiosos, in quos familia præcedens ferro flammæque sævierat, benignè complexa, tenues librorum reliquias, quorum infinita copia communi fuerat absumpta incendio, sollicitè collegit: fortunata hoc quoque nomine, quod in medio fere illius cursu SALVATOR MUNDI nasci dignatus est; fortunata, inquam, tanta si bona nosset; sique homines ii, quos ad exquirendam veram Legem in Occidentem legaverat, ex Indiis doctrinam potius Thomæ Apostoli inibi tunc versantis, quàm nefarias idoli Fe superstitiones in patriam suam reduces attulissent. Turbavit autem non mediocriter, & interrupit quodammodo prosperum familiæ hujus cursum per octennium Imperatrix una & Usurpator quidam Imperii, qui familiæ suæ Sin, id est novæ, qualis revera erat, cognomentum indidit. Verùm quatuordecim post annis antiquata mox novitas fuit, ac familia Han cursum suum prosecuta, quinque & viginti Imperatores (non recensitâ Imperatrice & Usurpatore) per annos 426. numeravit. 230. quidem in Occidente Xen si sub tredecim Principibus, & sub duodecim in Oriente Ho nan per annos omnino 196. suis quoque Historiographis, qui quindecim numero fuerunt, illustris, & hos inter præcipuæ auctoritatis Præfesto Suma cien, (floruit is 100. fere ante Christum annis) qui historiam suam orditur ab Hoam ti Monarchiæ Sinicæ Conditore.

- Quæ huic deinde successit Heu han, sive posterior
 • Han familia, idem nomen sortita est, quia ex eadem stirpe,

stirpe, quamvis remotius, oriunda. Porro regnavit illa in provincia Su chuen per annos 44 nec nisi duo Imperatores pater & filius solium tenere; si tamen solium tenuisse dici possunt, quando eodem tempore duæ aliæ præpotentes familiæ Guei & V, hæc in Australi China, illa in Boreali nomen atque insignia Imperatoris usurpabant. Multa igitur bella per annos 40. & bellorum successus varii, quos & octo ætatis illius Historiographi multis libris complexi sunt, quoad tandem bellis pariter ac Triumviratui finem dedit septimæ familiæ Cin Fundator. Hic autem rerum potitus aulam in Oriente constituit, unde eam deinde posteri Principes in Occidentem transfulerunt. Sed hujus quoque familiæ non admodum diuturna felicitas fuit, quippe quæ 155. annorum spatio quindecim numero successivè Principes numeravit, quatuor scilicet dum in Occidente aulam habuit per annos 52. undecim verd cùm in Oriente aulam tenuit per annos 103. Nimis hac tempestate tota bellis civilibus ardebat China, Regnis omnino sexdecim inter se commissis: quod minùs est mirandum, quinque familias, quæ deinde scenarum propè ritu aliæ alias consecutæ sunt, tam brevi tempore constitisse. U tai, seu quinque familiæ, dicebantur; item Nan pe chao, quæ voces Australem Borealemque Dominationem sonant. At verd sub his familiis tam in Austro quàm in Septentrione modò hæc, modò illa Regna supremum sibi jus atque imperium vindicarunt, ambitione scilicet per fas nefasque aditum sibi parante ad solium. Quid multa? Fuit tempus, cùm novem simul nomine tenus Imperatores videret China. Quinque porro familiarum in Austro regnantium sunt hæc nomina, Sum, Ci, Leam, Chin, Suy. Sum igitur nomen octavæ fuit familiæ, & per annos 59. sub octo Imperatoribus stetit. Nona Ci, quam per annos 23.

Imperatores quinque tenuerunt. Decimam Leam nominavere; hæc, per annos 55. quatuor Imperatores Sinenſibus dedit. Undecima Chin eſt dicta, ex qua, 32. quibus ſtetit annis, quinque Imperatores prodierunt. Tres denique ex duodecima, cui & Suy nomen: fuit hæc autem totius Imperii domina, ſed brevi temporis ſpatio, ut quæ poſt novem ac viginti annos finem accepit. Itaque ſi nos annorum Principumque numerum, qui ad quinque familias pertinent, ſummatim colligamus, comperiemus Imperatores quatuor & viginti, per annos 196. in Auſtro imperitaſſe, quando interim in Septentrione tres familiæ Guei, Cheu & Ci per annos 170. imperitabant. Hiſtoriographi interim ætatis illius decem extitere.

Excepit hanc Imperialium ſcenarum varietatem ſtabilior aliquantò familia Tam vulgò nominata, ſi tamen in humanis rebus quidquam dici poteſt ſtabile. Fuit illa domus, cæteras inter, rerum geſtarum gloriâ perilluſtris ac felix, verâ etiam gloriâ ſummâque felicitate longè omnes ſuperatura, ſi beatiffimam ſortem, quæ ipsis naſcentis exordiis divinitus oblata fuit, tueri voluiſſet: ipſa nimirum eſt, cui ſeptuaginta duo Præcones Evangelici à Judææ finibus proſecti, veræ ſapientiæ lumen attulerunt: quo tametſi per annos circiter ducentos gaudere viſa eſt, tandem tamen magis amavit ipſa ſpiſſas Atheorum ſuorum atque idololatriæ imprimis tenebras, quàm lucem Chriſtianæ veritatis. Annis autem ſtetit 289. Imperatores viginti recensuit: in his excludimus Imperatricem unicam, quæ Imperium, à quo per leges excludebatur, per vim & neſas uſurpavit.

Poſt hæc civilia rurſum bella, novique Regnorum ortus & occaſus. Quinque rurſus familiis Heu u tai dictis, jus Imperii vi & armis ſibi vindicantibus, Colai ſerè vel armorum Duces erant quicumque ad imperium adſpira-

bant ; cùmque totius imperii administratio ex nimia Imperatorum indulgentia & facilitate penes eos esset : ad hæc , opes , arma , militumque & eorum quos ad dignitates evexerant favor , viam panderent , promptissimè scilicet capessere ambitio quod totis votis expetebat : sed enim cùm paria essent multorum vota , Martisque rota nunc hos evehens , nunc illos , & mox etiam pro sua levitate , quâ unâ constans est , deprimentis quos eveherat ; sic prorsus , ut trium & quinquaginta annorum spatium China duodecim viderit Imperatores ; quodque multò fuit mirabilius , quinque Domorum Imperialium ortus pariter atque occasus . Harum porro singulis proprium nomen regni seu ditionis , quam Conditor suus antè obtrunuerat , inditum de more fuit , unâ tamen adscitâ Hæu litterâ , quæ posteriores esse significaret ; ejusdem quippe nominis familiæ itidem rerum potitæ fuerant .

Ne quid autem deesset ad publicas imperii calamitates , per eadem fere tempora Regulorum alii in Australi , alii in Boreali China inter se mutuò dimicabant , quoad unius tandem familiæ (Sum nomen fuit) victrix ambitio ambitiosis aliarum studiis atque contentionibus finem attulit . Hæc ordine decima-nona per annos 319 . octodecim Imperatores Sinis dedit ; plures etiam datura , si placuisset uti probis rerum suarum Administris , & Martis armorumque studia cum studiis litterarum , quibus impensissimè favebat , prudenter conjungere : sed enim dum his totam se tradit , illorum propè oblita , factum est ut pacificam Sinarum Palladem armata Tartarorum invaderet ; & qui utriusque præsidio imperium ac libertatem tueri poterant , alterius neglectu in servitutem devenirent . Servitutis ac ruinæ principium à Sinis fuit , si tamen par est Sinas dicere , qui soli ex Sinis omnibus abhorrentes à litteris , & venationis armorumque studiis de-

diti, Tartari veriùs censeſeri poterant: Barbari certè quidem vulgò cenſebantur, ac terras Leao tum dictas ipſi Tartariæ Orientali finitimas incolebant, vicinis ſuis robore militari, morumque ſerocitate perquam ſimiles. Hi ergo ſive Præſectorum injuriis (uti fit) laceſſiti, ſive aliis de cauſis ſumptis armis rebellionem movent; nec morâ, jam non ciues, ſed hoſtes rapinis graſſantur ac cædibus, finitimas quaſque ditiones infeſti populantur: obrui opprimique poterant ſolis litteratorum calamis, ſi quantum his litterarum erat, tantum fuiſſet animorum: ſed enim qui otio, qui umbræ & ſolis Muſarum cantibus aſſueverant, ſolo propè armorum ſtrepitu lituorumque cantu exanimati ſunt. Quid hîc ageret Sinarum Imperator? erat is octavus ordine, Hocicum ei nomen, barbaros ope barbarorum domiturus Tartaros Orientales invitat, lupos, ſcilicet imprudens, ut canes abigat. Advolant Tartari, feritur ſædus, arma cum Sinis ſociant, rebelles domant; ſed his domitis, imperii quoque ſocietatem petunt, quæ ubi negatur, bellum denunciant, geruntque eo ſucceſſu, ut Imperatore totâque aulâ in Australem Chinam migrare coactâ, ipſi provincialium Borealium jam domini non dubitarint imperii jus atque titulum ſibi vindicare: quod magis fuit mirandum, poſteros tanto majorum ſuorum malo nihilo cautiores factos, noſtris rurfum temporibus in eundem errorem atque eandem calamitatem lapſos fuiſſe. Per annos igitur 150. Principes novem ex illa Tartariæ Orientalis gente Chinæ Borealis Imperatores appellari ſe voluerunt, Australis etiam Chinæ futuri domini, niſi per eadem ſere tempora multò numeroſior ipſis fortiorque Tartarus Occidentalis ſpes concepta & victoriarum curſum intercidiſſet. Hunc Sinarum Imperator contra Orientalem invitavit concitavitque: adeſt alacer, uſurpatorem Tartarum feliciter tandem debellat,

bellat, ac procul à China ejicit, gratulantibus scilicet triumphantibusque Sinis, quando ecce quod his sui quondam hostes vaticinati fuerant, victor Tartarus stipendium militiæ suæ præmiumque sanè magnum poscens, & armatis, ut aiunt, precibus Septentrionem totum vindicat sibi; nec contentus hac quamvis immensâ propè ditione Barbarus, ex ambitioso cupidoque socio apertus jam hostis, cum milite exercitatissimo atque armis vincere assuetis, in Meridionales opulentasque Sinarum venit Provincias, & spem non inanem imperii totius. Ab ortu igitur & occasu perpetuis hostium irruptionibus ac latrociniiis exhaustum & labefactatum Imperium tandem ruinam fecit: unum hoc acerbi casus solamen à litteris suis ferens, quod cum superioribus quinque familiis unus duntaxat Scriptor obtigisset, ipsius res gestæ per duos & sexaginta Historiographos, ut jam de veterum librorum Interpretibus non agam, posterorum memoriæ commendatæ fuerint.

Vidtrix ergo quæ ad occasum degit Tartaria, quæ familiæ suæ Yuen nomen dedit, per annos novem & octoginta Sinis dominata est, cum totidem ferè annos in expeditione sua consumpsisset; quod nulli quidem mirandum videri debet: fuit enim luctandum illi non tam cum Sinis quàm cum affinibus cognatisque Tartaris, qui, uti modò narrabam, Pekinensem Provinciam bellicosam imprimis, armis ac ditione obtinebant: cum autem rara sit gratia fratrum quoque, ne dicam affinium; tum quidem maxime, cum de corona sceptroque agitur, adspirantibus eodem & his pariter & illis, bello tandem vicere qui opibus numeroque vincebant Occidentales Tartari. Prodierunt Imperatores novem ex hac Tartarorum familia, quam adeo non sunt aversati Sinæ, ut fidem candoremque gentis experti mirè etiam charam habuerint; jamque etiam desiderium illius non rarè prodant, hoc quidem

tempore, quo Orientali Tartaro parere coguntur. Usque adeo scilicet tolerabile redditur vel ipsis servire Tartaris, si modò fides & clementia regnarit. Cælum interim Sinense ac solum multò fuit apud victores inclementius, quàm hi erga victos erant: plerisque certè Principum (si primum ac postremum excipias) brevis admodum dignitatis ac vitæ usura fuit. Nimirum extra silvas suas ac nives agrè gens ista vel in deliciis vitam trahit, nisi revera dicamus, idcirco brevem fuisse, quòd in deliciis eam ducerent. Hoc quidem certum pœnis istis Asiaticis suam hic quoque fuisse Campaniam, & deliciis tandem fractos ac voluptatibus perdidisse militares spiritus, Martiumque robur, quo pauci multis Sinarum quondam pares erant. Ab his ergo quamvis imbellibus faciliè potuerunt vinci atque opprimi, præsertim cùm libertatis amor vires animosque subderet, nec ipsi virtute bellica jam vincerent, à quibus numero longè vincebantur. Incrementa porro decrementaque rei Tartaricæ octo ætatis illius Historiographi conscripsere; ad quos è sequenti familia novus accessit, qui unus belli pacisque res omnes ducentis ac decem voluminibus est complexus: hos autem decimum quoque his jungimus, Marcum Paulum Venetum, expeditionis Tartaricæ spectatorem & socium, qui multum dedit lucis rerum Sinicarum studiosis.

Is interim qui Tartaros è China pepulit infimæ conditionis homo, de famulo sacrificulorum latronum dux, ad extremum maximorum Imperator exercituum Chinæque Dominus evasit. Ab hoc fundata Mim familia, quæ per sexdecim deinde Principes, ducentorum septuaginta sex annorum spatio feliciter est propagata. Ab ea redactum divisumque Imperium in tredecim Provincias, & binas Provincias aulicas Pe kim in Septentrione, & in Austro Nan kim: ab hoc Monarchia firmissimè sta-

bilita, Regulis Dynastisque omnibus nihil præter titulum censumque titulo dignum relinquens. Verumtamen quæ humanæ felicitatis est inconstantia, hæc quoque Monarchia, quâ nihil stabilius esse videbatur, nihilque florentius, aliquando corrui: latronum civiumque beneficio caput extulerat, latronum civiumque incuriâ depressa fuit atque extincta; quippe dum robur omne militiæ Sinis procul ad Imperii & Tartariæ fines occupatur, seditionum perditorumque hominum manus in ipsis Regni visceribus numero viribusque paulatim aucta, tandem eluvionis instar Boreales aliquot Provincias occupavit; inde grassari barbarum in morem incendiis, rapinis, cædibus: jamque adeo Pekinensem aulam crudeliter atque avarè diripere, ipsomet Imperatore sibi ultro consciscente necem, quo se crudelitati suorum graviorique probro eriperet: quorum omnium factus certior, qui tunc regio exercitui summa cum potestate imperabat, in ultionem tanti sceleris exardescens, & pœnas utique justissimas, de perduellibus illis sumpturus, repente cum Orientali Tartaro, quocum tunc maximè bellum gerebatur, pacem init, jamque adeo in ultionis quoque & belli contra latronem societatem vocat. Adsuerunt mox alacres Tartari: itur in latrones, fugantur, cæduntur, Tartaris non minùs famâ & terrore nominis sui, quàm manu ferroque pugnantibus: & hi quidem jam ovantes, maximis onusti spoliis revertebantur, atque ut Sinæ autumabant, in Tartariam suam; cùm ecce non ultra Pekinum progressi, suum esse scilicet Sinarum Imperium, nec uno tantùm titulo, declarant. Quid plura? paucorum annorum spatio, vi, metu, dolo, virtute, nec non Sinensium discordiâ perfidiâque Provinciæ subactæ omnes, extincta funditus Mim familia.

Successit igitur clausura nobis Imperiale agmen nova Tartarorum Orientalium familia Cim dicta, cujus qui-

dem imperantis anno quadragesimo, nostrate verò Orbis Christiani 1683. quo hæc scribimus, imperante Cam hi, qui secundus è gente Tartarica vigesimum-secundum jam annum Tartaricum pariter & Sinense moderatur Imperium.

Atque hæc demum est series Familiarum Principum Sinicæ Monarchiæ: quas ut ego summatim offeram: fuerunt illæ quidem duæ supra viginti, Imperatores verò omnium, annumeratis octo primis gentis Principibus, universim ducenti triginta quinque, omiſſis scilicet iis qui quòd brevi tempore vixerunt, vel aliis de causis, in serie non ponuntur. Perstitit autem Monarchia in Familiis Imperialibus per annos 3898. ad quos additis 737. annis, quibus octo primi gentis Principes vixisse perhibentur, conficiuntur à primo anno Fo hi ad hunc Salutis humanæ 1683. inclusivè, anni 4635. ex his subtrahere annos 255. quibus duo Conditores Fo hi & Xin num regnarunt, residui erunt 4380. qui conficiunt Cyclos sexaginta annorum omnino tres & septuaginta.

TABULA NUMERICA XXII. FAMILIARUM
Imperialium, Imperatorum, Annorum.

Familie.	Imp.	Anni.	Familie.	Imp.	Anni.
I. Hia.	17.	458.	XII. Suy.	3.	29.
II. Xam.	28.	644.	XIII. Tam.	20.	289.
III. Cheu.	35.	873.	XIV. Heu leam.	2.	16.
IV. Cin.	3.	43.	XV. Heu tam.	4.	13.
V. Han.	27.	426.	XVI. Heu cin.	2.	21.
VI. Heu han.	2.	44.	XVII. Heu han.	2.	4.
VII. Cin.	15.	155.	XVIII. Heu cheu.	3.	9.
VIII. Sum.	7.	59.	XIX. Sum.	18.	319.
IX. Ci.	5.	23.	XX. Yuen.	9.	89.
X. Leam.	4.	55.	XXI. Mim.	21.	276.
XI. Chin.	5.	32.	XXII. Cim.	2.	40.



TABULA CHRONOLOGICA Monarchiæ Sinicæ POST CHRISTUM juxta Cyclos annorum LX.

CYCLOS
XLV.
Annus
58.
post Chr.
primus.

11. HIAO PIM TI
regn. 5. annos.



ANNO Cycli 58. & primo à Christo nato succedit in Imperium HIAO PIM TI, hoc est, obediens pacificus, è quinta Han familiâ numero undecimus, ex octavi Imperatoris YUEN TI stirpe nepos novennis. Avia Imperatrix committit imprudens totum regimen Colao *Pam mam*, vafro, ambitioso, crudeli. Hic sublato remulo solus rerum potitur: 117. suæ factionis Dynastas creat: nomine Imperatoris cælo solenni ritu sacrificat: fictis prodigiis id agit, ut credatur à cælo missus.

CYCLOS
XLVI.
Annus
post Chr.
quartus.

11. JU ÇU YM
regn. 3.
Pam mam
regn. 14.

Anno Cycli 2. HIAO PIM TI veneno perimitur à *Pam mam*, qui simulatè vota offert & vitam cælo devovet pro Principis salute.

Anno 3. à *Pam mam* substituitur JU ÇU YM biennis infans, è stirpe septimi Imp. SIUEN TI.

Anno 5. JU ÇU YM Imperio exiit à *Pam mam*, qui anno 6. deposità jam larvâ palam Imperium usurpat, & Imperator proclamatur. Plurima renovat: nomen familiæ suæ indit *Sin*, id est, novum, quod 14. annis duravit. In novem provincias Imperium dividit, & in regiones 125. in quibus urbes 2203. Dynastas creat 796. Toparchas 1551.

K

Anno 13. *Lunâ 7. die ult. Eclipsis Solis.*

Anno 16. *Cometes.*

Varii conflantur exercitus confœderatorum, qui *Che may* dicti, quod minio tinctis superciliis à reliquis distinguerentur, alii exercitus à duobus fratribus *Lien sien* & *Lien ym* è *Han* familia oriundi. Hinc varia & cruenta bella.

Anno 19. locustarum tanta eopia, ut solem obducerent: hinc fames ingens, adeoque hinc plerumque anfractibus rebellionum & latrociniorum.

Anno 20. caeso exercitu, aulâ direptâ & incensâ, occiditur *Vam nam*, corpus in frustra discerptum & sale conditum, caput in foro suspensum populi telis configitur. Subrogatur eodem anno à victore exercitu *HOAI YAM VAM*, è quarti Imp. *KIM TI* stirpe oriundus.

13. HOAI YAM
VAM
regn. 1.

Anno 21. *HOAI YAM VAM*, quod luxui deditus, ab exercitu rejicitur, subrogato *Vam nam*, qui se filium noni Imp. *CHIM TI* esse mentiebatur: sed paulò post detectâ fraude obtruncatus.

14. QUAM VU TI
regn. 39.

Anno 22. succedit *QUAM VU TI* (aliâs *Lien sien*) è decimo filio *KIM TI* quarti Imperatoris oriundus.

Aulam ex Occidente *Xen si* in Orientem transfert *Seu lo yam* urbem provincie *Ho nam*. Hinc deinceps Orientalis *Han* familia nominatur. Princeps bello & pace clarissimus, ruri educatus, & plebis labores expertus, ejus misereri novit, comis, liberalis, & amans litterarum, quos undique accersitos evehit. Corporis habitus vulgaris: lustrans Imperium in natali solo cum popularibus agricolis epulatur. Piscatori *Nien quam* sodali olim suo ad se accersito obviam procedit, primas desert, & in eodem secum strato cubare jubet, ubi noctem pristinae vitæ res connumerando traducunt. Sub noctem semel à venatione redux Regiæ portas occlusas offendit, vigillum Præfectus aperiri vetat, quare ad aliam pergens admittitur: postridie eum, à quo admissus erat, uno dignitatis gradu dejectum plectitur, auger alterum.

Annos 12. impendit rebellibus domandis, & pacando Imperio. Rubris tincti superciliis copias suas in 30. centuries seu 300. millia dividunt. Sibi eligunt in Imperatorem *Poon sa* è familiâ *Han*, ad bubulci sortem reductum, qui victus ultro se dedens, & vitâ & dynastiâ à victore donatus.

Dux belli *Ma yuen* Cochinchinae rebelles domat, deinde in prælio contra boreales barbaros occumbit.

Anno 24. *Lunâ 3. die ult. Eclipsis Solis: item anno 27. Lunâ 9. die ult.*

Anno Cycli 28. Imperii verò 7. *Lunâ 3. die ultimo memorabilis Eclipsis totalis*, cujus occasione vetat in codicillis impostherum uti nomine *Xim*, id est sanctus. Cum dicant annales Eclipsim prævenisse tempus; an fuerit

	<p>15. MIM TI regn. 18.</p>	<p>ea, quæ in morte Christi contigit, Astronomis examinandum relinquatur.</p> <p>Anno 37. Lun. 3. <i>Eclipsis Solis</i>, item anno 38. Lun. 2. die ult. item 43. Lun. 5. item 46. Lun. 1. die ult. 51. Lun. 2. item 52. Lun. 5. die ult. & 53. Lun. 11. die ult.</p> <p>Anno 54. QUAM VU TI moritur æt. 61. Anno 55. succedit MIM TI filius ex decem: Princeps prudens, sagax, clemens. Academiam instituit in ipsa Regia pro filiis optimatum etiam barbarorum, quorum exercitationibus interest. Heroës bello & pace claros pingi jubet, & in aula appendi. Visitat ædes <i>Confucii</i> Philosophi. Imperatrix (filia memorati Ducis <i>Mayuen</i>) modestiæ speculum fuit in Gynæceo, vestibus acu pictis constanter abstinet.</p> <p>Anno 57. Lun. 8. <i>Eclipsis Solis</i>.</p> <p>Crebras eluviones fluvii <i>Hoam ho</i> operâ centum mille hominum objectis per mille stadia aggeribus coercet.</p>
<p>CYCLUS XLVII. Annus post Chr. 64.</p>	<p>1. CHAM TI regn. 13.</p> <p>17. HO TI regn. 17.</p>	<p>Anno Cycli 1. occasione somnii, quo oblata fuerat species aurata viri gigantæ, & memor dicti, ut putatur, à <i>Confucio</i> prolata, in Occidente existit sanctus, quæritur Imperator per suos legatos veram legem ex Indiis: at enim idoli <i>Fa</i> pestifera secta cum metempsychosi (proh dolor!) infecta est anno imperii sui 8. Lun. 10. (quæ & Sol defecit) anno post Christum 65. Dirè exagitant hoc factum scriptores omnes.</p> <p>Anno 7. Lun. 10. die ult. & anno 10. Lun. 5. die ult. <i>Eclipses Solis</i>.</p> <p>Anno 12. MIM TI moritur æt. 48. Anno 13. succedit CHAM TI filius, probus & sapiens, pacis amans & literarum: vectigalia moderatur, magistratibus suis elegantiorum vestium usum interdicit, veterum parsimoniam imitandam dictitans.</p> <p>Anno eodem 13. terramotus Lun. 8. Cometes, anno 14. sterilitas. Lun. 12. Cometes.</p> <p>Anno 17. Lun. 2. <i>Eclipsis Solis</i>, item 18. Lun. 6. die ult. item 24. Lun. 8. die ult.</p> <p>Anno 25. CHAM TI moritur æt. 31. Anno 26. succedit HO TI filius & decennis, sub tutela Imperatricis.</p> <p>Anno 27. Lun. 2. <i>Eclipsis Solis</i>.</p> <p>Anno 28. Pan chao Dux celeberrimus jus Impetii clientelare profert longissimè cum victore exercitu terrestri 200. dierum itinere, 50. amplius regna missis obsidibus clientelam profitentur: ad 40. millia stadiorum usque <i>Ta sm</i>, id est Judæam, refertur progressus, 30. anni circiter in his expeditionibus insumpti.</p> <p>Anno 29. Lun. 6. <i>Eclipsis Solis</i>.</p> <p>Anno Imperii 14. conjugem repudiat suspectam infidiarum, hæc mœrore contabescit, <i>Tem yu</i> Ducis neprem Reginam creat, modestiæ speculum, litterarum</p> <p style="text-align: right;">K ij</p>

		<p>imprimis perita: ab ei gratulantibus nil munerum accipit præter penicillos, & novum papyri genus tunc inventum.</p> <p>HO TI primus Eunuchos publicis muneribus ad-mover, à quibus postmodum crebrò perturbatum Im-perium, creatis etiam ex eorum numero Dynastis ac Regulis à sequenti Imperatore.</p> <p>Anno 32. Lun. 4. <i>Eclipsis Solis</i>, item 34. Lun. 3. item 37. Lun. 7. item 40. Lun. 4.</p> <p>Anno 42. HO TI moritur æt. 27. Anno 43. succe-dit XAM TI, secundus filioli 100. dierum, qui mox moritur.</p> <p>Anno 44. succedit NGAN TI nepos CHAM TI. Tre-decennis loco Regina mater Imperium administrat, sed ultra tempus: in publica sterilitate adit ipsa per se carceres. Imperium ne mole sua viribusque fatige-tur, arctioribus finibus circumscribitur, multarum gentium & Principum clientelis renuntiatis.</p> <p>Per hæc tempora grassatur insignis pyra <i>Cham pe-lu</i>, qui post quinquennium obtruncatur.</p> <p>Eodem anno 44. Lun. 3. <i>Eclipsis Solis</i>.</p> <p>NGAN TI concubinam unam Imperatricem creat, hæc sterilis cum esset, alterius concubinæ filium (clam veneno sublatâ matre) sibi vendicat.</p> <p>Singulis propè annis terræmotus; maximè terribilis fuit decimus quintus, qui anno Imperii 8. Lunâ 2. contigit, quando tellus hiatum fecit longum stadiis 182. latum 56. (13. stadia Sinica leucam Germanicam constant) Amnistia toto Imperio indicitur, missi de more ad singulas provincias legatis Regiis.</p> <p>Anno 46. & 17. <i>sequentibus annis terræmotus, fames, inundationes</i>.</p> <p>Anno 48. Lun. 1. <i>Sol deficit</i>, Anno 51. Lun. 3. anno 52. Lun. 9. <i>die ult. & anno 56. Lun. 12. totalis Eclipsis</i>.</p>
<p>18. XAM TI regn. 1.</p> <p>19. NGAN TI regn. 19.</p>		
<p>CYCLUS XLVIII. Annus post Chr. 124.</p>	<p>20. XUN TI regn. 19.</p>	<p>Anno Cycli 1. Lun. 9. <i>die ult. Eclipsis Solis</i>.</p> <p>Anno 2. NGAN TI lustrans Imperium moritur, æt. 32. Anno 3. succedit XUN TI filius.</p> <p>Imperatrici mortuæ, quodd sciret ab eâ veneno su-blatam matrem, vetuit iusta fieri.</p> <p>Alios atque alios Barbaros domat.</p> <p>Anno 4. Lun. 7. <i>Eclipsis Solis</i>.</p> <p>Sancit, ut nemo gerendo Magistratu adhibeatur ante quadragesimum ætatis annum, nisi virtus æta-tem superet. Nutricem suam titulo donat heroïnæ, & sigillo more Sinis usitato: sed postmodum eadem beneficii convictæ cum infamiz notâ sigillum cum titulis eripitur.</p> <p>Anno 8. Lun. 4. <i>in vico regia suburbano terra hians cubitis 850. in longum in terra Leam cheu</i>.</p> <p>Anno 9. latronum cunci 49. urbes Australes vas-tant Duce <i>Ma mien</i>, qui post 12. annos Imperatoris nomen</p>

- nomen usurpabit, & proximo post anno occidendus.
*Anno 12. Lun. 18. mense intercalari Eclipsis Solis, item
 an. 15. Lun. 12. & an. 17. Lun. 2. die ult.*
Anno 18. terra centies oligies concutitur.
 Bis Amnistia indicitur.
Anno 21. XUN TI moritur æt. 32. Anno 22. succedit CHUM TI biennis filius, qui Lunâ primâ moritur.
Anno 23. succedit CHE TI octennis, è stirpe CHAM TI, prudens suprâ ætatem. Visit gymnasium, in quo supra 30. millia Scholasticorum.
Cùm in conventu publico fratrem Imperatricis Leam ki torvè intuens mustitabundus diceret, b ferocem hominem! ab eo mox veneno sublatu est Lunâ 6.
Anno 24. succedit HUON TI frater natu major.
Eodem anno 24. Lun. 1. & anno 26. Lun. 4. die ult. Eclipses Solis.
 Sub hoc Imperatore venales fiunt magistratus, & sub hujus successore etiam dynastiæ: scèlx *Lao kinn* & Eunuchis impensius favet: multi litterati muneribus quoque invitati venire detrectant. *Leam ki* ad summa evehitur; ejus uxor titulo heroinæ & duarum urbium censu, seu 300. aureorum millibus donatur. Anni Kalendis de more Regem veneraturus, cùm contra leges accinctus gladio curiam introisset, gladio per vim mox erepto, veniam tamen tanti criminis impetrat, non multò post omnibus exosus, repente ab Eunuchorum turbâ cinctus, desperatâ fugâ, cum uxore sibi manus infert. Amici & propinqui ejus suprâ 300. magistratu privantur, tanta vis opum ejus silco ad dicta, ut mediam partem vestigialium æquaret.
 Amnistia indictâ *Puon* Præfectus in carcerem innocens detrusus cùm vincti solverentur, solvi renuit: *nam si exiero, inquit, ubique circumferam culpæ infamiam, & vivens ero malus Præfectus, & moriens malus dæmon.*
Anno 28. & 32. tam horrenda extitit fames, ut carne humana homines vescerentur.
Anno 29. Lun. 7. anno 31. Lun. 9. anno 34. Lun. 4. intercalari, die ult. & anno 42. Lun. 1. die ult. Eclipses Solis.
Anno 43. Croceus fluvius semper turbidus, limpidissimis fluxit aquis, quod illis mali ominis instar est.
Anno 44. Lun. 5. die ult. Eclipses Solis.
Eodem Anno 44. HUON TI moritur æt. 36. sine prole, cùm tamen suprâ sex mille concubinas numeraret.
Anno 45. succedit LIM TI è stirpe CHAM TI. Studiosissimus Eunuchorum, moneri impatiens, avarus, jocos deditus: nundinas domesticas instituit, gaudens audire concubinas inter se licitantes & jurgantes. Ipse in rheda quam asinis jungit, obit palatia & gynæcea, unde equi asinis viliores extiterunt, orbe Sinico ad exemplum Regis se componente. Unâ re laudandus, quod Regum documenta quinque libris classicis con-

tenta marmoris insculpi, & præ foribus Academiæ erigi iusserit.

Conjuratio contra Eunuchos deregitur. 100. Senatores occiduntur, & ex aliis Præfectis 700.

Emergunt novi latronum cunei à flavo pileo dicti duobus tribus fratribus *Cham* dictis è sectâ *Lao kum*: pora lustralis aquæ veneficii infectæ morbis medentur. Per octo provincias serpit malum, donec duo fratres in prælio victi 80. millibus partim ferro partim flumine pereuntibus, & altero prælio 100. millibus partim cæsis, partim captis, tertius demum frater in obsidione moritur.

Anno 46. Lun. 10. die ult. anno 48. Lun. 3. anno 50. Lun. 12. die ult. anno 54. Lun. 10. anno 55. Lun. 2. & anno 58. Lun. 9. Eclipses Solis.

CYCLOS
XLIX.
Annus
post Chr.
184.

Post 80. prælia tandem domiti Barbari ductore *Taon kiam*, de quo memoratur, quod in decennali expeditione numquam culcitra ad somnum fuerit usus.

Anno huius 21. sanguis pluit in Palatio.

Anno 3. lun. 5. die ult. Eclipses Solis.

Anno Cycli 5. rursum emergunt rebellium cunei à flavo pileo dicti.

Anno 6. LIM TI moritur æt. 34. hærede necdum nominato.

Eodem anno 6. lun. 4. Eclipses Solis.

Anno 7. succedit HIEN TI filius secundus novennis, fratre *Pien ti* natu majore post menses aliquot abdicato.

Hebes & segnis: hinc bella tam externa quàm intestina. Imperii in tres ac deinde in 4. partes & capita divisio hinc cæpit. Orientalis China penè tota conspirat contra *Tum cho* Imperatoris militis ductorem. Hic occiso HIEN TI & fratre ejus natu majore, aulam in Occidentem *Xen si* transfert, incenso prius Palatio, & Regum sepulchris effossis thesauris; verum anno sequenti trucidatur, & cadaver in foro cum plausu & ludibrio populi suspenditur.

Ejusdem tricies auri millia, argenti 90. millia fisco addicta. Sub hoc nova secta vulgò *Mi kiao*, sic dicta ab orizâ, cujus certa mensura exigebatur ab iis, quorum morbos magicis carminibus curabant.

Recrudescit flavorum pileorum rebellio, 300. militum millia numerantur: paulatim deleti à *cao sao* invasore Imperii: ab huius deinde filio *cao poi*, anno Cycli 37. è solio dejectus Imperator, & Dynasta *Xam yam* creatus, quatuordecim post annis inglorius obiit ætatis 54.

Anno 11. lun. 6. die ult. & anno 17. lun. 9. Eclipses Solis.

Annis 21. 23. & 24. Cometes.

Anno 25. lun. 10. anno 27. lun. 2. anno 29. lun. 6. die ult. & anno 36. lun. 2. die ult. Eclipses Solis.

25. HIEN TI
regn. 31.

Sexta familia.
1. CHAO LIE
Y A H
regn. 3.

Anno 38. succedit CHAO LIE VAM (aliàs *Lien pi*) ex quarti Imper. KIM TI stirpe: fundat familiam Imperialem *Hien han*, id est, posteriorem, *Han* dictam: hæc sub duobus Principibus stetit annis 44. Vir erat procero admodum corpore, magnanimus, parcus verborum, in omni eventu sui similis: morti jam proximus, *Quisquis*, inquit, *quingagenarius moritur, non habet cur de vite brevitate exoptulet cum calo; quanto minus ego quingagenario major.* Inde filium Imperii heredem Colao suo *Co leam* commendans, *Si consilis tuis*, inquit, *non acquiescit filius meus, cum de solio dejice, & tu ipse regna.* Mox conversus ad filium; *Macte animo*, inquit, *filii mi, peccatum quamvis leve tibi videatur, cave commiseris: quod relictum est, quamvis exile videatur, cave neglexeris. Sola virtus mortales subjugat. Noli modicam virtutem meam imitari. In uno Co leam patrem invenies.*

Anno 39. lun. 11. die ult. Eclipsis Solis.

2. HEU TI
regn. 41.

Anno 40. CHAO LIE VAM moritur æt. 63. Anno 41. succedit HEU TI filius, paternæ laudis, quamdiu *Co leam* vixit, æmulus. In Occidente aulam habuit *Chin tu* metropolim prov. *Su chuen*. Triarchia tunc erat in Septentrione familiæ *Guei*. In Austro familia *V* aulam tenuit in *Kien cam* metropoli, (dein *Nan kim*, nunc *Kiam nhem* dicta) hæc 4. Reges tenuit per annos 59. donec à familiâ *Cin* extincta.

Familia verò *Guei* borealis & duabus reliquis potentior, Reges per annos 46. numeravit, & extincta à *Sum chao* belli duce, à cujus filio familia sequens *Cin* sumet exordium. *Cham si* & *Quan yu* sub HEU TI duces belli strenuissimi in prælio occumbunt. Post aliquot secula *Quan yu* in idolorum numerum adoptatus, uti *Mars* Sinicus adoratur.

Laudatur *Co leam*, quod acceptâ sæpius clade à Rege boreali *Guei*, suos tamen tam ordinate nosset reducere, ut non videretur victus esse.

Rex borealis cum maximo exercitu Meridiem petit, æmulos Reges *Han* & *V* confederatos debellaturus, sed ubi ad ripam magni fluminis *Kiam* tumefcentes undas conspicatus, *Ab ideo*, inquit, *calam hos limites statuit, ut mortalium cupiditatem limitares!* quare damnato belli consilio Boream repetit.

Anno 41. lun. 11. die ult. Eclipsis Solis, item anno 43. lun. 11. die ult. item anno 50. lun. 5. intercalari, item anno 6. lun. 5. totalis Eclipsis.

CYCLUS
1.
Annus
post Chr.
144.

Anno Cycli 1. lun. 4. Eclipsis Solis, item anno 4. lun. 2. *Sum chao* Regis *Guei* cliens & copiarum ductor rebellat; in dominum suum arma movet cum successu. Filius HEU TI Imperatoris desperatâ salute Imperii, *Moriamur*, inquit, *ô Pater, gloriosi in bello, ut patres nostros videamus.* Detrectat prælium pater, quare filius in funebri majorum aulâ, occisâ prius uxore se perimit.

L ij

Septima familia.
1. Xi ÇU VU TI
reg. 25.

Anno 17. lun. 1. Eclipsis Solis.

Anno Imperii sui 40. Cycli hujus vigesimo, cæso exercitu & directâ aulâ Hæu TI dedit se victori, à quo creatur Dynasta *Nganle*, ubi privatus post septennium moritur æt. 65.

Anno Cycli 21. Xi ÇU VU TI belli Ducis *Sam chao* filius fundat familiam *Cindictam* (sed diverso ab quartâ familiâ *Cin* & charactere & accentu.) Habuit hæc quindecim Imperatores per annos 155. Aulam in *Lo yam* urbe prov. *Hæ nan* constituit ad Occidentem. Princeps magnanimus, sagax, verique amans.

Hac familiâ imperante 18. Reguli inter se pro Imperio decertant: Meridionales plerumque à Borealibus victi, quos & fœdus cum Tartaris & nativum robur armabat.

Anno 23. lun. 6. die ult. Eclipsis Solis.

Anno 25. lun. 7. ingens numerus stellarum cum fragore versus Occidentem ruit, & ut pluvia dissolvitur.

Pacato Septentrione Imperator cum 200. millibus Regis *V* Australem regionem aggreditur, spatiosum flumen *Kiam* catenis quæ veribus terreis connexæ spatiosum *Kiam* flumen jungebant, perruptis, regia *Nan kim* invaditur. Rex portis egressus victori se dedit, à quo ditionis *Vam* dominus creatur.

Anno Imperii 17. totius Imperii jam dominus milites & arma improvidus dimittit, otio interim & luxui indulgens, cum gregibus feminarum hortos suos curru obiens, queni oves trahebant.

Anno 28. lun. 10. Eclipsis Solis, item anno 31. lun. 1. & 3. item anno 34. lun. 1. item anno 40. lun. 3. item anno 42. lun. 8.

Anno 45. Xi ÇU VU TI moritur æt. 55. relictâ prole numerosissimâ, post hujus obitum novæ rebelliones & bella.

2. HOEI TI
reg. 17.

Anno 46. succedit HOEI TI primogenitus, stupidus & hebes. Initio operâ quatuor optimatum satis feliciter rexit; postmodum ex occasione secundæ Reginæ, quæ primam ejecerat, & unicum ejus filium veneno sustulerat, occisis ejusdem fautoribus, multa prælia & cædes consecutæ: occisâ secundâ Reginâ & ejus factionis sociis fugit Imperator. Regulus regni *Ci* victoriis tumidus Imperium affectans in prælio occiditur. Alter Regulus è familiâ *Han* in Septentrione rebellans decimo post anno extinguitur. Alter in Occidentali prov. *Sa chuen* regium usurpat titulum.

Invaluit hoc tempore nova secta ex *Lao kim* orta, dicitur *Vu gwei kiao*. Doctrina de nihilo & inani: Sectatores statum quemdam quietis immotæ affectant, quo functiones animæ velut in extasi ad tempus suspendantur.

Anno 56. lun. 11. Eclipsis Solis, item anno 57. lun. 4. item anno 54. lun. 8. intercalari.

Anno

CYCLUS I I. Annus post Chr. 304.	3. HOAI TI regn. 6.	<p>Anno 3. lun. 1. <i>Eclipsis Solis.</i> Eodem anno 3. HOAI TI veneno sublatus moritur absque liberis, æt. 48. Anno 4. succedit HOAI TI vigesimus quintus filius Conditoris à primoribus electus. Speciem præbet boni Principis. Regulus <i>Lien yuen</i> occiso fratre, affectat Imperium, & biennio post moritur: hujus filius <i>Lien cum</i> aulâ captâ filium Imperatoris interficit, & dein patrem ipsum, quem prius jussu servili habitu in convivio ministrare.</p>
		<p>Anno 5. lun. 1. & anno 9. lun. 2. <i>Eclipses Solis.</i> Anno 10. HOAI TI occisus æt. 30. Anno 11. succedit MINTI nepos conditoris, à primoribus electus; anno 13. aulâ direptâ se dedit <i>Lien yao</i> victori, à quo creatur Dynasta in <i>Xan si</i>.</p>
	4. MINTI regn. 4.	<p>Anno 13. lun. 6. <i>eclipsis Solis.</i> Anno 14. MINTI à Regulo <i>Han</i> occisus æt. 48.</p>
	5. YUEN TI regn. 6.	<p>succedit YUEN TI conditoris nepos, gravis, modestus, sapientum fautor. Cùm trium Imperatorum Colaum <i>Vam tao</i> in eodem secum subfello sedere vellet, hic modestè recusans, <i>Si sol</i>, inquit, <i>se demittat ad inferiora que collustrat, jam hæc non habebunt quod suspiciant.</i> Aulam ex Occidente in Orientem seu <i>Nankim</i> transfert. Hinc Orientalis <i>Cin</i> familia dicta.</p>
		<p>Anno 15. lun. 4. <i>Eclipsis Solis.</i> Anno 19. YUEN TI morore confectus moritur ætat.</p>
	6. MIM TI regn. 3.	<p>46. Anno 20. succedit MIM TI filius decessoris.</p>
	7. CHIM TI regn. 17.	<p>Anno 22. MIM TI moritur æt. 17. Anno 23. succedit CHIM TI filius: pro quinquenni puero Regina mater regit. Quidam Reguli inter se pro Imperio decertant.</p>
		<p>Anno 22. lun. 11. anno 24. lun. 5. anno 28. lun. 3. & anno 32. lun. 10. <i>Eclipses Solis.</i></p>
		<p>Anno 33. <i>Cometes</i>, & anno 38. lun. 2. <i>Eclipsis Solis.</i> Anno 39. CHIM TI moritur æt. 21. Anno 40. succedit CAM TI frater.</p>
	8. CAM TI regn. 2.	<p>Anno 41. CAM TI moritur Anno 42. succedit MO TI primogenitus; biennis tutelæ Imperatricis committitur, adolescens virtute & prudentiâ, & suorum consiliis aliquas provincias recuperat.</p>
	9. MO TI regn. 17.	<p>A <i>Huen ven</i> Imperialium copiarum ductore borealis aula familiæ <i>Han</i> rebellis diripitur & incenditur. Varia inter Regulos bella.</p>
		<p>Anno 43. lun. 4. anno 48. lun. 1. anno 53. lun. 10. <i>Eclipses Solis</i>, item anno 57. lun. 8. <i>totalis eclipsis.</i></p>
		<p>Anno 58. MO TI moritur æt. 19. Anno 59. succedit NGAI TI, CHIM TI septimi Imperatoris filius, ab Imperii primoribus electus.</p>
CYCLUS III. Annus post Chr. 364.	11. TI YE regn. 5.	<p>Anno 2. NGAI TI moritur ætatis anno 15. Anno 3. succedit TI YE frater minor, à primoribus electus. Anno 5. lun. 3. & anno 7. lun. 7. <i>eclipses Solis.</i> M</p>

		Colaüs <i>Huon ven</i> pralio vincit Regulum <i>Yen</i> in Septentrione; sed hic auctus copiis Reguli <i>Cin</i> aggreditur <i>Huon cum</i> , cæditque ad 30. millia.
12. KIEN VEN TI regn. 2.		Anno 7. TI YE à Colao <i>Huon ven</i> dejectus è folio, creatusque Dominus arcis <i>Hai f</i> , ubi 15. post annis moritur æt. 43. Anno 8. succedit KIEN VEN TI filius minor YUEN TI quinti Imperatoris, à primoribus electus.
13. VU TI regn. 24.		Anno 9. KIEN VEN TI moritur ætat. 53. Anno 10. succedit VU TI filius. <i>Fu kien</i> Borealis Imperator meditatür Austrum bello petere; dissuadetür, quòd familia <i>Cin</i> ex cæli mandato imperet, neque ità peccavit ut ejusdem gratiam amisisset. Spretis consiliis cum 600. equitum millibus, peditum 170. millibus Austrum petisse scribitur, 700. & stadia agmine perpetuo occupasse. Imperator Australis priusquam tota vis hostium conflueret, repente cum selectioribus aliquot millibus ex 80. quos habebat millibus armatorum castra aggreditur tantà vi & fortitudine, & panico terrore correptos hostes adeo fregit, ut ex tanto exercitu vix 30. millia evaserint. Postmodum à ductoribus suis metipse <i>Fu kien</i> Imperator debellatur, capitur, ac tandem captus in fano proximo strangulatur.
		Alia deinde ex aliis regna in Septentrione rebellant. Imperator Australis vino luxuique se dedit, omnia facturus ditionis suæ, si victoriam prosequi voluisset.
		Anno 12. lun. 10. anno 18. lun. 6. anno 21. lun. 10. & anno 23. lun. 5. <i>Eclipses Solis.</i>
		Anno Imperii 20. <i>Cometes</i> apparet, ei propinat alter belli Imperator Borealis, ut omen sinistrum à se avertat.
		Anno 33. VU TI clam suffocatus in lecto moritur. Ansam dedit jocus quidam, quo secundæ Reginz 30. annos agenti sibi vetulam videri dixisset.
14. NGAN TI regn. 22.		Anno 34. succedit NGAN TI filius hebes & obrusus. Rebellant regna tam minora quàm majora omnino septem.
		<i>Tepo quei</i> Reguli regni <i>Tai</i> post sextam stirpem abolitam nepos residuus debellat funditus Regem regni <i>Yen</i> Borealis, direptà aulà ubi familiæ suæ per annos 149. sub 13. Principibus duraturæ nova rursus fundamenta jacit.
		<i>Lieu yu</i> è circumforaneo calceorum venditore miles, dein Dux belli, multis clarus victoriis gradum sibi sternit ad Imperium, mox futurus sequentis familiæ conditor.
		Anno 37. lun. 6. anno 40. lun. 4. anno 44. lun. 7. anno 51. lun. 9. & anno 54. lun. 1. <i>Eclipses Solis.</i>
		Anno 55. NGAN TI à <i>Lieu yu</i> occiditur æt. 37. quo anno <i>Cometes</i> .
15. CUM TI regn. 2.		Anno 56. substituitur CUM TI decessoris frater uterinus.

		<p><i>Eodem anno 56. lun. 11. Eclipsis Solis.</i></p> <p>Anno 58. CUM TI suffocatus æt. 37. familia <i>Cin</i> extinguitur. Eundem annum sibi attribuit regicida <i>Caoc</i> <i>vu</i> <i>ti</i>.</p>
	<p><i>Octava familia.</i></p> <p>1. CAO ÇU VU TI regn. 1.</p>	<p>CAO ÇU VU TI (alias <i>Lien yu</i>) octavæ familiæ <i>Sum</i> fundator, quæ sub 8. Principibus stetit annis 59. è gregario milite Dux, ac dein Imperator, proceritate, & formâ corporis Imperio dignâ, magnanimus & gravis, in vestitu & epulis moderatus, aulam habuit <i>Nan kim</i> è quâ erat oriundus.</p> <p>Imperiales quinque familiæ quæ ordine sequuntur, dicuntur <i>V tai</i>. Fuir autem per hæc tempora diarchia seu duumviratus dictus <i>Nan pe chao</i>, hoc est Australe & Boreale Imperium.</p>
	<p>2. XAO TI regn. 1.</p>	<p>Anno 59. moritur CAO ÇU VU TI æt. 67. Anno 60. succedit XAO TI, aliâs <i>Im yam vam</i> dictus primogenitus decessoris, joci & oblectamenti inmodicè deditus.</p>
<p>CYCLOS 1111. Annus post Chr. 424.</p>	<p>3. VEN TI regn. 30.</p>	<p>Anno 1. XAO TI è folio dejectus à Colao <i>Tan tai</i> <i>ci</i>, ac paulò post occisus æt. 18.</p> <p>Eundem annum sibi vindicat successor VEN TI filius natu tertius conditoris.</p> <p>VEN TI Princeps pius, rectus, modestus, at Bonziorum fautor. Publicos magistratus ultra sexennium prorogari vetat. Arma movet in Borealem Imperatorem, cui 16. Dynastiz se subjecerant: primo prælio vincitur, at deinde triginta præliis victor duce <i>Tan tai</i> <i>ci</i> Colao: at hic in præmium mortem tulit, ob nimiam potentiam suspectus: quo audito, Boreales animos rursum & arma movent. Non uno prælio victi Australes. Anno Imperii 16. tanta utrimque cædes extitit, ut campi sanguine stagnarent, avesque aliò migrarent. <i>Tai vu ti</i> Borealis Imperator jubet omnes Bonzios regnorum suorum interfici, fanis idolisque cremari julis quod aliâs deinde non semel factiratum.</p> <p><i>Anno Cycli 4. Lun. 6. anno 12. Lun. 1. anno 15. Lun. 11. anno 17. Lun. 4. & anno 23. Lun. 6. Eclipsis Solis.</i></p>
	<p>4. VU TI regn. 21.</p>	<p>Anno 30. VEN TI à primogenito suo occiditur æt. 47. Anno 31. succedit VU TI filius natu tertius, occiso fratre primogenito & parricidâ. Princeps literatus, equitandi & sagittandi peritus imprimis, adeoque venationi inmodicè deditus, prodigus tamen & oris soluti, nec suos, ut par erat, tractans.</p> <p><i>Anno 31. Lun. 7. Eclipsis Solis, item anno 38. Lun. 9.</i></p>
	<p>5. FI TI regn. 1.</p>	<p>Anno 41. VU TI moritur æt. 35. Anno 42. succedit FI TI filius natu major, moxque ob crudelem indolem quam fœdavit innocentium sanguine, occiditur. Succedit MIM TI undecimus filius VEN TI, ingenii ferocis.</p>
	<p>6. MIM TI regn. 8.</p>	<p>Tredecim juvenes regios, fratrum suorum filios (fuerunt ei 18.) jubet interfici: ipse liberis carens, ceros homines ad pellices suas submittit, quæ si masculum pa-</p>

		<p>riant, matre interemptâ, sterili Imperatrici educandam tradit.</p> <p>Anno Imperii 3. memorandam cladem accipit. Promovet <i>Siao tao chim</i> ad primam dignitatem, hic per duplex regicidium ad proximæ familiæ solum viam sternit.</p> <p>Anno 46. <i>Lun. 10. Eclipsis Solis.</i></p> <p>Anno 49. <i>MIM TI</i> moritur æt. 34. Anno 50. succedit <i>ÇAM NGU VAM</i> filius primogenitus, immorigerus. Imperator Borealis à justitia laudatus, quod carceri mancipatos diù retineret, ut longâ pœnitudine ducti ad frugem redirent.</p> <p>Eodem anno 50. <i>Lun. 12. Eclipsis Solis.</i></p> <p>Anno 54. <i>ÇAM NGU VAM</i> occisus anno æt. 15. à <i>Siao tao chim.</i> Anno 55. succedit <i>XUN TI</i> filius tertius <i>MIM TI.</i></p> <p>Eodem anno 55. <i>Lun. 9. Eclipsis Solis.</i></p> <p>Anno 56. <i>XUN TI</i> à <i>Siao tao chim</i> perfidè obtruncatus æt. 14. Anno 57. succedit <i>CAO TI</i> duplex regicida. Colai <i>Siao ho</i> ex stirpe vigesimaquarta nepos: familiam Ci fundat, quæ sub quinque Imperatoribus tenuit annos 23. Aula <i>Nan km.</i> Princeps litteris quàm bello clarior, dicere solebat, si per decem annos guber- naret, se effecturum, ut idem esset auri quod glebæ pretium: indutus aliquando vestem fulgentem auro & rari pretii lapillis, repente iussit omnes comminui, dicens, ex illis morbum gigni cupiditatis insaturatæ.</p> <p>Anno 59. <i>CAO TI</i> moritur æt. 54. Anno 60. succedit <i>VU TI</i> filius natu maximus. Magistratus non nisi ad triennium vult prorogari: connubia vetat inter ejusdem cognominis familias, juxta priscorum leges.</p>
	<p>7. <i>ÇAM NGU VAM</i> regn. 4.</p> <p>8. <i>XUN TI</i> regn. 2.</p> <p><i>Nona familia.</i></p> <p>1. <i>CAO TI</i> regn. 4.</p> <p>2. <i>VU TI</i> regn. 41.</p>	
<p>CYCLUS LIV. Annus post Chr. 484.</p>	<p>3. <i>MIM TI</i> regn. 5.</p>	<p><i>Fan chin</i> conatur persuadere mero casu fortuitoque omnia agi, animam item cum corpore interire, nec quidquam post hanc vitam superesse. Fuit qui novam & impiam sectam scripto refelleret.</p> <p><i>Siao yen</i> bello & pace clarus, Colaüs creatur: usurpabit proximè Imperium.</p> <p>Borealis Imp. translaturus aulam in <i>Lo yam</i> prov. <i>Ho nan</i>, cùm suos abhorreere sciret, expeditionem fingit in Austrum, quò florem Imperii cum exercitu ducit. Transseundum erat per <i>Lo yam</i>, percunctatur ibi suos malint-ne belli aleam tentare, an ibi sedem figere; at memores cladum præteritarum, volentes ac læti sua castra in aulam commutarunt.</p> <p>Anno 10. <i>VU TI</i> obiit æt. 45. Anno 11. succedit <i>MIM TI</i> frater conditoris. Hujus fidei ac tutelæ binos suos filiolos commiserat conditor: at <i>Mim ti</i> ambos in Imperio ad breve tempus collocatos intra quadri- mestrè è medio sustulit.</p> <p>In Septentrione alta pax. Borealis Imperator adeò litteris deditus, ut sive equitans, sive vectus rhedâ, nunquam</p>

- nunquam libros è manu dimitteret.
Anno 11. Lam. 5. Eclipsis Solis.
Anno 15. MIN TI obiit ætat. 40. Anno 16. succedit
 4. HOEN HEU *HOEN HEU* filius decessoris tertius, crudelis & lascivus, *regni. 1.* monitorum impatiens, Eunuchorum fautor. *Siao yen* Colaus & *Cola* Regulus regni *Leam* aulam *Nan kim* invadit: epicitur Imperator. Incenso palatio novum extruit longè magnificentissimum, sic ut pavementum auratis floribus insterneretur.
Anno 17. HOEN HEU occiditur æt. 19. à *Colao Siao yen*, cujus fratrem *HOEN HEU* prius occiderat.
 5. HO TI *Anno 18. succedit HO TI* frater, à *Siao yen* positus *regni. 1.* in folio, & mox depositus, ac dein occisus æt. 15.
Nona familia Ci extinguitur.
Anno 19. succedit CAO CU VU TI (aliàs *Siao yen*) duorum Imp. & sex Regulorum parricida: fundat decimam familiam *Leam*, quæ sub quatuor Regibus tenuit annos 55. Fuit hic ex pervetusta familia *Siao ho* oriundus. Princeps impigerrimus, negotia per se omnia expedit, excultus disciplinis propè omnibus, etiam militari, adeò parvus, ut eodem lectulo & pileo ad triennium usus scribatur: cæterùm Pythagoricis Bonziorum somniis adeò addictus, ut abjectus curis publicis ipse factus sit Bonzius. Edicto vetuit mactari boves & oves tam in sacrificiis quàm civilibus oblationibus, victimarum loco farinam offerri jubet.
Anno Imperii sui 15. obsidet urbem Xeu yam provincie *Xan si*. Decennio tenuit obsidio, quo tempore aliquot centum hominum millia partim aquis, partim fame & ferro periere. Sub hoc corrui Imperium *Bo* reale *Gaei* dictum, quod annis 149. sub 13. Regulis steterat, atque in duos dein divisum dominos, duplex quoque nomen sortitur Orientalis & Occidentalis, quæ deinde ad Reges transit regnorum *Ci* & *Chen*. Imperatrix Borealis *Ido* dicta Monasterium mille Bonziorum, quate *Sina* haud unquam vidit, extruit cum turri 180. orgyarum altitudine. *Yam nhim* seu æternæ pacis speciosum nomen cœnobio inditum.
Anno Imperii 16. se venundans idolo Fe in mancipium, relicta aulâ, in fano Bonziorum degit, raso capite & vili habitu, solisque herbis & orizâ contentus, donec à primoribus mille myriadibus nummorum cupreorum redemptus, ad aulam reluctans reducitur, ubi quoque Bonziorum lege rituque degit, erant tum 13. fanorum millia in Imperio.
Colaus Kien quen cùm servire nollet usurpatori, spontaneâ fame (non infrequenti apud Sinas lethi genere) se necat. Re cognitâ Imperator: *A celo*, inquit, *mibi venit, non à Dynasti Imperium, quorsum perimis se miser?* Cùm non auderet criminum noxios ad mortem damnare, hac spe impunitatis passim aucta latrocinia & cædes,

Hœu kim hujus cliens & Regulus *Hœ nan* rebellat. *Nan kim* invaditur. Ipse Imperator captus & productus in conspectum victoris, nullum turbati animi signum dedit. Rebellis autem, quamvis ferocis ingenii, hic tamen non sustinens vel intueri os Imperatoris & domini sui, adeo commotus est animo, ut sudor ex vultu manaret. *Ab*, inquit, *quàm difficile est collata à celo majestati resistere!* Tandem non ausus senem perimere, jussit, quæ ad victum petebat, parçè malignèque suppeditari.

Celebratur pietas adolescentis *Kie suen* 15. annos nati, erga patrem capitis damnatum ob enormia crimina in magistratu suo patrata: re cognitâ puer principem adit, & pro vitâ patris suam offert: multis tentata pueri pietas fuit, an sponte, an aliorum impulsu, serione, an specie tenus id faceret. Ubi pietas diù explorata constitit, huic donatur vita patris, ipsique filio eximii cujusdam honoris donatur insigne: at ille constanter recusans, *Abstet*, inquit, *ut ego id geram, quod rei quondam patris assidue memoriam renovet.*

Anno 23. Lun. 3. Eclipsis Solis, item anno 33. Lun. 2. item anno 39. Lun. 5. totalis, item anno 40. Lun. 11.

Anno 47. Lun. 9. Cometes.

Anno 51. Lun. 4. & anno 57. Lun. 5. intercalari Eclipses Solis.

Cyclus
I V.
Annus
post Chr.
544.

2. KIEN VENTI
regn. 2.

3. YUEN TI
regn. 3.

4. KIM TI
regn. 2.

Undecima familia
1. CAO ÇU VU
TI regn. 3.

Anno Cycli 4. Lun. 1. Eclipsis Solis.

Anno 6. CAO ÇU VU TI flagitans pauxillum mellis, quo oris amaritudini mederetur, cum id negatum fuisset, repente moritur anno æt. 86. Anno 7. KIEN VENTI succedit, filius natu tertius, captus, & anno 8. occisus æt. 49. ab eodem *Hœu kim*, qui titulum Imperatoris sibi vindicat, mox cum vitâ amittendum.

Anno 9. succedit YUEN TI septimus filius conditoris. Stultè improbèque additus sectæ *Lao kuan*, Colaüs & Regulus R. *Chun*, *Pa sien* dictus, invasorem *Hœu kim* deletio exercitu capit, & capite truncari jubet. Mox etiam rebellans, *Nan kim* aulam obsidet. Imperator muros urbis armatus circumit. Re tandem desperatâ enses diffringit pretiosissimum, & Bibliothecam 140. millium voluminum concremari imperat, dicens: *Ati omnis probi interit tam militaris quàm litteraria.* Urbe captâ, vectus equo albo habituque vulgari victori se dedit, à quo anno 11. occiditur æt. 47.

Anno interim 12. substituitur KIM TI nonus filius decessoris.

Anno 13. KIM TI occiditur ætat. 16. & cum eo familia *Leam* extinguitur. Borealis *Chœu* Imperator idola omnia & fana cremari jubet.

Anno 14. CAO ÇU VU TI (aliâs *Chinpa sien*, regicida, undecimam familiam *Chœu* fundat, quæ quinque

	Principes tenuit per annos 33. Fuit is è stirpe Ducis <i>Chun</i> & sub <i>Han</i> quintà familià bello inelyti oriundus. Litterarum & Bonziorum amans.
	Anno 16. CAO ÇU VU TI moritur æt. 59. <i>Eodem anno 16. Lun. 5. Eclipsis Solis.</i>
2. VEN TI reg. 7.	Anno 17. succedit VEN TI frater, qui diù privatus vixerat, subditorum amans, quorum lites per se decedit. Sæpe noctu obit ac lustrat palatium. In aula nocturnas horas & quadrantes distingui jubet tympanorum pulsu, qui mos toto imperio hodieque observatur. Fratrem Regulum <i>Ngan Chim</i> imperii hæredem declarare statuit, quod filius imbecillior esset. Resistente Colao & Senatu, ab incepto destitit. Borealis <i>Chen</i> Imperator renovat priscum morem, quo viri grandes natu ac bene meriti alebantur expensis regis in domiciliis ad id destinatis.
	Anno 10. Lun. 3. & anno 23. Lun. 1. Eclipsis Solis. Anno 23. moritur VEN TI æt. 45.
3. LIM HAY VAM, alias Fi ti. regn. 2.	Anno 24. succedit LIM HAY VAM filius decessoris, à Regulo <i>Ngan chim</i> depositus.
4. SIUEN TI regn. 14.	Anno 25. LIM HAY VAM moritur ætat. 19. Anno 26. succedit per vim SIUEN TI Conditoris ex fratre nepos, naturà festivus & hilaris. Musices imprimis & pacis, & sapientum studiosus. <i>Chin tao</i> clientum unus pretiosa munera offert Imperatori; at hic, ut spes ejus ambitiosas eluderet, palam & coram se cremari jubet omnia.
	Borealis Imperator Colaum creat <i>Yam kien</i> , cujus filio filiam suam nuptui dat; Colaui dein auctus dynastiæ regni <i>Suy</i> , imperium brevi invadet.
	Anno 27. lun. 10. anno 31. lun. 2. anno 34. lun. 11. die ult. & anno 37. lun. 10. Eclipsis Solis.
	Anno 39. SIUEN TI moritur æt. 42.
5. CHAM CHIM CUM, alias Hien chu. regn. 7.	Anno 40. succedit CHAM CHIM CUM filius decessoris. Baccho & veneri jocisque immodicè indulget. <i>Yam kien</i> in Septentrione Imperatoris titulum usurpat. Cum 500. millibus Austrum petit, fluvium <i>Kiam</i> impunè trajicit, aulam occupat. Ipse Australis Imperator se in puteum præcipitat, unde vivus extractus.
	Anno 46. CHAM CHIM CUM è folio dejicitur, & 24. post annis privatus moritur æt. 52.
	Anno 42. Lun. 1. Eclipsis Solis.
Duodecima fami- lia.	Anno 47. CAO ÇU VEN TI, alias <i>Yam kien</i> , fundat duodecimam familiam <i>Suy</i> dictam, quæ numeravit tres Imperatores per annos 19. Imperium Australe, quod à Boreali per 300. annos fluvius <i>Kiam</i> diviserat cuo limes, anno Cycli 54. Imperii nono, uni domino parere ccepit. Quod ipsum ab Astrologo prædictum fuerat. Erat is ex illustri domo, de quinta <i>Han</i> familia optimè merita oriundus. Aulam tenuit <i>Cham ngan</i> in prov. <i>Xen si</i> . Princeps rudis quidem litterarum, sed ingenii sagacis & profundi, temperans ciborum, populi amans,

		<p>musicam veterem & leges reformat. Compositiones floribus verborum adulatoriis comptas prohibet. Horrea publica per imperii totius urbes extrui iubens, vult ut quæque familia pro statu & conditione certam otizæ & tritici mensuram inferat, ut tempore sterilitatis succurri possit pauperibus, & ita tollatur ansa latrocinii.</p> <p>Sanxerat ut futtum 8. assium capite plecteretur, sed hortatu suorum legem antiquat. At in iudices muneribus cotruptos inexorabiliter severus. Ad publica munia promoveri vetat eos qui mercimonia & artes alias exerceant.</p> <p>Anno 48. Lun. 2. die ult. Eclipsis Solis.</p> <p>Anno 57. motus terre universalis.</p> <p>Anno 58. Lun. 2. Eclipsis Solis.</p>
<p>CYCLUS LVI. Annus post Chr. 604.</p>	<p>2. YAM TI regn. 13.</p>	<p>Anno 1. CAO ÇU VEN TI, eò quòd destinasset primogenitum, etsi inutilem, hæredem imperii, occisus in aula à filio secundo, æt. 64.</p> <p>Anno 2. succedit YAM TI filius natu secundus, parricida & fratricida: vir magnis dotibus inclutus, prodigus, luxui immodicè deditus. Aulam paternam ex prov. <i>Xen si</i> in provinciam <i>Honan</i> transfert. Duo excitat horrea prodigiose magnitudinis, alterum caveis ter mille & ambitu leucarum duarum. Septum curat extrui 15. leucarum ambitu, palatia & hortos, ubi obequitanrem numerosi pellicum equitantium greges sequuntur cum cantu & musicis instrumentis. Fluvium <i>Hoa</i> m. trajicere parantem, classis ornatissima per 40. & amplius stadia seu 4. leucas disposita deducit.</p> <p>44. Satrapiz & regna Barbarorum Occidentalium & Borealium clientelam deferunt. Arriorum usum plebi interdicit, qui mos hodieque viget. Ad muri Sinensis restorationem millio hominum adhibitus scribitur.</p> <p>Operà 100. litteratorum libros de re militari, politicà, medicà, rusticà castigari, & denuò recudi jubet: de sortilegiis verò & sacris Bonziorum 7. millia voluminum prodierunt. Gradum doctoratus instituit, qui huc usque perseverat tam in civilibus quàm militaribus. Lustrans per se ditiones comitatum habet 80. millium. Coreanos 12. centenis millibus tam mari quàm terrà domare frustra tentat, desideratis ferè omnibus & residuis dumtaxat bis mille 700. Renovatà in Coreanos expeditione, hi tandem clientelare obsequium missis legatis deferunt. Præfectum in prov. <i>Xan si</i> creat. Hic sequentis familiz erit conditor.</p> <p>Anno 13. YAM TI dum lustrat Austrum occiditur, æt. 39. à plebeio <i>Hoa kie</i> dicto, in urbe <i>Yam chen</i> prov. <i>Nan kim</i>. <i>Li yuen</i> Dynasta exercitu 120. millium compato imperium usurpat votis communibus.</p> <p>Anno 14. succedit CUM TI nepos CAO ÇU VEN TI à <i>Li yuen</i></p>
	<p>3. CUM TI regn. 1.</p>	

XIII. Familia.

1. XIN YAO TI
regn. 9.

Li yuen in folio collocatus, & paulò post depositus. *Say* duodecima familia extinguitur. *Li yuen* filius natu secundus paternis auspiciis bellum gerens, aulam capit. Ibi contemplatus ædes regias inusitati splendoris & majestatis, ingemiscens, ait: *Opus, quod hominis animum dissolvit ac pessumdat, & exhaustisse videtur cupiditatem cordis humani, utique nefas est diutius persistere.* Sine morâ igitur totum in favillas redigi jubet.

Anno 15. XIN YAO TI (alias *Li yuen*) è Reguli *Si leam* nepos ordine septimus fundat, familiam decimam. tertiam *Tam*, cujus ditionis erat Dynasta; hæc tenuit 20. Imperatores per annos 289. Suppliciorum acerbiter & vectigalium onera moderatur. Erigit templum *Lao kuan* tanquam idolo.

Anno Imperii 6. debellatis rebellibus, totius Monarchiæ dominus evadit. Ex unâ æris uncia decem nummos cudi jubet, cum binis litteris *sum pao*: hæc moneta unica hodieque in usu est. *Fu ye* Colaüs auctor est, ut 100. Bonziorum millia cogat uxores dicere ad militiæ sobolem: annuit Imperator.

2. TAI CUM
regn. 25.

Anno Cycli 23. XIN YAO TI Imperium filio resignat, novem post annis moritur æt. 70. Anno 24. succedit TAI CUM filius natu secundus, de quo plura hîc afferimus, quòd ipso imperante lex Christiana Sinam sit ingressa. Princeps fuit omnibus numeris absolutus, pius, prudens, amans moneri, frugalis. Octo tantum edulia mensæ adhibet. Tria millia foeminarum è palatio dimittit.

Libros undique conquiri jubet. Academiam in aulâ restaurat, in quâ octo mille discipuli, & hos inter exterorum Principum filii numerati sunt. Magistros inter eminebant *Xe pa bio su*, id est, octodecim studiorum Præfetti; imò & militarem Academiam, jam ante ab Rege Boreali introductam, instituit. Quin & militare Gymnasium, ubi ars jaculandi exerceretur, ibidem extrui & ipse frequentare voluit; verùm cum non probaretur id Colaïs, quòd dicerent inusitatum esse, & alienum videri à tanta Majestate, nec non cum periculo conjunctum: Ego, inquit, hoc Imperium meum considero, sicut pater quispiam familiam suam; subditos verò omnes, velut tenellos infantes ex me progenitos sine meo completor; quid igitur, pertimescam? Ad latrocinia impedienda volebat populo omnia affatim esse ad vitam: Regnorum salus, inquebat, pendet à populo, hunc deglubere & exhaustare ut Rex abundet, tantundem est ac si quis suam ipsius carnem in frustra conscindat, ut eâ ventrem impleat: venter angescit, ac impletur; ac corpus minuitur, marcescit, perit. Quam deinde sententiam declarans, Multi Regum, inquebat, à se non ab aliis perenni: cupiditas exitio est; etenim dum huic saturandæ sumptus sunt immensi, protinus oriuntur augendorum vectigalium necessitas; ex hac populi totius afflictio: afflicto vexatoque populo, quis neget periclitari?

Regnum? perichitante Regno, quid prorsus quàm perire Regem? caput nà cum suo corpore: hæc ego dum confidero, non audeo laxare fræna cupiditatis mei. Constitutos ab se Judices ac Magistratus munera vetuerat accipere, pœnâ capitis propositâ, exploraturus ergo suorum fidem, hominem adornat, qui munus Præfecto offerat. Hic admittit, sit ipse certior, jubet interfici, verùm Colaüs, *Est ille quidem nocens, inquit, ò Rex, sed neque tu innocens, qui cum per insidias ad violandam Legem pellexisti.* Pepercit reo Imperator.

Altero post anno cùm Præfectus militum supremus, munus è veste serica accepisset, cognitâ re Imperator ei magnam vim misit vestis sericæ, mirantibus verò aliis, & ad supplicium deposcentibus hominem: *Supplicium, inquit, acerbius ipsa morte suus illi rubor eris, hoc eum lentè cruciari volo.* De minimis quibusque rebus vulr commonefieri dicens, *Ab his ad majora gradum fieri, adeoque à minimis pendere Imperii conservationem.* De argenti fodinis factus certior, illas verar aperiri, dicens, *Auro & argento cariora mihi sunt meorum verba & consilia, quæ ad Republicæ emolumentum suggeruntur.*

Quotiescumque vel cœli siccitas, vel imbrium copia famem & vastitatem minabatur, exemplo priscorum Regum edicto jubet enuntiari quid abs se, quibusve in rebus peccetur: auguriis interim nullam dat fidem, itaque cùm fortè ciconiæ nidificantes coram ipso, alâ tostroque plausissent, quibusdam procerum felicitatem ei inde augurantibus, subridens ipse, *Xui gai te bien, inquit, id est, Auguriorum felicitas in hoc sita, ut sapientes habeam;* quo dicto protinus iussit nidum dejici. Audiens laudari armamentarium suum, & ei, quod præcedens familia Suy instruxerat, anteponi, *Mihi, inquit, subditi mei pro armis sunt, quæ diu suo Principe & pace gaudent; ubi hæc duo familiæ Suy defuerunt, nec arma fuerunt usui.* Cùm præceps & inconsideratio fuisset in uno clientum suorum ad mortem condemnando, legem condidit, ne quis antè plecteretur quàm daris ter codicillis causa rei iterum atque iterum fuisset cognita.

Secundo Imperii anno cùm locustæ grassarentur, jamque fames timeretur, ingemiscens Imperator, *Ex misse, inquit, quam vos absumitis pendet vita meorum?* *Ab! quæto malum consumi à vobis viscera mea.* Hæc factus unam locustarum vivam deglutivit. Narrant locustas eo anno stragem vix ullam messi intulisse. Audierat *Li hium* clientem suum ægrotare, & morbo curando pilos barbæ redactos in pulverem præscriptos à Medico, Imperator ex suâ ipsius barbâ pharmacum parari jubet, & ægroto offerri, qui illo usus convalescit. Didicerat ex libris medicis *HOAM TI* Imperatoris, quòd laxis humeris ac dorso nobiliores quoque partes ex interioribus facilè offenderentur; itaque Legem

tulit, ut qui rei essent, non in dorso, sed in femoribus vapularent, quæ Lex hodie viget.

Anno quarto &c. cum floretet ubique mellis, & magna quies à finitimis barbaris, *Hæc duo*, inquit, *magne quidem mihi sunt volupates, sed angit me res una, quod diuturna felicitas negligentie superbiæque mater sit.* Eum qui capesseret Imperium, docebat similem esse adificanti domum, quam ruina periculo expones, si jam fundatam & bene constitutam denno velis immutare: ita Imperio jam censuente, bonisque firmato legibus, à novitatibus abstinendum. Aliàs, Rex, inquit, morbo medentis est instar: discordia, perturbatio, bellum, Imperii est morbus, qui tametsi jam sit depulsus ab Imperio meo, magna tamen populi convalescentis habenda est cura, ne relabatur in pristinum morbum, & cui deinde nullâ queat mederi industria: pax alia nunc terras obtinet, parent nobis Barbari, nec tamen sollicitus esse desino ut primis ulcra respondeant, quocirca vos docete me, monete, reprehendite. Ad hæc Colaüs Gueichim, Ego quidem, ô Rex, non tam gaudeo de pace florentis Imperii, quàm quod Kiu ngan su guci, hoc est, pacis tempore, periculis vivas memor.

Aliàs item, Vulgò, inquit, dicitur Imperatorem maxime verendum esse, nec habere quod pertimescas: at ego sanè vereor providentiam Imperatoris Cæli, quæ ad nos usque pertingit, & simul vereor oculos omnium subditorum ad me unum conversos: itaque sic angor, & sic invigilo mihi ipse, ut qui nec Cæli voluntati, nec desiderio populi adhuc responderim. Aliàs rursus, Audivi, inquit, in Occidente reperiri Barbaros, qui si gemmam pretii majoris invenerint, haud dubitent eam convulserato corpore intra cutem recondere, nos autem ridemus illos & merid: verùm si nos ipsi dum servimus cupiditatibus nostris, regnum amittimus, si clientes nostri dum fidem injitiamque vendunt muneribus, in ultimum vite discrimen se conjiciunt, nonne majori jure vel ab ipsis Barbaris ridemur? Societatis tempore solaturus afflictum populum, reclusi jubet carceres, & communem noxarum veniam promulgari: docet tamen rariùs hoc clementiæ genere utendum esse Principi, ne cum proborum damno foveatur, & invalescat improbitas: zizania, segeti ne noceant, utique eradicanda.

Anno septimo custodias adit publicas & per se lustrat: è vinculis trecenta & nonaginta, qui omnes capitalis noxæ rei erant, ad tempus dimittit, iustos, ubi missum collegissent, ad statum reverti: revertuntur ad unum omnes præstituto tempore: admirabundus ac lætus Princeps vitam omnibus cum libertate donat.

Tredecim viros idoneos ad cuncta coram inspicienda per omnes Regni partes amplissima cum potestate dimittit, mandans ut severè in Præfectos Urbium & Provinciarum inquireant.

Memorant Chronica anno Imp. octavo pervenisse ex longinquis regionibus variarum gentium legatos,

oris habitu corporisque admodum peregrino, & nunquam antea Sinis viso: quin adeo gloriatum fuisse Imperatorem, quod suis primùm temporibus homines capillo rufi, oculisque viridibus (glaucos interpretor) Dirionem Sinicam adiissent. Certum videtur eos ipsos fuisse, quos lapideum in provinciâ *Xenophon* monumentum effossum anno 1625. ætati nostræ prodidit, diserte referens & annum eundem, & imaginem S. Crucis, & legis Christianæ compendium caractere Sinico, & nomina 72. præconum Syriacis litteris insculpta lapidi. De hoc consule Kircheri Sinam illustratam, & vetus Manuscriptum Arabicum quod asservatur in Regiâ Galliarum Bibliothecâ, ubi diserte scribitur circa idem tempus missos esse Evangelii præcones in Sinam à Catholico Patriarcha Indiæ & Sinæ, qui in urbe *Mossue* degebat.

Anno 9. dicti legati in urbem Regiam *Chamngan* hospitum ritu deducti sunt à Colao *san Huenlim*, de quo & in Chronicis & in dicto Lapide fit mentio honorifica.

Anno 10. obiit Regina *Chamfan*, litterarum peritiâ, pietate ac prudentiâ celebris, itaque dum vixit, in nullum ex domesticis regis gravius animadversum est, raro prorsus exemplo. Offenderat aliquando Principis animum Colaus *Guei chim*, crebrius inopportuniùsque eum monens, jamque ab illius aditu & conspectu arcebatur, inauduit Regina, adit extemplo conjugem, sed inusitato cultu ornatuque corporis, & instar gratulabundæ. *Andivi*, inquit, *sepenumero, nunc Rex, quod ubi datur Imperii gubernator sapiens atque perspicax, subditi quoque dentur veraces & recti: rectus & verax est Colaus tuus, nimirum quia tu ipse tam eximius es sapientiâ & perspicacitate, hunc ego tibi gratulata venio.* Placavit offensum opportuna dilectæ conjugis gratulatio. Librum ipsa conscripserat de rectâ Gynecæi institutione triginta constantem capitibus, hunc postquam extincta est, lacrymabundus Imperator coram suis accipiens in manus: *Norma*, inquit, *centum seculorum continetur hoc Volumine: scio quidem luctum hunc tam acerbum cæli nam mihi evenisse, neque jam esse quod illi medear, sed enim dum reminiscor adjutricis tam fidei, cujus præclara monita consiliaque nunquam posthac audieturus sim, an ego ferre desiderium, an temperare lacrymis possum?* Amoris interim ac doloris magnitudinem Mausolæum declaravit ipso illo, quod extruxerat suo patri, magnificentiùs (uno quippe antè anno pater decesserat.) Cum itaque die quodam Colaum *Guei chim* in editio rem ducens locum, Mausolæum conjugis eminens conspicuum digito monstravisset, Colaus dissimulans ab se visum esse: *Existimabam*, inquit, *ô Rex, contemplari te & indicare sepulchrum patris: nam conjugis quidem diu est quod vidi.* Lacrymas elicit Principi vox ista, qui non ignarus quid illâ carperet, destrui jussit Reginæ Mausolæum.

Mausolæum. Usque adeo filiorum pietas vincit apud Sinas amorem conjugalem :

Anno Imp. 11. puellam familiæ *Yn xi* quatuordecim annos natam, quòd admodum præstantis esset formæ & ingenii, in Aulam admittit, & titulo de more donat honorifico. Post annos aliquot tyrannidem exercebit hæc puella imperandi jure contra fas sibi vindicato.

Anno 12. mense septimo, Imperator (uti constat ex monumento supradictò) dato diplomate Divinam Legem per Imperium totum promulgari permittit: fundum largitur extruendo Templo in urbe regia.

Anno 17. moritur Colaüs *Gnei chim*. Elogium fidißimi Clientis scribit ipsemet Imperator, & sepulchro jubet incidi: conversus deinde ad suos, *Tria sunt*, ait, *specula mortalibus*, unam ex ære, ad quod *pietatem suam vestimentum suum aptè componant*; alteram ex veterum libris & monumentis, in quo contemplantur *artus Regnorum & incrementum*, & *occasus*; tertiam sunt *mortales ipsi*, quos si consideres attentius, facile discas quid ipse pecces, quid te fugere, quid prosequi par sit: & ego tribus hæc speculis adhuc quidem sum usus, & nunc (*proh dolor*) *amisi certum functum vitæ*; Colaum designans. Aliàs, *Est*, inquit, *Principi cor unicum*. Sed qui hoc oppugnant plurimi: & alii quidem studio quodam fortitudinis gloriæque bellicæ id oppugnant; alii deliciis & cupiditatibus; hi doctis contentationibus & cavillationibus, adulatione & blanditiis; illi doctis item mendaciisque non pauci; tam variis artibus machinisque pugnantium una ferè cura est, ut gratiam Principis acquirant, ad eoque opibus & honore augeantur: quisquis ergo de perpetua quadam cordis vigilantia paulum remiserit, quàm proxum erit à se vinci & perire!

Anno 19. contra Coreanos qui defecerant, expeditionem suscipis, sed ~~conatu~~ irritò. De via sepulchrum vidit Colai *Pi can*, qui olim tuendæ veritatis causâ ab impio *Kie* fuerat occisus: ornat ipsum perhonorifico titulo *Yn tai fa*, id est, Magni Magistrî familiæ *Yn*.

Anno 21. puellam *Sin hœi* dictam, Colai filiam, literis & ingenio claram, in consortium thori sui admittit, & sapientis titulo exornat. Narrant eam quinto post ortum mense corpisse fari; quarto ætatis anno libros *Confucii* tenuisse memoriâ; octavo scripsisse appositè variis de rebus: hoc certum, in legendis libris fuisse assiduam. Eodem anno trecenta millia militum rursus in Coream destinat, verùm cum ipse paulò post diem obiret, optimatum consilio intermissa expeditio est. Rara fuit hujus Principis & cura & indultia in liberis instituendis, ex obviis quibusque rebus apposita petens ipsis documenta. Cum orizâ vefcebatur, meminisse jubebat quanto sudore illa colono constitisset,

sic enim fore ut nunquam eis deesset. Cùm navigabat, *Aqua, ut videtur, inquit, sustentat naves, & ea possit navem submergere: aqua populus est, Rex navis, Aliaque his similia.*

Uno ante mortem anno duodecim monita, quæ litteris viginti-quatuor continebantur, filio dedit: monita hæc erant: *Tuè, Fili, fac regas, inquit, honores quos conferre par est, in propinquos confer; accerse sapientes; examina Magistratus, audi monentes; repelle detractores; fastu abstine; moderatio parsimoniaque cordi sit; premia supplicia, quæ meritis respondeant; cura sint res agraria, res militaris, civilis & litteraria. Tu, ò Fili, petes à præcis Regibus exemplum gubernandi, nam ego is non sum qui tibi ad exemplum sufficiam: medium ut attingas, summum pete; excides medio, si collimaris duntaxat in medium. Multis in rebus à me peccatum est ex quo imperare capi: sed tu vires contende, ut quæ ages, agas rectè, & constabit Imperio pax sua: quòd si fueris superbus, si iners, si prodigus & dissolutus, non Imperii modò, sed tuipsum jalluram facies.*

Anno 23. mense quarto, cùm morbus ingravesceret, hæres Imperii filius diu noctuque affidebat patri, cibo etiam aliquot per dies abstinens & canescens præ curâ & metore, quod observans pater, lacrymas tenere non potuit, filiumque intuens: *Quorsum, inquit, mori me pigeat, Fili mi, quando tanta est erga me pietas tua?*

Eodem anno qui fuit Cycli 46. **TAI CUM** moritur ætat. 53. Anno 47. succedit **CAO CUM** decessoris filius nonus. Anno Imperii 5. ardet Imperator studio visendæ *Vu xi* puellæ, quam pater in concubinam admiserat: illo autem mortuo cœnobiticam Bonziorum vitam cum aliis ejusdem sexûs professa degebat in fano: fanum adit, puellam reducit ad palatium; & quòd prole masculâ careret, repudiat reginarum alteram, & ipsam Imperatricem, frustra obniventibus Colais, etiam propositâ capitis & fortunarum jacturâ, & officii sui abjectis insignibus. Publicè ad solium evecta cùm observasset Imperatorem earum adhuc meminisse quas repudiarat, præcidi jubet ambabus & manus & pedes, & aliquot post diebus utriusque caput, quo factò feralibus umbrarum manibus, furiarum prope ritu quocumque se verteret terrorem noctu diuque ingeminantibus, loci mutatione remedium petere cogitur: transactis interim sex annis, Imperii regimen, suis Imperator committit amoribus, eò quoque insanix deveniens, ut ei *Tien hen*, hoc est reginæ cœli, hætenus inauditum nomen contulerit. Ad solium evecta, filium ex se primogenitum veneno sustulit, id unum agens, ut fratris filios adeoque familiam suam ad Imperium si posset eveheret, quod secus accidit.

Anno 13. *Lun. 5. anno 17. Lun. 8. anno 24. Lun. 3. intercalari, anno 27. Lun. 7. anno 31. Lun. 5. anno 35. Lun. 2.*

3. CAO CUM
regn. 34.

intercalari, anno 40. Lun. 6. anno 45. Lun. 8. & anno 54. Lun. 5. die ult. Eclipses Solis.

CYCLUS
LVII.
Annus
post Chr.
664.

- Anno Cycli 6. à Coreanis tandem defertur clientelare obsequium. Ex monumento lapideo constat fuisse hunc Principem legis Christianæ fautorem, pluribus locis exstructa templa vero Numini: per decem item provincias fides propagata, confertur quoque titulus honorificus cuidam *Olo puen* dicto.
- Anno 20. CAO ÇUM moritur æt. 56. Anno 21. succedit per vim *Vu hen* Regina, vasa, crudelis, litterarum tamen studiosa; filium suum eundemque hæredem designatum repudiat, creatque Regulum in prov. *Hu quam*, tertio filiolo in jus locumque fratris nomine tenus subrogaro. Crudeliter sævit in præcipuas quasque familias, quod suspicaretur sibi non favere: fuit dies quo 850. neci dati.
- Anno hujus 15. impium cepit bellum contra legem Christi, uti constat ex lapideo monumento; duravit 15. circiter annis persecutio. Eodem anno *Tie Cola*us gravibus verbis Reginam monet, ut à 14. annorum exilio revocet filium à CAO ÇUM Imperatore nominatum hæredem, causam afferens, quod inauditum sit ut in aulâ parentali majorum, ex aliena prosapia oriundi Imperatoris nomen inferatur à posteris non agnoscendum: ex prov. *Hu quam* revocatur itaque, & per 7. annos in palatio Orientali residet, donec defunctâ matre solium conscendat.
- Anno 41. *Vu hen* moritur æt. 81. Anno 42. succedit CHUM ÇUM filius CAO ÇUM, otio & veneri deditus. Imperatrici *Gnei* exilii sui sociæ fideli regimen committit; hæc autem auctore *San su* aulæ Præfecto, cum quo turpiter vivebat, filium suum *Xam* dictum molitur subrogare. Non tulerunt hoc Reguli & Principes, ~~sumuntur arma.~~
- Anno Cycli 46. Imperii 6. CHUM ÇUM veneno sublarus moritur æt. 55.
- Xam* in solio collocatur. Regulus patruus aulam invadit. Regina *Gnei* cum filiâ obtruncatur. *Xam* adolescens ultro se dedit, & patruo cedit Imperium, à quo Dynasta ditionis *Ven* creatur.
- Anno 47. succedit JUY ÇUM filius CAO ÇUM, decessoris frater ex *Vu hen* Regina.
- Anno 48. JUY ÇUM moritur æt. 55. Anno 49. succedit HIUEN ÇUM decessoris filius natu tertius, bonæ indolis Princeps, rara moderatione animi, publicique boni studiosus, valde item religiosus. Familiam suam *Tam* propè collapsam quadantenus restaurat, hinc magna pax per 30. ferè annos. Eunuchorum unum *Cao lie su* palatii Præfectum primus creat, ignarus scilicet quanta & suæ & aliis Imperialibus familiis mala pareret tot Eunuchorum ad publica munia evektorum potentia.

Divina quoque lex denuo vigere cœpit, & frui pace per tres deinde, qui successere Principes continuata, uti testatur monumentum lapideum, quo insuper Præfectum *Cao le fa* cum muneribus missum (inter quæ imagines erant quinque Philosophorum Regum) ut ea in templo quod Evangelici præcones vero Numini consecrarent, offerrentur.

Anno 2. Lun. 3. *intercalari, die ult. anno 6. Lun. 6. anno 11. Lun. 3. anno 17. Lun. 11. anno 22. Lun. 2. anno 28. Lun. 4. anno 31. Lun. 9. anno 37. Lun. 5. anno 40. Lun. 9. totalis, anno 44. Lun. 12. anno 49. Lun. 9. & anno 56. Lun. 5. Eclipses Solis.*

CYCLUS
LVIII.
Annus
post Chr
724.

Aurea argenteaque vasa, vestes auro textas & alia ejusmodi nimium luxum præferentia, ante fores palatii flammis aboleri jubet, ut crescentem indies cupiditatem extingueret, exin Imperatrix & Reginae vulgari vestis usu tunc usæ, unionum piscationem interdicit, usque adeo fidens & amans quatuor fratrum Regulorum, ut in eodem secum strato dormiret, noctesque confabulando transigeret. Hinc lectus ille stratum quinque Regum dictus. Egrotante fratre potionem medicam coquebat ipse, & dum fortè ad foculum barba ambureretur, adstantibus, *finite, inquit, dum modo convalescas frater, jactura barba quid refert?* Regium Collegium *Han lin yuen* dictum eminentium Scholæ Doctorum 40. instituit, qui veluti Magistri Regii in aulâ resideant, & è quibus seliguntur Historiographi Regii, Visitatores provinciarum, Prætores & Proreges, &c. Libros veteres de militari scientia conqueri jubet, & novos edi. Visit natalem domum *Confucii*, cui titulum *Yen sien van*, id est, *rei litterariæ illustris Regis*, impertitur. Discipulos ejusdem Philosophi nec non heroes inclytos variis honorum titulis ornat.

Colaüs *Yuen chao* monita Regi offert, quæ inter erant, ut Eunuchos à publicis muneribus removeat, ut consanguineos ad dignitates cum potestate conjunctos non evehat, ut duas sectas *Fa* & *Tao* idololatricas prorsus extinguat, &c. Imperator non audit.

Duces bello claros & optimè de Imperio meritos, etsi non essent è sanguine regio, primus titulo Reguli donat. Lustrat Imperium quod *Tai cum* in decem diviserat, ipse in 15. provincias vult divisum. Præcipui Præfecti è toto numerati 17686. minoris verò notæ Præfecti 57416. *Van yu* Regulus auctor est fratri, ut pro vestibus pannisque sericis & massis argenti in exquisitis idololatricis pro alterâ vitâ consumi solitis, deinceps è papyro factæ crementur, qui usus à Bonziis & sectariis *Lao kien* (cujus statuum solenni pompâ in palatium introduxerat) hodieque observatur.

Sub finem omnia in pejus ruunt, fuerunt cum uno prælio 40. altero 70. item altero 200. (si fas est credere) Sinarum

Sinarum millia desiderata, nec erat qui tantæ cladis certiores faceret Imperatorem, Eunuchis aditus omnes occupantibus. Præ aliis rebellat *Ngan lo xan* ex-terus Princeps, ab Imperatore ad summa quæque & armorum quoque præfecturam evectus. Hic victoriis insolens, partem magnam Septentrionis occupat, titulo Imperatoris per nefas usurpato.

Anno 33. magna latronum vis emergit, à quibus stragem accipit Imperator, desideratis suorum 40. milibus. Unde compulsus fugere in *Su chuen* provinciam.

Damnatur Imperator, quod uxorem repudiaverit, & nulum nuptam suam fecerit, occisis etiam levi de causa filiis tribus.

7. SO ÇUM
regn. 6.

Anno 34. SO ÇUM decessoris filius, vivo etiamnum patre eapellit Imperium: Princeps bellicosus & sapius victor, delevit latronum exercitus duce *Co çu y* Colaio. Patrem è *Su chuen* ad aulam magno cum honore reducit, qui anno Cycli 38. moritur æt. 78. *Ngan lo xan* diripit aulam *Cham ngan*, & regios thesauros in *Loyam* deportari jubet: elephantes quoque & equos centum, ad numeros muscos saltare edoctos, & craterem, quem buccæ præferebant, Imperatori quondam offerre solitos inter convivia: quod cum coram se ut facerent, adduci non possent, iussit omnes interfici: sed ipsemet non diu post à filio interfectus in lecto, perfidiæ suæ pœnas dedit. Parricida mox à belli Duce *Su mum* occisus, sed & hic, quod minorem natu hæredem dynastiæ suæ nominare vellet, à primogenito obtruncatur.

8. TAI ÇUM
regn. 17.

Anno 39. SO ÇUM moritur æt. 52. Anno 40. succedit TAI ÇUM filius, indolis liberalis. Initia sub hoc prospera, sed postmodum quinque Dynastiæ contra jus suam sibi vindicant & tuentur ditionem. Fana mille Bonziorum & totidem Bonziarum visit Imperator.

Fu hu cten Præfectus morti proximus caput radi jubet, more Bonziorum & habitu sepeliri volens: quod exemplum alii dein sunt secuti sub familiâ *Sam* decimânonâ. Fuit qui offerret Imperatori glirem simul cum felicula, ambo sugentes lac ex eadem fele. Gratulantur munus adulatores, ad quæ *Yen fu* Colaüs: *qua res, inquit, à Rex, naturæ ordinem hand sequuntur, iustum gratulandi argumentum non præbent. Hoc age ut cum barbaris & latronibus clam non inearur commercium, adulteria ceteraque flagitia non sint impunita, tollantur monstra, tunc gratulandi eris locus.*

Anno Imperii 8. supra 200. millia Tartarorum Borealem Chinam invadunt, ac tandem onusti spoliis domum redeunt. Imperator è fuga in aulam reducit à *Co çu y*.

In monumento lapideo fit honorifica mentio *Co çu y* belli Ducis. Refertur ibidem Imperatorem pretiosa odoramenta in natali Salvatoris obtulisse, simul etiam

		dapes ad templi ministros misisse. Anno 56 TAI CUM moritur æt. 53. Anno 57. succedit TE CUM filius, minutis intentus, naturâ timidus, suis diffidens, adulatione gaudens. Peregrina munera quibus felix omen captabatur, admitti vetat, dicens, <i>optima peti auguria ex viris sapientibus.</i> Anno Imperii secundo sculptum erectumque monumentum lapideum, de quo supra. <i>Anno 1. Lun. 12. intercalari, anno 6. Lun. 10. anno 9. Lun. 8. anno 15. Lun. 9. anno 19. Lun. 7. anno 23. Lun. 5. anno 33. Lun. 10. totales, anno 36. Lun. totalis, anno 45. Lun. 3. & anno 52. Lun. 10. Eclipses Solis.</i>
CVELUS LXX. Annus post Chr. 784.		Cesary belli Dux natus annos 85. diem obit. Quatuor Imperatoribus servivit, adeo bene meritus de Imperio, ut scribant per annos 1300. parâ fidei nullum extitisse. Evectus ad summa, nullius sensit invidiam, inter summas opes non fuit qui in eo crimen notaret. Has opes liberalissimè expendebat. Habebat tria millia famulorum. Octo filios reliquit gesto magistratu claros. Mortuum luxit China per triennium. Ob nimiam tot Eunuchorum potentiam & insolentiam rebelliones insurgunt. <i>Li hoai</i> quam belli Dux ab Imperatore deficit, qui mox fugere compulsus est in <i>Han chum</i> urbem prov. <i>Xen sè</i> : sed tandem dormiti rebelles & barbari cis & ultra Croceum fluvium. Cùm Imperator tot bella & calamitates fatis attribueret, diceretque à judicariis multa sibi prænuntiata, Colaus <i>Li mie</i> : <i>Alii</i> , inquit; <i>à Rex, de fato differant lices, at tu certè nosque ipsos haud parvè sermones huiusmodi usurpare; etenim prout nos rempublicam vel iuste velleque vel perperam administramus, ita fabricamus ipsi nobis ac populo satum vel fortunatum vel infortunatum.</i> Anno 11. TE CUM moritur æt. 64. Anno 22. succedit XUN CUM filius, qui specimen boni Principis dedit, sed quòd morbo immedicabili & sordido laboraret, filio committit Imperium. Anno 23. XUN CUM moritur æt. 46. Eodem anno succedit HIEN CUM filius, prudens, & prompti consilii. Fame laboranti populo liberaliter opitulatur, in hunc finem varios per Imperium ministros legans. Conquiri jubet vitæ immortalis herbam per sectatores <i>Lao kim</i> . Anno 36. excipit regio apparatu os digitale idoli <i>Fu è Xen sè</i> allatum, nequidquam adversante Senatu Rituum supremo & ad flammâs deposcente; quod dum tuetur perniciatius, indignabundus Princeps aliquos ad inferiorem dignitatis gradum dejicit, poenâ Sinas inter usuratissimâ. Anno 37. HIEN CUM repente moritur æt. 43. ab Eunuchis, ut creditur, veneno sublatu. Anno 38. succedit MO CUM filius, Amnistia indictâ incautè militem dimittit, qui ad latrones transiit.
	9. TE CUM regn. 25.	
	10. XUN CUM regn. 1.	
	11. HIEN CUM regn. 15.	
	12. MO CUM regn. 4.	

13. KIM ÇUM
regn. 2.

Paulatim Imperium vergit in ruinam.

Anno 41. MO ÇUM auream potans medicinam moritur æt. 30. Anno 42. succedit KIM ÇUM filius, ab Eunuchis electus, dissolutis moribus, & totus effusus in jocos: quare Reginx matri ab Eunuchis commissâ Imperii cura.

14. VEN ÇUM
regn. 14.

Anno 44. KIM ÇUM à venatione redux, dum mutandæ vestis causâ in conclave se recipit, extinctis repente luminibus occiditur ab Eunuchis æt. 18.

Anno 45. succedit VEN ÇUM filius MO ÇUM electus ab Eunuchis. Litterarum & sapientum amans. Eunuchi subodorati insidias contra se, ferociter invehuntur in ministros militesque Regios. Ex his ceciderunt amplius mille, & familiæ complures stirpitus extinctæ.

15. VU ÇUM
regn. 6.

Anno 57. VEN ÇUM mœrore contabescens moritur æt. 33. Anno 58. succedit VU ÇUM filius MO ÇUM, natu quintus, ab Eunuchis electus, relicto decessoris filio. Bellicosissimus Princeps ac prudens. Latrones & Barbaros domat. In seligendis idoneis ministris perquam vigil & accuratus. Sub hoc instituta aut renovata videtur lex, quæ hodieque viget, ut singulis quinquenniis aut septenniis jussu Regio inquiratur in mores & vitia Mandarinorum qui in aulâ degunt: quin in more jam positum est, ut quotquot in aulâ munus aliquod gerunt, cum omni humilitate & veniæ deprecatione debeant scripto confiteri quæcumque toto illo officii sui tempore delicta commiserunt, & hac occasione contingit, ut vel quia quid celarunt, aut ob asperitatem aut rusticitatem, ab officio aut gradu, deiciantur aliqui; dissimlatis interim quandoque peccatis aliorum gravissimis, dum vel aurum & gratia vincit jus & æquitatem, & indulgentiam regiam provocat.

Anno 4. Lun. 8. die 1. anno 9. Lun. 11. anno 13. Lun. 8. anno 18. Lun. 5. anno 24. Lun. 7. anno 32. Lun. 8. anno 39. Lun. 5. anno 53. Lun. 11. & anno 60. Lun. 2. Eclipses Solis.

CREVUS
LX.
Annus
post Chr.
844.

16. SIUEN ÇUM
regn. 13.

Anno 3. moritur VU ÇUM æt. 33. Anno 4. succedit SIUEN ÇUM undecimi Imperatoris HIEN ÇUM nepos, præterito decessoris filio electus ab Eunuchis, fortè quia à puero stupidus audiebat: at suscepto Imperio rara emittit in eo prudentia, consilium, moderatio, & quoddammodo virtutes secundi Imperatoris, dictus passim Parvus TAI ÇUM. Clam consulit de Eunuchis extinguendis. Hu tao Colaus oblato libello suadet, primò ut noxios gravioris culpæ inexorabiliter plectat, deinde verò neminem in locum mortuorum substituat, sic paulatim extingui posse eunuchos: verùm non multò post res fit palam, inde dissensiones inter eos & Præfectos Regios.

Anno 16. SIUEN ÇUM haustâ ambrosiâ immortalitatis & vermibus scatens moritur æt. 50. Anno 17. suc-

Qui

17. Y ÇUM regn. 14.		cedit Y ÇUM decessoris filius, ab Eunuchis electus, superbus, prodigus, veneri luxuique deditus.
18. H1 ÇUM regn. 15.		Anno Imperii 14. Cycli antem 30. reliquias <i>Fajdoli</i> in palatium deferri curat mense quarro: mox ejusdem anni mense septimo Y ÇUM moritur æt. 31.
		Anno 31. succedit H1 ÇUM filius decessoris duodennis; ab Eunuchis electus, penes quos summa rerum est. Crebra defectiones Borealiū, & latronum undique eruptiones, quæ omnia scriptores isti accepta referunt reliquiis istis: offendit enim graviter litteratos, cum intelligunt ossa demortui vel membra inter se separari aut dissociari, & hinc inde per partes distrahi, quod idem est ac violari corpora mortuorum: quæ etiam ratio est, quod honoratius nobiliusque reputent laqueo vitam finire, quam capite minui. <i>Hoam ciao</i> latronum dux aulam <i>Cham ngan</i> invadit, ferro & flammâ ubique sæviens. Fugit Imperator. Anno 45. <i>Like yun</i> , dictus <i>To yen lum</i> , id est, monoculus draco, 28. annorum juvenis & Dux copiarum Imperialium, cum latronum Duce configit: primò victus, tandem eodem die tribus præliis victor evadit. Ad aulam reducit Imperatorem: idem postmodum alios rebelles armis feliciter domat, unde dynastiâ donatus regni <i>Cin</i> . Hujus filius fundabit familiam decimam. quantam <i>Hen tam</i> dictam. Eodem anno 45. tertio post reditum in aulam mense H1 ÇUM moritur æt. 27. Anno 46. succedit CHAO ÇUM filius sextus H1 ÇUM, ab Eunuchis in folio positus, ingenio non mediocri & fortitudine. Conatur Imperii res restituere, sed irritò conatu. Cum deliberat de tollendis è medio Eunuchis, ab his in conclavi includitur Imperator, scriptis humi ejusdem peccatis: à Colao <i>çu yu</i> clam submissis armatis cæduntur Eunuchi, qui aliò prius Imperatorem abduxerant. Reducitur hic in aulam: edicto Regio jubentur omnes interfici, triginta duntaxat pueris ad officia viliora reservatis. <i>Chu nen</i> Dux perfidus fidissimam Colaum <i>çu yu</i> perimit. Cogit Imperatorem aulam mutare in <i>He nan</i> , & aulam <i>Xen si</i> æquare solo. <i>Anno 1. lun. 3. anno 5. lun. 5. anno 11. lun. 1. anno 20. lun. 7. anno 33. lun. 9. anno 36. lun. 4. anno 45. lun. 3. Eclipses Solis.</i>
19. CHAO ÇUM regn. 16.		
CYCLUS LXI. Annus post Chr. 964.	30. CHAO SIUEN ÇUM regn. 2.	Anno Cycli 1. CHAO ÇUM à perduelli <i>Chu nen</i> occiditur æt. 38. Anno 2. substituitur CHAO SIUEN ÇUM filius, qui se ultro & Imperium usurpatori desert, à quo dynastiâ donatur, & anno 3. occiditur æt. 17. & cum eo decimatertia <i>Tam</i> familia extinguitur. Sequuntur posteriores quinque familie Imperiales <i>Hou n tai</i> dictæ, bellis, rebellionibus, parricidiis non dissimiles quinque familiis quæ <i>Tam</i> familiam antecesserant, dissimiles verò annorum Principumque numero.

XIV. Familia.
1. TAI ÇU
regn. 6.

numero: priores namque annos 198. Principes verò 14. posteriores verò nuincrarunt sub 13. Principibus annos dumtaxat 53. quinque regna majora pro suo quæque arbitrio dominantur. Gens *Sie tan* dicta, coloniis Coreanorum quondam aucta, nunc *Leao tum* dicta, præ reliquis bello acris, sequentibus Principibus faceffet negotium.

Anno 4. TAI ÇU, aliàs *Chu nen*, fundat decimam-quartam familiam *Hen leam*, quæ duos Imperatores & 16. annos tenet. Aula *Pien leam* metropolis prov. *Ho nan*.

1. MO TI, aliàs
KUM TI
regn. 10.

Anno 9. TAI ÇU à filio primogenito occisus æt. 62. Anno 10. succedit MO TI filius, natu tertius, postquam patricidam fratrem in prælio vicit & interfecit.

Ab anno Cycli 13. ordiuntur annos dominationis Boreales barbari, mutato nomine *Leao* dicti. Novem Principes successivè numerarunt per annos 109.

Anno 19. MO TI (ex eo exercitu ab sequenti Imperatore) rebus desperatis se sponte perimit æt. 36. & cum eo perit familia. Eodem anno succedit CHUAM ÇUM filius monoculi, de quo suprâ. Fundat decimamquintam familiam *Hen tam*, quæ habuit 4. Imperatores per annos 13.

XV. Familia.
1. CHUAM ÇUM
regn. 3.

Aulam transfert in *Lo yam* prov. *Ho nan*.

Princeps bellicosus, & qui ad ærumnas bellicas jam callum obduserat, otii & somni adeò impatiens, ut humi cubans campanam excitatricem è collo suspensam gestaret; at deinde comædiis ludisque se dedit, factus ipse quandoque comædus, ut Reginas & neptes suas oblectaret, unde quod multa committeret indigna majestate Sinicâ, suis odio & contemptui fuit: tandem cum orta esset inter milites seditio, anno Cycli 12. sagittâ ictus interiit æt. 35. casure, an indultâ, incertum.

2. MIM ÇUM
regn. 8.

Anno 23. succedit MIM ÇUM, extra fines Imperii natus, & à patre decessoris adoptatus, & à Satrapis electus. Princeps admodum religiosus, amans pacis, & cum litteras ignoraret, tamen fautor litteratorum. Sub hoc Ty pographia cæpit. Vespertinis horis quotidie cæli opem implorat his verbis: *Ego barbaros inter & ipse barbarus sum natus. Turbatis temporibus mihi colatum Imperium: unum desidero, ut celestis Majestas cor applicet huic administrationi, & submitat viros sapientes & sanctos, qui monitis suis atque consiliis mecum hoc moderentur Imperium.* Eunuchos vetat ad officia publica evehi. Pax sub hoc Principe, & magna agrorum ubertas.

3. MIN ÇUM
regn. 1.

Anno 30. MIM ÇUM moritur æt. 67. Anno 31. succedit MIN ÇUM filius decessoris. *Xe kim tam* gener Imperatoris MIM ÇUM convocatis auxiliariis copiis *Sie tan* barbarorum 50. millium, aulam occupat, è folio dejicit Imperatorem, ac deinde occidit anno æt. suæ 45.

R

4. F I T I, aliis
LO VAM,
regn. 11. Anno 32. succedit F I T I decessoris filius adoptivus,
qui rebus desperatis mox fugiens in oppidum *Guei cheu*, inibi eodem incendio & gazas & sefe cum familiâ
absumpfit.
- XVI. Familia.
1. CAO ÇU,
regn. 7. Anno 33. CAO ÇU gener MIM ÇUM, usurpato Im-
perio fundat familiam decimam sextam *Hen cin* dic-
tam, quæ sub duobus Principibus annis 11. stetit.
Sie tan barbarorum ductor victori CAO ÇU Imperium
non defert, sed sibi titulum assumit Imperatoris,
quare CAO ÇU pacis amantior 16. civitates regionis
Pekinenfis *Lao tum* finitimas barbaris cedit præter
annuum munus 300. millium sericorum voluminum. Ex
hac barbarorum potentia consecuta 400. & amplius
annorum bella & strages in Imperio.
2. CI VAM
regn. 4. Anno 39. CAO ÇU moritur æt. 51. Anno 40. suc-
cedit CI VAM è fratre nepos, electus à Satrapis. An-
no 43. rupto fœdere barbari irrumpunt: mittitur bellâ
Dux *Lieu chi yuen* cum exercitu, quo sistat irrumpen-
tes. Hic moras neçens capi sinit Imperatorem, qui
dynastiâ donatur, atque ita familia extinguitur.
- XVII. Familia.
1. CAO ÇU
regn. 2. Anno 44. usurpat solium CAO ÇU, aliâs *Lieu chi yuen*.
Fundat familiam 17. *Hen han* dictam, quæ per quatuor
annos duos principes numerat. Boreales barbari inso-
lentiores facti, vastato Septentrione Austrum invadunt,
sed cùm ubique occurrerent frequentes latronum cu-
nei, non putabam, inquit Dux ipsorum, tam difficile
esse domare Sinas: quare spoliis onusti, in *Lao tum*
redeunt.
2. YN TI
regn. 1. Anno 45. CAO ÇU obiit æt. 54. Anno 46. succedit
YN TI filius decessoris. Mittitur *Co guei* Dux belli cum
exercitu contra barbaros, quos prælio non uno
fundit.
- Anno 47. YN TI in seditione à militibus occisus
anno æt. 20. familia perit. Regina fratrem inter-
fecti nominat, sed ductores exercitus victorem *Co*
guei è Septentrione reducem, Imperatorem procla-
mant, & vexillis regis flavi coloris, qui solius Impe-
ratoris est proprius, Principem cooperiunt, & in aulam
addueunt, ubi à Reginâ, abdicato eo quem nominave-
rat, mox agnoscitur, cui deinceps veluti matri obedit
& servit Imperator.
- XVIII. Familia.
1. TAI ÇU
regn. 3. Anno 48. TAI ÇU, aliâs *Co guei*, belli Dux Impe-
rator è familiâ tertiâ *Chen* oriundus, fundat 18. fami-
liam, quam *Hen cheu* dictam voluit. Tenuit hæc 9.
annos sub tribus Imperatoribus. Adit *Confucius* sepul-
chrum, regios ei titulos delaturus, quibusdam ne-
gantibus deberi hujusmodi honores homini, qui etiam
reguli fuisse subditus, imò verò, inquit, non alio vim
celebrandis, qui è Regum & Imperatorum Magister est. Sub
hac, aut, ut alii molis ante, sub familiâ Tam 13. ingressi
scribuntur Sinam Mahometani.
- Anno 50. TAI ÇU moritur æt. 53. absque liberis.

2. X ₁ CUM regn. 6.	Anno 51. succedit X ₁ CUM filius adoptivus, progenitus autem è fratre Imperatoris. Laudatur à virtute militari & studio litterarum. In palatio suo vult exponi atatum & machinam textoriam, ne sudoris suorum oblivio subeat. Cum ingens esset sterilitas & annonæ penuria, jubet vendi orizam regiam vili pretio, nec nisi postea per solvendo: dicentibus præfectis numquam adeo pauperes fore solvendo: at, inquit Imperator, <i>nescitis me patrem esse, ipsos verò mihi filios? quis autem vidit patrem, qui filio fame laboranti epistulari nolit, nisi dum onere pretii rependendi?</i> Dynastæ aliquot illi se subdant: statuas æneas idolorum comminui jubet, ut nummi, quorum penuria tunc erat, cudantur.
3. CUM TI regn. aliquot mensibus.	Anno 56. X ₁ CUM moritur æt. 39. succedit CUM TI filius septennis, à patre commissus tutelæ Chao quam 99 viri bello inclyti, optimeque de Imperio meriti. Procures & belli Duces cum duos soles in cælo observassent, omen & ansam hinc petunt, jacentem in lecto tutorem, & nihil minus cogitantem saluant Imperatorem, vestemque flavam corpori circumdant.
XIX. Familia. 1. TAI CUM regn. 17.	Anno 57. CUM TI è folio depositus, dynastiâ donatur. Familia Imperatoria Hæu cheu desinit. Eodem anno TAI CUM suscepit Imperium eâ conditione, ut mater sua primas ubique obtineat. Numeravit 18 Imperatores, ann. 319. primò in Septentrione per annos 167. sub 9. Principibus, & sub totidem in Austro per annos 152. Familia hæc tot præcedentibus familiis adeo infausis & turbulentis successit multo felicior ac magis pacata, unde post tot turbines & vicissitudines secuta serenitas diuturna, ac multò diutius quoque duratura, si æquè ampisset armatam ac rogatam palladè.
	TAI CUM ex Lo yam aulâ & urbe provincie Hō nan oriundus erat. Hoc nascente ferunt resulsse cubiculum porpureo lumine, unde ex armorum præfecto factus Imperator, insignia sua voluit esse coloris purpurei. Regiam constituit in Pien leam Metropoli prov. Hō nan. Princeps prudentiâ, liberalitate, clementiâ erga victos & pietate erga subditos singulari. Anno 1. Lun. 10. anno 9. Lun. 1. anno 20. Lun. 10. anno 24. Lun. 8. anno 27. Lun. 6. anno 34. Lun. 1. anno 40. Lun. 4. anno 43. Lun. 2. anno 47. Lun. 11. anno 57. Lun. 5. anno 58. Lun. 4. Eclipses Solis.
CRETUS LXII. Annus post Chr. 964.	Decem regna inter se discordia cum Imperio conciliat. Quatuor valvas palatii quatuor mundi partibus obversas patere jubet assidue, discitans velle se suas ades cordi suo esse confimiles, quod pateret oculis omnium subditorum. Fastum vestium suis verat, usu gemmarum filiabus etiam suis interdicto, exemplo præit ipse habitu vestium modesto ac propè vulgari contentus. R ij

Patrem, avum, atavum, tritavum titulis imperatoris donat, uti & matrem prudentiâ & modestiâ celebrem. Huic cum gratularentur omnes, & mirarentur quod nullum lætitiæ sensum proderet: *audivi*, inquit ipsa, *quod regnare sit perdifficile. Filii si recte se suosque regat, erit quod gratulemini; si secus, non eris mihi tunc in integrum, ne ad priorem quidem vulgaris famina conditionem reverti. Hinc angor ac mareo.* Uno post anno moriens filio præscripsit, ut nullâ filiorum habitâ ratione hæredem Imperii nominaret fratrem natu proximum, & ab hoc tertium, & deinde quartum: *quod enim*, inquit, *Imperio potiaris d fili, non tam tuis meritis deberis, quam quod familia superior Principem infantem reliqueris.*

Cum in hyeme subiret memoria ac miseratio suorum, qui in Septentrione contra barbaros dimicabant, misit Præfecto armorû vestem regiam suam pelliceam, optare se dictitans ad singulos mittere. Dici non potest quantum animorum castris attulerit hæc una vestis. Viros militares litteris operam dare jubet, & antequam ad gradum evehar, examini sisti, ubi de arte militari scribant, ac deinde etiam cursu, equitatuque & jaculo sese exerceant, qui mos hodieque viget. Obsidebat Cao pin belli Dux urbem *Nan kin*, videntque non diu posse resistere, morbum simulat. Anxii præfecti visunt decumbentem. Ibi remedia, ut sit, alii alia coram suggerunt. *Non aliud*, inquit, *morbo meo remedium magis præsens, quam ut juramento vos obstringatis, à civium cæde prorsus abstinere.* Juratum est. Convalescit, urbs capitur, nec sine vi & cæde, tamen modicâ; sed hæc ipsa Imperatori quoque ellicit lachrymas & hanc simul vocem: *miseranda conditio bel-
lerum, quæ numquam vacans cadibus etiam innocentium!* Jussit extemplò dispertiri in cives, 100. mille modios orizæ. Ad litterarum acuendum studium, *Confucii* natale solum adit Imperator, ejusdem conscribit panegyrim. Nepotem *Cum y* dictum ex stirpe jam quinta & 40. titulo dynastæ donat. Convivio sæpe suos bene meritos excipit. Cum die quadam *Lien* Dynastæ jam supplici factò poculum vini offerret Imperator, adverteretque vultu prodi suspicionem veneni, *quid trepidas*, inquit, *ego, si nescis, cor meum intra viscera meorum collocatum habeo, quo pacto igitur illud obtrui veneno? quæ dicens ipsemet prior exhausti.*

2. TAI ÇU, M
regn. 21.

Anno 13. TAI ÇU moritur æt. 50. Anno 14. succedit TAI ÇUM frater à matre moriente commendatus. Princeps pius, moderatus, amans litterarum. Bibliothecam 80000. voluminum constituit. *Leao* tum barbaros armis aggreditur vario eventu. Obsidionem urbis præcipuè stratagemate solvit *Cham ci chien* Colaus militaris. Noctu trecentos milites unâ singulos tædâ instructos appropinquare jussit castris hostium,

&c.

cedâ instructos appropinquare iussit castris hostium, & repentino isto lumine speciem præbere magni exercitus eminens adventantis, ingens pavor barbaros occupat. fit fuga, & cædes penè ad internecionem.

Anno Imperii 14. cùm pluviarum defectus esset, cælum supplex deprecatur, seseque reum calamitatis profitetur, jubet dimitri incarceratos, & ecce ipso die pluit. Lun. 8 Cometes apparet. Juber dapes imminui, publico abstinet, amnistiam indicit, & mox disparer Cometes. *Ecquis hic dicat, (inquit Ethnicus interpres) cæli voluntatem & decretum esse irrevocabile?*

3. CHIN CUM
regna. 25.

Anno 34. TAI CUM moritur æt. 59. Anno 35. succedit CHIN CUM filius natu tertius. Boni Principis specimen initio præbet; cùm Cometes appareret, vult de more moneri si quid peccet. Decem miliones aureorum remittit de vectigalibus, efflagitat identidem filium à *Xam ti* seu supremo cæli Imperatore, à quo tandem fuit exauditus.

Leo tum Barbari urbem obsident in prov. *Pe kim*, solvitur obsidio, suadetur profectui victoriam, maluit populi pacem, & fœdus cum victis, haud secus ac si vicissent, eâ scilicet conditione, ut quorannis 100. millia aureorum, & 200. millia sericorum voluminum dono mitterentur.

Anno Imperii 11. nuntiatur librum è cælo delapsum esse ad portam urbis regis, pedes Imperator illum excipit venerabundus: erat is ex sectâ *Tao*, sortilegiis plenus; credulus Imperator fanum ibidem extruxit, frustra obnitentibus Præfectis, qui cremandum suadebant. *Ab hoc tempore, inquit interpres, nihil fuit præter illudere supremo cæli Domino.*

Anno Imperii 16. recensita sunt virorum capita, ad quos agricultura spectat, unde vectigal petitur, 21. miliones 976. mill. & 965 in hoc numero non sunt *femine*. pueri usque ad annum 20. Magistratus, Literati, Eunuchi, milites, Bonzii, nec qui in navigiis degunt, quorum numerus incredibilis.

Recudi jubet libros veterum, & per Imperium dispergi.

4. GIN CUM
regna. 41.

Anno 69. CHIN CUM moritur æt. 55. Anno 60. succedit GIN CUM decessoris filius sextus è secundâ Reginâ. Imperatrix pro tredecenni administrat regnum, nec illud ante mortem, quæ undecim post annos secuta est, dimittere voluit.

Anno 2. Lun. 5. prænuntiata Eclipsi Solis non apparuit: hinc adulatoria gratulatio principi: id quia aliis factum notant, hinc meritis suspensa Eclipses quedam. Anno 5. Lun. 12. anno 11. Lun. 2. anno 14. Lun. 11. totalis, anno 18. Lun. 9. anno 28. Lun. 2. intercal. anno 39. Lun. 6. anno 43. Lun. 5. anno 46. Lun. 3. anno 49. Lun. 8. anno 51. Lun. 12. anno 52. Lun. 6. anno 56. Lun. 3. Eclipses Solis.

CYCLUS
LXIII.
Annus
post Chr.
1014.

Princeps pius & re & nomine, pacis & populi quàm belli amantior, unde animi additi Barbaris renovandi bella. Cum iis pacem indignam suâ majestate inut. E palatio ejicit idola omnia. Vetat sibi offerri munera peregrina, & rasi pretii, & bene ominata. Colao *Liu* ægrotanti, cui præscriptus erat pulvis è barbæ pilis, suam abradi jussam submittit.

Cùm inter dapes ferculum esset ex ostreolis 28. quarum singulæ constiterant mille nummis cupreis, re cognitâ, *absit*, inquit, ut complexu duorum paxillorum in os gulosum ingeram 8. & 20. nummorum millia.

Anno Imperii 26. cùm post magnam sterilitatem pluisset tandem, principique gratularentur proceres: *Omni*, inquit, illo tempore quo aquarum penuriâ laboratum est, ego quotidie succensis ritè odoribus calam deprecabar: nocte cùm audirem tonitru, surrexi de strato, cingulumque sumens & pileum, sub dio consiti, & sinistram atque pluit, proci in genua, & salutans reverenter calam, gratias eidem egi, ac sic demum ausus fui ad cubile meum reverti: nunc rem unam imprimis expeto, ut mihi fidenter significetis, quâ in re fortè peccem: etenim verear ne inane geram nomen, & pluris quàm par est faciam apparatus exteriorum. O quam præclarum est, & quanti refert vespere & manè asserre animum usquequaque purum, quoties calam clam quoque & privatim deprecamur!

Laudes suas commaculavit pius Princeps repudio uxoris, causa fuit desiderium prolis masculæ. Multi hoc damnant, alii probant, adductis exemplis: sed enim Colaus *Tao fu*, idemque è stirpe *Confucii*, petenda docet exempla à legitimis virtutum magistris *Tao* & *Xun*. Laudatur *Fu pie* Colaus, quod operâ & consilio suo vitam servasset plusquam 500. hominuin millibus fame contabescentibus.

Hien cum septimus Barbarorum *Leao tum* Rex per legatū repetit ditionis Pekinensis urbes decem, quas 18. familiæ conditor vi & armis recuperaverat: mittitur *Fu pie* legatus; tandem Imperator pacis studiosior, quotannis spondet 100. aureorum millia, & 300. mill. sericorum voluminum, loco urbium, idque, quod probrosissimum fuit, cum littera *na*, quod pensionem tributariam denotat.

Anno 40. moritur *GIN CUM* æt. 54. Anno 41. succedit *YM CUM* è fratre decessoris decimotertio natus loco. Principem cum Imperatrice moderante Imperii habenas dissidentem prudenter reconciliat *Han ki* Colaus.

Floret Colaus *Su ma* quam inter Historiographos celeberrimus, qui ex bis mille voluminibus corpus conficit: orditur autem annales à *HOAM TI* Sinenfis Monarchiæ conditore.

Anno 44. *YM CUM* moritur æt. 36. Anno 45. succedit *XIN CUM* filius, Princeps majoris animi quârto

5. YM CUM
regn. 4.

6. XIN CUM
regn. 18.

prudentiæ. Faver litteris impensè: *Memcium* secundum Sinarum Philosophum posthumo Ducis titulo condecorat.

Floriere sub hoc & sequenti auctores novæ Philosophiæ, & veterum librorum interpretes *Chen*, *Chim*, *Cham*, *Xao*, &c. variis honorum titulis tam in vita quam à morte ornati. Cùm tempore sterilitatis mæstus Princeps se in conclave reciperet, jejunio & solitudini vacans, placando cælo. *Vam ngan xe* Atheo-politicus, quid, inquit, è *Rex affligeris?* non est quod cælum extimescas, calamitates casu, non consilio accidunt. Cui *Fu pie* Colaüs: Si Princeps cælum non extimescis & reveretur, acquid tandem eris quod non perperes? Idem *Fu pie* auctor est principi, ut ne immodicâ severitate & curâ exquirat quid ab suis peccetur. *Majora* inquiens *mala hinc nata exsistere.* Celi potius sit instar contemplantis omnia tam rectè quam prava; maxime cùm hæc ipsa serius oculus prodant sese, suumque referant vel premium, vel panam.

Anno 1. Lun. 5. anno 5. Lun. 3. anno 10. Lun. 6. anno 15. Lun. 1. anno 19. Lun. 6. anno 22. Lun. 4. anno 29. Lun. 11. anno 31. Lun. 4. anno 35. Lun. 8. anno 38. Lun. 6. anno 43. Lun. 9. anno 46. Lun. 7. anno 50. Lun. 4. & anno 59. Lun. 4. Eclipses Solis.

CYCLUS
LXIV.
Annus
post Chr.
1084.

Vam ngan xe uti vir erat è supremâ litteratorum classe & versipellis ingenii, auctor fuit decem vesticigalium instituendorum, quæ res animos populi multum exacerbavit. Succedit sterilitas, revocantur edicta & onera, & ecce profusus imbrisbus cælum remunerat clementiam Principis.

Anno Cycli 2. moritur *XIN SUM* æt. 38. Anno 3. succedit *CHE SUM* sextus filius. Huius tuerix avia Imperatrix. A Colaio libellus offertur 10. puncta 20. litteris commendans. 1. Cælum time. 2. Populum ama. 3. Teipsum perlice. 4. Litteris vaca. 5. Sapientes evehe. 6. Monentes audi. 7. Vesticigalia contrahe. 8. Supplicia mitiga. 9. Prodigaliratem fuge. 10. Dissolutionem cave.

Repudiat uxorem legitimam, exemplo se tuens antecessorum: ad hæc Colaüs, *satius*, inquit, *fores è Principe, imitari virtutes majorum quam peccata:* Excandescens Imperator monentem magistratu privat.

Anno 17. moritur *CHE SUM* æt. 25. Anno 18. succedit *HOEI SUM* filius *XIN SUM* natu undecimus. Artium liberalium disciplinis probe instructus, at luxui jociisque intentus, avix committit regimen. Eunuchis impensè faver, quos regulatorum ornat dignitate, solis è regis sanguine principibus dari solitâ. Superstitioni item & sectæ *Tao* addictissimus.

Anno Imperii 16. quendam ejus sectæ celebrém Cenobitam *Chamy* nomine, qui floruerat sub quintâ *Han* familiâ, titulo *Xum ti* seu supremi Numinis donat,

S ij

7. *CHE SUM*
regn. 15.

8. *HOEI SUM*
regn. 25.

sectæque illius se Pontificem supremum nominari vult. Tot consecuta deinde mala, & Imperii ruinam attribuant scriptores sacrilegii hujus atrocitati, quo vera cæli Majestas usque adeo contempta fuit & abjecta.

Societatem init cum *Nin che* live Tartaro Orientali contra Barbaros *Leao*, quos aliquot præliis debellat, extincto regno *Leao*, quod per annos 109. sub novem Principibus steterat. Ejus reliquæ ad Occidentem profugæ regnum fundant, quod post annos 100. ab Occidentali Tartaro prorsus delebitur. Tartarus Orientalis affectat Imperium. *Kim* nomen dominationi suæ tribuit: capit *Pe kim*, *Xen si*, &c. Imperator invitatus adit Tartarum, cum eo de limitibus transacturus. Imperator re infectâ redit. Pergit iterum infelix rogatu suorum; sed à Tartaro perfidè detentus, cogitur, insignibus regiis depositis, extra regnum & murum Sinensem migrare.

9. *KIN ÇUM*
regn. 1.

Anno 42. *HOEI ÇUM* in Tartariæ deserto *X'a mo* captivus moritur æt. 54. Anno 43. succedit *KIN ÇUM* filius natu major, à moriente patre nominatus. Sex ministros prodicionis reos jussu patris è medio tollit. Tartarus *Ho nan* provinciæ aulam invadit, Imperatorem & Reginas in Tartariam abducit, relicta Imperatrice *Mem*, quod repudiariam se diceret. Multi è præcipuis proceribus voluntaria morte probrum barbaræ captivitatis anteverunt. Imperator autem captivus moritur 30. post annis, æt. 61.

10. *CAO ÇUM*
regn. 36.

Anno 44. succedit interim *CAO ÇUM* filius nonus *HOEI ÇUM* ex repudiata *Mem* uxore. Aulam transfert in Austrum in *Nan kim*, unde dein compulsus migrare in urbem *Ham cheu* prov. *Che kiam*. Hinc Australis *Sam* familia deinceps dicta.

Princeps fuit amans pacis & litterarum. Primis annis aliquot victorias retulit de Tartaris & larronibus, strenuissimo ductore *Cum ye*, qui in Septentrione in 15. præliis victor evalerat. Sed idem neglectis sapientibus, improbos & perversos in consilium admittit. Adèd deditus Bonziorum sectæ, ut Imperii administrationem filio à se adoptato committat, quò vacaret impensius commentationibus superstitionis.

Hi sum Rex Tartarorum ut litteratos Imperii basim & florem sibi devinciat, *Confucius* Gymnasium & ædes ipsemet adit, honores posthumos ei persolurus: cumque essent qui dicerent non esse cur hominem vulgarem regiis honoribus prosequeretur, respondit: *Tametsi Confucius non eâ conditione fuerit, ut hos honores mereretur, attamen ejus doctrina digna est, quam ritum Regio veneremur.*

Anno 4. *Lun.* 7. anno 8. *Lun.* 5. anno 11. *Lun.* 3. anno 14. *Lun.* 11. Eclipsis & Cometes ab Occid. anno 18. *Lun.* 4. anno 24. *Lun.* 11. anno 28. *Lun.* 9. anno 30. *Lun.* 3. anno 34. *Stella instar Lune in Austrum tendens*, anno 35. *Lun.* 5. anno

anno 40. Lun. 8. anno 46. Lun. 9. anno 51. Lun. 1. anno
54. Lun. 2. & anno 60. Lun. 12. Eclipses Solis,

CYCLES
LXV.
Annus
post Chr.
1144.

11. HIAO ÇUM
regn. 27.

12. QUAM ÇUM
regn. 5.

13. NYM ÇUM
regn. 30.

Pacem cum Tartaro init, non dubitans Majestas Sinica ei subscribere cum nomine *Chin*, id est subditi, & *Cum*, seu tributarii, dummodò sibi parentum 8 ante annis vità functorum corpora, Imperio ipso chariora pignora, restituerentur, quo factò publica lætitia & amnistia indicta. Mirè extollunt hanc filii erga parentes pietatem scriptores.

Anno Imperii 35. rupta pace Tartarorum Rex cum 600. millibus Meridiem petit. Capitur urbs *Yam cheu*. Stricto acinace morrem suis Rex minatur, ni victo metu fluvium *Kiam* trajiciant. Ontur in exercitu seditio, in quâ Rex ipse occiditur. Re itaque infectà reditur in Septentrionem.

Anno Cycli 19. CAO ÇUM resignat Imperium filio adoptitio: 25 post annis moritur abique liberis, æt 84. Anno 20. succedit HIAO ÇUM, qui erat fundatoris hujus familiz post sextam stirpem nepos. Princeps à pietate commendatus: pacificè utcumque regit, quia Rex Tartarus *Ki çum* item pius, sapiens, & indolis erat pacificæ.

Floruit sub hoc *Chin hi* vetetum libtorum interpres celeberrimus. Obiit autem septuagenario major, anno 6. imperantis *Kim çum*. Variis perfunctus muneribus sub quatuor Imperatoribus, post mortem honoratus titulo *Ven çum*, id est, litterarum principis, & cum cæteris *Confucii* discipulis consecutus titulos posthumos; quorum nomina in tabellis in Gymnasio *Confucii* exponuntur, qui mos hodieque viget: nam ubi constat de viri virtute, sapientiâ & in gesto magistratu integritate, solent eos Imperatores in album & ordinem referte condiscipulorum *Confucii*, ut in partem veniant honorum, qui *Antio* temporibus à Præfectis urbium exhibentur.

Anno 46. HIAO ÇUM moritur æt. 68. Anno 47. succedit QUAM ÇUM decessoris filius natu tertius.

Anno 51. QUAM ÇUM coram procerum suorum cætu correptus apoplexiâ in terram corruit, nec sibi restitui potuit. Moritur postmodum æt. 54.

Anno 52. NYM ÇUM natu tertius decessoris filius, tametsi multùm reluctans evehitur ad solium Princeps re & nomine pacatæ indolis, pius, modestus: à suis se regi, ne dicam decipi, patitur. Edicto vetat, ne quis pro arbitrio suo annales edat.

Anno Imperii 8. incendium Palatù quatuor dies tenuit. Post 36. item annos in urbe regiâ *Ham cheu* incendium, quo 530. millia domorum absumpta.

Anno 2. Lun. 6. Cometes anno 5. Lun. 4. anno 12. Lun. 5. anno 15. Lun. 3. anno 21. Lun. 6. anno 30. Lun. 5. anno 33. Lun. 3. anno 40. Lun. 11. anno 43. Lun. 5. Planeta

ſimul viſe ſub una conſtellatione. anno 45. Lun. 8. anno 52. Lun. 3. anno 57. Lun. 6. & anno 60. Lun. 4. Eclipſes Solis.

CYCLUS
LXVI.
Annus
poſt Chr.
1104.

Tartari *Kin* ſeu Orientales rupto iterum fœdere invadunt Sinam.

Tartari Occidentales, qui ſub quintæ *Han* familiæ ſexto Imperatore *Fu ſi* multis cladibus ad internecionem deleti, per 1300. circiter annos nil dignum memoratu contra Sinam egerant, tandem anno *Nym cum* Imp. 12. cœperunt Imperii ſui jacere fundamenta. Indunt nomen familiæ *Yuen*, quod principium ſonat. Ab anno primo naſcentis Imperii uſque ad decimum-quartum occiſæ ferunt 1847. myriades ab hoc familiæ Tartariæ conditore tyranno. Quintus ab hoc Princeps poſt annos 32. toti Chinæ dominabitur.

Tartarus Occidentalis à Sinis invitatus bellum auſpicatur contra Orientales. Orientalis pacem peticum Sinis, hi reſpūnt. quo cognito: *hodie*, inquit, *Occidentales mihi meum Imperium, cras tuum tibi auferent.*

Tartarus Occidentalis memoratur extinxiffe regnum Mahometanorum *Metens* dictum, inde ab *Into*, (putà Indorum) & *Samaul han* (putà Samarcandiæ) regna proceſſiſſe uſque ad *Tie muen* (id eſt ferream portam) arcem ſic dictam, inde occasione monſtri cujuſdam inuſitati territus, monituſque à tot cadibus quibus cœlum non gaudet, abſtinere, ab occaſu ad ortum tendens vim totam armorum ad Sinenſe convertit Imperium.

14. L I CUM
regn. 40.

Anno 21. *NYM CUM* abſque liberis moritur æt. 57. Anno 22. ſuccedit *L I CUM* fundatoris poſt decimam ſtirpem nepos. Princeps addictus ſectæ *Tao*, & litteris pluſquàm ratio temporis & belli poſtulabat. Titulum *Ducatus* & dignitates confert familiæ *Confucii*, quæ & hodie perſeverat ab onere tributi immunis.

Variis immiſſis exercitiſus tam Sina, quàm Tartarus Occidentalis contra Orientales, tandem victor evadit. Aula *He nan* diripitur. Dein Metropolis prov. *Xan ſum*, ubi tam pertinax fuit obſeſſorum conſtantia, ut carnibus jam humanis veſcerentur. Poſtremus Orientalium Rex *Ngay ti* deſperatis tandem rebus laqueo vitam finit: atque ita extinctum regnum *Kin* ſeu Orientalium Tartarorum, quod novem Principes habuerat per annos 117. verum poſt annos 419. ex horum reliquiſ ſeu poſteris ruriſus emerget familia vigefima ſecunda, totius Chinæ futura domina.

Quo tempore penes Imperatores Sinenſes in Auſtro per 40. annos fuit Imperium, Boreale Imperium fuit penes Tartarorum Occidentium Principes omnino quinque, quorum poſtremus *Ho pie lie* multis claris victoriis imperare cœpit anno Cycli huius 56. & poſt

		<p>annos novemdecim fundabit familiam proximam <i>Yuen</i> dictam.</p> <p>Idem Princeps ut erat in rebus litterisq; Sinicis versatissimus, ut Sinenſium ſibi animos magis conciliet, parentat & ipſi litterarum Principi <i>Confucio</i> ritu regio.</p> <p>Anno 7. <i>Lun.</i> 6. anno 15. <i>Lun.</i> 7. anno 18. <i>Lun.</i> 5. anno 20. <i>Lun.</i> 9. anno 25. <i>Lun.</i> 6. anno 34. <i>Lun.</i> 12. anno 39. <i>Lun.</i> 9. anno 42. <i>Lun.</i> 7. anno 46. <i>Lun.</i> 4. anno 49. <i>Lun.</i> 2. & anno 57. <i>Lun.</i> 3. <i>Eclipses Solis.</i></p>
<p>CYCLUS LXVII. Annus poſt Chr. 1264.</p>	<p>15. TU ÇUM regn. 10.</p>	<p>Anno 1. LI ÇUM abſque liberis moritur ætat. 62. Anno 2. ſuccedit TU ÇUM deceſſoris è fratre nepos. Veneri & Baccho immodicè deditus, regi ſe finit à perſidiſſimo Colao <i>Hia ſu tao</i>. Oblati multi contra cum libelli ſupplices, ſed incaſum: quare multorum defeſcio ad victorem Tartarum conſecuta.</p> <p>Tartarus occupatis priùs provinciis Occidenti finitimis <i>Yan nan</i>, <i>Xen ſi</i>, <i>Su chuen</i>, (in cujus Metropoli <i>Chim tu</i> occiſa ſeruntur quater decies centena civium millia,) tandem in <i>Ha quam</i> Australem provinciam tendit. Imperator omnium ignarus, è tribus Imperii partibus vix unam obtinet.</p> <p>Nobilis viri Marci Pauli, Sereniſſ. Venetorum Rei-publicæ civis inclyti, in Chinam circa hæc tempora introitus.</p> <p>Anno 11. TU ÇUM moritur æt. 25. tribus filiis relictiſ ad fortunæ ludibrium. Anno 12. ſuccedit CUM ÇUM ſecundus filius. Pro puero prudens Imperatrix gubernat: pacem petit duris conditionibus, at verò <i>Pe yen</i> Ductor ſupremus Tartarici exercitus, nullas admittit: <i>Veſtra</i>, inquit, <i>familia ob infantiam Principis prioris familie, potita ſuit Imperio, nunc æquum videtur, ut ob infantiam Principum eodem potuerit.</i></p> <p>Tartarus cum 700. armatorum millibus petit Meridiem, & pleraque facit ſuæ poteſtatis.</p> <p>Celebratur Ducis <i>Pe yen</i> prudentia, quâ regebat ducenta armatorum millia non aliter quàm ſi unum regeret militem: alterum, quòd tot victoriis inclytus numquam auditus ſit commemorare res ſuas ac metita.</p>
	<p>16. CUM ÇUM regn. 1.</p>	
	<p>17. TUON ÇUM regn. 2.</p>	<p>Anno 13. à <i>Pe yen</i> captus Imperator obiit in deſerto <i>Xa mo</i>, æt. 10. Anno 14. ſuccedit TUON ÇUM frater major natus. Hic mati cum claſſe 130. millium hoſtem fugiens primùm ad <i>Fo kien</i>, & inde ad prov. <i>Quam tum</i> oram maritimam dilabitur.</p> <p>Anno 15. TUON ÇUM ex morbo moritur æt. 11.</p>
	<p>18. TI ÇUM regn. 2.</p>	<p>Anno 16. ſuccedit TI ÇUM frater natus minimus, & ultima familiz ſcintillula. A Tartarorum claſſe ingenti clade claſſis Sinica proſtigatur. Colaſ <i>Lo ſien ſu</i> re deſperatâ complexus octennem Principem, ſe pariter cum illo in mare præcipitat: re cognitâ Impetratrix</p> <p style="text-align: right;">T ij</p>

cum turbâ plurimâ ruit in præceps. Peracta fuit hæc catastrophæ Lunâ 2. hujus anni prope insulam *Tai xan*, quæ pareat oppido *Sin hœi* prov. *Quam tum*, *Quam cheu* dictæ. Dux alter Sinarum *Xi kie* evaserat medios per hostes cum parte classis ad insulam *Pim cheu xan* dictam. Hic vi ventorum à littore spirantium in altum mare proventus, vi turbinum & procellarum obrutus est. Perisse dicuntur hac die supra centum millia mortalium partim ferro, partim fluctibus: & hic finem habuit funestissimum familia *Sum*.

Steterat Monarchia Sinica sub 19. familiis Imperatoris per annos 422. quando primâ vice tota parere cepit exteris, jugumque subiit Tartari Occidentalis, si jugum dici potest, quando Sinas & sinceritate & fide & amore beneficentiaque ita sibi conciliavit, ut hodie etiam *Xim chao*, id est, dominatio sancta, vulgò nuncupetur.

XX. Familia.
1. *Xi çu*
regn. 15.

Anno Cycli 17. init Imperium *Xi çu* Tartarus occiduus, filius *Tai çu* natu quartus, fundator familiae 20. *Yuen* dictæ, quæ sub novem Imperatoribus annos 89. numeravit.

Aula primùm *Tai yuen fu* Metropolis prov. *Xan si*, ac deinde *Pe kim*. Hic postquam bellum gesserat 20. annis, tandem Sinæ toti imperat. Princeps pius, prudens, magnanimus, perspicax, Mecænas litterarum. Expeditio suscipitur in Japoniam nullo successu; nam ex 100. millibus qui partim mari, partim in insulis perierunt, vix tres quatuorve redierunt. Aquæductum aperit per stadia Sinica 3050. seu leucas Belgicas 245. circiter: per hunc supra novem mille navigia, singula 500. oryzae modiis onusta, pro sola aula quorannis ex Austro viâ mediterraneâ devehuntur, quæ prius maritimâ devehebantur.

2. *CHIM çum*
regn. 13.

Anno 31. moritur *Xi çu* æt. 80. Anno 32. succedit *CHIM çum* nepos, clemens & amans populi: vestigalia & supplicia moderatur: fraudi fuit invaletudo propè assidua, quo factum, ut nequiverit pro voto res Imperii administrare.

3. *Vu çum*
regn. 4.

Anno 44. *CHIM çum* moritur æt. 42. Anno 45. succedit *Vu çum* ex fratre nepos, pius & munificus, bene meritos variis dynastiis donat. *Confucium* regis titulis donat. Vetat aurum, argentum, oryzam & sericum extra Imperium deportari.

4. *Gin çum*
regn. 9.

Anno 48. *Vu çum* moritur æt. 31. Anno 49. succedit *Gin çum* frater uterinus: pius & re & nomine, moderatus, & cælestis, ut aiunt, indolis, gravis, acuti ingenii, moneri gaudens, litterarum studiosus. Regulis interdicit venationes à quinta Luna ad decimam, ne colonis damno sint. Magna hoc imperante pax. Identidem pluviâ à cælo efflagitat. Fuit cum diu cessante pluviâ cælum suspiciens: *Ahi ego*, inquit, *ego reus sum tanta calamitatis*, & sequenti

mox

		<p>mox die effusi imbres secuti.</p> <p>Cognito quinque fratres reos mortis, ingemiscens: <i>Vni saltem, inquit, detur vita, ut sis qui parentes alas & soletur.</i></p> <p>Anno 57. GYM CUM moritur æt. 36. Anno 58. succedit YM CUM decessoris filius natu major, patri per omnia similis, pro cuius vitâ læpe cum lachrymis suam cœlo devoverat pius Princeps.</p> <p>Anno 60. YM CUM in ingressu tentorii, cum fido Colao suo occisus æt. 36 à gravium scelerum sibi conscis perfidis. Hos sequens Imperator uno post mense meritis supplicis plectit, stirpe etiam funditus deletâ.</p> <p>Hæc una familia præ reliquis prodigiosa dici potest, quod hac imperante, tot terræmotus, ruine montium, inundationes, siccitates, incendia, &c. extiterint, quorum pleraque hic præterimus.</p> <p>Anno 2. lun. 1. anno 7. lun. 3. anno 12. lun. 7. totalis, anno 13. macula magna instar observatur in Sole, lun. 6. stella visa in mare delabi, quam millena consecuta cum f. gere. anno 19. lun. 7. anno 24. lun. 10. anno 27. lun. 8. anno 30. Cometa anno 31. lun. 6. anno 35. lun. 12. Comet. per 76. dies. anno 37. lun. 2. anno 40. lun. 5. intercalari. anno 55. lun. 2. & anno 58. Eclipses Solis.</p>
<p>CYCLUS LXVIII. Annus post Chr. 1324.</p>	<p>6. TAI TIM regn. 5.</p> <p>7. MIM CUM regn. 1.</p> <p>8. VEN CUM regn. 5.</p> <p>9. XUN TI regn. 35.</p>	<p>Anno 1. succedit TAI TIM filius Reguli <i>Hien cum</i>, liberalis, pacis amans. Admitti vetat Bonzios è regno <i>Tibet</i> (<i>Lama dictos</i>) ne populo oneri sint.</p> <p>Anno 5 TAI TIM moritur æt. 36. Comitia celebrantur, eligitur filius natu minor, hic verò recusat, eò quod fratri natu majori deberetur, evocatur hic itaque è Tartaria, & saluatur Imperator.</p> <p>Anno 6. succedit MIM CUM decessoris filius natu major, qui in convivio. sexto post mense repente moritur, non defuit veneni suspicio.</p> <p>Anno 7. succedit VEN CUM frater minor. Peccat <i>una re, quod Antistitem Bonziorum Lama regie excipiat, & in aulam introducat, qui adeò cum immotus, nullâque vicissim honoris significatione, procerum salutationes curvatis poplitibus exhibitos vino ritè ministrato acceptaret, fuit qui hominis fastum non ferens, Ta, inquit, bone vir, discipulus es Fœ, & Magister Bonziorum: ego verò, si nescis, discipulus sum Confucii, idemque magister litterarum Imperii: quo circa supersedeamus obsecro, maximo venerationis ritu.</i> Hæc factus, vinum illi stans obtulit: subrisit Antistes, cyathumque surgens exhausit.</p> <p>Anno 9. VEN CUM moritur æt. 29. succedit Nym cum, sed quia post bimestre moritur, in serie Regum non ponitur.</p> <p>Anno 10. succedit XUN TI septimi Imperatoris filius natu major, & frater <i>Nym cum</i> item natu major, tredecennis evocatus ex Australi prov. <i>Quam si ad aulam.</i></p>

Princeps indolis bonæ, sed inertis, dein ludis, joci & veneri deditus, res Imperii negligit, Colao *Pe yen hama* pro lubitu administrante omnia. Invitat è Tartaria *Lamas* suos & magos; hi chorum instituunt 16. puellarum saltatricium, dictum tripudium dæmonum cœlestium.

Anno hujus 13. homo Sina, cui *Chu* nomen, è servo Bonziorum, Dux latronum, occupat varia loca, dein & provincias Australes; tandem cædit exercitum Imperatoris, brevi ipse futurus Imperator.

Anno XUN TI 36. qui fuit primus sequentis fundatoris, Dux belli *Chu* trajecit croceo fluvio, urbes & loca nullo ferè negotio occupat, cædit exercitum Imperatoris, qui clam fugâ sibi consulit.

Anno 45. XUN TI fugiens in Septentrionem, ibi biennio post moritur. Perit familia *Yuen* Tartari Occidentalis. Anno 46. succedit TA I QU, aliàs *Chu*. Fundat 11. familiam *Tai mim*, quæ per annos 176. numeravit 16. Imperatores. Aulam in *Nankim* Metropoli constituit.

Anno 47. die uno aula capitur *Pe kim*. Hujus ditionis Regulum creat filium natu quartum.

Patrem, avum, atavum, tritavum titulis posthumis honorat.

Regulos terris & redditibus contentos, rei publicæ negotiis occipari vetat, Eunuchis item dignitatem civilem aut bellicam conferri. Vetat mulieres Bonzaicam vitam amplecti, quin & viros ante 40. ætatis annum. Leges priscas & modernas in unum corpus 300. voluminum redigi jubet, quod opus centum viginti post annis tandem perficitur & lucem videbit. Menses 27. in luctu parentum usitatos, in totidem dies commutari permittit. Quadraginta regnorum legationibus honoratur, inter munera fuit leo in China primum visus. Venerunt item legati ex Corea, Japonia, Insulâ formosâ, & Australibus insulis, item è regno *Sien lo* seu *Siam* cum litteris inscriptis auro in folium extenuato.

Uxoris suæ *Ma xi* etsi deformis, prudentiæ ac pietati debere se Imperium ferebatur. Nam cum naturâ præceps ac ferocior esset, illa ut mariti vitio blandè mederetur, affirmabat iis Imperia à cœlo deferri, qui voluntati votoque cœlesti (quod est amoris & clementiæ) obtemperarent. Ad Imperatricis dignitatem evecta, numquam gemmas adhibuit, veste etiam sæpius lotâ utens. Morti proxima, cum ei pharmacum offerret Imperator, sumere recusavit, ne si nihil proficeret, ut erat probabile, medici vitam fortè in discrimen vocaret. Obiit anno novæ dominationis decimo quinto. Quantum fuerit mariti luctus, hinc patet, quod aliam deinceps creare Imperatricem recusavit.

Anno 4. lan. 9. anno 8. lan. 8. anno 11. lan. 4. anno

XXI. Familia.
1. TA I QU,
aliàs ex regnatu
sui cognomento
dictus *Hum vu*,
id est magnus bel-
liger.

regn. 31.

15. lun. 8. anno 19. lun. 8. anno 22. lun. 9. anno 27. lun.
11. anno 29. lun. 4. anno 33. lun. 3. duo item Soles visi.
anno 35. lun. 6. anno 38. lun. 4. anno 41. lun. 8. Eclipses
Solis. & anno 45. Cometes per trimeſtre.

Cyclos
LXIX.
Annus
poſt Chr.
1384.

Gymnaſium Regium amplius auger privilegiis; examini, quo Doctorum laurea in aulâ conferetur, ipſe aſſiſtit.

Confucio gentis magiſtro honores jubet deferri non regios, quos quidam Imperatores ſoliti erant deferre, ſed eos dumtaxat, qui ſien ſu, hoc eſt magiſtri vitâ ſanctis conferri ſoliti, uti viventibus conferrebantur. Vetat etiam eo ritu honorare Confucium quo reliqui ſpiritus aut idola coluntur, cum enim, inquit, litterati, qui diem obierunt, à reliquis ſpiritibus diverſi ſint, par eſt quotannis eorum memoriam diverſâ quoque honoris ſignificatione ritumque renovare, eoque dumtaxat, qui iſtius cujuſque conditioni, & quæ geſſit olim, dignitas competat. Vetat inſuper ſtatuas Confucii, aut ejuſdem diſcipulorum conſcribi & erigi. Inter egregia principis documenta, celebriora ſunt iſta: In regendo populo iuramento cave ſis præceps; in eo, qui jam pacatus ſit, regendo, cave ſis ſervicus, minimi, moleſtus. Item. uti cum & terra procreant res omnes ad communem uſum vniuſcuſque hominis, ita ſapiens Rex curas ſuas & conſiderationes eo dirigit poſſimum, ut diligat ſuos, foveat ac ſuſtenteſ; & quamvis ipſe contrahat vectigalia, ſumptuſque publicos ac privatos moderetur, ſemper tamen angitur ac tmet, ut ſubditis neceſſaria ſuppetant, quâ quidem curâ & metu multò magis tunc cruciatur, quando graviora ſubinde vectigalia imperari neceſſe eſt.

Cum fortè dies plurimos ceſſaſſent pluviz, Imperator ſtramineos indutus calceos, ac vellem lugubrem, ad montem contendit, ibidem triduum totum perſeverans, opem cœli clementiæque implorat: exaudito tandem largi imbres deciderunt.

Luſtrans ipſe ditiones Imperii comite filio natu maximo, mediis in agris currum jubet conſiſtere, & converſus ad filium: ideo, inquit, te mecum adduxi, ut tu ipſe uſurpes oculis pauperum colonorum labores ac ſudores, ut diſcas miſereri illi, ac moderari vectigalia.

Curſum felicitatis interruptit mors inſperata filii hæredis, quem contra morem per triennium luxit, & in ejus locum nepotulum hæredem declarat.

Inciderat in latrones cum uxore & patre quidam ſui dictus: parantibus ſenem interficere. filius vitam pro paternâ obtulit: eiſdem verò vim nuptæ parantibus inferre, at, inquit illa, nefas hoc marito ſuperſtite. In ignem igitur paratum præcipitant juvenem, quod conſpicata mulier, in eundem ſe præcipitat, ibique maritum complexa abijt in cineres. Huic fidei & pietati illuſtre monumentum erigi curat Imperator.

2. KIEN VEN TI
seu *Kien ven*, id
est, stabiliens rem
litterariam.
regn. 4.

3. CHIM ÇU,
alijs *Yam lo*, id
est, æterna læticia.
regn. 25.

qui & castigat insanam alterius pietatem, qui ut ægrotanti matri valetudinem ab idolo exoraret, proprium ei filiolum sacrificaverat.

Anno Cycli 15. *Hun* *un* moritur æt. 71. Anno 16. succedit KIEN VEN TI conditoris nepos tredecennis, pater indolis Princeps, populique amans, cui remittit tertiam partem vectigalium.

Hujus patris Reguli ægrè ferunt antepositum tot sanguinis Regii ad Imperium maturis principibus adolescentulum. Auxerunt invidiam Colaorum pacifasta contra se consilia. His aliisque rebus cæteros inter exacerbatus Regulus *Pe kim* natu quartus Conditoris filius, arma parat, & periniquæ (ut aiebat) gubernationis hostem se declarat. Magni contra ipsum exercitus mittuntur, uno 8. horarum conflictu trecenta bellatorum millia feruntur cecidisse. Offeritur pacis conditio, respuit ille, nisi prius tradantur ministri Regii. Tandem Regiam petit Nankinensem. Proditor *Li kim lam* portas aperit: ingens strages mortalium. Succenditur domus regia. Ambustum cadaver adolescentis Imperatoris, uri creditum, in conspectum victoris producit, illachrymatur ipse, & Imperatorio ritu humari jubet: sevitum crudeliter in ministros Regios, è quibus uno die variis affecti supplicii supra octingenti, aliis interim fatum sponte præoccupantibus, aliis raso capite mentis Bonziis fugæque elapsis.

Hoc peractum anno Cycli 10. Imperii quarto quo KIEN VEN extinctus æt. 17. Anno Cycli 21. succedit CHIM ÇU seu *Yam lo*, filius Conditoris natu quartus, Princeps initio crudelis, & magnanimus & prudens: fratribus suis, aliisque bene meritis restituit honores pristinos ac census.

Cum certum ob crimen interfici juberet *Li kim lam*. hic autem diceret haud imperatorum fuisse ipsum si venienti portas urbis regie non aperuisset, imò verò, inquit alter, *fortune mea fuit venisse me: nam si venisset alius quicumque pari instructus robore armorum, non secus illi, ac mihi, portas aperuisset, proditor.*

Anno Imperii 5. adolescentes 1800. quod antea æt. 40. contra legem à patre latam seclæ Bonziorum nomen dedissent, excedere cœnobio jubet.

Anno Imperii 7. transfert aulam *Nan kim* Australem in Borealem *Pe kim*, relicto hærede filio in aula *Nan kim* cum simillimis magistratibus qui in *Pe kim*. Multis legationibus honoratus, quas inter erant ex utraque Tartaria, ex Malacâ, è mari Australi & occiduo, item Mahometanorum cum Rhynocerote. Libros Alchimicos de usu Ambrosiæ immortalis cremari jubet. Cum offerrentur lapides pretiosi effossi in prov. *Xan f*, occludi jussit fodinas. dicens non fatigandum populum vano labore, cum lapides isti nec

nec sterili tempore comedi, nec brumali fovere corpus queant. Quinque æra campana 120. mille librarum singula fundi jubet.

Anno Imperii 13. Cycli 31. Aulæ Doctoribus 42. *Han lin* dictis, committit veterum librorum classico- rum ampliorem explanationem, monens, ut duorum præcipue interpretum *Chim çu*, & *Chu çu* (qui sub exitum familiæ *Sun* floruerant) commentis in- sisterent. Ab iisdem quoque nova quedam fabricata Philosophia, de quâ consule proœcialem declaratio- nem ad Scientiam *Sincam*.

Anno Cycli 41. *YUM LO* moritur æt. 63. Anno 42. succedit *GIN ÇUM* decessoris filius, clemens & be- nignus. Audiens in prov. *Xantum* laborari fame, pro- tinus eò destinat Colaum *Yam su kuc*. Dicente autem Colao, quòd concilia duo Regia consultanda de hoc essent, & quid facto opus censerent, renuntiandum: *Facebant*, inquit, *mora istæ ac deliberationes: populo nam- que laboranti fame, tanta cum celeritate opitulandum est, quantâ concurritur ad commune extinguendum incendium, vel repentinam aquarum inundationem reprimendam*. Aliis di- centibus rationem habendam esse diversitatis loco- rum, & hominum magis minusve egentium: *Habea- tur*, inquit, *verumtamen sic, ut à minutis abstineamus, & dum opitulandum est tanta calamitati, non vereamur peccare quodammodo largitate*.

Admodum studiosus cùm esset rei Astrologicæ, & nocte quapiam observasset mutationem nescio quam in stellis, accitis ad se Colais, *Altum est*, inquit, *de meâ vitâ: meministis autem me passum fuisse multa ab in- vidis per annos 20. quando degebam in Palatio Orientali, sed fides vestra concordiaque me constutata est, &c.* Hæc fatus, duobus spectatissimæ fidei viris sigillum donat. Insculptæ sigillo litteræ *Chum chin*, id est, *minister fidelis & integer*, cum lachrymæ excipiunt pignus ho- noris extremum, quo deinceps sigillo epistolas suas obsignant.

Languere incipit Imperator, accersunt hæredem filium ex aulâ meridionali, mæstus advolat, serò ta- men, jam extincto patre æt. 48. anno, & Cycli 42. qui annus præter morem successori tribuitur.

Anno 41. (post Christum 1416.) succedit *SITUEN ÇUM* filius *GIN ÇUM*, Princeps clemens. Gaudet clam & incognitus prodire. Edicto vetat promoveri litteratos ad gradum Licentiatum ante annum æt. 25.

Patrum rebellem & in prælio captum perpetuo carceri in aulâ mancipat. Tartarorum irruentes copias ipse ductor exercitus feliciter delet. Cochinchinæ Prætori Regis titulum impertit, sed tertio postanno Rex à rebellibus è familiâ *Li* occiditur. Mittunt hi legatos, qui veniam deprecantur. Imperator audito Senatu, ne gravis populo esset, & quòd nullius propè

4. *GIN ÇUM*
aliàs *Hum hi*, id
est dilatata
concordia.
Regn. aliquot
mens.

5. *SITUEN ÇUM*
aliàs *Simen te*, id
est, manifesta
virtus.
Regn. 10.

	<p>6. Y M Ç U M , aliàs <i>Chum tum</i>, id est, recta administratio. Regnat primò annis 14.</p>	<p>emolumenti res videretur, à mittendis longè adeo copiis abstinuit, legatos etiam cum titulo dignitatis remittens. Sub hoc arsit Palatium per dies aliquot. Ex incendio tanta vis æris, auri & argenti flammis li- quata, ut ex hac massa innumera vasa confecta sint, quæ magno hodie in pretio habentur, qualia olim ex ære Corinthiaco.</p> <p>Anno Cycli 52. S I U E N Ç U M moritur æt. 38. An- no 53. (1436.) succedit Y M Ç U M filius natu major & novennis, sub tutelâ Imperatricis & Eunuchi præ- cipui. Novem portas urbis Regiæ restaurat.</p> <p>Anno Imperii 3. edicto prohibet in fanis idolorum exhiberi honores <i>Confucio</i>. Tartari continuis excursio- nibus latrocinia exercent.</p> <p>Anno 5. <i>Planete simul visi sub una constellatione, anno</i> 15. <i>Luna 9. Stella versus ortum cum senitu defuit.</i></p>
<p>CYCLUS LXX. Annos post Chr. 1444.</p>	<p>7. K I M T I , aliàs <i>Kim tai</i>, id est gloriæ ma- gnitudo. Regn. ann. 7.</p>	<p>Anno Cycli 6. Imperii 14. ipse Imperator in Tar- taros ultra murum ducit exercitum quingentorum millium. Annonæ defectu multi pereunt: dilabuntur plurimi, tandem mense 8. utrimque pugnatur, cædi- tur Sinensis exercitus, victor Tartarus victum Impe- ratorem captivumque in interiorem Tartariam ab- ducit. Hinc maxima in aulâ consternatio. Substi- tuitur in solio filiolus biennis, cui tutor assignatus natu minor frater captivi: qui tamen Imperatoris non vi- ces, sed titulum suscipit & auctoritatem: mittitur in- terim ab Imperatrice ingens vis auri, argenti, serici ad redimendum Imperatorem: acceptat Tartarus, ac plura reposcens, quin specie reducendi Imperatoris eum ad confinia Sinarum adducit, iterumque con- temptris muneribus tamquam tanto principe indignis, intra fines reducit.</p> <p>Anno Cycli 7. succedit K I M T I frater captivi, Mitivutus, qui rediit excipiant Imperatorem, sed Tartarus altioris ordinis & dignitatis primates postu- lat ad tanti principis comitatum. Tandem reducitur multò stipatus milite usque ad Imperii limites prope montem <i>Tam kia lin</i>. Unde Imperator in aulam scribit se renunciare Imperio, & quietem meditari, adeoque ne se venientem cum pompâ excipiant: tandem ut eluderet, fugeretque adventantium apparatus, per aliam urbis Regiæ portam ingressus est, ubi sibi mutuò occurrunt fratres, & post fraternos amplexus & la- chrymas deductus tandem à fratre & aulâ totâ ad Pa- latium Australe, uti expetiverat.</p> <p>Prosequitur interim frater Imperii regimen, imò jam meditabatur filiolum suum Imperii heredem de- clarare, quod cum in diem filii natalem reservaret, ad Colaum die quodam, <i>Natalis</i>, inquit, <i>filii mei ha-</i> <i>redis incidit in diem secundam lune septimæ.</i> Colaui post reverentiam de more exhibitam, imò verò pace tua</p>

8. Y M Ç U M
novo cognomento
dictus *Tien xun*,
id est, cælum pro-
sperum & pro-
pitium.
denuo reg. an. 8.
9. H I E N Ç U M,
aliàs *Chim hua*, id
est, perfecta
conversio.
Reg. an. 23.
10. H I A O Ç U M,
aliàs *Hum chi*, id
est, amplum
regimen.
Reg. an. 18.
8. Rex, inquit, *nasalis hæredis* (denotabat filium fratris natu majoris) incidit in primam diem luna undecimæ. Conticuit ad hoc Imperator, & de filiolo hærede mentem deposuit, & verò altero post anno vivere defuit puerulus.
- Anno Cycli 13. Imperii 7. in morbum lethalem incidit Imperator. Eo nondum mortuo reducitur ex palatio Australi ad avitum solum frater natu major, qui mox anno Imperii 1. qui fuit Cycli 14. (1457.) lunâ 1. amnistiam publicam per Imperium incidit. Moritur 2. lunâ K I M T I, regnante jam Y M Ç U M. Per libellum supplicem postulatur, ut nomen fratris & memoria, quasi ambitus rei, aboleatur: renuit Imperator, qui tamen fratrem sepeliri noluit ritu Imperatorio, sed eo dumtaxat, qui est fratris natu minoris & sanguinis regii.
- Anno Cycli 21. Y M Ç U M moritur æt. 31. Anno Cycli 22. (1465.) succedit H I E N Ç U M decessoris filius primogenitus, è reginarum secundâ, quia sterilis erat Imperatrix.
- Princeps Bonziis impensè addictus, rerum cupidus peregrinarum.
- Anno Cycli 23. cædit exercitum prædonum in prov. *Ha quam*.
- Anno Cycli 24. obiit Regina mater.
- Anno 28. occasione Cometes lunâ 11. conspicui. Monita excipit Imperator.
- Anno 29. Tartarorum Cunei in Sinam excurrunt, & prædis onusti remeant.
- Anno 36. Tartarorum exercitus ad internecionem cæsus à Sinenſi exercitu.
- Anno 37. Coreæ Rex commodiorem, sublati ambagibus, & compendiosorem viam proponit pro legationibus in aulam clientelæ causâ mittendis, non annuit Imperator. *Tartariis* erumpunt, & vastant ditiores *Leao tam*.
- Anno 38. ex regno *Saman han*, (putâ Samarcandiz) legatio cum duobus leonibus. Alia legatio à Regulo *Furn chen* postulante librorum de obedientiâ & recto regimine monumenta.
- Anno 41. in aula terræmotus.
- Anno 42. lun 1. congeries stellarum cum sonitu & fragore dissolvitur.
- Anno 44. H I E N Ç U M moritur æt. 41. Anno 45 (1488.) succedit H I A O Ç U M decessoris primogenitus. Princeps, Bonziorum superstitionibus & supplicationibus impensè favens, assentatoribus gaudens, alchimiz perquam studiosus.
- Anno Imperii 5. hæredem solemniter declarat.
- Anno Cycli 52. Rex Cochinchinæ per legatos copias petit auxiliares contra rebelles: recusat mittere Imperator. In prov. *Xen si* Bonziorum Coryphæus re-

	bellum Dux & ductor in prælio victus capitur, & in aula capite plechitur. In ditionibus occidentalibus tanta fames, ut se mutuo vorarent filii & parentes. In provinciis Australibus ad Orientem grassatur pestis ingens, & in Sinis insolita. Anno 53. Sol solito obscurior. Sonitus item in aëre auditus. Terræmotus adeo terribilis, ut hiatu terræ quingenta hominum millia absorpta ferantur. Anno 54. in omnibus provinciis terræmotus. Anno 55. urfus aulam ingreditur: hinc auguria funesta, palatii interioris conflagratio secuta.
--	---

CYCLUS
LXXXI.
Annus
post Chr.
1504.

11. VU ÇUM.
alijs *Chim te*, id
est perfecta virtus.
Reg. an. 16.

Anno Cycli 1. moritur Imperatrix. Tartari in Sinam irruentes prædas ingentes reportant.

Anno 2. HIAO ÇUM moritur. Anno 3. (1506.) succedit VU ÇUM decessoris filius, quo anno Cometa apparuit, stella item cum tonitru in pluviam resolvitur. Terræmotus, ventorum turbines insoliti. Hac occasione à Tao Colao monetur Imperator, ut serid se regimini applicet, refrænet immoderatos iracundiæ impetus, nimiam venandi & equitandi pruriginem, à jocis & ludicris abstineat, exterminet ex aula adulatores, & dissolutis moribus juvenculos accersat sapientes, & publici boni sectatores, &c. ita demum revocari posse irati cœli piam erga se voluntatem.

Anno Cycli 6. Tartari rursus ditiones Sinenſium depopulantur. Anno 7. Regulus è regio sanguine rebellat, in prælio capitur, & in aula occiditur. Anno 8. latronum Cunei emergunt in ipso territorio *Pe kim*, & provinciis *Xan tum* & *Honan*, partim fame, partim exactionibus miseros ad arma stimulantibus, *Lien ce dicti*, quod rapidorum torrentium in morem per terras & provincias grassantes quaquaversum disfluere. Missi contra eos varii exercitus, à quibus repressi quidem & sopiti, sed non penitus extincti, identidem scilicet eum occasio & opportunitas favebat, repulſantibus.

Anno Cycli 11. Imperator clam & mentito habitu prodiens à tigride vulneratus, & ad mensum coactus decumbere.

Anno 15. debellaturus Tartaros ipse Imperator in Septentrionem pergere meditatur, sed clam scilicet & tacito nomine, sub titulo scilicet Archistrategi, dissuadet totus Senatus, rem novam & periculis obnoxiam esse; sub mentito enim habitu & nomine rebelioni ansam præberi, persistit mordicus in proposito Imperator, quin & excandescens in Colaum acinaeem stringit. Hic collum intrepidus præbet, reprimi furorẽ Imperator, & mutat propositum.

Anno Cycli 16. meditabatur Imperator proficisci in provincias Australes *Nan kim*, *Chu kiam*, &c. resistit Senatus, oblati libellis supplicibus, per hoc scilicet addi

11. XI ǂUM,
aliis *Kia cun*, id
est, eximia
tranquillitas.
Reg 45.

addi animos, & viam Tartaris pandi in provincias Boreales, reputantibus scilicet fugā sibi consulere voluisse Imperatorem. Hic verò, ut erat propositi tenax, in furorem actus, Senatores jubet ante Palatii valvas flexis genibus sub dio ad totos quinque dies persistere, alios verò in monendo plus æquo severiores carceri mancipat. Successit ingens & insolita pruina & inundatio aquarum ad 4. cubitorum altitudinem, quibus auguriis commotus Imperator, in domum suam quemque remittit, & de excursionem in Austrum cogitationem deponit.

Anno Cycli 18. Imperii 16. VU ǂUM coram primoribus Imperatrici commendat tutelam filii hæredis. Malè administrati regni se reum agens, moritur at. 31.

Anno Cycli 19. (1522.) succedit XI ǂUM decessoris natu secundus, redecennis.

Initio specimen dedit boni Principis, pius & prudens. Libellos supplices idemdem per se examinat. Immodicè amans Poësis. Tempore sterilitatis moneri postulari siquid à se peccetur, ex ærario interim & annonā Regiā subditis providens. Magnum murum reparari jubet. Impense deditus Bonziorum somniis, & supplicationibus, nec non Ambrosiæ immortalitatis, & Alchimicæ artis studiosior, cui conquirendæ per singulas provincias Legatos destinat. Quin anno Imperii sui 18. meditabatur Imperio ad rempus se abdicare, commissā rerum curā hæredi filio, nisi primates obstitissent, qui iteratis libellis binas sectas *Fa & Lao kum* penitus eliminandas, sed in cassum condebant. Renovat Conditoris Legem circa titulum *Confucii*, quem non alium esse vult quàm *Sien fu*, hoc est *Magistri virtutis sancti*. Verat insuper ejusdem statuas consilari, solā rabellā memorativā permissā. Vir inops duas filias vendere & prostituere cogitabat, quo cognito ambæ in flumen se precipitarunt: illi mausoleum Imperator erigi jubet, cui titulus, *par Virginum*.

Anno Cycli 47. Imperii 29. Tartari cum exercitu 60. millium, auxæ approximant, sed ab exercitu Sinenſi caſi fugatique, captis 200. & amplius armorum ductoribus. Anno ſequenti Tartarus legationem mittit, quā facti ſui veniam poſtulat, rogans liceat ſibi quotannis ad equos vendendos excurrere. Annuit Imperator, ſed quia experientiā docti quod anſa ſeditionibus & rixis inter Præfectos & Mercatores daretur, & quod ſub eorum prætexu prædas agerent, interdictum deinde fuit equorum commercium.

Anno Cycli 49. Imperii 31. (qui fuit æra Chriſtiane 1552.) ſecundā Decembris obdormivit in Domino Orientis Apoſtolus S. Franciſcus Xaverius in Sinarum inſulā Sancheu, ſubjellā provinciæ Quam tum, ætatis ſue anno 55.

Anno 50. maritimi prædones Duce *Hoam che* cum classe 100. navigiorum littora Sinenſia infeſtant.

Anno 51. Japones, qui prius ut clientelares ventitare cum muneribus ſoliti, jam ut prædones & aperti hoſtes ad quatuor mille numero ad oram provinciæ *Che kiam* exſcendunt: cæduntur ad internecionem 1800. reliquis fugâ dilapſis, & dum naves repetunt, mari hauſſis. Anno ſequenti ad decem mille iterum exſcendunt, ſed à *Cao lim* militum 900. dumtaxat ductore quatuor præliis cæſi, mox à ſuperveniente milite undequaque cincti prorsus extincti ſunt. Poſt ſeptem rursus annos novæ Japonum copię oram maritimam provinciæ *Fo kien* invadunt: imparatos ex improviſo Dux belli *Cie* adortus ad internecionem delet. In Septentrione Dux belli *Lien hun* extra murum cum exercitu contra Tartaros pugnaturus progreditur, his autem ad interiora & ſylvas ſuas dilapſis, non aliud operæ pretium tulit præter 18. Tartarica capita & 170. camelos.

CYCLUS
LXXII.
Annus
poſt Chr.
1564.

Anno Cycli 3. Imperatoris 45. & poſtremo offertur libellus ſupplex quo ſeverè monetur, ſibi & Imperio attendat, ſic ut initiis extrema reſpondeant. A viginti & ampliùs retrò annis ſtatuta & leges majorum peſſum ire, & niſi ſuccurrat, Imperium in interitum vergere: rarò filium hæredem Imperii ad colloquium paternum admitti: incorruptæ fidei clientelæ abjici, aut duriùs haberi, & ob diſſidentiam & ſuſpicionem levi de cauſâ indignè mulctari: Delictis hortorum & otio cum puellarum gregibus indulgere plùs æquo, neglectâ quodammodo Imperatrice legitima conjuge: homines belli ignaros, & auri magis quàm honoris cupidos, exercitiis præfici; ærarium exhauriri in Palatiis & hortis extruendis, & Bonziorum naniis & ſupplicationibus, necnon Pharmacis ſictæ immortalitatis, quæ ab ipſo cœlo delapſa mentiuntur, quaſi verò ab ipſis temporibus *Yao* & *Xan* ab eâ moriendi lege quiſpiam immunis ſit repertus, &c. Excanduit ad hæc Imperator, libellumque in terram abjicit, quem rursus arripiens ac relegens ſuſpirat, pœnitudinis oſtendens indicia, ſed ſeræ: nam 10. Luna morbo correptus, ſumptoque immortalitatis toxico mortalem ſe ſenſit extinctus anno æt. 58.

11. MO ÇUM,
aliis *Lum kim*,
id eſt, auguſta
gloria.
Regn. 6,

Anno Cycli 4. (1567.) ſuccedit MO ÇUM deſceſſoris filius. A patre in vincula detrufos ſolvi jubet; alios morte mulctatos ad ſolatium afflicte familiæ, poſthumis titulis donat. Cæterùm Princeps moneri impatiens, & monentes ad inferiorem dignitatis gradum plerumque abjiciens, multa à patre rectè inſtituta pro arbitrio ſuo immutat.

Legitimam conjugem, quòd ſterilis & morbida eſſet, in aliud Palatium migrare jubet; improbantibus rem

15. XIN ÇUM,
aliàs *Pan tse*, id
est, decem mille
annorum ephemeridas.
Reg. 48.

proceribus, respondet, nihil ad ipsos & regni statum res inter conjuges pertinere, conjugem, cum convalesceret, à se revocandam.

Cum juxta leges nemo in patriâ provinciâ fungatur magistratu civili, obtinuit per libellum supplicem *Cao Cola*us, ut minoris notæ præfectis (uti sunt ii qui præfunt litteratis, aut exactoribus vectigalium) in natali solo magistratu fungi liceat.

Anno Cycli 9. Imp. 6. in morbum incidit. Imperatrix & *Cola*i *Cham kin chem* tutelæ committit hæredem, decennem, & sequenri mox die moritur æt. 36.

Anno Cycli 10. (1573.) succedit XIN ÇUM decessoris filius, Princeps supra ætatem prudens. Tantâ tutorem & magistrum suum *Cham kin chem* in veneratione habet, ut quoties docendi gratiâ adveniret, si ætas erat, præmitteret qui stabello regio sudantem refrigeraret; si hiems, tapetes duplicatos jubaret inferni: quin & ægrotantem invisit, & medicam potionem manu regiâ porrexit, filio quoque ejus, cui primum nomen secundi ordinis in examine ad doctoratum obtigerat; in gratiam magistri sui primi ordinis nomen secundum concessit.

Fuit æquitatis & justitiæ amans, & ut erat perspicacis & proprii ingenii, ita & litterarum librorumque studiosus. Statuit ut licentiat ex 15 provinciis, regis sumptibus in aulam ad examen deducantur. Interest ipse Doctorum-examini. Libellos supplices, quos primo intuitu penetrabat, quotidie ab horâ quartâ matutinâ examinare & decidere solebat, rariùs tamen se videndum præbebat. Ordinavit ut singulorum per Imperium Præfectorum nomina, gradus, patria, per 4. anni tempora typis vulgarentur, qui mos hodieque viget.

Anno Cycli 11. Tartari in *Leao tum* irrumpentes Duce *Chin* ad internecionem creduntur. Imperator in gratiam matris, quæ idolis erat addictissima, amnistiam indicere statuerat: impedivit *Cola*us, allegans eam impunitatis spem ad omnia scelera viam pandere, cœlum ipsum utique poenas à sceleratis exigere, quin & in Bonziorum inferno sua flagitiis decreta esse supplicia.

Anno Cycli 16. Imperator postquam de more solenni ritu pileo virili donatus esset, uxorem ducit, quam mox creat Imperatricem.

Sistendis & aliò derivandis ingentium aquarum eluvionibus 800. millia operariorum adhibet.

Anno Cycli 18. (1581.) primus à Societate Iesu *P. Michael Rogerius Sinam ingreditur*.

Anno 19. nascitur à Gyneczi servâ filius primogenitus, futurus unius mensis Imperator, quòd è legitima prolem non suscepit. Cometa apparet. In provinciâ *Xan si* tanta sterilitas, ut innumeri mortales

fame interierint. Excavatæ scrobès seu fossæ ingentes variis in locis circiter sexaginta, *Pan gin kem* dictæ, id est, *myriadis mortalium fossæ*, quòd singulæ caperent cadaverum myriadem. Fuit mulier quæ conspiciata maritum fame enectum in fossam projici, in eandem insiliit, sed jussu Præfecti inde extracta, mortuo marito non sustinens superesse, triduo post expiravit.

Eodem anno Tartari excurrentes à, Duce *Li chin* supra decem mille caesi. Moritur hoc anno *Cham kin* Colaus & Magister Imperatoris, qui eundem titulo posthumo *Ven cham*, hoc est, *viri literis & fide præstantis*, honoravit, jussitque corpus in patrium sepulchrum provincie *Hu quam* cum pompâ deduci: verum biennio post graviter ab æmulis accusatus, ipse cum posteris, titulis & dignitatibus exutus, fortunis etiam omnibus sisco Regio addictis. Hujus filius voluntario suspendio pernas prævenit.

Anno Cycli 20. (1583.) Tartari viâ factâ per concreta gelu flumina magno numero in Sinâ grassantur, & tandem penè ad interneccionem deleti.

Eodem anno ingressus Sinam P. *Matthews Riccius S. I.* fundator futurus ingentium Missionum.

Anno 22. ingens rursus sterilitas. Ipse Imperator mœstus & lugens pedes egreditur ad exorandam à cœlo calamitatem. Vectigalium quoque mediam partem remittit. Alio item tempore sterilitatis, *Nan kin* septem milliones condonat. Mittit per omnes provincias visitatores qui examinent Præfectos & rerum statum populique ætumnas.

Anno Cycli 29. Cometæ ad ortum conspicui occasione libellus supplex offertur à Senatore *Fum gen*, quo ostendit cometem scopæ instar esse, quâ portenditur everrendos ex Imperio ministros adulatores & muneribus corruptos, quos inter, tres præcipuè notabantur: pro monitis carcerem in præmium retulit & mortis sententiam; at pietas filii pro patre vitam offerentis, Principem movit, ut mors cum exilio permutaretur.

Anno Cycli 30. visus Cometa. Anno 31. in *Henan* provinciâ tanta fames, ut carnibus humanis vescerentur. Fami subvénit ex ærario Regio pius Imperator. Japones Coream invadunt, ferro & flammâ vastant omnia, multasque urbes suæ potestatis faciunt: fugit Rex, & mittit legatos in Sinam pro copiis auxiliariis. Mittuntur mox copiæ: fit pugna, & utrimque cædes ingens; tandem deleti penitus Japones: qui deinde legationem mittunt ad Imperatorem, & veniam deprecati titulum sibi tribui rogant. Sequenti anno titulus eis conceditur *Ge pien nam*, hoc est *Japonia Regis*; sed vetuit in posterum legationem ab eo in Sinam institui.

Anno

Anno 33. jubet Imperator, nequidquam repugnatio-
nibus ministris, aperiri anri & argenti fodinas in *Ho-
nan*, *Xen si*, & *Xan si*. Post sexcentium easdem oc-
cludi jubet.

Anno Cycli 34. Imp. 25. (1597.) *primitiæ BB. Mar-
tyrum Japonum, qui pro fide in Cruce transfixi.*

Anno Cycli 38. Imp. 28. (1600.) *Lunâ 12. quæ respon-
det Ianuario anni 1601. P. Matthæus Riccius primum
aulam ingreditur, die autem 24. ejusdem Lunæ Imperatori
offert munera, inter quæ Imago Salvatoris ac Deipara V.*

Nia che, seu Tartari Orientales jam formidabiles, è
septem Dynastiis seu hordis, quibus constabant, post
varia inter se bella, tandem ab uno capite in regnum
evadunt. *Tan yu*, seu Tartari Occidentales, deliniti
muneribus Regiis, à bello inferendo cessant.

Imperator liberum sibi ratus è binis, quos habebat,
filiis, alterutrum successorem eligere, eò quòd neu-
ter (quippe ex illegitimo thoro geniti erant) ad Im-
perium jus haberet, statuit heredem declarare secun-
dò genitum ex reginarum unâ, quam deperibat. Obsti-
tit Senatus, allegans id per leges haudquaquam licere.
Perstat tamen in proposito Imperator, perstat & Se-
natus, è quo alii castigati, alii ab officio depositi,
alii rejectis dignitatis insignibus aulâ excessere. Cessit
tandem legibus Princeps, & è serva Gynecæi primo-
genitum heredem declarat.

Anno Cycli 41. tanta in aula inundatio, ut muri
urbis corroerint.

Anno 44. Lunâ 2. die 1. Eclipsis solis. Anno 45. in
Austro magna inundatio, & in *Xen si* sterilitas.

Anno Cycli 47. Imp. 38. (1610.) *Lunâ 4. moritur
Matthæus Riccius, cum fama sanctitatis, anno æt. 58. Mis-
sionis 27. Huic Imperator magnam prædium in sepulchrum
assignavit.*

Anno Cycli 48. tanta inundatio in orbe regia, ut
nec equis, nec curribus utendis locus esset.

Anno Cycli 52. Imp. 43. (1615.) *prima & severissima
in Christi legem persecutio in Nan kim mota à Xio kio
è præcipuis Præfectis us. Præcones Legis alii verberibus
cæsi & in caveis ligneis Macæum avelti, alii huc illuc dis-
persi à Præfectis Christianis clàm servati. Post 6. circiter annos
respirare & florere cepit res Christiana, persecutore digni-
tatis suis privato & ingloriè mortuo.*

Anno Cycli 53. Imp. 44. Tartari multis lacerati
injuriis, vi jam unitâ fortiores, non jam prædas agere,
sed urbes etiam suæ potestatis facere tentant. Move-
bat illos inter alia, quòd mercatores sui in *Leao tum*
barbarè à Præfectis Sinensibus tractarentur, & fa-
cultatibus suis per nefas privarentur, ad hæc Regis
sui per summam perfidiam capti & obruncati jactura.
Quare hujus filius cum valido exercitu urbem *Cai yam*
in *Leao tum* invadit ac capit. Facti sui causam Impe-

peratori conscribit, solam videlicet ministrorum suorum insolentiam. Paratus urbem restituere, & arma deponere, si modò acceptæ injuriæ fieret satis. Epistolam improvise Imperator summis Præfectis committit, qui nec responso Regem Tartarum dignati sunt. Quo contempnu in furias actus, vover 200. millia capitum Sinenfium parenti suo se litaturum: mox cum 50. armatorum millibus *Leao yam* Metropolim capit, totamque ferè ditionem, unde progressus in provinciam Pekinensem, omnia fermè sui juris facit. Ipsam quoque urbem Regiam aggressurus, nisi supervenientes undique ingentes copię eum ad *Leao yam* Metropolim cum spoliis remeare coëgissent. Hic se Imperatorem Sinarum vocari voluit Tartarus *Tien mim* dictus, hoc est *cali decretum* seu voluntas. Princeps planè barbarus & crudelis.

Anno 54. vise sunt myriades glirum & murium tranare magnum fluvium *Kiam* in provincia *Nam kim*, res hæctenus hæc nunquam visa.

Anno Cycli 55. Tartarus simulatâ legatione Pekinenses ditiones ingreditur, detectâ fraude, à Sinenfium exercitu invaditur: utrinque cædes ingens. Fugam simulat Tartarus, sed mox Sinenfes copias undique cingit cæditque cum ipso Duce ad internecionem. Sequenti mox anno sexcenta millia militum submittit Imperator: Rex Coreanus 12. millia auxilium, ac præ Sinis longè fortissimorum militum sociat. Dubio diu Marte pugnatum, tandem 50. Sinarum millia cæsa. Victor Tartarus ad Regię urbis mœnia appropinquat, in qua 80. millia erant præfidiariorum. Tanta interim in urbe consternatio, ut Imperator in Australem aulam statueret migrare, nisi obstinisset Colaüs, dictitans hac fugâ acriorès animos Tartaris addendos, & gravissimas toto Imperio perturbationes orituras.

Anno Cycli 57. Imp. 48. (1620.) Lunâ 7. Imperator *Van lei* moritur æt. 58. succedit filius *Quam çum*, aliàs *Tai cham*, Princeps cùm adhuc puer esset, litterarum præviris peritus, & supra ætatem prudens, sed uno post mense, primâ scilicet die nonæ Lunæ (errore & incuriâ, uti creditum est, Medici) declarato hærede extinctus est æt. 38.

Anno Cycli 58. succedit *H1 çum*, aliàs *Tien ki*, filius decessoris primogenitus. Princeps naturâ timidus, & plusquàm par erat Eunuchis fidens, è quibus 12. millia numerantur. Ex toto Imperio nova advocat auxilia. Regi Coreano regia mittit munera, gratias agens de auxiliis sub avo missis, postulatque nova & majora. Inter cætera auxilia adfuit cum aliquor millibus mulier, seu Amazon Sinica, ex *Su chen* provinciâ, loco filio, quem in proprio regno reliquerat (quod Regnum montibus cinctum sui juris est.) Classis quoque maritima præparatur. Hac item occasione suadent Imperatori Doctores Paulus & Michaël, ut ex urbe

QUAM ÇUM,
aliàs *Tai cham*,
id est, magna
tranquillitas.
Regn. uno mense.

15. H1 ÇUM,
id est aliàs *Tien
ki*, cæli manifestatio.
Regn. 7.

Macao tormenta bellica majora accersat. Sed antequam pervenissent, jam, Tartari è tota ditione *Leao tum* ejecti, ipsa Metropolis recuperata, incolis scilicet crudelitatem Tartari Regis detestantibus, quem alia bella in Tartaria retinebant. Sed hic confecto mox bello, rursus in *Leao tum* irrupit, & Metropolim obsidet, è præfidiariis Sinis 30. millia desiderata, è Tartaris 20. millia: tandem proditione urbs capta, mox edicto publico jubentur more Tartarico capillos radere, siquidem salvi esse vellent, quod postea per totam Sinam observatum fuit, tametsi milleni maluerint vitam & caput, quam capillos amittere. Mittitur cum novis copiis contra Tartarum fortissimus Dux *Mao venium* è prov. *Quam tum* oriundus: munit arcem *Xam hay* in insula *Cu* sitam, locum inaccessibilem, quo Tartaris aditus intercludebatur in Sinam.

Hoc eodem anno, qui erat Imp. 2. (1622.) urbs Macao, qua ob præclara merita gentis Lusitanæ, & maria à Pyratibus purgata, Regio favore iis pridem fuerat concessa, & uti olim totius Orientis & Japonicarum Missionum, ita nunc Sinarum nobilissimum est emporium, à Batavis terræ marique obfessa, sed irritò conatus; nam clade acceptâ navigia repetere compulsi sunt.

CYCLUS
LXXIII.
Annus
post Chr.
1624.

Anno Cycli 1. Imp. 4. funesta toti Imperio motuum civilium collisio accidit, increbrescentibus per 4. provincias *Zien ce* (de quibus supra) hoc est grassantium latronum ingentibus copiis.

Anno Cycli 2. Imp. 5. (1625.) prope Metropolim prov. *Xen* si monumentum lapideum, quo *Lex sancta* describitur, & 70. Evangelii præconum Syriacis literis insculpta nomina, tandem è terrâ seu sepulchro mille & amplius annorum effusum in lucem prodit, magno Neophytorum gaudio, & irrefragabili fidei, quam prædicabat *Societas Iesu*, testimonio.

Anno Cycli 4. Imp. 7. moritur Imperator *Tien ki* æt. 32. Tyrannus item Tartarus *Tien mim* dictus moritur, cui successit *Tien sam* filius, patri per omnia dissimilis, mitis indolis, clemens, humanus.

Anno Cycli 5. succedit *HOAI CUM*, seu *sum chim* frater decessoris, & filius *QUAM CUM*, natu quintus, litterarum amans, quas elegantissimè exarabat. Princeps optimæ indolis, Bonziis apprimè deditus, etsi de Religione Christiana, quam ab avo audierat, semper bene senserit, eamque foverit: suppliciorum rigorem mitigat in resolvendo lentus. Fidos ministros non audit. Vestium splendorem moderatur, serici quoque textilis inhibitis. Præfectorum cum Eunuchis communicationem interdicat. Milites Palatii ab Eunuchis introductos, viatico instructos, ad ædes patrias & amicos visendos mittit ad mensam, deinde iisdem reditum interdicat. Cæterum castus passim habitus, quique

Z ij

16. HOAI CUM,
aliàs *sum chim*,
id est, Augustum
omen felicitatis.
Regn. 17.

legitimum thorum inviolatè servaverit. Auctor hic fuerat fratri decessori, ut Eunuchorum Principem (cui *Gnei cum* nomen) longè potentissimum & crudelissimum è medio tolleret. Ab ejus enim arrogantia & protervia, & Aulae & Imperii ruinam imminere. *Gnei cum* igitur sibi malè conscius, hoc imperante mox sumpto toxico gravius supplicium prævenit. Mortui cadaver à furente populo in frusta dissectum, ingens vis auri & unionum fisco addicta, multa fana eidem viventi ad memoriam ab adulatoribus per Imperium erecta, flammis abolita & solo æquata sunt.

Imperator, quod acre bellum gerendum esset contra domesticos hostes, prædones scilicet, mittit cum novo exercitu *Yuen* Eunuchum, cum ampla potestate paciscendi cum Tartaro: *Yuen* verò vir subdolos & perfidus, auto clam corruptus, iniquis conditionibus paciscitur. Imperator pacem rescindit, *Yuen* ut ad eam admittendam compellat, sublato primùm æmulo suo *Mao ven lam* Duce fidissimo per venenum in convivio, anctò sit Tartaro, ut per aliam viam invadat Pekinum. Fit expeditio pro voto usque ad aulam, quam & obsidet: advocatur Dux *Yuen* in auxilium: adest, & quidem per muros urbis nil sibi metuens introduci se sinit, moxque quæstione habita, proditiōnis convictus jugatur; quo audito Tartarus solutâ obsidione in *Leao tum* spoliis onustus regreditur: varia post hæc anceps belli utrimque fortuna per octennium circiter.

Anno Cycli 8. (1631.) primi ex S. Ordine Prædicatorum, ac deinde S. Francisci, Sinam intrant.

Anno Cycli 10. Imp. 6. (1632.) pie moritur Siu Dollor Paulus è supremo Præfide tribunalis rituum Colaus, & rei Christianæ columen. Pro hac tuendâ Apologiam in persecutione obtulit, in quâ & dominia sua, & facultates & familiam sequè ipsum in pignus obtulit, siquid non sanctum Lex Christiana continere probaretur. Pro hac autem promovenda firmandaque patres Terentium, Rho, Adamum, &c. ad restaurandam Astronomiam & Kalendarium Imperatori felici cum successu proposuit. Reliquis autem hujus curæ successorem Li Petrum isidem Colaum. Eunuchorum operâ à Gynæceo præcipue puella, annuente Imperatrice, fidem & baptismum susceperunt.

Anno Cycli 12. Imp. 8. moritur Rex Tartarus *Tien sum*, cui succedit filius à colenda virtute cum se dictus, patet ejus qui proximam fundabit familiam. Princeps prudens, comis, quippe puer inter Sinas occultus vixerat, litteras, linguam, & mores Sinicos egregiè doctus. Unde Duces ac Præfectos Sinenses plurimos sua benignitate sibi conciliavit & attraxit, pertæfos scilicet tam pravi regiminis, quosque Imperatoris austeritas, ob infausos armorum successus dirè sevientis abalienabat.

Hoc

Hoc & sequentibus annis nil nisi intestina bella, cædes, rapinæ, à prædonum octo exercitibus, quæ fuit potissima perdendi Imperii causa: nam à Tartarorum irruptionibus satis præmunitum jam videbatur. Octo perduellium capita pro summa rei inter se decertant, donec tandem ad duos perduellium Principes *Li* & *Cham* tota vis armorum devoluta est. Hinc alter ab altero consumatur, ab invicem recedunt: *Cham* quidem ad Occidentales provincias *Su chuen* & *Hu quam*, (de quo infra agetur) *Li* verò ad Boreales animum & exercitum applicant: & hic quidem è provincia *Xen si*, quam ex parte occupaverat, provincie *Ho nan* Metropolim obsidione cingit, sed cum clade coactus eam solvere. Repetitur obsidio, quæ sex menses tenuit cum tanta obsequio constantia, ut caro humana venalis exponeretur: adest tandem Imperatoris exercitus suppetias laturus, cum extremum nil tale suspicans & metuens, exitum attulerit: nam cum ruptis Crocei fluminis aggeribus latronum exercitum aquis delere moliretur, accidit ut tota urbs cum 300. incolarum millibus aquis hausta fuerit. Conrigit miserranda hæc strages nonâ Octob. anni 1642.

Li interim totâ provinciâ & deinde *Xen si* potitus, omnes quotquot erant Præfectos ubique interficit, Expræfectos multat pecuniis, populum verò benignè habet, onera etiam & vectigalia remittens. Quo factum, ut multæ copię Imperatoris ad se diffuerent, & ipse *Li* Dux latronum tantâ auctus potentia jam titulum Imperatoris sibi vindicaret. Mox *Xen si* provinciâ subactâ, Pekinensem ingreditur, & ad ipsam urbem Regiam securus contendit, quò jam diu ante millenos clam immiserat subdolos, qui se adventante turbas cicerent, & minimè dubius de tradenda urbe, per summam scilicet proditorum perfidiam, & *Præfidiarios* inter se & cum Eunuchis discordias. Præfidiariorum 70. millia urbi tuende præerant, & tamen tertio ab adventu die portis ultro apertis urbem cum 300. millium exercitu intrat, & rectâ ad palatium pergit ipsius Imperatoris. Hic jejuniis & Bonzaicis supplicationibus instituendis intentus, & omnium quæ agebantur ignarus, tandem proditum se agnoscens, cum 600. armatis portis egredi tentat & gloriose occumbere, sed desperatis consiliis & rebus, desertus ab omnibus, in palatium regressus, in hortum secedit, ubi in vestis fimbriâ proprio sanguine scripsit ejusmodi verba: *Mai me prodiderunt, de me statue quod placuerit, modo populo meo ne noc eas.* Deinde stricto acinace nubilem filiam, ne in latronum manus incideret, dum tentat perimere, illa ictum declinans, brachio mutila exanimis concidit. Ad extremum fasciâ collo involutâ se ipsum Imperator suspendit anno æt. 36. Cum eo, nomen Imperique tota,

profapia 80. ut fertur, millibus constans, paulatim extincta. Ad hujus exemplum supremus Colaüs ibidem se suspendit, quod idem alibi & reginæ & fideliores Eunuchi præstiterunt. Regium cadaver diu quæsitum, altero tandem die casu repertum, in conspectum Tyranni in folio sedentis adducitur, à quo multis injuriis barbarè habitum, binis ejusdem filioliis (nam primogenitus fugâ evaserat) capite truncatis, ac Præfectis omnibus crudelissimè mactatis. Urbe deinde totâ militum furori libidinique permissâ, mox ad debellandum fidelissimum Ducem *V san quei* sese accingit, qui cum suprema potestate exercitui Sinico contra Tartaros præerat in *Leao tum*: obsideret urbs & arx validissima 70. lencis ab urbe Regiâ distans. Ut verò ad deditionem filium impellat latro, patrem ipsum ante urbis muros constituit, comminatus acerbissimam necem, nisi urbem tradat. Filius *V san quei* è muro patrem aspiciens, flexis genibus ab eo veniam deprecatur, plus se Regi & patriæ, quàm patri debere contestans, adeoque milles potius moriendum, quàm latroni turpiter serviendum. Laudavit filium pater, seseque carnificinæ pro eadem patria constanter obtulit. At filius ulturus Imperatoris & patris mortem, ad Tartarum Regem cum muneribus legationem mittit, invitans ad arma & auxilia contra Tyrannum pactis conditionibus: adest hic alacer cum 60. millibus. Obsidio solvitur, fusis prædonum copiis. *Li Ty* rannus in aulam regressus, nec ibi securus consistens, direptis thesauris regis, urbeque & aulâ flammis traditâ, cum exercitu fugit in *Xen si* provinciam, Tartaro equis pernicibus fugientem turbam ferro & armis persequente. Rex interim Tartarus *san te* in Sinarum ingressu moritur, postquam filium natu minorem hæredem declaraverat, commissâ belli & Imperii *usâ et mo* patriuo Regulo. Mox puer sexennis & supra ætatem prudens, urbem triumphans ingreditur, & communi totius populi congratulatione & plausu tanquam Assertor patriæ excipitur, & in folio collocatus Imperator salutatur, omnibus uno ore acclamantibus, *vivas Imperator, vivas* (Van sui, Van sui) *decem & decem millibus annorum*, & hæc vox populi Imperium illi contulit. *XUN CH* dicebatur Imperator, fuitque conditor novæ familiæ Imperialis Tartaro-Sinicæ, *Tai cim* dictæ, hoc est *magna puritatis*. Hic annum Imperii sui primum velut bene sibi ominatum, statuit eum, qui fuit decimus septimus & funestissimus decessori *san chem*. Fuitque Cycli 73. annus 21. post Christum verò 1644.

V san quei (à quo creditur in prælio occisus *Li Ty* rannus) jam serò agnosceus, ad canes arcendos à se leones incautè admissos, admittit à Tartaro Reguli dignitatem & titulum *Pim si*, seu *pacificantis occa-*

XXII. Familia.
1. Хун Чи,
id est
prosperum regi-
men.
Regn. 17.

sum, assignatâ pro sede ipsius Regiæ Metropoli *Si ngan* provinciae *Xen si*, quam latro ferro & igne prius vastaverat. Tartarus subactis feliciter provinciis Boreali-
bus, ad Australes animum & arma convertit, anno se-
quenti proclamatus jam erat Imperator in *Nan kim*
Metropoli, *Hum quam* nepos *Van lie* Imperatoris; at
mox captus, & Pekinum abductus, cum primogenito
sum chim (vero. ne an ficto, incertum) strangulatur.
Itur exinde ad Metropolim prov. *Che kiam*, in qua
Lo vam Regulus, Imperatoris titulum recusat, videns.
que urbem Tartaro cinctam, ut suorum excidium
præverteret, è mœnibus flexis genibus supplicabun-
dus, *de me*, inquit, *quod vultis statuite, pro meis sub-*
dutis ecce me victimam: quo dicto ex urbe prodians, se
Tartaro tradit: quæ pietas, si non Principem, at
urbem certè servavit & cives. In provincia *Fo kien*
alter *Van lie* nepos, *Lum vu* dictus, Imperator pro-
clamatus, sed à Tartaro provinciâ totâ pacificè oc-
cupatâ, mox occiditur. Erat tum Architalassus è *Fo*
kien oriundus, *Chin chi lum* dictus, qui Macai Lusitanis
primùm servierat, & sacro fonte ablutus, Nicolai no-
men erat sortitus. Hic ex parvis initiis, & magnis
deinde commerciis cum Hispanis & Hollandis, fac-
tus ex Pyrata famoso, ingentium classium Ductor,
Imperatori primùm *Lum vu*, deinde Tartaro, sed
simulatè se subjecerat, à quo Regulus creatus, & ad
solemne convivium invitatus, specie honoris majoris
in aula adipiscendi delusus, ad eam honorificè de-
ducitur. Interim filius *Que sim* cautiôr factus, in to-
tius classis paternæ Imperium succedit, nullis aut pa-
tris adhortationibus, aut Tartari promissis à fidei
erga Regem & patriam proposito dimovendus.

Jam ad *Quam tam*, & deinde *Quam si* provincias
debellandas Tartaricus descendit exercitus, obvias
quasque urbes *se luum* facili negotio capit: verùm in
provincia *Quam si* victoriarum cursus nonnihil stitit.
Erat ibi Prorex *Kim Thomas*, & militiæ totius, quæ
ex variis provinciis eò confugerat, Dux supremus
Chin Lucas, ambo Christiani. Pugnatum est acriter:
tandem Tartari victi cæsiq;e. Mox victores Sinæ
Imperatorem eligunt *Yam lie*, dictum è stirpe *Van*
lie, qui ex Metropoli provinciae *Quei cheu*, ubi Regu-
lum agebat, deductus, regiam sedem in *Chao kim* ur-
be prov. *Quam tam* constituit. Huic à consiliis erat
Eunuchus præcipuus *Pan Achilleus*, fidei christianæ
zelosissimus, cujus operâ & unâ patris Andræ Con-
fiter, ipsa Imperatoris mater, uxor & filius Imperii
hæres sacro fonte abluti sunt. Et hic quidem, ut erat
nomine, ita & re sperabatur futurus Sinarum Const-
tantinus. Regina certè, annuente Imperatore, lega-
tum misit Michaelen Boym ad præstandam S. Sedi
obedientiam, uti Urbs & Orbis agnovit. Percrebref-

cente igitur famâ tam victoriæ de Tartaro reportatæ, quam novi Imperatoris, mox in prov. *Fo kien Nam* quidam Sacrificulus (olim Dux militiæ) cum latronum undequaque emergentium cuneis, nec non *Que sim* Architalassus, Nicolai filius, captas urbes recuperant, hic maritimas, ille mediteraneas: in prov. *Kiam si*, *Kin* Prorex à Tartaro deficit, nec uno prælio de iisdem victor extitit.

In Septentrione duo belli Duces *Ho* & *Kiam* singuli exercitum constant. Dux *Ho* plurimas urbes provinciæ *Xen si* sui juris facit, ipsamque Metropolim obsidet, sed irritò successu: *Kiam* verò in provinciâ *Xen si* cum 140. equitum millibus & numerosiori peditatu Tartarorum exercitum duobus præliis ita cædit & fugat, ut jam aperto Marte congredi Tartarus non auderet: sed hic tamen partim altu & dolis, nec non auro & promissis, partim cunctando, partim proditione natâ ex mutuis inter Sinarum Duces discordiis, vi demum & armis tam in Austro quam Septentrione, omnium ferè victor urbium & hostium, trium aut quatuor annorum spatio tandem evasit.

Ad Occidentem in prov. *Su chuen* grassabatur alter latronum Dux *Cham hien chum*, de quo supra: Siniticus Nero, aut potius carne humanâ indutus dæmon, etsi in speciem comis ac suavis erga milites, quibuscum, ut miles gregarius, ludebat & epulabatur. Hic postquam barbarè sævississet in provinciis *Ha quam*, *Ho nan*, *Nan kem*, *Kiam si*, tandem furorem omnem in prov. *Su chuen* convertit. Primò è familia præterita Regulum, aliosque occidit: non semel ob unum fontem levi de culpa, omnes ejusdem plateæ, in qua is habitaverat, jubebat interfici, & ob unius militis crimen, totam legionem duorum millium, & ob unius *Medici* errorem in curando carnifice suo, mox centum Medicis vitam ademit. E sexcentis, quos habebat Præfectis, exacto sui muneris triennio, vix viginti supererant, cæteris vario mortis genere levi de causa mactatis. 5. millia Eunuchorum neci dedit, quòd inter eos fuisset, qui eum non Regis titulo, sed proprio *Cham hien chum* nomine compellasset. Ob unius sacrificuli (qui pridem auctor fuerat gravis persecutionis contra legem Christianam) 20. millia Bonziorum orco sacrificat. Laudat se coram Patribus Ludovico Baglio & Gabriele de Magallanes (quos modò amat, modò neci quater destinat) tanquam rem præclaram egisset, *Hi*, inquiens, *vobis vitam demere volebant, sed celi Dominus me misit, ut de iis penas exigere.* Sæpe collaudabat legem Christi, promittens, à se, ubi Imperio potiretur, magnificum Deo Templum extruendum. Ad litterarium examen & gradum studiosos undique edicto convocat. Adsunt 18. millia: hos om-

nes

nes in urbis gymnasio congregatos ad unum interfici jubet, quod, uti dicebat, suis sophismatis populum ad rebellionem sollicitarent. Anno (1646.) Imperatoris *Xen chi* tertio, profecturus in *Xen si* contra Tartaros, totius Metropolis *Chim tu* cives vinculis confictos extra urbis mœnia jubet consistere; ipse obequitans in medio populi, qui flexis genibus cum ejulatu & lacrymis vitam deprecabatur, stans tantisper quasi dubius quid ageret, mox, *Occidite*, inquit, *occidite hos perduelles*. Quare omnes Tyranno inspecante sunt trucidati. Feruntur fuisse sexcenta caputrum millia, & quibus innumeri parvuli, operâ Parrum baptismatis aquâ abluti, & carnificum manibus ad cœlos evolarunt. Deinde militibus congregatis edicit, ut exemplo suo quisque uxores suas, velut expeditionis bellicæ onera & impedimenta, & medio tollat; ipse ex 300. quas habebat, 20. dumtaxat ad trium Reginarum obsequium puellas sibi reservat. Torus exercitus Ducis imperium securus, omnes, quotquot erant, mulieres interficit; mox incensis urbibus & Metropoli amplissimâ, *Xen si* provinciam ingreditur. Cùmque ei jam tertio nuntiaretur, quinque exploratores Tartaros jam comparere, ipse & tentorio sine lorica & galea prodir extra castra rem exploraturus. Mox prima sagitta à Tartaro emissâ cor Tyranni transiit, unde in terram ex equo mortuus corruit: quo proftrato, & deinde cæso & dissipato exercitu, p. u. i. *Su chuen* residui Tartaros velut servatores suos lætè excipiunt. Debellatis jam ferme 11. provinciis supererat quatuor Australes, quæ *Xum lie* Imperatori parebant: mittuntur igitur ex aula tres Reguli trium exercituum Ductores. Obsidetur Metropolis provincie *Quam tum*. Annum ferè reouit obsidio cum magna utrimque strage, donec tandem 14. Novemb. 1656. Cycli anno 18. Imperatoris verò 7. urbs capta furori militum & depredationi ad decem dies concessa, ubi 100. ferè millia trucidata sunt. Inde ad Regiam sedem *Chao kin* movet exercitus; sed *Xam lie* Imperator suis diffusis viribus, in *Quam si* provinciam, & deinde in *Yan nan* sugere compulsi. Anno sequenti moritur *A ma vam* tutor & patruus Imperatoris, vir prudens, comis, & ab ipsis Sinis amatus, & cui præcipuè Imperium Tartarus debet. Hujus frater Regulus tutelam sibi vindicabat, sed cùm primates omnes *Xen chi* 14. annos agentem, & cum filia Regis Tartarorum *Tan ya* Occidentalium jam uxoratum, parem Imperio per se administrando esse contenderent, adeo ut suspensis ad Palatii fores Præfecturæ suæ insignibus, negarent se illa ab alio quàm à *Xen chi* recepturos, tandem Regulus acquievit. Cæterùm *Xen chi* præclaris naturæ dotibus instructus Princeps, ut sibi Sinas devinciret, aditus primùm ad se faciles præter morem Regum Sinenum facit.

Leges, litteras, & statuta politicæ Sinicæ, paucis mutatis, intacta voluit, ne quidem permittens, nisi ex singulari dispensatione, ut litteras & linguam Tartaricam addiscerent. Sex Concilia suprema, à quatuor mille annis instituta retinuit, sic tamen, ut tam Præfectis Tartaris, quàm Sinis totidem constarent singula; ea verò, in aula sola, uti & è sanguine regio Principum sedes, stabilivit, abolitis sex supremis conciliis, quæ in aula Australi sub familia præterita, & unà in Boreali floruerant. Palladem armatam cum togata egregiè consocians, Philosophis Sinicis, ut antea, regendas urbes & provincias concessit. Quia verò sagacissimi ingenii & magni iudicii Princeps probè intelligebat, ab sincero & incorrupto Litteratorum in examine ad gradus delectu pendere salutem & ruinam Imperiis; cum fortè comperisset auro emptum censorum & examinatorum favorem, ex his sex & triginta inexorabiliter capite plecti iussit, candidati autem, quotquot usi muneribus fuerant, iussi de nuò in certamen descendere, victoribus veniam & gradum indulgens, victos verò cum tota eorum familia in Tartariam suam voluit relegari, quo supplicii genere hodieque plurimi toto Imperio criminum rei quotannis multantur ut Tartariæ deserta repleant, gentemque multiplicent, filiis saltem & nepotibus Tartaricum genium paulatim suscepturis.

P. Joannem Adamum Schall, vulgò *Tam jo van*, singulari prosequitur amore, quem proinde non alio, quàm *Ma fa*, quod Tartaris *seniorem patrem* significat, nomine compellat. Europeam Astronomiam introducit præfecturà supream tribunalis *Matheseos* ei commissà, nequidquam freudentibus æmulis & præcipuè Mahometanis, qui omnes à 300. jam annorum possessione deturbati sunt. Raro privilegio eidem concedit, ut quovis tempore absque ullius tribunalis interventu immediatè libellos supplices offerret, quos ferè centum obtulit: quæ res in magnum cessit Imperii & religionis emolumentum. Hinc Religio Christiana, quæ hætenus quasi sub modiolatuerat, jam super tecta ubique prædicabatur, templo novo cum regia auctoritate, & publica solemnitate erecto, anno jubilari 1650. altero deinde ad ortum templo, regio item favore exædificato, templum & ædes Adami ipse Imperator adire dignatus est, & quidem intra biennii spatium circiter vigesies.

Anno Cycli 33. (1656.) prima legatio à magno Moscoviæ Duce, quæ quòd honores more & ritu Sinico exhibere renueret, optato successu caruit secus quàm altera legatio decennio pòst instituta. Fuit & alia magnifica ab Hollandis legatio, spiritum suum & successum frustrata.

Anno Cycli 36. Imperatoris 15. (1659.) Archita-

lassus *Que sim*, Nicolai filius, qui hæcenus ad littora maritima continuis excursionibus cum magna strage prædas egerat, cum anno præterito 500 navigia in oræ Nankinensis scopulos & fyrtes allisa amilisset, tandem cum ter mille navigiis, variis oppidis toto itinere occupatis, *Nankim* metropolim obsidet. Urbis & provinciæ supremum Prætozem agebat *Lam*, adhuc adolescens & Sinenfis. In Concilio bellico Tartarorum Ductor negat urbem defendi posse, quando à tanta civium multitudine nulla possit sperari securitas, quare omnes ante omnia trucidandos. Cohorruit ad barbari consilium Prætor, & *si quidem*, inquit, *non aliter urbi & securitati sit consulendum, me ante omnes trucidate*. Repressit hæc vox barbarum pectus, simulque civibus vitam servavit. Vix viginti ab obsidione dies effluxerant, quando incidit dies natalis Architalassi, quem à toto exercitu solitis ludis & symposiis ad triduum celebrari gestiebat. Obfessi interim, in noctis silentio nil tale opinantes, & somno vinoque semisepultos adeo cautè fortiterque aggrediuntur, ut tribus hostium millibus desideratis, soluta obsidione, repetere navigia sint compulsi, relictis omnibus impedimentis in prædam victorum. *Que sim* cladem tantam, & recens illaram patri tributisque necem, quâ posset, ulturus, non multo post cum bellica Tartarorum classe configit; post acæ certamen, tandem Tartarorum navigia partim in fundum dejecta, partim fugâ elapsa, partim capta cum quatuor circiter mille Tartaris, quos omnes, occisis eorum ductoribus, naribus & auribus truncatos, in continentem remisit. Cum verò tam probrosa spectacula in aulæ conspectu diutius intueri non sustinerent commilitones, regio jussu ad unum omnes contrucidati sunt. quippe qui aut vincere, aut pro patria gloriôsè mori debuerant.

Anno Cycli 38. (1661.) *Que sim* Architalassus urbem & arcem munitissimam Insulæ Formosæ à Batavis munitam terrâ marique obsidet. Tandem post quatuor mensium obsidionem, fame obsessos premente, & desperatis, quæ expectabantur auxiliis, cum tota insula pactis conditionibus, in potestatem Sinenfium cedit; ibique suæ dominationis sedem *Que sim* constituit, sed minimè diuturnam, quippe anno mox sequenti, cum accepisset, fœdus Batavos inter & Tartaros contra se initum, ad hæc ab Hispano Milite in Philippinis detectâ conjuratione, multa Sinenfium mille contrucidata, recens denique à filio admisum incestus flagitium, in tantam actus est rabiem, ut digitos dentibus suis dilanians, furebundi instar expiraverit.

Sed & hoc anno 1661. extincta, quæ residua erat familiæ *Mim* præteritæ scintilla, *Yam he* scilicet

Imperator, de quo suprà. Confugerat ipse in Regnum *Mien que* (vulgò *Pegu*) provincie *Yan nan* contiguum, quando Tartarus cum novis copiis adest. Datis ad Regem minacibus literis profugum reposcit: traditur absque morâ cum tota familia, & in Metropolim infelix *Yam he* adductus, elisis laqueo faucibus strangulatur. Dux Regine mater & conjugalique Pekinum abductæ, & cum honore in Palatio separato hodieque servantur, & uti constat, fidem olim Christo datam constanter servant.

Fatalis quoque hic annus fuit *Yan chi* Imperatori Tartaro-Sinico, qui melius corperat quàm desit. Causam mortis immaturæ præbuit impotens amor mulierculæ, quam miser deperibat. Ut autem eâ potiretur, maritum ad se vocatum, quasi de munere suo malè administrato iocreptum, alapâ insidiâ à se repulit: hic domum reversus, post triduum mærore consumptus obiit. Quo cognito conjugem in aulam vocat, & Reginam à legitima secundam præter mortem creat. Filium ei parit nova nupta. Natalis regni solemnitate celebratur. Post trimestre moritur infans, & natum mox secuta mater. Quam Regi ludivosa acciderit utriusque mors, vel inde patet, quòd præ furore ac dolore amens, arrepto gladio sibi necem intulisset, nisi Regina mater & Eunuchi impetum cohibuissent. Voluit tamen 30. hominum spontanea morte placari manes coocubine, ritu apud Sinas execrando, quem barbarum morem successor deinde sustulit. Indixit etiam non solum aulæ processibus, sed totius Imperii præfectis per mensem, ipsique plebi per tridui spatium, luctum habitumque funebrem, tanquam pro Imperatrice, quo eam titulo à morte hooraverat. Modus verò in funebri apparatu suprà dignitatem fuit & decorum. Pellicis cadaver sacrophago rari preli inclusum, & unionibus instratum, more Tartarico rogo imponitur, in quem magna vis auri & argenti, nec non fetici, & regie suppellectilis injecta, & flammis absorpta, ducentis quoque aureorum millibus in milites & egenos distributis: defunctæ cineres, ipse Rex muliebriter ejulans, in urna argentea suis manibus collocat, quorum amorem Regina moriens unice commendaverat. Bonziorum autem greges ad duo millia cantibus suis & naniis & insulis superstitionibus miserum Regem adeò jam demeraverant, ut & Gynecæi Virgines & Eunuchos ad sumendum sacrificulorum habitum invitaret, ætq; super jam in reprobum sensum declinans, talio capite, victu, & vestitu Bonziorum indutus: tribus etiam erectis in ipso Palatio delubris, ad Idola, quæ antea vilipenderat, adoranda, nunc hoc nunc illud per urbem sanum adiret.

Non desuit hic muneri suo Adamus per libello supplices

supplices ad pristinam frugem conatus miserum revocare; sed qui montem plerumque erat secutus, moriturus jam non audit: admissus tamen aliquot ante obitum diebus, vetansque coram se genua flecteret, postquam loquentem audisset, propinari jubet hospiti potum *tha*: nec plura collocutus, domum dimisit. Auditus interim à suis inculcare suam negligentiam, & ut daret seræ, etsi jam seræ poenitentis specimen, accepto penicillo, 12. puncta amnistie per Imperium indicendæ conscribit: demùm sentiens sibi jam abeundum, vocatis ad se quatuor magnatibus, fatetur culpâ suâ malè administratum Imperium; quoddam patri & avo, nec non regulis & bene meritis minus sit patrocinatus; quoddam matris consilia contempserit; quoddam ex auri cupidine stipendiis proceres defraudant; quoddam rebus curiosis addictus multa inutiliter prodegerit, quoddam populum non ut filios habuerit; quoddam eunuchos admiserit ac foverit; quoddam denique Reginam nuper defunctam inordinatè amaverit, in eaque descendenda tam sibi quàm subditis molestus fuerit. Postremò filiolum octennem quatuorvirum tutelæ commendans, visurus jam patres suos vestem petiit, quam cum induisset, continuo valesciens collectis cruribus ac brachiis, ecce, inquit, abeo, ac innox ex variolis decessit sub medium noctis, ætatis anno 24.

1. Cam hi. id est
firma tranquillitas,
Regnat hodie

Manè insequenti Bonzii omnes è Palatio ejccti. Sub meridiem loculo cadaver includitur, centam post dies (quod iis fit qui ex variolis obierunt) rogo imponendum. Postridie octennis hæres in solio collocatur, & ab omnibus ritè salutatur Imperator. *Consulat lector librum cui titulus, De initio & progressu Missionis Sinenfis, & alium de historiâ novâ Tartaro-Sinica P. Fran. de Rougemont, qui de totâ Xun chi imperantis serie conscripsimus.*

Anno Cycli 39. (1662.) succedit Cam hi filius natus minor octennis, quem, relicto primogenito, pater elegerat more inter Tartaros usitato, ubi sola patris voluntas tamquam à cælo delapsa inviolabiliter servatur.

Initio sub tutoribus quatuorviris res publica moderatè pacificèque administratur. Eunuchorum princeps tamquam tot malorum fax & incentor capite plectitur. 4. millia Eunuchorum è palatio proscripta, mille reliquis ad infima & vilissima ministeria reservatis. Edictum promulgatur, quo sub pœna capitali jubentur incolæ totius oræ maritimæ per sex provincias, mutare solum, & per trium ferè leucarum spatium ad interiora continentis commigrare, pagis, arcibus & oppidis maritimis solo æquatis. omni quæ prorsus maris commercio interdicto, quo factum est ut plurima hominum millia, quæ piscatu vitam ægre

trahabant, ærumnis & fame interierint, templa etiam non pauca Christianorum cum idolorum delubris abolita sunt: quin & civitas Macaensis eandem ruinam erat subitura, iussis Lusitanis mutare sedes, nisi Adamus in primis periclitanti urbi succurrisset: hinc maritimi hostis potentia adeo tandem debilitata est, ut post 20. circiter annos *Formosa* Insula ultro ventura sit in potestatem Tartarorum.

Anno Cycli 41. *Cam hi* Imp. 3. (1664.) gravissima & universalis persecutio mota contra præcones Legis Christianæ, de qua consule *Relationes P. P. Gabiani, Rougemont & Grelon*. Promulgatur edictum Regis contra Religionem tanquam rebellionis & prævæ doctrinæ gistrum, cuius caput Joan. Adamus & tres focii acti reus. catenis onusti, è carcere ad varia trahuntur tribunalia. Citati in aulam omnes Europæi sacerdotes. Libri christiani, numismata, &c. velut rebellionis testæ, flammis tradi jubentur: Ecclesias tamen & sacras imagines violari, & Christianos divexari prohibetur.

Anno 1665. 16. Aprilis, in generali omnium Ordinum consensu damnatur Adamus primò ad laqueum, deinde ad crudelissimi supplicii genus, quo per minutissimas dissectiones corpus spirantis mutilatur. Sententia à cætu Regulorum & Quatuorvirum confirmanda defertur, cum derepente urbs tota contremiscit, & iteratis motibus concutitur. Indicitur publica amnistia, solvuntur è carceribus rei, uno Adamo excepto, qui post mensem, cum pridie natalis Regis palatium conflagrasset, à vinculis liber dimittitur: relegantur (quatuor exceptis) qui in aulam venerant Sacerdotes Europæi (tres è D. Dominici, unicuse Seraphica familia. & 21. è Societate) in prov. *Quam tunc* metropolim. 15. Aug. piè & pacificè P. Adamus moritur, declarandus deinde innocens, & magno prædio in sepulturam, nec non pristinis titulis & elogio donandus ab Imperatore.

Anno Cycli 43. (1666.) moritur *Sony* Quatrumvirum natu major. *Cam hi* solenni ritu adit Imperii regimen, quod magnà cum laude prudentiæ & æquitatis hodieque moderatur. Iustitiæ certè mox suæ, aut potius divinæ specimen initio dedit in Quatrumvirum altero *Su ca ma* nominato. Hic ut erat consilio & autoritate præ cæteris eminens, ita & hostis Christiani nominis eò acerbior, quò dissimulatio. De 20. defectibus accusatus in vincula abripitur, bonisque fisco addictis damnatur ad mortem acerbissimam: Rex sententiæ subscribit, mitigatæ ægri hominis poenâ, & in laquei supplicium commutatâ. Palam ergò pridie Nonas Septembris septem filii & nepotes capite plexi, filius natu tertius minutatim concisus, patri denique fauces nervo elise.

Anno Cycli 45. Legatio Lusitanica singulari fa-

vore ab Imperatore excipitur, quæ res urbi Macaensi firmandæ profuit.

Anno Cycli 46. (1669.) jussu Imperatoris examinantur ac deteguntur errores novi Kalendarii Sinici à Ferdinando Verbieft, qui à *Xan chi* decessore è prov. *Xenfi* in aulam fuerat evocatus. Ediderat illud *Yam quam sien*, qui loco Adami Mathematicæ præsidebat, & blasphemio & pestifero suo libro aulæ proceres, Bonzios, Mahometanos contra Christi legem & Europæ Astronomiam concitavit: sed hæc cum Kalendario è tenebris in lucem pristinam revocata. Quin & Religio Christiana in comitiis Imperii generalibus post 7. dierum examen declaratur, *Nihil pravi, aut quod seditionem redoleat, continere*: revocantur ab exilio ad pristinas Ecclesias Sacerdotes Europæi diplomate regio, quamvis eodem novæ Ecclesiæ venturæ extrui, & indigenæ Christi legem amplecti. *Yam quam sien* præfecturâ exiit, & ad plebeiorum sortem, ac dein ad mortem damnatur: sed ab hac absolutus, & in patriam remissus, paucis post mensibus in itinere pestilenti ulcere à Deo percussus interiit. Noster verò Ferdinandus Ephemeridum præfectura donatur, plurimis deinde titulis ac favoribus hodieque auctus ab Imperatore quem etiam ad 3. menses magistrum habuit in Mathesi. *Consule librum, cui titulus*: Innocentia Victrix, & alterum P. Ferdinandi, cui titulus: Astronomia Europæa ex umbrâ in lucem revocata.

Anno Cycli 50 (1673) novus turbo ac procella Imperium concutit. *Vsan quei* (de quo supra) potentissimus regulus in Prov. *Yan nan*, qui Tartaros malè providus in Sinam introdexerat, in aulam vocatus ire renuit, nisi cum 80. millium comitatu. Mox dimissis legatis Tartaricum jugum excutit. Sinicum constat Kalendarium quod ad vicinos & clientelares Reges mittit. Hoc Rex Tunkinensis aliique admittere renuunt, mittunt que ad Imperatorem. *Vsan quei* interim tres Provincias *Yan nan*, *Su chuen*, *Quei cheu*, suæ potestatis facit, & insuper mediam ferè partem prov. *Hu quam*: major hujus filius in aulâ capite plectitur. Detegitur conjuratio, trucidantur rei omnes. Bienniò post rebellant Reguli *Fo kien* & *Quam tam*, patre utriusque pridem defuncto, habitumque & pileum Sinicum induunt. Accessit his Insulæ Formosæ aliarumque Dynasta maritimus Actum erat de Tartaro, si quidem junctis animis & armis pro patria libertate decertassent: sed Dynasta cum à Regulo *Fokien* velut inferior tractaretur, mox arma in ipsum convertit. Multa utrimque commissa prælia, cladem ut plurimum referente Regulo. Ex aulâ interim cum exercitibus mittuntur Reguli Tartari: in *Hu quam* ipse patruus Imperatoris, alius in *Che kiam* & *Fo kien*, alius in *Quam*

tum & Quam s. Regulus. *Forkien* tot cladibus fractus, suisque diffusus, ralo rursus capite se Tartaro dedit, à quo benignè habitus, legioni tantisper præficitur. Regulus verò *Quam tam*, quod item ab *V. sui* quæ in inferiore, quàm par erat, titulo donatus esset, rupto fœdere, totam rursus ad Tartarum reduxit provinciam. Eodem anno (qui erat 1675) 12 Julii Imperator adit templum & ædes nostras, ubi penicillo regio binos cubitales exarat characteres *Kim tien*, hoc est, venerare cœlum, seu cœli dominum, eosque sigillo regio munitos nostris consignat. Hujus exemplaria trium Ordinum Religiosorum templis & ædibus per Impensum præfixa vim hic obtinent tacitæ approbationis legis Christianæ.

Anno Cych 36. Imp. 18: (1679.) *V. sui* quæ senio confectus moritur, acclamatur Imperator hujus filius *Hamboua* dictus. Eodem anno, 2. Septembris, sub 10. horam matutinam, regiam urbem & loca vicina tam horribilis terræ motus concussit, ut innumera palatia, decorum fana, turres & urbis mœnia corruerint, & sub ruinis sepulti supra 400. & in proximo aulæ oppido *Tumchou* dicto supra triginta hominum millia sub ædium ruinis oppressa. Quia verò ad trimestre ferè terræmotus tametsi languidior, per intervalla repetebatur, ipse Imperator, principes & proceres palatium suis relictis sub tentoriis habitabant, & sub dio vitam trahebat misera plebs, quam pius Imperator solatus est, ex arario depromens, quo & pauperes sub ruinis oppressi, suo sarcophago conderentur, & ædes collapsæ restaurarentur.

Ejusdem anni mense postremo, qui jam erat 4. Januarii (1680.) Imperatoris palatium, orto repente incendio, paucis horis absumptum est. Damnum excessit duos miliones 850000. aureorum. Quarto ab incendio die Imperator ad saltum suburbanum venationis gratiâ, quam amabat impensè, profectus est. Licet hic obiter in laudem imperantis Principis afferre pietatis ejus & justitiæ specimen, quod inter venandum, aliquando præbuit. Fuit, cùm eminus conspicaretur monumentum magnificum, quod esse aulæ postremi è familiâ præteritæ Imperatoris *cum chim*, quem *Xan chi* pater honorificè sepeliendum curaverat, eò propter divertit, flexisque ante tumulum genibus illachrymans, exclamavit, O, inquit, *cum chim* Imperator, tu nostræ, quod mortis tuæ adeò miserande nos causam non dederimus, tui te subditi perduelles ad hanc te impulerunt. Tum accensus de more suffutibus, vultuque in terram prostrato, eidem ritè parentavit. Aliàs cùm inter venandum procul à turbâ incidisset incognitus in senem amarè desinentem unicum filium à Præfecto Tartaro vi abreptum, princeps rei motus indignitate, senem jubet equo suo à tergo insidere, & ad ædes raptoris

raptoris properare. Duarum leucarum erat iter. Mox hominem criminis convictum jubet coram proceribus, qui undequaque advenerant, capite plecti, & senem ipsum in ejus præfecturam succedere, addens simili pœnâ multandum, si in officio suo similiter deliquisset.

Anno Cycli 57. (1680.) Regulus prov. *Quam tam*, tamen si jam subditus, Tartaro tamen suspectus erat, eò quòd turbulenti genii vir ex commercio maritimo, contra Regis præscriptum, cum Hispanis & Batavis potentissimus evaderet, ad hæc in ruinam Macaensis urbis intentus esset, & magnâ in exercitu 40. millium auctoritate polleret. Quare cùm jussus esset ab Imperatore in provinciâ *Quam si* perduelles arma movere, cùm fortè ab exercitu hinc inde distracto in urbem quampiam se contulisset, in provinciam *Quam tam* & palatium suum astu quopiam reductus est, ubi elapsis aliquot mensibus, à duobus magnatibus, qui 17. dierum spatio ex aulâ eò convolarant, die 9. Octobris multò manè, oblato, honoris causâ, laqueo, jussus est sibi fauces constringere, quo tempore 112. factionis socii (quos inter tres ejusdem fratres) capite plexi, dignus alioqui meliori sorte princeps, quippe qui de Deo & lege nostra optimè sentiebat, & ejus præconibus, suprà quàm dici potest, semper impensè faverat. Quòd autem immensis ejus opibus sisco addicendis inhiaret Tartarus, placuit Reguli patris, necdum sepulti, sarcophagum recludere, ut explorarent, an habitu pileoque Sinico cadaver indutum foret, quod cùm comperissent Tartarico more vestiturum bona omnia, ad reliquos fratres, quos inter gener erat Imperatoris, alioque affines transierunt.

Hoc item anno exevite RR. PP. à sacrâ D. Augustini familiâ ex Philippinis 12. aciem appulsi, Siam ingrediuntur.

Anno sequenti Regulus Fokien (de quo suprà) ob tyrannidem præcipuè in plurimos Præfectos sibi suspectos, dum rebellaret, exerciram, in aulâ coram omni populo in partes dissectus est, & canibus objectæ carnes: fratres tamen si insonres capite plexi. *Yan nan* provincie metropolis à Tartaro occupatur. *Humboa* Imperator spontaneo laqueo Tartaricum supplicium antevertit. *7. sen* quæ patris pridem defuncti ossa è tumulo eruta, & in curiam transportata, partim ad terrorem cum infamie notâ variis locis affixa, partim in pulverem confusa, aëri & ventis in ludibrium dispersa sunt.

Hic quoque annus 1681. centesimus est propagatæ à Soc. Jesu in Sinâ Religionis Christianæ.

Anno Cycli 59. (1682.) extinctis jam tribus Regulis, & provinciis 15. feliciter debellatis, necnon pace per Imperium stabilitâ, Imperator narale solium & majorum suorum sepulchra statuit invidi-

Da

fere. Iter inivit in Tartariam Orientalem die 23. Martii cum principe hærede declarato, tribus Reginis, & præcipuis Palatinis, & tribunalium Magistratibus & 70. circiter millium hominum comitatu, in quo comitem & sibi ubique assistentem habere voluit Ferdinandum Verbiest, qui quòd *isthic semina quadam Religionis Christianæ comperisset, Tartaricam Grammaticam composuit, quæ nunc à regiâ Bibliothecâ in lucem prodit, & Deo aspirante, usui erit venturis in Tartariam Evangelii præconibus.*

Anno Cycli 60. & ultimo, imperantis verò *Cam hi* 22. (1683.) Imperator longè majori cum apparatu, & 70. millium equitum comitatu in Tartariam occidentalem iter instituit, tum ne otio & deliciis Sinicis diffuens valetudini minùs consuleret, tum ut se & militiam duric assuesceret, & ut doceret eâ normâ & ordine adversus hostes armatam procedere, quo ad tygrides inter venandum, & feras debellandas præludi jubebat, tum denique ut magnificentiam suam & majestatem ostentans, sacrum quemdam terrorem barbarorum Dynastis incuteret, quos proinde benignitate regiâ & clementiâ, nec non muneribus & dignitatum titulis ad eò sibi conciliavit, ut provincias omninò 40. clientelares & sibi ultrò tributarias suaviter fortitèrque reddiderit.

Consule de utroque itinere binas Epistolas Ferdinandi, qui secundi itineris comitem habuit Philippum Grimaldi.

Hic finit Tabula nostra Chronologica Sinicæ Monarchiæ per 60. annorum periodos, seu Cyclos 73. continuatæ, qui annos explent 4380. quibus si addideris annos 255. duorum gentis Sinicæ conditorum *Fo hi* & *Xin num*, summam existent anni 4635.

Errata, quæ hic occurrunt condonabit, uti spero, benevolus Lector. Emendabit ea constans & irrefragabilis ordo Cyclorum, ad quos calculi omnes, sicubi aberraverint, revocandi sunt, prout in Præfatione indicatum est.

AD MAJOREM DEI GLORIAM.



IMPERII Sinarum

ET RERUM IN EO NOTABILIMUM

SYNOPSIS.



IMPERIUM Sinarum DIVIDITUR IN XV. amplissimas Provincias, quarum singulæ ob magnitudinem, opulentiam, fertilitatem, magna regna verius appellari possunt, quam Provincie: his addi debet *Leatam* regio uni Provincie non multo inferior. Hæc regio cum aliis 6. Provinciis *Eos*, & Australi Oceanò adjacent, sex Mediterraneæ sunt, reliquæ tres ad Occidentem à reliqua Asia montium ferè jugis separantur.

Imperii amplitudinem, Urbiumque, & Populorum multitudinem, & rerum abundantiam, velut in nucleo iliadem, hîc subijcio, prout in Atlante Sinico ex Sinensium libris exposuit P. Martinus Martinus, ac deinde P. Gabriel de Magalhães, in descriptione Sinicæ Monarchiæ è manuscripto Lusitanico Gallicè traductâ.

Urbes Metropolitanæ (quas inter una est primaria) quæ Imperatori cum Civitatibus & Oppidis sibi subiectis vectigal pendunt, numerantur C.L.V. quæ rectius totidem Provincie vocari possunt, quippe singulæ sub se continent non paucas civitates, Oppida, Villas, Municipia, &c.

	Provincia	Metropoles	Civitates.	Familia.	Viri.
I.	<i>Pekim.</i>	8.	133.	418989.	3452254.
II.	<i>Xanfi.</i>	5.	92.	589659.	5084015.
III.	<i>Xenfi.</i>	8.	107.	831051.	3934176.
IV.	<i>Xantum.</i>	6.	92.	770555.	6759685.
V.	<i>Honan.</i>	8.	100.	589296.	5106270.
VI.	<i>Suchuen.</i>	8.	114.	464129.	2204570.
VII.	<i>Hugnam.</i>	15.	108.	531686.	4833590.
VIII.	<i>Kiamfi.</i>	13.	67.	1361629.	6549800.
IX.	<i>Nankim.</i> nunc <i>Kiamnan.</i>	14.	110.	1969816.	9967429.
X.	<i>Chekiam.</i>	11.	63.	324235.	4525470.
XI.	<i>Fokien.</i>	8.	48.	509200.	1802677.
XII.	<i>Quamiam</i>	10.	73.	483360.	1978022.
XIII.	<i>Quamfi.</i>	11.	99.	186719.	1054760.
XIV.	<i>Tanngp.</i>	22.	84.	132958.	1433100.
XV.	<i>Quetcheu.</i>	8.	10.	45305.	231365.
	Summ.	155.	1312.	10128789.	58916783.

P. de Magalhães, qui 30. annis in aulâ moratus, ibidem obiit anno 1677. posthumo elogio ab Imperatore donatus, sic scribit:

In toto Imperio loca partim civilia partim militaria muris cincta sunt 4402. loca civilia recensentur 2045. nimirum Urbes Metropolitanæ primi ordinis *Fu* dictæ 175. Civitates secundi ordinis *Cheu* dictæ 274. Civitates tertii ordinis *Hien*

dictæ 1388. Hospitia Regia cum excubiis *Te* dictæ 205. & inferioris ordinis *Chom chin* dicta 103.

Ratio verò ob quam P. de Magalhães majorem Urbium, ac Civitatum numerum ponit, quam P. Martinus, hæc est; quod ille annumeret quasdam particularium Principum, qui Imperatori Sinarum non parent & à quo titulum duntaxat accipiunt, sitas tamen inter montes, in quatuor ipsius Imperii Provinciis, *Suebuen*, *Queichen*, *Tunnan*, *Quangsi*; annumeret etiam Urbes, & Oppida regionis *Leatum*, quæ Sinæ in particularibus tantum Catalogis solent recensere: P. verò Martinus eas solum scripsit; ex quorum districtu Imperatori vestigal penditur.

Hospitia Regia absque muris pro Præfectis, Curatoribus, aliisque ex aula regio sumptu iter facientibus *Te*, vel *Chin*, vel *Tschin* dicta, sunt, 1145.

Familie in toto Imperio recensentur, 11502872.

Virorum numerus pertingit ad capita 59788364.

Non ingrediuntur hunc numerum, mulieres, parvuli ante annum ætatis 20. necnon è Regio nati sanguine, Ministri Regii, nec Præfecti & Expræfecti, necque milites, Baccalarii, Licentiat, Doctores, Bonzii utriusque scdæ, mendici, iique qui in navibus innumeris habitant.

Inter loca militaria Arces primi nominis, & ordinis, *Quan* dictæ, sunt 617. Arces secundi ordinis, *Gwei* dictæ 567. Arces tertii ordinis, *So* dictæ 311. Arces quarti ordinis, *Chin* dictæ 300. Arces quinti ordinis, *Pao* dictæ 150. Arces sexti ordinis, *Pu* dictæ 100. Arces septimi ordinis, *Chai* dictæ 300.

Numerantur itaque loca militaria 2357. præter Turres, & Castella ter mille, *Tai* dicta, intra, & extra famosum illum murum sita (quorum nomina in mapis Sinensibus recensentur.)

Murus Sinarum Imperium ab utrâque Tartariâ separans, & complectens *Leatum* cum tribus Provinciis *Pekim*, *Xanfi*, *Xenfi*, ab ortu in occasum ad 400. circiter leucas Lusitanas; juxta Martinum verò, ad trecenta milliaria Germanica (quorum 15. uni gradui respondent) rectâ protenditur. Si verò muri flexus, & monitum circuitus considerentur, completitur leucas fere 500. hujus altitudo 30. latitudo 12. & alibi 15. cubitorum est.

IN toto Sinarum Imperio Flumina navigabilia, & Lacus magis celebres, 1472.

Pontes celebriores, 331.

Montes præ aliis plurimis memorabiliores, 2099.

Turres, & Arcus triumphales, aliave id genus magnifica Ædificia, Regibus, virisque illustribus erecta, 1159.

Bibliothecæ celebres, & Libris instructissimæ, 272.

Gymnasia Sapientiæ, seu Academix Magistro Imperii *Confucio* erectæ totidem numerantur, quotquot Urbes sunt, & Civitates.

Baccalaureorum numerus (nam Studiosorum innumerabilis videtur) assurgit circiter ad capita 90000.

Avita Tempia, seu potius illustres aula majoribus suis aut bene-

meritis erectæ ad perpetuam Familix memoriam, 709.

Mausolea architecturâ suâ apud posteros commendata, 688.

Virtute, & Factis Heroicis illustres viri, libris, & metris celebrati, 3636.

Illustriores virtutibus Fœminæ, quæque ob constantiam, in tuendâ

virginitate, aut fide maritali passim deprædicantur, 208.

Præter 32. Regulorum Palatia, sunt sua singulis ubique Præfectis

assignata, pro cuiusque gradu, & dignitate Palatia. 32167.

Tempia vero Deo dedicata, præter Sacella, sunt circiter 240.

Christianorum numerus anno 1681. erat circiter 160000.

Idolorum Tempia præ reliquis magis frequentata ob magnificen-

tiam, aut conficta Idolorum miracula, 480.

In his aliisque Templis minoribus, & Deorum fanis, quorum numerus videtur incredibilis) habitant Bonzii diplomate Regio donati 350000.

Multò plures recensentur absque diplomate, qui mendicato vivunt.

In sola Regia Pexinensi sunt Bonzii Cælibes, 10668.

Bonzii uxorati, & diplomate Regio instructi, 5022.

Omnium utriusque sectæ Bonziorum, seu Sacrificulorum numerus passim creditur propè accedere ad 1000000.

De numero Mahometanorum, qui 700. ab hinc annis Sinam ingressi, sunt qui credunt millionem excedere.

De numero Pauperum Senum, & invalidorum, quibus olim sua assignabantur domicilia, & quæ ab omni ævo in singulis Urbibus, & Civitatibus, annonâ Regiæ aluntur, nildum licuit certi cognoscere.

A NNI à *Fo hi* primo gentis Conditore usque ad annum hujus sæculi 1683. inclusivè, computantur 4635.

Anni computati per 73. cyclos, quorum singuli annis 60. constant, sunt 4380.

* Familix Imperiales longioris durationis decem brevioris duodecim. Imperatores ab *Heamti* usque ad modernum *Cambi* imperantis per Monarchiæ Sinicæ annos 4380. continuati, 235.

His si addas duos gentis conditores, Reginas duas contra leges Regni intrusas, & Imperatores 14. qui (vel quod intrusi, vel quod annum regiminis non habuerint) à Scriptoribus excluduntur, erunt 255.

Præfecti Togati, seu qui Magistratu civili per triennium extra patriam Provinciam de more funguntur, & novem ordinibus suisque volucrum insignibus aliisque indicis distinguuntur, conficiunt numerum, 13647.

Singulorum nomina, patria, gradus Litterarius, uti & Præfectorum militarium, singulari libro (qui ex mobilibus litteris more Europæo componitur) singulis trimestribus ex aulâ per totum Imperium circumferuntur : similiter quotannis Kalendarium, nec non futuræ eclipse Solis & Lunæ, & quæcumque à *ſc* suprà mis aliisque Conciliis proposita, ab Imperatore decernuntur, & si quæ in Provinciis portenta & publicæ calamitates contingant, authenticè comprobata, & solâ aulâ, ad omnia Imperii loca per cursores determinatis temporibus disperguntur.

Præfecti militares, qui sex ordinibus suisque belluarum insignibus & vexillis discoloribus inrer se distinguuntur, numero sunt 18520.

Liber Sinensis *Kieu Fientu* dictus, id est, *Novem Confinium Mappa*, à Præfide supremi Tribunalis armorum, à 170. jam annis editus, & oblatu Imperatori cum 132. Mappis Cosmographicis majoribus, refert Sinensis Imperii intra & extra murum confinia contra Tartaros defendi, (excipiuntur thurmæ auxiliares) ad à præfidiariis militibus advolantes, 902054.

Equi præfatis militibus destinati, numerantur,

Stipendia Regia illorum militum præter triticum, aut milium & pabulum equorum tantum annuè, ascendunt ad aureos 389167.

Non hic agitur de numero Præfidiariorum militum, qui Provinciarum confinia, loca Maritima, Civitates, & Arces tuentur, quorum militum majora sunt stipendia, quam eorum, qui ad murum vigilant : nam quotannis pro 30. militum millibus, aureorum millionem cum dimidio, hoc est sex miliones florenorum Belgicorum assignari volunt, 2517357.

Tempore pacis, qui Præfectis noctu diuque assistunt milites, recensentur

Equi eisdem militibus destinati affirmantur esse

P. Alvarus semedo ad muri custodiam assignat milites dumtaxat, 767920.

Ad urbium verò & arcium præsidia (exceptis maritimis) milites 564900.

682882

594000.

EA, ex quibus Imperatori quotannis penditur vedigal (exceptis
iis, quæ ex teloniis proveniunt) sunt juxta P. Martinum.

Orizæ, tritici, milii sacci, 120. librarum singuli,	40155490
Serici laborati libræ, 20. unciarum singulæ, ex undecim Provinciis,	191530.
Serici non laborati libræ	409896.
Gossypii, & cannabis laborati, & non laborati libræ	293308.
Salis massæ, 124. librarum singulæ & septem Provinciis,	1994261.
Fasces straminis pro equis Regis, & septem Provinciis,	34418625.

Magalhanes ex memorato libro *U pien in*, sic scribit:

Quotannis in ærarium Imperatoris inferuntur è puro argento auri	27900000
Reditus item pro Imperatrice assignati sunt auri,	1813962.

Non hoc loco recensentur reditus pecuniarii, & proventus ex teloniis,
domibus, nemoribus, hortis Regis, bonis Fisco additis: &c. Marti-
nius scribit reditus Regios universim esse aureorum 150000000

Orizæ pro tributo pendendæ sacci, qui ex austro per celebrem aquæ ductum à
9. mille & amplius navigiis (quorum singula 500. saccis onusta) in solam aulam
devehuntur, excedunt numerum 4500000.

Orizæ tritici, milii, sacci	43328834	Salis panes 50. libr. sing.	1315937.
Minii purissimi libræ	258.	Sandaracæ libræ	94737.
Serici densioris panni,	1655432.	Serici rarioris panni	466270.
Serici crudi libræ	271093.	Gossypini panni,	396480.
Gossypii infecti libræ	464217.	E cannabæ telæ,	560280.
Fabarum sacci,	210470.	Straminis fasces,	21598583.

Hic numerus postremus sub belligero Tartaro duplo sæpè major est, quam sub Sinarum pacificâ
dominatione. Omitto hic ætæ credibilem in aulâ copiam quadrupedum altilium, &c. dicere suf-
ficiat singulis diebus aulæ Præfectis singulis, tam civicis quam militariibus (qui ad 5. circiter milia
numerantur) necnon Regi Sanguinis Principibus, pro cuiusque gradu, & dignitate præter sti-
pendium argenti, assignati ac distribui determinatam mensuram carniû, piscium, leguminum, &
coagulæ à fabis confecti, & per singulos menses salis, orizæ, ligni, carbonum & pabuli equini,
idque adeo accuratè, ordinatèque, ut videatur Imperator Patris instar Familias distribuens in
dies portionem suam filios inter & Domesticos suos. Non referantur hic, quæ domus ipsâ Regia
amplissima quotidie consumit. Eadem constanter servantur cum omnibus qui in aulam vocantur, &
quotquot ex aulâ Magistratûs sui sigillo aut alio negotio instructi, Regiâ auctoritate proficiuntur,
quorum singulis & singulorum constatu, de comætu & victu, aut, si malint, de argento acqui-
valente, de Hospitiis, & equis, aut, si per flumina iter instituunt, de navigiis Regis, & appara-
tu, quin & musicorum instrumentorum concentu ad oblectamentum, toto itinere (quod 5. & 6.
mensium sæpè est) providetur, donec ad locum officio suo destinatum pervenerint.

Hic autem præter Palatum & supellectilem, præsto sunt uloque, qui stipendius Regis merentur curiales, seu
Officiales majores & minores, Mentes, Excubitores, Tobelliones, ceterique ad pompam (quæ in Regia urbe
non est) & comitatus splendorem, quoties prodit in publicum: cuiusmodi sunt præcones & tympanisti, & qui
dignitates Præfecti autem trabalibus luteis erarant, nec non titulos, aliaque insignia præferunt: vestili ferri
leat, & Apratores cum suppliciorum instrumentis, alii qui sericas umbellas majores hastis suffragas erigunt,
qui Officij Sagillum Regium arcu aureo inclusum, velut rem faciem, humeris gestant, qui auratis fibulis
majores soleni aut ambres arceant, denique cum altero umbellifero, scilicet auratæ bajuli simili pilæ togæ-
que, elæge rubræ, induti 4. 6. aut 8. pluvie, pro cuiusque ordine & dignitate, quæque sellam & agnum
eiusdem famulorum aut equum turba: Eorum namque, qui Provinciarum sunt Prætores, Proreges, Quæ-
stiones, Judices, Præfides, necnon urbium Præfecti Primarii, & armorum Duces, apparatus triplo major est,
& splendidior, & his insuper assignati sunt sui tabernaculi, ac tibicines, qui ante Palati valvas in edictoriis utantur,
que adicula certis temporibus concensum musicum edant, quo etiam ante atrii fores tria cornuina bellica,
aut salientibus collocati, qui exonerantur, quoties Præfectus pro Tribunali soleni publicam dat, aut terminat
audientiam, quoties Palatio egreditur, & ingreditur, quoties magnam excepti hospitum & abeuntem deducit, aut
curiosam cum luteis ad aulam expedit, & Imperatorem: hic item soleni natalis sui, & primis Kalendis
cuiusque Lunæ, quando Præfecti reliqui, necnon jam emeriti, & litterarum ordinis Doctores & Licentiani,
ante Thronum & nonnisi Imperatoris aures interscipientes luteis, præcones magistro rituum, in genua prostrati
& capite novies in terram inclinato venerabundi, tanquam præfenti Principi (ut in aulâ fit.) appropin-
quant uniuersum myriades

Quanta igitur per singulos dies toto Imperio vis pulveris nitrici assumatur, quam item quotannis annuam
pro ea curialium multitudinis impendantur, ejusmodi relinquatur, qui consideraverit, in Sina nunciant Urbes
& Oppida, tam Civica, quam militaria 4404. Præfidos vtrò omnium ordinum 12167.

Extrait du Privilege du Roy.

LE Roy par ses Lettres Patentes données à Paris le 18. jour de Fevrier 1663. signées, Par le Roy en son Conseil, JUSTEL, & sceillées du grand sceau de cire jaune; a permis à Girard Garnier de faire imprimer, vendre & debiter en tous les lieux de l'obeissance de Sa Majesté, un Recueil de diverses Relations de Voyages curieux, qui n'ont point esté publiées, ou qui ont esté traduites d'Harcourt, de Purchas, & d'autres Voyageurs Anglois, Hollandois, Portugais, Allemands, Espagnols, & de quelques Persans, Arabes, & autres Auteurs Orientaux: Enrichies de figures de Plantes non décrites, d'Animaux qui n'ont point esté veus, & de Cartes Geographiques de Pais dont on n'a point encore donné de Carres, & ce conjointement ou separément, en un ou plusieurs volumes, en telles marges & caracteres, & autant de fois que bon luy semblera, durant l'espace de dix ans, à compter du jour que chaque volume sera achevé d'imprimer pour la premiere fois; Faisant Sa Majesté tres-expresses deffenses à toutes personnes de quelque qualité qu'elles soient, d'en rien imprimer, vendre, ny distribuer, ny aucune carte ny figure, sous aucun pretexte que ce soit, sans le consentement dudit Garnier, ou de ceux qui auront son droit, à peine de confiscation des exemplaires contrefaits, des caracteres, presses, & instrumens qui auront servy aux dites impressions contrefaites, de tous dépens, dommages & interets, & de trois mille livres d'amande; A condition de fournir quarre Exemplaires dudit livre, selon qu'il est porté par lesdites Lettres, à l'Extrait desquelles, mis au commencement ou à la fin de chaque volume, & aux copies collationnées par un Conseiller & Secrétaire de Sa Majesté, Elle veut que foy y soit adjoutée comme à l'Original, nonobstant oppositions ou appellations quelconques, Clameur de Haro, Charte Normande, & toutes autres Lettres à ce contraires, comme le contient plus amplement ledit Privilege.

Registré dans le Livre de la Communauté des Imprimeurs & Libraires le 23. Avril 1663. DU BRAY, Syndic.

Achévé d'imprimer pour la premiere fois le 28. May 1687.

Ledit sieur Garnier a cédé son droit de Privilege pour le Confucius seulement, à Daniel Horthemels Marchand Libraire à Paris, pour en jouir suivans l'accord fait entre eux.

PARISIIS,
Ex Typographia Andreæ Cramoisy Parisiensis Typographi:

M. DC. LXXXVII.

Adl

165h44h

